



10
5-0

33



Ex Bibliotheca
majori Coll. Rom.
Societ. Jesu

62-34

62

D

~~10-5-0 33~~

M
206

11

ASCETICON

SIVE

ORIGINUM REI MONASTICÆ LIBRI DECEM.

Auctore ANTONIO DADINO ALTESERRA;
U. J. Professore, & Decano Universitatis
Tolosana.



P A R I S I I S,
Apud LUDOVICUM BILLAINE, in Palatio Regio:

M. DC. LXXIV.
CUM PRIVILEGIO REGIS.

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY
1215 EAST 58TH STREET
CHICAGO, ILL. 60637
TEL: 773-936-3000
FAX: 773-936-3000





ILLUSTRISSIMO VIRO D.
GUILLELMO
DE LAMOIGNON,
SENATUS PRINCIPI.



NON *alienum est*, PRINCEPS
SENATYS ILLUSTRIS-
SIME, *rei Monastica opus*
tibi inscribi. Principatus quem tenes ;
non praefectura & secularis militia apud
te est , sed magis sacerdotium & asce-
ticum institutum. Laudamus & mira-
mur Sacerdotes & Monachos , qui jugi-
a ij

EPISTOLA.

*bus officiis intenti caelestem vitam ducunt
in terris. quanto mirabilius Magistratum
in foro Sacerdotem implere, in strepitu
rerum forensium a Dei conspectu non re-
cedere, inter turbas & querelas litium li-
bero cælo perfrui. Nam si quid indulges
amicorum & literatorum conversationi,
jucundior non est tibi sermo quam de Deo
& rebus piis. Inter hæc, SENATUS
PRINCEPS ILLUSTRISIME, nihil de
Reipublica studiis omittis, Regi reddis
quod suum est, quæ sunt Dei Deo. Mosis
exemplo perpetuus apud Principem pro
populo intercessor existis, & salvo regia
Majestatis obsequio, plebis solatio quasi
Tutor fidelis, & Parens bonus, amanter*

EPISTOLA.

*& considerate consulis. Inter bellicos
tumultus & regios triumphos auditur
vox orantis Commodum Publicum; &
Principi placet sinceri prudentisque
affectus officium. Celebris fama de his
universam Galliam personat. Hac ego
qua mletus & exiliens audio: ac ne po-
pulari latitie desim, hoc studii & ob-
sequii in te mei monumentum dico &
addico,*

CELSITUDINI TUÆ

*Tolose 27. Martii .
1673.*

Obsequentissimus & devotissimus
ANT. DADINUS ALTESERRA,
U. J. Professor, & Decanus
Universitatis Tolosanæ.

INDEX CAPITUM.

LIBER PRIMUS.

PREFATIO.

p. i

CAP. I. **M**ONASTICES

atas a temporibus Diocletianæ aut Decianæ persecutionis. 3

CAP. II. *Monastices initia in Ægypto : inde ejus transitus in Syriam & Palestinam.* 6

CAP. III. *Incrementa Monachismi per totum orbem terrarum. Monachi per Basilium ex eremo evocati, ut opponerentur Arianis.* 9

CAP. IV. *Processus Monachismi in Gallia, Anglia, Hispania & Germania. Cur serius in Occidente Monastice profecit.* 14

CAP. V. *Monachorum*

nomen quando notum. Monachi unde dicti. Monachorum varia nomina : ἀσκηται, Nonni, Sancti. 17

CAP. VI. *Duo præcipua genera Monachorum, Anachoreta & Cænobita. In Ægypto tertium genus Monachorum, quod Remoboth dicunt vel Sarabaitas. Quid distent Anachoreta ab Eremitis.* 19

CAP. VII. *Varia genera Eremitarum, μεμοληται, ἐκλήται, inclusi, ἀνοήκτοι.* 24

CAP. VIII. *Eremitarum & Cænobitarum comparatio. A Cænobitis quid distent Synodita.* 29

INDEX CAPITUM.

- CAP. IX.** *Monachismi.* **CAP. XIII.** *Varii Ordines militares instituti.*
propagatio in Oriente per 55
Basilium, in Occidente
per Benedictum. Studium
Romanorum Pontificum
laudatur in construendis
monasteriis, etiam Mo-
nachis Græcis. 33
- CAP. X.** *Agnatio vario-*
rum Ordinum, Camal-
dulensium, Grandimon-
tensium, Cartusianorum,
Cisterciensium. Cister-
cienes albo colore distin-
cti a Benedictinis. Cister-
ciensibus aggregantur va-
ria monasteria Benedicti-
na. Propagatio Cister-
ciensium. 39
- CAP. XI.** *Quadrige Or-*
dinum Mendicantium.
Fratres Prædicatorum,
Fratres Minores, Car-
melita, Augustiniani. 45
- CAP. XII.** *Origo, pro-*
pagatio, & restitutio Ca-
nonicorum Regularium.
 48
- CAP. XIV.** *Lapsus Mo-*
nachismi, ac ejusdem va-
ria cause & remedia. 58
- CAP. XV.** *Varia mona-*
steriorum reformationes
per tempora. An inviti
compellendi sint ad refor-
mationem. 66
- CAP. XVI.** *Monasteria*
debent reformari in suo
Ordine, si fieri possit.
Translatio monasterio-
rum de uno Ordine ad
alium. 72
- CAP. XVII.** *Monaste-*
ria reformanda in suo Or-
dine. Sacularisatio mo-
nasteriorum. 76
- CAP. XVIII.** *Monachi*
exeremo acciti ab Episco-
pis. Approbatio religio-
num quando petita a Sum-
mo Pontifice. 78



INDEX

LIBER SECUNDUS.

- CAP. I. **A**BBAS, Ἀρχιεπί-
 -tus, Pater, nomen com-
 -mune Prefectis monaste-
 -rii & Canonie regula-
 -ris. 81
- CAP. II. *Ætas, qualitas,*
ordo Abbatum. 83
- CAP. III. *Officium & po-*
testas Abbatum. 85
- CAP. IV. *Officium & po-*
testas Abbatis. Ejus jurif-
dictio in Monachos. 88
- CAP. V. *Jurisdicctio Epi-*
scopi in Monachos. 91
- CAP. VI. *Abbates Com-*
 mendatarii. Origo & a-
busus Commendarum. 94
- CAP. VII. *Abbates laici.*
 97
- CAP. VIII. *Prior Con-*
ventualis, ἡγουμενος. 101
- CAP. IX. *Prior Claustra-*
lis, ejus officium & pote-
stas. Decanus, ejus offi-
cium. 103
- CAP. X. *Magister Novi-*
tiorum, ejus officium &
potestas. 107
- CAP. XI. *Ἐξαρχοι Mona-*
chorum, Provinciales &
Generales Ordinum. 109
- CAP. XII. *Abbatissa &*
Præposita seu Priorissa,
utriusque officium. 112
- CAP. XIII. *Vicarii seu*
Rectores Monialium: ii-
dem dicti Patres spiritua-
les vel Patriarchæ. Ea-
rumdem Confessarii ordi-
narii. 114
- CAP. XIV. *Electio Ab-*
batis penes Monachos.
Abbas eligendus de gre-
mio, si fieri posset. Con-
firmatio Abbatis electi ad
quem pertineat. 115
- CAP. XV. *Benedictio Ab-*
batum. Effectus hujusmo-
di benedictionis. 120
- CAP. XVI. *Renunciatio*
& depositio Abbatum.
Formula depositionis. 123
- CAP. XVII. *Advocati*
monasteriorum, & co-
rum officium. 126

LIBER



CAPITUM.

LIBER TERTIUS.

CAP. I. **V**ARIÆ ap-
pellationes

Monachorum : ἀσκηταί,
νούχασται, ικεταί, θεογεν-
ταί, ἐλεγάδιον μέντοι, *Sancti*,
Nonni, *Fratres*, *Servi*
Dei, *Religiosi*. 133

CAP. II. *Sacra Virgines*
ab Apostolis. Earum va-
riæ appellationes. *Non-
na*, *Ascetria*, *Castimo-
niales*, *Sanctimoniales*,
Velata, *Domina*, *So-
rores*, *Ancilla Dei*. *Vir-
go Deipara* unde *Alma*
dicta. 140

CAP. III. *Sacrarum vir-
ginum* varia genera. *Re-
cluse*, *Canonica*, *Can-
onica* *seculares*, *Virgines*
privatae, *Viduae velatae*.
144

CAP. IV. *Pseudovirgines*
& *Pseudomonachi* *hare-
ticorum*. 148

CAP. V. *Conversi*, *Fra-
tres laici* : eorum origo &

munia. *Oblati* seu *Donati* :
eorum institutum ap-
probatum ab *Urbano II*.

150

CAP. VI. *Conjugati* *Con-
versi*. 154

CAP. VII. *Confratres*
Monachorum. *Ius fra-
ternitatis*. 155

CAP. VIII. *Monachi*
primis seculis extra *Cle-
rum*, a *Syricio* allekti ad
Clerum. 157

CAP. IX. *Monachi* *pri-
mis seculis* imperiti *litter-
rarum*, postea *eruditissi-
mi*. *Scriptores in monaste-
riis* : inde *copia librorum*.
160

CAP. X. De *Monachis*
varia *judicia* *pagānorum*
& *Judaorum*. *Heretici*
inensi Monachis. 163

CAP. XI. *Monachi* *ab*
initio *viles* & *contempti*.
Julianus *Parabutes* *hostis*
Monachorum. Ne ii ex-

INDEX

<u>heredentur, Constitutio-</u>	<u>res.</u>	<u>168</u>
<u>ne vetitum.</u>		
CAP. XII. <u>Varia perfe-</u>	CAP. XIII. <u>Persecutio</u>	
<u>cutiones in Monachos.</u>	<u>in Monachos ab Episto-</u>	
<u>Monachi ad militiam co-</u>	<u>pis. Notatur durities Epi-</u>	
<u>acti. Constitutio Valentis</u>	<u>scoporum.</u>	<u>172</u>
<u>de Monachis revocandis</u>	CAP. XIV. <u>Monachi in-</u>	
<u>ad munera municipalia.</u>	<u>festi Episcopis. Ne Epi-</u>	
<u>Persecutio in Fratres</u>	<u>scopi accusentur a Mona-</u>	
<u>Prædicatores & Mino-</u>	<u>chis.</u>	<u>174</u>

LIBER QUARTUS.

CAP. I. P OSTULAN-	<u>recipiantur, quam res</u>	
T IUM voca-	<u>monasterii ferre possunt.</u>	
<u>tio probanda antequam</u>	<u>190</u>	
<u>admittantur. Eis legatur</u>	CAP. VI. <u>Professionis so-</u>	
<u>regula.</u>	<u>lemnia. Alia expressa,</u>	
	<u>alia tacita.</u>	<u>191</u>
CAP. II. <u>Quinam recipien-</u>	CAP. VII. <u>De Professio-</u>	
<u>di in monasterium.</u>	<u>ne singularia quadam.</u>	
	<u>Professio repetita.</u>	<u>195</u>
CAP. III. <u>Professionis re-</u>	CAP. VIII. <u>Merita &</u>	
<u>gularis tempus.</u>	<u>effectus Professionis regu-</u>	
	<u>laris.</u>	<u>200</u>
CAP. IV. <u>Novitii dicti</u>	CAP. IX. <u>Monachum fa-</u>	
<u>Pulsantes, Incipientes,</u>	<u>cit aut propria Professio,</u>	
<u>δεχόμενοι, ἐκπύομενοι. An</u>	<u>aut paterna devotio seu</u>	
<u>pro religiosis habeantur.</u>	<u>oblatio. Ritus oblationis</u>	
	<u>liberorum manu involuta</u>	
<u>188</u>		
CAP. V. <u>Ne quid exiga-</u>		
<u>tur pro ingressu monaste-</u>		
<u>rii. Ne plures Monachi</u>		

CAPITUM.

- palla altaris. 206
 CAP. X. Consecratio Vir-
 ginum. 208
 CAP. XI. In Professione
 tria vota sollemnia, obe-
 dientiæ, paupertatis, ca-
 stitatis : his adde quar-
 tum, stabilitatis. 211
 CAP. XII. Votum pau-
 pertatis, unum e tribus
 votis religionis. 214
 CAP. XIII. Votum casti-
 tatis, unum e tribus votis
 regularibus. 218
 CAP. XIV. Votum sta-
 bilitatis quartum votum
 Benedictinorum. Arguun-
 tur Monachi vagi &
 nundinatores reliquia-
 rum. 222
 CAP. XV. Apostasia vi-
 tium. Ejusdem pænæ.
 225
 CAP. XVI. An Summo
 Pontifici liceat dispensare
 contra votum sollemne re-
 ligionis. 230
 CAP. XVII. Damnan-
 tur qui liberos vel alios @
 religione auerunt. 231

LIBER QUINTUS.

- CAP. I. **C**OMMUNIS
 Vita Mona-
 chorum utriusque sexus.
 233
 CAP. II. Vita communis
 pars melior communis ora-
 tio & psalmodia. Duplex
 officium, matutinum &
 vespertinum. Ritus Mo-
 nachorum orandi & psal-
 lendi. Perpetuum officium.
 236
 CAP. III. Oratio ad calcu-
 lum, oratio mentalis, o-
 lim apud Monachos in
 vsu. 245
 CAP. IV. Orationis comes
 lectio sacrorum librorum
 Lectionis delectus. 246
 CAP. V. Collationum vsus
 Monachos inter. 248
 CAP. VI. Sacra communio-
 nis vsus apud Monachos
 varius pro tempore. 249

INDEX

- CAP. VII. *Manuum opus Monachorum, ejusdem ratio: modus operis, varia species operis.* 252
- CAP. VIII. *An Monachis manibus operandum esset, disputatum.* 258
- CAP. IX. *In Occidente an Monachi manibus operati sint.* 259
- CAP. X. *Schola in monasteriis: schola interiores & exteriores.* 263
- CAP. XI. *Vita Monachorum asperitas: panis paximatus: modus panis & vini: tempus refectionis hora vespertina vel nona.* 267
- CAP. XII. *Cibum praedit & sequitur oratio apud Monachos: refectionis comes lectio sacrorum librorum.* 275
- CAP. XIII. *Jejunium Monachorum usque ad solis occasum.* 277
- CAP. XIV. *Monachis unum dormitorium, xenia. Matta, mattula, stratum e junco, Gracis* *ματῶν. Somni tempus.* 281
- CAP. XV. *Meridiatio & alia relaxationes Monachorum.* 285
- CAP. XVI. *Balnearum & medicina usus an probetur in Monachis.* 287
- CAP. XVII. *Vestis Novitiorum & Monachorum distincta: vestes varia Monachorum, colobium, cuculla, melote, maforte, analabus, pallium, floccus.* 289
- CAP. XVIII. *Monachi alii nudipedes, alii sandaliis vsi. Evectio Monachorum in mulis & asinis.* 298
- CAP. XIX. *Benedictini Monachi nigri: Cistercienses albat, tum grisei.* 300
- CAP. XX. *Ne Monachi vestem deponant. Monachi Episcopi facti vestem non mutant.* 302
- CAP. XXI. *Monachi alii comati, alii rasi, alii tonsi in modum coronae.* 305

CAPITUM.

- CAP. XXII. *Monachorum mors in cinere & cilio : eorumdem funus & sepultura in Capitulo.* 307.

LIBER SEXTUS.

- CAP. I. **V**ARIÆ regula monasteriorum. Regulam Benedicti fere secuta sunt omnia monasteria Occidentis. Regula frequens lectio in Capitulo. 311
- CAP. II. *Primis sæculis Monachi erant in potestate Episcopi. Abbatis iurisdictio in Monachos.* 320
- CAP. III. *Varia pœnæ regulares, abstentio a communione mensæ & orationis, jejunium, μετῴρεια, prostratio, regradatio, excommunicatio, coercitio virgarum & alaparum, custodia.* 322
- CAP. IV. *Correctio fratrum in Capitulo. Lectio regulæ in Capitulo.* 327
- CAP. V. *Capitulum generale Cisterciensium quotannis. In aliis Ordinibus*
- receptum ex Concilio generali Lateranensi triennio quoque.* 329
- CAP. VI. *Visitatio monasteriorum disciplinæ vinculum.* 331
- CAP. VII. *Solitudo Monachorum, & ejus utilitas. Monachis fugienda consuetudo secularium, maxime mulierum: Sanctimonialibus etiam medicorum.* 333
- CAP. VIII. *Ne mulieres ingrediantur septa monasterii. Laici non ingrediantur claustrum sine duce & cuculla.* 336
- CAP. IX. *Clausura Sanctimonialium restituta.* 338
- CAP. X. *Ut Monachi bini procedant* 340
- CAP. XI. *Monasteria duplicia vetita.* 342

INDEX

- CAP. XII. *Observatio silentii, disciplina prior gradus.* 343
- CAP. XIII. *Cilicium interior tunica Monachorum. Notantur qui exteriorem gestabant.* 346
- CAP. XIV. *Monachi catenis ferreis vincti.* 348
- CAP. XV. *Usus disciplinarum notus antiquis Patribus, restitutus a Petro Damiani. Disciplina vapulatio in Capitulo.* 350
- CAP. XVI. *Humilitatis studium commendatur in Monachis, μετῴκη, prostratio, oscula pedum hospitum adventantium, sessio humi.* 353
- CAP. XVII. *Monachorum reverentia & obsequium erga Episcopos & Presbyteros.* 356

LIBER SEPTIMUS.

- CAP. I. **V**ARIE appellationes Monachorum, Philosophi christiani, angeli, martyres, ἡσυχασταί, Nonni, Patres, ἡσυχασταί, Monachi sancti, Canonici, religiosi. Eremitus arx Ecclesie, scala Paradisi. 359
- CAP. II. *Primis sæculis Monachi erant extra Clerum. Constitutione Syricii hi in Clerum admissi. Cur Monachis im-*
- peratum mulieres & Episcopos fugere.* 363
- CAP. III. *In Monachis ordinandis notabilia quædam.* 367
- CAP. IV. *E Monachis millia Episcoporum. Judicium Chrysostomi de Episcopis e Monachis promotis.* 370
- CAP. V. *Monachi ab initio viles & contempti. In Monachis genus non spectandum. Monachi genere clariores.* 37

CAPITULUM.

CAP. V. *Monachi ex Episcopis. Seniorum e cœnobiiis secessus in eremum. Laicorum secessus.* 378

CAP. VII. *Gratia curationum, & Clerum exorcizandi datur Monachis.* 380

CAP. VIII. *Monachorum iudicium spectatum in rebus fidei & Ecclesie. Principum, Episcoporum & plebis cultus erga Monachos.* 382

CAP. IX. *Reverentia Monachorum inter se. Ordo Monachorum spectatur a die Professionis. Ordinum regularium gradus.* 385

CAP. X. *Monachi gaudent privilegiis. Clericorum. Monachi exempti a iurisdictione Episcopi, a decimis laborum suorum. Excusantur a tutelis & curationibus: immunes a vectigalibus.* 387

CAP. XI. *An monasteria exempta sint a lege diœce-*

sana. Explicatur canone 3. Concilii Ilerdensis. 392

CAP. XII. *Origo & causa exemptionum, earum vis & effectus. Romanus Pontifex ordinarius exemptorum. Exemptionum clades: Exemptionibus modus impositus.* 395

CAP. XIII. *Monasteria sunt in munde burde regio. Horum causa pertinent ad curiam Principis.* 401

CAP. XIV. *Abbatres & Magistri. Abbatum iura Episcopalia. Abbatum varia privilegia.* 403

CAP. XV. *Abbatum insignia Episcopalia: his modus adhibitus a Clemente IV. Abbatum sigillum authenticum.* 407

CAP. XVI. *Quando Abbates vocati ad Concilia generalia.* 409

CAP. XVII. *Officiales temporales, stipatus Abbatum.* 411



LIBER OCTAVUS.

- CAP. I. **U**TILITAS *Monachorum. Monachi everfores paganismi, defensores fidei Catholica.* 413
- CAP. II. *Monachorum preces publica. Eorum consilio vti Imperatores. Monachi defensores & adjuutores Episcoporum.* 416
- CAP. III. *Monachi intercessores pro reis, & pro plebe. Intercessiones Ecclesiastica.* 419
- CAP. IV. *Monachi possunt curam animarum exercere, ex dispensatione Apostolica. Habent jus prædicandi, & pænitentias ministrandi, de licentia ordinarii.* 421
- CAP. V. *Scholæ in Monasteriis. Scholæ exteriores, interiores.* 423
- CAP. VI. *Baptizandi vel ordinandi instituti in monasteriis.* 425
- CAP. VII. *Monachi defensores Romanorum Pontificum in schismate.* 427
- CAP. VIII. *Pia instituta monastica suscepta ab Ecclesia. Monachi utiles Reipublica.* 429
- CAP. IX. *Monachi scriptis illustant Ecclesiam. Historia scriptores.* 430
- CAP. X. *Monachi colunt hospitalitatem. Ritus suscipiendi hospites. In adventu hospitem solvebatur jejuniū. Hospitalitati modus imponendus.* 436
- CAP. XI. *Societas cum fratribus. Societas inter monasteria & Ecclesias.* 442
- CAP. XII. *Monasteria loca pænitentiae. Detrusio in monasterium pænæ causa. Episcopi & Presbyteri depositi traditi monasterio*

CAPITUM:

- nafterio folatii causa. 446*
 CAP. XIII. *Mulieres re-*
cluse in monasterium pœ-
nitentiae causa. μετανοια.
 CAP. XIV. *Militia mu-*
nus Regi praestatur ab
Abbatibus. 450

LIBER . NONUS.

- CAP. I. **C**ELLE, *monasteria.*
Horum varia appellatio-
nes, cœnobîa, Περνιτή-
εια, mandra, μοναστή-
ρια, δονητεια. Laura
quid distent a monasteriis.
μοναί, casa Dei. Mona-
sterium vox communis
habitaculis Monacho-
rum, & Canonicorum
regularium. 452
 CAP. II. *Monasteria non*
debent construi sine aucto-
ritate Episcopi: etiam de-
sideratur auctoritas ponti-
ficia & regia. 456
 CAP. III. *Ne monasteria*
construantur sine dote ido-
nea. Doti Ecclesiarum &
monasteriorum consultum.
458
 CAP. IV. *Jura patroni*
seu fundatoris monasterii.
459
 CAP. V. *Episcopi fere sin-*
guli habuere suum mo-
nasterium. Zelus Episco-
porum in construendis
monasteriis. Romanorum
Pontificum, Regum &
privatorum in eadem re
Zelus laudatur. 460
 CAP. VI. *Situs monaste-*
riorum in montibus &
insulis qualis eligendus,
ex regulis Joannis Chry-
sostomi & Benedicti. In-
sana aedificia Monachis
prohibentur. 463
 CAP. VII. *Officina &*
partes monasteriorum,
Oratorium, Claustrum,
Capitulum. 466
 CAP. VIII. *Aliæ officinae*
monasteriorum: Refecto-

INDEX

- rium, Dormitorium, Cellarium, Coquina, Vestiarium. Cellerarii, Camerarii officium. 469
- CAP. IX. *Aliæ officinæ monasteriorum: Valetudinarium seu Infirmarium. Infirmarii officium. Auditorium seu Locutorium, Lavatorium seu Balneum, Cella hospitum. Hospitalarius. Cellarium seu Custodia, Armarium, id est, Bibliotheca.* 474
- CAP. X. *Officiales monasteriorum, Cellerarius, Camerarius, Hospitalarius, Infirmarius, Oeconomus seu Procurator monasterii, Hebdomadarius.* 477
- CAP. XI. *Cellæ seu Prioratus. Obedientiæ ad tempus dari solitæ ad nutum Abbatis. Præstant censum majori monasterio. μεταχρον. Cellæ extra monasterium synagoga diaboli.* 481

LIBER DECIMUS.

- CAP. I. **S**TIPES fide-
lium in Monachos, quas Diaconiam vocabant. Monasteria accipiunt annonas e fisco. Possessione prædiorum interdictum Monachis. Portiones fratrum ἀδελφάτα. Præbendæ fratrum. Præbendæ Monachis concessæ in Ecclesiis secularibus. 485
- CAP. II. *Distinctio beneficiorum secularium & regularium. Status beneficiorum præscribitur quadraginta annis. Regularia regularibus, secularia secularibus. Beneficia regularia ad tempus. Monachi possunt eligi in Episcopos.* 488
- CAP. III. *Collatio portionum & beneficiorum re-*

CAPITUM.

- gularium pertinet ad Abbatem. In his fit devolutio.* 490
- CAP. IV. Beneficia regularia alia sunt majora, ut Abbatia, Prioratus conventualis & claustralis: alia minora, ut Prioratus extra claustrum, seu Obedientia. 492
- CAP. V. Inter beneficia regularia censentur Præceptorie seu Commende Ordinis sancti Joannis Hierosolymitani: hæ sunt ad vitam. Harum collatio pertinet ad Magistrum Ordinis. In his non fit devolutio. 493
- CAP. VI. Peculium Monachorum acquiritur monasterio vel Abbati. Vitiium peculiaritatis, jus spoli. 494
- CAP. VII. Pradia Monachorum grangia. Ecclesie parochiales & decimæ tributa Monachis. Harum regimen penes Vicarium perpetuum. Redemptio altarium. 496
- CAP. VIII. Monachi dotati latifundiis. His interdictum Monachis, Constitutione Manuclis Comneni. 497
- CAP. IX. In monasteriis Prabenda adscripta etiam fidelibus laicis egentibus, vel Episcopis sedibus suis pulsus, fundatoribus vel beneficiis, quæ Græcis ἀσθενία. In Gallia juris regii est militem veteranum imponere singulis monasteriis, quem vocant Oblatum. 499



S U M M A P R I V I L E G I I
R E G I S C H R I S T I A N I S S I M I.

C A U T U M est auctoritate Regis, ne quis in
ius regno, aliisve locis ejus ditioni subje-
ctis, intra annos decem a die publicationis exem-
plarium numerandos, librum, qui sic inscribitur:
Asceticarum, sive Originum rei Monastica Libri decem,
absque ANTONII DADINI ALTESERRE,
U. J. Professoris, & Decani Universitatis Tolosa-
næ, permissu excudat, aut vendat: qui secus fece-
rit, multa ei indicta, prout amplius in ipso di-
plomate regio continetur, dato Versaliis, die 15.
mensis Decembris anni 1674. & signato de man-
dato Regis, DE HAUDSENS.

Prima editio absoluta fuit die 6. Septembris anni 1674.

ASCETI-



ASCETICON

SIVE

ORIGINUM REI MONASTICÆ

LIBER PRIMUS.

P R Æ F A T I O.



AM olim miratus singularem Dei providentiam in disponendis variis ordinibus Ecclesiæ, & instituendis Monachis in opem & subsidium Ecclesiæ; & memoria sæpius recolens, quibus & quam parvis initiis Monachi ex Ægypti finibus in univèrsum orbem sese effuderint, & ex eremo transierint in vrbes & oppida, & provincias univèrsas occuparint, ita ut eremus videretur sese commiscuisse Ecclesiæ; mirabilem abstinèntiam, & cætèras virtutes Monachorum cogitans, quæ tantæ erant, ut in carne angeli viderentur: delectatus etiam lectiõne Patrum tum

A

Græcorum, cum Latinorum, maxime Hieronymi; Theodoriti, Palladii, Ruffini, Severi Sulpitii, Gregorii M. Jo. Moschi, & aliorum, qui de vitis Ascetarum eleganter & summa fide scripsere; allectus etiam crebris hac de re sermonibus reverendi Patris & avunculi mei Nicolai Albaspinæ, viri piissimi & eruditissimi, Ordinis D. Francisci, & Exprovincialis provinciæ Tolosanæ, quem maximo studiorum damno infelici & immaturo funere raptum fere adolescens amisi; consilium cepi, quod nunc adjuvante Domino aggredior, Ascetica seu Origines rei monasticæ tradere: ad hæc invitatus quoque desiderio & hortatu amicorum & familiarium, qui hoc operis a Professore vtriusque Juris non alienum duxere, cum Jurisprudentia sit, Juris divini & humani scientia, & quod pertinet ad Regulares sit pulcherrima pars Juris canonici. Tu, Lector, propositum grato & benevolo animo suscipe, & si juvat, ora pro auctore, ut hoc opus ei profit ad salutem & veniam peccatorum, simulque ad laudem & emolumentum Monasticæ.



haberent, & omnia cum fratribus communia ducerent, restituisse. De cætero enim Monachorum nomen & institutum ignotum fuit longo post Apostolos tempore. Et quod etiam Philo de vita contemplativa scriptum reliquit, de quibusdam viris Ægyptiis, qui vitam colebant fere similem ei, qua vtuntur Monachi, per quos & Monachos depingi voluit Eusebius lib. 2. cap. 12. pertinet tantum ad Christianos, quorum nomen forte dissimulavit Philo, ne homo Judæus videretur probare Christianam religionem, & in se excitaret invidiam & insidias Judæorum, quibus nomen Christi & ejus cultorum sciebat exosum. Nec modo ab Apostolis, sed etiam e veteri Testamento, nimirum ab Elia, Elizeo, Rechabitis, Nazareis & Joanne Baptista stemma suum repetere nituntur, eodem fere ingenio, quo sæculares, dum se commendant de antiquitate generis. Nec carent auctoribus, quos inter Hieronymus ad Paulinum: *Nos autem habemus propositi nostri principes Paulos & Antonios, Julianos, Hilarionem, Macarios; & ut ad Scripturarum auctoritatem redeam, noster princeps Helias, noster Heliseus, nostri duces filii Prophetarum, qui habitabant in agris & solitudinibus, & faciebant sibi tabernacula prope fluentia Jordanis.* Et idem ad Rusticum Monachum: *Filii Prophetarum quos Monachos in veteri Testamento legimus, edificabant sibi casulas propter fluentia Jordanis, & turbis urbium derelictis, polenta & herbis agrestibus victitabant.* Et Isidorus de ecclesiasticis officiis lib. 2. cap. 15. *Quantum enim pertinet ad auctoritatem veterum Scripturarum, hujus princeps Elias, & discipulus ejus Elizeus fuerunt, sive alii Propheta, qui habitabant in solitudine, urbibusque relictis faciebant sibi casulas prope fluentia Jordanis. Hujus etiam propositi in Evangelio Joannes Baptista extitit, qui eremum solus incubuit, locusta tantum & agresti melle nutritus.* Sed hæc omnia fuerunt tantum simulacra vitæ monasticæ, nec Monachi Christiani possunt laudare auctores homines veteris Testamenti, quod lege evangelicæ omnino evacuatum est. Et satis est; si admittamus eos adumbrassem figuram Monachorum, quorum longe perfectius fuit propositum solemnitate & religione voti. Nec Monachorum origo altius repetenda est quam a temporibus Diocletianæ aut Decianæ persecutionis, quæ omnium quæ antecesserant,

eruentissimæ fuere. Per hæc tempora grassante furore persecutionis per vniversum orbem Romanum, infinitus prope numerus fidelium, metu tormentorum, & diffidentia virium suarum secessit in solitudinem, maxime in Ægypto. Tum Paulus Ægyptius secutus consilium evangelicum: *Si vos persecuti fuerint in una civitate, fugite in aliam*, Matth. 10. recessit in vastam solitudinem, & adjuvante Domino, necessitatem vertit in consilium, & suo exemplo Eremitarum & Monachorum institutum stabilivit. Hieronymus in vita ipsius Pauli init. *Inter multos sæpe dubitatum est, a quo potissimum Monachorum eremus habitari cæpta sit. Quidam enim alius repetentes, a beato Elia & Joanne sumpsere principium, quorum & Elias plus nobis videtur fuisse quam Monachus, & Joannes ante prophetare cæpisse, quam natus: alii autem, in quam opinionem vulgus omne consentit, asserunt Antonium hujus propositi fuisse caput, quod ex parte verum est. non enim tam ipse ante omnes fuit, quam ab eo omnium incitata sunt studia. Paulus patria Ægyptius sub Decio & Valeriano fugiendæ persecutionis causa secessit in eremum: dum persecutionis finem præstolaretur, necessitatem in voluntatem vertit. Et Joannes Chrysostomus in Acta Apostolorum homilia 24. ὅτι καὶ τὸν διαγωγὴν τὸν παλαιὸν ὡς ἰδίῳ ὄντιος χριστιανὸς ἀνδρὶς, οἱ μὲν ἐν μνήμασι καὶ τάφοις, οἱ δὲ ἐν ἐρημίᾳς ἐκρύπτοντο. In persecutione antiqua licebat videre veros Christianos: alii quidem in sepulcris & monumentis, alii vero in solitudinibus latebant. Et Sozomenus libri 1. cap. 13. ἄλλοι δὲ φασὶν αἰτίαν ταύτην εἶναι, τὸς καὶ κατὰ τὴν θρησκείαν συμβαῖντας διωγμούς. Memorant porro alii persecutionum procellas, quibus religio Christiana variis jactabatur temporibus, homines ad hoc vitæ genus suscipiendum impulsisse. Inde receptis animis, ex eremo prodire Monachi ad lauream martyrii. Per ipsum tempus Diocletianæ persecutionis martyrium passus memoratur Petrus ἀγῶνις, seu Monachus Ægyptius, Euseb. lib. 8. cap. 20. Dionysium qui sub Decio martyrium pertulit, Monachum fuisse fertur ex Damaso; sed ejus auctoritas facile corruiat eo ipso quod astruit e Monacho electum fuisse Pontificem. Incredibile enim est Pontificem præter canones electum e laico, qualis erat Monachus ea ætate, & Ecclesiam Romanam quæ tot follebat*

Clericis idoneis & peritis, elegisse hominem expertem rerum Ecclesiæ, maxime difficillimis temporibus, debacchante persecutione, in qua Ecclesia indigebat viro præstantiori, qui Ecclesiæ clavum teneret. Proximus a Paulo Antonius, non metu cruciatus, & fuga persecutionis, sed majori cum laude, studio purioris & melioris vitæ, audiens illud Evangelii: *Si vis perfectus esse, vade & vende omnia quæ habes, & da pauperibus*, Matth. 19. rebus distractis & erogatis in pauperes, recessit in eremum, Monachos collegit, Cœnobitas instituit. Athanasius in ipsius vita: *ἔτιον πολλοὺς ἀπὸ τῶν τῶν μονῆν βίον· καὶ οὕτως λατρεῖν γίνεσθαι, καὶ ἐν τοῖς ὅροις μοναστήρια, & ἡ ἐρημία ἐπολιδύνη, καὶ τὸ μοναζεῖν. Multos persuasit eligere vitam solitariam; unde illa in montibus monasteria, & eremus in civitatem redactus a Monachis. Cassianus collat. 18. cap. 6. Cujus professionis principes sanctos, videlicet Paulum vel Antonium, novimus extitisse, qui non ut quidam pusillanimitatis causa, nec impatientia morbo, sed desiderio sublimioris profectus, contemplationisque divinæ, solitudinis secreta sectati sunt, licet prior eorum necessitatis obtentu, dum tempore persecutionis affinium suorum devitat insidias, eremum penetrasse dicatur. De quo & Sozomenus lib. 1. cap. 13. Socrat. lib. 1. cap. 17. Isidor. de ecclesiasticis officiis lib. 2. cap. 15. Unde & Paulum anachoretæ auctorem, Antonium illustratorem prædicat Hieronymus ad Eustochium: *Hujus vitæ auctor Paulus, illustrator Antonius, & ut ad superiora conscendam, princeps Joannes Baptista.* Et Antonium hujus propositi caput ex vulgi sententia vocat idem Hieronymus in vita Pauli, propter Cœnobitas qui ab eo initium sumpserunt.*



CAPUT II.

Monastices initia in Ægypto, inde ejus transitus in Syriam & Palaestinam.

PAULUS & Antonius primi vitæ asceticæ exordia statuere in eremo & solitudinibus Ægypti, a quibus Hilariion, Macharius, Pachomius, & tot Sanctorum examina ibi-

dem prognata sunt. Unde effectum sit, vt Ægyptus olim patria materve superstitionis & idololatriæ, cultrix monstrorum & dæmonum, tot Sanctos ediderit: forte quod regio, quæ olim Hebræos exulantes, adeoque Christum ipsum in cunis vagientem, Herodis furori subreptum suscepit, vestigiis Christi consecrata, tot Sanctos meruit obtinere, in præmium officii, & gratiam hospitalitatis. Vel Deus singulari beneficio tot Sanctos in Ægypti solitudine suscitavit, vt impleretur dictum Apostoli: *Ubi abundavit peccatum, superabundavit & gratia*. Nusquam enim superstitio infanitus valuit, quam in Ægypto: quæ fuit ratiocinatio Palladii Histor. Lausiac. cap. 52. & Deus tulisse videtur Ægyptios propter merita posterorum, id est, propter Ecclesias & monasteria quæ postea claruere in Ægypto, & propter illos qui vitam angelicam ibi coluerunt, vt fere sensit Joannes Chrysostomus orat. 55. ad populum Antiochenum. Inde infinitus prope numerus Monachorum, & tot monasteria surrexere in Ægypto. Augustinus de verbis Domini serm. 50. in hæc verba Cantici: *Ubi pascis, ubi cubas in meridie? Illic autem in Ægypto, quomodo pastor est iste? Qui norunt, agnoscunt; qui non norunt, requirant quam magnum illic gregem colligat, quantam numerositatem Sanctorum atque Sanctarum habeat contemnentiū penitus mundum*. Et Severus Sulpitius de virtute Monachor. Orient. Dialog. 3. *Haud longe ab eremo contigua Nilo multa sunt monasteria: habitant in vno loco plerique centeni, quibus summum jus est, sub Abbatis imperio vivere, nihil arbitrio suo agere, per omnia ad nutum illius potestatemque pendere*. Antonii & sequacium nominis & vitæ sanctitatis fama ita orbem implevit, vt Constantinus auditis Antonii meritis honorificas ad eum literas scripserit, de quibus Athanasius in ejus vita, & Sozomenus lib. 1. cap. 13. & fideles etiam ab extremis Occidentis partibus, religionis causa Ægypti monasteria lustrarent. Hieronym. de se ipso lib. 3. advers. Rufinum: *Inde contendi Ægyptum, lustravi monasteria Nihæ, & inter Sanctorum choros aspides latere perspexi*. Tanta fuit cura fidelium in Patres Ægyptios, vt sustentarentur eleemosynis etiam Gallorum. Sisinnium Monachum in Orientem misit Exuperius Tolofanus Episcopus, cum literis ad Hierony-

mum ea tempestate degentem in Bethleem , vt stipes per-
 ferret Monachis Palæstinae & Ægypti , de quo testem habemus
 ipsum Hieronymum in procem. lib. 1. 2. & 3. in Zachar.
 Ab Ægypto religio monastica transiit in Syriam & Palæstinam,
 duce Hilarione discipulo Antonii : eo curante in Syria & Palæstina
 surrexere quamplura monasteria. Hieronymus in vita ipsius Hilarionis : *Quod postquam auditum est ,
 & longe lateque percrebuit , certatim ad eum de Syria & Ægypto
 confluebant , ita ut multi crederent in Christum , & se Monachos
 profiterentur ; necdum enim tunc monasteria erant in Palæstina ,
 nec quisquam Monachum ante sanctum Hilarionem in Syria noverat .
 Ille fundator & eruditor hujus conversationis & studii in hac
 provincia fuit . Et paulo post : Exemplo itaque ejus per totam
 Palæstinam innumerabilia monasteria esse cæperant , & omnes
 ad eum Monachi certatim currere . Et brevi religio ascetica in
 tantum profecit in Syria & Palæstina , vt ætate Hieronymi Syria
 fere certaret cum Ægypto de numero monasteriorum , & laude
 religionis : testis ipse Hieronymus in Esaie cap. 19. *Hæ enim vel
 maxime gentes Monachorum florent examinibus , Ægyptus & Mesopotamia ,
 & pari inter se pietate contendunt .* Pauciora tamen fuisse
 monasteria in Syria ea ætate , & longe frequentiora & tumultuosiora
 in Ægypto intelligere est , quod Germanus Abbas apud Cassianum collat.
 24. capite 18. ait se teneri desiderio ex Ægyptia cremoreundi
 in monasterium Syriæ , quod erat Bethleemiticum , studio se-
 cretioris anachoreseos . Adhuc ea ætate , vt pateat qualis fuerit
 progressus Ascetices in Oriente , pauciora fuere monasteria in
 Ponto & Armenia , & Anachoretarum nomen vix notum .
 Cassianus collat. 18. cap. 7. *Temporibus siquidem Lucii , qui
 Arianae perfidiæ Episcopus fuit , (is fuit Alexandrinus Episcopus)
 sub Valentis imperio , cum Diaconiam nostris fratribus deferremus ,
 his videlicet qui de Ægypto ac Thebaida fuerant , ob Catholicæ
 fidei perseverantiam , metallis Ponti atque Armenia relegati ,
 licet cœnobiorum disciplinam in quibusdam civitatibus
 rarissimam viderimus ; Anachoretarum tamen apud illos ne
 ipsum quidem nomen auditum fuisse comperimus .**



CAPUT III.

Incrementa Monachismi per totum orbem terrarum. Monachi per Basilium ex eremo evocati, ut opponerentur Arianis.

NON longo temporis tractu, Monachi læta propagine fusi per totum orbem terrarum, & monasteria passim constructa, non modo in locis aviis & desertis, verum & in vicis, suburbii & urbibus. Augustinus de moribus Eccles. Catholic. capite 31. *Quis enim nescit summa continentia hominum Christianorum multitudinem per totum orbem in dies magis magisque diffundi, & in Oriente maxime atque Ægypto: quod vos nullomodo potest latere.* Joannes Chrysostomus in Matthæum homil. 34. *καὶ μαρτυροῦσιν οἱ τῶν μοναχῶν χοροὶ, ὡς κατεψύτυσαν πανταχοῦ, οὐ τινὲς οἰκουμένην μόνον, ἀλλὰ ὅτι αἰοικητοὶ ἐκασταχοῦντες.* Testantur id chori Monachorum, quibus ubique plantatis habitata simul & deserta loca perlucunt. Idem in 1. ad Corinth. homil. 6. *ἢ ἔκ δεξιᾶς οἰκουμένην πᾶσαν περιελθόντων, τίς πάλιν συνεδαδίσει, τίς τῶν μοναχῶν φιλοσοφίας ὡς τὸν ἴλιον λάμπουσιν.* An non vides universum orbem terra accessisse, errorem dissipatum esse, Monachorum philosophiam pliusquam solem resplendere? Quod eo dictum, quia Monachorum multitudo valde profecit ad tollendas reliquias erroris, id est, Paganismi. Theodoretus de vit. Patr. cap. 25. in Asclepio: *πολλοὶ ἢ καὶ ἄλλοι τινὲς τοῦτοι ἐξήλωσαν ἀρετῶν, καὶ πληρεῖς ἔχουσιν ἢ ἡμετέρας μόνον, ἀλλὰ καὶ αἱ γειτονικαὶ πόλεις, καὶ κῆμαι, τῆς τοιοῦτης φιλοσοφίας.* Multi porro & alii hujus virtutem amulati sunt, nec postea solum plena est, sed vicina etiam urbes & vici hujusmodi philosophia. Et idem eodem libro capite 30. *μυρία δὲ τοιαῦτα, καὶ ἀριθμὸν νικῶντα φιλοσοφίας δὲ θεωρητικῆς, ὥς ἐν τῇ ἡμετέρᾳ δὲ μόνον, ἀλλὰ καὶ κατὰ πᾶσαν τινὲς ἰσχυρῶς δὲ τούτων ἐν Παλαιστίνῃ, ἐν Ἀγίῳ Πάτρῳ, ἐν Ἀσίᾳ, καὶ Πόντῳ, καὶ Εὐρώπῃ πᾶσα.* Extant autem infinita numerumque excedentia istiusmodi philosophiæ gymnasia, non in regione nostra tantum, sed per totum etiam Orientem; plena ista & Palaestina, & Ægyptus.

ptus, & Asia, & Pontus, & Europa uniuersa. Idem testatur
 Cyrillus Hierosolymitanus Catech. 16. βλέπει μοι ἐκ τῆς Ἰδνῆς
 ἐπισκόποις, πρεσβυτέροις, Ἀρχιερέσι, μετὰ ζήνταις, παρθένοις, καὶ
 λοιπαῖς λαϊκοῖς. Perspice cuiuslibet nationis Episcopos, Sacerdotes,
 Diaconos, Monachos, Virgines, & reliquos laicos. Quanta fue-
 rit Constantinopoli turba Monachorum, ex hoc vno discas,
 quod ingentes turbas cierint ob discessionem Joannis Chry-
 sostomi, & maiorem Ecclesiam occuparint. De quo Zozimus
 libro 5. ἀπολύειτο δὲ ἡ τῆς χειρῶν ἐκκλησία ἐκ τῆς λεγο-
 μένης κοινῆς. Jamque adeo fuerat interuenera Christianorum Ec-
 clesia ab iis qui Monachi vocantur. Eadem etate populosa
 collegia Monachorum fuere, & in plerisque urbibus, vt
 subiungit idem Zozimus: οἱ τοὶ δὲ γένοιτο τοῖς καὶ νόμον ἀπαγο-
 ρεύουσιν, συστήματα δὲ πολυαριθμοῦ καὶ πόλεις ἔκ κοίτης πλη-
 ρευσθῆναι ἀνδραγαθῶν ἀγάμων, καὶ οὐτε ποιεῖ πόλιν, οὐτε ποιεῖ ἀλ-
 λου πνεῦμα χρεῖας ἀνταρτίας τῇ πολιτείᾳ. Hi legitimis meritis ab-
 stinent, & tam in urbibus quam vicis populosa collegia com-
 plent hominibus non maritatis, nec ad bellum, nec ad alium
 Reipublice usum idoneis. Primus fere in Oriente Basilus ex
 Monacho Episcopus Cæsariensis, ex cremo Monachos trans-
 tulit suam in diocesium: in ea varia cœnobita instituit, vt
 Monachos opponeret hæreticis, nimirum Arianis subropen-
 tibus, & regulam dedit. Socrat. libro 4. cap. 21. διὰ τοῦτο γὰρ
 μὴ πρὸς Ἀρειανὴν κακοτομίαν καὶ τὰς καὶ τὸν Πόντον ἐπαινημένην ἱπαρχίαν,
 δρομαῖος ὤντι τὰ ἐμὲ μέρη διέβαινον, ἐμὲ τὴν ἀσκητικὴν συνηθῆ-
 ρμοι. Nam cum magnopere extimesceret, ne noua Arianorum
 doctrina per provincias Ponti serperet, summa cum celeritate ad
 eas partes proficiscitur, ibi monasteria constituens. Hac de re
 Basilium laudat Gregorius Nazianzenus orat. 20. in ejus
 laudem, quod vitam solitariam, & communem, maxime dif-
 crepantes, inter se conciliarit, extructis asceteriis Virginum
 & monasteriis non longe a vulgo remotis: ἀσκητικὴν ἔμε-
 νασθῆναι διμεγάρως μὲν, οὐ πῶρρον δὲ τῆς κοινωνικῆς, καὶ μετὰ δυν-
 ᾶς ἄγρε τολερε hæretici monachos Nicænæ fidei acerrimos pro-
 pugnatōres. Hac de causa se hæreticos valde infensos ha-
 bere, quod apud se Monachos haberet, fatetur ipse Basilus
 epist. 63. ad Neocæsarienses: ἰσχυρόματα δὲ, ὅτι δὲ ἀνδρα-
 γάμων τῆς ἀσκήσεως ἀρχαῖς, ἀποταξάμενους τῆς κόσμου, καὶ

ἡμεῖς τὰς βιωτὰς μισήσαντες, &c. Accusamur vero & hu-
 jus, quod homines habeamus pietatis studiosos, qui mundo renun-
 ciarint, & universis seculi istius curis. Imo & inter hæreticos
 paulo ante Basilium Marathonium Nicomedienfis Episcopus,
 & propagator hæreseos Macedonianæ, vtriusque sexus cœno-
 bia sua in dicecesi instituit. Socrates libro 2. cap. 30. *ἡρώδης
 δὲ τοῦ οὐστρουδίου ἀδελφεὸς ἦν ὁ γυναικῶν μισανήτορ.* Roma
 orbis caput, & vniversa Italia Monachos & sacras Virgines
 suscepit ab Athanasio Alexandrino Episcopo, qui Romam
 profugus Monachos fugæ & laborum socios habuit, & vitam
 Antonii a se scriptam attulit, & monasteria vtriusque sexus
 sua intra septa admisit. Nomen Monachorum ab initio vile
 & contemptum propter novitatem & deformitatem cultus,
 cognitis professionis meritis honorificum & amplectendum
 vitum est, & paucos intra annos Romæ & per Italiam, va-
 ria surrexere monasteria vtriusque sexus. Hieronymus ad
 principium de laudibus Marcellæ: *Nulla eo tempore nobilium
 feminarum voverat Romæ propositum Monachorum, nec aude-
 bat propter rei novitatem ignominiosum, ut tunc putabatur, &
 vile in populis nomen assumere.* Hæc ab Alexandrinis Sacerdoti-
 bus, Papaque Athanasio, & postea Petro, qui persecutionem
 Ariana hæreseos declinantes, quasi ad turpissimum communionis sue
 portum Romam confugerant, vitam beati Antonii adhuc tum vi-
 ventis, monasteriorumque in Thebaide Pachumii & virginum
 ac viduarum didicit disciplinam, nec erubuit profiteri quod Chri-
 sto placere cognoverat. Et paulo post: *Cœtera Virginum mona-
 steria, Monachorum innumerabilis multitudo, ut pro frequentia
 ferventium Deo, quod prius ignominia fuerat, esset postea gloria.*
 Urbis exemplo clariore civitates Italie Monachos vocarunt,
 & monasteria intra muros vel in suburbiis collocarunt, ma-
 xime studio & cura Episcoporum, vt Mediolanum studio
 Ambrosii sui Episcopi. Augustinus Confessionum libro 8. ca-
 pite 6. ex relatione Nebridii: *Inde sermo ejus devolutus est
 ad monasteriorum greges, & mores suaveolentie tue, & vbera
 deserta cœni, quorum nos nihil sciebamus; & erat monasterium
 Mediolani plenum bonis fratribus, extra urbis mœnia, sub Am-
 bro시오 nutritore, & vos moveramus.* Et idem de moribus Ec-
 clæ. Catholic. capite 33. *Vidi ego diversa sanctorum Medio-*

iani non paucorum hominum, quibus unus Presbyter praeerat vir optimus & doctissimus. Romae etiam plura cognovi, in quibus singuli gravitate atque prudentia & divina scientia praevalentes, ceteris secum habitantibus praesunt, Christiana caritate, sanctitate & libertate viventes. Inde primus in Occidente Eusebius Vercellensis Episcopus Monachos, eosdemque Clericos instituit in Ecclesia sua. Auctor est Ambrosius epist. 82. ad Vercellenses: Quod si in aliis Ecclesiis tanta suppetit ordinandi Sacerdotis consideratio, quanta cura expetitur in Vercellensi Ecclesia, ubi duo pariter exigi videntur ab Episcopo, monasterii continentia, & disciplina Ecclesiae? Hec enim primus in Occidentis partibus diversa inter se Eusebius sanctae memoria conjunxit, ut & in civitate positus instituta Monachorum teneret, & Ecclesiam regeret jejunii sobrietate. Et paulo post: Hec igitur patientia in sancto Eusebio monasterii coaluit usu, & durioris observationis consuetudine hausit laborum tolerantiam. Namque haec duo in attentiore Christianorum devotione praestantiora esse quis ambigat, Clericorum officia, & Monachorum instituta? Ista ad comitatem & moralitatem; disciplina illa ad abstinenciam assuescenda atque patientiam. Hec velut in quodam theatro, illa in secrete, spectatur ista, illa absconditur. Idem sermone 69. de natali S. Eusebii Vercellensis Episcopi: Illud quam admirabile est, quod in hac sancta Ecclesia Vercellensi eosdem Monachos instituit quos Clericos, atque iisdem penetralibus sacerdotalia officia contineri, quibus & singularis castimonia conservatur, ut esset in ipsis viris contemptus rerum, & accuratio Levitarum: ut si videris monasterii lectulos, instar orientis propositi indices: si devotionem Cleri perspexeris, angelici ordinis observatione gaudes. Eodem tempore surrexerunt monasteria in insulis quae sunt in ora Tyrreni maris, de quibus idem Ambrosius Hexaem. libro 3. capite 5. Quid enumerem insulas, quas velut monilia plerumque praecepsit, in quibus ii qui se abdicant intemperantiae secularis illecebris, fido continentiae proposito eligunt mundum latere, & vitae hujus declinare dubios anfractus. Inter ea clariora fuerunt monasteria sita in insulis Capraria, Gorgonia & Palmaria, de quibus Rutil. Numatianus Itinerarii lib. 1. Augustinus epistola 81. Gregorius libro 1. epist. 48. & 50. lib. 4. epist. 49. & 60. Eisdem temporibus Monachi congregati in

Africa, monasteria instituta Carthagine, Thagaste, Hippone Regio, & aliis celebrioribus urbibus Africae. Paulin. ad Alipium epist. 35. apud Augustinum: *Benedictos sanctitatis tuae comites & amulatores, in Domino fratres, si dignantur, nostros tam in Ecclesiis quam in monasteriis Carthagini, Thagaste, Hippone Regio, & totis parochiis tuis, atque omnibus cognitis tibi per Africam locis, Domino catholice seruientes, multo affectu & obsequio saluari rogamus.* Et Augustinus Retractationum lib. 2. cap. 21. *Ut de opere Monachorum librum conscriberem, illa me necessitas compulit, quod cum apud Carthaginem monasteria esse coepissent, alii se suis manibus transigebant, obtemperantes Apostolo; alii vero ita ex oblationibus religiosorum vivere solebant, ut nihil operantes unde necessaria vel haberent, vel supplerent, sed potius implere praeceptum Evangelicum existimarent, &c.* Monachorum institutioni propagandae in Africa, maxime operam dedit Augustinus post reditum ex Italia in Africam. Testis ipse libro de Opere Monachorum capite 28. *Sub generali nomine Monachorum vestrum propositum blasphematur, tam bonum, tam sanctum, quod in Christi nomine cupimus, sicut per alias terras, sic per totam Africam pullulare. Unde factum est, ut haeretici qui Monachos impatienter ferebant, Augustino obstreperent, quasi hujus instituti auctor esset.* De Petiliano vno ex Donatistis Augustinus ipse lib. 3. contra Petilianum cap. 40. *Deinceps perrexerit ore maledico in vituperationem monasteriorum & Monachorum, arguens etiam me, quod hoc genus vitae a me fuerit institutum: quod genus vitae quale sit nescit, vel potius toto orbe notissimum nescire se fingit.* Adeoque Augustinus ipse monasterium suum habuit juxta Ecclesiam. Auctor est ipse Augustinus libro de bono Perseverant. cap. 15. *Fuit quidam in monasterio nostro, qui corripientibus fratribus cur quadam non facienda faceret, & facienda non faceret, respondebat: Qualiscumque nunc sim, talis ero qualem me Deus futurum esse praesciuit.* Idem instituit & monasterium Virginum, & regulam dedit. Testis ipse epist. 109. Eodem fere tempore Fulgentius Ruspensis Episcopus etiam monasterium instituit e Clericis & Monachis mixtum, ut legitur in ejus vita apud Surium 1. Januar. *Similitudinem magni cujusdam monasterij, Monachis & Clericis adunatis, sapienter effecit: erat quippe eis*

communis mensa, commune cellarium, communis oracipsum & lectio.



CAPUT IV.

Processus Monachismi in Gallia, Anglia, Hispania & Germania. Cur serius in Occidente Monasticen profecit.

I I S D E M fere temporibus religio monastica suscepta est in Galliis, & Athanasio exulante apud Treviros cum Monachis Aegyptius, quos passionum socios habuit, juxta muros urbis ædificatum est monasterium, in quo repertum codicem vitæ beati Antonii ab ipso Athanasio scriptæ eo vivente narrat Augustinus Confess. lib. 8. cap. 6. Inde Martinus relicta militiâ cum venisset in Galliam, susceptus ab Hilario Pictavienfi Episcopo, haud procul oppido monasterium posuit: postea electus Turonensis Episcopus propositi tenax novum monasterium construxit; Monachos in eo collocavit, & regulam imposuit. De quo Severus Sulpitius libro 1. de vita sancti Martini cap. 7. Paulinus lib. 2. Fortunat. lib. 2. de ejusdem vita. Proximis temporibus a beato Honorato ædificatum est monasterium in insula Lirinensi, quæ objacet littori Narbonensi, de quo Sidonius in Eucharistico ad Faustum Reicensem:

— Quantos illa insula plana

Miscuit in cæcum montes.

Honoratum adjuncto sibi sene Caprasio celeberrimum in insula Lirinensi monasterium extruxisse refert Hilarius Arelatensis de vita & morte Honorati apud Surium 16. Januar. Eadem ætate a Joviniano, Minervio, Leontio & Theodoro clarissimis Monachis instituta sunt cænobîa insularum Sterchadum, quæ sunt in ora Massiliensi. Cassianus in Prefat. collat. 18. quæ eisdem dicavit septem collationes posteriores: *Totidem & nunc vobis, o sancti fratres Joviniane, Minervii, Leonti & Theodore, credidi deputandos: posterior siquidem vestrum illam cænobiorum sanctam atque egregiam disciplinam in provinciis Gallicanis antiquarum virtutum distributione*

*fundavit; ceteri vero non solum cœnobialem professionem apprime Monachos expetere, verum etiam anachoreticam subire sublimitatem vestris institutionibus provocasti. His auctoribus asceticum vitæ genus late propagatum in Galliis. Minervius & Alexander Monachi ex insulis, ni fallor, evocati ab Exuperio Tolosano Episcopo, Tolosæ clauere. Eorum amicitiam eadem fere observantia, qua Exuperii, coluit Hieronymus, & his commentarium in Malachiam eodem tempore, quo Exuperio commentarium in Zachariam dicavit. Testis est ipse in Proem. libro 3. in Amos: *Præsens anno, qui sextis consulatus Archadii Augusti, & Annicii Probi, fuit, nomen imposuit Exuperio Tolosana Ecclesia Pontifici Zachariam, & eisdem nobis Minervio & Alexandro Monachis Malachiam Prophetam interpretatus sum. Minervium vocat Hieronymus in Proem. Commentar. in Malachiam, ubi eisdem germanos, vel saltem genere proximos fuisse significat: Hoc, inquit Minervi & Alexander, non tam sanguine quam religione concordēs, ne susceptum opus dimitterem Prophetarum, & extraordinario vobis labore sudarem, breviter in Proemio sum locutus. Eodem tempore Massiliæ fuit monasterium, in quo Monachum profiteri aliquando cogitavit Paulinus Ausonii nepos. Auctor est ipse in carmine Eucharistico de vita sua, ubi Deum sic affatur:**

*Quem majora meis audentem viribus ante
Prospiciens, melius per te mihi consulisti,
Conatus inhibendo meos, nimis alta petentes,
Auderem ut Monachi perfectæ vivere ritu.*

Et infra:

*Massilia demum pauper consistere legi
Urbe quidem, in qua plures Sancti essent mihi cari.*

Denique his temporibus monasteria tota Gallia intrebuerunt, Monachorum numero & sanctitate polleantia. Cassianus in Bræfat. collat. 11. mihi auctor est, sua ætate in Gallia fuisse plurima cœnobia, ingenti numero fratrum repleta, quibus ad ritum Orientalium vitæ normam præscripsit. E Gallia, ut Monastices iter prosequamur, religio monastica pervenit serius in Angliam, a Gallicis monasteriis petita disciplina regularis, ita ut illius addiscendæ causa, Angli utriusque sexus monasteria Gallicana adirent. De quo Beda lib. 3. Histo-

riæ Anglicanæ cap. 8. *Earcongota filia Eadbaldi Regis Cantii Monialis sanctissima in monasterio, quod in Francia constructum est ab Abbatiſſa Fara, in loco qui dicitur Brige. Nam eo tempore necdum multis in regione Anglorum monasteriis constructis, multi de Britannia, monastica conversationis gratia, Francorum vel Galliarum monasteria adire solebant, sed & filias suas eisdem erudiendas, ac sponſo celeſti copulandas mittebant, maxime in Brige, & in Cale, & in Andilegum monasterio. Inter antiquiora & celebriora, quæ in Anglia extitere monasteria, fuit Bangorienſe, de quo idem Beda libro 2. cap. 2. Erant autem plurimi eorum de monasterio Bancor, in quo tantus fertur fuisse numerus Monachorum, ut cum in septem portiones eſſet cum præpositis sibi rectoribus Monasterium diuisum, nulla harum portio minus quam trecentos homines haberet, qui omnes de labore manuum suarum vivere solebant. Quid de Hispania anno Christi 575. Donatus Monachus cum septuaginta fociis sentiens cladem religionis invaſione Barbarorum, ex Africa migravit in Hispaniam, & ope nobilissimæ matronæ, cui nomen erat Minicea, monasterium posuit Letabi, & Hispanis regulam monasticam tradidit, ut refert Valseus in Chron. 569. Mariana ex Ildefonso lib. 5. cap. 11. Serius in Germaniam peruenit religio monastica, nec ante Bonifacium Moguntinum Episcopum, qui primus suscepta legatione Sedis Apostolicæ in Germania, Christianam fidem simul & monasticam vivendi rationem invexit, & celeberrimum monasterium Fuldenſe extruxit in Saxonia, ex Mariano Scoto, Sigeberto, & aliis. Hic fuit processus religionis monasticæ ab Ægypto & Oriente vsque ad extremas oras Occidentis, ut his gradibus Monachi filii matris sterilis, quæ est religio, continentia alumna, orbem terrarum impleverunt, felici vaticinio Esaia cap. 54. *Exulta sterilis quæ non parit, erumpe & clama quæ non parturit, quia multi filii deserte magis quam ejus quæ habet virum.* Tardius in Occidente profecit religio monastica, quam in Oriente, quod in Oriente Monachi sua docte, id est, suo labore se exhiberent: verum in Occidentis partibus Monachi orationi & lectioni magis quam labori manuum operam darent, & pleraque monasteria beneficio Principum & Episcoporum posita fuerint. Cassian. de institutione Cœnobi-*

Cœnobitarum lib. 10. cap. 23. *Hinc est quod in his regionibus nulla videmus monasteria tanta fratrum celebritate fundata, quia nec operum suorum facultatibus fulciantur, ut possint in eis iugiter perdurare; & si eis suppeditare quomodo valeat sufficientia victus alterius largitate, voluptas tamen otii & pervagatio cordis diutius eos in loco perseverare non patitur.*



C A P U T V.

*Monachorum nomen quando notum. Monachi unde dicti.
Monachorum varia nomina: ἀσκηταί, Nonni, Sancti.*

DIscussa aetate instituti vitæ monasticæ, an eadem fuerit ætas nominis Monachorum, & quando Monachi dici cœperint, observatione dignum videtur, & proximum proposito. Monachi tertium hominum genus, medium inter Clerum & plebem, vix notum fuit ante tempora Diocletianæ persecutionis, imo necdum notum fuit nomen Monachorum. Antè Constantinum qui hujusmodi vitæ genus colebant, quale Monachi, dicti sunt *συνεπιδεσται*. Dionysius dictus Arcopagita de Eccles. Hierarch. cap. 6. Quod nomen videtur fuisse commune Christianorum, quorum vitam depinxit, quosque similiter *συνεπιδεσται* vocat Philo de yit. contemplativ. quem laudat Eusebius lib. 2. capite 16. A temporibus Constantini frequens fuit & celebre nomen Monachorum. Arnobius in Psalm. 105. *Ille Monachus hoc egit, ille Clericus hoc, illa Sanctimonialis hoc.* Dionysius loco modo laudato: *ἢ δὲ ὅς περ πολὺ μᾶλλον ἀπαστὴν ὑποκατέχευε τὰς ἐκ τῶν μοναχῶν ὄντων ἱερὰς διακρίσεις.* Summus vero eorum qui perficiuntur, ordo est sanctorum Monachorum. Unde Monachorum nomen recentius professione & instituto. Augustinus in Joannem tractat. 97. ad finem: *In Antiochia enim, primum post Ascensionem Domini appellati sunt discipuli Christiani, & xenodochia & monasteria posita sunt appellata novis nominibus; res tamen ipsæ, & ante nomina sua erant; & religionis veritate firmantur, quæ etiam contra improbos defenduntur.* Idem insinuat & Cassianus collat. 18. capite 5. *Qui paulatim tem-*

pore procedente segregati a credentium turbis, ab eo quod a conjugis abstinere, & a parentum se consortio mundique istius conversatione secernerent, Monachi sive Monachos singulares ac solitaria vita districtione nominati sunt. Monachi sic dicti a solitudine, a Græco μόνος, quod est solus. Hieronymus epist. 13. ad Paulinum: Sin autem cupis esse, quod diceris Monachus, id est, solus; quid facis in urbibus, qua utique non sunt solum habitacula, sed multorum? can. Si cupis 16. quæst. 1. Et idem ad Heliodor. Interpretare vocabulum Monachi, hoc est nomen tuum: quid facis in turba qui solus es? Et Augustinus in Psalm. 132. in illud: Ecce quam bonum & quam jucundum habitare fratres in unum! Ex voce hujus Psalmi appellati sunt & Monachi, ne quis de vobis de isto nomine insultet Catholicis. Et infra: Quare ergo & nos non appellemus Monachos, cum dicit Psalmus: Ecce quam bonum, &c. μόνος enim unus dicitur, & non unus quomodocumque: nam & in turba est unus, sed una cum multis dici potest; μόνος non potest, id est, solus: μόνος enim unus solus est. Qui ergo sic vivunt in unum, ut unum hominem faciant, ut sit illis vere, quomodo scriptum est, una anima, & unum cor; multa corpora, sed non multe anime; multa corpora, sed non multa corda: recte dicitur μόνος, id est, unus solus. Nec unum fuit nomen Monachorum, alio enim nomine dicti ἀσκηταί. Eusebius lib. 8. cap. 20. ὅτι τῆς αὐτῆς Καισαρείας Πίττος ἀσκητής. Hic fuit Monachus Egypti Casarea martyrium passus. Et Athanasius in Apolog. ad Constant. καὶ οἱ μὲν παρὰ Ἀλεξανδρου ἐπισκοποι, μοναχοὺς καὶ ἀσκητὰς ἐξέλεγον: Atque ita ab Alexandro Episcopi, Monachi, Asceta profligati sunt. Monachos vulgus reverentia ergo vocabat Nonnos, id est, Sanctos. Arnobius in Psalm. 105. modo laudatum: Si ille qui Sanctus vocatur & Nonnus sic agit. Et idem in Psalm. 140. Et adulantes nobis invicem in presenti positi Sanctos nos vocamus & Nonnos. Sancti dicti sunt Monachi ob laudem sanctitatis professioni propriam, magis quam ob personæ merita. Hieronymus lib. 3. in Zachariæ ad Exuperium Tolosanum: Rudes igitur non mea culpa, sed studio portitoris suscipe libros, dum ipse festinat Sanctis ara dividere, id est, Monachis Palæstinæ & Egypti. Augustinus de moribus Ecclesiæ Catholicæ cap. 33. Vidi ergo diversa sanctorum Mediolani non paucorum hominum, quibus

mus Presbyter praeerat vir optimus & doctissimus. Idemque in Psalm. 75. In societatem Sanctorum. Et Cassianus collat. 18. cap. 16. Et beati Isidori Abbatis atque Presbyteri, aliorumque Sanctorum consortio fruebatur. Idem cap. 1. ejusdem collat. Ad vicum cui nomen est Dyoleos, uni ex septem Nili fluminis ostiis imminuentem, non tam itineris necessitate, quam desiderio Sanctorum illic commorantium compellente pervenimus. Idem collat. 17. capite 2. Quid agimus de sponsionis fide, quam senioribus nostris velocissimum reditum pollicentes dedimus, nos novimus, ut vel vicissim liceret nobis hujus provincia Sanctos, & monasteria circumire.



CAPUT VI.

Duo precipua genera Monachorum, Anachoretæ & Cœnobitæ. In Ægypto tertium genus Monachorum, quod Remoboth dicunt vel Sarabaitas. Quid distent Anachoretæ ab Eremitis.

UBI semel fama celebrata est vita & conversatio Monachorum, maxime Pauli, Antonii, Hilarionis, Pachomii & Macharii, & aliorum id ætatis Primatum: ita placuit id vitæ genus, ut millia hominum in eremum & solitudinem agmine facto secesserint, & in tantum auctus sit numerus Monachorum, ut eremus nomen suum amiserit, & monasteria in civitates fere conversa sint. Inde Monachi pro vario ingenio hominum, alii statim eremum & solitudinem petierunt, ante disciplinæ monasticæ expertes, & dicti sunt Eremitæ: alii horrorem vastæ solitudinis non ferentes in vnum convenere, cœnobita seu monasteria ædificariunt, & dicti sunt Cœnobitæ. Hæc duo propria genera Monachorum agnoscit Justinianus Novell. 5. de Monach. capite 3. Et ante Augustin. de moribus Ecclesiæ Catholicæ capite 31. Nihil de illis dicam, qui secretissimi penitus ab omni hominum conspectu pane solo, qui eis per certa intervalla temporum affertur, & aqua contenti, desertissimas terras incolunt, per-

fruentes colloquio Dei, cui puris mentibus inhaerunt, & ejus pulcritudinis contemplatione beatissimi, quae nisi Sanctorum intellectu percipi non potest. Et paulo post: Sed si hoc excedit nostram tolerantiam, quis non illos miretur, & pradicet, qui contemptis atque desertis mundi hujus illecebris, in communem vitam, castissimam sanctissimamque congregari simul aetatem agunt, viventes in orationibus, in lectionibus, in disputationibus, nulla superbia tumidi, nulla pervicacia turbulenti, nulla invidentia levidi, sed modesti, verecundi, pacati, concordissimam vitam & intentissimam in Deum gratissimum munus ipsi offerunt, & quo ista posse meruerunt. Idem Severus Sulpitius de Monachis Orient. Dialog. 2. Haud longe ab eremo contigua Nilo multa sunt monasteria: habitant in uno loco plerique centeni, quibus summum jus est sub Abbatis imperio vivere, nihil arbitrio suo agere, per omnia ad nutum illius potestatemque pendere. Ex his si qui majorem virtutem mente conceperint, aut acturi solitariam vitam se ad eremum conferant, nonnisi permittente Abbate discedunt, &c. Eadem duo genera Monachorum laudat Callian. de institut. Cœnobitarum lib. 5. cap. 36. Itaque cum de Palestina monasteriis, ad oppidum Aegypti quod Dyolcos appellatur, rudes admodum venissemus, ibique plurimam turbam cœnobii disciplina constrictam, & optimo ordine Monachorum, qui etiam primus est, institutam mirifice videremus; alium quoque ordinem qui excellentior habetur, id est, Anachoretarum, cunctorum præconiis instigati sagacissimo corde videre properavimus. De utrisque Evagrius lib. 6. cap. 21. οἱ μὲν γὰρ ἐγκαθιδόντες ζῶντες, οὐδὲν ἄλλ' ἐς γλῶσσειδωταιν κρατῶντες. Et paulo post: ἔτι οὖν δ' αὖ πάλιν ἀπαιτῶντες ἰόντες μέντοι ἑαυτοῖς καταργουμένην ἐν οἰκίαις. Nam alii gregatim vitam degunt, nihil rerum quæ animos hominum ad terram deprimere solent, possident. Alii autem aliud ingrediuntur vivendi genus, idque diversum a superioribus: nam se separatim in adiculas concludunt. De quo & Nicephorus lib. 11. cap. 41. Utrumque Monachorum genus laudat & Gregorius Nazianzenus orat. 21. in laud. Basilii: οἱ μὲν τὸν πάντη μοναχικὸν τι καὶ αἰμῶνιον ἀφιδουῶντες βίον, ἑαυτοῖς μόνοις θεωρητικῶς καὶ τῷ Θεῷ, ὃ τὰ τοῦ κόσμου εἰδότες, ὅσον ἐν τῇ ἱερμικῇ γυνάμει σιν. οἱ δὲ νόστοι ἀγάπῃς τῇ κοινωνίᾳ στεγνότες, ἱερμικοὶ τι οὐκοῦν καὶ μυαδῆς. Quorum alii vitam prorsus solitariam & ab homi-

nam societate remotam agunt, sui ipsorum tantum & Dei colloquio fruentes, atque hanc dumtaxat terra partem pro mundo habentes, quam in solitudine cognitam habent. Alii autem caritatis legem per communionem & societatem colentes, Solitarii simul & Cœnobita sunt. Cœnobitas & Eremitas complectitur Epiphanius adversus hæreses in Anacephaleos num. 23. πῶς δὲ τῶν μοναζόντων αὐτῆς κατοικοῦσι τὰς πόλεις, πῶς δὲ καὶ ἐν μοναστείαις καθεύδουσιν, & ὅπου μέγαδιν ἀναχωροῦσιν. Porro Monachorum alii in urbibus degunt, alii in monasteriis habitant, & ab hominum frequentia longius abscedunt. Et Theophylactus in Marcum cap. 4. οἱ μὲν εἰσι παρδῖον & ἐρημικοί. ἄλλοι μονάδες & ἐν κοινόβιῳ. Sunt Virgines & Solitarii, alii qui in cœnobio vivunt. In Ægypto tria genera Monachorum: primum Anachoretarum, secundum Cœnobitarum, tertium, idque acerrimum, quod Ægyptia lingua vocabant Remoboth; ponit Hieronymus ad Eustochium epist. 22. Tria sunt in Ægypto genera Monachorum. Primum Cœnobita, quod illi Sanfes gentili lingua vocant, nos in communi viventes possumus appellare. Secundum Anachoreta, qui soli habitant per desertum, & ab eo quod procul ab hominibus recesserint, nuncupantur. Tertium genus est quod Remoboth dicunt, deterrimum atque neglectum, & quod in nostra provincia (ea erat Syria & Palestina) aut solum, aut primum est. Hi bini vel terni, nec multo plures simul habitant, suo arbitratu ac ditione viventes, & de eo quod laboraverint in medium partes conferunt, ut habeant alimenta communia: habitant autem quamplurimi in urbibus vel capellis; & quasi ars sit sancta, non vita, quicquid vendiderint majoris est pretii. Et his respondent Sarabaitæ, quod tertium genus Monachorum in Ægypto fuisse tradit Cassianus collat. 18. cap. 4. Tria sunt in Ægypto genera Monachorum; quorum duo sunt optima: tertium repidorum, atque omnimodis evitandum. Primum est Cœnobitarum, qui scilicet in congregatione pariter consistentes, unius senioris iudicio gubernantur: cuius generis maximus numerus Monachorum per universum commoratur Ægyptum. Secundum Anachoretarum, qui prius in cœnobiis instituti, jamque in actuali conversatione perfecti solitudinis elegere secreta: cuius professionis nos quoque optamus esse participes. Tertium reprehensibile Sarabaitarum est. De quibus idem cap. 7. ejusdem collat. Emergit istud Sarabaita-



rum genus, qui ab eo quod semetipsos a cœnobiorum congregatio-
nibus sequestrarent, ac sigillatim suas curarent necessitates, *Egy-
ptia lingua proprietate Sarabaita nuncupati sunt.* Tria dumtaxat
genera Monachorum, quæ erant antiquiora, descripsit Cas-
sianus in d. capite 4. Quartum tamen ex Anachoretarum
genere subortum innomine addit cap. 8. ejusdem collæ.
quod genus Gyrovagos appellat Benediçt. regul. cap. 1. Cas-
sianum ut solet secutus. Sex vero genera Monachorum po-
suit Isidor. de ecclesiasticis officiis lib. 2. cap. 15. nimirum
Cœnobitas, Eremitas, Anachoretas, Gyrovagos, Circum-
celliones, Sarabaitas, sive Renuitas. Sed hæc sex genera Mo-
nachorum ab Isidoro posita facile rediguntur ad tria, Cœ-
nobitas, Eremitas, & Sarabaitas seu Gyrovagos. Breve enim
est confinium inter Eremitas & Anachoretas, & ea ætate
plerumque Eremitæ & Anachoretæ promiscue accipiebantur.
Eremitæ proprie sunt, qui statim e sæculo migrant ad
solitudinem: Anachoretæ, qui post diutinam in monasterio
exercitationem, studio majoris perfectionis de licentia Ab-
batis secedunt in eremum, sic dicti a Græco ἀναχρησ, se-
cedo, ἀναχρησις, secessio. Severus Sulpitius de Monachis
Orient. Dialog. 2. Ex his si qui majorem virtutem mente conce-
perint, aut acturi solitariam vitam se ad eremum conferant, non-
nisi permittente Abbate discedunt. Cassianus dist. cap. 4. Secun-
dum Anachoretarum, qui prius in cœnobiis instituti, jamque in
actuali conversatione perfecti solitudinis elegere secreta. Sozome-
nus lib. 6. cap. 31. οἰνοδοὶ δὲ ἐν τοῖς καλλίους, ὅπου τῆς φιλοσοφίας
εἰς ἀκρον ἐπληροῦσται, καὶ σφαιρὶ ἀγῶνι δύναται, & μέντοι διατρέχοντες,
δι' ἰουρίαν χειρὸν τῶν ἁγίων ἀδελφῶν. Hæc equidem cellas incolunt hi,
qui ad id quod in disciplina monastica summum est pervenerint, se-
que ipsos rite instituere, & soli vitam degere possunt, propter quie-
tem ab illis sejuncti. Et Aimoinus Floriacensis de Miracul.
sancti Benediçti lib. 2. cap. 4. Venerabilique viro Wlfado ei
succedente, qui post Carnotensis extitit Praeful. urbis, jam dictus
vir Drogo ab eo petiit, agerrimeque impetravit, ut sibi in cœno-
bitali diuturna probato conversatione, eremi liceret egredi pugnam.
Inde æmulatione veterum, institutum ut cellæ seorsim po-
nerentur intra septa monasterii, in quibus seniores & emer-
iti Monachi, permisso Abbatis, & sub ejus imperio vive-

bant. Synod. Agathensis can. 38. *Servandum quoque de Monachis, ne eis ad solitarias cellulas liceat a congregatione discedere, nisi forte probatis post emeritos labores, aut propter infirmitatem necessitatem asperior Abbatis licentia regula remittatur: quod ita demum fiat, ut intra eadem monasterii sepra manentes, tamen sub Abbatis potestate separatas habere cellulas permittantur.* Can. Monachum 20. quæst. 3. Serius vero nec ante tricennium impletum in monasterio impetrata anachoresis. Isidorus loco modo laudato: *Tertium genus est Anachoretarum, qui jam cœnobitali conversatione perfecti includunt semetipsos in cellis procul ab hominum conspectu remotis.* Et paulo post: *Sed isti examinatione cœnobiorum probati, in omnibus disciplinis monasterii per triginta annos, ad hanc contemplationem per obedientiam diliguntur.* Post triginta annos in cœnobio transactos se in eremum secessisse, ait Abbas Joannes apud Cassianum collat. 19. capite 2. qui hoc exemplo permotus seipsum damnat, quod vix biennium demoratus in Bethleemitico cœnobio, in eremum evolasset. Etiamnum Religiosi mendicantes post emerita justa stipendia de consensu Superioris possunt eligere vitam solitariam, cap. vniç. de excess. Prælator. in 6. cap. penult. de V. S. eodem. Alii hanc differentiam statuunt inter Eremitas & Anachoretas, quasi Anachoretæ sint, qui per silvas vagantur incertis sedibus: Eremitæ, qui certas sedes habeant in cellulis. Petrus Damiani Opuscul. 15. capite 3. *Eremitarum ordo bipartitus est, quorum videlicet alii cellulas incolunt, alii passim per eremi deserta gradientes, certas ades habere contemnunt, sed qui per eremum spatiando discurrunt Anachoretæ; qui vero cellulis contenti sunt, usitato vocabulo Eremitæ dicuntur, quibus nimirum nomen commune factum est speciale.* Sarabaitæ sunt qui cellas sibi construunt, proprio viventes arbitrio sine duce: inde Renuitæ dicti Isidoro, quod renuant disciplinam. De his Odo Cluniacensis Collat. libro 3. cap. 23. *Nos miseri non sumus Monachi, ut falso nominamur, sed Sarabaitæ, id est, Renuitæ, qui jugum regularis disciplina renuimus.* Ivo Carnotensis epist. 192. *An fieri Sarabaitas, ut in privatis locis proprio jure vivant.* Et hoc est quod deterrimum & infidele genus Monachorum vocat Cassianus collat. 18. cap. 8. quem secutus est Benedictus regul. capite 1. Circumcelliones genus pessimum

Monachorum, vixque inter Monachos censendi: fuere enim Donatistæ, yagi, & sævi admodum in Catholicos, maxime in Clericos. sic dicti, quia circum cellas, id est, extra cellas vagabantur. Augustinus in Psalm. 132. & idem epistola 159. vnde desumptus est can. *Circumcelliones* 23. quaestion. 5. ibi vid. Archidiacon.



CAPUT VII.

Varia genera Eremitarum, μνηστέται, σολίται, inclusi, ἀκούμετοι.

EREMITIS & Anachoretis non vnum, sed varium fuit vitæ genus: quemadmodum flumina vario itinere ad mare perveniunt, æque Sancti vario vivendi schemate Deo placere studuerunt. Alii secreta solitudinis petentes, cellas seu tuguria construebant, in quibus orationi & lectioni & celestium contemplationi assidui operam dabant, ut Antonius, Hilarion, & plerique alii. Hieronymus in vita Hilarionis: *Exstructa deinceps brevi cellula, quæ usque hodie permanet, latitudine pedum quatuor, altitudine pedum quinque.* Et infra de cellula beati Antonii: *Erat autem cellula non plus mensura per quadrum tenens, quam homo dormiens extendi poterat.* Sozomenus lib. 3. cap. 13. ex regula Pachomii: *οἰκήματα δὲ μικρὰ κατασκευάσαι πολλά, καὶ καθ' ἕκαστον οἶκημα πέντε καταμύειν, καὶ ἓνα δὲ οἶκον πάντας προφῆς μεταλαμβάνειν.* Prescripsit præterea, ut multas adiculas extruendas curaret; & in singulis ut tres Monachi habitarent: in una tamen domo, ut omnes cibum caperent. Kellia Nitria memorat idem lib. 6. cap. 31. ἔπειθ' ἔστι τόπος ἁλὸν ἑσδομήκωντα σκευῆς δις, ὄνομα Κελία· ἐν τούτῳ ἀποκρίθ' ἔστι μοναχικὰ οἰκήματα πολλά, καὶ καθ' ἑκάστην τοιαύτης ἑξακοσμοπρείας. Est alius locus, qui a Nitria abest stadia fere septuaginta, cui nomen erat Cellia: in eo sunt cellæ Monachorum permultæ sparsim posite, quæ de causa hoc nomen habuit. Alii in memorijs seu monumentis mortuorum cellarum vice se includebant, religionis causa. Synodus Chalcedonenſis act. 4. Οἰόμενος μνηστέτης ἔστι. Τῆς μνηστέτης ἔστι, ἔχει δὲ ἢ πρὶν ὄνομα τῶς

Idem Pal.
lad. hist.
Lausiac.
cap. 38.
Evag. lib. 1.
cap. 21.

ἔτι τὸ ξυλόκικον· Παῦλος ὁ Βιδυδὸς καὶ ῥῆτας ἔστιν εἰς μαμόειν.
 Et paulo post: ὡς μὴ ἑαυτοὺς ἀρχιμανδρίτας λέγειν, τοὺς ἐν με-
 μνησίοις κατοικοῦντας. Theodorus in monumentis habitat. Υἱσὺς in
 monumentis habitat, habens duo vel tria nomina in xylocirco, id
 est, duas vel tres personas sibi parentes. Paulus Bithynus habi-
 tans solitarie in monumento. Ut non se dicant Archimandritas,
 qui in monumentis habitant. Huiusmodi solitarii, qui degebant in
 monumentis, habebant suum Praepositum, qui Archimandrita no-
 men notatur assumere. Et paulo supra dicitur: μεμνησούλαξ,
 custos monumentorum, Ελπίδιος μεμνησούλαξ ὃν Προκοπίου ἔστι.
 Elpidius Praefectus monumentorum loci qui dicebatur Procopia. An-
 tiquius fuit hoc genus exercitationis: Antonium enim sub
 initia quandoque secessisse in sepulcra, narrat Athanas. in
 ejus vit. & de poenitente incluso ἐν τοῖς νεκρτάφοις refert
 Palladius Hystor. Lausiac. cap. 35. Fuit & poenae genus dam-
 nationis in sepulcrum, velut in metallam. Ignatium Patriar-
 cham Constantinopolitanum sepulcro inclusit Bardas Caesar
 ab eo excommunicatus. de quo Cedren. Κοσμενίου μου τὰ φω-
 δοπλέην. Alii fortiores in speluncis & specubus degebant,
 de quibus Evagrius libro 1. cap. 21. σπηλαίοις περικομπεύον-
 τες καὶ ταῖς ὁπαις τῆς γῆς, καὶ πλεὺν τῶν ἀποστόλων φανέντων, ἀλλοὶ σύν-
 οἱκοι θηρίοις γινόμενοι, καὶ ποτὶ τῆς γῆς ἀπεκρίβαν ἐν δρυμυλῶν
 τὰς πόδας. τὸν Θεὸν ἐκινύειν ποιοῦντες. Quorum alii, ut est apud
 Apostolum, in speluncis & cavernis vitam assidue degunt, una-
 que cum bestiis habitant, & in quibusdam occultis & ignotis terra-
 latibus Deo preces adhibent. Epiphanius in Panar. haerel.
 40: de Entactō haeretico: ἀναχωρητὴς γὰρ ἰδοὺ καὶ ἐν σπη-
 λαίῳ πρὶ κατὰ ὄρεος. Anachoreta quippe esse videbatur in spe-
 lunca degens. Alii caelo tantum pro tecto vsi, per desertā va-
 gabantur, incertis sedibus, herbarum radicibus pro omni pa-
 buito vcentes, quos βόσκοις, id est, silvestres, vocabant. So-
 zomachus lib. 6. cap. 33. Evagrius lib. 1. cap. 21. Nicephorus
 lib. 11. cap. 40. De his Severus Sulpitius de Monach. Orient.
 Dialog. 1. Habitant plerique in eremo sine ullis tabernaculis,
 quos Anachoretas vocant: vivunt herbarum radicibus, nullo um-
 quam ercto loco consistunt, ne ab hominibus frequententur, quas
 nox coegerit sedes habent. Alii in columnis stabant sub dio
 perpetuas Deo preces offerentes. Hujus propositi, quo vis

Sigebert. ad
ann. 418.

naturæ infertur, princeps & auctor fuit Symeon, inde dictus
σπλιτης, id est, columnarius, qui primas columnam conscen-
dit, & in ea fulmine percussus vitam finivit. Evagrius lib.
1. cap. 13. *αρεθὸς τὴν ἐπὶ κίονος στήσιν ἐπιτακένους διπλὴν μό-
λις ἐνδραχτήμα τὸ αἰμίμενον.* Hic primus stationem in columna
instituit, domiciliumque in ea, cujus mensura vix duos continebat
cubitos, construxit. De quo idem lib. 2. cap. 9. in fine. Theo-
dorus de vit. Patr. cap. 26. Cedrenus in Theodos. Junior.
Non multo post tempore Daniel in Anaplo (id nomen sub-
urbio Constantinopolis) Symeonis exemplo provocatus, co-
lumnam inscendit, multaque & insignia edidit miracula. Tes-
tis est idem Cedrenus, & Zonar. in Leone Magno, necnon
apud eundem in Nicephoro Generali Nicolaus quidam: *ἐν
τῇ ἑξὼ κασίῳ ὑδρακμῆτις.* In exteriori columella pseudoremita
memoratur. In Gallia fuit & quidam Monachus apud Tre-
viros, qui Symeonem æmulatus in montis vertice colum-
nam conscendit; sed ab Episcopis descendere jussus, quasi
impar proposito propter cæli inclementiam, reverenter pa-
ruit, & rediit ad monasterium, teste Gregorio Turonensi
lib. 8. Histor. Francor. cap. 16. Alii etiam se humili & an-
gustiori cellula, veluti perpetua custodia, vltro damnabant.
κατακλεισμένοι, inclusos Græci vocabant: apud Theodorum
de vitis Patr. cap. 20. celebratur Maris *κατακλεισμένος*, cui in cel-
lula sacra mysteria se obtulisse refert ipse Theodorus. vel
ἐγκλείστος, eadem significatione. Cedrenus in Constantino
Coprônimo de Stephano Juniore Martyre: *ἑξήκοντα γὰρ
ῥεθόνους ἐποίησεν ἐν τῇ βουλῇ τῆ ἀγίου Αὐξεντίου ἐγκλείστος.* Sexa-
ginta enim annos exegit in colle sancti Auxentii inclusus. Hoc
vitæ genere laudatus Acepsimas Ægyptius, per sexaginta
annos vixit inclusus in cellula, neque visus a quoquam, ne-
que cuiquam locutus. Theodorus lib. 4. cap. 26. Et Jaco-
bus Syrus cancellis se inclusit. Procopius de bell. Persic. li-
bro 1. *καὶ αὐτοὶ οἱ παῖδοι ἀνδρῶν ποὶ ἐπιεργασίας τῇ γῆνι δου-
φάκτοις ποὶ αἰείεσθαι.* Hic ei addicti homines cancellis cum in-
cluserunt. Et Theodotus quidam *ἐγκλείστος* memoratur a Ju-
stiniano Rhinotmet, publicorum vectigalium Quæstor fa-
ctus. Suidas in voce *Ιουσανίδης*: *καὶ Θεόδοτος πᾶς, ἐγκλείστος γα-
ργρότα, καὶ τὰ Θεακῶα μέρη τῆ γενεῆς, τῇ δὲ δημοσίῳ δουρίῃ.* Et

Theodorum quendam qui fuerat inclusus, in Thraciæ partibus publicorum vectigalium Quaestorem fecit. Apud Latinos passim occurrunt etiam Inclusi. Augustinus de opere Monachorum cap. 23. An forte quia sunt sanctiores, eo sunt volucribus dissimiliores, quia nisi reponant sibi escas in plurimos dies, includere se itant faciunt non valebunt. Et Anastasius in Agathone: Ex Presbyteris & Inclusis in exilium in Romanam directi sunt civitatem. Horum frequens fuit usus in Gallia, quos vulgus Reclusos vocabat. Hos inter celebriores fuere Maxentius, Callappa, Hospitius, Eparchius Reclusi: de quibus Gregorius Turonensis libro 2. cap. 37. lib. 5. cap. 9. & 10. lib. 6. cap. 6. Aimoinus lib. 3. cap. 39. Regin. 1. Chronic. Symeon Treviris, Theobaldus Vincentiæ vrbe Venetiæ, Paternus Paderbornæ in Germania: de quibus Sigebertus in Chronico ad annum 1010. 1050. 1058. & Petrus inclusus in Hispaniæ finibus, qui fuit auctor & incentor sacræ expeditionis, quæ suscepta est a Godefrido & aliis; de quo Dorlechinus ad ann. 1096. Et ut virtus sexu non distinguitur, etiam mulieres tam audacis propositi laudem meruere. Puellam monasterii sanctæ Crucis Pictaviensis, permissu Radegundæ Abbatiæ inclusam celebrat Gregorius Turonensis libro 6. capite 29. Hæc cum puella vidisset, compuncta est corde, & post dies paucos rogavit Abbatissam, ut sibi in qua includeretur cellulam prepararet. At illa velociter perfecta ait: Ecce, inquit, cellulam; quid nunc desideras? Puella vero petit ut recludi permetteretur. Quod cum ei præstitum fuisset, congregatis virginibus cum magno psallentio, accensis lampadibus, tenente sibi beata Radegunde manum, ad locum usque perducitur. Et sic valesfaciens omnibus, & osculans singulas quasque, reclusa est, obstructoque aditu, per quem ingressa fuerat, ibi nunc orationi ac lectioni vacat. Etiam Romæ fuere Reclusæ. Stephanus II. epist. 4. ad Pipin. de obsidione urbis per Aistulphum Regem Longobardorum: Et Sanctimoniales feminas atque Reclusas, quæ ab infantia & pubertatis tempore pro Dei amore sese clausuræ tradiderunt. Reclusæ quoque fuere in Normannia a Claustralibus distinctæ. Anselmus Cantuar. lib. 3. epist. 15. Mandate hoc Monachis, & Sanctimonialibus in Normanniam inclusis, & Claustralibus. Herveo & Evæ inclusis scripsit Gosfridus Abbas Vindocinensis epistolam, quæ

est 48. libri 4. Sed cum hujusmodi Inclusi victi gravitate suscepti oneris, facile laberentur a proposito, ne temere includerentur, vetitum est ne id fieret absque consensu Episcopi & Abbatis. Concilium Francofordiense habitum anno Christi 794. can. 12. *Ut Reclusi non fiant, nisi quos ante Episcopus provinciae atque Abbas comprobaverint, & secundum eorum dispositionem in reclusionis loco ingrediantur.* Leone Magno imperante Constantinopoli surrexit novum genus Monachorum, qui dicti sunt *ἀνοήμτοι*, insomnes, semper vigilantes, qui perpetuas diu noctuque per vices divisus officii Deo laudes canebant. Hujusce instituti angelici princeps & auctor fuit Alexander, qui successores habuit Joannem & Marcellum, qui facilius exigendi jugis officii causa cœtum Monachorum in tres classes divisit. Eodem tempore Studius quidam divo Joanni Baptistæ monasterium posuit Constantinopoli, in quo id genus Monachos, qui dicebantur *ἀνοήμτοι*, collocavit. Testes sunt auctor vitæ Marcelli Abbatis apud Suriurum 29. Decembr. & Nicephorus libro 15. capite 23. Hi temporibus Justiniani a veteri laude lapsi, & Nestorii erroribus labefactati, a Joanne Romano Pontifice damnati sunt. Evagrius libro 3. capite 19. & libro 5. capite 16. Sua laus tamen remansit divino instituto, quod Romani Pontifices Gregorius II. & III. Paulus I. Adrianus Romæ æmulati sunt in nonnullis Ecclesiis, ex Anastasio. Nec institutum hoc caret exemplis veteris Testamenti: est enim imago perpetui sacrificii Judæorum, quod *ἐσθλὸς θυσιῶν* vocabant. Joannes Chrysostomus orat. 36. ad Antiochenos.

Quidam in
voca 270
Jo.





CAPUT VIII.

*Eremitarum & Cœnobarum comparatio. A Cœnobitis
quid dissent Synodice.*

RELIGIO monastica cœpit ab Eremitis & Anachoretis, & per Cœnobitas mirum in modum aucta est & effusa per totum orbem terrarum. Inde valde disputatum est, quodnam vitæ genus esset præstantius, Eremitarum, an Cœnobarum: de quo non alienum & supervacuum erit hoc loco tractare. Certe Eremitarum vita, si bene sibi constet, angelica fere & supra hominem est, quæ cum solo Deo commercium continet. Joannes Abbas apud Joannem Moschum in Sermonar. cap. 81. τὸ ἀνέλεον τὸ π, τέκνον, κίερα-
μα ὅς· ὁδὸς, λαβέ. *Spelunca ista, fili, spiritualis mercatura est: dat, accipit.* A solitariis scilicet perpetuæ laudes offeruntur Deo, & a Deo incessanter gratiæ & retributiones referuntur. Suo honore digni sunt Eremitæ, qui soli Deo vivunt, abdicatis omnibus. Synod. Chalcedonens. can. 4. οἱ ἀληθῶς
ἔ εὐδικησάτω· ὁ μόνον μακάριος βίον, ὁ πνευματικὸς ἀξιοῦσιν
τιμῆς. *Qui vere & sincerè monasticam vitam aggrediuntur, digni sunt convenienti honore.* Can. Qui vere 16. quæst. 1. Eremitas tamquam Deo propiores Cœnobitis præfert Petrus Damiani lib. 6. epist. 12. *Fratres isaque in monasterio immobiliter permanentes tolerandi sunt; ad eremum vero fervido spiritu transmigrantes, plausibus ac præconiis efferendi: illi siquidem sub divina protectionis clypeo delitescunt; isti vero in campum certaminis prodeuntes, victoria titulis decorantur; illi defendunt sua; isti referunt spolia: illi Deo protegentes sunt insuperabiles; isti quotidie sutaunt hostium suorum calcare cervices: illi contra mœnia constituti obsidentes ne ingrediantur obsistunt; isti minaces hostium cuneos procul de suis finibus terga cedentes expellunt.* Eremitas inter membra Ecclesiæ refert Augustin. lib. contra Petiliani epist. cap. 14. in hæc verba Cantici: *Vbi pascis, ubi cubas in meridie? Si ergo sponsus tamquam de loco familiaris dilecto, & cubili quodam suo secreto interrogatus responderet esse in meridie; multo probabilius Ecclesia*

D üj

Catholica in his membris suis hoc agnosceret, quæ sunt in Ægypto, in millibus servorum Dei, qui per eremum sancta societate vivunt, perfectionem Præfetti evangelici studentes tenere, quod dictum est: Vis perfectus esse? vade, vende omnia quæ habes, &c. Cœnobitica tamen vita est potior & tutior, quia Cœnobitæ juvantur exemplo & correctione fratrum. Hieronym. ad Rusticum epist. 4. Primumque tractandum est, utrum solus, an cum aliis in monasterio vivere debeas: mihi quidem placet ut habeas Sanctorum contubernium, nec ipse te doceas, & absque doctore ingrediari viam quam numquam ingressus es. Can. Si clericatus: 16. quæst. 1. Tutius est Cœnobitis, quia habent testem vitæ & conversationis, qui vultu suo peccandi pudorem eis suffundat, & labentes suscitet. Bernard. epist. 115. Cur, inquis, non est sapere, ut opulentiam, ut urbis frequentiam, ut pinguium fugiamus & delicias? An non mea mihi pudicitia tutior erit in eremo, ubi in pace cum paucis, aut sola conversans, soli placeam cui me probavi? Nequaquam, nam volenti perperam agere, & desertum abundantiam habet, & nemus umbram, & silentium solitudo; malum quippe quod nemo videt, nemo arguit. Vbi autem non timetur reprehensor, securius accedit tentator, licentius perpetratur iniquitas: in conventu vero bona si qua facis, nemo prohibet; malum autem facere si vis, non licet: mox etenim a pluribus comperitur, arguitur, emendatur, sicut e contrario bonum cum vident, omnes mirantur, venerantur, imitantur. Vita Eremitica timenda est propter periculum solitudinis, in qua cadentem deest qui sublevet. Væ soli, quia cum ceciderit non habet sublevantem, Eccles. His de causis vitam Cœnobiticam Eremiticæ præponit Basilii regul. fusius disput. regul. 7. Idem D. Thom. 2. 2. quæst. 188. art. 8. Io. Andreas in cap. Sane de Regular. & Cœnobitarum genus fortissimum prædicat Bened. regul. cap. 1. Cœnobitarum vitæ etiam perfectior habetur, quia vna vitæ solitaria & communis connubium continet, & mixta est ex vitâ activâ & contemplativa. Gregor. Nazianzen. orat. 21. ἰρημονία τοῦ ὁμοῦ & μυστήριος. Solitarii simul & Cœnobitæ. Alio & argumento Cœnobitarum vita perfectior probatur, quia scilicet hi renuntiant propriis, habentque hominem supra se: Eremitæ vero non renuntiant propriis, deque his testamento vel inter vivos disponere possunt. Can. Perlatum 5. E contra 19. qu. 3.

Gloss. in d. can. *Qui vere*. Eremitæ sunt acephali, can. *Nul-*
la 93. dist. & locustis comparantur, quæ non habent regem,
 Gloss. in. d. can. *Qui vere*. Cœnobarum vita eo rectior &
 perfectior intelligitur, quod vitæ monasticæ institutum cœ-
 pit quidem ab Eremitis, sed a Cœnobitis mirum in modum
 auctum, & per yniversum orbem propagatum; & quod erat
 rude & informe, certis regulis legibusque excultum est.
 Millia Monachorum Ægypti congregata sub vno duce Deo
 militarunt, non sine stupore totius orbis. Quinque Mona-
 chorum millia fuere coloni montis Nitriæ, quibus præerat
 vnus Presbyter. Pachomius ter mille fratrum Archiman-
 drita in monasterio Tabennesiotarum, Ammon totidem, Se-
 rapion decem mille Monachorum Præfectus memoratur: de
 quo Pallad. Hist. Lausiæ. cap. 6. 38. 48. 76. Sozomen. lib.
 6. cap. 28. & 31. In Anglia tot extitere Monachi in Bango-
 riensi cœnobia, vt in septem classes dividerentur, qua-
 rum singulæ erant non minus trecentorum virorum suis
 rectoribus subditæ. Bedæ lib. 2. Hist. Anglor. cap. 2. Inde
 congregatio Monachorum quasi Synodus fuit, propter fre-
 quentiam & multitudinem, & Cœnobia iidem dicti σνω-
 δῆ. Eisdem Synoditas vocat L. *Addictos* C. de *Episcopal.*
audient. quos Cœnobitas L. *Addictos*, quæ est eadem C. Th.
de pœn. Socrat. lib. 4. cap. 18. *ἰν αὐτοῖς τῖς ἐν τοῖς κοινοβίοις*
ἢ ἐν σνωδῖαις μεταχρῶν. Vnus ad Monachos qui in cœnobiis &
 conventibus degunt. Et Gennad. de viris illustrib. cap. 11. *Com-*
posuit & Cœnobitis & Synoditis doctrinam aptam vitæ commu-
ni. Cœnobia fuere, vt conjicio ex his locis, quibus vnum
 fuit rectum, vnum cœnobium: Synoditæ, qui fuere in diver-
 sis monasteriis sub eodem Abbate; vtrosque tamen vulgus
 imperitum promiscue accipiebat. Quidam de vita Cœno-
 bítica senserint Patres, re, id est, gestis probarunt. Anto-
 nius primus post vicennium exactum in eremo, Cœno-
 bium construxit, & fratres congregavit: ac licet postea red-
 ierit ad cremum, monasterii curam non abiecit. Athanas. in
 ejus vit. Et idem Paulo Simplicio, vitæ Eremiticæ studio
 æstuanti, vitam Cœnobiticam suavit, apud Pallad. Histor.
 Lausiæ. cap. 28. *εἰ ἀπὸ θύλεις μεταχρῶν ἐστὶν, εἰσέλθαι εἰς κοινὸν*
βίον πλεονέχον ἀδελφῶν, οἱ πλεονεχόμενοι σου τὸ ἀδελφείας ἀνίστασθαι.

Si enim vis esse Monachus, ingredi cœnobium ubi sunt complures fratres, qui possunt tuam ferre imbecillitatem. Eodem ingenio Paulus Abbas relicta anachorefi rediit ad cœnobium. Cassianus collat. 19. cap. 2. & 3. Paulo vitam Cœnobiticam suavisit Antonius, propter simplicitatem morum & ætatem provectiorem, quæ impatiens videbatur solitudinis. Anachorefis vel Cœnobitica suadetur pro ingenio & ætate cuiusque. Cassian. collat. 24. cap. 8. Non enim quia bona est anachoresis, universis eam congruam comprobamus. A multis enim non solum instructuosa, sed etiam pernicioosa sentitur: nec quia institutionem cœnobiatorum, nec curam fratrum sanctam atque laudabilem merito profitemur, idcirco ab universis eam expectandum esse censemus. Alii Anachoretarum vitam probant: fiducia antea & probationis in monasterio: Eremitarum vitam damnant propter disciplinæ vacuitatem & periculum prævaricationis: proximæ, quæ timenda est ex tædio solitudinis. Ivo Carnot. epist. 192. Hæc dicens Anachoritarum vitam non improbo, eorum videlicet, qui in cœnobiis regularibus instructi disciplinis ordinabiliter ad eremum secedunt, quibus est solitudo paradisus, & civitas carcer, ut activam vitam de labore manuum viventes exerceant, aut dulcedine contemplativa vitæ mentem reficiant, fontem vitæ ore cordis fiant, & eorum quæ retro sunt obliti, ad ea ultra non respiciant. Verum cum quidam ex hac professione in melioris suis vicis, castella, civitates gyrando perlustrent, humilitate vestiam, utilitate ciborum merita sua populis ostentant, ambiunt fieri magistri, qui numquam fuerant discipuli, deprimentes vitam omnium hominum, quia non sunt quod ipsi sunt: hos nec Eremitas computandos intelligo, nec Cœnobitas, sed Gyrovagos, aut Sarabaitas, qui corpus Christi quod est Ecclesia, tamquam ad unum membrum redigunt, &c.



CAPUT IX.

Monachismi propagatio in Oriente per Basilium, in Occidente per Benedictum. Studium Romanorum Pontificum laudatur in construendis monasteriis, etiam Monachis Græcis.

P R I M U S in Oriente Basilus ex Monacho Episcopus Cæsariensis, Monachos ex eremo transtulit in suam diocesim, utilitatis Ecclesiæ causa, & sua in diocesi varia monasteria instituit, & Monachos quos vocant Cœnobitas, id est, in commune viventes, ibi collocavit, & regulam dedit, quam in hunc diem colunt Monachi S. Basilii, qui non modo in Oriente, sed etiam in Græcia, Italia, Calabria & Sicilia propagati, ea forte occasione, quod pars Italiæ occupata sit a Græcis. Hujus generis est monasterium Cryptæ Ferratæ in agro Tusculano, 12. milliario ab urbe, quod Monachi Græci tenent in hunc diem, ad quos pertinet cap. *Constitutus extr. de Religios. domib.* Hujus monasterii fundator memoratur S. Nilus Abbas, patria Calaber, Martyrolog. Rom. 26. Sept. Paul. Morisus Origin. monastic. lib. 1. cap. 16. Miræus in Chronic. ad ann. 1438. In Occidente ante Benedictum singula monasteria habebant suam regulam, & instituta, & Abbatis manu & propria disciplina potius quam lege regebantur. In Gallia multa monasteria susceperunt regulam Lerynensium Patrum, quæ est eadem, ni fallor, quæ Cæsarii, qui ex Monacho Lerynensi factus est Arelatensis Episcopus; vel Columbani, qui construxit monasterium Luxoviense in Burgundia, & regulam dedit: de quo fusius dicemus infra lib. 4. cap. 2. Benedictus prius in loco, cui nomen Sublacus, quadragesimo ab urbe Roma milliario, in spelunca solitariam vitam egit per triennium, cum unico socio, nomine Romano: inde sentiens se non posse diutius ibi latere fama sanctitatis illuscescente, additis fratribus Mauro & Placido, Cassinum (id nomen castro Samnii) se trans-

tulit, vbi in editissimo monte monasterium posuit, caput religionis futurum. Leo Ostiens. lib. 1. cap. 1. Paulus Warnefrid. de gest. Longobard. lib. 1. cap. 26. Regino 1. Chronic. 450. Gregor. Dialog. lib. 2. cap. 14. Aimoin. lib. 2. cap. 16. Marian. Scot. ad ann. 561. Benedictus religionis propagandæ causa Maurum in Galliam, Placidum in Siciliam misit. Maurus in Gallia comiter susceptus a Theodeberto Rege, monasterium Glannasolum construxit in pago Andegavensi, adjuvante Floro Vicecomite Andegavensi. Faust. in vita Mauri apud Surium Januar. 14. Aimoin. lib. 2. cap. 25. Orderic. Vital. lib. 8. Post Benedicti obitum everso a Longobardis tunc Italiæ incubantibus, monasterio Cassinensi, fratres vix salvi evaserunt, & Romam secum asportarunt regulam Patris Benedicti, libram panis & mensuram vini, & beneficio Pelagii II. Pontificis, juxta Lateranense Patriarchium monasterium B. Petro sacrum construxerunt. Leo Ostiens. lib. 1. cap. 4. Regin. 2. Chronic. Sigebert. ad ann. 596. Anno 714. Cassinense monasterium a Petronace Abbate instauratum, centum & decem annis ex quo a Longobardis desolatum fuerat. Gregor. Dialog. lib. 2. cap. 17. Regino 2. Chronic. Sigebert. ad ann. 714. Leo Ostiens. lib. 1. cap. 4. Antiquiora monasteria Benedicti regulam & instituta certatim assumpserunt, & quæ ab eo surrexerunt monasteria, sub Benedicti regula constituta sunt, & monasterium Lerynense traditum Cassinensibus. Monasterium S. Medardi Sueffionensis à Clothario I. fundatum sub regula B. Benedicti, ex Bulla Joannis III. quæ extat apud Chopinum Monastic. lib. 1. tit. 2. num. 19. & alia fere omnia, quotquot ab eo extiterunt monasteria. Odilo Abbas Cluniac. in vit. S. Maioli Abbatis: *Processu vero temporis, post transitum videlicet supradicti piissimi Patris, per beatum Maurum ejus discipulum omnis pene Gallia ejus institutionis & religionis suscepit exordium; deinde per eum & eos quos ipse ad justiciam comisit, per plurima temporum spatia eadem religio ad cumulum perfectionis excrevit.* In Gallia Glannasolum monasterium nequitia Gaidulfi Comitis Andegavensis destructum, præcepto Ludovici Pii Fossatensibus Monachis unitum. Vet. Scriptor. miraculor. B. Mauri cap. 3. sed postea in Conc. Turonensi habito ab Urbano I I. anno

Christi 1096. idem monasterium Fossatensibus ademptum, & Cassinensi cœnobio attributum. Leo Ostiensis Chronic. Cassinens. lib. 4. cap. 18. Idem præterea Pontifex pro negotiis Ecclesiasticis Gallias ingressus, in Turonensi Concilio, ubi ipse præsidebat, monasterium S. Mauri in Glannasolio a Fossatensium monachorum abstractum tyrannide, pristinae dignitati libertatique restituit, sub magisterio tantum Cassinensis cœnobii perpetuo mansurum. Hac de plaga graves querelæ excitatæ a Fossatensibus, pro quibus apud Paschalem II. intercessit Ivø Carnot. episc. 159. *Conqueruntur enim se in Concilio Turonensi fuisse prægravatos, quoniam ad suggestionem Comitum Andegavensium dicunt fuisse subreptum Domino Papæ Urbano monasterium S. Mauri, suum in patria Andegavensi, quod sub jure Fossatensis monasterii, antea per trecentos aut eo amplius annos extiterat, de ejusdem monasterii jure auferret, & ordinato ibi Abbate liberum esse constitueret. Quod & factum est, Fossatensibus Monachis jus suum reclamantibus, & multis qui Concilio intererant, aliter sentientibus, cum viderent privilegium, quo nitebantur Fossatenses Monachi, de manibus eorum ab Andegavensibus fuisse ereptum, & in plures partes fuisse conscissum. Adhibitis ergo multorum intercessionibus supplicante prædicti Monachi, ut eorum negotium a maiestate vestra legitima discussione retractetur, &c.* In Gallia igitur propagatus est Ordo B. Benedicti per Maurum, in Sicilia per Placidum, in Germania vero per Bonifacium ex Monacho Moguntinum Episcopum, & Legatum Sedis Apostolicæ in Germania, a quo conditum est Fuldense monasterium in Saxonia. Joann. Diaconus vit. Gregor. M. lib. 4. cap. 80. 82. In Anglia per Augustinum & Melitum Monachos & Missos Gregorii I. a quibus Angli initia fidei simul & Monastices acceperunt. Episcopi a Monachis lecti, & Monachi pro Clericis instituti in plerisque Ecclesiis Episcopalibus, ut patet ex Beda lib. 2. cap. 1. & aliis Scriptoribus Anglicis, & ex cap. Novit ex. Ne sede vacant. aliquid innovet. De quo Chronic. Normannor. ad ann. 1151. Sunt itaque hodie in Gnatia. 4. Episcopatus, in Anglia 17. In octo eorum sunt Monachi in Episcopalibus sedibus: hoc in aliis provinciis aut nusquam aut raro invenies; sed in omni Anglia hoc reperitur, quia primi prædicatores Anglorum, scilicet Augustinus,

Mellitus Iustus, Laurentius, Monachi fuerunt. In alijs octo Episcopalibus sedibus seculares, in una Canonici regulares. Et Ordericus Vitalis lib. 12. ad ann. 1112. Angli Monachos, quia per eos ad Deum conversi sunt, indefinenter diligentes honoraverunt, ipsique Clerici reverenter & benigne sibi Monachos praeferri gavisi sunt. Et idem lib. 4. ad ann. 1070. Augustinus & Laurentius, aliique primi predicatorum Anglorum, Monachi fuerunt, & in Episcopis suis vice Canonorum, quod vix in alijs terris invenitur, Monachos pie constituerunt, cœnobيا multa & præclara construxerunt, & conversis instituta regularia verbis & exemplis tradiderunt. Itidem in Sardiniam missi sunt Monachi ab ipso Benedicto, postulante Borefore Sardiniae Rege. Leo Ostiens. Chronic. Cassinens. lib. 4. cap. 22. Monachos e Cassinensi cœnobio impetravit & Stephanus Ungariae Rex, per quos genti recens ad fidem conversæ accessit religio monastica. Idem Ostiens. lib. 2. cap. 79. Bonfin. rer. Hungaric. lib. 1. decad. 2. In Orientem penetravit & Ordo Benedictinus; ab Amalphitanis negotiatoribus extructum est monasterium Hierosolymis, consensu Caliphæ Egyptii, quod dictum est de Latina, quod fundatores Latini erant, quo nomine veniebant omnes Occidentales. W. Tyr. de Bell. sacr. lib. 18. cap. 5. In Gallia, ut eo redeam anno Christi 911. Cluniacense cœnobium in diœcesi Matisconensi fundatum à Bernone Abbate, Guillelmo Pio inde dicto Comite Arvernorum, & Duce Aquitaniae dotem dicente: de quo auctor vit. S. Genulfi lib. 2. cap. 17. Glaber lib. 3. cap. 5. Perperam Geraldo Aquitanico id tribuit Orderic. Vital. lib. 12. nec felicius Sigebertus Avæ Comitissæ, rejecta fundatione ad ann. 895. Mirum in modum ibi effloruit religio monastica. Petrus Damiani lib. 6. epist. 4. Cluniacus præterea spiritualis quidam campus est, ubi calum & terra congregitur, ac velut arena certaminis, ubi spirituali more palastra caro fragilis adversus potestates æthereas colluctatur, &c. Et Petrus Cluniacens. de Miracul. lib. 1. cap. 9. Est autem Cluniacense monasterium religione, disciplina, severitate, fratrum numerositate, omnique monastici ordinis observatione, toto pene orbe notissimum; singulare ac commune peccatorum refugium, per quod multa inferis damna illata, & regnis celestibus quamplurima lucra collata sunt. Ibi innumera ho-

minum multitudines, graves mundi sarcinas ab humeris suis abjicientes, suavi Christi jugo colla submiserunt. Ibi omnium professionum, dignitatum & ordinum personæ fastum luxumque secularem in humilem & pauperem Monachorum vitam commutaverunt. Ibi ipsarum Ecclesiarum venerabiles etiam Ecclesiasticorum negotiorum onera fugientes, tutius quietiusque vivere, magisque subesse quam præesse elegerunt. Et paulo post: Hinc effusa spiritualium virtutum nardo, impleta est tota mundi domus ex odore unguenti, dum religionis monastica fervor, qui illo tempore pene refriguerat, illorum virorum exemplo studioque recaluit. Gallia, Germania, transmarina quoque Britannia hoc testatur. Hispania, Italia, totaque Europa satetur, plena monasteriis ab eis aut noviter fundatis, aut ab antiquo senio reparatis. Sed quid aliquas mundi partes enumero, cum de nostro ultimo Occidente usque ad ipsum Orientem fama hæc pervenerit, nec aliquem Christiani orbis angulum latuerit? Cluniacensibus tanta erat fama eorum vitæ sanctitatis, vltro se adgregarunt quamplura antiquiora monasteria Galliar. Cœnobio Cluniacensi à Gregorio VII. adunatum est cœnobium Moysiaccense in finibus Cadurcorum in Aquitania, quod foundationem repetit a Clodoveo, ut observavi ex rescripto Paschalis II. ad Hugonem Abbatem Cluniacensem, quod edidit Quercelanus in Bibliotheca Cluniacensi, & ex Registro ipsius Gregorii VII. lib. 9. epist. 29. qua emendatio Monachorum Moysiaccensium tamquam subditorum rejicitur ad Abbatem Cluniacensem, ob creptam certam Ecclesiam Canonicis D. Saturnini Tolosæ. Conqueruntur & super Monachis Moiacensibus, qui quandam Ecclesiam, unde interpositus sacrosanctus Evangelii, secundum judicium Legati nostri Amati Ellorensis Episcopi; (n erat Legatus Sedis Apostolica in Aquitania) collaudantibus aliis Episcopis qui aderant, lis inter eos determinata fuerat, iterata deterius injuria per vim Comitum W. datis, ut fertur, muneribus, occupatam detinere nituntur. Et mox de Monachis tamen, quoniam Cluniacensi Abbati pertinent, ipsi venerabili Abbati imprimis notificandum censemus, ut ipse insolentiam subditorum suorum compeecat, & justitia acquiescere, si forte noluerint, compellat. Falso id Urbano II. tribuit vetus scheda monasterii Moysiaccensis, quæ apud me est: quæ tamen hoc loco omittenda non est, pro-

pter multa singularia, quæ ibi feruntur concessa esse Abbati Moysiensi, in gratiam unionis & subjectionis. Quod iste Dominus Urbanus olim Monachus Cluniacensis submisit monasterium Moysiaci Cluniacensi monasterio, licet monasterium Moysiacense sit antiquius, &c. Cum Dominus Urbanus dicit in Bulla sua, quod tempore suo monasterium Moysac. fuit reparatum per Abbatem Cluniacensis industriam; Abbas autem Moysiacensis multa insignia habet in monasterio Cluniacensi in primo adventu suo: nam incarceratos omnes relaxat tam monasterii quam castrorum; tenet etiam capitulum secunda die, in quo magnam habet potestatem & eadem honorifice & processionaliter ex aliis Monachis Cluniacensibus claves castrorum recipit, & multa alia facit. Per idem tempus & novum monasterium Pictaviense traditum Cluniacensibus. Chronic. Malleacens. ad ann. 1075. Eodem anno donatum est monasterium novum, quod est Pictavis, Hugoni Abbati Cluniacensi: in quo cœnobio primum Abbatem Guidonem constituit Monachus ibidem Deo servientibus. Cluniacenses in Majori monasterio Turonensi instituit Odo Comes Campaniæ, Turonum suggerente Hermengardi vxore sua pulsus Clericis secularibus. Anonym. de gest. Episcop. Turon. & Abbat. Major. monaster. Nec modo per Galliam palmites suos dilatauit Cluniacum, sed & in Hispaniam & alias regiones. Ab Alphonso VI. Rege Castellæ acciti Cluniacenses, ut religionem monasticam fere exunctam in Hispania diutina incubatione Sarracenorum restituerent: Bernardum olim Monachum S. Orientii Auxitani, oriundum ex oppido Salvitatis apud Aginnenfes, cum aliis fratribus misit Hugo Abbas Cluniacensis, qui primum fuit Abbas S. Facundi, postea Archiepiscopus Tolosanus. De quo Roderic. Tolet. lib. 6. cap. 25. Marian. lib. 9. cap. 17. In Orientem usque penetrarunt Cluniacenses: Prioratu Caritatis Cluniacensis Ordinis monasterium Civitot dictum, in suburbio civitatis Constantinopolitanæ, concessit Imperator CP. Petrus Cluniacens. libro 2. epist. 39. ad Calojoannem Imperatorem: Fecit hoc inter egregios Principes recensendus Alexius. pater vester. Et paulo post: Inter quæ Cluniaco monasterio omnibus Latinis Regibus & gentibus notissimo, eique subdito magno & religioso loco; qui Charitas dicitur,

monasterium juxta ipsam regiam civitatem, quod Civitas vocatur, dedit, & in perpetuum Abbatis Cluniacensis & Prioris de Charitate obedientia subjecit, &c. Nunc tacendum hoc loco memorabile studium Romanorum Pontificum in propagandis & curandis monasteriis. Constitutum Innocentii I. de regulis monasteriorum laudat Anastasius in ejus vita: *Hic constitutum fecit de omni Ecclesia & de regulis monasteriorum.* Præter infinita monasteria, quæ struxerunt & dotarunt Romani Pontifices, etiam Monachis Græcis monasteria posuere Paschalis I. & Leo IV. De Paschali testatur Anastasius in ejus vita: *Construxit in eodem loco a fundamentis cœnobium, quod & nomine sanctæ Prædix Virginis titulavit, in qua & sanctam Græcorum congregationem aggregans, quæ die nocteque Græca modulationis psalmodiæ laudes omnipotenti Deo Sanctisque illius ibidem quiescentibus sedulo persolveret, introduxit.* De Leone IV. idem in ejus vita: *Mox autem ipse almissus Pontifex superno nutu compunctus monasterium, quod nunc sancti vocatur Stephani, & Cassiani restaurans muneribus ac divitiis locum plenissime perornavit.*



CAPUT X.

Agnatio variorum Ordinum, Camaldulensium, Grandimontensium, Cartusianorum, Cisterciensium. Cistercienses albo colore distincti a Benedictinis. Cisterciensibus aggregantur varia monasteria Benedictina. Propagatio Cisterciensium.

MULTIS sæculis Monachi SS. Basilii & Benedicti soli orbem implerunt, & quasi diviso inter se orbe imperium Dei in terris tenuerunt: sed tandem e multitudine Monachorum nata est diversitas Ordinum. Jam olim quidem Monachi vario vitæ genere & exercitationum discrimine gaudebant, nec istud a vera religione alienum erat. Variæ sunt vitæ, quibus ad Deum pervenitur; & hoc est quod signavit Propheta regius Psalm. 127. *Qui ambulant in vin*

εἰς. Ubi Chrysostomus: Non dixit via, inquit, sed viæ, ostendens non vnam esse, sed multas quibus ad Deum pervenitur, ut earum multitudine faciliorem nobis faceret ingressum: τῇ αὐθιγῇ τὰς ὁδοὺς εἰς δόξαν ποιοῦν ἡμῖν εἰσόδον. Eodem spiritu Ecclesia, quæ est sponsa Christi, gaudet videri coram sponso versicolori veste ornata, Psalm. 44. *Assit Regina a dextris tuis in vestitu deaurato, circumdata varietate.* Non sine stupore spectabat orbis tot genera Monachorum, fideles movebat hujusmodi spectaculum ad pietatem, infideles ad fidem; & hi qui spiritualia sapiebant, variū hoc vitæ monasticæ schema Deo acceptius esse affirmabant. Theodorus de vit. Patrum cap. 26. καὶ ὡσπερ ἡ βασιλεὺς τῶν ἀνθρώπων λαχόντις ἀμείβουσι κατὰ πρᾶτον χρόνον ἀξίον τὰς τῶν νομίσματων εἰκάδας, πότε μὲν λέοντων ἐκτυπώτης, ἰνδάλματα πέτε δὲ ἀστέρων ἐ ἀγέλων, ἄλλοτε τῶ ξένῳ χαρὰν πεινῶν διπορεῖν πικρομόροι τὸν χρόνον· οὗτος ὁ τῶ ὅλων παμβασιλῆς πᾶσι χαρὰν πεινῶν τὰς κατὰ ταύτας ἐ παντοδαπὰς πολιτίας τῇ δούλει ἀπειθείς, οὐ μόνον τῶ προτίμων τῆς πίστεως, ἀλλὰ καὶ τῶ πᾶσι ἀπιστῶν τοσούτων εἰς ὀφθαλμὸν τῶ γλώττης κινεῖ. Et quemadmodum qui apud homines imperium obtinent, per temporum intervalla nummorum imagines mutant, leonum interdum effigiem imprimentes, interdum stellarum & angelorum, interdum novo charactere pretiosius aurum reddere conantes: sic universorum Rex tamquam characteres quosdam novas istas diversasque vitæ rationes pietati adjiciens, non fidei alumnorum tantummodo, sed incredulitate quoque laborantium linguas ad laudandum excitat.

Hactenus tamen vnus & alter erat Ordo Monachorum, nimirum SS. Basilii & Benedicti: verum posteriore excrecente in millia Monachorum, & ex turba intepefcente ob servantia districtiori regulæ, non sine numinis providentiæ factum est, ut e lapsu Benedictini Ordinis surrexerint varii Ordines, qui diverso schemate regulam sancti Benedicti pene deficientem excitant, ut Camaldulenses, Cistercienses, & alii quos recensere par est. Anno Christi 1012. a beato Romualdo instituti sunt Camaldulenses Eremitæ sub regula sancti Benedicti, & Camaldulense monasterium, quod est caput Ordinis, fundatum in diœcesi Aretinæ: de quo Petrus Damiani in ejus vit. Sigovius de regno Italiæ lib.

libro 8. Bernardus epist. 126. Gloss. in cap. *Cum monasterium extr. de Elect.* Joannes Andreas in cap. *Sane extr. de Regularibus.* Anno Christi 1080. Stephanus de Mureto in monte de Mureto gentilitii domini monasterium quoque condidit sub regula sancti Benedicti, quod post ejus decessum translatum est in locum Grandismotis, a quo nomen acceperunt Grandimontenses Monachi, quos propter vite simplicitatem vulgus Bonos-homines appellavit. Stephanus Tornacensis epist. 1. de Grandimontensibus: *Hominibus placent, & servi Christi sunt, Boni-homines appellantur.* Et infra: *Si ab eis quaesieris cujus Ordinis sunt, respondent: Peccatores sumus. Si ab aliis, Bonos-homines esse dicunt: nam & in provincia sua unde originem habent, ubi est caput & sedes eorum, cellula ipsorum Bono-homine appellantur.* Anno 1084. initium cepere Cartusiani fundatore Brunone Canonico Colonienſi, a quo constructum est monasterium in eremo in finibus Delphinatus juxta Gratianopolim, quod est caput totius Ordinis Cartusiani, & sedes generalis ejusdem Ordinis: de quo Bernardus epist. 11. 126. & 153. Petrus Cluniacensis libro 6. epistola 12. Cap. *Per tuas de simon.* Cap. *Sicut & homicid.* Capite 2. §. *Statuimus de decim.* in 6. Anno Christi 1098. Robertus Molismensis Abbas in Burgundia, studio restituendae observantiae regulae & disciplinae Benedictinae, quae jam opum affluentia & multitudine Monachorum dilabi coeperat, Cisterciense monasterium in diocesi Cabillonensi fundavit sub regula sancti Benedicti. Sigebertus anno Domini 1098. *Robertus Abbas Molismensis monasterium Cisterciense instituit, auctoritate & consensu Hugonis Archiepiscopi Lugdunensis, & Sedis Apostolicae Legati, & Walterii Cabillonensis Episcopi, & Odonis Burgundiae Ducis; & praefatus Abbas Robertus virgam pastoralem suscepit ab Episcopo Cabillonensi.* Idem Ordericus Vital. lib. 8. ad ann. 1098. & Caesarius de Miracul. lib. 1. cap. 1. Petrus Cellensis lib. 7. epist. 14. Extunc Congregatio Cisterciensis late suos palmites extendit. Hujus initia illustravit Bernardus, postea Clarevallensis Abbas & fundator. Primariae Cistercii propagines fuere Firmitas, Pontiniacum, Clarevallis, Moribundus. Caesarius loco modo laudato: *Extunc caepit vinea illa Domini Sabaoth crescere ac*

De Grandimontensibus Vincent. Belvacens. Specul. Hist. lib. 26. cap. 46. & seqq.

dilatari, atque palmites suos extendere a mari usque ad mare, & impleta est terra possessione ejus. Prima ejus propaggines Firmitas, Pontiniacum, Clavavallis, Morimundus. Istarum quatuor domorum Abbates tantæ auctoritatis sunt, ut Abbatem Cisterciensem visitent simul, & singillatim ab eo versa vice visitentur. Paucis annis tot monasteria Cisterciensium surrexerunt in Gallia, Anglia, Germania & aliis regionibus, ut statuto Capituli Cisterciensis anni 1155. modus impositus sit, ne plura ædificarentur. Matthæus Paris. ad hunc annum: *In Capitulo Cisterciensi statutum est, ne de cætero aliqui novam construerent Abbatiam, quia numerus Abbatiarum illius Ordinis usque ad quingentas excrevit.* Nec modo novis monasteriis Cistercienses aucti sunt, sed & accessione antiquiorum monasteriorum Benedictini Ordinis, quæ studio perfectioris vitæ passim ultro sese adgregabant Cisterciensi Ordini. Vita D. Bernard. libro 2. cap. 8. *E diversis etiam regionibus odore religionis illius ubique diffuso, fratres ad fundanda monasteria invitantur; fundata quoque & statuta ditioni ejus sese subjiçunt, & arctioris ineunt regulæ disciplina.* Sic Grandis-Sylvæ monasterium, quod est in pago Tolosano, aggregatum Clarevallensi. Bernardus epist. 241. ad Tolosanos: *Sit vobis commendatus lator epistolæ venerabilis Abbas Grandis-Sylvæ, & domus ejus quæ ut nostra est, nuper nobis & nostro Ordini ab ipso tradita, & Ecclesiæ Clarevallis specialiter associata.* Inde secutum est ut Cisterciensem Ordinem professi, id est, qui per aggregationem facti erant Cisterciensis Ordinis, eodem jure censerentur & privilegio decimarum, aliisque juribus Cisterciensis Ordinis uterentur, modo regulæ distinctionem servarent. Cap. Cum ordinem extr. de rescript. cap. Cum dilectus de his quæ vi metusve causæ fiunt. cap. Recolentes de statu Monach. Tanta etiam fuit fama Clarevallensium, ut in Ordine Cisterciensi propriam familiam duxerint, quæ per univærsum orbem feliciter propagata est auspiciis Bernardi primi Clarevallensis Abbatis, ut ostenditur in ejus vita lib. 1. cap. 13. *Jam domus Ordinis illius, filia domus ipsius citra & ultra Alpes & maria, deserta plurima impleverunt, & adhuc sunt, & quotidie confluunt, quibus locus quærendus est. Et petuntur undique fratres & mittuntur, cum beatos se astiment Reges gentium*

& Præsules Ecclesiarum, civitates & regiones, quaecumque de domo illa & disciplina viri Dei meruerint contubernium aliquod adipisci. Et intra: Hoc usque nunc egerunt & quotidie agunt mirifica ejus captura Catalaunensis, Parisiagensis, Moguntia, Leodiensis, & aliarum nonnullarum civitatum: Flandriae quoque & Germaniae, Italiae, Aquitaniae, & aliarum regionum, quascumque quacumque necessitate contigit aliquando, seu adhuc usque hodie contingit virum Dei visitare. Guillelmus Neubrigensis rerum Anglicarum lib. 1. cap. 15. Sane paulo ante a nobili viro Walterio Espec, & a felicitis memoria Abbate Bernardo directi Monachi Clarevallenses Eboracensem provinciam venerant, & in loco qui nunc dicitur Brevallis (tunc autem erat locus horrois & vastae solitudinis) mansionem acceperant, praefato viro tradente, & venerabili Truistino Episcopalem cum affectu paterno favorem praeberet. Petrus Abbas Cellensis lib. 8. epist. 9. Certe, ut credo, aut nullas filias in terris habet Ecclesia, quae est mater nostra; aut in Clarevallensi caenobio quotidie parturit, & maternis uberibus alit matrifantes filias.

Benedictinorum vestis nigra, Cisterciensium alba: inde inter Benedictinos & Cistercienses nata amulatio, quasi Cistercienses vestis candore meliores & puriores videri vellent. Petrus Cluniacensis libro 1. epistola 28. ad Bernardum Clarevallensem: Et vos sancti, vos singulares, vos in universo orbe vere Monachi, alii omnibus falsis & perditis, secundum nominis interpretationem, solos vos inter omnes constituitis: unde & habitum insolitum coloris pretenditis, & ad distinctionem cunctorum totius fere mundi Monachorum, inter nigros vos candidos ostentatis. Et certe hac vestium nigredo antiquitus humilitatis causa a Patribus inventa, cum a vobis rejicitur, meliores vos ipsis candorem inusitatum praefervendo indicatis. Ordericus Vitalis lib. 8. ad annum 1094. In saltibus & campestribus passim construuntur caenobia, novisque ritibus varisque schematibus trabeata peragant orbem cucullatorum examina: albedine in habitu suo praecipue utuntur, qua singulares ab aliis notabilesque videantur. Nigredo in plerisque locis sanctae Scripturae humilitatem designat, quem idcirco colorem religiosorum servor haecenus gratanter gestat; nunc autem nigredinem, qua prius patres, tam regulares Clerici in cappis, quam Monachi in cucullis, ob humilitatis specimen visi sunt, moderni tamquam ob

majoris iustitia ostentationem abjiciunt : inusitata quoque pannorum sectione suorum ab aliis discrepare appetunt. Et Petrus Cellensis in prædict. epist. scripta ad Albertum Cancellarium Ecclesiæ Romanæ pro Clarevallensibus : *Forse dicitis quid ad se de Clarevallensibus , cum Samaritani non constantur Judæis , & nigra Æthiopissæ facies & vestis differat ab illis veste & facie , quæ apparuit Apostolis in transfiguratione Domini.* Anno 1117. Robertus de Arbrifellis, alias de Arbusculo, instituit Ordinem Fontis Ebraldi sub regula sancti Benedicti, & in eremo Fontis Ebraldi apud Pictones extruxit cœnobium Virginum, quod est caput totius Ordinis, & paret Abbatissæ, quæ est princeps totius Ordinis: de quo Guillelmus Neubrigensis rerum Anglicarum lib. 1. cap. 15. *Eodem tempore Robertus de Arbusculo monasterium Sanctimonialium de Fonte Ebraudi construxit, & regularibus disciplinis informavit. Monasterium exemptum a jurisdictione Episcopi Pictaviensis, & immediate subiectum Sedi Apostolicæ : de cujus exemptione tuenda adversum Episcopum Pictaviensem, qui professionem exigebat ab Abbatissa, scripsit Petrus Cellensis libro 1. epist. 3. ad Alexandrum III. Predecessorum vestrorum privilegiis & beneficiis Abbatiam Fontis Ebraldi sublimatam & communitam, ubique divulgatum & notum est in partibus nostris. Episcopus autem Pictaviensis, cum rigare debuisset, & favere plantationi dextra Dei & vestra, nititur libertatem hujus Ecclesiæ diminuire, & cogit professionem sibi & obedientiam promittere, quam sibi Sedes Petri retinuit. Hac ætate valde refloruit religio monastica agnatione variorum Ordinum, reparato senio Ordinis Benedictini. Arnulfus Lexoviensis epist. ad Alexandrum III. de Innocentio II. ejus decessore : Memini ego quantum in diebus ejus religio munda & immaculata profecerit, adeo ut plures hodie religiosorum deserta contineant, quam ferarum olim habuerint bestiarum.*



CAPUT XI.

Quadriga Ordinum Mendicantium. Fratres Predicatores, Fratres Minores, Carmelita, Augustiniani.

Aveteri disciplina labentibus Benedictinis & Cisterciensibus, subortum est novum genus Fratrum Mendicantium, ut damnum religionis, quod ex affluentia opum & possessionum contigerat, remedio paupertatis sarciretur. Huius instituti principes fuere Dominicus natione Hispanus, & Franciscus Assisio oriundus. Ordinem Prædicatorum instituit Dominicus, Fratrum Minorum Franciscus. Utrumque Ordinem confirmavit Innocentius III. reje&is Humiliatis & Pauperibus de Lugduno. Abbas Urspergens. in Chron. ad ann. 1212. *Eo tempore mundo jam senescente, exorta sunt due religiones in Ecclesia, cujus ut aquila renovatur juvenescens, quæ etiam a Sede Apostolica sunt confirmatæ, videlicet Minorum Fratrum & Prædicatorum, quæ forte hac occasione sunt approbatæ, quia olim due sectæ in Italia exortæ adhuc perdurant, quorum alii Humiliatos, alii Pauperes de Lugduno se nominabant, quos Lucius Papa quondam inter hæreticos scribebat, eo quod superstitiosa dogmata & observationes in eis reperirentur. Et infra: Ceterum Dominus Papa in loco illorum exurgentes quosdam alios, qui se appellabant Pauperes Minores, confirmavit, qui prædicta superstitiosa & probrosa respuebant, sed præcise nudis pedibus tam æstate quam hieme ambulant, & neque pecuniam, neque quicquam aliud præter victum accipiebant, etsi aliquando vestem necessariam quisquam ipsis sponte conferbat: non enim quicquam petebant ab aliquo. Hi tamen postea attendentes, quod nonnumquam nimia humilitatis nomen gloriationem importet, & de nomine paupertatis cum multi eam frustra sustineant, apud Deum vanius inde gloriantur: maluerunt appellari Minores Fratres quam Minores Pauperes, Apostolica Sedi in omnibus obediētes. Alii, videlicet Prædicatores, in locum Humiliatorum successisse creduntur. Humiliari quippe nulla habita auctoritate aut licentia Prælatorum, mittentes salcem in messē alienam, populis*

*Antonin.
part. 3. tit.
24. cap. 7.*

prædicabant, & vitam eorum plerumque regere satagebant, & confessiones audire, & ministerius Sacerdotum derogare, quæ volens corrigere Papa, Ordinem Prædicatorum instituit & confirmavit, &c. De Fratribus Minoribus Matth. Paris. ad ann. 1208. Sub his diebus Prædicatores, qui appellati sunt Minores, fi-
 vente Papa Innocentio subito emergentes terram repleverunt, habitantes in urbibus & civitatibus densis & septem, nihil omnino possidentes, de Evangelio viventes, in victu & vestitu paupertatem nimiam præferentes, nudis pedibus incedentes, maximum humilitatis exemplum omnibus præbuerunt, &c. Dominicum tamen ab Innocentio III. repulsum, sed Pontificem in somnis visu admonitum Dominici Lateranensem basilicam rucnem humeris sustentantis, de confirmando ejus instituto apud se constitutum in animo habuisse; sed eo morte prævento, Honorium III. proximum ejus successorem, rem perfecisse, narrat Martin. Polonus ad ann. 1216. Hic Honorius primo anno Pontificatus sui Ordinem Prædicatorum confirmavit, beato Dominico, natione Hispano, ejusdem inventore, procurante. Nam Innocentius Papa, qui durus sibi in hoc fuerat, visione habita quomodo beatus Dominicus Lateranensem Ecclesiam cadentem humeris sustentasset, confirmare voluit: sed morte præventus non potuit. Ordinem Fratrum Minorum confirmavit & Gregorius IX. auctore eodem Polono. Ordinem Carmelitarum, olim accolarum montis Carmeli, confirmavit idem Gregorius, ex eodem Polono. Jam a temporibus Innocentii III. tamen noti fuere Carmelitar, jam e Carmelo pulsi ob feritatem barbarorum, & felici clade sparsi per univcrsum orbem, & Eremitar sancti Augustini. Utriusque Ordinis institutionem Concilium Lateranense præcessisse agnovit Gregorius X. in Concilio Lugdunensi cap. vn. c. 9. Sane de Religiof. domibus in 6. quod de Eremitis sancti Augustini probat cap. Insinuante extr. Qui Clerici vel voventes matrimon. contrah. poss. Carmelitarum Ordinem cœpisse ab Alberto Patriarcha Hierosolymitano anno Christi 1203. refert Wernerus in fascicul. tempor. Albertus Patriarcha Hierosolymitanus Ordinem Carmelitarum instituit in monte Carmelo. Perperam ad annum 1286. initia hujusce Ordinis rejicit Auctor Paralipo-

menon Abbat. Urspergens. *Anno Domini 1286. Carmelitarum Ordo capit primum ab Alberto Patriarcha Hierosolymitano.* Ordo vero Eremitarum sancti Augustini institutum memoratur anno Christi 1204. a quodam Guillelmo Parisiensi Scholari, qui secessit in eremum, & multos discipulos congregavit. Augustinianum primus probavit Innocentius III. post eum Honorius III. Ordinem ampliavit Innocentius IV. & post eum Alexander IV. conjunctis aliis Eremitis, qui diversis titulis censebantur: de quo Antoninus in Chronic. part. 3. tit. 24. capite 14. §. 3. & Paul. Langius in Chronic. Cityzens. ad ann. 1256. Cum autem jam intelligeret Innocentius III. Ecclesiam turba religionum maxime mendicantium laborare, his modum imposuit in Concilio Generali Lateranensi, dicta lege ne deinceps nova quæpiam religio admitteretur, cap. vltim. extr. *de Religios. domibus*, quod repetitum est Concilio Lugdunensi cap. vnic. eodem tit. in 6. quo res redacta est ad quatuor Ordines Mendicantes, Prædicatores scilicet, Fratres Minores, Eremitas sancti Augustini, & Carmelitas. Nihilominus post hæc tot alii Ordines surrexere, vt inter eos graves rixæ orirentur, & plebem onerarent. De quo querebatur Matthæus Paris. ad annum 1258. *Universitas insuper Parisiaca per Prædicatores & Minores non mediocriter est perturbata; tot autem Ordines exorti sunt, quod hi hos & e converso supplantant: nec sufficit, ut consuevit, populus eos plebeiis elemosynis sustentare.*





CAPUT XII.

*Origo, propagatio, & restitutio Canoniorum
Regularium.*

LICET de Monachis opus institutum sit, tamen de Canonici Regularibus hoc loco dicere parergon non erit, quia hi cum Monachis eodem fere jure censentur, propter usum consimilem vitæ communis, cujus exemplum dederit Monachis, & quæ est insigne perfectionis Evangelicæ: quæ de causa Canonici Regulares appellantur Monachi. Arnold. Abbas Lubec. Supplem. Helmod. lib. 2. cap. 26. *Quamvis plerique Canoniorum sancte & juste vivant, Monachus tamen nomen est summa sanctitatis, & huic nomini nihil perfectius deesse debet; sed hoc paucorum est. Inde est quod seculares ignorantes discretionem Ordinis Monachorum & Canoniorum Regularium, ipsos Canonicos Monachos appellare consueverunt. Monachos Canonicos vocat Anast. in Gregor. IV. Monasterium a fundamentis statuit, in quo etiam Monachos Canonicos aggregavit. A cunabulis Ecclesiæ & multis post sæculis Clerici cujusque Ecclesiæ in commune vivebant, quibus erat vna mensa, vnum lectum, vnum conclave. De Clericis Rhinocorurensis Ecclesiæ quæ est in Ægypto, testatur Sozomen. lib. 6. cap. 31. κοινὴ δὲ ἔστι τοῖς αὐτοῖς κληρικαῖς οἰκισὶς πρὸς τὰς πύλας, & τὴν ἀλλὰ πύλαν. Clerici illius Ecclesiæ communis habitatio & mensa, & alia denique omnia. Idem Nicephor. lib. 11. cap. 38. Hac de causa dicti sunt κανονικοί. Basil. 1. ad Amphilocho. cap. 5. quod essent descripti ἐν τῷ κτηνί, Conc. Nicen. can. 17. in canone, id est, in matricula seu tabula Clericorum in commune viventium. Unde si quis Clericus deprehenderetur habere proprium, nomen ejus expungebatur de tabula seu albo Clericorum, & e societate Clericorum removebatur. Augustin. sermone 2. de vita communi Clericor. *Quisquis inventus fuerit habens proprium, non illi permitto, ut inde faciat testamentum; sed delebo eum de tabula Clericorum.* Can. Nolo 12. quæst. 1. Et hoc est quod prius dixit serm.*

serm. 1. ejusdem argumenti: *Recte illi tollerem Clericatum*, id est, communionem vitæ Clericorum; quæ est quasi Clericatus, quia est propria Clericorum. Deservescente zelo religionis, necnon vitæ communionem ad impossibile redacta propter nimiam multitudinem Clericorum, confusionis & discordiæ vitandæ causa, Clerici seorsum quidem habitaverunt, sed sportulas seu annonas mensurnas, id est, mensuras, ab Ecclesia acceperunt. Cyprian. epist. 28. *Interim se a divisione mensurnarum tantum contineant, non quasi a ministerio Ecclesiastico privati esse videantur, sed ut integris omnibus ad nostram præsentiam differantur.* Et idem epist. 34. *Ceterum Presbyterii honorem designasse nos illi jam sciatis, ut & sportulis iisdem cum Presbyteris honorentur, & divisiones mensurnas æquas quantitatibus partiantur.* Unde Fratres Sportulantes dicti sunt, qui sportulas accipiebant, retenta appellatione fratrum, memoria antiquæ communionis, cujus imago remanebat in erogatione sportularum, quæ fiebat ex arario Ecclesiæ. Idem epist. 66. *Sed in honore Sportulantium Fratrum tamquam decimas ex fractibus accipientes, ab altari & sacrificiis non recedant.* Communitatem Clericorum jam fere exoletam & desuetudine sublatam in Africa restituit magis quam instituit Augustinus: postquam enim Episcopus Hipponensis factus est, ne esset sine fratrum solatio & testimonio, in domo Episcopali monasterium Clericorum congregavit. Testis ipse de se sermon. 1. de vit. commun. Clericorum. *Pervenit ad Episcopatum, & vidi necesse habere Episcopum exhibere humanitatem assiduam quibusque venientibus sive transcurrentibus. quod si non fecissem, Episcopus inhumanus diceret. Si autem consuetudo ista in monasterio permissa esset, indecens esset: & ideo volui habere in ista domo Episcopi mecum monasterium Clericorum.* Idem ante Episcopatum cum Presbyter factus est, monasterium in Ecclesia in qua ordinatus erat, id est, juxta Ecclesiam, instituit, de quo meminit Augustin. loco modo laudato, & Possid. in vit. Augustin. cap. 5. *Factus ergo Presbyter monasterium intra Ecclesiam mox instituit, & cum Dei servus vivere cepit secundum modum & regulam sub sanctis Apostolis constitutam: maxime ut nemo quicquam proprium in illa societate haberet, sed omnibus essent omnia communia, & distribueretur unicuique prout cuicque opus*

erat. Illud idem est monasterium, quod a se conditum in horto Valerii post Presbyteratum testatur ipse Augustin. serm. 1. de vit. commun. Clericor. *Apprehensus & Presbyter factus, per hunc gradum perveni ad Episcopatum. Et quia hic dispucebam esse in monasterio cum fratribus, cognito instituto & voluntate mea, beata memoria senex Valerius dedit mihi hortum illum, in quo nunc est monasterium. Cæpi boni propositi fratres colligere, &c.* Prius illud monasterium fuisse Monachorum inde colligitur, quod monasterium simpliciter dixit; posterius vero monasterium Clericorum distinctionis causa. Ac ne dubites Augustinum prius monasterium instituisse, & monachicam vitam elegisse, Augustinus ipse Donatistas valde infensos habuit, quasi esset auctor monastici instituti in Africa. Testatur ipse de se lib. 3. contra Petilianum cap. 40. *Deinceps perrexit ore maledico in vituperationem monasteriorum & Monachorum, arguens etiam me quod hoc genus vite a me fuerit institutum, &c.* Idemque in Psalm. 132. *Quid ergo dicunt illi, qui vobis de nomine Monachorum insultant, &c.* Augustini exemplo Prosper ejus discipulus & Rhegiensis Episcopus Clericos Regulares in Ecclesia sua instituit, quod ipse insinuat lib. 2. de vit. contemplativ. cap. 16. *Hæc sunt propter quæ non explendis voluptatibus ac fovendis, sed congregandis fratribus aut alendis expedit facultates Ecclesia possidere, ut uno sollicitudines omnium in sua societate viventium sustinente, omnes qui sub eo sunt, fructuosa vacatione potiantur spiritualiter & quiete.* Anno Christi 496. Gelasius I. Rom. Pontifex Ordinem Canonicorum Regularium S. Augustini propagavit in Italia, & in Basilica Lateranensi eos collocavit, in qua per multa sæcula claruerunt Onufrius Pannin. in Chronic. ex archivo Lateranensi, & Genebrardus. In Ecclesia Turonensi in Gallia mensam Canonicorum instituit Baudinus ex Quæstore Clotharii Regis Turonensis Episcopus: de quo Gregor. Turonens. lib. 10. cap. 30. *Hic instituit mensam Canonicorum.* In aliis plerisque & Ecclesiis Galliarum instituti sunt Canonici in commune viventes, inter quos usum vite communis forte jam solutum restituit Conc. Turonense III. jussu Caroli Magni congregatum can. 23. *Canonici & Clerici civitatum qui in Episcopis conversantur, consideravimus ut in claustris*

habitantes simul omnes in uno dormitorio dormiant, simulque in uno reficiantur refectorio, quo facilius possint ad horas canonicas celebrandas occurrere, ac de vita & conversatione sua admoneri & doceri, &c. quod repetitur & can. seq. Et Conc. Meldense habitum sub Carolo Calvo can. 53. *Ut Canonici in civitate vel monasterio, sicut constitutum est, in dormitorio dormiant, & in refectorio comedant, & in domo infirmorum necessarium subleventur, &c.* In Hispania jam fere defierat usus vitæ communis inter Canonicos majorum Ecclesiarum: junioribus Clericis tantum indicta vita communis; de senioribus nihil actum. Conc. Tolet. IV. can. 23. *Ob hoc constituere oportuit, ut si qui in Clero impuberes aut adolescentes existunt, omnes in uno condatu atrii commaneant, ut lubricæ ætatis annos non in luxuria, sed in disciplinæ Ecclesiasticis agant, deputati probatissimo seniori, quem & magistrum disciplinæ & testem vitæ habeant.* Can. *Omnis ætas* 12. qu. 1. In Italia usum vitæ communis Clericorum restituere etiam Eugenius II. & Leo IV. quorum constitutiones in vnam conflatae, in can. *Necessaria* 12. quæst. 1. *Necessaria etenim res exigit, ut juxta Ecclesiam claustra constituantur, in quibus Clerici disciplinæ Ecclesiasticis vacent: itaque omnibus unum sit refectoryum ac dormitorio, seu cætera officina ad usus Clericorum necessaria.* Anno Christi 1062. Canonici Regulares Romæ Lucas, & aliis locis in Italia restituit Alexander II. Pontifex, ante Lucensis Episcopus. Teste Onufrio Panninio in Chronic. in Gallia Ordo Canonicorum Regularium S. Augustini instauratus in Ecclesia S. Quintini Belvacensis ab Ivone ejusdem Ecclesiæ Præposito, postea Carnotensi Episcopo, anno Christi 1078. Sigebertus: *Ab hoc tempore cepit reflorescere in Ecclesia beati Quintini Belvacensi Canonicus Ordo, primum ab Apostolis, postea a beato Augustino Episcopo regulariter institutus, sub magistro Ivone venerabili ejusdem Ecclesiæ Præposito, postea Carnotensem Episcopo.* Idem Vincent. Belvacens. lib. 26. cap. 51. Antonin. part. 2. tit. 9. cap. 8. §. 2. & 3. Volaterran. lib. 21. Naucler. vol. 2. generat. 37. Ante Ivonem in Gallia Canonici in commune viventes nesciebant regulam beati Augustini, sed utebantur regula collecta ex sententiis Patrum, ut patet ex Conc. Aquigranensi in Præfat. & Ademaro, ita ut regulam S. Augustini in

Canonicis Galliarum magis institutam quam reſtitutam fuiſſe dicendum ſit. Inde in Gallia valde floruit Ordo Canonicoꝝ Regularium S. Auguſtini, de quo multa Jac. a Vitriac. Occident. Hiſt. lib. 2. cap. 21. Et in omnibus Eccleſiis Gallię inſtituti fuere Canonici Regulares. De Burdegalenſi & Tolofana probatur ex cap. *Præterea de Prabend.* vbi Archidiaconus quidam in Burdegalenſi ſimul & Tolofana Eccleſia regulariter profeſſus, & in vtraque Archidiaconatu donatus, jubetur alterum, vtrum maluerit, dimittere. Carcaſſonenſes Canonicos fuiſſe Regulares teſtis eſt Petrus Valliſſernenſ. Hiſt. Albigenſ. cap. 16. *Nec ſilendum quod ciues Carcaſſonenſes peſſimi & infideles reſectorium & cellarium Canonicoꝝ Carcaſſonenſium, qui erant Canonici Regulares, iſta etiam ſtalla Eccleſia, quod execrabilis eſt, deſtruxerunt, ut muros ciuitatis inde munirent.* Albienſem Eccleſiam tenuere Canonici Regulares, donec Bonifacius VIII. ex cauſis quæ ſatis notæ ſunt, eam ſecularitate donavit anno Chriſti 1297. de quo Rebuff. in *Prax.* part. 1. tit. *De erect. Eccleſ. in ſecular.* Anicienſis quoque Eccleſia Canonicoꝝ Regularium fuiſſe noſcitur ex Proœm. conſtit. Benediſti 12. pro reſtituenda diſciplina Regularium, vbi inter Regulares cenſetur. Anno Chriſti 1095. Monafterium Canonicoꝝ Regularium juxta Tullum civitatem conſtruxit Lutolfus Tullenſis Eccleſiæ Decanus: tantum erat vbiq; ſtudio in Canonicos Regulares. Bertold. Conſtantienſ. Preſbyter in *Chronic.* ad hunc ann. *Lutolfus ſanctiſſimi Leonis IX. Papæ filius, ſanctæque Tullenſis Eccleſiæ Decanus, monafterium Clericoꝝ, quod Canonicum Romani cognominant, prope eandem civitatem conſtruxit, in quo Clericos ſecundum regulam S. Auguſtini vivere profeſſos congregavit, quibus & Præpoſitum ejuſdem profeſſionis præfecit, quem Episcopos loci in Abbatem eidem Congregationi ſolemniter conſecravit: eſt enim conſuetudo in illis partibus, ut Præpoſiti Congregationum huiuſmodi Abbates nominentur, & in Abbates conſecrentur, hoc tantum excepto, quod baculos non portant.* In Hiberniâ Canonicos Regulares inſtituit B. Malachias Archiepiſcopus Hibornorum. Bernard. in ejus vita. *Malachias factus Dunnenſis Episcopos conſeſſim more ſuo curavit adſciſcere ad ſolatium ſibi de filiis ſuis conventum Regularium Clericoꝝ: & eccleſiaſ ac*

cingitur quasi novus Christi tyro ad spirituale certamen, rursus induitur arma potentia Deo, sanctæ paupertatis humilitatem, rigorem disciplinæ Cœnobialis, otium contemplantandi, orandi assiduitatem. Denique Canonici Regulares ubique fuerunt sub regula sancti Augustini. Stephanus Tornacens. epist. 1. *Sed & Canonicos Regulares nostri temporis sub regula beati Augustini Christo deservire scimus, & sub ea in domo Domini unius moris habitare.* Et ab eo tempore dicti sunt Canonici Regulares à regula quam observabant, etsi Canonicus Græcis idem sit quod Regularis. Tornacens. eod. loco. *Inde est quod sicut a regula quam observabant Canonici nostri dicuntur Regulares: eadem scilicet figura loquendi, qua dicimus Alba Pater, etsi Abbas idem sonet quod Pater, ad significandam reverentiam Prælationis & Ordinis.* Et Canonici qui regulam beati Augustini districtius observabant, in commune viventes, & nihil proprium habentes, nomen Regularium addiderunt, ut distinguerentur à Canonicis qui seorsim habitabant, & proprium habebant ut sæculares: unde Canonici Sæculares dicti sunt. Sicut vitis diligentius culta palmites suos latius extendit, Ordo Canonicorum Regularium in varias congregationes diversi nominis sub eadem regula sese effudit, & variæ ejusdem Ordinis propagines fuere circa annum Christi 1107. Congregatio Canonicorum Regularium S. Rufi florere cœpit, cujus caput est monasterium S. Rufi Valentia apud Delphinates in Gallia, cujus fundator extitit B. Rufus Archiepiscopus Lugdunensis. Naucler. vol. 2. generat. 37. Canonicos Regulares S. Rufi esse sub regula S. Augustini, ex eo satis colligitur, quod can. *Statuimus* 19. qu. 1. qui est Urbani II. ne Canonici Regulares Monachi fiant, inscribitur Abbati S. Rufi. Stephanus Tornacensis loco modo laudato: *Urbanus Papa de regulariter Professis, id est, de his qui sub regula B. Augustini militant Deo, sic agit. Nam & Abbati S. Rufi, ubi procul dubio regulam beati Augustini sequuntur, ipsis & consimilibus privilegium hoc indulget.* Anno Christi 1097. instituta est Congregatio Canonicorum Regularium de Arroagia, cujus caput est monasterium de Arroasia, vulgo *Arrouage*, in diœcesi Atrebatensi, de quo Jacob. a Vitriaco Hist. Occidental. lib. 2. cap. 23. *Sunt alii Regulares Canonici, qui de Arroasia nun-*

cupantur, eo quod prima hujus institutionis Abbacia, quæ caput est omnium aliarum, sic vocetur, in diœcesi Arrebatensi sita, &c. Unus ex auctoribus hujusce instituti fuit Cono, primum Eremita, postea Prænестinus Episcopus & Sedis Apostolicæ Legatus in Gallia. Robert. Montensis in Supplem. Sigebert. ad ann. 1114. *Hic est Cono unus ex illis Religiosis, qui Eremiticam vitam apud iruncum Bereager primo duxerunt, & Arroasiani Ordinis auctores extiterunt. qui Ordo usque hodie floret & crescit.* Anno Christi 1126. Norbertus Præmonstratum monasterium in diœcesi Laudunensi fundavit, & Ordinem Canonicorum Præmonstratensium sub regula B. Augustini instituit. Jacob. a Vitriac. ejusd. lib. cap. 22. *Quidam vero vir justus & timoratus, verus Dei cultor, & permansens in innocentia sua, dictus Norbertus, cum prædicatione sua velut celestis fistula & tuba argentea multos docuisset, & ad Dominum convertens, ad frugem melioris vitæ divinitus inspiratos incitasset: tandem in loco qui Præmonstratum dicitur, ad opus sui & discipulorum suorum pacificum constituit habitaculum. Sumpto autem regulari habitu, ut secundum regulam beati Augustini Domino militaret, consuetum vivendi modum, quem prædicti Regulares Canonici usque ad tempora illa laxius observaverant, in se & in discipulis suis coarctavit, quasdam novas institutiones addendo, quasdam etiam veteres immutando.* Robert. Montens. ad ann. 1116. *Hoc tempore loci & Ordinis Præmonstratensis fundator, &c. De Præmonstratensibus Bernard. epist. 252. Innocent. III. lib. 1. epist. 201. & seqq. Anno Christi 1401. auctore Leone de Carate Mediolanensi Canonico Regulari cœpit Congregatio Canonicorum Regularium, quæ dicta est de Frigionaria, à cœnobio sanctæ Mariæ de Frigionaria, in diœcesi Lucensi, in qua instituta est. Eadem postea Lateranensis nomen accepit ab Eugenio IV. postquam eam probasset, & Canonicos Regulares de Frigionaria in Basilicam Lateranensem revocasset.* Anno Christi 1410. cœpit alia Congregatio Canonicorum Regularium S. Salvatoris, quam fundavit Stephanus Bononiensis, Ordinis Eremitarum S. Augustini: is enim cum paucis, Gregorio XII. approbante, ad ædem S. Salvatoris in Scopeto prope Florentiam secessit, & ibi cœnobium extruxit, unde dicti sunt & Scopetini. Alia item Congregatio Canonicorum Re-

gularium S. Petri de monte Corbulo in diœcesi Florentina turrexit, quam confirmavit Julius II. Quæ descripta sunt ex Volaterrano lib. 21. Philippo Bergomenf. in Supplem. Chronic. lib. 14. 1367. & 1406. 1407. & Onufrio Panninio de 7. Urbis Ecclef.



CAPUT XIII.

Varii Ordines militares instituti.

ECCELESIA laborante in Oriente & Hispania sub jugo Sarracenorum, Monachis qui jugi oratione Deo militant, additi sunt militares Ordines, novum genus Maccabæorum, qui manu & precibus pugnarent adversus hostes Dei & Ecclesiæ. Ac primum Hierosolymis instituti sunt tres sacre militiæ Ordines, nimirum Fratres Hospitalis, seu Hospitalarii, alias Milites S. Joannis Hierosolymitani, & Fratres seu Milites Templi, qui vulgo Templarii dicti sunt. Dum Hierosolyma erat in potestate Sarracenorum, Latini, hi fuere Amalphitani negotiatores, qui commercii causa Syriam frequentabant, juxta sepulcrum Domini, annuentibus Sarracenis, cœnobium construxere, quod dictum est de Latina, de nomine fundatorum qui erant Latini: id nomen erat in Syria omnibus Christianis Occidentalibus. Cœnobio Abbas & Monachi impositi, quorum officium imprimis fuit peregrinos fovere, & a barbarorum injuriis tueri. In dies pietatis studio excrecente peregrinorum multitudine, cum loci angustia peregrinos non caperent, appositum est xenodochium seu hospitale, & altare seu oratorium sancti Joannis Eleimonis, vel, ut hodie malunt, S. Joannis Baptistæ, ubi peregrini excipiebantur. A Sarracenis recepta Hierosolyma, vir quidam religiosus Gerardus nomine, adjunctis sibi quibusdam sociis, diu & cum laude hocce xenodochium administravit, & habitum regularem suscepit, pullæ vesti assuta alba cruce. Hujus Ordinis munus fuit peregrinis & pauperibus ministrare, advenientes & discedentes a grassatoribus & latrunculis tueri. Hi ab initio Abbati de Latina & Pa-

triarchæ Hierosolymitano parebant; sed postea liberalitate & munificentia tam Principum quam Pontificum, Episcoporum, virorum nobilium & privatorum opibus & prædiis aucti, a jurisdictione ytriusque, id est, Abbatibus de Latina & Patriarchæ Hierosolymitani, exemptionem impetrarunt: eisdem concessa privilegia de non præstandis decimis de prædiis suis. De quo Willelm. Tyrius de Bell. sacro lib. 18. cap. 5. Jacob. a Vitriaco. Hist. Oriental. lib. 1. cap. 68. iidem postea Milites Rhodii dicti sunt, ex quo amissis sedibus Hierosolymitanis, novas quærentes, Rhodum insulam vi & armis occuparunt circa annum Christi 1310. quam duobus fere sæculis tenuere, donec a Solimanno diutina obsidione & numero hostium magis oppressi quam victi, mutare solum coacti, Melitam insulam Caroli V. Imperatoris beneficio acceperunt, quam in hunc diem multis victoriis clari feliciter tuerunt: vnde & Melitenenses dicuntur. Anno Christi 1118. Hierosolymis institutus est alter Ordo Fratrum seu Militum Templi, vulgo Templariorum. Hujus Ordinis auctores fuisse Hugo de Paganiis, & Gaufridus de sancto Audemaro: sic dicti quod juxta templum Domini sedes haberent. Eorum cum Hospitalariis vnum & par officium, peregrinos ab injuriis & atrociniis barbarorum tueri. Anno salutis 1122. eis regulam & vestem candidam tradidit Honorius II. in Concilio habito Trevis in Gallia: postea ab Eugenio vesti alba addita crux rubra. Hi pari fortuna vsi ac Hospitalarii, opibus ditati, a Patriarchæ Hierosolymitani ditione exempti sunt, prædia quæ ab his possidebantur decimis soluta. De his fusius Willelm. Tyrius lib. 12. cap. 7. Jacob. a Vitriac. Histor. Oriental. lib. 1. cap. 65. Matth. Paris. ad ann. 1118. Tandem hi opum affluentia a disciplina lapsi, & nefandis scædatis, vt jactant, variis suppliciis affecti, & Ordo ipse sublatus in Concilio Viennensi sub Clemente V. anno 1312. eorum bona ex parte tradita Hospitalariis, vt refertur in Paralipomen. Abbatis Urspergens. Eodem fere tempore Hierosolymis surrexit tertius Ordo ejusdem instituti, Militum Teutonicorum. Hujus Ordinis auctor fuit vir Teutonicus, qui suo sumptu xenodochium extruxit in gratiam Germanorum. Fratrum hujus Ordinis idem officium fuit, peregrinis advenantibus Hierosolymam ministrare,

De Fratribus Hospitalariis & Templi Bernard. ep. 175. 258. 289. & sermone ad Melitenenses Templi.

nistrare, & a barbarorum insidiis tutum eis iter præstare. Pulsi Hierosolymis hi migrarunt in Prussiam, quam vi & armis profligatis infidelibus occuparunt, & tribus fere sæculis tenuerunt : donec Albertus Brandenburgius Lutheranismi in hæresim lapsus, ducta vxore, Prussiam sibi vindicavit jure dominii, & titulum Ducis Prussiæ assumpsit, quem in hunc diem ejus posterii tenent. De his Jacob. a Vitriaco Hist. Oriental. cap. 66. Volaterran. lib. 21. In Hispania quoque constituti sunt alii Ordines militares, qui præsidio essent adversus Sarracenos. Primum instituti sunt Fratres S. Jacobi de Spatha, sub regula sancti Augustini : hunc probavit Alexander III. Conjugati admittuntur, ita ut mulieres scorsim haberent. Jacob. a Vitriac. Hist. Occidental. cap. 26. Volaterran. lib. 21. Marian. rerum Hispanic. lib. 11. cap. 13. Anno Christi 1120. Milites Calatranæ instituti sunt a Sancio III. cognomine Desiderabili, Rege Castellæ, cum Fratres militiae Templi, qui arcem Calatranæ tenebant, apparatu belli Sarracenicis consternati, de salute urbis desperantes, in manibus Regis cessissent, nec alius in defensionem oppidi sese offerret, præter Abbatem de Fiterio Cisterciensis Ordinis, & Monachum quendam ejusdem Ordinis, olim militia clatum, nomine Didacum Velasquium. Rex illico ei tradidit arcem cum agro de Calatrana jure perpetui dominii, ex quo multi ad eum Ordinem confluxerunt sub lege militiae adversus Sarracenos. Roderic. Tolet. lib. 7. cap. 14. & 27. Volaterr. lib. 21. Marian. rerum Hispanic. lib. 11. cap. 6. Anno 1326. Milites JESU CHRISTI instituti in Lusitania sub Dionysio Rege, auctorante Joanne XXII. quibus bona Templariorum sub censu expeditionis Sarracenicæ tradita : crucem rubram gestant, nigro amictu, & Cisterciensis Ordinis censentur. Volaterr. libro 21. Milites S. Juliani de Pyro, sic dicti quod in cognomine oppido, vulgo *Peyro* apud Legionenses primum hujus Ordinis Collegium sit excitatum a Gomezio Fernando. Instituti sunt ab anno 1170. exinde Alcantara oppido ad Tagum donati a Calatranensibus, translatis co sedibus, Alcantarensum nomen acceperunt. Volaterr. lib. 21. Marian. lib. 12. cap. 3. In Arragoniæ regno duo extiterunt Ordines militares. Prior S. Mariæ de Mercede seu Redem-

ptione Captivorum , institutus a Jacobo I. anno 1218. probante Gregorio IX. Zurita in indicibus Aragon. Marian. lib. 12. capite 8. Hic Ordo partim ex militaribus viris, partim ex Monachis constabat : sed hodie desit in Monachos, qui colunt regulam beati Augustini. Alter Ordo Montefia dicitur, quibus sedes Montefia: id nomen oppido in regno Valentia, unde milita nomen. Ordinis Cisterciensis sunt, Calatranæ Ordini contributi, sub proprio tamen magistro. Hic Ordo institutus anno Christi 1317. a Joanne XXII. Pontifice, Jacobo II. Rege Aragonum. Zurita in indicibus Aragon. Volaterr. lib. 21.



CAPUT XIV.

*Lapsus Monachismi, ac ejusdem variae causae
& remedia.*

ACCELERATIS gradibus religio monastica ad culmen perfectionis pervenit: sed vitio rerum humanarum haud diu ibidem stetit, e fastigio in imum vergere & inclinare coepit. Quae fuerint causae & momenta tristis lapsus, hoc loco disquirere opportunum erit, & religioni conducibile: ubi enim semel noscuntur causae malorum & vitiorum corporis, facile inveniuntur remedia idonea ad eorum medelam. Variæ fuere & concurrentes causae lapsus religionis. Jam a quarto saeculo religionis asperitas refriguit, quasi natura senescente corporibus antiquam vitae duriem non ferentibus, & in ipsa eremo Aegyptia a veteri abstinencia discessum, pani & aquae additum oleum, acetum & modicum casei ad sustentationem Monachorum. Cassianus collat. 19. capite 6. Verum ut in illa Anachoretica disciplina illos elationum spiritalium fluctus & exitibilis conmodoxia pericula praeceam, ad hoc generale cunctorum pondus, id est, communem parandi victus sollicitudinem revertamur, quae eo usque mensuram, non dico illius antiquae distributionis, excussit, quae usum olei penitus nesciebat. Sed ne hac quidem nostri temporis remissione coepit esse contenta, in qua uno olei sextario, itidem

que lenticula modio advenientium vsibus preparato, totius annuæ refectionis explebantur officia, itaut duplicato nunc ac triplicato modio necessitas victualis vix queat expediri: & in tantum apud nonnullos vis noxiæ hujus remissionis excrevit, ut aceto muriaque permixtis non illam unam olei admisceant guttam, quam prædecesores nostri, qui eremi instituta majore abstinentiæ virtute sectati sunt, repellendæ tantum cœnodoxiæ gratia, instillare consueverant; sed infringentes Ægyptiacam, pro salibus cascum, plus olei quam necesse est supersundant, & ita duos cibos propria suavitare distantes, qui sigillatim diversoque tempore Monachos reficere jucundissime potuissent, sub unius saporis oblectatione percipiant. Falsos Monachos sui temporis acerbe increpat Augustinus in Psalm. 132. Verumtamen, carissimi, sunt & qui Monachi falsi sunt, & nos novimus tales; sed non perit fraternitas pia propter eos qui profitentur quod non sunt. Et idem libro 5. contra Faustum cap. 9. Quam multæ fraternæ congregationes nihil habentes proprium, sed omnia communia, & hæc non nisi ad victum & tegumentum necessaria, unam animam & cor unum in Deum charitatis igne constantes: atque in his omnibus professionibus quam multi fallaces & perdati deprehenduntur; quam multi etiam latent, quam multi primo recte ambulantes, perversa voluntate cito deficiunt; quam multi in tentationibus inveniuntur, quod alio animo talem vitam adumbrata specie susceperunt. Monasticæ disciplinæ lethalis quoque lues fuit, evagandi, & imprimis regiam urbem, id est, Constantinopolim, adeundi licentia. Tempore Chalcedonensis Synodi Constantinopolis ita laboravit turba Monachorum undique confluentium, ut amplissimæ vrbi graves essent, & turbas passim eierent: quam ob causam ejus Synodi can. 23. vrbe pulsi sunt, & vetitum ne ad urbem accederent sine licentia sui Episcopi. Can. Quidam. 16. quæst. 1. Proxima & præcipua remissionis Monachorum causa fuit, ingens accessio opum: religio paupertatis alumna, a pauperculus humilitatis & paupertatis studiosis, pane & aqua & obvio cibo contentis instituta; eadem ratione & cultu vitæ sustendenda erat qua corperat. Ubi vero Monachi opibus aucti sunt non unificentia Principum & Pontificum, facile a veteri disciplina secesserunt, divitiis luxum & molliem suadentibus.

H ij

&c. tunc impletum est quod ait Trithemius Abbas de viris illustribus Ordinis sancti Benedicti cap. 8. *Peperit olim religio divitias, at nunc matrem filia suffocavit.* Inde casum religionis ortum deplorat Petrus Cluniacensis libro 1. epist. 20. *Nam qui penuriam professus fueras, paulatim opes congregat, nec prius desistit, quam alienis reatibus proprium pecuniam faciat: simulat ea colligens indigentiae supplementum, vel si quid suae necessitati supersuerit, indigentium adjumentum: vult dispensator fieri alienorum bonorum, qui possessionem abjuraverat propriorum.* Haec occasione Dei servus mammona efficitur famulus, ut cum se fingit egenorum utilitati prospicere, cupiditati suae liberior valeat inservire. Ea de causa omnes ad subveniendum pauperibus exhortantur, ut dum Paulus ministrans sanctus esse creditur, Ananias fraudator nullatenus aestimetur. Hoc astu tugurium pauperis fit Regum gazophylacium, solitarii inopia Salomonis opibus antefertur, & de spelunca egestatis Indorum thesauri largissime profunduntur. Post de cura pauperum ad culmina transfertur adificiorum, inde subiecta omnia curiose perlustrat, fundamenta jacet, perpendicularum extendit, structurae suae longitudinem, altitudinem & latitudinem studiosus geometer dimetitur, Ecclesias adificat, urbes mœnibus ambit, flumina pontibus obnubit, & se solum destruens universa construit. Et Arnoldus Abbas Lubecensis in Supplement. Helmoldi libro 3. capite 9. *Crevit possessio, & evanuit religio, siquidem ex temporalium abundantia, dum ceperunt carnaliter vivere, ceperunt etiam carnaliter sapere: refrixit caritas, subintravit mundialitas, &c.* Huic modo ut consulere-tur, apud Cartusienfes statutum, ne ultra certum modum prœdia & homines, id est, colonos vel feudatarios acquirere liceret. Robertus Montensis in Supplement. Sigebert. ad ann. 1133. *Cartusienfes præ cæteris continentes pesti avaritiæ, qua plurimos sub religionis habitu laborare videmus, terminos posuerunt, dum certum numerum hominum, animalium, possessionum, quem eis prætergredi nullomodo liceat, statuerunt.* Idem Jacobus a Vitriaco Occident. Histor. libro 2. capite 18. de Cartusienfibus: *Habent autem certum animalium numerum & certas metas possessionum, quibus mediocriter austeram vitam valeant sustentare.* Eodem ingenio, ne Monachi prœdiorum cultura a meliore Dei cultu avocentur, Emanuel Comnenus:

edito restituit Constitutionem Nicephori Phocæ de non ampliandis prædiis Monachorum. Nicetas in ejus vitæ lib. 7. ποσὸν δ' ἀπέχε τὸ τῷ κατὰσιν ἐπαγεῖν, οἱ μισοῦσι μὲν ἐπεζέλλονται, πολυχτήμονες δ' ἐ πολυφρονηδὲς εἰπὲν, ἡδὲ τοὺς τῇ ἐκτεταύται φιληθυσίας ζῶν, ὅς τε καὶ τὰ νικηθῆσαι, ἢ ὁ βασιλεὺς ταυτοὺς τῶν Νικηφόρου ὁ Φωκῆς, ὁ δ' ἰσχυρὸς ἡγεμὼν, ἐ πολλὸς τὸ σώσειν ἔδειτο, ταύτους τὰς μὲν ἐμπλατύνει καὶ πῶς τὴν ἐκτεταύται πάλαι τῶν χρόνων, καὶ τὸ καὶ τὸν δαυιδά, τῶν ἐρυθρῶν τῆς βασιλείου βασιλῆος, ὡς αἵματι ἀναδεδάσας ἐζώωνται. *Tantum autem absuit eorum institutum laudaret, qui monasticam vitam professi, & oribus affluunt, & multitudine curarum magis distrahantur, quam ii qui hujus vitæ deliciis occupantur, ut sanctionem Nicephori Phocæ, fortissimi & cordatissimi Imperatoris, olim abolitam de non augendis monasteriorum latifundiis, quasi postliminio revocavit.* Accessit & alia causa relaxationis Monastices, nimia multitudo Monachorum, & indiscreta receptio tot cucullatorum, ultra modum facultatum monasteriorum: vnde secutum est, ut Monachi turba audaciores & indociliores facti coerceri non possent, nec in officio contineri, non suppeditatis necessariis, non secus ac milites, quibus non præstantur stipendia. Ideo provide constitutum, ne plures recipiantur in monasteriis, quam res ejus ferre possint. Concilium Moguntinum can. 19. Turonense III. can. 21. Arelatense III. can. 8. qui refertur in cap. 1. extr. de Institut. cap. Periculoso. §. Sane de statu Regular. in 6. Religionis itidem gravior lapsus contigit ex diutinis bellis & incursionibus Normanorum, a quibus tota fere Gallia incensa & eversa monasteria, pulsi Monachi, qui amissis sedibus vagi & errantes vestem mutabant, & ad suos redibant. Joannes Monachus in vita Odonis Cluniacensis lib. 3. init. ex relatione ipsius Odonis: *Per illud namque tempus, quo Nortmannorum gladius in nostris finibus grassabatur, cæpere multi ex nostro Ordine propria relinquere occasione hostium reperta, & cuncta usus humano placita repetere, quæ pridem abrenunciaverant: pro consortio namque fratrum sequentia habebant, parentum & amicorum, & pro rebus monasterii, substantiis propriis appetebant ditari: fracta tandem vestimenta, cum quibus de monasterio exierant, denuo non induebantur similia, sed colorata, quæ nos vulgo di-*

cimus blancs. Eamdẽ cladẽ deplorat Concilium Trosleianum habitum anno Christi 909. cap. 3. *De monasteriorum vero non statu, sed lapsu, quid dicere vel agere debeamus, jam pene ambigimus: dum enim mole criminum exigente & iudicium a domo Domini incipiente, quadam a paganis succensa vel destructa, quadam rebus spoliata, & ad nihilum prope sint redacta; si tamen quorundam adhuc videntur superesse vestigia, nulla in eis regularis formæ servantur instituta; siue namque Monachorum, seu Canonicorum, seu sint Sanctimonialium, propriis & sibi iure competentibus carent rectoribus. Et dum contra omnem Ecclesiæ auctoritatem, Prælati veniunt extraneis, in eis degentes, partim indigentia, partim malevolentia, maxime inhabilium sibi Propositorum faciente inconvenientia, moribus vivunt incompõsitis, & qui sanctitati religionique celesti intenti esse debebant, sui velut propositi immemores terrenis negotiis vacant. Quidam etiam necessitate cogente monasteriorum septa derelinquunt, & volentes nolentesque secularibus juncti secularia exercent. Eodem tempore disciplinam regularem jam nutantem solo evertit constitutio Abbatum laicorum, qui non Abbatum, sed villicorum animum gerentes, de suis commodis solliciti, monasterium velut villam & prædium habuerunt, de vita Monachorum prorsus non curarunt. Concilium Meldense can. 10. Perventum est siquidem ad nos, quod auditu lugubre & dictu nefas actuque horribile ac nimis triste dignoscitur, quia contra omnem auctoritatem, contra Patrum decreta, & totius Christianæ religionis consuetudinem in monasteriis regularibus laici in medio Sacerdotum & Levitarum, ac cæterorum religiosorum virorum, ut domini & magistri resideant, & velut Abbates de illorum vita & conversatione decernant, &c. Et Concilium Trosleian. d. capite 3. Nunc autem in monasteriis Deo dicatis Monachorum, Canonicorum & Sanctimonialium, Abbates laici cum suis uxoribus, filiis & filiabus, cum militibus morantur & canibus. Disciplinæ regularis dissolutio simul & monasteriorum depauperatio etiam suborta est ex ipsis beneficiis Romanorum Pontificum, id est, exemptionibus Pontificiis monasteriorum. Inde surrexit exemptorum elatio & æmulus livor in Episcopos, dum sese pares esse gloriantur, quibus parere desinunt, & Monachos se esse obli-*

wiscuntur, Pontificiis insignibus exultantes. Inde egestas monasteriorum, exemptionibus gravi ære & annuo censu redemptis. Bernardus de Consideratione lib. 3. *Nolo autem præteritas mihi fructum emancipationis ipsius: nullus est etenim, nisi quod inde Episcopi insolentiores, Monachi etiam dissolutiores sunt, quidquod & pauperiores. Inspice diligentius talium ubique libertorum & facultates & vitas, si non pudenda admodum & tenuitas in his, & in illis secularitas invenitur. Et idem epist. 42. Miror quosdam in nostro Ordine monasteriorum Abbates hanc humilitatis regulam odiosa contentione infringere, & sub humili, quod pejus est, habitu & consura tam superbe sapere, ut cum ne unum quidem verbulum de suis imperiis subditos prætergredi patiantur; ipsi propriis obedire contemnant Episcopis, spoliant Ecclesias: ut emancipentur, redimunt se ne obediant. Non minima etiam causa dissolvendæ disciplinæ regularis fuit susceptio sacræ expeditionis, qua permissa etiam Clericis & Monachis, quamplurimi nomen dedere militiæ, magis radio regularis vitæ, quam studio sacræ militiæ, & magis apostatarunt, quam militarunt. Bertoldus Constantiensis Presbyter in Chronic. ad ann. 1096. Non erat autem mirum, quod propositum iter ad Hierosolimam explere non potuerunt, quia non tali humilitate & devotione, ut deberent, illud iter adorsî sunt: nam & plures apostatas in comitatu suo habuerunt, qui abjecto religionis habitu cum illis militare proposuerant. Lapsus etiam religionis ex parte contigit e Monachorum inscitia & supina ignorantia, qui nescientes litteras, regulam discere & scire non potuerunt. Concilium Trosleianum d. capite 3. Legitur quoque in Capitularibus, ut Abbates Monachorum regulam per singula verba discutientes pleniter legant, & intelligentes, Domino opitulante, efficaciter cum Monachis suis implere studeant. Et quomodo discutiet, quomodo leget, quomodo intelliget, si forsitan oblatas fuerit hujusmodi codex? Respondebit illud Esaias: Nescio literas. Et cum Monachorum Abbati a regula sancti & sancto Spiritu pleni beatissimi Patris Benedicti: In doctrina, inquit, sua Abbas illam semper Apostolicam formam debet servare, in qua dicit: Argue, obsecra, increpa. Quomodo Apostolum ignorans, regula instituta vel ipsam abecedariam lineam penitus nesciens, spiritualem discretionis modum tenebit? Ignoran-*

riae literarum vitio Monachi Ægyptii in errores Origenis incidere, Socrates lib. 6. cap. 7. Sozomenus lib. 8. cap. 11. Nicephorus lib. 13. cap. 10. Cassianus collat. 10. cap. 2. Sed religionis Franciscanæ, cujus vnum propositum fuit humilitatis & paupertatis Evangelicæ studium, peculiare malum fuit studium literarum, quasi a vocatione Ordinis alienum. Franciscus maluit suos orare quam legere. Ordinis periculum sensit, cum audivit literarum scholam Bononiæ institutam a Joanne Ordinis Ministro generali: itaque ei maledixit, nec extremum spiranti maledictionem remittere rogatus voluit, asserens eam in celo ratam esse, seque male fratres suos orare quam legere. Agnellus quoque ejusdem Ordinis Minister generalis, cum & ipse in Conventu Oxoniensi in Anglia scholam instituisset, & paulo post audisset fratres inter se clamose disputantes, an esset Deus, scholam clausit & interdixit, dicens: Heu! simplices & illiterati ad Deum rapiuntur, & isti literati ponunt in questione, an sit Deus!

*Paul. Lan-
gus in Chro-
nic. City-
zens. ad
ann. 1254.*

Sæcularitatis vitium monasteriis invexit Clericorum commixtio cum Monachis, id est, receptio Clericorum sæcularium ad præbendas seu portiones inter Monachos, quæ ex consuetudine inoleverat. Unde sequebatur sæda confusio, & ex contagio Clericorum sæcularium sequebatur corruptela Monachorum. Hac de causa constitutione Honorii III. vetitum ne Clerici sæculares recipiantur ad præbendas seu portiones Monachorum, neve recepti locum vel vocem in Capitulo, Dormitorio vel Claustro habeant. Cap. Ea quæ extr. de statu Monachorum. Monachi etiam in primis depravati nimia consuetudine sæcularium, & tumultu placitorum sæcularium & conventuum publicorum qui habebantur in monasteriis. Hac ratione collapsam disciplinam monasterii sancti Dionysii agnoscit Bernardus epist. 78. ad Sugerium Abbatem: *Locus quippe ab antiquo nobilis & regia dignitatis existerat, Palatii causis Regumque exercitiis deservire solebat, sine cunctatione & fraude sua Casari reddebantur, sed non etiam Deo quæ Dei sunt persolvebantur atque fideliter. Et infra: Nunc vero vacatur inibi Deo, studetur continentia, disciplina invigilatur, lectionibus sanctis intenditur.* Post tot causas

causas internecionis disciplinæ monasticæ, successit alia, quæ fere corrui status Ordinum Mendicantium, nimirum mortalitas sævissimæ pestis, quæ per totum orbem gtaffata est anno Christi 1348. quæ sublati vniversis fere Monachis, instaurandi Ordinis causa necesse fuit vt impuberes admitterentur, qui cum per atatem regulæ austeritatem ferre nequirent, malo exemplo fecerunt, vt posteri regulam jam delictam neglexerint. Antoninus 3. part. tit. 21. capite 8. Anno sequenti, scilicet anno Domini 1348. pestis jampridem ingressa urbem, ita desævit, vt supra fidem videatur stragem hominum referre. Et infra: Conventus religiosorum copiosi in civitate fere evacuati sunt, & tunc, vt dicitur, cæperunt religiones Mendicantium, quæ florebant in Ecclesia Dei, relaxari & tepescere, tum deficientibus in eis ex morbo plurimis Patribus & notabilibus viris, qui eas doctrina & exemplis sustentabant; tum ex causa, tot scilicet & talium infirmitate: relaxato rigore in cibo & aliis, cessante peste rigor ille reparari non valuit, ex tepiditate supervenientium tam præsentium quam subditorum. Nunc cognitæ causis malorum, quo pacto cavenda sit impostero relaxatio disciplinæ monasticæ, facile erit intelligere: nimirum religio non statim corrui, sed primum intepescit, & e tepiditate sensim resolvitur. Haud secus ac ruina ædium non subito casu contingit, sed veteri vitio fundamentorum, vel stillicidii labe, aut diutina inhabitantium incuria. Cassianus collat. 6. cap. 17. Quare vt lapsus religionis vitetur, initia spectanda sunt, & tempestive providendum, vt regula districtius servetur, & ne quid remittatur de ejus apicibus. Citharæ harmonia fovetur, donec fides citharæ non solvuntur, & qui adverso flumine lembum ducit, si vel minimum remigium remiserit, vndis cedere incipit: sic & disciplina regularis vel minimæ remissionis damnum sentit. Hieronymus adversus Pelag. lib. 3. Hoc & nos dicimus posse hominem non peccare, si velit, pro tempore, pro loco, pro imbecillitate corporis, quamdiu intentus est animus, quamdiu chorda nullo vitio laxatur in cithara. Quod si paululum se remiserit, quomodo qui adverso flumine lembum trahit, si remiserit manus, statim retro labitur, & fluentibus aquis quo non vult ducitur? Sic humana conditio, si paululum se remiserit, discit fragilitatem suam, & multa

se non posse cognoscit. Igitur ut lapsus vitetur, etiam in levioribus rigor disciplinæ servandus est: eo enim semel remisso in minoribus, facile infringitur in majoribus, & rimula facta facile datur via ad graviora. Anselmus libro 3. epist. 69. Certissimum namque est quod in multis Ecclesiis experimento didicimus, quia in monasterio ubi minima districte custodiuntur, ibi rigor Ordinis Monachorum inviolabiliter permanet, ibi pax inter fratres, & in Capitulo proclamationes conquiescunt: ubi vero minimi excessus negliguntur, ibi totus Ordo paulatim dissipatur & destruitur.



CAPUT XV.

Varia monasteriorum reformationes per tempora. An inviti compellendi sint ad reformationem.

VARIIS temporibus labente religione monastica, Ecclesie Patres qua par erat diligentia enisi sunt ejus ruinas instaurare. Monachis fere a disciplina lapsis in universo Oriente insania Eutychetis Abbatis, Concilium Chalcedonense habitum anno Christi 451. extinctam fere religionem restituit. Religionis reformandæ causa in eo editi sunt multi canones, ut 4. 16. 23. 24. quos retulit Gratianus in can. *Qui vere*. can. *Quidam* 16. quæst. 1. can. *Quidam* 18. quæst. 1. can. *Quæ semel* 19. quæst. 3. can. *Si qua virgo* 27. quæst. 1. quos laudat Alexander II. in can. *juxta* 16. quæstione 1. In Occidente quinto sæculo religione quoque intepescente ortus est sol, qui sua luce defectam religionem ac emortuam suscitaret. Hic est beatus Benedictus, qui propriam religionem non modo instituit & regulam dedit, sed & cætera monasteria quæ ante erant, ad se & obsequium suæ regulæ traxit, & religionem jacentem restituit: de quo vere & sine fūco dici potuit, quod falso & adulatorie de Juliano. Liban. orat. 10. tom. 2. *οὐράνα τὴν δόξαν ἠγάγατο*. *Fugitivam pietatem reduxit*. A beato Benedicto missus est in Galliam beatus Maurus, qui regulam beati Benedicti tradidit, & per universa fere monasteria Gallie propagavit. Tandem Carolus Magnus jam senior, de rebus Ec-

elesia & Imperii pari zelo sollicitus, sentiens rem monasti-
 cam in occatum vergere, Monachos Cassinenses accivit, qui
 religionem instaurarent in Gallia. Leo Ostiensis Chronic.
 Cassinensis libro 1. cap. 14. *Ad hunc Abbatem idem Carolus*
per Adagarium Episcopum de Francia literas misit, rogans ut
aliquos sibi de monasterio beati Benedicti dirigeret fratres, qui re-
gularem disciplinam in illis partibus jam extinctam renovarent:
 • quod & fecit, mittens illi etiam regulam & hymnos, qui tunc
 ex traditione regula in hoc monasterio canebantur. Pondus quo-
 que libra panis & mensuram vini, sed & calicis mensuram quam
 in mixto servitores accipere debent, & omnem consuetudinem,
 quæ tunc in hoc loco servabatur, scriptam transmisit. Varia in
 hanc rem auctore Carolo convocata sunt Concilia anno
 Christi 813, ut Moguntinum, Turonense III. Cabillonense
 II. quibus maxime actum est de reformatione monasterio-
 rum viriulque sexus. Inter eos laudandus canon 25. Turo-
 nensis Concilii, cuius hæc sunt verba: *Monasteria Monacho-*
rum, in quibus olim regula beati Benedicti Patris conservabatur,
sed nunc forte qualicumque negligentia subrepente remissius ac
dissolutius custoditur, vel certe penitus abolita negligitur: bonum
videtur ut ad pristinum revertantur statum, & Abbates eorum-
dem in eodem habitu & vita, qua ipsa regula præcipit eos ince-
dere, vivere studeant: quoniam aliqua sunt monasteria, in quibus
jam pauci sunt Monachi, qui prædicti Patris regulam suis Abba-
tibus promissam habeant, quippe cum ipsi Abbates magis canonice
quam monachice inter suos conversari videntur. Et can. 26. ejus-
dem Concilii: Porro in monasteriis Puellarum multa inve-
niri possunt quæ emendatione indigent; nam quedam Abbatis-
sarum negligentius quam oporteat vivere dicuntur, & ob hoc earum
vita & conversatio a multis diffamatur. Sed & talium actus
subditam familiam imitari velle credendum est. Viçtus etiam ac
vestimenta, aliaque nonnulla necessaria, quæ jure ab Abbatissis
preparari debuerant, abstracta sibi eadem conqueritur familia.
 Atque notandus est can. 22. Concilii Cabillonensis II. *De*
Abbatibus vero & Monachis idcirco hic pauca scribimus, quia
pene omnia monasteria regularia in his regionibus constituta, se-
cundum regulam sancti Benedicti se vivere facientur: quæ beati
Benedicti documenta per omnia demonstrant, qualiter eis viven-

dum sit. Inquiratur ubi secundum ipsum ordinem vivitur, & ubi ab ipso ordine digressum est, ut juxta ejusdem beati viri institutionem vivere certent, qui se ut ita viverent cum attestazione professi sunt. Pauca hic dicuntur scribi de reformatione monasteriorum, vel quia in provincia Lugdunensi, cujus erat Concilium, integrior erat disciplina regularis pene in omnibus monasteriis: vel ut consuleretur pudori Monachorum. quicquid enim dicatur, diligens inquisitio super observantia regulari mandatur. Carolo morte prævento ne inceptum opus impleteret, Ludovicus Pius paternæ pietatis æmulus, acturum indixit Concilium Aquisgranense anno Christi 816. in quo de reformatione Canonicorum Regulæ & Monachorum diligenter tractatum est, & lecti Visitatores in omnia monasteria Galliarum. Auctor vitæ Ludovici Pii: Quo peracto negotio Imperator generalem habuit Convantum Aquisgranum, in quo quantum fervoris circa divinum cultum in arca pectoris gestaret, toto adnifu declaravit. Congregatis enim Episcopis nobilissimoque sanctæ Ecclesiæ Clero, fecit componi ordinarique librum canonica vitæ normam gestantem, in quo totius illius Ordinis perfectio continetur, sicut reclusus ipse fatetur: in quo etiam inferi jussit cibi potusque atque omnium necessariorum summam, ut omnes tam viri quam Sanctimonialiales sub hoc ordine Christo servientes, nullus præpediti necessitatibus libera servitute Domino omnium militare meminissent. Quem librum per omnes civitates & monasteria Canonici Ordinis sui Imperii misit per manus Missorum prudentium, qui illum in omnibus supradictis locis transscribi facerent, debitaque atque conscripta exigèrent stipendia ministrari. Itidemque constituit idem Deo amabilis Imperator Benedictum Abbatem, & cum eo Monachos strenuæ vitæ, qui per omnia monasteria Monachorum euntes redeuntesque uniformem traderent cunctis monasteriis tam viris quam sanctimonialibus feminis vivendi secundum regulam sancti Benedicti incommutabilem morem. Quæ omnia iisdem verbis descripsit Aimoinus lib. 5. capite 10. Æque Carolus Calvus propositi patris & avi tenax effecit, ut in Concilio Sueffonensi II. habito anno Christi 853. Legati mitterentur per totam Galliam, qui statum monasteriorum recognoscerent, & de eo referrent ad Principem & proximam Synodum. De

quo can. 7. ejusdem Concilii : *Ut in civitatibus & monasteriis utriusque sexus & ordinis Dei cultus, quam proxime fieri posset, instauraretur, statuit sancta Synodus, annitente Pio Principe; ut idonei Legati dirigerentur, qui singulorum locorum statum solertissime perscrutarentur, & quæ ipsi per se non valerent corrigere, iudicio proxime futuri Concilii & potestati regis revelarent.* Quod proxime confirmavit Concilium Turonense celebratum anno Christi 855. auctore & præsentente eodem Carolo : *De monasteriis autem virorum seu feminarum, quæ secundum regulam sancti Benedicti, vel secundum canonicam auctoritatem disposita esse debent, quia inspiratio omnipotentis Dei (credimus) cor vestri moderaminis incitavit, ipsi gratias referimus. Nam quod jam maxima ex parte ordinem suum amiserint, omnibus est manifestum : quæ ut ad. pristinum statum reducantur, in Domini ac genitoris vestri, ac vestra gloriosa dispositione consistit.* Nono sæculo diutinis bellis Normanorum & vastatione monasteriorum sublatam fere religionem restituit Odo Abbas Cluniacensis, ut refert Joannes Monachus in ejus vitæ libro 3. Inde per Cluniacenses restituta infinita prope monasteria Galliarum : & Cluniacense monasterium, dum de aliorum monasteriorum salute laborat, suam in periculum deduxit, sparsis per diversa monasteria fratribus senioribus destituta. Quæ de causa Petrus Cluniacensis Abbas rogatus, ut e suis mitteret Abbatem & Officiales necessarios ad restituendum Luxoviense monasterium, valde dubitavit, vetitus ne Cluniacense monasterium translatis alio fratribus, exhaustum idoneis viris, a disciplina deficeret. Testatur ipse lib. 1. epist. 23. ad Innocentium II. Papam : *Fratres Luxovienses nuper ad nos venerunt, scripta paternitatis vestræ nobis deferentes, in quibus & destitutio magni quondam Luxoviensis monasterii paterna pietate a vobis desletur; atque ut in eodem loco fratribus nostris Abbatem & Officiales necessarios concedamus, nihilominus nobis injungitur. Per quos nimirum secundum literarum tenorem omnipotenti Domino ibidem laudabiliter serviatur, & tam nobile monasterium in sui status prærogativam & pristinam integritatem, divina cooperante clementia, reparatur. Quod præceptum debita quidem reverentia suscepimus, sed pro sui difficultate non mediocriter formidamus: nam, sicut novit si-*

pientia vestra, in negotio religionis facilius possunt nova fundari, quam vetera reparari, quia, secundum beatum Gregorium, hominibus aliter institutus durum valde videtur, in mente veteri nova meditari. Qui enim nova tantum aedificat, eum in veterum destructione non oportet laborare: qui autem vetera reparare nititur, duplici cura constringitur, quoniam illi & veterum destructio, & novorum incumbit aedificatio. Super hac & vestra Cluniacensi Ecclesiae nos qui rem novimus valde timemus, ne frequenter, sicut saepe fit, ad alias Ecclesias translati fratribus nostris, quod aliis refrigerium, nobis inferat detrimentum. Proximus temporibus Gosiunus Aquicinctensis Prior Claustralis ab Alvisio Abbate missus varia monasteria Galliarum feliciter reformavit, in primis monasteria sancti Crispini, & sancti Medardi Suctionensis, & sancti Remigii Rhemensis. De monasterio sancti Crispini legitur in ejus vita lib. 1. cap. 16. Laborabant eo tempore incommodo duplici monasteria Gallicana, rerum temporalium damnis, & spiritualium detrimento. Misit autem Dominus in cor Praelatorum ordinem reformare perditum, & informare custodiendum, exteriora quoque subdere paritati, infrenare prodigalitatem, superflua refecare. Sed quoniam affectus affectui succumbebat, impar erat efficacia desiderio, & possibilitas citra voluntatem, quod solis suis non poterant, tentabant agere manibus alienis, & ad opus tam laudabile ex aliorum opibus suam inopiam solabantur, doctos & inauditios viros colligentes ex monasteriis ordinatis, qui & indoctos scirent erudire, & rigidos curvarent, frangerent superbos, & contumaces debellarent, emollirent duros, & revincerent contemptores. Abbas proinde sancti Crispini Suctionensis, cum esset unus ex iis qui nimis auxiliariis indigebant, accessit ad Alvisum Patrem Abbatem monasterii Aquicincti, & ut in Dei messem de suis aliquem mitteret operari petiit & impetravit: unde venerabilem Gosiunum ad opus sanctum destinavit. De monasterio sancti Medardi cap. 17. ejusdem libri: Post hac cum non multum temporis effluxisset, Abbas sancti Medardi Gaufridus, qui postea Cathalaunensem ornavit Cathedralam, ad erectionem sui monasterii colligebat idoneos adiutores, pro eo quod ipsum quoque multa confusionis horror invasisset, deperisset Ordo, subsidia defluxissent, &c. De monasterio sancti Remigii ejusdem libri 1. cap. 21. Unde factum est ut Rhemus

quoque apud sanctum Remigium mitteretur, ubi Prioris Claustralis officium non segnus quam Sueffionis exercebat, quia non minus ibi vacillauerat Ordo, mutauerat religio, imminuta res fuerant adjacentes. Tandem Concilium Tridentinum sess. 25. De Regularibus cap. 1. recte intelligens disciplinam regularem non posse conservari sine perpetuo reformationis remedio, propria lege præcepit, ut omnes Regulares vtriusque sexus reformentur secundum præscriptum regulæ quam professi sunt: non immerito, quia vtilius est vetera monasteria, in quibus disciplina collapsa est, reformari, quam nova institui. Laudatur Augustus quod ædes sacras vetustate aut igne consumptas maluit instaurare, quam novas extruere. Tranquill. in ejus vita capite 30. Et Monachi jure compelli possunt ad reformationem juxta præscriptum regulæ quam professi sunt. Clementina Exiui §. Cum igitur imprimis de V. S. Gloss. in cap. Periculoso de statu Regular. in 6. Oldrad. conf. 96. Concilium Tridentinum sess. 25. de Regular. cap. 1. Nec tueri se possunt inobservantia longi temporis, quia contra ea quæ sunt de substantiâ vitæ regularis, nulla est præscriptio temporis, neque dispensatio. Cap. Cum ad monasterium. in fin. de statu Monach. Ultra regulam sane districtior vita invitis non jure infligitur, quia quisque in ea vocatione qua accessit ad religionem, permanere debet. Can. Diaconi 28. dist. can. Ante triennium 31. distinct. can. Integritas 32. quæst. 1. Bernardus epist. 83. ad Symonem Abbatem sancti Nicolai: *Invitandi quippe sunt ad arctiorem vitam, non cogendi, quibus utique semel in Ordine illo Cluniacensi præesse consueverunt.* Item reformatio non est mutatio status, seu novi status formatio, sed prioris status restitutio. Paulus epist. ad Rom. cap. 12. *Nolite conformari huic seculo, sed reformamini in novitate sensus vestri, ut probetis quæ sit voluntas Dei bona, bene placens & perfecta.* Hieronymus in epistolam ad Galat. capite 4. *Hoc adversum Novatianos, qui nolunt reformari eos quos semel peccata contriverunt.* Ideo Monachis semel professis non potest ultra regulam novum opus imponi invitis. Cap. Prohibemus de censibus. Plura Chopin. Monastica lib. 1. tit. 2. num. 17. in fin. Rebuff. in Concordat. de regul. ad Prælat. nominat. §. 1. in verb. *Reformatis.* Abbatis est reformare

Monachos juxta regulam. Cap. *Tuam de etate & qualitate Praefecti*. vel Episcopi dioecetani cessante Abbate. Cap. *Quanto de offic. ordinar. cap. Relatum. ne Cleric. vel Monach.* Non solius, sed adhibitis nonnullis Abbatibus, vel religiosis districtioribus. Et ita judicatum adversus Carnotensem Episcopum, qui solus processerat contra quosdam Monachos, refert Rebuff. loco proxime laudato. Quandoque reformatio monasteriorum fit auctoritate Apostolica d. cap. *Quanto. d. cap. Relatum.* Etiam Senatus extra ordinem cognoscit de reformatione monasteriorum, & solet compellere Episcopum dioecetanum, ut creet Vicarios generales quosdam Senatores Clericos qui edunt statuta & alia quae pertinent ad reformationem; & ita saepius servari se vidisse testatur Rebuff. eod. loco.



C A P U T XVI.

*Monasteria debent reformari in suo Ordine, si fieri possit.
Translatio monasteriorum de vno Ordine ad alium.*

MONASTERIA, si forte in his religio collapsa sit, in suo Ordine & sexu reformanda sunt, si fieri possit: alioquin si in suo Ordine reformari non possint, puta propter nimiam relaxationem vel defectum personarum idonearum ad reformationem, auctoritate Apostolica nihil vetat transferri de vno Ordine ad alium. Cap. *Inter quatuor. extr. de religios. domib. cap. Relatum. ne Cleric. vel Monach. secular. negot. se immisc.* quod est Alexandri III. in appendice Lateranens. Conc. part. 27. cap. 7. Cap. *Possession. de reb. Eccles. alienand.* Monasteria reformari debent in suo Ordine, si fieri possit. Hoc religionis spiritu, cum Ottho III. Imperator cogitaret de Monachis e B. Pauli monasterio in vrbe ob turpiores mores ejiciendis, a Paulo Apostolo in summis monitus, ne id faceret, his verbis quae referuntur a Glabro Hist. lib. 1. cap. 4. *Non enim omnino expedit cujusque Ecclesiastici Ordinis, quamvis ex parte depravati, propositum unquam abjici seu immutari: in eo namque unusquisque judicandus est Ordine, in quo se primitus Deo novit servire; reemendari tantum licet corrupto cuique in eadem propria vocationis sorte. Unus est*

est casus in quo monasteria possunt transferri de suo Ordine ad alium, si in suo Ordine reformari nequeant. quod variis rerum gestarum exemplis non caret. Anno Christi 1107. Philippus I. pulsus Monialibus Prioratus S. Eligii Parisienſis Monachos Fossatenses in eorum locum suffecit, ut patet ex Præcepto regio quod edidit Juretus in notis ad epist. Ivonis 70. Circa annum Domini 1129. Monasterium Puellarum de Argentolio ob malos mores auctoritate Honorii II. per Mattheum Albanensem Episcopum & Legatum Sedis Apostolicæ in Gallia, traditum Abbati & Monachis S. Dionysii. Sugerius Abbas in vita Ludovici Crassi: *Honorius II. cum iusticiam nostram de monasterio Argentoliensi Puellarum miserrima conversatione infamato, tum Legati sui Matthæi Albanensis Episcopi, tum Domini Carnotensis, Parisiensis, Suesſionis, Domini etiam Archiepiscopi Remensis Ramali, & multorum virorum testimonio cognovisset, præcepta Regum antiquorum Pipini, Caroli M. Ludovici P. de jure loci præfati nunciis nostris oblata præregisset curiæ totius persuasione, tam pro nostra iustitia, quam pro earum fœtida enormitate, beato Dionysio & restituit & confirmavit.* Cum monasterium sanctæ Færæ diocesis Meldensis de moribus male audiret, ad querelam Adeltheidis Comitissæ Meldensis, Galterio Meldensi Episcopo, ut eas in suo Ordine emendaret; vel si fieri non posset, ut locum transferret ad religiosos Monachos, suavit Ivo Carnotensis epist. 70. *Quod ideo suggero dilectioni vestræ, quia tam ex verbis Tunonensium Monachorum, quam ex litteris Domine Adeleidis venerabilis Comitissæ, audiui turpissimam famam de monasterio sanctæ Færæ, quod jam non locus Sanctimonialium, sed mulierum demonialium prostibulum dicendum est, corpora sua ad turpes usus omni generi hominum prostituentium. Quæ quidem si corrigi nolent, & sibi tantum mortem facerent, tolerari forsitan possent; sed quis multarum factæ sunt laqueus animarum, suggero & consulo, vigilantia vestræ, ut aut prædictas mulieres in loco suo & in suo Ordine corrigatis, aut si id fieri non potest, religiosis Monachis locum illum cum suis possessionibus committere studeatis: accepta tamen ab eis cautione, ut prædictas mulieres sub arcta disciplina coerceant, & eisdem necessaria de rebus monasterii, quamdiu vixerint, provideant.* Anno Christi 1128. mona-

sterium S. Joannis Laudunensis, pulsus Monialibus, traditum Monachis, consilio, id est, consensu Regis, & Diogo primus Abbas impositus a Bartholomeo Laudunensi Episcopo. Robertus Montenf. in Supplem. Sigebert. ad d. ann. *Laudun in Ecclesia sancti Joannis consilio Regis & Principum, Monialibus, quæ male infames erant, ejectis, & Monachis in eorum locum substitutis, Drogo religione & facundia venerabilis a Bartholomeo Episcopo primus Abbas ordinatur.* Eodem fere tempore Compendiense monasterium, pulsus ob praves mores Canonicis Regularibus, translatus ad Monachos, qui & ipsi ab Aquicinâinis emendati. In vit. D. Gosiini lib. 2. cap. 18. *Et ante anno Christi 817. Walcaudus Episcopus Leodiensis ex Clericis Andainensis Ecclesiæ Monachos instituit.* Anselm. Leodiens. in gestis Leodiens. Pontific. cap. 34. *Commutato Ordine clericali anno Domini 817. Idus Augusti, in die sancti Laurentii Martyris, cum consilio Papæ Leonis, & Lodovici Imperatoris, Monachorum ibi religionem constituit, dispositis ibi possessionibus quæ sufficerent ibi Deo servantium.* Anno Christi 970. in Concilio omnium Episcoporum Angliæ celebrato a Dunstanno Archiepiscopo Cantuariensi, Canonici Saculares ob incontinentiam remoti ab omnibus Ecclesiis, suffectis in eorum locum Monachis, probante Edgardo Rege, & jubente Joanne XIII. Pontifice, de quo fufius Osbertus in vit. S. Dunstanni apud Surium 19. Maii. Auctor vit. S. Oswald. Episcopi Vigorniensis apud Surium 15. Octobris. Willelm. Malmesbur. lib. 2. de gest. Reg. Anglor. cap. 8. Roger. Hoveden. & Matthæus Westmonaster. ad ann. prædict. Polydor. Virgil. lib. 6. Hist. Anglic. Anno Christi 1093. Cœnobium Canonicorum Regularium diœcesis Pataviensis situm in loco cui nomen *Cotevich*, translatus ad Monachos non sine auctoritate Urbani II. Bertold. Constantiensis Presbyter in Chroniç. ad dict. ann. *Erat autem in illo loco cœnobium Clericorum regulariter viventium, qui tamen hoc a Domino Papa, & per Papam a proprio eorum Episcopo impetrarunt, ut deposito habitu clericali fierent Monachi, &c.* Monasterium B. Petri juxta muros Papiæ urbis in Lombardia, ob nefariam eadem Abbatis, a Monachis ad Canonicos Regulares translatus. Thomas Cantipratens. lib. 1. Apum cap. 21. *Apud Pa-*

piam Longobardia nobilem civitatem in monasterio beati Petri extra muros, ab Innocentio hujus nominis Papa tertio, Monachi Abbatem suum crudelissime peremerunt: quam ob causam di-gne expulsi, Regulares ibidem pro eis Canonici sunt locati. Non sine causa monasterium potest transferri de vno Ordine ad alium, quia quisque in sua vocatione ferendus est, idque ne quidem a Patrono. Hinc cum Herimannus Babenbergensis Episcopus Ecclesiam in honorem B. Jacobi extra muros vr-bis Babenberg suo sumptu extruxisset, ibique Clericos Re-gulares locasset, & postea mutato consilio nulla alia de causa Monachos in eorum locum accersisset, frustra tentato preci-bus animo Episcopi, a Clericis ne id fieret appellatum ad Romanum Pontificem. Lambert. Schafnaburg. de reb. gest. Germanor. ad ann. 1075. His diebus contigit gravi scandalo Babenbergensis Ecclesie statum labefactari: Herimannus Epi-scopus Ecclesiam in honorem beati Jacobi Babenberg foris murum propriis impensis extruxerat, ibique Clericos 25. scientia, moribus & canonica conversationis disciplinis haud obscuros con-gregaverat, & eis quæ ad victum vestitumque sufficerent, assa-tum prouiderat. Cumque is quem Congregationi praececerat, morbo præventus diem clausisset extremum, nactusque opportunitatem temporis Clericos expulit, & locum ipsum cum omnibus appendi-ciu suis Egbertho Abbati de sancto Michaelē tradidit ad instituen-dum illic Ordinem monasticum, non offensus crimine aliquo Cle-ricorum, cum, ut dixi, honestissime juxta Ecclesiasticas leges vi-tam instituerent: sed monastica conversationis munditia delecta-tus, in toto Episcopatu suo, si fieri posset, hanc solam esse vitam cū-piebat, Zelo quidem Dei, sed non secundum scientiam. Et instrā Clerici & inopia familiari & indignitate rei vehementer exacer-bati, Regis & omnium Principum regni aures quotidiana pro-clamatione obtundebant pro injuria sua. Cumque nihil usquam opū, nihil spei esset, versi ad validissimum illud, quod in sancta Ec-clesia vltima semper necessitatis, unitum esse præsidium consuevit; Romam pereunt, & recitata Romano Pontifici per ordinem suæ calamitatis historia, Apostolica Sedis patrocinium contra tanti ca-lumniatoris violentiam suppliciter implorant, &c. Pariter cum quidam Hannoniæ Comes pulsus ex Ecclesia S. Joannis Va-lentiennensis Canonicis Regularibus, Canonicos Sæculares in-

v. Chapin. 1.
Monastig.
tit. 2. num.
17.

ducere vellet, Abbas monasterii ad summum iudicem, id est, Deum appellavit. Thomas Cantipratenf. lib. 2. cap. 35. *Simile quid & de Comite quodam Hannoniæ fide indubitata percepimus, qui dum vellet in Ecclesia sancti Joannis in Valentienis Canonicos expellere Regulares, & pro eis ponere Canonicos Sæculares, Abbas ejusdem loci ad summum iudicem appellavit. Et ubi monasterium ex causa transfertur de vno Ordine ad alium, translatio debet fieri, salva Prioribus idonea pensione, alimenterum causa, donec superstitēs fuerint. Cap. Ad audientiam 2. de Eccles. edificand. Hoc jure si monasterium S. Faræ transferretur ad religiosos virilis sexus, Monialibus reservandam esse pensionem ducebat Ivo Carnotensis juris peritissimus, d. epist. 70.*

Petrus de
Perus. de
monast. sine
Eccles.



CAPUT XVII.

*Monasteria reformanda in suo Ordine. Sacularisatio
Monasteriorum.*

MONASTERIA, si forte in his religio collapsa sit, debent reformari in suo Ordine, id est, per religiosos reformatos alterius monasterii, ejusdemque Ordinis, ne Ordinem professi a sua vocatione removeantur: sed si hi desint, possunt transferri ad alium Ordinem, reformationis causa, ac demum deficientibus Regularibus, possunt redigi ad Sæculares. Cap. *Inter quatuor. extr. De religios. domib.* Et ibi Jo. Andreas, Rodriguez tom. 2. quæst. regul. 50. art. 6. Ratio est, quia tolerabilius est Ecclesiam regi per honestos Clericos Sæculares, quam per pravos Monachos. Verum Ecclesia regularis non potest converti in sæcularem sine auctoritate Summi Pontificis, Bulla sub plumbo expedita. Cap. *Ad audientiam 2. de rebus Eccles. alienand. Cap. Relatum. ne Cleric. vel Monach.* Rebuff. in Prax. part. 1. tit. *De erect. Eccles. in sæcular.* n. 10. & seq. qui male in hanc rem adducit can. *Quæ semel* 19. qu. 3. ex Conc. Chalcedonensi, in quo traditur monasteria semel Deo dicata non posse fieri sæcularia habitacula. Hoc enim non pertinet ad Clericos Sæculares, quorum distinctio ea ætate ignota erat, sed ad vsus sæcula-

rēs : & ita Græcum habet, κοινὸν καὶ αἰώνιον. Effectus secularisationis est, quod status Ecclesiæ mutatur a regulari in sæcularem, & Monachi solvuntur votis, & fiunt sæculares. quod Summus Pontifex potest de plenitudine potestatis : licet enim S. Pontifex non possit facere, vt Monachus remanens Monachus solvatur a votis substantialibus religionis. Cap. *Cum ad monasterium. de stat. Monach.* Quia non potest efficere, vt Monachus, quamdiu manet Monachus, non sit Monachus : tamen non negatur, quin possit Monachum absolvere a votis religionis, & eum reducere ad statum sæcularem. Ecclesia regularis etiam non transfertur in sæcularem sine auctoritate Principis, tamquam Patroni omnium Ecclesiarum sui regni, quia status Ecclesiæ non mutatur sine consensu Patroni. Cap. *Suggestum. de iur. Patronat.* Cap. *Pervenit. de censib.* Cap. *Dilecta. de excess. Prælat.* Can. *Monasterium* 10. quæst. 7. Panormitan. in cap. *Cum accessissent. de Constitut.* Ubi Monasterium convertitur in Ecclesiam sæcularem, secularisatio semper fit salvis prioribus privilegiis, quia accessione novæ dignitatis prior non adiunxit. L. *Senatoris filius. ff. De Senat.* L. *Falsa. §. Si cui. de condit. & demonstrat.* L. *subemus.* Cap. *De proxim. sacr.* Sorin. lib. 12. Petr. de Perus. *de mutat. stat. Eccles.* Rodriguez tom. 2. quæst. regular. 68. art. 4. Quod tamen dubitatione non carebat, quia privilegia concessa regularibus reformationis intuitu, extinguuntur cessante reformatione. Cap. *Recolentes. de stat. Monachor.* Cap. *Cum ordinem. de rescript.* Religiosi tamen ita adstringuntur votis regularibus, vt secularisatio per omnia non mutet statum regularem, vt religiosi regularitatis vinculo soluti, neque ab intestato, neque ex testamento succedunt proximis. Benedict. in cap. *Raynur.* in verb. *In eodem testamento* 1. num. 125. quia privilegium Pontificium non debet porrigi in alterius injuriam. L. *Impuberi. ff. De admistr. tutor.* L. *Nec avus c. De emancipat.* Atque ita non debet excludere proxime successores. Et secularisatio non liberat monasterium ab oneribus, quæ ante præstabantur, maxime a jure regio imponendi veteranum militem, quem vocant Oblatum. Chopin. *Monastic.* lib. 2. Rebuff. *conf.* 105. Imo cum Ecclesia regularis erigitur in Cathedralē, status

regularis non mutatur, quia nihil vetat Ecclesiam Cathedralē esse regularem. Cap. *Novit. Ne sed. vacant.* Petr. de Petrus. *de mutat. stat. Eccles.* init. Chopin. de S. Polit. lib. 1. tit. 3. art. 7. & 8. & idem 1. Monastic. tit. 3. num. 6.*



C A P U T X V I I I.

Monachi ex eremo acciti ab Episcopis. Approbatio religionum quando petita a Summo Pontifice.

MULTIS sæculis Monachi fuere omnino in potestate Episcopi, velut filii in potestate, vel potius in sinu patris. Monasterium ædificari, & Congregatio Monachorum adunari non potuit sine consensu & auctoritate Episcopi. Conc. Calched. can. 4. Agathens. can. 27. & 58. Aurelianensi I. can. 11. Can. *Quidam.* can. *De Monachis.* can. *Cellula.* can. *Abbares* 18. quæst. 2. Primus in Oriente Basilius Monachos ex eremo deduxit in diocesim, varia monasteria instituit, Monachos ibi congregavit, & regulam dedit. Eusebius Vercellensis Episcopus Clericos & Monachos conjunxit in sua Ecclesia. Augustinus in Africa Clericos Regulares magis restituit quam instituit, & regulam imposuit: inde varia cœnobîa Canonicorum, quos vocant Regulares, & Monachorum ubique gentium fundata, quæ omnia facta sunt adhibita sola auctoritate Episcopi: nec legitur vspiam his de rebus aditum fuisse Romanum Pontificem. Primum in Occidente, vbi Benedictus religionem propriam instituit, & regulam conscripsit, non sine consensu & auctoritate Romani Pontificis id factum videtur: Benedicti enim regulam probavit & laudavit Gregorius I. Dialog. lib. 2. capite 36. *Vir Dei inter tot miracula, quibus in mundo clauit, doctrinæ quoque verbo non mediocriter fulsit: nam scripsit Monachorum regulam discretionē præcipuam, sermone luculentam: cujus si quis velit subtilius mores vitamque cognoscere, potest in eadem institutione regulæ omnes magisterii illius actus invenire.* Specialiter idem Pontifex in Synodo Romana Benedicti Ordinem & regulam confirmavit. Testis ipse in tabulis privilegii concessi Sublæcensi monasterio, quæ fuit prima sedes Benedicti,

e qua migravit Cassinum. Apud Baron. Annal. tom. 8. Ego Gregorius S. R. E. Præsul scripsi vitam beati Benedicti, & legi regulam quam ipse Sanctus manu propria scripsit: laudari eam & confirmari in sancta Synodo, & per diversas partes Italie, & ubicumque Latina litera legerentur, præcepi ut diligentissime observarent quicumque ad conversionis gratiam accessuri essent ad finem mundi. Idem Auctor Chronici Altissiodor. ad ann. 538. Hujus (loquitur de Benedicto) vitam sanctus Papa Gregorius scripsit, virtutibus plenam & miraculis coruscantem, quam ab eis didicit & audivit, qui faciem illius viderunt, & ei in præsentī peregrinatione comites fuerunt: quam etiam vitam & regulam idem Dominus Apostolicus auctoritate roboravit & stylo. unde & ab illo tempore mos inolevit, ut pene omnes qui monachico habitu induuntur, secundum hujus sancti Patris regulam se vivere profiteantur. Post Gregorium Ordinem & regulam sancti Benedicti comprobavit pari cum elogio Bonifacius IV. in can. Sunt nonnulli 16. quæst. 1. Neque enim beatus Benedictus Monachorum præceptor almissus, hujus rei aliquo modo fuit interdictor, sed eos secularium negotiorum edixit expertes fere tantummodo. Regulam S. Benedicti in rebus regularibus ejusdem auctoritatis ac Chalcedonense Concilium habuit Alexander II. in can. Juxta 16. quæst. 1. Juxta Chalcedonensis tenorem optimi Concilii, Monachis, quamvis religiosi, ad normam sancti Benedicti intra claustrum morari præcipimus. Item regulas Basilii, Augustini & Benedicti una sententia collaudavit Innocentius II. in Synodo Romana, in can. Perniciosam 18. quæst. 2. Perniciosam & detestabilem consuetudinem quarundam mulierum, quæ licet neque secundum regulam beati Benedicti, neque Basilii aut Augustini vivunt, Sanctimoniales tamen vulgo censeri desiderant, aboleri decernimus, &c. Quem sequutus est Eugenius III. in Concil. Rhemens. celebrato anno Christi 1148. Circa annum Domini 1170. in Italia exortæ sunt duæ sectæ Humiliatorum & Pauperum de Lugduno, qui a Sede Apostolica confirmationem petiere: sed a Lucio III. repulsi, ob varios errores & superstitionis opinionem, quod omne jusjurandum nefas ducerent. Cap. ult. de Hæretic. in 1. Collect. de quo Abbas Urspergensis ad ann. 1212. Olim duæ sectæ in Italia exortæ adhuc perdurant, quarum alii Humiliarios,

alii Pauperes de Lugduno se nominabant, quos Lucius Papa quondam inter hereticos scribebat, eo quod supersticiosa dogmata & observationes in eis reperirentur. Et infra: Vidimus tunc temporis aliquos de numero eorum, qui dicebantur Pauperes de Lugduno, apud Sedem Apostolicam, cum magistro suo quodam, ut puto, Bernhardo: & hi petebant sectam suam a Sede Apostolica confirmari & privilegiari. At Dominus Papa quaedam supersticiosa in conversatione ipsorum eis obiecit, &c. Haud diu post variis religionibus exsurgentibus, ne turba religionum gravaretur Ecclesia, Innocentius III. in Concilio generali Lateranensi vetuit, ne novæ religiones deinceps instituerentur absque approbatione Sedis Apostolicæ. Cap. ult. de religiof. domib. quod a Gregorio X. repetitum in Concil. Lugdunensi cod. tit. in 6. de quo Thomas Walsingan. in Eduard. I. ad ann. 1275. Ipse quoque Gregorius aliquos status de Ordinibus Mendicantium approbavit, utpote Predicatores & Minores; aliquos toleravit, utpote Carmelitas & Augustinenses; aliquos reprobavit, ut Saccinos, qui intulantur de Pœnitentia, sive de Valle viridi, & consimiles, nostris l'Ordre de l'auvert. Juxta hæc decreta Humiliatos, cum errores emendassent, restituit Innocentius III. & post eum Clemens IV. ut patet ex cap. Olim causam. & ibi Gloss. de restitut. spoliator. Eodem jure Predicatorum & Fratrum Minorum Ordines, quorum auctores sunt BB. Dominicus & Franciscus, confirmati sunt a Sede Apostolica. Urspergens. loco modo laudato: Eo tempore mundo jam senescente exorta sunt duæ religiones in Ecclesia, cujus ut aquile renovatur juvenus, quæ etiam a Sede Apostolica sunt confirmatæ. Item tertium Ordinem Fratrum & Sororum B. Francisci confirmavit Nicolaus III. Gloss. in cap. Cum ex eo. verb. de Ordine tercio. De sentent. excommunicat. & Gloss. in Clem. 1. verb. obedientiam de religiof. domib. Et Ordo Templariorum damnatus a Clemente V. in Concilio Viennensi. Denique approbatio & suppressio religionum specialiter reservata est Sedi Apostolicæ: de quo Petrus de Pernisio de mutat. status Ecclis. Hoc jure Bonifacius VIII. statum Canoniarum Sæcularium toleravit, sed non approbavit. Cap. Indemnitatibus §. supra dicto de Elect. in 6.



ASCETICON

SIVE

ORIGINUM

REI MONASTICÆ

LIBER SECUNDUS.

CAPUT I.

*Abbas, Ἀρχιμαυρίτης, Pater, nomen commune Præfectis
monasterii & Canonie regularis.*




U E M A D M O D U M Respublica vel exercitus sine duce & Imperatore, navis sine præreta regi non potest : ita & congregatio Monachorum in officio stare non poterat sine Præfecto. Idcirco cum Monachi tædio solitudinis in unum coiere, & cœnobia, id est, habitacula Monachorum in commune viventium extructa sunt, primum in eremo, postea in vicis & urbibus, electus est vnus e senioribus, qui gregi præesset : qui ab ætate vel officio, quod est paternum, dictus est Abbas, quod nomen vtraque lingua, Hebraica & Syriaca, idem sonat quod Abbas. Hieronym. 2. in epist. ad Galat. cap. 4. *Abba Pater, Abba Hebraicum est, id ipsum significans*

L

quod & Pater : & hanc consuetudinem in pluribus locis Scriptura
 conservat , ut Hebraicum verbum cum interpretatione sua ponat,
 Cum autem Abba Pater Hebræo Syroque sermone dicatur, & Do-
 minus noster in Evangelio præcipiat, nullum Patrem vocandum
 nisi Deum : nescio qua licentia in monasteriis vel vocemus hoc
 nomine alios, vel vocari nos acquiescamus. Augustin. epist. 178,
 Non accipiatur Paulus qui dicit Romanis scribens : In quo clama-
 mus, Abba Pater. In uno nomine duabus utitur linguis : dicit enim
 Abba Græco vocabulo Patrem, & Latine nominat eundem Pa-
 trem. Et idem de Consens. Evangelistar. lib. 3. cap. 4. in il-
 lud Marci 14. Abba Pater, si possibile est, transfer calicem istum
 a me. Quod autem ipse Marcus non solum Pater, sed Abba Pater
 eum dixisse commemorat, hoc est, Abba Hebraice, quod est Latine
 Pater. Et Chrysostom. in epist. ad Rom. homil. 14. in ea-
 dem verba : In quo clamamus, Abba Pater. ὁ δὲ βουλόμενος δι-
 λαι γνωρίσῃται, καὶ τῇ τῷ Ἑβραίων ἐχρήσατο γλώσσῃ· ἢ γὰρ εἶπα
 μόνον ὁ πατήρ. ὅπου τῷ παίδων μάλιστα ὅτι τῷ γνωρίων πρὸς πα-
 τέρα ἴμα. Hic autem ostendere volens germanam legitimamque
 cognationem, & Hebræorum quoque usus est lingua : neque enim
 solum dixit, Pater, sed Abba Pater. quæ potissimum vox est ger-
 manorum ac legitimorum ad Patrem liberorum. Abbatis no-
 men commune est Præfectis Canonitorum Regularium &
 Monachorum. Concil. Turonens. III. can. 24. Simili modo
 & Abbates monasteriorum, in quibus canonica vita antiquitus
 fuit, vel nunc videtur esse, sollicitè suis provideant Canonicis,
 &c. Paris. VI. can. 37. Decet, immo necesse est, ut Abbates
 Canonitorum attendant ut quid Abbates vocentur. Abbas etiam
 a Græcis dictus est ἀρχιμανδρίτης. Nov. Justin. 5. cap. 7.
 Ἐν τούτῳ καλούμενοι οἱ θιοφιλέστατοι ἐπίσκοποι, ἔτι οἱ καὶ ἀρχιμανδρί-
 ται λεγόμενοι. Eapropter etiam hoc prohibeant Deo amabiles
 Episcopi, & Archimandrita nuncupari. Et Nov. 123. καλεῖο-
 μὲν τοῖνυν τὸν Ἀββᾶν ἢ τὸν ἀρχιμανδρίτην τοῖς ἐν ἐκείνῳ μονα-
 στείῳ θεωρεῖσθαι, μὴ πάντως καὶ βαθευεῖ τῷ μοναχῷ. Im-
 betus igitur Abbatem aut Archimandritam in unoquoque mo-
 nasterio ordinari, non omnino secundum gradum Monachorum.
 Et quod Archimandrita nomen dignitatis esse significat,
 Præfetti habitantium in memoriis, id est, monumentis, Ar-
 chimandritarum nomen vetantur assumere. Chalced. Concil.

ἀδ. 14. ὅτε μὴ ἑαυτοὺς ἀρχιμανδρίτας λέγῃ τοὺς ἐν μοναείοις κατοικοῦντας. *Vi non se dicant Archimandrita qui in monuentis habitant.* Archimandrita nomen à Græco μάνδρα, quod est spelunca, quod cellæ Monachorum essent in speluncis & abditis silvarum. Evagr. lib. 1. cap. 13. de Symeone Stylite. *Ὁ μὲν πρῶτος θεοπροφήτης, ἔνθα τὰ θεία κατηχηθῇ, ἔτη ἐνια, ἐς δὲ αὐτῇ καλουμένη μάνδρᾳ ἕξα ἔτα πασαεκοῦντα.* Nam in monasterio, in quo primum divina didicit, annos vixit novem: in mandra autem (sic enim vocatur) quadraginta septem. Idem Nicephor. lib. 14. cap. 51. Abbates Patres dicti a Monachis, & retro Monachi filii. Cap. ult. extr. de Regular. Augustin. de morib. Eccles. Catholic. cap. 31. Hi vero Patres non solum sanctissimi moribus, sed etiam divina doctrina excellentissimi, omnibus rebus excelsi, nulla superbia consulunt in quos filios vocant, magna sua in iubendo auctoritate, magna illorum in obtemperando voluntate. Hieronymus ad Eustoch. Et completis orationibus, cunctisque residentibus, medius, quem Patrem vocant, incipit disputare. Et infra: Opus diei statum est, quod Decano redditum fertur ad œconomum, qui & ipse per singulos menses Patri omnium cum magno tremore reddit rationem. Abbates etiam a Monachis Magistri dicti, quod Abbatis officium est docendi munus. Hieronym. in vit. Hilarion. Eodem ferme tempore Hadrianus discipulus ejus de Palestina supervenit, ubi Hadrianus infelix volens Palestinam reverti, & pristinam sub nomine Magistri querens gloriam, multas ei fecit injurias super hoc, quia alter locus referendi non est: hoc tantum dixerim in terrorem eorum, qui Magistros despiciunt, quod post aliquantulum temporis computruerit morbo regio.



CAPUT II.

Ætas, qualitas, ordo Abbatum.

EXPOSITA significatione vocabuli Abbatis, & variis appellationibus ejusdem, proximum est scire, quænam ætas, qualitas & ordo requirantur in Abbate. Abbates &

alii Prælati Regulares debent esse Presbyteri, quia habent curam animarum annexam officio. Cap. 1. extr. de *etat. qualis. & ordinat. præficiendor.* cap. Cum in cunctis. §. Inferiora. de elect. Synod. VII. can. 14. can. Quoniam 69. dist. Ab initio cum Monachi essent extra Clerum, Abbates ipsi erant laici: vnde Abbas ponitur post Ostiarium, qui est infimus ordo Clericorum. Can. A Subdiacono 93. dist. Sed rebus in melius compositis, ne decisset in monasterio qui Missam celebraret, & sacramenta fratribus ministraret, vsu inolevit ut Abbas cujusque monasterii esset Presbyter. Augustin. de morib. Eccles. Catholic. cap. 33. Vidi ego diversa sanctorum Mediolani non paucorum hominum, quibus unus Presbyter præerat, vir optimus & doctissimus. Romæ etiam plura cognovi, in quibus singuli gravitate atque prudentia & divina scientia præpollentes ceteris secum habitantibus præsent, Christiana caritate, sanctitate & libertate viventibus. Ita Eudoxio Abbati & Presbytero insulæ Caprarie scripta est Augustini epist. 81. Paphnutium & Isidorum Abbates & Presbyteros Scythi vel Scythicæ eremi, quæ est in Ægypto, memorat Cassian. colat. 18. cap. 15. Nunc aliud Abbatis Paphnutii pandamus exemplum, qui in illius insignis & ubique prædicabilis Scythioica eremi, in qua nunc Presbyter est, secretis tanto studio semper insecut, &c. Et infra: Cumque celebrata omnis fuisset ex more sollemnitas, querelam sancto Isidoro, qui ante hunc eundemque Paphnutium ejusdem eremi Presbyter fuit, coram cunctis fratribus detulit. Hodie Abbas intra annum ad Sacerdotium promovendus est, alioquin privatur. Clem. Ne in agro. §. Ceterum. de stat. Monachor. Se Diaconum lectum in Abbatem, & paulo post Presbyterum ordinatum testatur Goffridus Abbas Vindocinens. lib. 2. epist. 30. Nam contra vitæ merita ordinatus Levita; deinceps vero non quidem sapientiæ doctrina Abbas factus, & Romæ Presbyter consecratus. Etiam in minoribus ordinibus constitutus potest esse Abbas ex dispensatione. Cap. Tuam. de *etat. & qualis.* Rainaldus Abbas Cassinensis depositus, quod Subdiaconus electus esset contra canones. Leo Ostiens. Chronic. Cassinens. lib. 4. cap. 123. Fratres Hospitalis Hierosolymitani habent Priorem qui Presbyter esse debet. Cap. Canonica. de sentent. excommunic. cap. Tuarum. de privileg. Abbas

Chopin.
Monastic.
lib. 1. tit. 1.
num. 10.

debet esse 25. annorum, quæ ætas est idonea ad Presbyteratum. Hodie in Gallia nominandus a Rege ad Prælaturam seculari vel regularem saltem debet esse 27. annorum. Ex Concord. §. 1. de regia ad Prælatum nominari. Item Abbas & quilibet Prælatus regularis debet esse professus in ea religione, in qua eligitur in Abbatem: non professus non potest eligi in Abbatem, ne prius sit magister quam discipulus. Cap. Cum causam, cap. Cum ad nostram, cap. Officii, cap. Cum in magistrum extr. de elect. Arnulf. Lexoviens. sermon. habito in Synodo: Regularis autem conventus accipiat Patrem regulari institutione formatum, ne statua aurea caput alienum tuo, quod absit, opificio dicatur affixum. Non professus, inquam, non potest eligi in Abbatem: imo non potest eligi, nisi expresse professus. Cap. Nullus. cod. tit. in 6. nisi cum electo dispensetur a Pontifice ex causa. d. cap. Officii: Singulare est in Ordine B. Francisci ex regula confirmata a Sede Apostolica, ut Conversi qui sunt laici, nullo ordine præditi, possint esse Prælati: sed hoc contrario usu sublatum est propter imperitiam huiusmodi hominum, & damna Ordinis inde erumpentia. Roderic. quæst. regular. tom. 1. quæst. 16. art. 2. Abbas etiam debet esse legitimis natalibus: illegitimus non prohibetur esse Monachus, sed omnino arcetur a Prælaturis regularibus, ex Conc. Pistaviensi cap. 1. De filiis Presbyterorum. can. Presbyterorum. can. Nisi 56. dist. quia maior idoneitas requiritur in Abbate quam in Monacho. Chopin. 2. Monastic. tit. 3. num. 7.

C A P U T III.

Officium & potestas Abbatum.

EXPOSITATE, qualitate & ordine Abbatum, proximus locus subit tractandi de officio & potestate Abbatum. Abbas est Prælatus & Ordinarius in suo monasterio & Ecclesiis pleno jure subditis. Cap. Ne pro defectu. de elect. cap. Quanto. de offic. Ordinar. & habet jurisdictionem quasi Episcopalem. Cap. Abbatess. de privileg. in 6. Habet enim fe-

*Officium
Abbatis
graphice des-
criptum Inno-
cent. III. l. 1.
epist. 2.*

re eandem potestatem in Monachos, quam Episcopus in Clericos seculares. Abbas habet plenam & ordinariam potestatem in Monachos, & hoc est quod dicitur in can. *Nullam* 18. quæst. 2. de Abbate: *Ad quem potestas tota pertinere convenit.* Potestas vero Abbatis alia est dominica seu æconomica, alia ordinis & dignitatis, alia jurisdictionis. Potestatis æconomicae est administratio & dispositio bonorum monasterii: Abbas enim habet administrationem & curam omnium bonorum temporalium monasterii, & debet habere sollicitudinem omnium quæ pertinent ad divinum cultum, vel ad utilitatem monasterii. d. can. *Nullam.* Unde ex hoc can. Abbatis nomen potius esse sollicitudinis quam ordinis & honoris ait Glossa in cap. *Tuam. de erat. & qual. & ord. præficiend.* Abbas habet dispensationem rerum Ecclesiasticarum, non perdendi impune potestatem: non potest enim alienare res Ecclesiæ, nisi ex causa necessitatis & utilitatis, & adhibito consensu Capituli. Clem. *Monasteria, de reb. Eccles. alienand.* Covarruv. lib. 2. variar. resolut. cap. 3. num. 9. Rebuff. tractat. de alienat. rerum Eccles. num. 91. Roderic. quæst. regular. tom. 1. quæst. 28. art. 2. Nec potest in feudum dare res Ecclesiæ, quæ sunt ejusdem tituli, id est, dos Ecclesiæ, nec solent in feudum dari, ex Constitut. Urbani II. quæ laudatur 1. feud. tit. 2. quia in feudum vel emphyteusim datio est genus alienationis. Leg. ult. c. *De reb. alien. non alienand. cap. Ex parte. de feud.* Nihil vetat: tamen ab Abbate vel Prelato quolibet in feudum vel emphyteusim dari, etiam sine solemnibus, res in feudum dari solitas, quia hujusmodi infeudatio non est alienatio, sed res & actus rectæ administrationis. Guid. Pap. quæst. 100. Et administratio rerum monasterii ita pertinet ad Abbatem, ut Monachis quoque non liceat alienare res Ecclesiæ sine consensu Abbatis, etiamsi mensæ distinctæ sint inter Abbatem & Conventum, quia sectio mensarum non mutat rei statum & communionem rerum, neque Abbati adimit procurationem rerum Ecclesiæ quasi communium. Cap. *Edoceri. de rescript.* Panoymitan. in cap. *Cum ad monasterium. de stat. Monach.* Chopin. de S. Polit. lib. 1. tit. 1. num. 15. Idem Monastic. lib. 1. tit. 2. num. 16. Covarruv. præd. loc. Ad potestatem Ordinis perti-

net ordinatio divini officii, collatio Tonsuræ & minorum Ordinum, & jus benedictionis. Abbatis est ordinare divinum officium & omnia quæ pertinent ad divinum cultum. d. can. *Nullam*. Eiusdem est Horas Canonicas suis temporibus significare. Regul. Benedict. cap. 47. Ut in sæcularibus & regularibus Ecclesiis horis debitis devote psallatur, statutum est in Concilio Viennensi. Clem. 1. *de celebrat. Missar.* Apud Græcos erat vnus e fratribus nomine *κανονάρχης*, qui Monachos de nocte excitabat pulsu lignæ tabulæ, vt surgerent ad Matutinas. Jo. Moschus Limonar. cap. 11. *ὃς κρούσωντος τῆ κανονάρχου τοῦ ξύλου, ἐν ᾧ πάντες τοὺς ἀδελφούς συναγθῆναι.* Pulsante Canonarcho lignum, quo omnes fratres convenirent. Ex privilegio vel consuetudine Abbas potest conferre Tonsuram & Ordines minores subditis intra septa monasterii sui. non aliis, si sit Presbyter & benedictus. Can. 1. & 2. 69. dist. cap. *Cum contingat. de etat. & qual. & ord. præf. cap. Abbates. de privileg.* in 6. Conc. Trid. sess. 23. *De reform. cap. 10. cap. 1. De suppl. negligent. Prælat.* Et hoc est quod intelligit Alexand. III. in cap. 1. *De ordinat. ab Episcopo*, quandoque minores Ordines a non Episcopis conferri. Vel si habendus sit pro benedicto. Chopin. *Monastic. lib. 1. tit. 2. num. 18. Capell. Tolos. decif. 450.* Hoc iure vsi olim Abbates Galliæ. Gregor. Tur. de vit. Patr. capite 6. Apud Surium tom. 4. *Tunc Abbas ista nunciis referentibus puerum Clericum fecit.* Abbas quoque si sit Presbyter & benedictionem acceperit, habet jus fundendi benedictionem super Monachos. Casarius de Miracul. lib. 1. cap. 35. *Et chorum more Abbatis circumiens Monachis benedixit.* Ex privilegio speciali Abbas etiam potest solemnem benedictionem fundere super plebem, post Missarum solemnia, aut matutinas vel vespertinas preces, in Ecclesiis plene sibi iure subiectis, alibi minime, nisi ex speciali privilegio. d. cap. *Abbates.* & Conc. Trident. d. loc. His exceptis Abbas non potest Episcopalia exercere, puta non potest publicam pœnitentiam injungere, Missam publicam celebrare, oleum seu chrisma conficere, plebem confirmare, indulgentias concedere, ne vilescat auctoritas Episcopalis. Can. *Pervenit. can. Interdicimus* 16. quest. 1. cap. *Accedentibus. de excess. Prælat.* Clerici non ordinantur sine testi-

monio Abbatis. Can. *Si quis* 58. dist. can. *Monachi* 16. quæst. i. can. *Quam sit* 18. quæst. 2. Jurisdictionis sunt correctio Monachorum, excommunicatio, suspensio, & alia de quibus proprium capitulum, quod proxime sequitur, institui par videtur.

¶

C A P U T I V.

Officium & potestas Abbatis. Ejus jurisdictio in Monachos.

ABBAS habet ordinariam jurisdictionem in Monachos. Hoc jure proprium Abbatum est, recipere professionem Monachorum. Cap. *Porrectum*. cap. *Ad Apostolicam*. de Regular. de quo fufius suo loco. Abbatum est conferre professis beneficia regularia. Cap. *Cum singula*. de præbend. in 6. Clement. *Ne in agro*. §. *Cæterum*. M. S. Sane Prioratus de statu Monach. Ad Abbatem pertinet correctio Monachorum, & ejus est convocare Capitulum pro corrigendis fratribus. Cap. *Nimis prava*. de excess. Prælatorum. Ubi notantur Episcopi, quod Capitula & scrutinia in locis fratrum, pro his corrigendis, se facturos interminantur. Abbatum est Monachos excommunicare. Cap. *Cum in Ecclesiis*. de major. & obedient. cap. *Quanto*. de offic. Ordinar. cap. *Sicut*. de simonia. & suspendere, quia suspensio & excommunicatio ejusdem sunt jurisdictionis. Cap. *Quarent*. de V. S. Monachos qui aliquod delictum admiserant, ad tempus ab Altari arcebat Eulogius Abbas & Presbyter. Sezomenus libro 6. cap. 28. Idem de Arsisio narrat Nicephorus lib. 11. capite 37. Idem de Bernardo in ejus vitæ lib. 1. cap. 11. Agebatur solemnitas quadam præcipua, & frater aliquis, quem pro secreta culpa ab altaris sacri communionis suspenderat, notari timens, & ruborem non sustinens, ad manum ejus cum cæteris nimium presumptuosus accessit. Monachi vero excommunicari vel suspendi ab Abbate non possunt, nisi ob graviora delicta, & præmissa monitione. Cap. *Reprehensibilis*. de appellat. can. *Abbatum* 18. quæst. 2. Abbatum est Monachos fugitivos requirere, eosque ad claustrum reducere,


ducere, salva Ordinis disciplina. d. cap. *Quanto*. cap. vltim. de *Regular*. cap. *Anobis*. de *Apostat*. Abbas Monachos, si se in clauistro percusserint, disciplinae subdere debet, & post correctionem eos absolvere, ne eis detur occasio evagandi. Cap. *Monachi*. de *sentent. excommunicat*. cap. *Religioso*. eodem tit. in 6. Abbas habet coercionem Monachorum per virgas vel flagella: vnde plerumque Abbates habebant virgam ad manum. Gregor. *Dialogor*. lib. 1. cap. 2. *Quadam* namque die is qui post venerabilis Honorati exitum monasterii regimen tenebat, contra eundem venerabilem Libertinum in gravi iratum diu exarsit, ita ut eum manibus caderet: & quia virgam qua eum ferire posset, minime invenit, comprehenso scabello suppedaneo faciem ei ac caput intudit. Et idem lib. 2. cap. 4. scribit de Monacho vago & errone, qui ex quo a beato Benedicto virga percussus est, in monasterio constans & stabilis fuit. Et Petrus Damiani in vita sancti Romualdi cap. 4. *Marinus* vero virgam in dextera gerens, Romualdo e diverso sedenti sinistram capitis partem sapissime verberabat. Ad fores Nitriensis Ecclesiae confitas fuisse tres palmas, quarum e singulis flagellum penderet: vnum ad correctionem Monachorum, secundum & tertium ad animadversionem latronum & advenarum, narrat Pallad. *Histor*. Lausiae. capite 6. Quandoque Abbas Monachos etiam palma in os percutiebat, patientiae ipsorum fortius exercendae causa. De Abbate Paulo refert Casianus collat. 19. cap. 1. *Sub occasione istius tarditatis praedictus Abbas Paulus*, qui inter turbas ministrantium fratrum sollicitè discurrebat, exerta manu palma eum sub omnium percussit intuitu. Etiam Episcopis frequens fuit id genus coercionis virgarum in Clericos. Augustinus epistola 159. ad Marcellinum Comitem. *Noli perdere paternam diligentiam, quam in ipsa inquisitione servasti, quando tantorum scelerum confessionem, non exrendente equuleo, non sulcantibus ungulis, non ventibus flammis, sed virgarum verberibus eruisti: qui modus coercionis & a magistris artium liberalium, & ab ipsis parentibus, & saepe etiam in iudiciis solet ab Episcopis adhiberi.* Can. *Circumcelliones* 23. quaestio. 5. Abbas habet coercionem Monachorum in his quae pertinent ad disciplinam regularem, & quae intra claustrum admittuntur; in aliis vero quae committuntur ex-

tra claustrum, & gravioribus delictis, quæ pœnis legum vel canonum digna sunt, cognitio pertinet ad Episcopum. Can. *Hoc tantum* 18. quæst. 1. can. *Si quis* 58. dist. can. *De persona* 11. quæst. 1. cap. *Reprehensibilis*. de appellat. cap. *Monachi*. cap. *Universitatis*. de sentent. excommunicat. Concilium Tridentinum sess. 25. de reformat. cap. 14. Abbas quidem habet ordinariam potestatem juxta regulam: tamen ex causa potest dispensare cum Monacho, ut modicum retineat ad ysum suum, reservata proprietate monasterio, quia Monachus nihil potest habere proprium. Cap. *Cum ad monasterium*. de statu Monach. Abbas habet totam potestatem in Monachos. Can. *Nullam* 18. quæst. 2. unde religiosus non potest consentire electioni de se factæ in Abbatem, vel Praelatum alterius monasterii, sine consensu Abbatis, quia nec velle nec nolle habet, ejusque arbitrium non sua, sed illius quem vice Dei supra caput suum posuit, & cujus imperio se subiecit, voluntate dependet. Cap. *Quorundam*. cap. *Si religiosus*. de elect. in 6. Clement. ultim. cod. tit. Anselmus Abbas Becensis, & postea Cantuariensis Archiepiscopus, lib. 2. epistola 42. Lanfranco Monacho ejusdem cœnobii: *Antequam donum Abbatis acciperes, dicebam tibi & aliis secrete. & publice, corde & ore, me nolle ut acciperes, non approbare, non consulere, numquam me esse præcepturum, & si sine jussione mea acciperes, numquam te benedictionem Abbatis ab ullo Episcopo meo assensu esse accepturum.* Et infra: *Non enim intrat Monachus in Abbatiam per rectitudinem, qui non intrat per regularem electionem & per obedientiam.* Et idem libro 3. epist. 32. Gervino Episcopo Ambianensi: *Frater ille Normannus Ecclesia nostræ Professus, quem Abbatem electum esse mihi mandastis, & cujus ordinationi me assensum præbere suadetis, me & fratribus Ecclesiæ ignorantibus trans mare abiit, ut nec iter ejus nec causam itineris ejus agnosceremus. Quapropter nec vos, ut literis vestris intimatis, eum sine assensu nostræ ordinare debetis, nec ego in hoc assensum præbeo, nec præbere debeo, in quantum intelligere queo.* Abbas habet potestatem in Monachos & subditos regulares, sed non habet jurisdictionem in laicos, id est, colonos possessionum vel Ecclesiarum monasterio subjectarum: ideo non habet cognitionem causarum matrimonialium, inter cos scilicet

ædium paternarum forori clausis oculis se in conspectum præbuit, & paulo post recessit, & jussum Episcopi inplevit, salva religione voti. Sozomenus lib. 6. capite 29. Ægyptii Monachi eadem demissione & obsequio parebant Episcopo, quo Clerici. Eadem erat potestas Episcopi in Monachos, quæ in Clericos: & singulis annis epistolæ Episcopi Alexandrini per vniversas Ægypti Ecclesias & monasteria dirigebantur, quibus initium Quadragesimæ & dies Paschæ designaretur. Cassianus collat. 10. cap. 2. Monachi erant omnino in potestate Episcopi. Concil. Aurelianens. I. can. 11. *Abbatess pro humilitate religionis in Episcoporum potestate consistant; & si quid extra regulam fecerint, ab Episcopis corrigantur.* Can. *Abbatess* 18. quæst. 2. Omnimoda correctio Monachorum spectabat ad Episcopum, etiam in his quæ spectabant ad regulam & disciplinam regularem. Hæc enim est vera & sanior sententia can. 50. Concilii Toletani IV. qui refertur in can. *Hoc tantum* 18. quæst. 1. *Sed hoc tantum sibi in monasterio vendicent Sacerdotes, quod præcipiunt canones: hoc est Monachos ad conversationem sanctam præmonere, & Abbatess aliaque officia constituere, atque extra regulam facta corrigere.* Inepta & lusoria distinctio interpretum, qui volunt ex his canonibus jurisdictionem Episcopi in Monachos locum habere tantum in his quæ admittuntur extra regulam, id est, foris & extra claustrum: hi enim canones plenissimam jurisdictionem tribuunt Episcopo in Monachos, etiam in admissis contra regulam, saltem in gravioribus. In levioribus enim delictis haud dubie coercitio erat Abbatis, ut concedit ipsa Glossa in d. canon. *Hoc tantum.* in cæteris cognitio erat Episcopi: quod enim dictum est in vtroque canone *extra regulam*, idem sonat ac *contra regulam*, ut in can. *Præfens* 20. quæst. 3. extra voluntatem fieri dicitur, quod fit contra voluntatem, & alibi extra legem quod contra legem. Petron. in Satyric. *O Dii Deaque, quam male est extra legem viventibus!* Ne credas me indulgere Episcopis, passim occurrunt insignia vestigia jurisdictionis Episcopalis in Monachos. Isidorus Pelusiot. lib. 1. epist. 149. Episcopi officium esse ait, *ἐπισκοπὴν τὰς τῶν μοναχῶν ἀλιρωσίας*, *speculari Monachorum negligentias.* In Concilio Chalcedonenſi.

contumaciæ simul & hæresis damnatus Eutyches Archimandrita, qui in Synodum vocatus a Flaviano Patriarcha Constantinopolitano, respondit se monasterio tamquam sepulcro teneri, inde egredi non posse: *ἡτοιμασθὲν δὲ τοῦ αἵματος ἐν τῷ σπλάγχνῳ ὡς ἐν μὲνῃ*, ut fertur act. 1. ipsius Synodi. Olim etiam ordinatio & institutio Abbatum erat penes Episcopum, ex Ordine Romano, & d. can. *Hoc tantum*. d. can. *Abbatibus*. can. *Accedens* 50. dist. can. *Si quis* 58. dist. Etiam hodie benedictio Abbatum pertinet ad Episcopum. Cap. *Cum inter R. seniores. de elect. cap. Statuimus. de supplement. negligent. Prælator.* Et in argumentum subjectionis & obedientiæ, Abbates ante benedictionis munus acceptum solebant Episcopis edere subjectionis & obedientiæ professionem, cujus formulam Abbatibus Cisterciensibus dedit Honorius III. in cap. *Ne Dei Ecclesiam de simon.* Eiusdem subjectionis singulare argumentum est, quod Abbates ad pedes Episcoporum provolvi consuevisse indicat epistola Acacii & Pauli Archimandritarum Syriæ ad Epiphanium Salamynæ Cypri Episcopum, qua significant se in votis habere eum videre, & ad ejus pedes accidere: *αὐτοὶ ἑσπόμενοι ὡς τοὺς πατέρας σου.* Jure antiquo ex his plenissima erat jurisdictio Episcoporum in Abbates & Monachos, nec eam detestabant, imo libenter & reverenter amplectebantur Abbates & Monachi. Sed ex quo ordinatio Abbatum desit esse apud Episcopos, & Abbates eligi cœpere a suis, quod jam a Pelagio I. statutum est. Can. *Abbatem* 18. quæst. 2. Inde paulatim excussa potestas Episcopalis in Monachos, Monachis Episcopum quasi alienum despicientibus; & jurisdictio Episcopalis, quæ erat plenior in Monachos, variis artibus & technis tentata, primum commento divisionis jurisditionis Episcopalis in legem diœcesanam, & legem jurisditionis. Hac enim semel audita, monasteria quidem manserunt in potestate Episcopi quoad ea quæ sunt jurisditionis, nisi specialiter essent exempta. Can. *Monasteria* 18. quæst. 2. cap. *Cum venerabilis. de religiof. domibus. cap. Dilectus. de offic. Ordinar.* De cætero monasteria soluta sunt a lege diœcesana in multis, puta a jure processionis publicæ & popularis conventus. Can. *Si ex laicis* 10. quæst. 1. a præstatione Cathed.

dralici. Can. *Inter cetera* 10. quæst. 3. vel quotæ oblationum quæ a fidelibus fiebant, vt egestati Monachorum consulere-
tur. Can. *Cum pro utilitate* 16. quæst. 1. Sed paulo post fere in
totum corruiit iurisdicção Episcopalis in Monachos Pontifi-
ciis exemptionibus Monachorum, quæ valde increbuerunt
a temporibus Gregorii I. Can. *Quam sit necessarium*. can. *Lu-
minoso* 18. quæst. 2.



CAPUT VI.

*Abbatess Commendatarii. Origo & abusus
Commendarum.*

QUAMDIU genius regularis disciplinæ viguit, non Mo-
nachus, id est, non Professus, puta Clericus sæcularis
cujusque Ordinis, in Abbatem eligi non potuit. Can. *Presby-
teros* 16. quæst. 1. cap. *Cum causam*. cap. *Cum in Magistrum.
de elect.* & singula monasteria habebant proprium Abbatem
regularem, nec poterat vnus & idem Abbas præesse diver-
sis monasteriis. Can. *Monachum* 20. quæst. 4. can. *Vnum
Abbatem* 21. quæst. 1. Sed vitio sæculi & nimia indulgen-
tia Principum factum est, vt plures Abbatiss vni & ei-
dem Abbati traderentur ob gratiam Principis vel merita
de Republica: vna scilicet in titulum & nomine Abbatiss,
aliæ procuracionis seu custodiæ nomine. vnde cepit vsus
Commendarum. Hilduino Abbati sancti Dionysii & Ar-
chicapellano Palatii a Ludovico Pio concessæ sunt procura-
tionis nomine Abbatiss sancti Medardi Sueffionensis & san-
cti Germani Parisiensis. Aimoinus lib. 4. cap. 114. *Ipsè au-
tem venerabilis Abbas præfatus Hilduinus inter plurima quæ ei
augustali benignitate commissæ fuerant monasteria, habebat procu-
rationem cænobii nobilis in prospectu urbis Suefforum, quod Clo-
tharius quondam Rex Francorum filiusque ejus Sigebertus, in ho-
norem beatissimi Medardi confessoris Christi, magnis construxerant
sumptibus, in quo & ejus sacratissima tumulaverant membra. Si-
milis modo prædictus Abbas post decessum Irminonis regebat lo-*

om sancti Vincentii Levitæ & Martyris in suburbano urbis Par-
chisiacæ, ubi pretiosus Christi Confessor Germanus requiescit, &c.
 Eodem & pejori vitio temporis Abbatia commendatæ sunt
 Episcopis custodiæ seu procurationis nomine. Abbatiam
 sancti Germani vacantem morte Hilduini Abbatis, Ebroino
 Piâtaviensi Episcopo concessit idem Ludovicus Pius, Com-
 mendatæ seu procurationis nomine. Idem Aimoinus libro 2.
 cap. 19. *Imperator porro præfatum Episcopum in Aquitaniam*
cum multis gratiarum actionibus remisit, dans ei regimen Abba-
tia sancti Germani Parchisiensis: nam Hilduinus Abba vita de-
cesserat. Abbatiam sancti Galli apud Helvetios vna cum Epi-
 scopatu Aquileiensi tenuit Udalricus. Bertoldus Constan-
 tiensis Presbyter in Chronic. ad ann. 1093. *Dominus Udal-*
ricus, qui Abbatiam sancti Galli & Aquileiensem Episcopa-
tum, non intrando per ostium obtinuit. Etiam in urbem Ro-
 mam jam a temporibus Nicolai I. irrepsit idem vitium, Za-
 chariam Episcopum Anagninum procuratorem seu admini-
 stratorem fuisse monasterii sancti Andreæ ad clivum Scau-
 ri in vrbe, quod a beato Gregorio in ædibus propriis extru-
 ctum est. Joannes Diaconus ipsius vitæ lib. 4. cap. 93. *Re-*
verenda quoque memoria Nicolai Pontificis tempore regimen ejus-
dem monasterii Zacharia civitatis Apagnina Fræsule, sicut hodie
supereſt, procurante. Et idem cap. 97. ejusdem libri: *Zacharia*
Episcopo, de quo præfatus sum, Gregoriani monasterii curam ge-
rente. Abbatiam Abbendonienſem Gothofredo Episcopo S.
 Afaph in Wallia custodiæ nomine concessit Hentricus II.
 Rex Anglorum. Roger. Hovedenus ad ann. 1175. *Hen-*
ricus II. Gothofredo Episcopo S. Afaf in Wallia dedit Abbatiam
Abbendoniam vacantem in custodiam, donec ad propriam ſe-
dem, quam deferere coactus fuerat, rediret. Inde jam a tempo-
 ribus Leonis IV. Italia pessumdata infestis Sarracenorum ar-
 mis, & plerisque Ecclesiis Pastore destitutis, ne vacuæ &
 ministerii expertes jacerent, facile a Leone IV. viro piissi-
 mo concessum est, ut quis plures Ecclesias sæculares vel
 regulares obtineret, vnam in titulum, alteram in Commend-
 dam. Can. *Qui plures* 21. quæst. 1. Res eo corruptelæ perve-
 nit, ut plures Episcopatus vni concederentur diversis no-
 minibus: vnus in titulum, alter in Commendam. Albertus

Krantzius Metropolis lib. 3. cap. 37. Gifelerus pridem Mersburgensis Episcopus perfecit apud Ottonem Imperatorem Rursum, ut a minori ad maiorem assumeretur Ecclesiam, (ea est Magdeburgensis) minore tamen non relicta; scandalumque peperit res illa acate incompsta, ut duabus Ecclesiis unus esset Pontifex, hoc est, unus sponsus duabus sponis. Id vero etas nostra jam desit pro frequentia mirari, quod passim cernimus alteram alteri Ecclesia in una persona accedere, ut habeat alteram in titulum, alteram vero in Commendam, &c. Commendæ ab initio, quod tolerabilius erat, admittebantur ad tempus, puta sex mensium, ut Ecclesiæ vacanti consuleretur, & interim de idoneo Pastore provideretur. Cap. Nemo. de elect. in 6. Sed nimia indulgentia Pontificum Commendæ quæ temporales erant, & brevioris temporis lineis circumscribebantur, desiere in perpetuas, & lucis ita late serpsit, ut malum insanabile factum sit. Aliquando etiam Abbatiae Commendæ nomine Clericis secularibus datæ sunt, ob defectum regularium. Innocentius III. epist. 4. Registr. 13. Cum dilectus filius B. titulo S. Sufannæ Presbyter Cardinalis, tunc Apostolicæ Sedis Legatus, Sebastiensis Episcopo, salvo mandato nostro, custodiam monasteriorum Montis sancti, quæ ad Sedem Apostolicam immediate pertinere dicuntur, duxerit committendam, &c. Clemens V. Commendas seculares beneficiorum regularium exhorruit, earumque sublatione initia Pontificatus consecravimus. Extravag. 2. de Prabend. Sed eas restituere Urbanus VI. & Bonifacius IX. quos secutus est Paulus II. qui postridie ordinationis suæ a Cardinali Portuensi monitus, ne latius sædam labem Ecclesiæ serpere sineret, respondit monasteria quingenta & amplius a Pontificatu Callixti III. in eum diem commendata Clericis secularibus, ex Jacobi Papiensis epistola ad Franciscum Spinulam. Chopin. 1. Monastic. tit. 1. numero 14. His auctoribus pessimus usus Commendarum perpetuarum invaluit in hunc diem, hoc linimento adhibito, quod Commendis aliquis modus impositus est, ne disciplina regularis per eas in totum labefacteretur. Nimirum Abbates Commendatarii quidem gaudent commodo fructuum, quasi titulares, etiam ipsa collatione beneficiorum & juribus honorificis: puta iudices dantur a Summo Pontifice, & mandata

data Apostolica exequentur, vocantur ad Synodos dicecesanas & provinciales. Sed non habent penes se correctionem & disciplinam religiosorum: ea enim pertinet ad Priorem Claustralem. Cap. *Cum ad monasterium. §. Abbates. de stat. Monachor.* Nec possunt recipere professionem Monachorum, instituere vel amovere Priorem Claustralem, nisi sint Cardinales, quibus Abbatia pleniori & pinguiori cum jure commendantur. Chopin. lib. 1. Monastic. tit. 1. num. 2. Idem de doman. lib. 3. tit. 28. in fin. Canut. lib. cap. 7. 28. 29; Loetius in litt. R. num. 40. & ibi Brodæus. Immo & Commendis perpetuis hic modus impositus est, ut solus Summus Pontifex valeat commendare beneficia in perpetuum. Cap. *Dudum 2. de elect. d. cap. Nemo eod. tit. in 6.*



CAPUT VII.

Abbates laici.

VITIO sæculi in pejus semper ruente, etiam Abbates laici visi sunt passim in monasteriis. Laborante Republica, & fisco diutius bellis tum civilibus, cum Sarracenicis exhausto, Carolus Martellus primus, cum non haberet unde stipendia militibus præstaret, Comitibus & militibus decimas, Ecclesias & monasteria jure beneficii ad tempus vel in perpetuum possidendas ascripsit: quem casum Ecclesiarum deplorat Bonifacius Moguntin. epist. 131. ad Zachar. Papam & Hincmarus in vit. B. Remigii apud Surium 13. Januar. Carolus M. etsi rerum Ecclesiæ studiosissimus defensor, iniquitati temporum consulens, æque Comites & viros nobiles Abbatiarum beneficio sibi conciliare conatus est: & hoc sensu Abbates, id est, Beneficiarios laicos quamplures per Aquitaniam instituit. Aimoia. lib. 5. cap. 1. *Carolus ordinavit per totam Aquitaniam Comites Abbatesque, necnon alios plurimos, quos Vassos vulgo vocant.* Et idem eod. lib. cap. 34. *Quibusdam Abbatias, sicut erant, integras dedit; quibusdam de Abbatia Martiniana beneficiola donavit.* Eodem beneficii genere Comites sibi obstrinxit & Ludovicus P.

Cujac. in l. feud. tit. 1.

Krantzcius Metropolis lib. 3. cap. 37. Gifelerus pridem Merseburgensis Episcopus perfecit apud Ottonem Imperatorem Rursum, ut a minori ad maiorem assumeretur Ecclesiam, (ea est Magdeburgensis) minore tamen non relicta; scandalumque peperit res illa atate incompota, ut duabus Ecclesiis unus esset Pontifex, hoc est, unus sponsus duabus sponsis. Id vero ætas nostra jam desit pro frequentia mirari, quod passim cernimus alteram alteri Ecclesiæ in una persona accedere, ut habeat alteram in titulum, alteram vero in Commendam, &c. Commendæ ab initio, quod tolerabilius erat, admittebantur ad tempus, puta sex mensium, ut Ecclesiæ vacanti consuleretur, & interim de idoneo Pastore provideretur. Cap. Nemo. de elect. in 6. Sed nimia indulgentia Pontificum Commendæ quæ temporales erant, & brevioris temporis lineis circumscribebantur, desiere in perpetuas, & lues ita late serpsit, ut malum insanabile factum sit. Aliquando etiam Abbatibus Commendæ nomine Clericis secularibus datæ sunt, ob defectum regularium. Innocentius III. epist. 4. Registr. 13. Cum dilectus filius B. titulo S. Sufannæ Presbyter Cardinalis, tunc Apostolicæ Sedis Legatus, Sebastienfensi Episcopo, salvo mandato nostro, custodiam monasteriorum Montis sancti, quæ ad Sedem Apostolicam immediate pertinere dicuntur, duxerit committendam, &c. Clemens V. Commendas seculares beneficiorum regularium exhorruit, earumque sublatione initia Pontificatus consecravimus. Extravag. 2. de Prabend. Sed eas restituere Urbanus VI. & Bonifacius IX. quos secutus est Paulus II. qui postmodum ordinationis suæ a Cardinali Portuensi monitus, ne latius scdam labem Ecclesiæ serpere sineret, respondit monasteria quingenta & amplius a Pontificatu Callixti III. in eum diem commendata Clericis secularibus, ex Jacobi Papiensis epistola ad Franciscum Spinulam. Chopin. 1. Monastic. tit. 1. numero 14. His auctoribus pessimus vsus Commendarum perpetuarum invaluit in hunc diem, hoc linimento adhibito, quod Commendis aliquis modus impositus est, ne disciplina regularis per eas in totum labefacteretur. Nimirum Abbates Commendatarii quidem gaudent commodo fructuum, quasi titulares, etiam ipsa collatione beneficiorum & juribus honorificis: puta iudices dantur a Summo Pontifice, & mandata

data Apostolica exequuntur, vocantur ad Synodos diocesanas & provinciales. Sed non habent penes se correctionem & disciplinam religiosorum: ea enim pertinet ad Priorem Claustralem. Cap. *Cum ad monasterium. §. Abbates. de stat. Monachor.* Nec possunt recipere professionem Monachorum, instituere vel amovere Priorem Claustralem, nisi sint Cardinales, quibus Abbatia pleniori & pinguiori cum jure commendantur. Chopin. lib. 1. Monastic. tit. 1. num. 2. Idem de doman. lib. 3. tit. 28. in fin. Canut. lib. cap. 7. 28. 29. Loetius in litt. R. num. 40. & ibi Brodæus. Immo & Commendis perpetuis hic modus impositus est, ut solus Summus Pontifex valeat commendare beneficia in perpetuum. Cap. *Dudum 2. de elect. d. cap. Nemo eod. tit. in 6.*



CAPUT VII.

Abbates laici.

VITIO sæculi in pejus semper ruente, etiam Abbates laici visi sunt passim in monasteriis. Laborante Republica, & fisco diutius bellis tum civilibus, cum Sarracenicis exhausto, Carolus Martellus primus, cum non haberet unde stipendia militibus præstaret, Comitibus & militibus decimas, Ecclesias & monasteria jure beneficii ad tempus vel in perpetuum possidendas ascripsit: quem casum Ecclesiarum deplorat Bonifacius Moguntin. epist. 131. ad Zachar. Papam & Hincmarus in vit. B. Remigii apud Surium 13. Januar. Carolus M. etsi rerum Ecclesiæ studiosissimus defensor, iniquitati temporum consulens, æque Comites & viros nobiles Abbatiarum beneficio sibi conciliare conatus est: & hoc sensu Abbates, id est, Beneficiarios laicos quamplures per Aquitaniam instituit. Aimoin. lib. 5. cap. 1. *Carolus ordinavit per totam Aquitaniam Comites Abbatesque, necnon alios plurimos, quos Vassos vulgo vocant.* Et idem eod. lib. cap. 34. *Quibusdam Abbatias, sicut erant, integras dedit; quibusdam de Abbatia Martiniana beneficiola donavit.* Eodem beneficii genere Comites sibi obstrinxit & Ludovicus P.


Cujac. in 1. feud. tit. 1.

Idem Aimoin. lib. eod. cap. 36. *Ludovicus quos potuit conciliavit sibi, dans eis Abbatias, Comitatus & Villas.* Carolus Calvus quoque bellis civilibus attritis rebus, Comitibus & laicis, quo in obsequio continerentur, Abbatias passim distribuit, ut Odulfo Comiti dedit cellam S. Judoci (*S. Josse*) adeptam cœnobio Ferrariensi. Lupus Ferrar. epist. 88. Unde manavit ut Comites & alii viri militares monasteriorum incubatores Abbatum nomen suum facerent. Hoc sensu Abbates dicuntur apud Aimoin. laici, quos Abbatibus donavit Carolus M. Hoc sensu Robertus, & post eum Hugo, ut Comites Parisiorum, & Duces Francorum, & cœnobii sancti Germani Parisiensis Beneficiarii, Abbates sese inscribebant. Aimoin. lib. 5. cap. 34. *Tamen vigore decedente Regum Robertus Comes Parisiorum, qui Marchio Francorum vocabatur, frater videlicet Odonis Regis, necnon Hugo magnus, quin etiam usque ad tempora Roberti Regis, ea quæ Abbates accipiebant, sibi addixerunt, & statuente Decano Monachis sibi nomen Abbatibus usurpaverunt:* Et idem eod. lib. cap. 33. *Interea baptizati sunt quidam Normanni ab Hugone Abbate & Marchione, & Hugo Capetius postea Rex Francorum Abbicomes vocabatur.* Gerbert. epist. 17. ad Geraldum Abbat. Aureliacens. *Qui status regnorum penes vos sit, scire cupit, & an Hugo quem vestra lingua Abbicomitem dicitis, uxorem duxerit.* Hoc etiam sensu Hubertus Comes, germanus Thietbergæ Reginae, Abbatem se nuncupabat. Regino Prumiens. lib. 2. *Chronic.* Lotharius Huberto Abbati inter Turam & montem Jovis commisit, eo quod tunc fidelissimus putaretur, utpote affinitate conjunctus propter sororem Thietbergam. In Concilio Rhemenfi sub annum Christi 893. celebrato notatur Balduinus Comes Flandrensis, quod res monasteriorum & nomen Abbatis usurparet: de quo Flodoard. lib. 4. *Hist.* cap. 7. ex litteris Fulconis Archiepiscopi Rhemenfis. *Quod Ecclesiastica simul & legalia jura contemneret, res Ecclesiasticas & honores sibi non concessos invaderet, locum sacri monastici Ordinis pervadens, & Abbatis sibi nomen usurpans: unde communi decreto Episcoporum judicatum fuerat, eum auctoritatis canonice anathemate feriendum.* Denique ea ætate laici monasteriorum subessores Abbates Comitibus dici non erubescabant. Balderic. Noviomens. lib. 1. *Chro-*

nic. Camerac. cap. 70. Tunc temporis Abbas Comes Abbatium-
culam B. Humberti, cui Episcopum Stephanum Rex Carolus præ-
seerat, possidebat, ipsamque regiam ac locupletem Abbatiam
sanctissimi Gaugerici cum omnibus appendiciis sibi beneficiatam
de regio jure tenebat. Adeoque turpiter rebus sacris abuteban-
tur hujusmodi Abbates laici, ut Decanos imponerent Mona-
chis, eisque relicta particula, reliquum sibi adscriberent, ut
ex Aimoino observatum est: necnon in ipsis monasteriis
cum vxore & liberis & servorum grege & apparatu vena-
tico habitarent. Synod. Meldens. can. 10. Perventum est si
quidem ad nos, quod auditu lugubre & dictu nefas actumque
horribile ac nimis triste dignoscitur, quia contra omnem auctori-
tatem, contra Patrum decreta & totius Christianæ religionis con-
suetudinem, in monasteriis regularibus laici in medio sacerdotum
& Levitarum ac cæterorum religiosorum virorum, ut domini
& magistri resideant, & velut Abbates de illorum vita & con-
versatione decernant. Et Conc. Trosleian. can. 3. Nunc au-
tem in monasteriis Deo dicatis Monachorum, Canonieorum &
Sanctimonialium, Abbates laici cum suis vxoribus, filiis & fi-
liabus, cum militibus morantur & canibus. A Regibus autem
dabantur Abbatia laicis, vel in allodium. Synod. Meldens.
can. 41. Providendum est regie majestati, ut monasteria quæ
& infra & nunc in allodium sunt data, quapropter omnis ex-
inde religio funditus est eversa, qualiter vota fidelium incon-
vulsa permaneant. Et ead. Synod. can. seq. Monenda est solertia re-
gia, ut strenuos & fideles Missos per regnum sibi commissum diri-
gat, & investigent ac diligenter imbrevient res Ecclesiasticas,
quas per subreptionem atque ignorantiam quorumcumque in al-
lodium ipse aut pater suus donavit. Vel in beneficium seu feu-
dum, sub onere servitii militaris. Annal. Fuldens. ad ann.
881. Rex (is est Carolus III.) post Pascha in Galliam profe-
ctus, Hugonem HLotharii ex Waldrada filium ad se venientem
in suum suscepit dominium, & ei Abbatis & Comitatus in bene-
ficium dedit, ut ei fidem servaret. Hic est Hugo Abbas, de quo
Joannes VIII. epist. 132. & 305. & Hincmar. epist. ad Ludov-
ic. Balb. cap. 7. & Baldericus præter locum modo lauda-
tum lib. 1. cap. 70. de monasterio Altimontis. Supervenien-
tibus autem causis diversarum tempestatum quas legimus, Comiti-

bus in beneficium traditum est, & ad tantum casum paulatim devolvitur, ut Monachus quidem egestate coactis, paucorum Clericorum custodia mandaretur. Unde factum est ut Comites Abbates mansus vel prædia Abbatiarum militibus seu clientulis suis in subbeneficium seu retroseutum darent. Aimoin. lib. 5. cap. 34. Et statuentes Decanos Monachis sibi nomen Abbatu usurpaverunt. Ea vero quæ tunc sibi ex rebus Ecclesiasticis vindicarunt, propriis militibus distribuerunt, & juri Ecclesiastico subtraxerunt. Et Notgerus in vit. S. Laudoaldi apud Surium 19. Mart. Post Normannicam autem repulsionem Thietboldus locum prælibatum, ubi corpora Sanctorum erant reposita, a Comite Flandrensi Abbatiam sancti Confessoris Christi Bavonis tenente, accepit jure beneficii, post eum Adelgaudus. Nec solum militiæ, sed etiam mundo muliebri, & Reginarum illustriumque matronarum sumptui inservire Abbatix. A Carolo Simplici defecit Hugo Comes Parisiensis, quod Hagavoni Comiti, consiliorum omnium participi, exceptam Rothildi socii suæ Calensem Abbatiam virginum transcripsisset, vt narrat Flooard. ad ann. 922. Laudunensi Abbatia Gerbergam matrem multavit Ludovicus Transmarinus, quod se inscio Heriberto Comiti Veromanduensi enupsisset, auctore eod. Flooard. ad ann. 951. Nec sine stupore dicam, quod sædam hanc labem tulerunt aut dissimularunt ipsi Pontifices. Exat Adriani II. epist. 8. ad Lotharium, qua eum hortatur ut Thieberge a toro repulsa, donec ei concilietur, Abbatias quas promiserat, præstet in sumptum alimonix. Habeatque in potestate sua ipsa Abbatias, quas ei dare ipse ore proprio promissisti, de quarum sumptibus atque redditibus necessaria possit habere stipendia dignaque subsidia. Nec æquior fuit fors monasteriorum in Oriente. Militibus passim monasteria concessit Constantinus Copronymus, pulsus inde Monachis. Zonar. in Copronymo, de Dalmatæ monasterio: Græci μονήν vocant, αὐτὸς ἦς ἀπέλαπας τοὺς μοναχοὺς, σπαρυντὶς αὐτὸν πεπονηκὰ κατὰ νόμον: quod pulsus Monachis, militum diversorium fecit. Idem Paul. Diacon. lib. 22. Monasteria vero quæ in gloriam Dei & salvandorum refugium effecta sunt, domos fere communes sanctoribus suis militibus sanciebat. Et ante non levis conjectura est, moris fuisse vt ab Imperatoribus monasteria traderentur sæcula-

ribus, quod Synod. Chalcedonens. can. 24. vetat ne monasteria semel Deo dicata fiant *κοιμητὴ καὶ ἐκκλησίαι*, *secularia habitacula*. Quod repetiit Synod. Nicæn. II. can. 23. forte nondum sublato abusu donationis monasteriorum in vsus secularium. Laudanda inter mala tempora Ottonis Magni virtus, qui in summo rerum discrimine Comitem Baviaræ Laurishamensem Abbatiam in beneficium deposcentem constanter repulit, palam attestatus se nequaquam daturum sanctum canibus. Luitprand. Ticinens. lib. 4. cap. 15. & Abbas Urspergens. in Othon. I.



CAPUT VIII.

Prior Conventualis, ἡγούμενος.

ALIA sunt monasteria quæ habent Abbatem; alia quæ Priorem Conventualem, qui nullum supra se habet Abbatem. Cap. *Monachi. de stat. Monach.* Clem. *Ne in agro.* §. *Ceterum. de stat. Monachor.* Nec hoc peculiare Latinis. Etiam Græci distinxere monasteria, quibus præerat Abbas, ab his quibus præfectus erat ἡγούμενος. Synod. Nicæn. II. can. 14. *ἀπαγορεύου ἡ χειροθεσίαν ἀδιδάδῃν ἐν ἰδίῳ μοναστηρίῳ καὶ μόνῳ ἐκείνῳ ἡγουμένῳ ποιῆν.* Lectoris autem manuum impositionem licet in proprio monasterio etiam soli unicuique Præfecto monasterii facere. Male interpretes vertit Abbati. Can. *Quoniam* 69. dist. Evagr. lib. 3. cap. 19. *Κύριλλος ὁ τῷ ἀκοιμήτῃ καλεσµένῳ ἡγούμενῳ.* Cyrillus Præfectus Monachorum, quos insomnes seu vigilantes vocant. Hinc ἡγουµενηα, Præfectura monasterii. Balsam. in d. can. 14. Syn. Nicænæ II. Unde posteriores Latini, qui Græcis pro Latinis vti affectarunt, huiusmodi Præfectum monasterii Hegumenum dixerunt. Paul. Diacon. lib. 19. *Et Gregorius Cappadox, qui & Clusuriarches extiterat, deinde Monachus factus, & Egumenus Flori.* Idem lib. 23. de Constantino & Eirene: *Qui direxit Petrum Vicedominum Ecclesiæ, & Petrum Hegumenum S. Sabæ.* Et idem eodem lib. Eirene cum secundo imperare coepisset, confestim direxit Dorothæum Egumenum Chrysopolitanum. Idem lib. 24. *Et multis trophæis factis*

misit ad Aaron Metropolitanam Synodorum, & Petrum Egumenum Gybei. Et idem rursus eod. lib. Theodorus autem Egumenus studii, & Joseph frater ejus Archiepiscopus Theſſalonicenſis. Et Anaſtaſius in Hadriano I. Direxit ejus ter beatus ad eundem Deſiderium Regem ſuos Miſſos ad eaſdem recipiendas civitates, ſcilicet Pardum religioſum Hegumenum beati Sabæ, & Anaſtaſium primum deſenſorem. Idem in Leone III. Sicut ipſe Egumenus monaſterii ſancti Eraſmi profeſſus eſt. Olim idem Præpoſitus dicebatur. Cap. Scriptum. de elect. cap. Litteras. de conceſſ. Præbend. hodie Prior Conventualis. Hic ab Abbate diſtat ſola fere appellatione : nam eadem eſt poteſtas Prioris Conventualis, ac Abbatis. Prioris Conventualis eſt Monachos corripere, excommunicare, ſuſpendere, cap. Cum in Eccleſiis. de majorit. & obediens. ut Abbatis. Prior Conventualis eligitur ſicut Abbas, ſed inveſtitura pertinet ad Abbatem ex conſuetudine. d. cap. Litteras. d. cap. Monachi. Prioratus Conventualis eſt beneficium elective, niſi aliud ſit de conſuetudine. Clem. Eſt principalis. de reſcript. Prior Conventualis habet dignitatem. Oldrad. conſil. 281. Hinc poteſt eſſe judex Apoſtolicus, id eſt, poteſt delegari a Summo Pontifice ad exequenda mandata Apoſtolica. Clem. Eſt principalis. de reſcript. Nam vocatur quandoque ad electionem Episcoporum. d. cap. Scriptum. Ad Capitulum provinciale vocantur Abbates, & Priores Abbates proprios non habentes. Cap. In ſingulis. de ſtat. Monach. & dignitatis cauſa Prior Conventualis dicitur Prior major vel ſummus Prior. In vit. D. Goſuini lib. 1. cap. 22. Et cum opportunitas accidisset, in ſummum eſt Priorem ſublatus. Et quia Præpoſitus habet curam animarum, debet eſſe Presbyter. Can. Innovamus 60. diſt. cap. 1. De ætat. qualis. & ordin. Præf. ſaltem intra annum; in eo enim ſervatur cap. Licet canon de elect. in 6. Quare ut ſit Presbyter intra annum, debet eſſe major 25. annis. d. Clem. Ne in agro. §. Caterum. In Ordine Præmonſtratenſi olim erant Præpoſiti, nunc Abbates. Caſarius de Miracul. lib. 4. cap. 62. Et Scholaſticus tantum habitum ſuſcepit, qui non multo poſt ejuſdem cœnobii factus eſt Præpoſitus. Nondum enim in Ordine Præmonſtratenſi erant Abbates. In Ordine Canonorum Regularium B. Auguſtini Prælati humilitatis ſtudio dicuntur Priores, reſecto Ab-

batis nomine. Sic vocat ipse Augustinus serm. 3. de vita communi Cleric. *Quod si propinquus vel quilibet fratrum cuiquam aliquid offerre voluerit, primo quidem Priori insinuetur, & sic suscipiatur, si ipse mandaverit: de quo tamen nihil fiat aliud, nisi quod Priori placuerit.* Can. Non dicatis 12. qu. 1.



CAPUT IX.

Prior Clausstralis, ejus officium & potestas. Decanus, ejus officium.

ALius est Prior Conventualis, alius Prior Clausstralis. Prior Conventualis est, qui præest Conventuali Ecclesiæ absque Abbate, ut modo dictum est. Prior Clausstralis est, qui præest clauetro & monasterio post Abbatem. Olim Præpositus dictus est, quia eandem fere potestatem habet quam Abbas, & præest monasterio post Abbatem. Regul. Benedict. cap. 65. ex qua Synod. Aquisgran. habita anno Christi 817. *Vi Præpositus intra & extra monasterium post Abbatem majorem reliquis Abbatis subditis habeat potestatem.* Præpositus est, qui curam gerit monasterii sub Abbate. Synod. Aquisgranens. can. 139. *Quamvis omnes qui præsunt, Præpositi recte dicantur; usus tamen obtinuit eos vocari Præpositos, qui quamdam Prioratus curam sub aliis Prælatibus gerunt.* Alius ergo erat Abbas, alius Præpositus. Gregor. I. Dialog. 1. *Abbas erat Honoratus Præpositus Libertinus.* Soraëtensis, de quo cap. 7. Præpositus Nonnosus Abbas, quem asperrimum fuisse tradit Leo Ostiens. in Chronic. Cassinens. lib. 2. cap. 100. *Post paucos dies mandavit Præposito nostro, ut omnem Ecclesiæ hujus thesaurum, in auro duntaxat atque argento festinanter sibi & quam posset occultius ferret.* Gregor. I. lib. 9. epist. 42. *Ideoque volumus ut Domitius Presbyter Abbas esse Lacusiani monasterii debeat, eique Præpositus Lucifer Monachus fiat, in cujus requiescere solatio valeat.* Et idem lib. 7. epist. 91. *Quem ad præfens Præpositum esse decernimus, (is erat Barbatianus Monachus.) ut si ejus vite tue fraternitati placuerit, hunc post aliquantum temporis eorum Patrem debeas ordinare.* Ejus ordinatio pertinet ad Abbatem,

ne si eligatur ab iisdem, a quibus Abbas ipse, intumescat, & credat se esse secundum Abbatem. Eiusd. reg. Benedi&. eod. cap. Hodie Prioris Claustralis electio pertinet ad Conventum, ita ut fiat præsente Abbate, si adsit. Ita judicari refert Chopin. 2. Monastic. tit. 2. num. 23. Præpositus est Primas monasterii post Abbatem: unde ne extollatur in Abbatem, reg. Benedi&. d. cap. 65. voluit, ut ubi fieri possit, res monasterii dispensarentur per Decanos potius quam per Præpositos. quod comprobavit Synod. Moguntina I. can. 11. de quo infra. Officium Præpositi seu Prioris Claustralis est, disciplinæ regularis curam gerere. Beda Hist. Eccles. lib. 4. cap. 27. de B. Cudberto. *Cum ergo venerabilis Domini famulus multos in Mailrosensi monasterio degens annos, magnus virtutum signis effulgeret, transtulit eum reverendissimus ipsius Abbas Eata ad insulam Lindisfarnensium, ut ibi quoque fratribus custodiam disciplinæ regularis, & auctoritatem Præpositi incrimaret, & propria actione præmonstraret.* Officium Prioris Claustralis est, coercere Monachos delinquentes, verbo & exemplo eos instruere. Cap. *Cum ad monasterium. de stat. Monach.* In vita D. Gosiuni lib. 1. cap. 17. *Claustralis Prior constitutus animas claustralium ad claustralem inflectebat tam exemplis quam sermonibus dignitatem, & agebat in eis primo, ut claustrales observantias haberent non ignotas, deinde ut cognitæ custodirent.* Thomas Cantipratens. lib. 1. cap. 17. *Prior autem qui Conventum sub Abbate gerebat.* Idem lib. 2. cap. 26. *Priores & Subpriores in claustris, vel illos qui dicuntur officio Curatores, istis maxime vigilanter incumbit, ne sessiones inordinatæ & intra vel extra suspecta colloquia teneantur.* Prior Claustralis habet dignitatem: unde & Græcis idem dicitur ἡγούμενος, Præfectus monasterii. Lauso ἡγούμενος Historiam Patrum inscripsit Palladius. Hinc Præpositos apud Monachos Nonnos vocabant. Synod. Aquisgranens. can. 54. *Ut qui præponuntur Nonni vocentur.* Quod repetitum est addit. 1. capitul. cap. 54. *Nonni dicebantur Sancti.* Arnob. in Psalm. 140. *Adulantes nobis invicem in præfenti positi Sanctos vocamus & Nonnos.* Et idem in Psalm 105. *Terrena mentes interficiuntur hoc ordine: si ille qui Sanctus vocatur & Nonnus, sic agit: ego quis sum, quotus sum, ut non agam?* Gosiunus Prior Claustralis Aquicin&ensis creatus,

creatus, personatum gerere dictus est. Ejus vit. lib. 1. cap. 21. *Agebat proinde cum gratia ad quem assumptus fuerat personatum.* Et Præpositura Claustralis est proximus gradus ad Abbatis dignitatem. Ejusd. Gosiin. vit. lib. 1. cap. 2. *Scito, inquit, certissime, quia vel Præpositus vel Abbas es futurus.* Item Præpositus habet duplicem Præbendam. Cap. *Litteras, de concess. Præbend.* Et ita judicatum arresto Senatus Tolosani pro D. Arnaldo Puio Priore Claustrali S. Orientii Auxitani, adversus Priorem Commendatarium, 1. Julii 1644. In Ecclesiis Cathedralibus, quæ sunt regulares, Episcopus idem est ac Abbas monasterii, & habet ordinariam jurisdictionem in Monachos vel Canonicos Regulares, præterquam in his quæ pertinent ad regulam, in quibus Prior Claustralis habet suam jurisdictionem in eisdem, & vacante sede Episcopali, jurisdictio Episcopi devolvitur ad Priorem. Cap. *Novit. ne sede vacant.* cap. *Causam. quæ de judic.* cap. *Ad nostram.* cap. *Porrecta. de confirm. vit.* In majoribus monasteriis, ubi est Subprior, idem est officium Subprioris ac Prioris. Anselm. lib. 3. epist. 29. ad Cantuarienses Monachos: *Præcipio igitur, ut omnes sicut mihi, nostra servata pralatione, & in petendis licentiis, & in exequendis mandatis, & in judicandis negligentis, Domino Priori, & post illum Subpriori subditi sitis, humili benignitate & benigna mansuetudine.* In majoribus monasteriis præter Priorem Claustralem & Subpriorem non vnum, sed plures quandoque, erant Decani qui singulis Decuriis Monachorum, maxime juniorum, præerant, ut eos diligenter observarent: & hi plerisque locis succedere in locum Præpositorum, juxta scopum Reg. Benedicti cap. 63. quam probavit Synod. Moguntina I. can. 10. *Decrevimus, sicut sancta Regula dicit, ut monasterium ubi fieri possit, per Decanos ordinetur, quia illi Præpositi sæpe in elationem incidunt & in laqueum diaboli.* In majoribus monasteriis plures erant Decani, & senior primum locum tenebat post Abbatem & Præpositum. Synod. Aquisgranens. can. 55. *Ut senior Decanus reliquis Decanis præponatur, & Abbate vel Præposito presente locum proprium teneat.* Leo Ostiensis Chronic. Cassinens. lib. 4. cap. 90. *Civres autem inito consilio ascendunt montem, Decanos fratresque conveniunt, quorum Primas suum locum tenebat post Abbatem &*

Præpositum. Decani officium erat idem fere quod Prioris Claustralis, disciplinam regularem curare. Ekkeard. Jun. de casib. monast. S. Galli cap. 3. Cui ille cum sibi solita usque ad convicta respondisset protervia, Waltramus Decanus in proximo fratrum Capitulo regulari vindicta subiecit. Et idem cap. 9. Accidit autem tempore labente, ut ad amicos foras eundi a Decano licentiam Victor peteret. Non modo spiritualia, sed etiam temporalia curabat Decanus monasterii. Adrevald. de Miracul. B. Benedicti. lib. 1. cap. 22. Expergesfactus frater, post explosionem officii nocturni, evocato secretius monasterii Decano, somnium refert, hortaturque ut cum fratribus fluvium piscandi aviditate expectet. Abbates laici etiam, licet potentiores, Præpositorum fastum non ferentes, Monachis Decanos imponebant, quibus relinquebatur particula fructuum. Aimoin. l. 5. cap. 34. Et statuentes Decanos Monachis, sibi nomen Abbatis usurpaverunt. Institutum Decanorum apud Monachos unde manarit: ex usu scilicet monasteriorum Ægypti, de quo Hieronym. ad Eustochium: Divisi sunt per decurias atque centurias, ita ut novem hominibus decimus præsit. Eorum officium erat, Monachos docere, fluctuantes consolari & firmare, Monachos noctu observare, & hac de causa cellas singulorum lustrare. Hieronym. eod. loco: Usque ad horam nonam, ut institutum est, nemo pergit ad alium, exceptis his Decanis quos diximus, ut si cogitationibus forte quis fluctuat, illius consoletur alloqui. Et infra: Et quia nocte extra orationes publicas in suo cubili unusquisque vigilat, circumveunt cellulas singulorum, & aure apposita quid faciant diligenter explorant: quem tardiorēprehenderint, non increpant; sed dissimulato quod norunt, eum sepius visitant, & prius incipientes provocant magis orare quam cogunt. Eorumdem officium erat, juniores suos deducere ad mensam refectiois causa, & eis in mensa ministrare. Hieronym. eod. loco: Et unaquaque decuria cum suo Parente pergit ad mensam, quibus per singulas hebdomadas vicissim ministrant. A cœnâ hymno dicto, eorumdem officium erat, cum suis colloqui, exemplo eos invicem excitare, infirmos consolari, ferventes cohortari ad perseverandum. Hieronym. Dehinc consurgunt pariter, & hymno dicto ad præsepia redeunt; ibi usque ad vesp̄eram cum suis unusquisque loquitur, & dicit: Vidistis illum

Et illud, quanta in ipso sit gratia, quantum silentium, quam moderatus incessus. Si infirmum viderint in fide, consolantur; si in Dei amore ferventem, cohortantur ad studium. Eorumdem officium erat, pensum operis manuum cuique tribuere, perfectum recipere, & tradere œconomo. Hieronym. Opus dici statum est, quod Decano redditum fertur ad œconomum, ut habeat scilicet unde consulatur alimonix Monachorum de pretio rerum. Augustin. de moribus Ecclesiæ Catholicæ cap. 31. Opus autem suum tradunt eis quos Decanos vocant, eo quod sint denis præpositi, ut neminem illorum cura sui corporis tangat, neque in cibo, neque in vestimento, neque si quid aliud opus est, vel quotidiana necessitati, vel mutata, ut assolet, valetudini. Denique Decani habebant curam subditorum in omnibus: sed hæc omnia erant sub potestate Patris quem vocabant Abbatem. Augustin. eod. loco: Illi autem Decani cum magna sollicitudine omnia disponentes & præsto facientes, quicquid illa vita propter imbecillitatem corporis postulat, traditionem tamen etiam ipsi reddunt uni quem Patrem vocant.

CAPUT X.

Magister novitiorum, ejus officium & potestas.

IN singulis monasteriis eligendus est idoneus Magister novitiorum, per quem novitii recens ingressi monasterium, necdum professi, per annum probationis regulari disciplina informantur & exercitantur. Non vnum in singulis monasteriis, sed plures fuisse intelligimus ex eo, quod cuique novitio proprium Magistrum imponit regula Benedicti. cap. 58. Postea autem sit in cella novitiorum, ubi medietur & manducet & dormiat: & senior ei talis deputetur, qui aptus sit ad lucrandas animas, qui super eum omnino curiose intendat & sollicitus sit, &c. Nec hoc fuit proprium institutum Benedicti: idem enim usu notum antiquioribus Monachis. Ingressus monasterium statim tradebatur seniori, qui curam habebat peregrinorum & hospitem, cui præsto erat in susceptione peregrinorum & hospitem. Post annum tradebatur alii seniori,

O ij

qui decem junioribus præest, id est, vni ex Decanis, qui præerant singuli decem Monachis: frequentiores enim Congregationes monasteriorum divisæ erant per Decanias. Cassian. de institut. Cænobitar. lib. 4. cap. 7. *Cum igitur quis susceptus & hac perseverantia quam diximus improbat, ac depositus propriis vestimentis, habitu monasteriali fuerit accinctus, non statim Congregationi fratrum commiseri permittitur, sed deputatur seniori, qui seorsum haud longe a vestibulo monasterii commanens, habet curam peregrinorum & advenientium deputatam, eisque omnem diligentiam susceptionis & humanitatis impendit. Cumque ibidem integro anno deserviens absque ulla querela suum circa peregrinos exhibuerit famulatum, imbutus per hoc prima institutione humilitatis ac patientia, atque in ea longa exercitatione præcognitus, admiscendus ex hoc Congregationi fratrum, alii traditur seniori, qui decem junioribus præest, quos sibi creditos ab Abbate instituit pariter & gubernat. Novitius propriam cellam non habebat, sed in eadem cella commanebat cum seniore cui traditus erat, ut assiduum vitæ testem & custodem haberet. Sic Pinus Abbas cum secessisset clam e monasterio suo, (id erat in Ægypto) in Palæstinam incognitus receptus est ut novitius, & traditus seniori concellaneus: de quo Cassian. collat. 20. cap. 1. *Furtim ascendens navem ad Palæstinam Syria provinciam transmeavit, ubi velut incipiens atque novitius, in illo in quo nos degebamus, monasterii receptus habitaculo, in nostra cellula ab Abbate preceptus est commanere. Sic & Euphrosynen virginem sub viri habitu & Smaragdi nomine latentem, Abbas susceptum tradidit seniori, ut legitur in vita ipsius apud Rosveydum de vit. Patr. lib. 1. & Joannem Damascenum, etsi notæ virtutis virum, Præfectus Lauræ S. Sabæ recipiens monasterio, tradidit vni e senioribus, ut narrat Jo. Patriarcha Hierosolymitanus in ejus vit. apud Surium 6. Maii. Postea in singulis monasteriis vnum fuit conclave & vnus Magister novitiorum, ne varietas magisterii confusionem pariat. Conc. Aquisgranens. can. 135. *Omnes in vno conclavi atrii commorentur, deputati probatissimo seniori, quem & magistrum doctrina & testem vitæ habeant, Quæ verba descripta sunt ex Conc. Tolet. IV. can. 23. Can. Omnis ætas 12. quæst. 1. Qualis debeat esse Magister novi-***

tiorum, signat regula sanctissimi Patris Benedicti, quæ requirit idoneum ad animas Deo lucrificandas, id est, ad conversionem morum. Novitii per omnia obsequentes debent esse Magistro, & prava cogitata ei sincere nota facere, ne tentationibus victi subruantur. Cassianus de institut. Cenobitar. lib. 4. cap. 9. nec iidem possunt e cella pedem efferre sine licentia Præpositi. Idem cap. 10. ejusdem libri. Præter Magistrum disciplinæ in singulis monasteriis, quibus suppetunt facultates, statuendus est Magister qui Monachos in primitivis scientiis diligenter instituat. Clementina *Ne in agro. §. Rursus. de statu Monachor.* Quo pacto educandi sint novitii, fusius tractat Basilius fusior. reg. 15.



CAPUT XI.

Εξαρχοι Monachorum, Provinciales & Generales
Ordinum.

OLIM Abbates & Monachi erant in potestate Episcopi, ex Concilio Chalcedonensi can. 4. can. *Qui vere* 16. quæst. 1. Concilio Arelatensi I. can. 11. Arelatensi V. can. 2. can. *Abbates. can. Monasteria* 18. quæst. 2. Sed quia Episcopi propter varias occupationes muneris, frequentiam monasteriorum & multitudinem Monachorum non poterant per se sufficere curæ Monachorum; vnum ex Abbatibus diocesis suæ ad hoc magis idoneum eligere solebant, qui ut Vicarius Episcopi præflet monasteriis: quem ob dignitatem muneris vocabant *ἑξαρχον*, Primatem. Hæresis insimulatus Theodoritus Cyrensis Episcopus, Alypium Exarchum Monachorum diocesis suæ cum Hypatio & Abrahamio Chorepiscopis misit ad Leonem I. Summum Pontificem, purgationis suæ causa. Testatur ipse epist. 113. *πᾶσα δὲ τῆς ἐκκλησίας τῆς ἐν αἰγύπτῳ ἐπισκοπῆς ὑπατίου & ἀβραμίου τῶν χορεπίσκοπων, καὶ ἀλυπίου τοῦ ἑξαρχοῦ, τῶν παρ' ἡμῖν μοναζόντων, πρὸς ἡμᾶς ἀγωνιστῶν ἰδούμεθα.* Hæc per reverentissimos Deoque carissimos Presbyteros Hypatium & Abramium Chorepiscopos, & Alypium Monachorum, qui apud nos sunt, Exarchum, sanctitati.

vestra suggesti. Quod idem repetit epist. 116. & 117. Synodo Constantinopolitanae sub Mena celebratae anno 536. act. 5. primus post Episcopos subscripsit Marianus Archimandrita monasterii sancti Dalmatii, & ἱεραρχος venerabilium monasteriorum regiae urbis. In constitutione Germani Patriarchae, quae est lib. 3. Juris GR. apud Leunclavium, memoratur Exarchus Patriarchalium monasteriorum, id est, eorum quae erant sub Patriarcha. Eundem Πανκρατοριων, vel Παντοκράτορα vocat Balsamon in Nomocanon. Photii tit. 1. capite 20. τὸ δὲ πρῶτον τῶν Παντοκρατοριων ἡρώδης πολλὰ μοναστηρίων, οὗκ ἐκαστοῦται πρὸς κανόνι· τὰ γὰρ πολλὰ μοναστήρια ὡς ἐν λογίζονται, διὰ τὸ κατ' ὅτι δίδοντο εἰς τὸν Παντοκράτορα. Quod autem Pantocratorens Praefectus praestitit multis monasteriis, canon non adversatur: multa enim monasteria ut unum reputantur, quod per accessionem ad Pantocratorem redeant. In Aegypto Abbati Tabennensi parebant non solum Tabennae insulae, quam Nilus efficit, verum etiam cetera Thebaidis & Aegypti monasteria, tamquam Generali & Primati. Sozomenus lib. 3. cap. 13. καὶ οὕτως δὲ μὲν τὰ ἐν Ταβέννῃ νῆσῳ συνοικίῃς ἡρώδης, πατέρας δὲ καὶ ἀρχοντας τῶν ἐν ταύτῃ ἐγχευόμενοι. Conventum autem, qui est in Tabenna insula, matris loco ducunt, & qui illi praesunt, Patres & Principes arbitrantur. Pachomium & Ammonem trium mille virorum Archimandritas sex in monasteriis Tabentesciotarum celebrant Palladius Histor. Lausiac. cap. 38. & 48. & Rufinus de vit. Patr. lib. 1. cap. 3. Eadem ratione Abbas sancti Columbani Primatum obtinuit, non modo Abbatum & Monachorum, sed & Episcoporum Scotiae. Beda libro 3. Historiae Anglicae. cap. 4. Beatus Columbanus Hybernus construxit nobile monasterium in Britannia, in insula quae Hydesti appellatur, ex donatione Pictorum, ubi & ipse sepultus est. Habere autem solet ipsa insula rectorem semper Abbatem Presbyterum, cujus iuri & omnis provincia, & ipsi etiam Episcopi ordine inusitato debeant esse subiecti, juxta exemplum primi Doctoris illius, qui non Episcopus, sed Presbyter extitit & Monachus. Eiusdem Ordinis censendus est Helias Abbas provinciae Isauriae, ad quem extat Gregorii epistola 30. lib. 4. Ind. 13. His exemplis securis temporibus instituti sunt Generales & Primates Ordini-

num. Multis sæculis hujusmodi regimen nesciit Ordo Benedictinus : singula monasteria suum habebant Abbatem & Monachos, qui non alium agnoscebant judicem quam Pontificem, utpote exempti. Sed quia exemptorum facilis erat lapsus, quod procul essent a suo iudice, per tempora Visitatores instituti per omnia monasteria Galliarum: sed experientia rerum magistra docuit non satis idoneum esse Visitatorum officium ad tuendam disciplinam, & rem indigere fortiori remedio. Idcirco ubi Congregatio Cluniacensium latius suos palmites propagare cœpit, Abbas Cluniacensis factus est caput & Primas totius Congregationis Cluniacensis: quo jure subditos omnes mediatos & immediatos visitat, & ab his procuracionem accipit. Oldrad. cons. 204. Et pariter Abbas Cisterciensis factus est Primas & caput totius Ordinis Cisterciensis. Cap. 1. *De supplend. negligent. Prælator.* Et Prior maioris Cartusie simul factus est Prior domus, & Generalis Præfectus totius Ordinis; & Prior Eremitæ Fontis Avellani factus est Prior Generalis Eremitarum ejus instituti in Italia. Petrus Damian. opuscul. 15. cap. 16. 18. & Joannes Monachus in vita Petri Damiani cap. 4. Postea ubi Ordines Mendicantium exorti sunt, præter Gardianos & Priores, qui sunt Præpositi cujusque domus, instituti sunt Provinciales, qui præessent singulis; & Generales Ordinis, qui præsunt universo Ordini: de quibus hoc sciendum est, quod electio Provincialis pertinet ad Capitulum Provinciale, & confirmatio ejusdem ad Generalem vel Vicarium Ordinis; electio Generalis Ordinis pertinet ad Capitulum generale, confirmatio ad Summum Pontificem. Clement. *Exivi. de Paradiso de V. S.* Et minister Generalis Ordinis habet jurisdictionem quasi Episcopalem in subditos. Panormit. in cap. *Et si Clerici. §. De adulteriis. de judic.*



CAPUT XII.

Abbatissa & Præposita seu Priorissa, utriusque officium.

Sicut monasteria virorum habent Abbatem, a quo re-
guntur, monasteria virginum habent Abbatissam, quæ
ita subditas regere, & impenso studio custodire debet, vt
sciat, se pro his in conspectu Domini rationem reddituram.
Concilium Cabillonense II. can. 54. Capitular. lib. 2. capi-
te 42. Nimirum hæc sese gerere debet erga puellas sibi com-
missas, vt mater erga filias: vnde Abbatissa mater spiritua-
lis dicitur. Concilium Parisiense VI. can. 39. Eo alludens
Optatus libro 2. aduersus Donatistas: Inde reuertentes Ur-
banus Formensis & Felix Idierensis, inuenerunt matres, quas
de Castimonialibus secerunt mulieres. Augustinus epist. 109. quæ
regulam dedit quibusdam Monialibus: *Præposita tamquam ma-
tri obediatur honore seruat, ne in illa offendatur Deus.* Eadem
significatione Græcis ἀμμή vocatur. Palladius Historiæ Lau-
siacæ cap. 42. ἀμμή ἐστὶ, οὕτω γὰρ καλεῖται τὰς πνευματικὰς
μητέρας. Ammas est, sic enim vocant matres spirituales. Ab-
batissæ officium est, necessaria ministrare Monialibus pro-
facultatibus monasterii. Concil. Aquisgranens. libro 2. capi-
te 13. Augustinus loco modo laudato: *Et distribuatur unicui-
que vestrum a Præposita vestra victus & tegumentum, non
æqualiter omnibus, quia non æqualiter valetis omnes; sed unicui-
que sicut opus fuerit.* Abbatissa potest corrigere delinquentes
Concilium Cabillonense II. d. can. 54. Augustinus eodem
loco: *Conuicta vero secundum Præposita vel Presbyteri arbitrium
debet emendatoriam sustinere vindictam: quam si ferre recusave-
rit, & si ipsi non abscesserit, de vestra societate projiciatur.* Tho-
mas Cantipratensis lib. 1. cap. 24. *Audit illa culpas & cor-
rigit, exhortatur singulas ad ordinem seruandum, & negotia
monasterii.* Abbatissa non potest excommunicare Monachas,
vel Canonicas, vel Clericos subiectos monasterio: sed po-
test eas coeße suspendere ab officio & beneficio. Cap. Di-

lecta. de majorit. & obediēt. Quod caute intelligendum non de suspensione juris, quatenus est censura Ecclesiastica, quæ violata inducit irregularitatem: sed de suspensione regulari, quæ multat tantum societate vel emolumento frutuunt. Si enim damnatus non pareat, Abbatiſſa non potest per se subditos coercere per censuras Ecclesiasticas: sed potest adire Superiorem, puta Summum Pontificem, si sit exempta, a quo dabitur iudex, qui per censuras Ecclesiasticas non parentes compellat, vt subditur in *fini d. cap. Dilecta*. Item Abbatiſſa non potest benedicere seu velare Virgines, earum confessiones audire, easdemque absolvere, neque Evangelium prædicare, quia non habet potestatem clauium. Cap. *Nova quadam. de penitent. can. Statuimus. 20. quæst. 2.* Concilium Parisiense VI. can. 43. Capitular. lib. 1. cap. 76. Sicut Abbatiſſa non potest subditas excommunicare, non potest eas absolvere, si se invicem percusserint: sed adeundus est Superior. Cap. *De Monialibus. de sentent. excommun.* Abbatiſſa potest conferre beneficia, & instituere Clericos in Ecclesiis monasterio subiectis. d. cap. *Dilecta*, & cap. *Dilecta. de excess. Prælator.* Collatio beneficiorum potest pertinere ad Abbatiſſam ex privilegio vel consuetudine præscripta. d. cap. *Dilecta*. Rebuff. de nominat. quæst. 8. Sunt monasteria quæ habent Præpositam seu Priorissam, quæ non habet Abbatiſſam supra se, vt legitur in d. epist. Augustini 109. In quibus monasteriis est Abbatiſſa, in eisdem etiam est Præposita seu Priorissa, quæ prior est post Abbatiſſam. Gregorius I. lib. 4. epist. 4. *Et Victoria*, sicut audio, res monasterii dispersit, vt ad Prioratus locum peringeret, & ipsa post Abbatiſſam interim inveniri debuisse.





CAPUT XIII.

Vicarii seu Rectores Monialium: iidem dicti Patres spirituales vel Patriarchæ. Earumdem Confessarii ordinarii.

PRÆLATIS regularibus non abs jure accensentur Vicarii seu Rectores Monialium: sic dicuntur Presbyteri qui præponuntur virginibus Deo sacris, quia ab Episcopo instituuntur. Synodus Carthaginensis IV. can. 97. *Qui religiosæ feminis præponendus est, ab Episcopo loci probetur.* Can. *Qui religiosus* 18. quæst. 2. Ex quo sunt Vicarii Episcopi in hac re, & propter dignitatem & pondus muneris dicuntur Præpositi. Cælarinus de Miracul. lib. 4. cap. 89. *Factus vero Abbas honestas consuetudines, quas in suo monasterio didicerat, induxit, inter cetera præcipiens, ut tam suæ Congregationis fratres, quam subjectæ sorores, necnon eorum Præpositi eorum ab escis carniuum omnes abstinerent.* Et Patres spirituales. Concil. Hispal. II. can. 11. *Tunc enim salubria Christo dicatis virginibus præbemus, quando eis Patres spirituales eligimus; quorum non solum gubernacula tueri, sed etiam doctrinis adificari possint.* Can. *In decima* 18. quæst. 2. Et Patriarchæ, quasi Patres virginum. De Glycerio Diacono narrat Gregorius Nazianzenus epistola 205. quod collectis propria auctoritate virginibus, gregis imperium arripere conatus est, & insolenter se efferre cœpit, καὶ πατριάρχας ὀνόμα καὶ ἄλλα τὰυτὰ ἐπαύρις, Patriarchæ nomine atque habitu sibi imposito. Rectores Monialium eligendi sunt idonei, ætate seniores & moribus probatissimi. Capitul. lib. 7. cap. 196. E Monachis, non e Clericis sæcularibus eligendos duxit Synodus Hispalensis initio canon. modo laudati: *In decima actione communi consensu decrevimus, ut monasteria virginum in provincia Bætica Monachorum administratione ac præsidio gubernentur.* Iidem non debent ultra triennium durare in officio, ne longa consuetudine cum puellis labantur. Monasterium 300. virginum magna cum laude per quadraginta annos rexit Elias Abbas: sed non prius accessit ad id muneris, quam posteaquam angeli eum castraf-

testate Episcopi. Concilium Chalcedonens. can. 4. can. *Qui vere* 16. quæst. 1. Aurelianense I. can. 11. can. *Abbates* 18. quæst. 2. Sed quia Episcopi ultra modum abutebantur potestate quam habebant in Monachos, & ex cœnobio fiebat possessio, id est, fundus vectigalis, & Monachi pro servis habebantur, & serviles opera eis imponebantur, & ab eis corradebantur oblationes fidelium, quæ fiebant monasterio. Synodus Toletana IV. can. 50. sanxit ut hoc tantum sibi in monasterio vindicent Sacerdotes, quod præcipiunt canones: id est, Monachos ad conversationem sanctam præmonere, Abbates aliaque officia, id est, alios Officiales, puta Præpositum, Decanos, instituere, atque extra regulam facta corrigere. Can. *Hoc tantum* 18. quæst. 1. Adhuc ordinatio Abbatum erat penes Episcopos: serius enim eis adempta, saltem in Hispania, intelligitur ex hoc canone, nisi malis credere, electione Abbatum jam Monachis permissa, quod astringit can. ultim. 16. quæst. 7. qui ex Concilio Toletano profertur, solam institutionem electi, id est, investituram vel missionem in possessionem, Episcopo relicta. Sane jam ante ex regula sanctissimi Patris Benedicti cap. 64. quæ comprobata est a Gregorio I. electio Abbatis concessa est congregationi Monachorum: *In Abbatis ordinatione illa semper consideretur ratio, ut hic constituatur quem sibi omnis concors congregatio secundum timorem Dei, sive etiam pars, quamvis parva, congregationis saniori consilio elegerit.* Et Gregorius ipse secutus eandem regulam in Concilio Lateranensi, ut consuleret quieti Monachorum, electionem Abbatis penes Monachos esse voluit, salva Episcopo ordinatione, id est, benedictione electi. Quod & idem sancivit libro 4. epistola 43. lib. 7. epist. 18. can. *Abbatem*. can. *Quam sit necessarium* 18. quæst. 2. & lib. 12. Indict. 7. post epistolam 31. *De privilegiis monasterii sancti Medardi Sueffionensis.* Idem constitutum a Justiniano, ut Abbas eligatur a Monachis, ordinetur ab Episcopo, leg. 47. Cod. *De Episc. & Cleric.* nov. 123. capite 34. Necnon ante Pelagius electionem Abbatis tribuit congregationi Monachorum, & possessionis domino, id est, fundatori monasterii. Can. *Abbatem* 18. quæst. 2. Licet ex regula Benedicti & constitutionibus Pontificiis electio Ab-

batis pertineret ad Monachos; tamen juris firmandi causa, quia tutius est quod obtinetur jure speciali, quam quod lege generali, variis temporibus Monachi a Regibus & Principibus privilegia impetrarunt, ut liceret sibi eligere Abbatem de Lerinenſi, Agaunenſi & Luxoviенſi monaſteriiſ celeberrimis tota Gallia, ut tradit Marculſus lib. 1. formul. 1. Caſſinenſibus juſ eligendi Abbatiſ juxta regulam confirmavit Caroluſ Magnuſ. Leo Oſtienſiſ Chronic. Caſſinenſiſ libro 1. cap. 14. *Fuſſit quoque ut Monachi juxta praeceptum ſanctae regulae Abbatem ſibi ſine cujuſquam praejudicio licenter eligerent.* Beato Mauro & cœnobio Glannafolii juſ perpetuum eligendi Abbatiſ ſacro diplomate ſancivit Clothariuſ Rex. Teſtem habemuſ Fauſtuſ in vita Mauri apud Surium 14. Junii. Anno Chriſti 682. celebratuſ eſt Romomagenſe Conciliuſ ſub Anſberto Archiepiſcopo, in quo actum eſt inter alia de privilegio conſeſſo monaſterio Fontanellenſi, ut per ſuccedentia tempora juxta Benediſti regulam & conſeſſionem Francorum Regum, Monachi e gremio ſibi Abbatem eligerent, ut legitur in vita ipſiuſ Anſberti apud Surium 9. Febr. Anno Chriſti 1084. cum Monachi Caſſinenſeſ adieſſent Conraduſ Imperatoreſ, poſtulantēſ ut eiſ Abbatem conſtitueret Imperator, negavit rem ſui juſ eſſe dicentſ: *Non eſt hoc meum, voſ unum ex veſtriſ eligit.* Illiſ autem reſpondentibuſ ſe non habere idoneum, & iſtantibuſ ut aliquem ex ſuiſ ſibi praeſiceret, Imperator in priori ſententia perſiſtens: *Nequaquam, inquit, ſed de Congregatione veſtra idoneum Abbatem voſiſ eligit,* ut narrat Leo Oſtienſiſ Chronic. Caſſinenſiſ libro 2. capite 65. Licet vero libera electio pertineret ad Monachos; tamen vacante ſede Monachi per nuncioſ ſolebant petere licentiam eligendi a Principe, eaque impetrata fiebat electio. Matthaeuſ Pariſ. in vita Joanniſ 1. 21. Abbatiſ ſancti Albani: *Et cum Rex tunc eſſet in partibuſ tranſmariniſ, videlicet in Piſtaria, miſſi ſunt ad eum duo de fratribuſ, ut licentiam eligendi ab ipſo, ut moriſ eſt, impetrarent.* Idemque in vita Willelmi 22. Abbatiſ: *Quo ſepulto incontinenti treſ fratreſ ad Regem ſunt deſtinati, ut ab eo impetrata rite eligendi poeſtate Abbatem eligerent.* Et rurſuſ idem in vita Joanniſ 23. Abbatiſ: *Et ſepulto tercio*

Kalendas Martii in Capitulo, eadem die tres fratres ad Dominum Regem sunt destinati, ut ab eo impetrata libera rite eligendi facultate, Abbatem, ne grex Domini diu detrimentum pateretur, eligerent. Abbas vero eligendus est de gremio ipsius monasterii, non extraneus, nili in defectum idonei. Can. Abbatem. can. Quam sit necessarium 18. quæst. 2. Ne Monachus alterius monasterii vel Ordinis in Abbatem eligatur, Corbeiensibus Monachis veruit Nicolaus I. epist. 24. Abbatem vero fratres ipsius monasterii de se ipsis eligendi semper habeant potestatem, & eam personam eligant, quæ Monachi propositum & habitum & moribus profiteatur, non canonicum aut laicum, neque alterius monasterii Monachum: quoniam monachico Ordini præficere vel laicum vel canonicum, non est servare Ordinis professionem, sed evertere: quod unusquisque Præpositus cuius est Ordinis, ejus quoque erit & propagator. Idem pro Stradensi monasterio statuit Carolus Calvus. Auctor vitæ sancti Genulfi libro 2. capite 12. In clausula demum perscripti decreti statutum ut per succedentia tempora locum ipsum inhabitantes e suis non aliunde petitis personis eligerent semper, quibus sacra prælatio loci committeretur, a quibus cœnobii totius gubernatio æquo jure tractaretur: idque non cujusquam mortalium vi, sed fraterno cœnobialium voto fieri quam maxime decrevit. Ex privilegio tamen vel consuetudine præscripta quandoque electio Abbatis fit de alio monasterio. Cap. Cum dilectus. de consuetudin. cap. Abbate. de V. S. Non Monachus, id est, non professus, non potest eligi in Abbatem. Cap. Cum causam. cap. Cum ad nostram. cap. Officii. cap. Cum in magistrum. de elect. Adeoque religiosus non potest eligi in Abbatem sui vel alterius monasterii, nisi fuerit expresse professus: alioquin electio ipso jure est nulla & irrita. Cap. Nullus. de elect. in 6. Clement. Ne in agro. §. Caterum. §. Sane de statu Monachor. Item religiosus non potest consentire electioni de se factæ in Abbatem alterius monasterii sine consensu sui Abbatis. Cap. Si religiosus. de elect. in 6. Sane Abbas vel Prior potest consentire electo sine consensu Capituli, ut facilius & ocysus consulatur Ecclesie vacanti. d. cap. Si religiosus. §. Quia vero. Superior quidem potest consentire electo, non eligendo, ne ambitioni detur occasio. Clementina Cum concessa. eod. tit.

Monachus cujuspiam monasterii semel electus in Abbatem in alio monasterio, non potest habere suffragium in Capitulo prioris monasterii. Cap. *Constituitis. de elect.* quia non potest esse quis Monachus in pluribus monasteriis, nisi vnum dependeat ab alio. Cap. 1. *De privileg.* in 6. Nec idem Abbas potest præesse pluribus monasteriis. Cap. vltim. *De religios. domibus.* Electio Abbatis in non exemptis requirit confirmationem ordinarii, leg. 47. Cod. *De Episc. & Cleric.* In exemptis electio Abbatis requirit confirmationem Summi Pontificis, vel Legati qui est in provincia. Cap. *Nihil est. de elect.* cap. *Si Abbas* eodem tit. in 6. quia Summus Pontifex est ordinarius exemptorum. Cap. *Si auctoritate de privilegiis* in 6. Hoc jure Cassinenses querebantur de Victore II. Summo Pontifice, quod electioni Abbatis manum injicere niteretur, cum ante Pontifices solam confirmationem sui juris duxissent. Leo Ostiensis Chronic. Cassinensis lib. 2. cap. 95. *Ita ad subjungendum sibi monasterium Papa animum vehementer incenderat, cum nemo ante illum ex Romanis Pontificibus id attentasset, sed electio libera semper Monachis fuerit, sola confirmatione ad Papam pertinente.* Olim & ordinatio Abbatissæ spectabat ad Episcopum: sed postea ex sacris constitutionibus electio Abbatissæ pertinuit ad Moniales, ordinatio ad Episcopum. Gregorius libro 6. epist. 12. Monialis non potest eligi in Abbatissam, nisi impleverit 30. annum, ac expresse professæ fuerit. Cap. *Indemnitatibus. de elect.* in 6. Hoc in primis notandum, quod in electione Abbatum & Prælatorum regularium servata est forma capituli *Quia propter:* in electione Abbatissæ forma cap. *Indemnitatib.* donec hæc jura mutata & perturbata sunt concordato solemniter habito inter Leonem X. & Franciscum I. in quo nominatio Prælatorum sæcularium & regularium ascripta est Regi, provisio seu collatio Pontifici. §. 1. *De regia ad Prælatur. nominat.*



CAPUT XV.

*Benedictio Abbatum. Effectus huiusmodi benedictionis.**


ABBATES electi, præter confirmationem, benedictionem accipiunt ab Episcopo. Cap. *Cum inter R. seniore. de elect. cap. Statuimus. de supplend. neglig. Prelat. cap. Cum contingat. de atat. & qualir. & ordin. præficiend.* Formam benedictionis tradit Ordo Romanus. Abbatissæ etiam benedicuntur ab Episcopo. Cap. *Meminimus. de accusat.* Non omnes, sed quæ solent benedici. Clem. *Attendentes. de stat. Monachor.* Effectus benedictionis est, quod Abbas per benedictionem accipit potestatem eorum quæ sunt ordinis: Abbas enim non potest Monachos benedicere, seu conferre tonsuram subditis, priusquam benedictus sit. d. can. *Quoniam.* d. cap. *Cum contingat.* Quod si Episcopus moram faciat in impetiendo benedictionis munere, Abbas, si sit exemptus, potest impetrare mandatum a Summo Pontifice, ut Episcopus compellatur munus benedictionis tribuere. d. cap. *Meminimus.* Vel mandante Pontifice potest suscipere benedictionem ab alio quovis Episcopo. Vel si non sit exemptus, & Episcopus tertio Conventus Abbatem benedicere renuerit, post trinam conventionem Abbati licet proprios Monachos benedicere, & alia quæ pertinent ad officium exercere, donec Episcopus duritiam recogitet, & Abbatem benedicere non recuset. d. cap. *Statuimus.* Quandoque etiam recusante Episcopo Abbates exempti petere solent benedictionem a Summo Pontifice. De electo Abbate sancti Augustini Cantuariensis memoratur, quod cum Richardus Archiepiscopus Cantuariensis ludificaretur eum benedicere in ipso monasterio, juxta rescriptum impetratum per electum ab Alexandro III. Romam profectus benedictionem accepit ab ipso Pontifice. Roger. Hoveden. ad. ann. 1177. Udalricum Augienssem Abbatem benedixit Leo IX. Hermann. Contract. in Chronic. ad ann. 1049. *Leo IX. in proximo Pascha Udalricum Augiensis canobii Provisorem Romanum venientem Abbatis benedictione*

nc

ne consecravit. Hoc distat benedictio Abbatis a consecratione Episcopi, quod consecratio est omnino necessaria, ut fiat & dicatur Episcopus. Cap. *Licet. de translat. Episcop.* Abbatis benedictio non est necessaria, ut sit & dicatur Abbas, ut ea quæ sunt jurisdictionis exerceat, vel ut temporalia administret, sed quoad quædam tantum, nimirum ut Monachos benedicere, vel eis tonsuram & minores Ordines conferre possit. d. cap. *Quoniam.* d. cap. *Cum contingat.* Per consecrationem Episcopi confertur ordo Episcopalis: per benedictionem Abbatis non imprimitur character, non confertur ullus ordo; sed ex privilegio tribuitur potestas quasi Episcopalis operandi quædam, quæ sunt ordinis. Gloss. in d. Clem. *Attendentes.* Ostiensis & Jo. Andreas in cap. *Tuam. de atat. & qualitat.* Oldrad. consil. 14. Et his argumentis tentabat Ivo Carnotensis non vno loco probare benedictionem Abbatis non esse necessariam, ut epist. 73. *Habent fortasse fratres isti zelum Dei, sed non secundum scientiam, putantes quod promotionem Abbatis faciat Episcopalis benedictio, & non potius fratrum communis electio, cum tamen ipsam benedictionem conferat Dominus, non secundum meritum dantis, sed secundum fidem & puritatem benedictionemque accipientis.* Et idem epist. 88. *Dicunt enim quia non potest esse Abbas sine benedictione.* quod non probat his quæ sequuntur: *Cum Abbatis benedictio nulla sit sacramenti repetitio.* Abbates non exempti in sui benedictione tenentur edere Episcopo solemnem professionem subjectionis, obedientiæ & reverentiæ, salvo ordine suo, id est, regula, qualem solebant præstare Abbates Cisterciensis Ordinis, cujus formulam edidit Honorius III. in cap. *Ne Dei Ecclesiam. de simonia.* Ego frater Abbas Cisterciensis Ordinis subjectionem & reverentiam & obedientiam a sanctis Patribus constitutam, secundum regulam sancti Benedicti, tibi, Domine Episcope, cuique successoribus canonice substituendis, & sanctæ Sedi Apostolicæ, salvo ordine meo, perpetuo me exhibiturum promitto. Et hujusmodi professio solebat præstari ex scripto, interposito jurejurando super signo sacræ crucis. Arnulfus Lexoviensis. epist. ad Abbatem sancti Ebrulfi: *Nosse siquidem debes, in eo qui religionem professus est, inobedientiam crimen esse, ipsumque ad exactissimam diligentiam teneri, qui obedientiam Prælati suo*

viva voce & scripto, juramento etiam corporaliter interveniente, adhibita saluifera crucis impressione signavit. Abbates vero exempti, cum benedicuntur, non tenentur edere professionem subjectionis. Cap. Sane de excessi. Pralat. cap. Cum olim 2. in fin. de privileg. Necnon a quocumque Episcopo benedictionem suscipere eis fas est citra professionem. Hoc jure Malmesburiensis Abbas dicens se exemptum, contendebat suo jure se benedictionem accepisse a Laudunensi Episcopo, omisso Sarisberienf. in cujus diocesi situm est Malmesburiense monasterium: de quo Petrus Blesens. epist. 68. Abbas testibus nitebatur asserere, decessores suos benedictiones a quibus volebant Episcopis pro suo libitu citra professionis vinculum suscepisse. Ob id Willelmus Abbas S. Germani de Pratis, pulsus a Monachis, restituto Reinaldo decessore, qui Abbatia cesserat, ad quod ab Episcopo Parisiensi benedictionem recipiens, ei professionem fecisset, ne exemptioni fraus fieret. Continuator Aimoin. lib. 5. cap. 51. Idcirco Bernardum Abbatem Majoris monasterii valde increpabant Monachi, quod benedictionem accepturus, Turonensi Archiepiscopi subjectionem promississet: de quo eum tunc Ivo Carnotens. d. epist. 73. De cetero quod calumniantur, non recte vos fecisse, quod ante benedictionem promissisti obedientiam sedi Metropolitana, vana vel nulla calumnia est: quomodo enim connexa sibi ad invicem poterunt esse membra corporis Christi, nisi dispensatores canonicarum vel monasticarum Congregationum eam obedientiam exhibeant Pralatis suis, quam sibi exhiberi volunt a subditis suis? Et professionem abs Goffrido Vindocinensi Abbate, exempto extortam per Ivonem Carnotensem Episcopum irritam dixit Urbanus II. & post eum Paschalis II. de quo Goffridus ipse lib. 2. epist. 11. & 27. Professionem ab Abbate, cum benedicitur, Episcopo præstari, non grave, sed superfluum duxit Anselmus lib. 2. epist. 51. pulcherrima rationatione. Scimus enim, inquit, quia semper profiteri ore, & opere exhibere debemus majoribus nostris regularem obedientiam, quam scripto repetere, quamdiu eam non abnegasse cognoscimur, superfluum certe est. Quod si quis nos vult cogere, cum ad Abbatia prælationem promovemur, sine ulla ratione fieri videtur: cum enim professi sumus confessionem morum nostrorum, utique promissimus

obedientiam, non solum Abbatibus, nec solum quamdiu effemus sub Abbate, sed omnibus majoribus nostris, & quamdiu vivemus; &c. Ne vero pro benedictione Abbatis ab Episcopo id exigatur vetuit Concil. gen. Lateranense habitum sub Innocentio III. Cap. *Sicut de simon*. Et ne quid exigatur ab Episcopo pro Abbatis benedictione, installatione, vel recipienda professione, vetuit etiam Honorius III. d. cap. *Ne Dei Ecclesiam*. & ante Innocent. III. lib. 2. epist. 207. & 366. Benedictio Abbatum pertinet ad Episcopum, installatio Abbatum & Abbatissarum ad Archidiaconum. Cap. *Ut nostrum de officio Archidiaconi*. Et quia hujusmodi installatio non fiebat sine sumptu & pompa, quæ repugnabat humilitati religiosæ, installationis solemnitatem apud Abbates Cisterciensis Ordinis fustulit Honor. d. cap. *Ne Dei Ecclesiam*.



C A P U T . X V I .

Renunciatio & depositio Abbatum. Formula depositionis.

ABBAS quilibet potest renunciare Abbatia, verum Abbas non exemptus non potest renunciare Abbatia, nisi in manibus ordinarii, ad quem confirmatio pertinet. *Can. Abbas* 18. quæst. 2. Nec valet renunciatio facta in manibus Conventus seu Capituli, cujus est electio. *Cap. Lecta. de renuntiat.* Non valet renunciatio, nisi expresse fiat in manibus ordinarii: si Abbas Monachos absolverit ab obedientia, etiam vocato Episcopo, non videtur renunciassse, d. cap. *Lecta.* Abbas vero exemptus non potest renunciare Abbatia sine licentia Summi Pontificis. *Cap. Dilecti* eod. tit. Nec potest transferri de vno monasterio ad aliud sine licentia Summi Pontificis. *Cap. Cum venerabilis. de consuetud.* Non potest etiam renunciare exemptioni, vel compromittere in arbitros de libertate monasterii, sine ejusdem Pontificis licentia. *Cap. Cum tempore. de arbitr.* Nec potest professionem obedientia facere Episcopo in præjudicium exemptionis. *Cap. Cum dilectus. de religiof. domib.* quia beneficium exemptionis confertur quidem in gratiam exempti: sed semel collatum ver-

titur in jus & in rem Sedis Apostolicæ, siquidem per exemptionem monasterium exemptum fit alodium & prædium Ecclesiæ Romanæ, de quo fusius suo loco. Abbatix renunciatio fiebat per resignationem virgæ super altare, & absolutionem fratrum a sacramento obedientiæ. Leo Ostiensis Chron. Cassinens. lib. 4. cap. 44. *Accipite (inquit Bruno Abbas virgam pastorem deponens) quam mihi tradidistis; absolutioneque fratribus facta, ad Episcopatum suum redit.* Abbas vel Prior Conventualis canonice electus, est perpetuus, nec potest amoveri sine gravioribus causis, puta si insufficiens; incontinens; dilapidator bonorum monasterii, vel negligens in eorum administratione fuerit. Can. Nullam. can. *Si quis Abbas* 18. quæst. 2. cap. *Monachi.* in fin. de stat. *Monachor.* Propter simplicitatem depositus Willelmus Abbas S. Germani Parisiensis, quod deceptus a Parisiensi Episcopo accepta benedictione professionem obedientiæ ei fecisset, ne monasteriū exemptio tentaretur. Continuator Aimoin. lib. 5. cap. 51. *Anno Incarnationis Dominicæ 1108. Rainaldus monasterii S. Germani Abbas, præ simplicitate Abbatiam dimisit, & loco ejus Guillelmus est substitutus, qui duobus annis monasterium rexit: sed pravo consilio deceptus, ad Episcopum Parisiensem pergens, & ei professionem faciens, benedictionem ab eo accepit. Quod audientes præfati monasterii fratres, timentes ne per hoc Ecclesiæ suæ minueretur libertas, revertentem a professione noluerunt recipere: sed clausis januis valide resistentes, eum ab Abbatix dignitate penitus removerunt, prædictumque Rainaldum revocantes, eum iterum sibi præfecerunt Abbatem.* Item Abbas potest deponi, si prævaricator Ordinis fuerit, seu contemptor aut negligens vel remissior. Cap. *Cum ad monasterium.* sub fin. de stat. *Monachor.* Prævaricator Ordinis dicitur qui regulæ observantiam negligit aut contemnit: quia prævaricatur adversus votum, ut & virgines quæ virginitatem promissam temerant, prævaricari dicuntur. Synod. Ancyran. can. 18. *Quotquot virginitatem pollicitam prævaricatae sunt.* Can. *Quotquot* 27. qu. 1. Græci aditionem suam in hoc addiderunt. Synod. Arausican. I. can. 28. *In utroque sexu desertores professæ castitatu prævaricatores habendi.* Rainaldus Abbas Cassinensis depositus quod Subdiaconus electus esset contra canones. Leo Ostiens. Chronic. Cassinens. lib. 4.

cap. 123. Sane Abbas potest ex levioribus causis suspendi ab administratione. Cap. *Per tuas. de simon.* id est, ex levioribus causis, quam his quæ requiruntur in depositione, quæ graviore causas desiderat. Abbas enim non facile, nec sine graviore causa deponendus est, ne ei adimatur auctoritas, si Monachorum potestati cõperit subiacere. d. can. *Nullum.* id est, si possit amoveri ad libidinem Monachorum, neve fiat meticulosior ad coercendos Monachos, metu depositionis. Humani scilicet moris est, illum vereri, cujus voluntate & iudicio nunc erigitur, nunc deprimitur. Can. *Vitis* 16. qu. 2. Nec facile audienti sunt subditi contra Prælatos, qui quasi signum sunt positi ad sagittam, id est, expositi sunt malitiæ & insidiis subditorum. Cap. *Qualiter. de accusat.* Abbas deponendus est intercedentibus iustis causis, etiamsi omnis Congregatio vitii ejus conlitiens, id est, vitia ejus dissimulans & ferens, quasi conniventibus oculis, cum Abbatem habere voluerit. d. can. *Si quis Abbas.* Non est ferendus Abbas, cujus electa est negligentia a Monachis, ut impune eis sit. Can. *Placuit* 10. qu. 3. Depositi autem Abbatis non pertinet ad Monachos, sed ad Episcopum, nec solum, sed cum Abbatibus vicinis. d. can. *Si quis Abbas.* Concil. Turonens. II. can. 7. *Ne Episcopus Abbatem vel Archiepresbyterum sine Compresbyterorum & Abbatum consilio removeat.* Et hoc in Abbate non exempto: Abbatis enim exempti confirmatio & depositio pertinet ad Summum Pontificem, qui est ordinarius exemptorum, vel ad Legatum Sedis Apostolicæ, qui est in partibus. Hoc jure anno Christi 1214. per Nicolaum Tusculanum Episcopum, & Legatum Sedis Apostolicæ in Anglia, depositus est Radulphus de Arundel, Abbas Westmonasteriensis exemptus, de quo Matth. Paris. ad hunc annum: *Illis diebus per prædictum Legatum depositus est Radulphus de Arundel Abbas Westmonasteriensis in crastino sancti Vincentii per N. Abbatem de Westham, missum ex parte Legati, fracto ipsius sigillo.* Nimirum depositio Abbatum non fiebat solemniter, ut depositio Episcopi, vel degradatio Presbyteri; sed nuda & simplici fractione sigilli, quia Abbatis munus non est ordo, sed officium. Præter Matth. Paris. Innocent. III. lib. 2. epist. 38. de Abbate Conchiensi: *Et instrumenta sua fracto sigillo quo usus fuerat, in manibus eorundem judicum resignavit,*

*Idem Mat.
Westmonast.
ad annum
1214.*

Abbatiam abjuravit memoratam. Vel per depositionem virgæ super altare. Leo Ostiens. Chronic. Cassinens. lib. 1. cap. 94. Ita demum Basilus ad hoc monasterium veniens, & Abbatem virgam, quam catenus tenuerat, abiciens, paucis post diebus ad vallem Luce Præpositus transmissus est. Et idem cap. 96. ejusd. lib. Tertia post hæc die coram cunctis fratribus in Ecclesiam veniens, (Petrus Abbas) ac virgam super altare deponens, officium & hoc monasterium deseruit. Vel per depositionem virgæ simul & annuli & regulæ super corpora Sanctorum. Idem lib. 4. cap. 123. de Rainaldi Abbatis Cassinensis depositione: Sicque illorum jussu astantibus omnibus, virgam & annulum & regulam supra corpus sanctissimi Benedicti deposuit. Plerumque Abbatem deposito vel ab administratione amoto assignabatur cella vel Prioratus alimonie gratiâ, vt liquet ex d. epist. 38. Innocent. & 30. ejusd. lib. vnde deductum est cap. Cum inter seniores. de elect. & ex epist. 8. ejusd. lib. 1. & ex epist. 111. registr. 13.



C A P U T XVII.

Advocati monasteriorum, & eorum officium.

UT consuleretur quieti Monachorum, præter Prælatos regulares suscepti sunt Advocati & defensores monasteriorum, nimirum viri nobiles & potentes, qui res & personas Monachorum tuerentur a prædis & insidiis laicorum. Advocati sunt defensores Ecclesiarum vel monasteriorum. Cap. Præterea. cap. Cum autem. de jur. Patronat. cap. In quibusdam. de pœn. Urbanus II. incan. Salvator 1. qu. 3. Defensorum nomine Advocatum sive Castaldum & judicem. Ea Gregorius X. in cap. Generali. de elect. in 6. Univerfos & singulos qui regalia, custodiam sive guardiam, advocacionis seu defensionis titulum in Ecclesiis, monasteriis, seu quibuscumque aliis piis locis usurpare conantur. Sic dicti a vernaculo *avouer*, quod Ecclesiæ & monasteria suscipiendo advocatos eos defensores suos advocarent, id est, profiterentur seu recognoscerent, quod vulgari-ter dicitur, *avouer*. Cap. 2. De reb. Eccles. non alienand. eod. Ecclesiæ & monasteria cum opibus & latifundiis nimium

aucta essent, & ob id impune exposita essent rapinis & infestationi laicorum, tutelæ & præsidii causa sibi assumpserunt viros nobiles e laicis in advocatos & defensores, quod probarunt Patres Ecclesiæ. Concil. Moguntin. celebratum sub Carolo M. can. 50. *Omnibus igitur Episcopis, Abbatibus cunctoque Clero continuo præcipimus, Vicedominos, Præpositos, Advocatos sive defensores bonos habere.* Et Carolus ipse varia capitula edidit de Advocatis & defensoribus Ecclesiarum a Principe postulandis, & idoneis eligendis, vt Capitul. lib. 5. cap. 31. *Defensores Ecclesiarum adversus potentias secularium vel divinum ab Imperatore sunt poscendi.* Et lib. 7. cap. 303. *Pro Ecclesiarum causis ac necessitatibus earum atque servorum Dei, executores vel Advocati seu defensores, quotiens necessitas ingruerit, a Principe postulentur.* Et lib. 4. cap. 62. *Vt nullus Episcopus, nec Abbas, nec Comes, nec Abbatissa Centenarium Comitis Advocatum habeat.* Ne vero huiusmodi Advocati Advocatæ & defensionis obtentu Ecclesiam gravarent, statutum vt ab Imperatore vel Principe postularentur, vt regio examine probati cautius se gererent in rebus Ecclesiarum & monasteriorum. Trithemius Abbas in Chronic. Hirsaugiens. ad ann. Christi 1064. *Sin autem aptum & utilem Advocatum undecumque sibi placuerit eligant. Hic denique Abbate petente a Rege accipiat bannum legitimum.* Idemque in eodem Chronic. ad ann. Christi 1199. ex privilegio Urbani II. *Advocatum autem Imperatorem Romanorum, qui & noster Advocatus est, præficimus: propter multiplices tamen ejus curas & dispositiones, liceat Abbati & fratribus de familia de Calune eligere, si idoneus inventus fuerit.* Et infra: *Sin autem alias undecumquelibet liceat alium eligere, qui etiam Advocatus in præsentiam Abbatis & fratrum juret in sacramento cum familiaribus suis, quod contra privilegia Ecclesiæ non veniat: hic adductus in præsentiam Domini Imperatoris simili modo confirmet.* Et hoc institutum est in Occidentis partibus, exemplo Africanæ Ecclesiæ, quæ cum defensore egeret adversus Donatistas, necessarii duxit vt defensores in singulas Ecclesias ab Imperatore postularentur. Synod. Carthag. V. can. 4. can. *Ab Imperatoribus* 23. qu. 3. quos Græci *ἐκ ξυνοῦ* vocarunt Advocati huiusmodi postulabantur a Principe, & ab eo bannum accipiebant, id est, titulum Advocatiæ. Præter

Trithemium loco modo laudato, Acta Murenſis monaſterii, quod eſt apud Helvetios ex Tabulis Henrici IV. Conſtituit etiam ut major natu filiorum ſuorum commendante ſibi Abbate, Advocatiam habeat, non in beneficium & jus proprium, ſed ad ſecurioris & grata deſenſionis ſuffragium, qui non pro terreno com- modo, ſed pro æterna mercede, ſollicitus & ſtudioſus bona & conſtitutam libertatem monaſterii & juſtitiam defendere voluerit. Hic denique Abbate petente a Rege accipiat bannum legitimum, &c. Advocati libera electio erat penes Abbatem, nuda confirmatione ſpectante ad Principem. Gregor. VII. lib. 7. epist. 24. pro monaſterio Hirſaugienſi. *Ve nullus Sacerdotum, Regum, vel Ducum, aut Comitum, ſeu qualibet magna aut parva perſona, præſumat ſibi in eo loco aliquas proprietatis conditiones, non hereditariis juriſ, non Advocatiæ, non inveſtituræ, non cujuſlibet poteſtatis, quæ libertati monaſterii noceat, vindicare.* Et infra: *Abbas autem Advocatum quem voluerit eligat: quod ſi is poſtmodum non fuerit utilis monaſterio, eo remoto alium conſtituat.* Et Leo Oſtienſis Chronic. Caſſinenſ. lib. 1. cap. 76. *Ibi cum Abbas & equo optimo & armis præcipuis inſignique pulcherrimo donatis, monaſterii deſenſorem conſtituit.* Officium Advocati erat curare res Eccleſiæ, eaſdem tueri, & in jure defendere, & a prædonibus occupatas vindicare. Concil. Moguntin. can. 22. *Ve Monachi ad ſecularia placita nullatenus veniant.* Et infra: *Neque ipſe Abbas ſine conſilio Episcopii ſui, & cum neceſſitas exigat, tunc per juſſionem & conſilium Episcopii illuc vadat; nequaquam tamen contentiones aut lites aliquas ibi movere præſumat: ſed quicquid querendum, vel etiam reſpondendum ſit, per Advocatos ſuos hoc faciat.* Adrevald. de miracul. S. Benedi&. lib. 1. cap. 26. de prædiis monaſterii Floriacenſis ſitis in Aquitania, quæ ab antiquo uſitur lege Romana: *Advocatus vero una cum Ragavario Monacho ad locum ceſſionis terræ juxta morem legis adveniens, prædictam vineam ad juſ. S. Benedi& ſua auctoritate revocare nitetur.* Et Flodoard. Hiſt. Rhemenſ. lib. 3. cap. 10. de Hinemaro Archiepiſcopo: *Rex quoque nonnullus iuraque Eccleſiæ ac mancipia legibus per Advocatos evindicata recepiſſe reperitur.* Ekkeard. Junior de caſib. monaſt. S. Galli cap. 1. *In vadit loca lege Alamannica cum Advocato Episcopius, tribus diebus, uti juſ erat, homines ſiſci juramenti S. Othimaro vindicantes.* Tabulæ & geſta pærti-

pertinentia ad monasterium inscribebantur de Abbatis nomine, addito fratrum & Advocati consensu. Bernard. epist. 229. ad Episcopum Ostiensem & alios pro Abbate Latiniacensi : Jam de terris & bonis Ecclesiæ, quasi distractis & alienatis, & datis ab eo cognatis suis, coram venerabilibus Episcopis Sueffoniensi & Autissiodorensi, Comiteque Throbaldo, Advocato utrique monasterii, satis responsum est, & adhuc responderetur, sic illum dedisse suis quomodo alienis, id est, ad eundem censum vel consuetudinem. Idemque epist. 284. ad Eugenium P. Betuniensis Decanus voluntate Episcopi, & assensu Advocati, bonam rem pro Ecclesiæ suæ in Ecclesiæ eadem constituit : bonum est ut vestra auctoritate firmetur. Penes Advocatum erat donationum piarum acceptatio. Ekkeard. de casib. monast. S. Galli cap. 1. Ille vero (Conradus Imp.) quicquid inibi regii fisci erat, totum in manum Advocati super aram ejus (S. Galli) tradiderat, & sigillo suo roboraverat. Nec status Ecclesiæ potuit mutari sine consensu Advocati. Petrus Cluniacens. lib. 4. epist. 43. ad Gaufridum Carnotensem Episcopum : Dixit enim Ecclesiæ Castri Duni, quam Cluniacensis olim possedisse dicebatur, a Canonicis ejusdem Ecclesiæ, ab Advocato Ecclesiæ, Vicecomite Vindocinensi, ab omnibus tandem qui aliquid juris in ea se habere dicebant, tam precibus, quam vi iustitiæ extorsisse, & vestræ Cluniacensi Ecclesiæ, cujus juris fuerat, reddidisse. Advocatorum etiam munus fuit temporalem Ecclesiæ jurisdictionem in servos, colonos & subditos Ecclesiæ vel monasterii exercere. De Advocato Murensis monasterii testantur Tabulæ Henrici IV. Imp. quæ sunt editæ inter Acta Murensis monasterii : Hic denique Abbate petente a Rege accipiat bannum legitimum, & ter in anno, si necesse fuerit, aut in ipso loco, aut ubicumque, vel quandocumque Abbati visum fuerit, invitatus ab illo veniat, & ibi placitum justum pro causis & necessitatibus monasterii rite peragat. De Advocato monasterii Laurishamensis in Germania Chronic. Laurishamens. Hic itaque Conradus II. Rex rogatu præfati Reginbaldi Abbatis, tradidit S. Nazario omne suum regale jus in mancipiis, in Ganuita, ea scilicet ratione ut nullus Comes, Vicecomes, aut alia qualibet judiciaria persona in eisdem mancipiis aliquam deinceps habeat sui juris exercendi potestatem, sive ad placitum suum constringendi, seu bannum persolvendi, nisi prædictus Abbas sui que successores, & quem ipsi

R

Advocatum elegerint. De Advocato monasterii Hirsaugienfis Trithemius Abbas in Chronic. Hirsaugienf. ex Tabulis Henrici IV. Sin autem aptum & utilem Advocatum undecumque sibi placuerit eligant: hic denique Abbate petente a Rege accipiat legitimum bannum, & ter in anno, si necesse fuerit, aut in ipsam cellam, aut ubicumque, vel quando Abbati placuerit, invitatus ab illo veniat, & ibi placitum iussu pro causis & necessitatibus monasterii rite peragat. Nullum autem servitium aliud jus aut beneficium sibi pro hoc concedi recognoscat, nisi tertium bannum, & consuetudinariam iustitiam, & legem quam ceteri Advocati in aliis liberis monasteriis habent super iures proterviam, & censuales, & cetera talia, & in illis trium placitorum diebus, in unoquoque unum malitium de frumento, & unum friscingum, & unum siclum de vino, & cetera ad hac pertinentia. De Advocato Fuldenfis monasterii Traditiones Fuldenfes lib. 2. pag. 514. Tunc Centurio Sigisfrid, qui Advocatus noster fuit, & una fratres nostri cum eo, placitam constituerunt, &c. De Advocato Lacensis monasterii Tabulae Henrici Comitis Palatini apud Miræum lib. 2. diplomat. cap. 25. Advocatus ne alium sibi, nisi Abbatis ordinarium, iudicem subroget in cognitione causarum, neve ad causas audientias veniat, nisi a Monachis invitatus. De Advocato monasterii Egmondensis Jo. a Leidif. Hist. Belgicæ lib. 21. cap. 11. Dicebat juris sui esse, si Monachi pugnarent in clauistro, hoc judicare & corrigere: mansionarios & ministrales Ecclesiæ, & etiam famulos Abbatis, coquos, pistores & braxionarios suo iudicio stare coegit, interdicens eisdem, ne fratribus, sicut consueverant, servirent aliquo modo. Unde Advocati, ut iurisdicundi officio sufficerent, iurisperiti eligebantur. Paulus Langius in Chron. Citizensis, de Advocatis monasterii Bozawienfis: Verum nunc extenuatis rebus, minoratis & opibus, ad minimos quoque Advocatos tenendos defecimus, ut qui quondam ob rerum copiam Marchiones, ut dictum est, Comitesque necessarios habuimus, nunc moriones & viles quosque homunciones, dummodo iurisperiti fuerint, ad præfatam Advocatie dignitatem assumimus. Advocatis pro mercede officii ascripta certa stipendia & annonæ, ut in monasterio Hirsaugienfi moris fuisse jam probatum ex Trithemio. Idem usu receptum in monasterio Urspergensis. Abbas Urspergensis: Cumque talis Prelatus coram inclita recordationis Imperatore Frederico*

* Braxionarii, Brasseurs de bure

comparuisset, ipse coram tota curia sua spreuit eundem, odioque sui nobili viro Deginhardo de Hedinstein Procuratori suo per omnia regalia pradia Sueviæ injunxit, quatenus personaliter accederet ad Ecclesiam Vrspergensem, & de voluntate fratrum in prædix ipsorum extra Abbatiam & gratias statutis apponeret annum, quod sibi pro Advocatia & defensione solveretur, ut videlicet quilibet mansus rusticorum prædiorum solveret maltare unum avenæ, ut officiales sui equis ipsorum ex hoc haberent annonam. Idem institutum in monasterio Spanheimensi. Trithemius in Chron. Spanheimens. ad ann. Chr. 1325. Denique ad petitionem præfati Comitis Joannis Willich Abbatis prædictum filium ejus Advocatum suum in villa monasterii quæ Anven dicitur, constituit, cui duodecim maldra avenæ & totidem pullos ab incolis ejusdem villæ danda singulis pro feudo assignavit. Omnium Ecclesiarum civitatis Cameracensis Advocatus fuit Comes Flandrensis, eoque nomine tulit certam portionem fructuum, quæ vulgo Gavena. Sæpius & Advocatiæ nomine in beneficium seu feudum data certa prædia Ecclesiæ, inde Advocatiæ dicta. d. cap. In quibusdam. Baldric. Noviomens. Chron. Cameracens. lib. 2. cap. 98. Sub hac etiam specie ipse Hervardus Advocatis aliquantarum villarum quasi pro defensione præsumpsit, sed plus quam inimicus prædo assiduus exactioibus devastavit. Conrad. de Fabaria de casib. monast. S. Galli cap. 8. Cum Advocatia aliæque quamplurima fenda nostræ cessissent jurisdictioni, Abbas iisdem quoque temporibus mortuo Adelgoro de Suabegge sine herede, (v. fuit Advocatus Augustæ) ipse Imperator tam Advocatiam quam alia prædia ipsius sibi vendicavit. Et infra: Ducatus, Marchiæ, Comitatus Advocatis, moneas, teloneæ, ceterorumque regaliū summam. Inter regalia scilicet numerantur Advocatiæ, quod a Principe postularentur. In deterius ruente sæculo Advocatiæ Ecclesiarum & monasteriorum, quæ in præsidium & defensionem institutæ erant, versa sunt in necem & exitium, & eventus rerum probavit ovem lupo creditam, ut aiunt: Advocati enim ita potestate abusi sunt, ut Ecclesias & monasteria spoliarent tamquam prædones, & ab Ecclesiis velut a propriis rusticis & colonis graviores census & annonas passim exactarent, quibus modum imposuit Lucius III. in cap. Præterea. extr. de jur. patronat. lege dicta, nequid ab Ecclesiis præter antiquos & moderatos redi-

tui ab initio institutos exigerent. Et ante Eugenius I. in Synod. Rhemenf. celebrata anno Christi 824. can. 5. *Auctoritate Apostolica prohibemus, ut nullus Advocatus prater jus & beneficium antiquitus, aliquid sibi arripere vel usurpare presumat: quod si quis contra hoc attentaverit, Christianorum careat sepultura.* Ecclesiis & monasteriis quam graves essent Advocati frequenti metatu & crebris exactionibus, testatur Casarius de Miracul. lib. 2. cap. 7. *Vacca ipsa sua inquietudine & depastione nobiles & Advocatos temporis nostri designat, qui domos & agros subditorum hospitando depascunt, & per assiduas exactiones, quas in illos faciunt, in substantia recrescere non sinunt.* Et idem lib. 4. cap. 72. *Ejusdem Ordinis cella quadam in Episcopatu Coloniensi sita est: Episcopus vero, qui & Advocatus ejusdem cella est, sciens hominem (id est, Prapositum) pecuniosum esse & inhospitalem, semel vel bis in anno cum plurimo equitatu & multitudine militum hospitatur apud ipsum.* Immo Advocati Ecclesiarum & monasteriorum ita cervicem crexerunt, ut vacantibus Ecclesiis minoribus, quæ pertinebant ad monasteria, Clericos ad eas præsentandi jus sibi usurparent: unde Advocatorum & Patronorum nomen promiscue acceptum est. d. cap. *Cum autem.* Ac denique reseo pervenit, ut vacantibus Ecclesiis Advocati liberam electionem Prælatorum tollerent, de rebus Ecclesiarum & monasteriorum disponere præsumerent, quasi haberent custodiam vacantium Ecclesiarum, & in ipsos Prælatos sequirent usque ad necem. Quam ob causam Concil. generali Lateranensi habito sub Innocent. III. ne quod ad defensionis subsidium est inventum, ad depressionis dispendium retorqueretur, statutum est, ut Advocati qui hujusmodi noxis tenerentur, jus Advocatiæ amitterent, & eorum liberi arcerentur a sacris ordinibus ad quartam usque generis, nisi forte cum eis dispensaretur. d. cap. *In quibusdam.* & Concilio Lugdunensi habito sub Gregorio X. addita est pœna excommunicationis. d. cap. *Generali.* quod est velut supplementum d. cap. *In quibusdam.*





ASCETICON

SIVE

ORIGINUM REI MONASTICÆ

LIBER TERTIUS.



CAPUT I.

*Varia appellationes Monachorum: ἀσκηταί, μοναχοί, ιερο-
ταί, δεσποῦνται, ἐσχατοβουεῖοι, Sancti, Nonni, Fratres,
Servi Dei, Religiosi.*



EXPOSITIS initiis, incrementis & decremen-
tis Monastices, proposito conveniens erit de
statu Monachorum quoad personas sermonem
instituere, quo e personarum notitia, rerum
monasticarum observatio in sequentibus plelius
elucescat. Rebus Ecclesiæ ad perfectiorem statum surgenti-
bus, tres ordines fidelium in ea inventi sunt, nimirum Cle-
rici, Monachi, & laici. Hos tres ordines agnoscit Ambro-
sius sermone 10. *Qui sunt isti, nisi Clerici idonei, vel Monachi*

R iij

religiosi, vel laici? Augustini de salutar. documentis cap. 38. Omnibus enim laicis, Clericis, Monachis equaliter convenit fides, spem & caritatem habere. Idem de verbis Domini sermone 19. Quid habebam facere homo secularis aut miles? numquid Monachum sum professus, aut Clericum? Sidonius lib. 4. epist. 24. Quod genus vita de tribus arripuisset ordinibus: Monachum ageret, an Clericum Pœnitentemve. Monachos tertium hominum genus inter Sacerdotes & laicos ponit Joannes Chrysostomus in epist. ad Romanos homil. 23. ἐν ταῖς ταύταις ἀξιώμασι τῆς ἐκκλησίας καὶ ἱερέων καὶ μοναχῶν, οὐχὶ τοῖς βιωτικοῖς μόνον. Quod ista imperentur omnibus & Sacerdotibus & Monachis, non solum secularibus. Eandem distinctionem ordinum adhibuit Gregorius Moral. 1. cap. 12. Quia post Apostolorum conspectam fortitudinem tres distinctiones fidelium in Ecclesia conversatione secuta sunt, Pastorum videlicet, & continentium, & conjugatorum. Monachorum institutum prius usu celebratum, quam notum esset nomen. li prius variis aliis nominibus appellati, primum dicti sunt, *συναγῶγαι*, cultores, a Dei cultu, cui intentius vacant: sic *συναγῶγας* vocitavit Philo Judæus de vita contemplativa, per quos Ascetas seu Monachos intellexit. Eusebius libro 2. cap. 16. & Dionysius Areopagita de Hierarch. Ecclesiast. cap. 6. οἱ μὲν συναγῶγαι, οἱ ἢ μοναχικὴν ἐνομήζοντες, ἐκ τῆς τοῦ Θεοῦ καὶ πατρὸς ὑπηρισίας δι' ἀσκησίας, καὶ τῆς αὐμοσύνης καὶ ἐνιστάσεως ζωῆς. Alii cultores, alii Monachos vocantes, a puro Dei famulatu & cultu, & individua & singulari vita. Idem dicti *ἀσκηταί*, exercitatores. Eusebius loco modo laudato: ἀλλὰ τὸν βίον ὃν παρ' ἡμῶν ἀσκητῶν, ὡς ἐνι μάλιστα ἀκριβεστάτη ἰσχυρὸν γένετο ἀν' ἑκάστου. Jam vero cum eorum vivendi rationem, qui apud nos Ascetas, id est, Monachi, virtutis studio dedit, quam accuratissime percenseat. Apud eundem lib. 8. cap. 20. memoratur Petrus ἀσκητὴς, id est, Monachus, qui ex Egypti finibus Cæsaream profectus, ibi cum aliis martyrium passus est. Et Athanasius Apolog. ad Constant. Imperatorem: καὶ οἱ μὲν διὰ τὸν Ἀλεξανδρῶν ἐπίσκοπον μονάζοντες καὶ ἀσκητὰ ἐξωείθησαν. Ασκητὰ dicti ab exercitationis studio, quod eorum vita jugis esset exercitatio, variis officiis distincta, lectionis, orationis & manuum operis: virtutis studium scilicet nihil aliud est quam exercitatio. Inde Psalm 83.

Exercitatus sum, & defecit paulisper spiritus, id est, ut interpretatur Gregorius Moral. libro 22. capite 20. Exercitatione crevit spiritus Dei in me, & defecit spiritus hominis. Eadem analogia Synodus VI. in Trullo cap. 77. statuit non oportere Clericos vel Monachos, quos vocat ἀσκητάς, lavari cum mulieribus. Ubi Balsamo satis inepte notat Ascetas esse Monachos nondum Clericos, qui tonsuram monachalem habent tantum, non clericalem: indistincte enim Ascetæ passim dicti Monachi, sive Clerici, sine non Clerici essent, quod par esset utrisque exercitationis studium. Idem dicti ἡσυχασταί, in quiete agentes. Novell. Justin. 5. de Monachis: οἱ μὲν πρὶς αὐτῶν τὸν ἐν θεωρίᾳ καὶ τελείῳ τῇ ψυχῇ βίον, ἐξελθόντες ἔχουσιν οἰκηματιον, οὓς δὲ καλεῖν ἀναχωρητάς τε καὶ ἡσυχαστάς εἰώθεσθαι, ὥς τις κοινότητος ἔσται τὸ κρείττον ἐκρημνίσουσιν. Nisi quidam eorum in contemplatione & perfectione degentes, vitam remotam habeant in hospitio, quos vocare Anachoretas, id est, secedentes & Hefychastas, id est, quiescentes, consueverunt, tamquam a communione ad meliora exceptos. Inde monasterium ἡσυχίας ἐργαστήριον vocitat Nicephorus lib. 11. cap. 39. ὁ μὲν ὡν ἡσυχίας τὸ τῆς ἡσυχίας ἐργαστήριον ἐπὶ Γάζης ἔχον. Et Hefychas quidem quietis officinam apud Gazam instituit, Monachi etiam dicti ἡσυχῆ, supplices, ob assiduum orationis studium. Liber de vita contemplativa, qui a Philone scriptus simul & inscribitur ἡσυχῆ, id est, de supplicibus, quos idem vocat θεωρητάς. Idem a Græcis dicti ἡσυχασταὶ, Latinis continentes. Canon 41. Synodi Carthaginensis apud Balsamon. qui canon extat in canone Clerici 81. distinct. In tantum sanctitatis fama ubique bene audire Monachi, ut Sanctorum nomen factum sit proprium Monachorum, & appellatione Sanctorum intelligerentur Monachi, quasi iam cælo fruerentur in terris. Hieronymus lib. 3. in Zachariam in Proem. ad Exuperium Episcopum Tolosanum: Rudes igitur non mea culpa, sed studio portitoris suscipe libros, dum ipse festinat Sanctis ara dividere, id est, Monachis Ægypti, & Palæstinæ, ad quos mittebantur stipes ab Exuperio. Idem adversus Rufinum lib. 3. Navim in Romano portu securus ascendi maxima me Sanctorum frequentia prosequente. Et inferius: Inde contendi Ægyptum, lustravi monasteria Nitriæ, & inter Sanctorum choros aspides latere perpe-

xi. Augustinus in Psalm. 75. *Alius vovet relinquere omnia sua distribuendo pauperibus, & ire in communem vitam, in societatem Sanctorum, magnum vocum vovit.* Et idem de moribus Ecclesiæ Catholicæ cap. 33. *Vidi ego diversoria sanctorum Mediolani, non paucorum hominum, quibus unus Presbyter præerat vir optimus & doctissimus.* Cassianus collat. 18. cap. 1. *Ad vicum cui nomen est Dyolcos, uni ex septem Nili fluminis ostus imminuentem, non tam itineris necessitate, quam desiderio Sanctorum illic commorantium compellente pervenimus.* Idem eadem collat. cap. 16. *Et beati Isidori Abbatis atque Presbyteri aliorumque Sanctorum consortio fruebatur.* Idem collatione 17. capite 2. *Quid agimus de sponsionis fide, quam senioribus nostris velocissimum reditum pollicentes dedisse vos novimus, ut vel cursim liceret vobis hujus provincie Sanctos ac monasteria circumire.* Nicolaus I. in epist. ad Episcopos Galliarum, quæ a Gratiano refertur in can. *Præsens* 20. quæst. 3. *Non enim putamus, quod absit, Canonicos religiosos a sanctorum Monachorum vita & consortio sejunctos.* Alii Sanctos & Nonnos vocabant Monachos. Arnobius in Psalm. 105. *Ille Monachus hoc egit, ille Clericus hoc, illa Sanctimonialis, ille qui Sanctus vocatur & Nonnus, sic agit.* Et idem in Psalm. 140. *Et adulescentes nobis invicem in præsentem positi Sanctos nos vocamus & Nonnos.* Nonnus lingua Ægyptia idem sonare videtur quod Sanctus: quæ vox Ægyptia cum Latina interpretatione copulari solebat, augendæ significationis causa, ut cum dicimus Abba Pater: Abba enim Syriacum est, hoc ipsum significans quod Pater. Eadem analogia sacras virgines vel viduas, Castas & Nonnas dictas scimus. Hieronymus ad Eustochium: *Et quia maritorum experientia dominatum, viduitatis præferunt libertatem, Castæ vocantur & Nonnæ.* Posterior ætas seniores Monachos, vel qui cum dignitate essent, ut Præpositos seu Priores monasterii, Nonnos passim appellavit Regula Benedicti. cap. 63. *Junioribus autem Priores suos Nonnos vocent, quod intelligitur paternæ reverentia.* Synodus Aquilgranensis can. 54. *Ut qui præponuntur, Nonni vocentur.* Cæsarius de Miraculis lib. 1. capite 7. *Hæc mihi dicta sunt a Nonno Frederico Monacho, qui tunc præsens fuit.* Et cap. 27. ejusdem libri: *Sicut mihi dicere solitus erat Nonnus Conradus senex Monachus noster.* Et idem libro 2. cap. 3.

Andi

Audi quid mihi dixerit Nonnus Cæsarius Monachus noster, quondam Abbas Pruniae. Ubi Monachi coiere in communem vitam, inter se fratres dicti ob individuum vitæ societatem, quæ fraternitatem quodammodo induceret, & quod vnum Patrem haberent, Abbatem scilicet, qui Pater est Monachorum. Augustinus in Psalm. 75. Nemo ergo positus in monasterio frater dicat: Recedo de monasterio, &c. Idem in Psalm. 132. in illa verba: Ecce quam bonum & quam jucundum habitare fratres in unum! Ista enim verba Psalterii, iste dulcis sonus, ista sua-vis melodia, tam in cantico quam in intellectu, etiam monasteria peperit. Ad hunc sonum excitati sunt fratres, qui habitare in unum concupierunt. Et infra: Hi etiam insultare nobis audent, quia fratres cum vident homines, Deo gratias dicunt. Joannes Chrysost. in epistolam ad Hebræos Homil. 25. ἰὰν γὰρ πρὸς ἀδελφούς οὐνο-μαζόμενος ἢ φησι, ἀδελφὸν ἐνταῦθα πάντα τὸν πῖτον ἀπλάς, οὐ τὸν μονάζοντα. Si quis enim, inquit, frater nominatur inter vos, fratrem hic dicens absolute quemvis fidelem, non Monachum. Unde desumptus est can. Ad mensam 11. quæst. 3. Regula Benedicte. cap. 63. Priores juniores suos fratres nominent. Eadem ratione Templarii & Hospitalarii Hierosolymitani dicti sunt fratres Templi & Hospitalis. Cap. Cum & plantare. extra De privileg. de quibus Nicetas in Andronico Comneno libro 1. οὐδὲν δὲ πρὸς τῶν Ἱεροσολυμιτῶν λυθὲν, οὐδὲ Φερρίους φασίν. Tandem redemptus ab Hierosolymitis, quos Frerios dicunt. De eisdem Georgius Pachymer. lib. 5. cap. 8. ἔστι δὲ εἰσιότες καὶ οὐδὲ Φερρίους αὐτοὶ λέγουσιν ἀδελφούς δὴδιν. Submittebat & quos Latini Frerios vocant, quasi diceret fratres. Imo & qui invicem fratres dicuntur, a laicis reverentiæ gratia Patres dicuntur. Hieronymus 2. in epistol. ad Galat. cap. 4. Cum autem Abba Pater Hebræo Syrove sermone dicatur, & Dominus noster in Evangelio præcipiat, nullum Patrem vocandum nisi Deum: nescio quā licentia in monasteriis vel vocemus hoc nomine alios, vel vocari nos acquiescamus. Et idem in Matthæum cap. 23. Quæritur quare adversum hoc præceptum Doctorem gentium Apostolus se esse dixerit, aut quomodo vulgato sermone, maxime in Palestina & Ægypti monasteriis, se invicem Patres vocent. Tandem communiter dicti quicumque cœnobiticam vitam profiterentur, qui primum Ascetarum, Hesycastarum, & aliis.

nominibus celebrati sunt: unde Monachorum nomen instituto recentius esse dixit Augustinus in Joannem capite 97. ad finem: *In Antiochia enim primum post Ascensionem Domini appellati sunt discipuli Christiani, & xenodochia & monasteria postea sunt appellata novis nominibus: res tamen ipsa & ante nomina sua erant, & religionis veritate firmantur, quæ etiam contra improbos defenduntur.* Et quia ipsum institutum cæpit in cremo, in Ægypti & Palæstinæ desertis Monachi nomen acceperunt a solitudine, quæ Græcis *μονή*. Hieronymus ad Heliodorum: *Interpretare vocabulum Monachi, hoc est tuum; quid facis in turba qui solus es?* Et idem ad Paulinum: *Si cupis esse quod diceris Monachus, id est, solus, quid facis in urbibus, quæ utique non sunt solorum habitacula, sed multorum.* Unde libatus est can. *Si cupis* 16. quæst. 1. Et Gregorius lib. 7. epist. 53. Indictione 2. ad Secundinum Abbatem: *Vos autem qui solitariam vitam ducitis, quid aliud quam Monachos dixerim, qui fervore virtutis etiam ante aciem exire festinatis.* Et Eugenius IV. in can. *Placuit* 16. quæstione 1. *Sedeat itaque solitarius, & taceat, quia mundo mortuus est, Deo autem vivit; agnoscat nomen suum: monos enim Græce, Latine est unus; achos Græce, Latine tristis sonat.* Hujusmodi Monachorum nominis originem ludens agnoscit Rutil. Numat. Itinerar. lib. 1.

Processu pelagi jam se Capraria tollit:

Squaler lucifugis insula plena viris.

Ipsi se Monachos Græco cognomine dicunt,

Quod soli nullo vivere teste volunt.

Eodem alludit & Gregorius Nazianzenus in carmine de vita sua: *ἡσυχία καὶ ἡσυχία τὸν μόνον, οὐ συνίσταται.* Nam vita Monachum, non locus solus facit. Aliud Monachorum vocis etymon a Græco *μόνος*, id est, vnitas, quod in commune quasi vno spiritu vivant, excogitavit Augustinus in Psalm. 132. Monachis per omnia infensi hæretici, etiam ipsi nomini insultabant, subfannantes quid sibi vellet Monachorum nomen: quibus respondet vir divinus, originem nominis peti a monade, id est, vnitate, ut eis exprobraret damnum vnitatis, quæ ab eis discissa est. Sed tamen dicere consueverunt *Quid sibi vult nomen Monachorum?* Et infra: *Quare ergo & nos non appellemus Mo-*

nachos, cum dicit Psalmus: *Ecce quam bonum & quam jucundum habitare fratres in unum!* *monachos enim unus dicitur, & non unus quomodocumque; nam & in turba est unus, sed una cum multis dici potest, monachos non potest, id est, solus: monachos enim unus solus est. Qui ergo sic vivunt in unum, ut unum hominem faciant, ut sit illis vere, quomodo scriptum est, una anima & unum cor, multa corpora, sed non multe anime, multa corpora, sed non multa corda, recte dicitur monachos, id est, unus solus. Et paulo post: Merito insultant nomini unitatis, qui se ab unitate præciderunt: merito illis displicet nomen Monachorum, quia illi nolunt habitare in unum cum fratribus: sed sequentes Donatum, Christum dimiserunt. Ob singularem vitæ sanctitatem Monachos etiam servos Dei dictos notandum est. Augustinus in Psalm. 147. Vident plerumque, ut sit, transire servos Dei: cognoscunt ipso habitu vel vestis, vel capitis. Idem epist. 5. appendic. 2. Et nos utrum implenda sit extorta juratio servorum Dei, munere sanctitatis præ eminentium Monachorum, ad perfectionem mandatorum Christi, rerum etiam suarum distributione currentium, quasi disceptari ponimus questionem. Et passim apud Gregorium & alios servi Dei & ancillæ Dei accipiuntur pro Monachis & Sanctimonialibus. Inter Monachos & Canonicos regulares hoc discrimen, quod Monachi Sancti dicti sunt ob præ eminentiam sanctitatis; Canonici regulares simpliciter religiosi, quod eorum regula esset laxior, ut jam observare licuit ex d. can. *Præsens*. quem laudavit Innocentius III. libro 2. epist. 11. Licet vero sanctum & venerabile sit nomen Monachorum, posteriores, veluti Fratres Prædicatores & Minores, & qui secuti sunt, rejecto Monachorum nomine, se religiosos dici maluerunt.*





CAPUT II.

Sacra Virgines ab Apostolis. Earum varia appellationes. Nonna, Ascetrix, Castimoniales, Sanctimoniales, Velata, Domina, Sorores, Ancilla Dei. Virgo Dei, para unde Alma dicta.

IDEM virtutis studium commendatur in feminis, ac in viris: par enim merces vtrisque proponitur in cælo. Ambrosius in Psalm. 1. Paria igitur studia virtutis, quia par prerogativa est creatura: quid autem sexum discutias, ubi non corporis a te, sed anima certamina postulantur, quæ sexum non habet? Non ergo illic discernas honorem, mercede divides, ubi non discernitur sexus. Quin immo in hoc sanctiori vitæ asceticæ proposito, eo major laude sexus muliebris, quo tempore prior fuit, & quasi exemplo fuit. Temporibus Apostolorum nequaquam auditum est nomen Monachorum: ab ipsis tamen Apostolis sacrarum virginum & viduarum collegia in Ecclesia esse cœpere. Ignatius discipulus Apostolorum epist. ad Tarsenses: τὰς ἐν παρθενίᾳ πρὸς τὸν ἰσοπέδα Χριστοῦ. *Eas quæ sunt in virginitate, honorate ut sacras Christi.* Idem epist. ad Philippenses: ἀγαθίζουσαι τὸ σῶμα ὑπὲρ παρθένων. *Saluto congregationem virginum.* Cyprianus qui claruit sub Decio epist. 52. Floret Ecclesia tot virginibus coronata, & castitas ac pudicitia tenorem gloria sua servat. Idem epist. 62. Et caste sine ulla fabula perseverent, ita fortes & stabiles præmium virginitatis expectent. Athanasius in vita Antonii: τὴν δὲ ἀδελφὴν ὁρῶν δίδυμον ἡρώδης ἐπιστὰς παρθένους, δοῦναι αὐτῇ ἐν παρθενίᾳ ἀνατρέψασθαι. *Sororem commendans notis & fidelibus virginibus, dans ipsi ut in parthenone enutriretur.* Arnobius in Psalm. 105. Ille Monachus hoc egit, ille Clericus hoc, illa Sanctimonialis hoc. Et Optatus Milevitanus lib. 2. Inde reverentes Urbanus Formensis, & Felix Idicrensis invenerunt matres, quas de Castimonialibus fecerunt mulieres. Etiam frequentia virginum monasteria fuere in cremo Ægypti. Joannes Chrysostomus in

Matthæum Homil. 8. καὶ τοῦ ἰδῶν εἰς τὴν ἔρημον τῆς Αἰγύπτου
 τοῦ Θεοδώρου πατρὸς βελτίου τὴν ἔρημον ταύτῃ ὕψι γαζυμυμύλιν,
 καὶ χροεὶ ἀγρίων κυρίους ἐν ἀνθεσπίνῃ ρήματι, καὶ δὴ τοῦ μὲν-
 ον, καὶ συλλόγους παρθένων. Denique si quis nunc ad Ægypti ve-
 niat solitudines, paradiso quovis omnem illam videbit eremum di-
 gniorē, & innumcrabiles angelorum choros in corporibus ful-
 gere mortalibus, & populos Martyrum, & choros virginum. Et
 idem in eundem Homil. 56. οἱ ἀνδρες δὲ μόνον, ἀλλὰ καὶ γυ-
 ναῖκες ταύτῃ ἀσπασαί τὴν φιλοσοφίαν, τὴν ἀσκήσιαν τῆς φύσεως
 τῇ θεωρίᾳ ὥς θεωρουμένην νικῶσαι. Nec viri solum, sed mulie-
 res etiam hoc genere philosophandi exercentur, & naturæ infirmi-
 tatem magnitudine animi superant. In Tabennensi solitudine
 quæ est in Thebaide, monasterium 300. virginum congre-
 gavit Elias Abbas, eisque cum laude præfuit per 40. an-
 nos. Monasterium virorum 1400. & aliud 400. medio Nilo
 flumine sejuncta posuit Pachomius Abbas, ne viris liber
 esset accessus ad monasterium virginum. Palladius Historiæ
 Lausiæ cap. 34. & 38. Denique eadem ætate in Ægypto
 & in Oriente & in Africa passim congregata sunt infinita
 sacrarium virginum examina. In Oxyrincho civitate Ægypti
 viginti millia sacrarum virginum, & decem millia Mona-
 chorum fuisse narrat Rufinus de vit. Patrum libro 1. cap. 5.
 Requirentes enim a sancto Episcopo vicinioribus, viginti millia vir-
 ginum, & decem millia Monachorum inibi haberi comperimus.
 Quot in Ægypto, in Oriente & Africa quotannis consecra-
 rentur virgines, non sine stupore refert Ambrosius de Vir-
 ginibus lib. 3. Discite quantas Alexandrina totiusque Orientis
 & Africana Ecclesia quotannis sacrare consueverint. Variis de
 partibus Italiæ, de Mauritania ipsa regione Africæ sacrandas
 Virgines ad se venire testatur idem Ambrosius de Virgini-
 bus lib. 2. Denique de Placentino sacrandæ virgines veniunt, de
 Bononiensi veniunt, de Mauritania veniunt, ut hic velentur.
 Vix adhuc Romæ nobiles feminæ Monasticen noverant,
 & nomen quasi vile ob novitatem spernebant. Hieronymus
 ad Principiam: Nulla eo tempore nobiliorum feminarum noverat
 Romæ propositum Monachorum, nec audebat propter rei novita-
 tem ignominiosum, ut tunc putabatur, & vile in populis nomen
 assumere. Sed brevī Romæ visa sunt millia sacrarum virgi-

num. Tria millia ancillarum Dei, quas Monastrias vocant, in vrbe suo sumptu alta in summa caritate annonæ, imminente obsidio Longobardorum, testatur Gregorius libro 6. epist. 23. Indiçione 15. & ipsius vitæ scriptor Joannes Diaconus lib. 2. cap. 27. Inter tot greges sacrarum virginum notatur etiam melioris ætatis probrum, quod patresfamilias tristioris formæ puellas vel aliqua parte corporis debiles Deo dicarent, magis domus levandæ, quam religionis gratia. Hieronymus ad Demetriadem: *Solent miseri parentes & non plena fidei Christiani deformes & aliquo membro debiles filias, quia dignos generos non inveniunt, virginitati tradere, tantum ut dicitur vitrum quanti margaritum. Certe qui religiosiores sibi videntur, parvo sumptu, & qui vix ad alimenta sufficiat, virginibus dato, omnem censum in utroque sexu secularibus tradunt. Idem vitium gentilium ridet Persius Satyr. 5.*

Cum sistro lusca Sacerdos.

In tantum Ascetices studio insaniere & nonnullæ feminae, ut sumpto virili habitu Monachorum cœtibus se ingererent: qua de causa Synodus Gangrensis can. 13. vetuit ne qua mulier vestem mutet, & virilem assumat, *Ag. Lxxviii*, propter exercitationem. Can. Si qua mulier 30. distinct. Sacras virgines eodem cultu & honore habuit Ecclesia ac Monachos: imo & virilem virtutem in infirmiori sexu & corpusculo magis suspexit. Hinc sicut Monachi Sancti & Nonni dicti, virgines Castas & Nonnas vocari placuit Hieronymo ad Eustochium: *Et quia maritorum expertæ dominatum, viduitatem præferunt libertatem, Casta vocantur & Nonnæ.* Bonifacius Moguntinus epist. 19. Si reus inventus fuerit, ut cum Nonna velata & consecrata Domino concubisset, ab omni gradu Dei sacerdotii prohibetur. Capitulare Caroli Magni libro 5. capite 2. Similiter & Nonnæ velatæ eadem poenitentia contineantur. Bernardus epist. 114. *Ut quid enim Nonna & Sanctimonialis appellata es? Gallis Nonnains.* Sicut & Monachi dicti Ascetæ propter exercitationem, quam Græci *ἀσκητήν*; Moniales etiam dictæ sunt Ascetrix. L. Omnia. L. Raptores. C. De Episcopis & Cleric. Novell. Justin. 79. 123. cap. 27. & 43. qua analogia & Anna Prophetissa dicitur *ἀσκήτρια* Cyrillo Hierosolymitano cateches. 10. Passim eadem dictæ Castimoniales.

Præter Optatum loco modo laudato, Augustinus in Psalm. 75. *Non nubere Castimoniali præcipitur, & nuptæ non præcipitur.* Et paulo post: *Nescio quæ Castimonialis nubere voluit, quid voluit? aliquid mali voluit. Mali plane. Quare? Quia jam voverat Domino Deo suo.* Et rursus: *Virgo est Castimonialis jam dicata Deo, &c.* Eadem & Sanctimonialiales passim dicuntur. L. 53. C. De raptorib. virgin. §. Item. Lex Julia Instit. de public. judic. Augustinus in Psalm. 99. *Invenis Sanctimonialiales disciplinatas, numquid ideo sanctimonium reprehendendum est? Idem de verbis Domini serm. 23. Non mihi videtur ista parabola vel similitudo ad eas solas pertinere propria & excellentiori sanctitate virgines, quæ in Ecclesia nominantur, quas etiam visitatione vocabulo Sanctimonialiales appellare consuevimus: quamvis & si illas solas intelligeremus, quæ Sanctimonialiales vocantur, numquid decem sunt? absit ut tanta virginum multitudo ad tam exiguum numerum revocetur.* Idem libro 20. contra Faustum cap. 21. *Sicut autem non ideo contemnenda vel detestanda est virginitas Sanctimonialium, quia & Vestales virgines fuerunt.* Ut varia nomina Monialium persequar, sicut Monachi servi Dei dicti sunt, eadem dictæ sunt Ancillæ Dei. Gregorius lib. 2. epist. 58. Indict. 11. *In vico in quo Lampadius monasterium ancillarum Dei constituit.* Et idem lib. 6. epist. 23. Indictione 15. *De medietate vero ancillis Dei, quas vos Græca lingua Monasticas dicitis, lectisternia emere disposui.* De quo Joannes Diaconus ejus vitæ scriptor lib. 2. cap. 27. *Tribus milibus ancillis Dei, quas Græci Monastrias vocant, quindecim libras auri pro lectisterniis dedit.* Et Capitulare modo laudatum: *Statuimus ut post hanc Synodum quisquis servorum Dei vel ancillarum Christi in crimen fornicationis lapsus fuerit, in carcere penitentiam faciat in pane & aqua.* Eadem dicuntur Sorores. Tertullianus 1. ad uxorem: *Adhibe fororum nostrarum exempla, quarum nomina penes Dominum, quæ nulla formæ vel ætatis occasione preesse maritis sanctitatem anteponunt: malunt enim Deo nubere.* Cassianus collat. 18. cap. 14. *Da, inquit, mihi aliquam de sororibus, quam repansam, id est, reficiam.* Gregorius Turonensis libro 6. capite 29. de Disciola vna e Monialibus monasterii B. Radegundis: *Cum egrotare cœpisset, & ei assidue sorores aliæ deservirent, venit dies ille quo migraret a corpore, & circa horam no-*

nam ait sororibus. *Hæc audientes sorores ejus receſſerunt parumper a cellula.* Eadem Dominæ dici ſolent, quaſi ſponſæ Domini. Rodericus Toletanus libro 6. cap. 4. *Mortuus autem ſepultus eſt (Petrus Rex Arragonum) in Sexena, quam mater ſua Regina Sancia conſtruxerat, Hoſpitali, & inſtituerat ibi collegium dominarum.* Eaſdem etiam Vêlatas dici placuit, vt in Capitulari modo laudato Nonnæ velatæ. Velatas ſimpliciter dixit Rogerius Hoveden. in Henrico II. ad ann. 1188. Eodem anno Magiſter Joannes Gilbertus de Simplingham obiit in Eccleſia ſua de Simplingham, inter velatas ſepultus. Nec omittendum in calce hujus capitis virginitati dicati, Virginem Deiparam Almam dici, quod lingua Hebraica ſonat abſconditam vel ſecretam, vel uſu ſermonis ſanctam. Hieronymus in Eſaiæ cap. 7. in hæc verba: *Ecce Virgo concipiet. Dicitur enim & adoleſcentula, & abſcondita, & δαρυρεως.* Ergo alma non ſolum puella, vel virgo, ſed etiam *δαρυρεως* virgo abſcondita dicitur & ſecreta, quæ numquam virorum patuerit aſpectibus, ſed magna parentum diligentia cuſtodita ſit. Lingua quoque Punica, quæ de Hebraorum fontibus manaſſe dicitur, proprie virgo Alma appellatur; & vt riſum præbeamus Judæis, noſtro quoque ſermone Alma ſancta dicitur.



CAPUT III.

*Sacrarum virginum varia genera. Recluſa, Canonica.
• Canonica ſeculares, Virgines privata, Vidua velata.*


SACRARUM virginum varia fuere genera: aliæ in congregatione, vno in conclavi vixere, & Abbatiffæ paruer: aliæ Anachoretarum propoſiti æmula, ſolitudinem petiere. de quibus in lege 1. Cod. Th. De bon. Cleric. & Monach. *Aut Monachus; aut mulier quæ vite ſolitaria dedita eſt.* Cujusdam Sanctimonialis Erundinis nomine, quæ in Præſtiniis montibus vitam eremiticam duxerat, meminit Gregorius Homil. 40. *Hæc illius Erundinis diſcipula fuerat, quæ magnis virtutibus pollens, ſuper Præſtinos montes vitam eremiticam duxiſſe ferebatur.* Aliæ fuere quæ religionis diſtrictioris cauſa

causa in cellulam se includere, vnde Reclusæ dictæ: de quibus Gregorius Turonensis lib. 6. cap. 23. *Hæc cum puella vidisset, compuncta est corde, & post dies paucos rogavit Abbatissimam, ut sibi in qua includeretur cellulam prepararet. At illa velociter perfecta ait: Ecce, inquit, cellulam, quid nunc desideras? Puella vero petuit ut recludi permetteretur: quod cum ei præstitum fuisset, congregatis virginibus, cum magno psallentio, accensis lumpadibus, tenente sibi beata Radegunde manum, ad locum usque perducitur, & sic vale faciens omnibus & osculans singulas quasque reclusa est, obstructo aditu per quem ingressa fuerat: ibi nunc orationi ac lectioni vacat. Ekkeard. Junior de calibus monaster. Sancti Galli cap. 9. Cralo Abbas, inquit, etiam ipsa die virginem Rachildam Notkeri Balbuli neptim apud Sanctum Magnum circa Wiboradæ clausulam includere ipse condixerat. Nam & antea quidem Rachilda post Wiboradæ passionem iugissima primo ad Deum assumpta, Perchtera quædam vidua sanctæ, cum & ipsa includi apud nos optasset, & clausula ejus sibi oblata, pene annum in probatione laudabili appareret, vulgi visitationes crebras & inanes devitans, in cella Salomonis circa parietem tituli sancti Georgii includi rogaverat. Anselmus lib. 3. epist. 15. Mandare hoc Monachis & Sanctimonialibus per Normanniam inclusis, & claustralibus. Eadmerus Histor. libro 5. Ad Sanctum Hirenium quadam vice ascendens, diversi ad oratorium beate Mariæ Magdalene, duabus ancillis Dei juxta idem oratorium pro Deo reclusis locuturus. De eisdem Cæsarius de Miracul. lib. 4. capite 39. Quæ Christo quasi de victoria gratias agens, cellam sibi fieri fecit, in qua ab Episcopo velata & reclusa ipsi soli sola satis devote per dies aliquot servivit. Servo & ancillæ Dei Herveo & Evæ inclusis scripsit Goffredus Vinodocin. lib. 4. epistola 48. Aliæ a Monialibus sunt Canonicæ regulares, quæ regularem vivendi formam & virginitatem profitentur. Canonicas & Ascetrias conjunxit Justin. novell. 59. cap. 2. & seqq. Extat Basilii epistola 303. quæ scripta est Theodoræ *patronixæ*. Id genus Canonicæ jam ab ipsis temporibus Caroli Magni fuere in Gallia: his regulam dedit Synodus Cabillonensis II. can. 53. Libuit huic sacro conventui quasdam admonitiunculas breviter eis Sanctimonialibus scribere, quæ se Canonicas vocant. Earundem mentio habetur in*

addit. 2. Ludovici Pii ad Capitula Caroli Magni can. 16. in quo vetantur Canonici & Monachi ne inconsulto Episcopo adeant monasteria Sanctimonialium, tam Monacharum quam Canonicarum. Quibus locis Monachæ videntur dictæ, quæ regulam sancti Benedicti profiterentur; Canonicæ, quæ Augustini. Quibus nominatim cavit Synodus Rhemensis habita anno Christi 824. Præsidente Eugenio II. ut Sanctimonialia & mulieres quæ Canonicæ vocantur, juxta Benedicti & Augustini regulam vitam in melius emendent. Est & aliud genus Canonicarum, quas Canonicas sæculares vocant, quæ nec propriis renunciant, nec professionem faciunt regularem, sed vivunt ut Canonici sæculares: quarum institutum non est approbatum. Cap. *Indemnitatibus*. §. *Pen. de elect.* in 6. Clemen. *Attendentes. de statu Monachor.* Hujus Ordinis auctor vel certe propagator extitit beatus Meinulfus, qui claruit temporibus Ludovici Pii, ut legitur in vita ipsius Meinulfi apud Surium §. Octobris: *Ea autem tempestate Ludovicus filius Caroli Magni imperii habenas moderabatur, & in Concilio provinciali apud Aquisgranum anno tertio imperii ejus habito, Ordo Canonicarum quas sæculares vocant, tum recens constitutus erat.* Hujus Ordinis nimis irregularis quædam sunt domus in finibus Hannoniæ & Brabantiae, & in quibusdam provinciis Germaniæ, in gratiam nobilium puellarum institutæ. Jacob. a Vitriaco *Histor. Occidental.* capite 31. *In partibus Hannonia & Brabantia, & in quibusdam Teutonicorum & Alemannorum provinciis, quædam sunt mulieres quas Canonicas sæculares seu Domicellas appellant: non enim Moniales nominari volunt, sicut Canonici sæculares Monachi non dicuntur. Hæ siquidem adeo personas accipiunt, quod non nisi filias militum & nobilium in suo collegio volunt recipere, &c.* Aliæ fuerunt & Virgines, quæ velo sumpto ab Episcopo virginitatem domi colebant. Concilium Toletanum IV, canone 8. *De viduis & puellis quæ habitum religionis in domibus propriis tam a parentibus quam per se mutaverunt, &c.* Harum in censu fuisse Marcellina soror Ambrosii, quæ Romæ a Liberio Papa velata, privatos intra lares debebat: necnon Eustochium, Principia, Demetrias, & aliæ quæ Romæ maxima sanctitatis laude claruere; & proximo sæculo

tres sorores Gordiani Gregorii patris, Tarsilla, Gordiana, & Æmiliana, quarum meminit ipse Gregorius Homilia 38. *Tres pater meus sorores habuit, quæ cunctæ tres sacra virgines fuerunt, quarum una Tarsilla, alia Gordiana, alia Æmiliana dicebatur. Uno omnes ardore conversæ, uno eodemque tempore sacrata, sub districtione regulari degentes, in domo propria socialem vitam ducebant. Ejusdem instituti sequaces fuere quamplures clariores feminæ in Oriente, de quibus Gregorius Nazianzenus Carm. 47. ad Hellenium. Hujusmodi devotis Virginibus suus erat locus in Ecclesia positus a muliebri plebe, cancellis distinctus. Ambrosius ad Virginem lapsam capere 6. Nonne vel illum locum tabulis separatum, in quo in Ecclesia stabas, recordari debuisti, ad quem religiosa matronæ & nobiles certatim currebant tua oscula petentes, quæ sanctiores & meliores te erant. Sed quia hujusmodi Virginum lapsus sæpius contingebat ex laicorum consuetudine, id ab Ecclesia sublatum est. Concil. Carthaginens. I. can. 2. quo vetitum ne sanctimoniales feminæ habitent cum laicis, ne detur occasio peccandi, aut malæ suspicioni locus fiat. Inter Sanctimoniales erant & Viduæ, quæ veste mutata & velo sumpto ab Episcopo castitatem vovebant. Concilium Toletanum X. can. 4. Can. Vidua 20. quæst. 1. can. Vidua. can. Viduitatis 27. quæst. 1. Gregorius Turonensis libro 1. capite 13. Residentibus tamen Episcopis die Dominico, mulier quædam velata atque devota audenter ad eos ingreditur. Et Regino 2. Chronic. Eodem anno Berengarius quondam Italie Rex exul moritur, & in Babenberg regio more sepelitur, cuius vidua Willa, antequam sepeliretur, sibi velum sanctimoniale assumpsit.*





CAPUT IV.

Pseudovirgines & Pseudomonachi hæreticorum.

ETIAM ipsi hæretici, taceo enim de ethnicis, suas habuere Virgines, necnon quidam eorum Monachos, ut adumbratæ religionis imagine facilius stultos & imperitos deciperent. Suas Virgines & Continentes habuit Marcion. Tertullianus de Præscriptionibus adversus hæretic. cap. 40. *Habet & diabolus & Marcion suas Virgines & Continentes.* Suos Monachos jactarunt Novatiani, Constantinopoli monasterium juxta regulam degentium in solitudine instituit Paulus Novatianorum Episcopus: de quo Socrates libro 7. capite 17. *καὶ συνηπάμωτος ἀνδρῶν ἀπουδαίων μοναστήριον, οὗκ ἀλλοτρίοι πλεον ἢ τῇ ἐρήμῳ μοναχῶν διετίλει.* *Monasterium autem ex viris virtutis studiosis instituit, quod a monasteriis Monachorum in solitudinem degentium discrepare non videbatur.* Suos Monachos habuere Massaliani, qui dicebantur ἀπουδαῖοι. Epiphanius Hæref. 80. Sanctimonialium greges habuere & Donatistæ, quarum commestationes & fœda consortia cum Circumcellionibus detestatur Augustinus contra Parmenianum libro 2. cap. 8. *An non cum monachis particulam suam ponunt, qui greges ebrios Sanctimonialium suarum cum gregibus ebriis Circumcellionum die noctuque permixtos vagari sinunt.* Circumcelliones erant falsi Monachi Donatistarum, sic dicti quod circum cellas vagarentur, latrocinii & homicidiis in Catholicos furentes: de quibus Augustinus in Psalm. 132. *Quando vos recte hæreticis de Circumcellionibus insultare cœperitis, ut erubescendo salventur, illi vobis insultant de Monachis. Sed tamen dicere consueverunt: Quid sibi vult nomen Monachorum? Quanto melius dicimus nos: Quid sibi vult nomen Circellionum? Forte Circumcelliones vocantur, non Circelliones: nam Circumcelliones dicti sunt, qui circum cellas vagantur; solent enim ire hac atque illac, nusquam habentes sedes, & facere quæ nostis, & quæ illi norunt, velint nolint.* Sanctimonialium nomen quam impudiciæ labe sedarint hujusmodi mulieres, testatum fecere quædam ex

his, quæ falsi martyrii infano studio e saxis se præcipientes dantes, foeda morte tumentem vterum prodiderunt. Idem contra secundam epistolam Gaudentii lib. 2. cap. 27. Unde se etiam quadam Sanctimoniales vestra per saxa demiserunt, & dissiliensibus vteris homicidiorum scelere, & stuprorum scelera prodiderunt. Sanctimoniales Donatistarum ab Episcopis ipsis, qui eas consecraverant, stupratas & matres factas refert Optatus Milevitanus lib. 2. Inde revertentes Urbanus Formensis & Felix Idicrensis, invenerunt matres quas de Castimonialibus fecerunt mulieres. Tot argumentis Catholicas matronas istis Virginitibus longe potiores affirmat Augustinus libro de bono Virginitatis cap. 15. Præcipue igitur doctrina sana bonitatem propositi & ornet & muniat: inde est quippe quod Catholica femina etiam sæpius nuptæ, non solum univiris viduis, sed & virginibus hæreticorum justo iudicio præferuntur. Suas Virgines habuerunt & Manichæi: Eusebiæ enim Sanctimonialis, secta Manichææ, meminit idem de Hæresibus ad Quod vult Deum. Tunc Eusebiam quandam Manichæam, quasi Sanctimonialem, id ipsum propter hoc ipsum passam, vix compulsi confiteri. Denique passim hæretici ne quid in eis desideraretur de specie religionis, suas habuere Sanctimoniales, sed, quod omnium hæresum proprium vitium, valde suspectæ, imo labefactæ pudicitia: quam ob causam hæreticorum Virgines valde insectatur Hieronymus in Zachariam cap. 8. Videmus hæreticorum Virgines, philosophorum vigorem, Judæorum in escarum varietate observantiam: & tamen dicitur juxta Aggeum, quod comedant, & non satientur. Ecclesiæ Catholicæ propria laus est, quod virginitatis votum apud Virgines nostras feliciter impletur: & hoc esse optimum argumentum relicitudinis religionis merito tradidit Athanasius Apolog. ad Constant. Imperatorem: τὸ τοῦ μέγα περικειμένον ἔστι τὴ παρ' ἡμῶν εἶναι τὴν ὄντως καὶ ἀληθῆν θρησκείαν. Atque in eo magnum documentum est, planè apud nos veram esse religionem.





CAPUT V.

*Conversi, Fratres laici: eorum origo & munia. Oblati
seu Donati: eorum institutum approbatum ab
Urbano II.*

PRIORIBUS sæculis una & compar fuit conditio Monachorum: unde Fratres inter se dicti, quod socii essent officii & ministerii. Inaudita erat distinctio inter Clericos & laicos, quia omnes erant laici & extra Clerum, donec ad clericatum admissi sunt Constitutione Syricii. Can. *Monachos* 16. quæst. 1. de quo proxime dicemus. Posterioribus sæculis, ubi monasteria adacta sunt prædiis & rebus temporalibus, tunc Monachi cœperunt esse alii Clerici, ad quos spectabat tantum cura sacri officii: alii laici, qui Monachis ministrabant, & curabant res monasterii, & dicti sunt Conversi. Cap. *In nostra*. extr. *De sepultur.* quia assumebantur e laicis, qui studio melioris vitæ se offerebant monasterio: ex quo huiusmodi rusticorum Monachorum proprium factum est nomen Converforum, quod erat ante commune Monachorum. Concilium Aurelianense I. can. 21. *Monachus si in monasterio conversus.* Concilium Turonense II. can. 15. *Si in monasterio conversi sunt, aut converti voluerint.* Exinde iidem dicti sunt Fratres, vel Fratres laici, vel Conversi. Bernardus in vita Malachie: *Ipse vero juvenis primum Conversus laicus Suriensis monasterii testimonium habet ab omnibus, quod sancte converteretur inter fratres secundum Ordinem Cisterciensem.* Et auctor vitæ D. Gosuini libro 2. capite 4. *Quidam autem frater Monachus quidem, sed laicus, cum a suo aberrasset, in lectulo composuit.* Hi eo discrepantes erant a Monachis, quod Monachi erant in claustro, a quo Claustrales dicti: Conversi sedes suas & cellas habebant extra claustrum, nec licebat eis pedem inferre in claustrum Monachorum, nisi certis diebus. Idem auctor vitæ D. Gosuini libro 3. capite 17. *Prior in mandato diebus festis Capitulum Converforum te-*

nebat, quia nec ipsis nisi in præcipuis diebus claustrum intrare licebat. Ex quo loco illud etiam singulare discimus, quod correctio Conuersorum fieret ab Abbate in Capitulo proprio, & distincto a Capitulo quod fiebat pto correctione Monachorum. Conuersi quoque non habebant locum in choro Monachorum, sed habebant suum chorum. Cæsarius de Miracul. libro 1. capite 35. *Et chorum more Abbatis circumiens, Monachis benedixit, sicque inter Abbatis & Prioris stallum exiens, quasi ad Conuersorum chorum properauit.* Monachi erant rasi, Conuersi barbati. Trithemius in Chronic. Hirsaugiensi in Willelmo Abbate ad annum 1069. *Supra hunc Monachorum numerum habebat & alios fratres barbatos complures, quos uisitato nos vocabulo Conuersos appellamus.* Monachi sacris tantum dabant operam, Conuersi erant præpositi curtibus & grangiis, id est, prædiis rusticis monasterii. Cæsarius lib. 1. cap. 3. *Noverunt multi Henricum Conuersum de claustro Hemmenrode Magistrum in grangia quæ vocatur Hart.* Et infra: *Nosti fratrem qui infra hunc mensem de grangia vicina deceptus a muliere recessit; neminem inter Conuersos æstimabam eo meliorem.* Idem lib. 5. cap. 5. *Erat tunc temporis illic Conuersus quidam, nomine Henricus, Magister cuiusdam grangie quæ Hart vocatur.* Idem lib. 4. cap. 62. *Habebat autem unum Conuersum in administratione exteriorum ita scioculum & circumspectum, ita sollicitum & perfectum, ut omnia per manus ejus transirent, & curtibus Ecclesiæ quæ necessaria erant, tam in aratris quam in pecoribus, & expensis ipse quasi solus uniuersa provideret. Suasum est ei, ut ex diuersis domibus Ordinis Cisterciensis Conuersos fideles atque providos accommodaret, qui & curtibus præessent, & annuos redditus sua industria reformarent.* Jacobus a Vitriaco Histor. Occident. lib. 2. cap. 24. *Fratres eorum in grangiis ex mansionibus suis extra Abbatiam unum non bibunt.* Et Trithemius loco modo laudato: *Conuersos appellamus, qui laboribus manuum insistentes, temporalium curam secundum mandata seniorum agerent, & Monachis contemplationi & orationi semper deditis corporum necessaria providerent.* Conuersorum qui impositi erant molendino monasterii, meminit Bernardus epist. 74. *De molendino illo dico, quod Conuersi custodientes seminarum pati coguntur frequentiam.* Humilitatis studio sapius

etiam Clerici seu litterati & nobiliores postulabant se recipi in Conversos, & semel recepti non poterant apud Cistercienses demutari in Monachos. Cæsarius lib. 1. cap. 37. *Adhuc vivit vir bonus & religiosus, prius inter Monachos novitius, postea ob humilitatem factus est Conversus.* Et idem capite 39. ejusdem libri: *Tanta est virtus humilitatis, ut ejus amore sæpe ad Ordinem venientes Clerici laicos se simulaverint. Hoc quia sapius in Ordine contigit, itaut de Conversis fierent Monachi, ante hos quatuor annos definitum est in Capitulo generali, ut tali modo Conversi manerent inter Conversos.* Eodem anno quidam veniens ut puto Diaconus, laicum se simulans in Conversum susceptus est. Et Bertoldus Constantiensis in Chronic. ad annum 1083. *In his itaque monasteriis nec ipsa exteriora officia per seculares, sed per religiosos fratres administrantur: & quanto nobiliores erant in seculo, tanto se contemptibilioribus officiis occupari desiderant, ut qui quondam erant Comites & Marchiones in seculo, nunc in coquina & pistrino fratribus servire, & porcos eorum in campo pascere, pro summis computent deliciis.* Conversi seu Fratres laici, qui erant positi in officio, puta curatione rei rusticæ, vel in ministerio, puta coquinæ, pistrini, dicebantur Fratres officiales vel ministrantes. Auctor vitæ D. Gofuini lib. 1. cap. 7. *Officiales loci ipsius fratres Duacum adire frequens necessitas faciebat.* Et idem cap. 8. ejusdem libri: *Post horum notitiam quos Ministeriales diximus, Claustralium quoque videre contubernia, mores agnoscere, verbis attendere concupivit.* Hujusmodi Conversorum usum in Germaniæ cænobiis instituisse, vel destitutum instaurasse Willelmum Abbatem Hirsaugiensem narrat Trithemius loco modo non semel laudato: *Ferunt denique hunc reverendissimum Patrem Willelmum Conversorum hujuscemodi usum in Germaniæ cænobiis primum vel instituisse, vel potius abolitum renovasse, quem solum in primaeva Monachorum conversatione olim novimus celebrem.* Crescente in dies zelo religionis velut Conversorum adjux & Vicarii accefferunt servi quidam Monachorum, qui Oblati & Donati communiter dicti sunt, quia se & sua offerunt monasterio, & humiliter inserviunt Monachis, seduli æmulatores Christi, qui non venit ministrari, sed ministrare. Hoc laicorum monasteriis deservientium genus maxime in Germania

mania frequens & celebre fuisse, & ab Urbano II. approbatum, testatur Bertoldus Constantiensis Presbyter, qui res Urbani II. diligentius persecutus in Chronic. ad ann. 1091. *Hic, inquit, temporibus in regno Teutonicorum communis vita multis in locis floruit, non solum in Clericis & Monachis religiosissime commorantibus, verum etiam in laicis se suaeque ad eandem communem vitam devotissime offerentibus: qui etsi habitu nec Clerici, nec Monachi viderentur; nequaquam tamen eis dispares meritis fuisse creduntur: se enim servos eorumdem pro Domino fecerunt, imitantes eum qui non venit ministrari, sed ministrare, qui & suos se Sectatores ad majoritatem per servitii exhibitionem docuit pervenire. Nempe ipsi abrenunciantes saeculo, se & sua ad congregationes tam Clericorum quam Monachorum regulariter vivendum devotissime contulerunt, ut sub eorum obedientia communiter vivere, & eis servire mereverunt. Quapropter invidia diaboli contra eorumdem fratrum probatissimam conversationem, quosdam emulos incitavit, qui eorum vitam malevolo dente corroderent, quamvis ipsos ad formam primitivae Ecclesiae communiter vivere viderent. Unde Dominus Papa Urbanus illorum conversationem ab ipsis Apostolis plantatam, sed ab eorum successoribus latissime propagatam, decreti sui Apostolica auctoritate firmatam, ipsumque decretum Praelatis eorumdem fratrum his verbis denunciare curavit. Quosdam, inquit, accepimus morem vestrorum cœnobiorum corrodescentes, quo laicos saeculo renunciantes, & se suaeque ad communem vitam transferentes, regendos obedientia suscipitis. Nos autem eandem conversationem & consuetudinem, sicut oculis nostris inspeximus laudabilem, & eo pro perpetua conversatione dignissimam, quo in primitivae Ecclesiae formam impressa est, judicantes approbamus, sanctam & Catholicam nominamus, & per praesentes litteras Apostolica auctoritate confirmamus. Inter hujusmodi servos cœnobiorum Germaniae non modo viri admissi sunt, sed etiam feminae nuptae vel innuptae, quae sub Presbyteri obedientia monasteriis magna cum religione servierunt. Testatur Bertoldus loco proxime laudato: Non solum autem virorum & seminarum innumerabilis multitudo his temporibus se ad hujusmodi vitam contulerunt, ut sub obedientia Clericorum sive Monachorum communiter viverent, eisque more ancillarum quotidiani servitii pensum devotissime persolverent. In ipsis*

quoque villis filia rusticorum innumera conjugio & saculo abrenunciare, & sub alicujus Sacerdotis obedientia vivere studuerunt: sed etiam ipsa conjugata nihilominus religiose vivere, & religiosi cum summa devotione non cessaverunt obedire. Hujusmodi autem studium in Alemannia potissimum usquequaque decenter effloruit. Hujusmodi Oblati, qui se offerunt Ordini, mutata veste seculari gaudent privilegiis Ordinis. Cap. *In nostra. de sepultur.* cap. *Ut privilegia. de privileg.* Sed si non mutent vestem, non utuntur præscriptione fori, nec aliis privilegiis Ordinis. Capell. Tolos. quæst. 8. Chopin. Monastic. libro 1. tit. 3. num. 22.



C A P U T V I.

Conjugati Conversi.

INTER Conversos numerantur & conjugati. Si religionis causa discedant a toro conjugali, & se convertant ad religionem, nondum consummato matrimonio, alter conjugum, invito altero, potest Monasticen profiteri, nec alter prohibetur in sæculo remanere, & ad alias nuptias transire. L. *Deo nobis.* Cod. *De Episc. & Cleric.* Can. *Decreta* 27. quæst. 2. capite 2. & 7. *De Convers. conjugat.* Consummato matrimonio necesse est ut uterque monasterium ingrediat, vel uno monasticam vitam eligente, alter remanens in sæculo, in conspectu Ecclesiæ continentiam voveat, modo ejus ætatis sit, ut sine mala suspitione in sæculo remanere possit. Cap. 4. cap. *Uxoratus.* cap. *Significavit* eodem tit. Et hic est casus quo matrimonium solvitur consensu utriusque conjugis religionis gratia. Nicolaus I. epistola ad Lotharium quæ extat apud Reginonem 2. *Chronic.* Nam licet sit scriptum: *Quos Deus conjunxit, homo non separet; Deus tamen, & non homo separat, quando divini amoris intuitu, ex consensu utriusque conjugis, matrimonia dissolvuntur.* Si vir vel vxor religionis causa monasterium ingrediat, licet alteri dotem vel donata propter nuptias recipere, ac si morte solutum esset

matrimonium. L. Sancimus. §. vltim. L. Deo nobis. Cod. De Episc. & Cleric. Novell. Justinian. 123. cap. 40.

¶

CAPUT VII.

Confratres Monachorum. Jus fraternitatis.

INTER Conuersos seu quasi Monachos, mihi locandi videntur & laici, qui jus fraternitatis & participii beneficiorum, id est, precum, suscipere in monasterio: moris enim antiqui fuit, vt benefactores monasterii in eo reciperentur in fratres & socios beneficii precum, de quo in cap. *Ut privilegia. extr. De privileg.* Nec modo privati, verum etiam Reges & Principes, ac ipsimet Episcopi huiusmodi fraternitatem in clarioribus monasteriis ambierunt. Theodebertum Regem Francorum in Glannasoliensi monasterio recens a se condito, in fratrem & sodalem recepit beatus Maurus discipulus sancti Benedicti. Faustus in vita Mauri apud Saurium 14. Junii: *Tunc Rex Theodebertus beatum Maurum petiit, vt fratres cum in suum recipere dignarentur, & nomen ejus inter sua nomina scribere.* Calojoannem Imperatorem, Reges Francorum & alios Principes in fratres admisit monasterium Cluniacense. Petrus Cluniacensis lib. 2. epist. 39. ad ipsum Calojoannem: *Et vt aliquid beneficii spiritualis vobis ista facientibus rependamus, sicut predecessores nostri, ac nos ipsi, Reges Francorum, Reges Anglorum, Reges Hispanorum, Reges Germanorum, ipsos Imperatores Romanorum, ac vicinos nobis Reges Ungarorum, confratres & participes omnium beneficiorum Cluniacensis Congregationis fecimus: ita sublimitatem vestram in eisdem spiritualibus beneficiis plene & perfecte in quantum licet suscipimus.* Ludovicum Juniorem Regem Francorum jure fraternitatis apud suos donavit Stephanus Abbas Cisterciensis, vt ipse commemorat, non sine exprobratione beneficii, in epistola ad eum scripta, quæ est 45. inter epistolas Bernardi. Pandulfum Marforum Episcopum eodem commilitii & fraternitatis honore dignatus est Abbas Cassinensis. Leo

Ostiensis libro 2. cap. 99. Sicque societate ac benedictione fratrum percepta reversus, ex eo tempore familiarissimus monasterii fuit. In eodem censu & linea Converforum non silendi & laici, qui cum moriuntur, poenitentiae causa assumunt monasticum habitum, & cum eo sepeliuntur. Hujus amictus gratiam in morte solatii loco duxere clarissimi Principes. Inter Latinos Fridericus II. Imperator, de quo Matthæus Paris. ad ann. 1251. Obiit autem circa eadem tempora Principum mundi maximus Fridericus, assumpto, ut dicitur, habitu Cisterciensium, & mirifice compunctus & humiliatus. Inter Græcos Emanuël Comnenus, de quo Nicetas in ejus vita lib. 7. πλος δὲ καὶ αὐτὸς τῇ ἀρτηρίᾳ περσάζων τὴν χεῖρα, καὶ τὰς κινήσεις τῆ σφυγμοῦ γυναικείων, βυθίων πὶ συναΐας, & πλήζας τῇ χειρὶ τὴν μαστὸν, τὸ μοναδικὸν ᾄμα ἤτησε. Denique admota ad arteriam manu, & pulsu pertentato, cum alto suspirio femur percussit, & monasticum habitum postulavit. De Theodoro Lascari Juniore idem narrat Gregoras libro 3. ἀλλὰ ξαμὲν περσάζων τὸ ᾄμα μέχρι περ τῆς πλάτης εἰς τὸ μοναδικὸν περιβαίνειν. Alacriter vestem mutavit paulo ante obitum in habitum monasticum. De Andronico Juniore cum extremum spiraret, narrat idem Gregoras libro 9. ἰξώρκειτο μὲν τοὺς περὶ αὐτὸν, μοναχὸν αὐτὸν ἐνδύσαι περιβαίνειν, ὅπιν δοθῆναι τὸ ζῆν. Jurejurando adstantes adegit, ut sibi monasticam cucullam induerent, priusquam vita excessisset. Solebant etiam multi in infirmitate vestem monasticam suscipere, & sæculo renuntiare. Petrus Cluniacensis de Miracul. lib. 1. cap. 7. Venerat ad eundem locum infirmitate carnis urgente laicus quidam, & ut fieri solet, monachico habitu a fratribus indutus, sæculo renuntiaverat. Faciunt hoc multi etiam in extremis constituti, qui licet eorum, quos nulla corporis molestia ad hoc impellit, laudem minime consequi videantur; numero tamen Monachorum, si ex corde convertantur ante aeterni judicis oculos, nullo modo excluduntur.



CAPUT VIII.

*Monachi primis seculis extra Clerum, a Syricio alle-
ti ad Clerum.*

A In initio Monachi erant extra Clerum, id est, laici manebant, Clericatus expertes: & diebus festis, puta Sabbatho & Dominico, procedebant ad Ecclesiam loci, & una cum plebe communicabant, & sacra mysteria percipiebant. Theodorus de vit. Patrum capite 12. ποσόντων ἡ ἀει-
της κατηχόμος πλοδον, ὡς πᾶσι τῇ ἐξατῇ συζῶν, εἰς τὴν θείαν ἐκκλησίαν καὶ τῷ πολλῶν καὶ κυριακῇ ἡμέρᾳ ἐφοῖτα, τι τῷ θείῳ ἐπαύων λόγον, & πῶς διδασκαλίᾳ ὑποπνεῖ ταῦτα, & τῆς μετῴτης μαλακωμάτων τραπεζῆς εἰς τὸ καμνὸν σκῆνον κατη-
χόριον ἐπαίνει. Tantum tunc possident thesaurum, quasi ex-
trema laborans inopia, veniebat cum populo ad divinam Eccle-
siam die Dominico, & divinos audiebat sermones, & aures pra-
bebat Doctoribus, & mystica mensa particeps factus redibat ad novum illud habitaculum. Et Nicephorus Callist. libro 11.
cap. 38. εἰσάπαξ δὲ εἰς ταύτην τῆς ἐβδομάδος συντρέχουσιν ἐκ-
κλησιάζοντες τῇ φερότῃ & κυριακῇ τῷ ἡμέρᾳ. In hebdomade
autem semel primario & Dominico die in Ecclesiam convenire
soliti erant. Ejusdem vsus locuples testis Cassianus de insti-
tut. cenob. libro 5, cap. 26. Vidimus alium in solitudine com-
morantem, qui numquam se sibi soli indulsisse cibum testatus est,
sed etiam, si per totos quinque dies ad ejus cellulam nullus e fra-
tribus advenisset, refectioem jugiter distulisse, donec Sabbatho
vel Dominico die devota Congregationis obtentu procedens ad
Ecclesiam, peregrinorum quicquam reperisset. Inde Heronem
senem, quod ad Ecclesiam non conveniret ne quidem se-
mel in anno, in die Paschæ, notat idem Cassianus collat. 2.
cap. 5. Siquidem tanto rigore immutabilem jejunii continentiam
semper exercuit, & solitudinis cellaque ita jugiter secreta sectatus
est, ut ab eo participationem inveniendi cum fraternitate convivii,
nec veneratio quidem diei Paschalis aliquando potuerit obtinere:

in qua fratribus cunctis pro anniversaria solemnitate in Ecclesia retentatis, solus non potuit aggregari, &c. E diverso Paphnutium Abbatem, quod jam senior e cella quinto milliari distante, Sabbatho & Dominico die indefessus ad Ecclesiam vicanam conveniret, laudat idem collat. 3. cap. 1. *Hic namque Presbyter Congregationis nostrae, id est, illius quae in eremo Scythi morabatur, fuit, in qua ita usque ad extremam duravit aetatem, ut numquam e cella quam junior coeperat habitare, quaeque ab Ecclesia millibus quinque distabat, saltem ad vicina migraverit, nec fessus annis tanti itineris spatio die Sabbathi vel Dominico venturus ad Ecclesiam vexaretur.* Collationem in multam noctem productam solvit Serenus apud eundem collatione 7. capite 34. ut paulum detur somno proximo jam diluculo, ac inde procedatur ad Ecclesiam, quia erat dies Dominicus. *Quamobrem, inquit, soporis modicum degustantes, discutiamus obrepentem oculis nostris vicina jam luce torporem, ac deinceps pariter ad Ecclesiam procedentes, quoniam nos hoc facere Dominica diei solemnitas commonet, reversi post synaxim, ea qua Dominus ad instructionem communem pro desiderio vestro largitus fuerit, duplicato gaudio conferamus.* Unum e fratribus livore accensum in Paphnutium adhuc juniorem, in ejus cella suum codicem clam deposuisse per tempus quo Paphnutius e cella aberat, processurus ad Ecclesiam die Dominico, ut furti eum notaret, narrat idem Cassianus collat. 18. cap. 15. *Hoc genus malignitatis excogitat, ut opportunitatem temporis caperet, quo Paphnutius ad Ecclesiam die Dominico processurus abesset a cella.* Licet Monachi extra Clerum essent, tamen in Ecclesia non fuere in turba laicorum. Monachorum statio in Ecclesia fuit extra cancellos, media inter Clerum & plebem, ne Clericis se immiscerent utpote inferiores, vel inter laicos viderentur ut praestantiores. Dionysius Arcopagita epistola 8. ad Demophilum Monachum: τοῖς δὲ πτωχούσι διακονοῦσι αἱ πόλεις ὅτι ἀδύνατοι εἰσὶν ἀρωαμέναι, καὶ αἱ δὲ πλουτοῦνται καὶ παρέρχονται, οὐ ποτὲ φυλακὴν αἰσθάνονται, ἀλλὰ ποτὲ τῶν, οἱ ὀπίσσω εἰσὶν, μάλλον τῶν λαῶν ὧν οὗτοι ἐξαρτῶσι πλοῦσι καὶ πτωχοῖς. *Iis qui Monachi sunt ordinati, adytorum porte segregatae sunt, juxta quas inicianur et adstant, non ad custodiam, sed ut ordinem recognoscant suum, sintque ipsi populi*

propinquiores, quam hi qui sacra ministrant, & populo ipsi quomque magis Sacerdotibus accedentes. Hinc post sacræ menæ ministros, Ναζαράος (ii sunt Monachi) constituit Gregorius Nazianzenus oratione 32. ad c. l. Episcopos. Prioribus sæculis Monachi erant inter laicos: qua de causa in pœnis canonicis, non depositione vt Clerici, sed excommunicatione vt laici plectebantur. Synodus Chalcedonenſis canon. 2. *ὃς εἴτε ἐκ μὲν κληρικὸς εἴη τῷ οἰκείῳ ὀφειλόμενῳ βαθμῷ, εἰ δὲ λαϊκός, ἢ μονάζων ἀναδιμετρήσθαι.* Et ipse siquidem Clericus fuerit, proprio gradu decidat; si laicus aut Monachus, excommunicetur. Can. Si quis Episcopus 1. quest. 1. Et Abbas cum Monacho vltimus locatur post Ostiarium, qui est infimus gradus Clericorum. Can. A Subdiacono 93. distinct. Hinc & Renatum Monachum laicum appellat Augustinus libro 2. de anima & ejus origine cap. 1. Ac per laicos propositi superioris Monachos intelligit Hilarius Pictaviensis libro de Synodis. Excreſcente multitudine Monachorum, Monachi suas ædes sacras habere cœperunt, & cum hjs habuere Presbyterum: is erat Abbas, vel vnus e fratribus, a quo sacra mysteria percipiebant. Augustinus de moribus Ecclesiæ Catholicæ cap. 31. *Vidi ego diuersoria sanctorum Mediolani non paucorum hominum, quibus vnus Presbyter præerat vir optimus & doctissimus.* Hoc more Paphnutius idem fuit Abbas & Presbyter Congregationis, quæ sedes suas habebat in eremò Scythi in Syria, de quo Cassianus collat. 3. capite 1. Idemque Paphnutius Danielelem, vnum e fratribus, destinans sibi successorem, cum ad Sacerdotii ordinem provexit; id est, promoveri ab Episcopo curavit. Cassianus collat. 4. capite 1. *Optansque sibimet successorem dignissimum providere, superstes eum Presbyterii honore provexit.* In monte Nitriæ in Ægypto fue-re quinque millia Monachorum in vna Ecclesia, in qua erant octo Presbyteri, quorum quandiu primus viveret, nullus alius offerebat vel prædicabat. Palladius Historiæ Lausiacæ cap. 33. Adeoque illis sæculis, si forte Presbyteri in monasterium secederent, humilitatis causa deinceps abstinebant officio Presbyteri, & vt laici communicabant. Eo nomine se excusat apud Joannem Hierosolymitanum Episcopum Epiphanius Salaminæ Cypri Episcopus, quod Presbyterum or-

dinasset in monasterio Bethleemitico Paulinianum fratrem Hieronymi, quia Vincentius & ipse Hieronymus Presbyteri ejusdem monasterii, humilitatis gratia, nollent sacra peragere. *Cum vidissem*, inquit in epistola ad Joannem Episcopum, quæ est inter epistolas Hieronymi, *quia multitudo sanctorum fratrum in monasterio consisteret, & sancti Presbyteri Hieronymus & Vincentius propter veretundiam & humilitatem nollent debita nomini suo exercere sacrificia, & laborare in hac parte ministerii, quæ Christianorum præcipua salus est, &c.* Quid Pachomius Abbas, cum tot millia Monachorum sua sub ditione haberet, non ferebat quicquam ex his in Clericum ordinari, quo magis eos in humilitate & demissione animi contineret, ut legitur in vita ipsius Pachomii capite 24. *Postea ex nimia multitudine Monachorum secuta penuria Clericorum, Monachi sacris ordinibus initiari cœpere, & felici connubio Monachi & Clerici in unum coaluere ex Constitutione Syrii.* Can. *Monachos* 16. quæst. 1. de quo fufius dicemus alio loco.



CAPUT IX.

Monachi primis sæculis imperiti litterarum, postea eruditissimi. Scriptores in monasteriis: inde copia librorum.

PRIORIBUS sæculis Monachi Clericatum fugientes, & laicos inter morantes, humilitatis studio, non dispari ingenio litteras tanquam inanis gloriæ altrices, magis fugerunt quam nescierunt. Ac certe veneranda fuit, non erubescenda in Monachis litterarum imperitia, proposito, id est, humilitatis jugi exercitationi conveniens: non docentis vel discantis, sed lugentis, id est, pœnitentis, est officium Monachi. Hieronymus ad Riparium adversus Vigilantium: *Monachus non docentis, sed plangentis habet officium, qui vel se vel mundum lugeat, & Domini pavidus præstoletur adventum.* Can. *Monachos* 16. quæst. 1. Quod mireris tamen, humiles isti & litterarum inscii non caruere sacrarum Scripturarum

rum intelligentia, sacras Scripturas didicere sine magistro, orando & meditando magis quam legendo. Augustinus de doctrina Christiana lib. 1. in Prolog. *Nec propterea sibi ab Antonio sancto & perfecto viro Ægyptio Monacho insultari debere, qui sine ulla scientia litterarum Scripturas divinas & memoriter audiendo tenuisse, & prudenter cogitando intellexisse pradicatur.* Hinc vni ex Philosophis Ægyptiis, qui ad eum accesserat studio visendi virum, cuius fama tanta erat, miranti quoniam modo vitam in eremo sustinere posset, Antonius respondit: τοῖς ἐμὸν βιβλίον ἢ φύσιν τοῦ ζωντοῦτον ὄντι, καὶ παρῆσιν ὅτι βουδῆμαι πρὸς λόγους ἀναγινώσκων τοὺς Θεοὺς. *Meus liber est natura rerum a Deo conditarum, quæ quotienscumque animo lubitum sit meo, libros ipsius Dei ad legendum suppeditat,* narrante Socrate libro 4. cap. 18. Eodem studio sacras Scripturas feliciter assecutus beatus Bernardus, in silvarum secessu non alios Doctores nactus, quam quercus & fagos, ut ipse venuste inter suos per jocum dictitare solebat. Vita Bernardi lib. 1. capite 4. *Nam usque hodie quicquid in Scripturis valet, quicquid in eis spiritualiter sentit, maxime in silvis & in agris meditando & orando se confectur accepisse, & in hoc nullos aliquando se magistros habuisse nisi quercus & fagos, joco illo suo gratiofo inter amicos dicere solet.* Hac mente Monachos fide, spe, caritate instructos, satis valere ut ad perfectionem Christianam quasi machinis quibusdam subveſti nitantur, tradit Augustinus libro de doctrina Christiana modo a me laudato capite 38. *Homo itaque fide, spe & caritate subnixus, eaque inconstitisse retinens, non indiget Scripturis, nisi ad alios instruendos.* Itaque multi per hæc tria etiam in solitudine sine codicibus vivunt: quibus tamen quasi machinis tanta fidei & spei & caritatis inest instructio, ut perfectum aliquid tenentes, ea quæ sunt ex parte, non querant. In eandem sententiam fratribus suis licet grossis, id est, crassis ingenio, & litterarum expertibus, adeo non insultat, quin imo quasi gratulatur Auctor sermon. ad fratres in eremo sermone 15. *Non tamen dico, fratres, quod omnino non queratis: sed quæstiones in divinis vos qui grossi estis, multiplicare non debetis; querite tantum vos qui spirituales estis, quomodo præcepta Dei servare possitis.* Et idem sermone 22. ad eosdem: *Sed dicitis: Ecce multi sumus, & præ-*

rer Evodium, Alipium & Pontianum, qui de Scriptura sancta multum noverunt, omnes grossi & idiotæ sumus. Igitur doce nos brave. O fratres mei, licet grossi sitis, & subtilia non capiat; non tamen debiliores vos reputo: sed cariores vos teneo, ignaros & humiles, quam sapientes, elatos & superbos. Licet enim medullam Scripturarum non intelligatis, sicut Evodius, Alipius & Pontianus, qui Roma diu mecum commorati sunt; tamen Scripturarum corticem vos intelligere non dubitamus. Idem rursus sermone 24. ad eosdem: Et quia grossi estis, fratres, veniat verbi gratia. Valentino Abbati, & Monachis qui cum eo erant, hoc vnum, ut librum Cypriani de oratione Dominica diligenter legerent, & quoad possent intelligerent, ac memoriæ mandarent, præcepit Augustinus, libro de gratia & libero arbitrio ad Valentinianum & cum illo Monachos, capite 13. Commoneo autem caritatem vestram, & multum exhortor, ut beati Cypriani librum, quem scripsit de oratione Dominica, diligenter legatis, & quantum vos Dominus adjuxerit intelligatis, memoriaque mandetis. Ex quo satis intelligimus lectionem librorum non desiderari a Monachis, ut doctiores fiant, sed ad orandum & meditandum potentiores. Hinc fratres, id est, Monachos sine injuria laicos, id est, rudes litterarum, appellat idem Augustinus Retractation. lib. 2. capite 38. Interea multa sunt mihi a quibusdam fratribus, laicis quidem, sed divinarum eloquiorum studiosis, scripta nonnulla. Et librum de Agone Christiano, continentem regulas fidei in usum fratrum, quia Latinæ lingvæ imperiti erant, humili & vulgari sermone conscriptum ait idem Augustinus eodem libro 2. Retractation. cap. 3. Liber de Agone Christiano fratribus in eloquio Latino ineruditis humili sermone conscriptus est, fidei regulam continens & præcepta vivendi. Periculosam tamen in Monachis crassio rem litterarum inscitiam docuit eventus: nimis enim facile propter simplicitatem in Antromorphitarum hæresim lapsi sunt Ægyptii Monachi: de quo Socrates lib. 6. cap. 7. Sozomenus lib. 8. cap. 11. Nicephorus Callistus lib. 13. cap. 10. Cassianus collat. 10. capite 2. Posterioribus sæculis magna rerum conversione facta, Clerici passim visi sunt idiotæ & ignari litterarum, soli fere Monachi litterati. In monasteriis solis fuit pulcherrima penus libro-

rum: hi fugientes litteras in orbe Christiano morati sunt, emortuas fere suscitavit, & ut quod est fateamur, Monachorum industria & opera ad nos salvi pervenire omnium artium & scientiarum libri, quos in manibus habemus, quibus illuminatur respublica, litteraria. In singulis enim monasteriis inter Monachos erat ordo scriptorum, qui libris describendis operam dabant: juniorum id officium fuit ex regula beati Martini Turonensis Episcopi, senioribus incumbente tantum orationis penso. Paulinus de vita sancti Martini lib. 2.

*Ne degustati famis improba cresceret auri,
Exercere artem prohibet: conceditur unum
Scribendi studium, quod mentem oculosque manusque
Occupet, atque uno teneat simul omnia puncto,
Aspectum visu, cor sensibus, ordine dextram,
Attamen his rebus minor aetas sola tenetur,
Nam jam matura satis est oratio menti.*

Exinde in monasteriis Galliae & Germaniae non vile fuit scriptorum officium. Trithemius in Chronic. Hirsaugiensi ad ann. 1064. de Friderico Abbate Hirsaugiensi: *Inter scriptores namque reliquos, quod officium apud veteres Monachos erat valde communiter in usu, locum tenere cum fratribus non erubuit.* Et quo maxime profecere litterae, fuere scholae in monasteriis, in quibus pietate simul & litteris imbuebantur etiam adolescentes laici: de quibus suo loco dicemus.



C A P U T X.

*De Monachis varia judicia paganorum & Judaeorum.
Heretici infensi Monachis.*

IN ortu Monachorum obstupuit universus orbis: gentiles & Judaei ipsi novum hominum genus mirati sunt, & qui inter eos sapientiores erant, illorum vitam caelestem potius quam humanam duxerunt. Cassianus de instit. coenob. libro 2. capite 5. *Etenim secedentes in secreta subur-*

biorum loca, agebant vitam tantæ abſtinentiæ vigore diſtrictam, ut etiam his qui erant religionis externi, ſtupori offeſſet tam ardua converſionis eorum profeſſio. Et Auſtor ſermon. ad fratres in eremo ſerm. 39. Hæc eſt illa religio immaculata, cujus ſanctitas per totum orbem terrarum divulgatur: quorum converſatio a cunctis miratur, quorum vita non ſolum a Chriſtianiſ, ſed a Judæis & paganis potius angelica quam humana reputatur. Alii ignavos & inutiles bello & reipublicæ inclamabant, quod continentes eſſent, ſine vxore & liberis. Zoſimus libro 5. ubi de Joanne Chryſoſtomo Conſtantinopoli ablegatō. ἀπὸ τῆς ἀπὸ τῆς ἡγεμονίας ἐκκλησίας ἀπὸ τῆς ἀποστολῆς μετα-
 ζῶν· οὗτοι δὲ γὰρ τοῖς κτ' νόμον ἀπαγορεύουσι, συστήματα δὲ
 πολυάνθρωπα κτ' πλείεις & κάμας πλεονεχίαν ἀνθρώπων ἀγα-
 μων, & οὐτε πλεονεχίαν, οὐτε πλεονεχίαν πνὴν γείας ἀνελ-
 κῶν τῇ πολιτείᾳ. Jamque adeo fuerat intercepta Chriſtianorum
 ab iſ Eccleſia, qui Monachi vocantur: hi legitimis nuptiis ab-
 ſtinent, & tam in urbibus quam vicis populofa collegia complent
 hominibus non maritatis, nec ad bellum nec alium reipublica neceſ-
 ſarium uſum idoneis. Alii de Monachis iniquius cogitantes
 eorum famæ oblaterabant, eorum vitam ferinam & ſilve-
 ſtrem deteſtabantur, angelicis viris porcorum mores, ne-
 fanda & incredibilia propemodum eis obſectabant: forte
 eis falſo aſcribentes, quæ de Circumcellionibus, qui erant
 falſi Monachi Donatiſtarum, circumferebantur. Eunapius in
 Ædeſio: εἴτα ἐπισηγὼν τοῖς ἱεροῖς τόποις τοῖς καλοῦμένοις μονα-
 χοῖς, ἀνθρώποις μὲν κτ' τὸ εἶδος· ὁ δὲ βίος αὐτοῖς οὐκ ἴσως, & ἐς
 τὸ ἐμφανὲς ὑπάρχον τι & ἐπὶ τοῦ μύθου κατὰ τὴν ἀρετὴν· ἀλλ'
 ὁμοῦ τῷ μὲν ὁπότε εἶδεν τὸ καταφρονεῖν τῶ θείου. τυραννικὴν
 γὰρ εἶχεν ὁρῶντιαν, πῶς πᾶς ἀνθρώπος μέλαινας φέρων ἐδύτα, &
 δημοσία βουλεύμεθ' ἀναμνηστικὸν ἐς τὸν δὲ ἀρετῆς ἵλαστο τὸ ἀν-
 θρώπων. Idem poſtea in ſacrâ loca invexerunt Monachos ſic
 dictos, homines quidem ſpecie, ſed vitam turpem porcorum more
 exigentes, qui in propatulo infinita atque infanda ſcelera com-
 mittebant: quibus tamen pietatis pars videbatur ſacri loci reuē-
 rentiam proculcare. Nam ea tempeſtate quivis aram veſtem in-
 dutus, quique in publico ſordido habitu ſpectari non abnucebat, iſ
 tyrannicam obtinebat auctoritatem: in eam virtutis opinionem
 venerat id genus hominum. Imo & gentiles ut invidiam in

Monachos concitarent, eos hostes imperii contestabantur, clades reipublicæ eis imputabant. Alarico cum ingentibus copiis Gothorum per Thermopylas in Græciam irrumpenti ducatum præstitisse Monachos ait Eumapius in Maximo: *ποιῶντας αὐτοὶ τὰς πόλεις ἀπὸ δαυξί τῆς Ἑλλάδος, ἢ τῶν τὰ παρὰ ἡμῶν ἐχόντων ἀκωλύτας περὶ ἀπείρητον ἀσφάλειαν.* Ne novis calumniis pene locus esset, Monachos lucifugas, id est, osores humanæ conversationis, & Bellorophonteo morbo laborantes, id est, emotæ mentis deprædicabant. Rutilius Itinerar. lib. 1.

Processu pelagi jam se Capraria tollit:

Squalor lucifugis insula plena viris.

Ipsi se Monachos Graio cognomine dicunt,

Quod soli nullo vivere teste volunt.

Quanam perversi rabies tam stulta cerebri,

Dum mala formides, nec bona posse pati!

Sive suas repetunt ex fato ergastula pœnas

Tristitia, seu nigro viscera felle tument:

Sic nimia bilis morbum assignavit Homerus

Bellorophonteis sollicitudinibus.

Nam juveni ostenso sævi post tela doloris

Dicitur humanum displicuisse genus.

Cum in Hispaniam secessisset Paulinus religionis amplectendæ studio, non alio quam gentili ingenio & stylo a proposito eum avocare nixus est Ausonius, olim ejus præceptor, fugam sæculi quasi Bellorophonteum furorem exprobrans, metro scripta epistola, quæ est 25. ad ipsum Paulinum:

Tristis egens deserta colat, tacitusque pererret

Alpinis connexa jugis: seu dicitur olim

Mentis inops, cæcus hominum & vestigia vitans,

Avia perlustrasse vagus loca Bellorophontes.

Quale futurum erat potiorum judicium de secessu Paulini non tacuit Ambrosius epistola 30. ad Sabinum: *Paulinum splendore generis in partibus Aquitania nulli secundum, venditis facultatibus tam suis quam etiam conjugalibus, in hos se induisse cultus ad fidem comperi, ut ea in pauperes conferat, quæ redegit in pecuniam: & ipse pauper ex divite factus, tamquam deoneratus gravi sarcina, domum, patriam, cognationem quoque valedicat,*

quo impensius Deo serviat. Et infra: *Hæc ubi audierint proceres viri, quæ loquentur? Ex illa familia, illa profapia, illa indole, tanta prædium eloquentia migrasse a Senatu, interceptam familiæ nobilis successionem: ferri hoc non posse. Et cum ipsi capita & supercilia sua radant, si quando Isis suscipiunt sacra, si forte Christianus vir attentior sacrosanctæ religioni vestem mutaverit, indignum facinus appellant. Quid hæretici omnium maxime insultabant Monachis, horum testimonio & iudicio eorum continentia & vitæ sanctitate se oppugnari satis intelligentes. Augustinus in Psal. 132. Quando vos recte hæreticis de Circumcellionibus insultare cæperitis, ut erubescendo salventur, illi vobis insultant de Monachis. Primo si comparandi sunt, vos videte. Quid opus est ut verbis nostris comparentur ebriosi cum sobriis, præcipientes cum consideratis, furentes cum simplicibus, vagantes cum congregatis? Sed tamen dicere consueverunt: Quid sibi vult nomen Monachorum? Quanto melius dicimus nos: Quid sibi vult nomen Circumcellionum? Petilianum vnum e signiferis hæreticorum eo nomine maxime infensum habuit Augustinus, quod instituti Monachorum auctor vel propagator haberetur. Testis ipse de se libro 3. contra litteras Petiliani capite 40. Deinceps perrexerat ore maledico in vituperationem monasteriorum & Monachorum, arguens etiam me, quod hoc genus vitæ a me fuerit institutum: quod genus vitæ omnino quale sit nescit, vel potius toto orbe notissimum nescire se fingit. Eodem ingenio Afri vix ferebant palliatum consum & pallidum, id est, Monachum. Salvianus de gubernat. Dei libro 8. Non sine causa itaque illud fuit, quod inter Africæ civitates, & maxime intra Carthaginis muros, & palliatum, & pallidum, & reevis comarum fluentium jubis, usque ad cutem consum videre tam infelix ille populus, quam infidelis, sine convicio atque execratione vix poterat. Quid novissimis sæculis Lutherus, Calvinus & alii non nominandi hæretici, continentia eversores, propositum Monachorum omnibus votis damnarunt. Vix ferunt improbi vitam Monachorum, horum vitam sibi in opprobrium verti ducentes. Sed si quando ad saniolem frugem redeunt, nonne dolent, & beatam prædicant sortem Monachorum, ut ait Joannes Chrysostomus in Acta Apostolorum Homil. 15. *εἰ μὴ μοναχικοὺς τὴν ἐκ γένεως, τὴν ἐκ**

tur hoc ordine, si ille, qui Sanctus vocatur & Nonnus, sic agit, &c. Hæreticis displicebat nomen Monachorum, nomen fraternitatis his exosum, qui ab Ecclesiæ unitate discesserant. Augustinus in Psalm. 132. Merito illi displicet nomen Monachorum, quia illi nolunt habitare in unum cum fratribus; sed sequentes Donatum, Christum dimiserunt. Monachis tot passis a plebe eis non pepercere Principes. Quot conviciis inaccessi fuerint Monachi & eorum exercitationes a Juliano Parabute, testem habemus Gregorium Nazianzenum orat. 4. Denique quam male acciperentur Monachi, ex eo satis intelligimus, quod Joannes Chrysostomus, cum adhuc Presbyter esset, tres libros scripsit adversus vituperatores vitæ monasticæ, ne impune viderentur offendi, & silentio agnoscere injuria. Etiam ipsis parentibus ita exosos fuisse liberos qui Monachismum profiterentur, ut eos quasi ingratos & indignos bonis abdicarent, notum est: qua de causa Constitutionibus Justiniani vetitum est, ne parentibus liceat liberos quasi ingratos exheredare, eo nomine quod monasterium ingressi sint. L. Ut non liceat. L. Deo nobis. §. 1. C. De Episcopis & Clericis. Can. Non liceat 19. quæst. 3.



C A P U T X I I.

Varia persecutiones in Monachos. Monachi ad militiam coacti. Constitutio Valentis de Monachis revocandis ad munera municipalia. Persecutio in Fratres Predicatores & Minores.

A Constantino pace reddita Ecclesiæ, desiere agones martyrum: sed succedente Constantio, qui in Arii hæresim lapsus erat, Arianorum machinis vincti Monachi, plagis cæsi ad mortem vsque. Athanasius epistola ad Solitarios: πότες αὐτοὺς ἐμβούλευσαν, πόσους ἔχει ἀγχιπέποντας ὁ δοκὸν τὸ εἶςιν ἐχέται ἔχει ἀσπλύναι παρῳκισσόν. Quot Monachis insidiati sunt, quot ibi commorantes & jam ibi fixum domicilium habentes. Et idem in eadem epistola: καὶ δοκόν. ὁπίσκοποι

Ἐπισκοποι, Ἱερωδοται, ἀρχιερεῖς καὶ μοναχοὶ οὐκ ἐκείνην τὴν ἡμέραν ἐκείνην ἀποκρίθησαν, ὡς καὶ ἡμεῖς ἴσμεν. Ἰσα δὲ αὐτῶν περιπατήσας. Jam inde Episcopi & Presbyteri & Monachi ferro vincti & plagis casi usque ad mortem, alio atque alio transmittuntur. Et in sequentibus idem narrat monasteria Ægypti ab Arianis everfa, & ignem subjectum quo cremarentur Monachi. Post Constantium Julianus Parabutes alio persecutionis genere usus, ut Monachorum genus alieno ferro tolleret, eos ad militiam coegit. Rufinus 1. de vit. Patr. capite 7. Hic cum audisset Juliani temporibus fratrem quendam militia comprehensum detineri in carcere, venit ad eum cum fratribus, consolandi gratia. Hieronymus in vita Hilarionis: Urbs enim Gaza, postquam profecto de Palestina Hilarione, Julianus in Imperium successerat, destructo monasterio ejus precibus ad Imperatorem datus, & Hilarionis & Hefychii mortem impetraverat, amboque ut quærentur, toto orbe scriptum erat. Palladius Historiæ Lausiacæ capite 52. Anno Christi 373. repetita lege a Valente Monachi ad militiam exacti. Hieronymus in Chronic. Multi Monachorum Nitria per Tribunos & milites casi: Valens enim lege data ut Monachi militarent, nolentes fustibus interfici jussit. Idem Theodorus lib. 3. Orosius libro 7. cap. 33. Gregorius Turonensis lib. 1. cap. 37. Cassianus collat. 18. cap. 7. Prius legem tulit idem Valens de Decurionibus (ii sunt Senatores municipales, qui curia relicta in eremum Ægyptiam secedebant, munerum municipalium suffugiendorum causa) revocandis, & si non parerent, bonis eorum addicendis his qui eorum vice municipalia munera laturi essent. L. Quidam. C. De Decurionib. L. 63. C. Theod. eodem: Nec modo militiæ onere a Valente districti Monachi, sed etiam capitationis, id est, vestigalis, quod pro capite penditur, quomunus erant. Constitutionibus Constantini & Constantii. Gregorius Nazianzenus orat. in Julianum, & in Carmine ad Hellenium. Eadem tempestate saviente persecutione Valentiniana in Monachos Ægyptios, Monachorum millia quinque per triduum latuere, a Melania ejus sumptu sustentata. Paulinus epist. 10. Eadem tempestate per triduum quinque millia Monachorum latentium panibus suis parvit Melania, totius

dem apud homines testimoniis gloriosa, quot pastis Deo conscia. Nec modo in Ægypto, sed & in aliis provinciis Imperii a Valente gravem persecutionem perpeSSI sunt Monachi: quæ de re Monachos oratione consolantur Basilius epist. 19. Isidorus Pelusiot. lib. 1. epist. 191. Eodem tempore manu militari sævitum in Monachos Ægyptios, duce Lucio Episcopo Alexandrino Ariano. Socrates lib. 4. cap. 17. Rufinus libro 2. capite 3. & 4. Et Chrysostomo Constantinopolitano Episcopo sede sua pulso, Monachi qui erant ejus partium, & pro ejus defensione Ecclesiam occupaverant, signo dato impune trucidati, & ut in turba sæpius evenit, quidam per errorem pro aliis accepti periere. Zozimus libro 5. Per idem tempus & Monachi in Africa persecutionem passi ab hæreticis & infidelibus. Auctor sermon. ad fratres in eremo sermone 1. *Si vero, ut fieri solet, ab hæreticis supervenit incursio repentina, vel ab infidelibus, aut hostilitas, ita ut necesse sit fratribus fugam arripere, si Deo favente evaserint, mox ad nemus cum Helia redire festinent.* Constitutionem Juliani ne quis miles ante emerita stipendia in monasterium admittatur, instauravit Mauritius, quam impugnavit Gregorius I. attestante ipso libro 2. epist. 61. Ab eodem Imperatore lex lata ne obligati publicis ratiociniismitterentur in monasterium: sed ea temperata a Gregorio hoc pacto, ut non vetarentur religionem profiteri, prius per triennium probati. Testem habemus ipsum Gregorium lib. 7. epist. 11. Can. *Legem* 53. distinct. Imperante Constantino Copronymo exarsit novum bellum in Monachos, & adinventum novum martyrii genus in eos. Monachi ad nuptias coacti, recusantes erutis oculis in Cyprum insulam deportati, res monasteriorum distractæ, & pretium in fiscum redactum, monasteria beneficii nomine & stipendii vice militibus tradita. Cedrenus in Copronymo: *μνηστήδης τοίνυν ὁ Λαλαροδόχου τὸν διδασκαλὸν αὐτῆς, πάντα μοναχὸν ἔκ μοναστήριον, καὶ ὑπὸ τὸ ὄμμα τῆς Θεραπείας ὄντας συνῆλθεν εἰς Εφεσον. καὶ φησι τῶν αὐτῶν· ὁ βουλόμενος τῷ βασιλεῖ καὶ ἡμῶν παιδαρχεῖν, ἐρδυσταμῶν πολλῶ καὶ λεγέτω γυνῆκα τῇ ᾧρα ταύτῃ. οἱ δὲ τότε μὴ ποιοῦντες τοφλοῦμενοι εἰς Κύπρον ἐξοριθήσονται. Καὶ ἅμα τῷ τῷ λόγῳ τὸ*

ἔργον ἐξτελείειτο, & πολλοὶ μάρτυρες τῇ ἡμέρᾳ ἐκείνῃ αὐτὸν δέχον-
ται. οὐκ ἔστι πάντα τὰ μοναστήρια πύρακα, καὶ πάντα τὰ ἱερά σκένυ,
καὶ βιβλία & ζῷα, καὶ πάσας τὰς ὑποστάσεις αὐτῶν; καὶ τὰς τιμὰς
τοῦτον εἰσεκόμισε πρὸ βασιλεῖ. Et infra: ὁ δὲ Κορνήλιος τὰ εἰς
δοξάν Θεοῦ, & κατὰφυγὴν τῆς σωζομένης μοναστήρια τοῖς ἐμύ-
φροσιν αὐτοῦ στρατιώταις ἐδίδου, & τὸ μοναχικὸν ταῖς μαζαῖς ἐξαφαι-
σσει παροῦσα. De his Lachanodraco magistrum imitatus, om-
nes Monachos Monachasque, qui in Thracensi erant praefectu-
ra, Ephesum conducit. Itaque alloquitur: Qui Imperatori & mihi
obedire vult, stolam is induat, hacque ipsa hora uxorem ducat;
qui recusaverit, is erutis oculis Cyprum deportabitur, & rem illico
exequitur. Itaque multi eo die extiterunt martyres. Idem omnia
monasteria, omnem sacram suppellectilem, libros, animalia, omnem-
que prorsus habitum eorum divendit, & pretium Imperatori tra-
didit. Copronymus monasteria quae ob honorem Dei & refugium
salutem confecturorum condita fuerant, suis suam amplectentibus
sententiam militibus tradidit, utque Monasticum Ordinem excin-
deret operam dedit. Nec melius actum cum Monachis tempo-
ribus Theophili: tunc Monachi urbibus pulsi, nec tutum
fuit ulli videri in quapiam vrbe, & monasteria tradita laicis.
Cedrenus in Theophilo: ἀβάτες γὰρ τηρεῖσθαι τὰς πόλεις τοῖς
μοναχοῖς ἐγκαταλείπειν, καὶ πάντα τὰ ποιοῦν αὐτοῖς ἀπαραλείπειν
ἐθέλωσι, μάλλον δὲ μὴ καὶ ἔχουσιν ὁρᾶσθαι τοὺς μὲν εἰργασατο ἢ
τὰ μοναστήρια καὶ ἰουκαστήρια πολυάριθμα, & κόσμους καταργῶντα.
Edixerat enim Theophilus ne Monachis ullam urbem intrare li-
ceret, jussissetque omni modo eos arceri, atque adeo non tutum
erat iis conspici ea in regione: quin & monasteria, atque ocii sa-
cri causa conditae aedes, profanis hominibus frequentabat. Idem
Paulus Diaconus libro 22. Et hoc est quod prius vetuit Sy-
nodus Chalcedonenſis can. 24. ne monasteria Deo dicata
fierent κοσμικὰ καταργῶντα, secularia habitacula. Nec minora
excidia a Sarracenis & Normannis passi sunt Monachi. Joan-
ne VIII. Pontifice, cum Sarraceni Campaniam armis oc-
cupassent, servi Dei (ii sunt Monachi) passim trucidati; mo-
nasteria flammis consumpta. Testatur ipse Pontifex epist. 35.
Et Normanni tota fere Gallia monasteria cremarunt, Mo-
nachos trucidarunt: vnde secutus est gravis lapsus religionis,

ut jam a me observatum est ex Joanne Italo vitæ S. Odonis Abbatis Cluniacensis libro 3. Temporibus beati Ludovici a Magistris Parisiensibus multa passi sunt & Fratres Prædicatores & Minores, non impune, quia a sanctissimo Rege & Alphonso ejus fratre fortiter defensi sunt, eorum persecutores damnati, & libri adversus eos scripti, Parisiis cremati: de quo Thomas Cantipratensis libro 2. capite 10. num. 23. & capite 57. num. 67. Non sine calumnia igitur Universitatem Parisiensem, quæ Thomam & Bonaventuram & tot alia decora a Fratribus Prædicatoribus & Minoribus accepit, per eos esse conturbatam ait Matthæus Parisiensis ad ann. 1258. *Universitas insuper Parisiaca per Prædicatores & Minores non mediocriter est perturbata.* Revera enim hi Ordines perturbationem Universitati non intulere, sed potius passi sunt. Denique vix vlla fuit ætas quæ Monachos variis passionibus non exercuerit, ita ut dici possint martyres suæ ætatis.



C A P U T X I I I

Persecutio in Monachos ab Episcopis. Notatur durities Episcoporum.

VARIIS temporibus persecutionem passi sunt Monachi non modo ab infidelibus & hæreticis, verum etiam a Principibus, verum etiam ab ipsis Episcopis, quorum in sinu & vlnis adoleverant. Tempore Gregorii I. Monachis Ariminensibus nimis gravis & infestus fuit Castorius Episcopus: qua causa motus est Pontifex ut eos liberaret a potestate Episcopi. Testis locuples ipse Gregorius lib. 4. epist. 41. 42. 43. ex quibus contextus est Can. *Luminoso* 18. quæstione 2. Inde secutæ sunt tot aliæ exemptiones monasteriorum, ut consuleretur quieti Monachorum: de quibus idem Gregorius libro 7. epist. 18. Indiſt. 1. Can. *Quam sit necessarium* eadem causa & quæst. Hac de re irati Episcopi vix tu-

lere Monachos. Inter cæteros notatur Fridericus Moguntinus Episcopus, quod cum Monachis immitius ageret, cautatus ex his plures ignavos & desidiat deditos esse, non attendens lolium molliter crescere inter segetes, nec avelli priusquam messis legatur. Witichindus libro 3. sub finem: Gravisque persecutio Monachus oritur, in diebus illis affirmantibus quibusdam Pontificibus melius arbitrati paucos vita claros, quam plures negligentes inesse monasteriis oportere: obliti, ni fallor, sententia patrisfamilie prohibentis servos rixania colligere, sed utraque crescere oportere, & rixania & triticum, usque ad messem. Quo factum est, ut plures propria infirmitatis conficii, deposito habitu & relicto monasteriis, grave onus Sacerdotum devitarent. Fuerunt autem quidam, qui Summum Pontificem Fridericum hoc non pure, sed fide fecisse arbitrati sunt, quatenus Venerabilem virum Regique fidelissimum Abbatem Hadumarum quoquo modo posset dehonestaret: ipse enim erat magna prudentia atque industria. Idem Abbas Urspergensis. Eodem ingenio in Synodo Romana habita a Callisto II. apud eum vehementius conquesti sunt Episcopi, sibi de apicibus Pontificii nihil fere residuum esse præter mitram & annulum, cætera jam a Monachis occupari, Ecclesias, villas, castra, decimas, oblationes. Leo Ostiensis Chronic. Cassinensis libro 4. cap. 80. In hac Synodo Episcopi adversus Monachos invidia inflammati cæperunt dicere, nihil superesse aliud, nisi ut sublatis virgis & anulus Monachis deservirent: illos enim Ecclesias, villas, castra, decimationes, vivorum & mortuorum oblationes detinere; conversique ad Pontificem, Decidit, aiebant, pudor Canonikorū, honestas obliverata est, Clericorū religio corrui, dum Monachi contempto caelesti desiderio, jura Episcoporum insatiabiliter ambiunt, & omnes quæ sua sunt querunt, & qui mundum cum suis concupiscentiis reliquerunt, his quæ mundi sunt, inhiare non desinunt. De Episcopis etiam frequentes audimus querelas Abbatum & Monachorum. Petrus Abbas Cluniacensis libro 1. epistola 3. Minoribus majores subditis prælati: Monachus Episcopi sic infestus sunt, ut non sicut pastores gregem pascere, sed sicut vere secundum Evangelium mercenarii, ad lanam tollendam, & lac emulgendum, toto annisu intendere videantur. Et Anselmus tum Ab-

bas Beccenſis, & poſtea Cantuarienſis Archiepiſcopus, lib. 2. epiſtola 33. ad Urbanum II. qua petit privilegium pro monaſterio Uti cenſi. *Non enim, inquit, ignotum eſſe puo veſtra excellentia, quia plures Epifcopi non tantum gaudent monaſteria paterna pietate nutrire, & Epifcopali cura erudire, quam auſtere quadam dominatione & propria voluntate gravare.* Vituperanda certe durities Epifcoporum in Monachos: hi enim Epifcopos vt Patres colere debent, Epifcopi Monachos amplecti vt filiolos & ſuſceptos ſuos. Placet mihi quam maxime media ſententia Joannis Epifcopi Conſtantinopolitani, qui Monachos in monaſteriis ſuis modeſte quieſcentes laudabat, eiſque neceſſaria ſollicite procurabat. At ſi quando prodirent in publicum, ac per urbem conſpicerentur, conviciis eos infeſtabatur, & ad ſua compellebat. Sozomenus libro 8. cap. 9. Duritiem Epifcoporum in Abbates vno verbo compeſcuit Alexander III. cum in gratiam Cifterciienſium conſtituit, vt ſi Epifcopus cum humilitate ac devotione tertium conventus Abbatem noluerit benedicere, Abbati liceat proprios Monachos benedicere, & alia quæ ad officium pertinent exercere, *donec Epifcopus duritiem recogitet, & Abbatem benedicere acquieſcat.* Cap. *Statuimus extra De ſupplend. negligent. Prælat.*



C A P U T X I V.

*Monachi infeſti Epifcopis. Ne Epifcopi accuſentur
a Monachis.*

MONACHIS non pepercere Epifcopi, Epifcopis quaſi non pepercere Monachi. Diſſidia & ſchiſmata inter utroſque, quod pene eſſari pudet, ſemper extitere. Etiam ipſi Baſilio Monachorum parenti & legum latori, graves & inſenſi fuere Monachi Caſarienſes. Locuples teſtis Athanaſius epiſtola ad Palladium, qua ſignificat ſe eis ſcripſiſſe, vt quaſi filii obediant Patri, *ὡς υἱοὶ ὑπακούοντες πατρί, A Mo-*

nachis contumeliis affectus Nazianzenus & ipse ex Monacho Episcopus, attestante ipso epist. 81. In Theophilum Alexandrinum Episcopum quot turbas commoverunt Ægyptii Monachi, Origenis errorum infani sectatores, Nicephorus Callistus lib. 13. cap. 10. Joanni Chrysostomo quam molesti fuere Monachi, vagantes & circumforanei. Idem Callistus lib. 13. cap. 9. Zozimus libro 5. Quid Monachi Cantuarienses quam male affecti fuere in suos Archiepiscopos, eo usque ut Anselmo & Thomæ pro Ecclesiæ libertate tuenda exulantibus, non pepercerint. Joannes Saresberienſis epistola 227. *Monachi Cantuarienses hoc quasi hereditarium semper habent, ut Archiepiscopos suos oderint, & ut verbo faciam fidem, Anselmo, inquit, bis pro justitia exulanti nihil umquam solati contulerunt, contempserunt Radulphum, oderunt Guillelmum, Theobaldo tetenderunt insidias, & ecce nunc Thomam gratis insatiabiliter persequuntur.* Inde ortæ varix lites inter Monachos Cantuarienses & Archiepiscopos in curia Romana agitatæ, pro capella de Lamech: de quo agitur in cap. Cum ex injuncto. de oper. nov. nunciat. & cap. Dilecti. de appellat. De hujusmodi Monachorum in Episcopos inobsequio nimis offensi sunt religiosiores Ascetæ. Hieronymus ad Marcum Presbyterum: *Pudet, inquit, dicere: De cavernis cellularum damnamus orbem, in sacco & cinere volutati de Episcopis sententiam ferimus. Quid facit sub tunica pœnitentis regius animus? Catene, sordes & comæ non sunt diadematis signa, sed fletus.* Et Bernardus ipse Abbas Clarevallensis in Episcopos toto corpore & corde prostratus, in Cantic. sermon. 12. *Fratres, revereamur Episcopos, sed vereamur labores eorum. Si labores pensamus, non affectamus honores. Agnoscamus impares vires nostras, nec deleat molles & femineos humeros virorum supponere sarcinis, nec observemus eos, sed honoremus.* Monachorum vitium istud & labem animorum agnovere Pontifices: ac ne Episcopi paterent insidiis Monachorum, vetuere Episcopos accusari a Monachis. Hadrianus 11. in Capitulis capite 31. *Placuit eorum accusandi Sacerdotes & testificandi in eos vocem obstruere, quos non humanis, sed divinis vocibus mortuos esse scimus, &c.* Can. Placuit 2. quæst. 7. Idem ante ca-

vit Dionysius Arcopagita epistola 8. ad Demophilum Monachum : οὐ θμυτὸν ἱερὰ πρὸς τῷ ἱερῷ σε λειτουργῶν, ἢ τῷ ὁμολογῶν σοι θρησκείῃ διδόντα καὶ ἀσεβεῖν, εἰς τὰ θεία δοκῇ, καὶ ἄλλο. π τῷ ἀπειρημένων ἐξελέχτο δράσας. *Nefas est Sacerdotem a ministris, qui te superiores sunt, aut a tui Ordinis Monachis corrigi & reprehendi, sive aliquid impie in divina facere videatur, sive aliquid aliud eorum quæ vetant leges, fecisse arguatur.*





ASCETICON

SIVE

ORIGINUM

REI MONASTICÆ

LIBER QUARTUS.



CAPUT I.

*Postulantium vocatio probanda antequam admittantur.
Eis legatur regula.*



EXPOSITO statu Monachorum nunc Ordo rerum exigit vt sciamus quis sit modus Probationis & Professionis Monachorum, in Professione quænam edantur vota solemnna, & quis sit effectus Professionis. Quoniam propositum Monachorum, quo fideles studio melioris vitæ corpus & animam Deo offerunt, se ipsos abnegant, sibi & omnibus renunciant, est valde arduum & periculosum, & summa perfectionis Evangelicæ: non temere admittendi sunt, qui ad hoc propositum accedunt. Sollicite & curiose spectanda est.

Z

illorum vocatio, ne forte admittantur qui carent recto proposito, & a Deo vocati non sunt. Auctor sermon. ad fratres in eremo sermone 1. *Si quis autem de seculo ad nostram Congregationem venire desiderat, primo precipio ut probetur, an voluntas ex Deo sit: non enim debet esse violenta, non coacta, non mobilis, sed sempiterna, virilis, utilis, constans, & omni spiritu caritatis plena atque perfecta. Tunc enim proponatur ei quomodo abneget voluntatem propriam, & sponte sequatur me: nec veto quod cogitet amplius, quid necesse ei fuerit. Congruenter regula Benedicti capite 58. Noviter veniens quis ad conversionem, non ei facilis tribuitur ingressus: sed, sicut ait Apostolus, probate spiritus si ex Deo sunt. Per experimentum obedientiæ maxime probari potest vocatio accedentium ad Monasticen. Hoc argumento patuit vocatio Symeonis Stylitis, quæ novitate suspecta erat: nimirum is monitus a Patribus eremi, ut novum hoc vitæ genus dimitteret, & ad eremum transiret, is statim pariturus pedem extulit, ut e columna in qua stabat, se deponeret. Quo permotus nuncius, qui mandatum Patrum perferebat, annuit ut pergeret qua cœperat via, hæc verba effatus: *ἴσθι, καὶ ἀσπίσου, ἢ σάντι σου ὁδοὶ Θεοῦ* *Θεὸς ἔστιν.* Bono animo esto, & strenue rem gere, statio tua a Deo est, ut narrant Evagrius lib. 1. cap. 13. & Nicephorus Callistus libro 14. cap. 51. Vocationis spectandæ causa, qui sese efferebant monasterio, non admittebantur in monasterium, priusquam per decem dies excubassent pro foribus monasterii, patientiæ periculum facturi. Cassianus de institut. Cœnobitar. cap. 3. *Idcirco ambiens quis intra cœnobii recipi disciplinam, non ante prorsus admittitur, quam diebus decem, vel eo amplius, pro foribus excubans, iudicium perseverantia, ac desiderii sui, pariterque humilitatis ac patientiæ demonstraverit. Idem capitulum 36. ejusdem libri: In hac quoque humilitate ac patientia, qua ut susciperis in monasterio, decem diebus perseveras, multis lacrymis implorasti: non solummodo persistas, verum etiam proficias atque succrescas. Idem collat. 20. capite 1. de Abbate Pinufio a suo monasterio ad Tabennense clam emigrante: Ubi tamen ne ullo habitus sui proderetur indicio, indutus veste seculari, multis, ut illic moris est, diebus lacrymans pro foribus excubavit, atque ad omnium genus provolutus, post eorum diuturna fastidia, tan-**

dem ut susciperetur obtinuit. Probatus patientia decem dierum ad ostium monasterii, nondum admittebatur in monasterium: sed dabatur ei locus in cella hospitem, & tradebatur magisterio senioris, qui habebat curam peregrinorum & hospitem, & post annum tradebatur alii seniori, qui decem junioribus instituendis præerat. Cassianus libro 4. de institut. Cœnob. capite 7. Pulsantibus, id est, Monachismum ambientibus, primam illam mansionem in cella hospitem statuit quoque Benedictus, sed pauciores per dies, & inde eos transtulit in cellam Novitiorum. Regul. prædict. cap. 58. *Ergo si veniens perseveraverit Pulsans, & illatas sibi injurias & difficultatem ingressus, post quatuor aut quinque dies visus fuerit patienter portare, & persistere petitioni suæ, annuatur ei ingressus, & sit in cella hospitem paucis diebus: postea autem sit in cella Novitiorum, ubi medietur & manducet & dormiat.* Inde Synodus Aquisgranensis anno Christi 817. canon. 34. *Ut Novitio non facilius in monasterium tribuatur ingressus, & ut in cella hospitem probationis causa hospitem servat paucis diebus.* Ingressurus monasterium vocationis probanda causa proponebatur via dura & aspera, qua itur ad Deum, semel atque iterum eis legebatur regula, antequam deducerentur in cellam Novitiorum. Benedictus Reg. capite 58. *Prædicentur ei omnia dura & aspera per quæ itur ad Deum, &c.* Adventantibus Novitiis ita durum & asperum sese habebat Bernardus Clarevallensis, ut eis proponeret foris dimittendum corpus quod de sæculo attulerant. Vit. Bernard. libro 1. capite 4. *Postmodum enim cum jam Clarevallis Abbas esset ordinatus, adventantibus Novitiis & festinantibus ingredi, audire eum soliti sumus predicantem, ac dicentem: Si ad ea quæ intus sunt festinatis, hic foris dimittite corpora quæ de sæculo attulistis.*



CAPUT II.

Quinam recipiendi in monasterium.

IN probanda vocatione expetentium vestem monasticam spectanda sunt multa: ætas, qualitas, fortuna, conditio,
Z ij

ingenium, & mores illorum. In his primum spectanda est ætas. Seniores non recipiendi, quia sunt indociles & indolates, disciplinam & exercitationes ferre non valentes. Juniores eligendi, quia tenerior ætas facilius componitur ad disciplinam, uti mollior cera impressum charactere facile recipit. Macarium jam ætate seniore in Monachum vix recepit Pachomius Abbas, quasi impatientem disciplinæ. *λοιπον, inquit, εις γηρας ηλθους ασκησιν ου πως διυιασαι· αδελφοι ειση δαυδ νεοττος ασκησασαις, κη τοις νενοις συωταφειντις εβουουσι τον κρηματον.* Non potes deinceps fieri Monachus, qui sis tam provectus ætate, non potes te exercere: sunt fratres qui se exercent a juventute, & laborem tolerant. Paulum Simplicem ætate jam sexagenarium, post tridui decubationem ad ostium ejus cellulae, fractus ejus patientia vix admisit Antonius: *εις ης ητρημενα γαρον αυθεντος ουδ μοναχος ηνυιασαι ου δυναται.* Senex sexagenarius non potes hic fieri Monachus. De utroque narrat Palladius Historiæ Lausiacæ capite 20. & 28. Cum Pinus Abbas clam relicto suo monasterio assumpta seculari veste, ad Tabennensem monasterium migrasset non sine multo despectu, tandem admissus propter ætatis senium. Cassianus de institut. Cœnob. libro 4. capite 30. Puerum se in Monachum admissum testatur Serapion Abbas apud Cassianum collat. 2. cap. 11. *Cum adhuc essem puerulus, inquit, & cum Abbate Theone commanerem.* Serius, id est, ante annum 40. Sanctimoniales velari vetuit Synodus Agathensis can. 19. quem Synodo Carthaginensi falso tribuit Gratianus. Can. Sanctimonialis 20. quæst. 1. Et hæc fuit vetus disciplina Ecclesiæ, forte propter levitatem sexus, quæ ætatis maturitate purgatur, & propter laxiorem regulam, quæ etiam in provectiori ætate ferenda est. Ambrosius de Virginibus libro 3. *Adiunt etiam plerique maturioris ætatis virgines esse velandas; neque ego abnuo, sacerdotalis esse cautionis debere, ut non temere puella veletur. Spectet plane, spectet ætatem Sacerdos, sed fidei vel pudoris. Spectet maturitatem verecundia, examinet gravitatis canitiem, morum senectam, pudicitia annos, animos castitatis.* Denique non virtutem ætatis appendicem dicimus, sed virtutis ætatem. Conjugati quoque non admittendi in monasterium invita vxore, ne adulterio detur occasio. Basilii re-

gular. fufius difputatar. regul. 12. Can. *Agathofa* 27. quæft. 2. & tot tit. *De converf. Conjugat.* Nec probatur quod Theonas invita vxore abjecta, Monachum profeffus eft: de quo Caffianus collatione 21. capite 9. Liberi vero Monachi fieri poffunt, etiam invito patre, cujus in poteftate funt. L. *U* non liceat. L. *Deo nobis.* §. 1. C. *De Epifc. & Cleric.* Novell. *Justin.* 123. capite 41. In his quæ funt Dei & religionis, non fpectatur patria poteftas: Deus venit in mundum, vt dividat liberos a parentibus. *Matth.* 10. *Non veni, inquit, pacem mittere in terram, fed gladium.* Gladius hic fpirituaks eft quo abfcinduntur liberi a parentibus. Hieronymus ad Heliodorum: *Licet parvulus ex collo pendeat nepos, licet fparfo crine & fciffis veftribus ubera quibus te nutrierat, mater oftendat, licet in limine pater jaceat, per calcatum perge patrem, ficeis oculis ad vexillum crucis avola: folum pietatis genus eft, in hac re effe crudelem.* Auguftinus in *Psalm.* 44. interpretans prædicta verba Matthæi: *Placet juveni alicui Deo fervire, difplicet Patri, divifi funt adverfus fe: ille promittit terrenam hereditatem, ille amat cæleftem: aliud ifte pollicetur, aliud ille eligit: non fibi putet pater factam injuriam, Deus folus illi præfertur. Et tamen litigat cum filio volente fervire Deo: fed fortior eft ille gladius fpirituaks feparans, quam copulans natura carnalis.* Et quod ex can. 5. Gangrenfis Synodi fi qui filii parentes, maxime fideles, defuerint ~~monachos~~ *monachos*, prætextu divini cultus, anathemate damnantur. Can. *Si qui filii* 30. diftinct. statutum eft fpecialiter propter liberos qui ab hæreticis feducti religionis obtentu recedebant a parentibus fidelibus, non fine religionis periculo. In monafterium nec recipiendi funt fervi fine confenfu domini. L. *Servus.* C. *De Epifc. & Cleric.* Novell. *Justin.* 123. cap. 35. Concil. Chalced. can. 4. Can. *Qui vere* 16. quæft. 1. Can. *Si quis incognitus* 17. quæft. 2. *Bafilii* regular. fufius difputatar. inter. 11. Onefimum Philemonis fervum e fure & fugitivo ad fidem converfum domino remisit Paulus: de quo extat ipfius Apoftoli epiftola ad Philemonem, qua fervum meliorem factum ei commendat. *Forfitan enim, inquit, ideo difceffit ad horam a te, ut æternum illum reciperes.* Ubi Hieronymus: *Nonnumquam malum occafio fit bonorum, & hominum prava confilia*

Deus vertit ad rectum. Rei jam postulati criminis non admittuntur ad militiam. L. ultim. ff. *De re milit.* neque ad monasterium: & ob delictum ante ingressum religionis commissum, nihil vetat eos puniri a iudice seculari, juxta Constitutionem Sixti V. Covarruvias practicar. quaest. cap. 32. Jul. Clarus Prax. criminal. §. ultim. quaestione 6. num. 43. Non desunt tamen qui metu mortis ob delictum secedentes in eremum, ad summam sanctitatis apicem pervenere, quales memorantur Moses Abbas & Macarius, digni exemplo Moyses, qui a corde Aegyptii recens secessit in montem Sina, ibique dignus est habitus visione Domini: de quo Sozomenus lib. 6. cap. 29. Palladius Histor. Lausiace cap. 17. Cassianus collat. 3. cap. 5. Latronem quendam Monachum effectum abjecto habitu captum scelerum poenas dedisse narrat. Moschus Limon. cap. 166. Latronem tamen post publicam confessionem scelerum in Monachum attonsum, & in fratrem receptum, probat Joannes Climacus scal. 4. Constitutione Mauritii militum vel ratiociniis publicis obligati arcebantur omnino a Clericatu & Monastice. Hanc ita temperavit Gregorius, ut obligati rationibus publicis non admittantur ad monasterium, priusquam ratiociniis publicis absolvi sint, neque milites, antequam per triennium in habitu seculari probati sint. Testatur ipse libro 7. epistola 11. Can. *Legem* 53. distinct. Item obtrati, puta debitores fisci vel privatorum, non sunt suscipiendi in monasterio, ne in monasterio latere videantur in fraudem fisci vel creditorum. Basilii regul. brevior. capite 94. Rodericus tom. 2. quaest. regul. quaest. 63. art. 6. & tom. 2. quaest. 10. art. 9. Laborantes etiam morbo sentico seu perpetuo vel contagioso, puta lepra, epilepsi, non sunt suscipiendi: etsi professi fuerint, eorum Professio est nulla & irrita. Rodericus tom. 3. quaest. regular. quaest. 17. art. 9. Etiam Monachi alterius monasterii suscipi vetantur sine licentia Abbatis sui. Concil. Agathens. can. 58. Can. *Monachum* 20. quaest. 4. & regul. Benedicti cap. 71. Goffridus Abbas Vindocinensis libro 4. epistola 2. ad Pontium Abbatem Cluniacensem, de Petro Goscelini Monacho Vindocinensi, qui transierat ad Cluniacenses. *Quod si alicujus privilegii auctoritate Monachum de noto & regulari*

monasterio sine licentia sui Abbatis vobis retinere conceditur, huius auctoritas privilegii contra sancti Benedicti regulam nititur. Alias non idem est de Monachis ac de Clericis: Monachos enim de quacumque diocesi suscipi nihil vetat, etiam invito suo Episcopo, quia monasteria sunt loca pœnitentia, quæ patent omnibus converti studentibus. Augustinus epist. 15. ad Quintianum Episcopum. *Miror ergo prudentiam tuam, quod me admonueris, ut jubeam non recipi eos, qui ad nos a vobis ad monasterium veniunt, ut quod statutum est a nobis in Concilio, permaneret. Recense ergo Concilium, & omnia quæ ibi legeris commenda memoria: & ibi etiam invenies de solis Clericis fuisse statutum, non etiam de laicis, ut undecumque venientes non recipiantur in monasterium, non quia monasterii facta mentio est, sed quia sic institutum est, ut clericum alienum nemo suscipiat. Spuria non arcentur a Monachatu. Cap. 1. extra De filiis Presbyter. quia Professio purgat labem natalium. Gloss. in cap. ult. eodem tit. Chopin. 1. Monastic. tit. 3. num. 7. de quo plura. Idem loco. Denique ne a monasterio repellantur egeni, quod per famem & inopiam Deus ad se homines trahat, optimus mihi auctor est Hieronymus lib. 7. in Esaiam cap. 23. *Sæpe videmus in saculo quosdam de alio proposito transire ad aliud, verbi gratia ut qui militiam male experti sunt, transcant ad negotiationem, rursumque caufidicos bellatorum arma corripere: mutant industriam, ut mutant infelicitatem; & nihilominus dispensatione Dei, his quos salvare dignatur, omnia nitentibus evenire contraria, ut per inopiam ac miseras cogantur non in se, sed in creatore suo habere fiduciam. Optandum est ut boni ingredientur religionem, quo meliores fiant: mali non rejiciendi, sed diligentius probandi. Augustinus in Psalm. 99. *Nam quid dicturus est mihi quisquis talibus locis forte præest, imo servit fratribus in his quæ monasteria dicuntur: quid dicturus es? Cautus ero, nullum malum admittam. Quomodo nullum malum admittes? Nullum hominem malum, nullum fratrem malum intrantem admissurus sum, cum paucis bonis bene mihi erit. Ubi cognoscis quem forte vis excludere? Ni cognoscatur malus intus, probandus est. Quomodo ergo excludi, intraturum, qui postea probandus est, & probari nisi intraverit, non potest?***

CAPUT III.

Professionis regularis tempus.

RELIGIONIS candidati ad Professionem admittendi non sunt, priusquam probentur, ne si admittas expertes disciplinæ, facile & cum rubore deficiant a proposito, vel non idonei reperi turpiter ejiciantur. Ad Olympicos ludos non admittebantur athletæ, nisi prius exercitati palæstra, & jurati se decem menses adimplesse *ic donnon, in exercitationem*, ut tradit Pausanias in Eliac. 1. Quanto convenientius idem desideratur in agone spirituali, in quo non de inanis gloriæ compendio, sed de summa rerum, de salute ac de Christi regno certatur. Hac comparatione usus Cassian. de instit. Cœnob. libr. 4. cap. 13. *Cumque nos nulla concupiscentia turpis respersos infamia examen certamini præsidentis invenerit, nec fuerimus ab eo ut servi carnis & ignobiles indignique Olympiaci vitiorum colluctationibus judicati, tunc poterimus contra coævus nostros, id est, concupiscentiam carnis & motus ac perturbationes anima, inire certamen.* Et idem cap. 16. ejusd. lib. *Itaque ventris & gula concupiscentia hoc intuitu superata, nec servi carnis, nec infames vitiorum nota pronuntiati, velut in Olympiacis disciplinis judicabimur superiorum quoque certaminum digni esse conflictu.* Ingredientibus monasterium proponi omnia dura & aspera, regulam eis legi justis intervalis, semel atque iterum & tertium injuriis & conviciis eorum patientiam tentari, præcipit Regula Benedicti cap. 58. quod ex usu Patrum Ægyptiorum translatus: sic enim Pinuñum in Tabennensi monasterio post decem dierum excubationem pro foribus monasterii, lacrymis madentem, ad Patrum genua provolutum, post longa eorum fastidia tandem susceptum refert Cassianus collat. 20. cap. 1. His tamen modus adhibendus. Probandi tyrones, sed ut probentur, non statim supra modum onerandi, ne insueti oneris mole oppressi deficiant: nec rursus nimis eis indulgendum est,

est, ne mollioribus innutriti asperiora ferre non valeant. Isidor. Pelusiot. lib. 1. epist. 258. τοὺς ὅτι μοναχὸν τροπαχῆς οὐτε καταπορίζειν οὐδὲ τὰ κανόνος ζυγὰ, ἵνα μὴ διδῶς ἐν πλεονεξίᾳ ἀπείπωσιν, οὐτε ἀδικήσους καὶ δαίμονας ἰαῶν, ἵνα μὴ πρὸς ῥαθυμίᾳ ἐμπέσωσιν. *Monasticos tyrones nec regula jugo onerare oportet, ne statim in initio animo frangantur; nec rursus indomitos ac malorum expertes relinquere, ne in socordiam & ignaviam prolabantur.* Juniores non ut servi, sed ut filii cum caritate tractandi. Basil. regular. fusius disputatur. regul. 15. ἅλλ' ἐκτρέφεισθαι μὲν αὐτὰ ἐν πάσῃ ἀγάπῃ ὡς κοινὰ τέκνα τῆς ἀδελφότητος. Sed educandi illi quidem sunt cum omni caritate; non secus ac si communes totius fratrum collegii filii essent. Eadem est fere sententia Gregorii lib. 5. epist. 49. Indiēt. 14. Quisquis, inquit, divina inspiratione compunctus, relicto saeculi hujus actionibus ad Deum converteri festinat, ita cum caritate suscipiendus est, & blandis per omnia consolationibus fovendus est, ut in ea quam elegit Deo adjuvante delectetur modis omnibus conversationem persistere. Tyrones post decem dierum vel pauciorum excubationem ad ostium monasterii, & post justam mansionem in cella hospitum seu peregrinorum, probationis causa collocantur in cella Novitiorum, quæ erat distincta a claustro Professorum. Regul. Benediēt. cap. 58. Postea autem sit in cella Novitiorum, ubi medietur & manducet & dormiat, & mox tunc ducatur in cellam Novitiorum. In Cassinensi monasterio a Desiderio Abbate seorsim extructam cellam Novitiorum refert Leo Ostiensis Chronic. Cassinens. lib. 3. cap. 31. Ab Occidentali parte claustri Novitiorum cellam decenter aptavit, in qua juxta institutum regulare meditari, quiescere atque comedere Novitii ipsi deberent. Et cum Carlomanus frater Pipini ignotus Cassinense monasterium expetiisset, ut ibi in Monachum admitteretur, in cella Novitiorum cum socio locatus. De quo Regino 2. Chronic. ad ann. 746. Spiritualis Pater ejus precibus annuens, præcepit eum in cella Novitiorum recipi una cum suo collega, probari secundum quod regula jubet. De Bernardo Clarevallensi postea Abbate memoratur jam annum eum exegisse in cella Novitiorum, cum inde exiens ignoraret, an domus ipsa (ea erat Cistercium) habet testudinem, quod solemus vocare doma seu

fastigium: de quo in vita ipsius Bernardi lib. 1. cap. 4. *7am* quippe annum integrum exegerat in cella Novitiorum, cum exiens inde ignoraret, an haberet domus ipsa testudinem, quam soleamus dicere celaturam. Eiusd. vit. eod. lib. cap. 13. In cellam Novitiorum probandum intromisit. Et infra: Vidit idem Stephanus, sicut confessus est, cum in cella Novitiorum adhuc demoraretur, Maurulum quendam puerum ab oratorio se extrahentem. Novitiis seorsim diatam seu cœnaculum ponit Basil. regular. fufius disputatar. cap. 15. ἀφωείδεται ἢ καὶ οἴκου καὶ διαταται τοῖς πᾶσι τοῖς παιδὶν, καὶ ταῖς ἡγέταις. Seorsimque ipsis locus & diata in qua habitent, assignari debet. Novitii præter cellam seu diatam habebant etiam chorum proprium, & segregatum a choro Professorum. Cæsarius de Miraculis libro 4. cap. 54. Cumque Novitiis in choro Novitiorum staret, & clamores Monachorum in choro superiori super caput suum cantantium frequenter exciperet, tentari cœpit. Novitiis Probationis & disciplinæ gratia imponitur Magister, vnus e senioribus, qui eos instituat regularibus in officiis. Regula Benedi&. cap. 58. Et senior ei talis deputetur, qui aptus sit ad lucrandas animas, qui super eum omnino curiose intendat, & sollicitus sit si vere Deum querit, si sollicitus est ad opus Dei, ad obedientiam, ad opprobria. Imo & Novitiis adhuc in cella hospitum, quæ erat in vestibulo monasterii, stantibus, suus erat senior seu Magister. Cassian. de institut. Cœnobitar. lib. 4. cap. 7. Cum igitur quis susceptus fuerit, non statim congregationi fratrum commisceri permittitur, sed deputatur seniori s qui seorsum haud longe a vestibulo monasterii commanens habet curam peregrinorum & advenientium deputatam. Interim dum Novitii probantur, qua humilitate & devotione se habere debeant, ex his intelliges, quod seniori seu Magistro cogitationes malas statim notas facere debent, ne tentationibus frangantur. Regul. Bened. cap. 4. Cogitationes malas cordi suo advenientes, mox ad Christum allidere, & seniori spirituali patefacere. Quod a Patribus Ægyptiis haustum videtur. Cassian. de institut. Cœnob. lib. 4. cap. 9. Consequenter instituuntur, nullas penitus cogitationes prurientes in corde perniciose confusione celare, sed confestim, ut exorta fuerint, eas suo patefacere seniori. Quod & repetit idem collat. 2. cap. 10. Et iisdem sine Præpositi permissu, ne quidem na-

turalis necessitatis causa, pedem efferre licet. Cassian. de instit. Cœnob. lib. 4. cap. 10. *Post hæc tanta observantia obedientia regula custoditur, ut juniores absque Præpositi sui scientia vel permissu, non solum non audeant cella progredi, sed ne ipsi quidem communi ac naturali necessitati satisfacere sua auctoritate præsumant.* Initium Probationis Novitiorum confessio omnium peccatorum, qua eluantur omnes labe vite antea actæ. Ita Cæsarius de Miraculis lib. 3. cap. 1. *Necessarium est scire ista Novitii maxime, qui mox post conversionem suam omnia peccata qua commiserunt, tenentur Abbati suo confiteri.* Dum probantur Novitii, debent stare in timore, & adversus tentationes colluctari. Bernard. in Cantica sermon. 33. *Fili, accedens ad servitutem Dei, sta in timore, & præpara animam tuam ad tentationem, &c.* Olim Novitii probabantur in veste sæculari, nec vestem mutabant ante Professionem. Regul. Benedict. cap. 58. *Suscipiendus frater in oratorio exuatur rebus propriis, quibus vestitus est, & induatur rebus monasterii.* Synod. Aquisgranens. ann. Christi 817. can. 34. *Ipse vero nec tondeatur, nec vestimenta pristina immutet, priusquam obediẽtiam promittat.* Et Synod. Romana apud Gregor. lib. 4. epist. 44. Indict. 13. *Quisquis ex juris ecclesiastici servitute ad Dei servitium converti desiderat, probeatur prius in laico habitu constitutus.* Idem fuit ritus apud Patres Ægyptios. Cassian. de instit. Cœnob. lib. 4. cap. 5. *Susceptus in concilio fratrum productus in medium exuatur propriis, ac per manus Abbatis induatur monasterii vestimentis.* Hodie ingredientiẽs monasterium in ipso Probationis initio vestem mutant, & regularem suscipiunt, ne in pari professione dispar sit habitus. Concil. Trident. sess. 25. de Regular. cap. 15. *Olim etiam Novitii non admittebantur ad Professionem ante triennium.* Novell. Justin. 5. cap. 2. & Novell. 123. cap. 35. Synod. VI. in Trull. can. 41. *Hodie Probatio est vnius anni, ita ut Professio ante annum non valeat.* Cap. *Ad Apostolicam.* de Regular. cap. *Non solum.* cap. *Constitutionem* eod. tit. in 6. Conc. Trident. sess. 25. de Regular. cap. 16. de quo plura infra dicemus.





CAPUT IV.

Novitii dicti Pulsantes, Incipientes, ἀρχαῖοι, ἐκπύθοι.
An pro religiosiis habeantur.

NOVITII donec profiteantur, proprie Monachi vel religiosi non sunt, quia Monachum facit Professio. Can. *Monachum* 20. imo inter laicos censentur: quam ob causam dicuntur Novitii, vt distinguantur a Professis, exemplo fervorum, quos inter Novitii dicuntur qui nondum annum servierunt. L. ult. §. *Quotiens. ff. de publican.* Necnon iidem ejusdem distinctionis causa, dicuntur Pulsantes, quasi stantes & pulsantes ad ostium, nondum ingressi monasterium. Regula Benedicti, quæ mihi est vice legis Apostolicæ, cap. 58. *Ergo si veniens perseveravit pulsans, annuatur ei ingressus, & sit in cella hospitum paucis diebus.* Et in vita sancti Walerici apud Suriium 1. Aprilis. *Perspecta itaque tanta ejus gratia, beatus Pater Columbanus jussit eum inter probatos recipi Monachos, quem alii tanquam Novitium inter Pulsantes statuendum censuerant.* Unde locus Probationis, vel saltem in quo ingredientiæ monasterium primitias probationis experiuntur, vocatur Pulsatorium. Capitulare Aquisgranens. *Ut ad monasteria venientes secundum regularem ordinem primò a Pulsatorio probentur, & sic recipiantur.* Eadem analogia iidem promiscue Incipientes vel Novitii dicti. Cassian. collat. 20. cap. 1. *Ac furtim ascendens navem, ad Palestinam Syria provinciam transmeavit, ubi velut Incipiens atque Novitius in illo, in quo nos degebamus, monasterii receptus habitaculo, in nostra cella ab Abbate præceptus est commanere.* Et quod idem significat Græcis ἀρχαῖοι. Dorotheus doctrin. 4. οὐπὲς ἀρχαῖον ἀρχαῖος ἐστίν. Hic adhuc Novitius & Incipiens est. Joannes Climacus scal. 4. καὶ ἐν τῇ ἰσχάτῳ ἀρχαίων κατατόνῃσι χαίρει. Et in novissimorum tyronum locum redegit. Hesychius: εἰσαγαγνοὺς, νεαροὺς, ἀρχαίους, introductos, juniores, incipientes. Euthologium Græcorum: ἀνοδευθία εἰς ἀρχαίους πατροεσώτα.

Ordo instituendi Incipientem rasam ferentem. πασοφόρειος id erat genus vestis peculiare, quo utebantur Novitii, a quo Græcis dicti πασοφοροι. εἰσαγωγικοί voca etiam Climac. grad. 20. τοῖς εἰσαγωγικοῖς ὡς ἐν τῷ πολέμῳ ὑποτίθεται. Tyronibus primum movet bellum. Eosdem νεοπαγεῖς, Neophytos tyrones vocat Pelusiotæ lib. 1. epist. 258. τοῖς ἑβ' ὑσταχῶν νεοπαγεῖς. Quem amulatus Joannes Climacus grad. 4. ἐγὼ ἐκείνῳ παρὼν ἑβ' πνῶν ἑβ' νεοπαγῶν πῆν. Admiratus ego præsens ibi quorundam tyronum fidem. Inde beneficium Novitii non vacat ante Professionem: & si forte id dimiserit interim, & postea ante Professionem egressus sit monasterio, datur ei regressus ad beneficium. Can. Gonsaldus 17. quæst. 2. Cap. Beneficium, de Regular. in 6. Cap. Ex transmissa, de renunciat. Et ut consulatur Novitio, non debet is renunciare beneficio sine consensu Superioris, nec priusquam altero mense ante Professionem. Concil. Trident. sess. 25. de Regular. cap. 16. Flamin. Paris. de resignat. benefic. lib. 3. quæst. 13. Eadem ratione iidem non habent vocem in Capitulo Cap. ult. extr. de stat. Monach. Clem. Ut ii qui. de etat. & qual. & ordin. præsic. Et ante Professionem de bonis suis disponere possunt, & si disponant, habent suos heredes. Gloss. in cap. 2. de Regular. in 6. Conc. Trident. sess. 25. de Regular. cap. 16. Capitulare Aquilgranens. can. 34. Res vero quas habet, (Novitius) parentibus suis commendat: expleto autem Probationis sue anno, secundum quod regula præcipit inde faciet. Novitii tamen in aliis pro religiosis habentur, & gaudent jure & privilegiis regularium: puta gaudent privilegio fori, nec in civilibus vel criminalibus causis possunt conveniri coram iudice sæculari. Et si quis eos percusserit, incidit in excommunicationem latæ sententiæ, id est, can. Si quis suadente. Cap. Religioso. §. ult. de sentent. excommunic. in 6. Et Novitio vacans beneficium conferri non potest. Gloss. in d. cap. Beneficium. Nec is vitur jure retractus gentilitii. Quæ omnia fusc persequitur Tiraquell. de retract. gentil. §. 1. gloss. 8. num. 21. & seqq. Tamburinus de jur. Abbat. tom. 3. disp. 6. quæst. 27. & 28.





CAPUT V.

Ne quid exigatur pro ingressu monasterii. Ne plures Monachi recipiantur, quam res monasterii ferre possunt.

QUALITER Novitii recipiantur, jam observatum est: nunc an pro receptione illorum pecunia exigi possit, videamus. Sicut ordinatio Clericorum, ita & receptio Monachorum, quæ est genus ordinationis, debet esse gratuita. Ex Conciliis Lateranensi & Turonensi (vtrumque est habitum sub Alexandro III.) districte vetatur ne quid a Novitiis exigatur pro ingressu monasterii: alioquin simonia contrahitur. Cap. *Monachi. de stat. Monach. cap. Non satis. cap. Veniens. de simonia.* Idem ante statuit Synod. Melitana can. 12. Can. *Nullus Abbas* 1. quæst. 2. & Synod. VII. quæ est Nicæn. II. can. 19. & Capitulare Aquisgranens. can. 75. Etiam pro receptione Monialium ne quid exigeretur prætextu paupertatis, vetuit Concil. generale Lateranense habitum sub Innocent. III. Cap. *Quoniam* extr. de *simon.* Sed si quid vltro offeratur sine pacto, nihil vetat accipi. Cap. *Tua* nos cod. tit. Regul. Benedict. cap. 58. Goffrid. Vindoc. lib. 4. epist. 49. *Nihil tamen pro faciendis Monachis quarimus: sed si quid oblatum fuerit, quia illud regula suscipi iubet, suscipimus.* Imo quod vetitum fuit quidpiam exigi pro receptione Monialium, abrogatum est constitutione Martini V. vt consulatur egestati Monialium, quæ honeste paupertatem ferre non valent. Gloss. in Pragmatic. tit. *De Annat.* §. 1. *vers. labore.* De his Guid. Papa quæst. 80. & ibi Ferret. & Capell. Tolof. decis. 311. Certe veterum Patrum sententia fuit, pro his qui suscipiendi sunt in monasterio, quicquam accipiendum non esse, ne de his quæ obtulerint, intumescant, vel fratres qui vacui & inanès admissi sunt, confundantur: quod vitandum esse monuit Apostolus 1. Corinth. 11. de iis qui in Ecclesia epulas inferrent: *Confunditis eos qui non habent.* Basilien. regul. brevior. capite 304. Cassianus de institut. Cœnob. libro 4.

suscepit eum intra monasterium, tendensque illum tradidit ei religiosum habitum. Indignante Polyeneto Patriarcha C.P. quod Romanus Augustus Joannem quemdam ex Monacho Clericum inter cubicularios admisisset, negavit Imperator eum rite professum esse: ἢ ὁ γὰρ οὗτος τῷ ἱερείῳ λῆσεν. Ab ullo sacerdote, id est, Abbate Presbytero, benedictionem suscepisse. Cedren. in Romano. Aliquando tamen de consuetudine receptio Professionis Monachorum pertinet ad Abbatem & Monachos. Cap. vlt. & ibi Gloss. de Regular. in 6. Oldrad. consil. 97. Boer. decis. 260. Et hæc intelligenda sunt de Abbate regulari: Abbatis enim commendatarii nullæ sunt partes in receptione Professionis Monachorum, quia non habet jurisdictionem spirituales, sed tantum administrationem, nisi sit Cardinalis: quo casu Abbatis regularis jure utitur. Chopinus Monastic. libro 1. tit. 2. Idem de Doman. lib. 3. tit. 28. Professio fit Deo, Abbas est testis Professionis, non dictator seu stipulator. Bernardus epist. 7. ad Adam Monachum. Item notum est solemniter ac regulariter profiteri quemque in presentia Abbatis. In presentia ergo tantum, non etiam ad nutum ipsius fit cuiusque Professio: testis proinde adhibetur Abbas, non dictator Professionis. Idem epist. 108. ad Thomam de S. Audomaro: Testis accitus sum, & non dominus voti. Professio fit publice in Ecclesia ante altare. Profitens prius interrogatur ab Abbate, an renunciaret sæculo: professus se renunciare, fusa benedictione tondetur, & detracta veste seculari induitur veste monastica, & sacre communionis fit particeps. Dionysius Arcopagita de Ecclesiastica. Hierarch. cap. 6. ὁ μὲν ἱερεὺς ἔστηκεν ἐπὶ τοῦ θείου θυμιατήριου, ἡ μοναχὸς ἐπὶ τῇ ἐκκλησίᾳ. ὁ δὲ πλὴθύμνος ἐπίστα τῷ ἱερείῳ ἔστηκεν, οὐκ αὐτῷ πρὸ πόδε, οὐκ ἕνα πρὸν ποδῶν, οὐκ ἐπὶ κεφαλῇς ἔχον τὰ θεωρητικά λόγια, μόνον ὃ τῷ ἱερεὶ παριστὰς ἱερολογεῖται τὴν ἐπ' αὐτοῦ μουσικὴν ἐπίκλησιν. πλείους δὲ αὐτῶν ὁ ἱερεὺς ἐπὶ τὸν πλὴθύμνον ἰδὼν, ἐπερωτᾷ πρῶτον αὐτὸν, εἰ πάντας ἀποτάττειται ταῖς διαμεταῖς, οὐ μόνον ζωῇς, ἀλλὰ καὶ φαντασίαις. εἴτα τὴν πλειοτατὴν αὐτοῦ ζωὴν ὑφηγᾷται, μνηστεύμενος ὅτι γὰρ τῆς μόνης αὐτοῦ ὑπακομῆς καί. ταῦτα δὲ πάντα τῷ πλὴθύμνῳ προσεχῶς ὁμολογήσαντος, τῷ σωεσθῆναι πίπτον σφεραγματός αὐτοῦ ὁ ἱερεὺς, δορυκείρῃ τὴν πτῆλιν τῆς δεξιᾶς μακαριότητος ἐπιβοήσας ὑπόστασιν,

ἡρώσασιν, καὶ τὴν ἐθνητα πᾶσαν ἀπαμφίσας, καὶ μετὰ τῆς ἄλλων
 ἱερᾶν ἀνδρῶν ὅσοι παρίσιν, ἀσπασάμενος αὐτὸν κοινῶν ὀποτιλεῖ τῆς
 διαρχικῶν μυσηλῶν. Sacerdos quidem stat ante divinum altare,
 precationem qua Monachos attingit, recitans ac pronuncians: is
 autem qui consecratur & initiatur, stat post Sacerdotem, nec
 verumque genu flectit, nec alterum, nec caput habet suppositum
 a Deo traditis Evangelii; sed tantum praeſto est Sacerdoti, qui
 mysticam precationem pro ipso recitat. Sacerdos vero ea perfecta
 cum ad eum qui initiatur, venit, illum rogat primum, num re-
 mittat nuncium, non solum divitiis distinctisque vitis, verum
 etiam imaginationibus; deinde perfectissimam ei vitam exponit,
 hoc pro testimonio dicens, eum mediam vitam superare ac transi-
 lire oportere. Quae ubi omnia is qui initiatur, contemperter professus
 est se esse facturum, Sacerdos signo crucis eum consignatum ronet,
 appellans tres personas divinae beatitudinis, omnique veste detracta
 eum alia induit, & cum aliis sanctis viris qui adsunt, cum
 eum salutavit, participem facit divinarum mysteriorum. Ritus
 solemnes Professionis hic unus omnes fere collegit hoc loco:
 alios alii sparsim tradidere. Ritus interrogationis Basilii
 2. ad Amphilocho. can. 19. ἐνδομαί μενηγάσθαι μεσηνῆν,
 ἐξεπαύσαι αὐτοῦ, καὶ λαμβανέσθαι τὴν παρ' αὐτῶν ὁμολογίαν ἐνερῶν.
 Existimo precedere oportere, ut ipsi interrogentur, & evidens ipso-
 rum accipiat Professio. Ritus benedictionis, solemnitatem
 numeri testium Ivo Carnotensi. epistola 41. Quod vero postea
 multiplicatis Monachorum Congregationibus, Professiones ab eis
 exactae sunt, & benedictiones super eos datae, quadam cautela
 factum est, ut monasticus Ordo quanto firmiter in conspectu Dei
 & hominum & solemnius ligaretur, tanto robustius & devotius
 ab ipsis servaretur; & si qui vellent ab hoc proposito recedere,
 testimonii pluribus convincerentur, & tanquam iurati in Chri-
 sti Sacramenta tyrones ad propositum suum reverti cogerentur.
 Solemnem confessionem Professioni praeſtiam non tacuit
 Joannes Climacus scal. 4. Ἐξομολογήσασθαι τὸν πῶν ἐπαρτίω
 ἀδελφῶν ἀποκαθύναι, καὶ τῶν ἀδελφῶν συγκαταριθμῶναι. Confes-
 sum statim jubet in Monachum attonderi, & Fratribus cooperari.
 Quandoque Professio & rasura Monachorum fiebat in Ca-
 pitulo. Casarius de Miraculis lib. 4. cap. 51. Novitius quidam
 cum in Hemmenrode satis tranquille annum peregrisset Probatio

nis, & voluntate stabilitatis expressa in Capitulo radendus esset in Monachum. In Professione Profitenti induitur cuculla, quæ est vestis talaris, cum caputio. Rufinus de vit. Patrum lib. 1. cap. 9. Inter quos accessit ad eum adolescens quidam, cupiens ejus esse discipulus, cui ille cum habitum Monachorum, hoc est, lobetam & cucullam ac melotem, quæ est caprina pellis, imposuisset, docere eum de ceteris Monachorum institutionibus cæpit. Et Cæsarius de Miraculis lib. 1. cap. 3. Ecce tali intentione legit Professionem, promisit obedientiam, induit cucullam. In Professione mutatur nomen, quasi ea novi hominis natalis sit & regeneratio. Balsam. in can. 5. Synod. Constantinopolitan. I. & II. πρῶτον δὲ εἰσελθόντων εἰς μοναστήρια, ἔρασσοφρονησάντων, ἴσως καὶ μὴ τρισαγίου ἐκ τὰς, καὶ ματομομαδόντων, καὶ ἀπλῶς καὶ μοναχοῖς ἀναστρέφομενων. Cum enim aliqui monasteria ingressi essent, & rafa induiti, & cum in Trisagio in templo & nomen mutavissent, & ut scilicet dicam, instar Monachorum & intra & extra versarentur. Nicephorus Gregor. lib. 9. de Andronico seniore. ἀκαρτος ἕκαστος τῶν τε κοινῶν κίερον τῶν τε, ἔ τὸ μοναχικὸν ἅμα ἐξελθῆσαι, καὶ εἰς Ἀρτέμιον τὸ ὄνομα μεταφίερον. Volentem nolentem tondent, & cucullo induunt, atque Antonium nominant. Leo Ostiensis in Chronic. Cassinens. lib. 3. cap. 4. de Gregorio Abbate. Is Desiderium multa hilaritate suscipiens, quia cunctis desiderabilis erat; tunc primum mutato ejus nomine, Desiderium appellari iussit; nam usque ad id tempus Danferius vocabatur. Professio alia est expressa, alia tacita. Expressa est quæ fit solemniter in scriptis adhibita subscriptione vel signo Profitentis, post probationem per annum. Concilium Tolet. X. can. 4. & 5. Can. Vidua 20. quæst. 1. can. Omnes femina 27. quæst. 1. Professio expressa requirit scripturam & testes, nec probatur nisi per litteras, non per testes. Can. Legum 2. quæst. 1. Gloss. in cap. 1. de censib. in 6. quod Constitutione Molinensi artic. 55. sancitum est. Professio tacita est quæ fit per gestationem habitus monastici ultra annum, ubi non est distinctus habitus Professorum & Novitiorum. Cap. Ex parte. de Regular. cap. 1. eod. tit. in 6. Clem. Eos qui eod. tit. Cap. vn. de vor. & vor. redempt. Hoc refert inter Professionem expressam & tacitam, quod prioratus vel administratio regu-

laris non potest conferri nisi expresse Professis. Cap. Nullus. cap. Indemnitatibus. de elect. in 6. Clem. Ne in agro. §. Ceterum. de stat. Monachor. Chopinus 1. Monastic. tit. 3. numero 4. Alias Professio tacita æque obligat religioni ac expressa. Goffridus Windocinensis lib. 4. epist. 28. Igitur si consuetudinaria Professio, quæ sit visibiliter, & benedictio illum, sicut dicitis, non tenet ligatum, proposita devotio religionis, in qua adhuc perseverat, mundo amplius non patitur esse solum, præsertim cum illam Professionem sua voluntate jam fecisset, & suscepisset benedictionem, si per nos ei dilatum non extitisset.



CAPUT VII.

De Professione singularia quedam. Professio repetita.

OLIM Professio non fiebat ante triennium. Nov. Justin. §. & nov. 123. cap. 35. auth. Verum. C. De Episcopis & Clericis. Synod. Constantinopolit. I. & II. can. 5. apud Balsamon. Quod petium est ex regula Pachomii, de qua Sozomen. lib. 3. cap. 13. τὸν ἢ συνοικεῖν αὐτοῖς βουλομένων, οὐ μένει ὅτι τριετίας τὰ χαλιπώμενα τῷ ἔργῳ πόνειν. Siquis cum ipsis habitare cuperet, ut primo omnium ad triennium gravioribus laboribus exerceretur, & ita eorum convictus particeps fieret. Et Pallad. hist. Lausiac. cap. 38. τὸν μὲν τὸ εἰσελθόντα εἰσάγει συνοικεῖν αὐτοῖς. ὅτι τριετίας εἰς ἀγῶνα ἀδύτων αὐτὸν οὐ δέξεται, ἀλλ' ἔργα πικρὰ ἔργα ποιῆσαι, οὕτως εἰς τὸ σάδιον ἐμβαίνειται μὲν τὴν τριετίαν. Semel ingredientem, nec valentem cum eis ad triennium sustinere certamen, non admittes. Sed cum opera feceris. difficiiora, sic prodeat in studium post triennium. Imo & non ante quadriennium sc. extra Claustrum, & triennium in Claustro. Synod. VI. in Trull. can. 41. Hodie Professio fit post annum Probationis. Professio ante impletum annum Probationis est nulla & irrita. Cap. Porrectum. cap. Ad Apostolicam. de Regular. cap. Non solum cod. tit. in 6. Concil. Trident. sess. 25. de Regular. cap. 15. Vita D. Bernardi lib. 4. cap. 1. Nec longe aberat dies, qua post annum ex

Bb ij

move Probationem, novum indueret hominem, si non prius hominem exuisset. Jure veteri Professio ante pubertatem, emissia non valet. Can. *Illud* 20. quæst. 1. can. *Pueri* 22. quæst. 5. Concilium Moguntin. can. 23. cap. 1. de *Regularibus*. cap. *Ad nostrum*. cap. *Significatum*. cap. *Virum* eod. tit. Imo & ex Constitutione Gregorii I. Professio non valebat ante plenam pubertatem, id est, ante 18. annum, in monasteriis quæ erant in insulis maris, propter cæli & soli asperitatem. Can. *Quia autem* 20. quæst. 1. cap. *Quia in insulis*. de *Regularibus*. Hodie in personis utriusque sexus Professio nulla est ante impletum 16. annum. Concilium Tridentin. sess. 25. de *Regularibus* cap. 15. Item non valet Professio, nisi facta sit in vna ex religionibus approbatis. Cap. vnic. de *vor. & vor. redempt.* Hinc Rubrica de regular. & transeuntibus ad religionem est accipienda de transeuntibus ad vnam ex religionibus approbatis. Professio debet effect libera: per vim & metum extorta, nullius est momenti. Cap. *Perlatum*. de *his qua vi metusve causa*. Hinc Abbas Cassinensis in Synodo apud Cyperanum Leonis Ostiensis lib. 4. cap. 1. *Non vult*, inquit, *Dens coacta servitia: unde si contra voluntatem monasterium arripuistis, institutum vestrum erit, vel relinquere illud, vel tenere*. Et instante Polyeneto P. CP. apud Constantinum Imperatorem, ut Joannem quendam ex Monacho Clericum Palatinum domo arceret, non annuit Imperator, causatus eum non rite & vere professum, sed propositum simulasse, ὅτι τὸν τῷ βασιλεὺς φόβῳ, metu Imperatoris, refert Cedren. pagina 529. Professio igitur per vim & metum extorta est nulla; sed superveniente consensu convalescit. Cap. *Significatum*. cap. *Cum virum*. de *Regular.* nempe olim silentio anni & dici. Can. *Puella* 20. quæst. 1. cap. *Siquis*. de *Regular.* vel silentio quinquennii. Concilium Tridentin. sess. 25. de *Regular.* cap. 19. Si enim Professus proclamare potuit, cur tamdiu tacuit? Cap. 1. de *frigid. & malefic.* cap. ult. *Qui cleric. vel vovent. matrim. contrah. poss.* Item Professio facta ab Episcopo sine licentia summi Pontificis non valet, cum non possit dimittere sponsam, id est, Ecclesiam, sine licentia summi Pontificis. Cap. *Nisi cum pridem*. cap. *Post translationem extr. de renunciat.* Tamburinus tom. 3. de jur.

Abbat. disputat. 6. quæst. 16. Inde memoratur Gaufridus Silvanectensis Episcopus cessisse episcopatu impetrata licentia summi Pontificis, & Monachum professum in cœnobio Caroli loci Cisterciensis Ordinis. Rigord. in Philippo 4. anno 1153. *Gaufridus Silvanectensis Episcopus sentiens se tam ætate quam corpulentia ponderosa insufficientem oneri quod jam per triginta annos portaverat, impetrata a summo Pontifice, sicut in jure cautum est, licentia, renunciavit episcopatu, & transtulit se ad Monachos Karoli loci Cisterciensis Ordinis.* Similiter non valet Professio facta a servo sine consensu domini, reclamante domino intra biennium. Can. *Siquis incognitus* 17. quæst. 2. Nulliter Professus potest reclamare contra Professionem intra quinquennium; ultra non auditur, nisi vis & metus & impedimentum reclamandi duret ultra quinquennium. Reclamans hæc tria observare debet. Primum, ut reclamet intra quinquennium, non durante impedimento. Secundum, ne habitum ante reclamationem deponat. Tertium, ut causas nullitatis suæ Professionis proponat coram Ordinario & suo Superiore. Concilium Tridentin. sess. 25. de Regular. cap. 19. Tamburinus de jure Abbatum tom. 3. disputat. 6. quæst. 25. Roderic. quæst. regular. tom. 3. quæst. 18. artic. 16. & 17. Nullitas Professionis disceptanda est apud Ordinarium vna & Superiorem regularem, quia ejus est potissimum scire an justa sit causa reclamandi contra Professionem. Hoc jure Archiepiscopo Consentino conquerente apud Urbanum II. in Synodo habita apud Cyperam, se sede sua pulsum per Rogerium Siciliæ Regem, & invitum Monachum tonsum, Pontifex rem judicandam rejecit ad Abbatem Cassinensem tamquam proprium judicem rei. Leo Ostiensis Chronic. Cassinens. lib. 4. cap. 51. *Ad hæc Pape, Non, inquit, hoc attinet ad me; hujusmodi quippe cognoscere & vindicare, Abbati Cassinensi prædecessores mei sua auctoritate contulerunt: ideoque Cassinensis Abbas super hac re respondeat.* Nulliter Professus intra quinquennium potest reclamare contra Professionem apud Ordinarium & Superiorem, post quinquennium non auditur; non prohibetur tamen propter restitutionem adversus vota a summo Pontifice post quinquennium, impetrato in hanc rem rescripto Pontificio: sed post quinquennium non licet reclamare apud Or-

dinarium & Superiorem jure ordinario. Et ita judicavit Oliva lib. 1. cap. 5. Non omittendum hoc loco quod post quinquennium restitutus adversus vota, non restituitur ut succedat bonis paternis vel maternis, vel ut repetat beneficium, cui semel renunciavit, vel ut revocet alienata medio tempore, quia restitutio non retrograditur in præjudicium tertii. Flamin. Paris. *De resignar. benefic.* lib. 3. quæst. 13. num. ult. Oliva lib. 5. cap. 5. Professio est actus legitimus & solemnus, qui non recipit conditionem. L. *Actus legitimi de Rl.* Puta Professio non potest ita fieri, ut proprium quis retineat: quia illud est contra substantiam voti, & sic indispensabile, etiam per summum Pontificem. Pontifex quidem de plenitudine potestatis potest quempiam absolvere a Monachatu, & de Monacho facere non Monachum: sed stante Professione non potest cum eo dispensare, ut proprium retineat. Cap. *Cum ad monasterium* in fin. & ibi Gloss. extr. *de stat. Monach.* Rebuff. *de regia ad Prælat. nominat.* 5. *Monasteriis*, in verb. *religiosis* in Concordat. Chopinus *Monastic.* lib. 1. cap. 3. num. 8. Staphil. *de litteris gratia.* tit. *Religios. Profess.* num. 12. Barbof. *Juris Ecclesiastic.* lib. 1. cap. 2. num. 131. Etsi Professio sit vice baptismi qui iterari non debet, cap. ult. extr. *de baptism.* tamen non est novum nec inutile Professionem repeti, ut firmiter servetur repetitum propositum. Virginem semel in Basilica Petri consecratam, rursus in monasterio Bethheemitico Deo dicatam narrat Hieronymus in Sabinianum Diaconum, qui virginem Deo sacram ad stuprum sollicitaverat post Apostoli Petri Basilicam, in qua Christi flammeo consecrata est post crucis & resurrectionis Dominica Sacramenta, in quibus rursus in monasterio victuram sponderat. Primum Professio fiebat ante altare, tum repetebatur ante crucem cellæ, in ingressu ipsius cellæ. Petrus Damian. lib. 6. epist. 13. *Recordare, venerabilis Pater, quia te presente Frater ille, & prius ante sanctum altare Ecclesiæ, & postmodum ante crucem cellula, sub excommunicationis se denotavit elogium, si nostri prioratus obedientiam ex industria ulterius violaret.* Laudandi Patres Societatis JESU, qui ex regula iterum in anno, in festis Resurrectionis Dominicæ & Nativitatis, vota sua, qualiacumque sint, repetunt.

Quo mirum in modum fovetur vigor & genius religionis, recenti semper in animis votorum & promissionum memoria. Nec dispari forte consilio, licet impari gratia, in mysteriis gentilium solemnia initiationis sepius repetebat Sacerdos iis qui initiabantur. Dio Chrysost. orat. 17. ὡς περ γὰρ ἐν τοῖς μυστηρίοις ὁ ἱεροφάντης οὐχ ἅπασι προεαγορεύει τοῖς μυστηρίοις ἔχουσι ὡς καὶ τοὺς αὐτοὺς προποῖ, καὶ τοῖς ὑπὸ τῆς συμφορῆς τοῦ λόγου, ὡς περ ἀπὸ ῥήσιν ἱερῶν λυσίπλει πολλάκις, μᾶλλον ἢ αἰεὶ λέγειν. Quemadmodum enim in mysteriis Sacerdos non semel tantum predicat iis qui initiantur, unumquodque eorum quæ oportet, eo modo & sermones de utilibus rebus, tanquam sacram predicationem conducit frequenter, imo semper haberi. Eodem consilio in rebus politicis sacramentum in nomen Principis quot annis instaurari suadebat Messala. Tacit. 1. Annal. Addebat Messala Valerius renovandum per annos sacramentum in nomen Tyberii. Eodem ingenio Mediolanensibus in ordinem redactis a Friderico Ænobarbo lex dicta, ut præstaretur quoquo quinquennio iusjurandum solemne de pace servanda. Gunter. Ligurin. lib. 8.

Ac ne forte sacra veniant oblivio pacis,

Singula juratam renovent quinquennia formam.

Nec omittendum quod ut Professio firmior esset iurejurando sancita, de Professione Carolomanni testatur Anastas. in Zachar. Et post aliquantum temporis ad beati Benedicti, quod in Aquinensium finibus situm est, profectus est monasterium, in quo & suam finire vitam iure professus est jurando. Unde Professionem monasticæ religionis sacramentum vocat Goffridus Vindocinens. lib. 2. epist. 30. Carissime Pater & Domine, per primæ regenerationis, & per monasticæ religionis sacramentum, veterem exuisse hominem, & induisse novum me profiteor. Optime quia Professio regularis est jurata, & Professio solemnis habet vim sacramenti.



CAPUT VIII.

Merita & effectus Professionis regularis.

EXPOSITIS solemnibus monasticæ Professionis, subit
disquirere quænam sit gratia, quis effectus Professio-
nis. Varia sunt charismata, varii effectus Professionis. I. Pro-
fessionis præcipua & singularis gratia est, quod benedictio
Professionis confert Spiritum sanctum, quasi ordinationis
vice testata miraculis. Casarius de Miracul. libro 1. cap. 3.
*Noverunt multi Henricum Conversum de claustro Hemmenrode,
Magistrum in grangia, quæ vocatur Hart, qui testatus est Spi-
ritum sanctum in specie columbe super caput cuiusdam Novitii
descendisse, cum in Monachum benediceretur ab Abbate.* II. Pro-
fessio religiosa habet vim & gratiam baptismi, & secundum
baptisma vocatur. Hieronymus ad Paulam de obitu Blefil-
læ: *Cum propitio Christo ante quatuor fere menses secundo quo-
dammodo se propositi baptismo laverit, & ita deinceps vixerit,
ut calcato mundo semper monasterium cogitaverit, non vereris,
ne tibi Salvator dicat: Irasceris, Paula, quia filia tua, facta est
filia mea.* Idem ad Demetriadem: *Nonne quia sæculum reli-
quisti, & secundo post baptismum gradu inisti pactum cum ad-
versario tuo, dicens es: Renuncio tibi, diabole, & sæculo tuo, serva
fœdus quod pepigisti.* Et Bernardus de præcept. & dispensat.
sub finem: *Audire, inquit, & hoc vultis a me, unde inter
cetera pœnitentia instituta, monasterialis disciplina meruerit
hanc prærogativam, ut secundum baptismum nuncupetur: arbitror,
ob perfectam mundi abrenunciationem, &c.* III. Professio mo-
nastica solvit alia omnia vota, ita ut in votum religionis
alia omnia vota transfundantur. Cap. Scripturæ extra De
vot. & vot. redempt. Divus Thomas Cap. 22. quæst. 88. artic. 12.
add. 1. Anselmus libro 3. epistola 33. ad Richardum Mona-
chum: *Audivi, frater mi, quia antequam Monachus fieres, in
agritudine venisti, te iturum ad sanctum Ægidium: & ideo
modo timidus & nimis sollicitus es de voto illo solvendo, ita ut
quiescere non possit cor tuum, nisi ad sanctum Ægidium iveris:*

de

de qua re non debet, &c. Et infra: Certus enim esse debes, quia cum te ipsum Deo totum votuisti, & reddidisti per monachicam Professionem, solvisti omnia vota minora quarumlibet actionum, qua prius sine iurejurando & fidei allegatione promissisti. Idem libro 3. epistola 154. De voto Monachi, de quo nostrum vultis audire consilium, qui antequam ad nostrum Ordinem veniret, vovit se numquam amplius vinum bibiturum: hoc mihi videtur esse faciendum, quod fit a maioribus nostri Ordinis, & maxime apud Cluniacum, videlicet ut huiusmodi vota, qua sunt sine promissione fidei & sacramento, in voto monachici Ordinis, in quo homo quicquid ad se pertinet & se ipsum totum Deo offert, judicentur esse completa, & sit in dispositione Prælati, vel ea servare rationabiliter, vel mutare. Et Cæcilius de Miraculis libro 1. capite 6. Habet Ordo Cisterciensis a Sede sibi Apostolica indultum, ut cruce signatus, vel voto cuiuslibet alterius peregrinationis obligatus, si transire voluerit ad Ordinem, Deo & facie Ecclesiæ sit absolutus. IV. Professio etiam solvit irregularitatem, quæ oritur ex defectu natalium, non in totum, sed quoad Ordines, & quoad minora beneficia, non quoad dignitates & Prælaturas regulares obtinendas. Ex Concilio Pictaviensi capite 1. De filiis Presbyterorum, & ex Concilio Claromontensi habito sub Urbano II. apud Matthæum Parisiensem ad ann. 1195. & ex Constitutione Urbani II. quæ est in can. Presbyterorum, Can. Nisi 56. distinct. Ratio canonum est, quia Professio propter meritum actus quo quis se Deo offert, detergit omnem humanam maculam. Novell. 5. De Monachis in princip. Chopin. Monastic. libro 2. tit. 3. num. 7. v. Effectus Professionis est, quod Professi pro mortuis habentur: institutum vitæ monasticæ est mortis genus. Eugenius IV. Monachus sedeat solitarius & taceat, quia mundo mortuus est, Deo autem vivit. Can. Placuit 16. quæstione 1. Balsamo in can. 41. Synod. VI. in Trull. *μᾶλλον ἢ τὸ λαμνέειν ὅτι κατὰ νόμον ἰουδαίου πρὸς τὸ εἶναι βραχυτάτου οἰκιστοῦ ἐλευθερίαν ἰωὺ τὸν ὦ: πρὸς τὰ παρ' ὅλον τὸν τῆς οἰκίας ζωῆς χρόνον.* Magna quedam res est & incæptum valde audax, separatim & in solitudine quiescere, ac silentium agere, seipsumque in exigua domuncula tamquam toto vitæ suæ tempore mortuum includere. Joannes Climacus Scal. Paradis. grad. 27. *ὑπομνητικὸς αἰὲρ*

ὡς μνήματος τίθηται, ὡς μὲν αὐτὸ τὴν κέλλαν ποιοῦν μένος. Vir patiens ante mortem est mortuus, qui cellam suam in sepulcrum vertit. Hinc & Monachismum νεκροποιὸν ἀφ' ἑωρῶν, mortificantem vitæ rationem, appellat idem Balsamo in canone 6. Synod. Constantinopolitan. I. & II. Cassianus collat. 24. capite 9. Abbas Apollo, Ignoras ergo, ait, me quoque ante annos viginti huic mundo fuisse defunctum, nullaque jam posse de hujus cellæ sepulcro, quæ ad præsentis vitæ pertineant statum, tibi solatia conferre. Hinc Monachi judicio neque convenire, neque conveniri possunt. Can. Nullus 2. quæst. 1. Non possunt Clericum acculare, vel adversus eum testificari, quia vocem habent funestam. Can. Placuit eadem causa & quæst. can. Canonica 3. quæst. 5. Chopin. de S. Polit. libro 3. cap. 1. num. 17. Capell. Tolos. quæst. 20. Iidem non possunt pro aliis postulare in foro. Cap. 2. De postuland. Vita D. Gofuini libro 3. capite 36. Alienæ causæ numquam voluit proloquutor fieri, sed magis elegit humilis Monachus appellari, quam causidicus curialis. Non possunt parochialia seu curam animarum exercere, prædicare verbum Dei, sine licentia Episcopi. Can. Placuit. can. Interdicimus. can. Juxta. can. Adjicimus 16. quæstione 1. Monachus non docentis, sed lugentis habet officium. Hieronymus ad Riparium: Monachus non docentis, sed plangentis habet officium, qui vel se vel mundum lugeat. Can. Monachus 16. quæst. 1. Chrysostomus 1. ad Timoth. Homil. 14. οὗτος οἰκεία πνεύματι καὶ μετάνοια. Vere domus luctus monasteria sunt. Bernardus in cantic. sermon. 64. Et scimus Monachi officium esse non docere, sed lugere. Ex his nempe claret & certum est, quod publice prædicare, nec Monacho convenit, nec Novitio expedit, nec non misso licet. Inde semel Professi non possunt testari de rebus suis. Ex Novell. Justin. 5. cap. 5. & Novell. 123. cap. 38. & 48. Novell. Leon. 5. L. 5. C. Theodos. De bon. Cleric. & Monach. & Constitutione Gregorii I. Can. Quia ingredientibus 19. quæst. 3. idque ne quidem ex dispensatione Summi Pontificis. Cap. Cum ad Monasterium in fin. De statu Monach. Et si dispensetur, ab executione dispensationis licet appellare, tanquam ab abusu. Durantus quæst. 13. Brodeus in Loetium in litt. C. num. 8. & litt. R. num. 41. Explosis Constitutionibus Gregorii, ex

quibus licebat Pontifici dispensare cum Monachis, vt testarentur: de quo Gregorius libro 9. epistola 22. Indictione 4. & idem libro 11. epist. 5. Indict. 4. Ante Justinianum Monachos jus testandi habuisse aperte insinuat Lex *Si quis Presbyter. C. De Episc. & Cleric.* Si Monachus intestatus decesserit, non existentibus liberis, nec parentibus vel cognatis, bona ejus acquiruntur monasterio. Cui congruit Novell. 123. cap. 38. unde desumpta est authen. *Si qua mulier. C. De SS. Eccles.* Leges Wisigoth. libro 4. tit. 2. num. 12. Juxta hujus temporis usum memoratur testamentum Antonii magni, quo tritam melotem & pallium Athanasio, a quo novum acceperat, Serapioni Episcopo alteram melotem, fratribus cilicium reliquit, teste ipso Athanasio in ejus vita in fine, & Hieronymo. Monachos si non testarentur, suos heredes habere maluit Augustinus epistola 19. in 2. Appendic. Nam quum quisque ad monasterium convertitur, si veraci corde convertitur, illud non cogitat, maxime admonitus quantum malum sit: usque adeo autem eodem jure Presbyteri Honorati est illud unde agitur, ut non solum alibi ordinatus, sed adhuc in Tagastensi monasterio constitutus, si re sua non vendita, vel per manifestam donationem in quempiam translata moreretur, nonnisi heredes ejus in eam succederent, sicut Frater Æmilianus in illos triginta solidos fratri Privato successit. Hodie semel Professi testari non possunt, & si ante Professionem intestati decedant, habent suos heredes, nec eis succedit monasterium. Nec enim in Gallia servatur authen. *Ingressi. C. De SS. Eccles.* ex qua ingressi monasterium ipso ingressu se suaque dedicant Deo, nec de his testantur, utpote nec domini rerum. Monachus etiam Professus quasi mortuus non potest esse executor testamenti. Cap. *Religiosus. de testament.* in 6. Clementina vnic. eodem tit. Concilium Tridentinum sess. 22. *De reformat.* capite 8. Rodericus quest. regular. tom. 3. quest. 70. art. 1. Eadem ratione Monachus tutoris vel curatoris officio fungi non potest. Novell. 123. cap. 5. authent. *Presbyteros. C. De Episc. & Cleric.* d. cap. *Religiosus. de testament.* in 6. Nam Monachi non possunt fungi officio judicis secularis. Cap. *Sed nec. ne Cleric. vel Monachi secul. negot. se immisc.* Can. *De presentium* 16. questione 1. Notatur Justinianus II. quod

Monachum quendam Theodotum nomine Logothetam creasset. Paulus Diaconus libro 22. *Similiter & in generalis Logothetii rebus constituit Monachum quendam Theodotum nomine, qui primo inclusus fuerat in Thracensibus Augusti partibus, sed & in ipsum savissimum existentem, &c. iidem arcantur prorsus a Republica, etiam ab officiis palatinis. Indignante Polyeneto Patriarcha Constantinopolitano, quod Romanus Imperat. Joannem quendam ex Monacho Clericum suos inter cubicularios recepisset, hoc pacto se excusavit, quod per vim & metum Professum diceret, ex Cedreno. Non prohibetur tamen Monachus vel Canonicus regularis esse Vicarius Episcopi. Gloss. in d. can. De presentium. & in cap. Statutum. de rescript. in 6. Joannes Andreas in cap. ultim. De cleric. agrot. vel debilit. demptis Mendicantibus. Clement. Ut Professores. de regular. Concilium Tridentin. sess. 25. De reformat. cap. 4. Rebuff. in Prax. part. 1. in form. Vicariat. num. 30. 32. Guid. Pap. quæst. 212. Marcus quæstione 1285. part. 1. ne Monachi desint Ecclesiæ, si forte eorum ope & consilio egeat. vi. Professionis effectus est, quod si Monachus Professus eligatur in Episcopum, ordinatione non desinit esse Monachus, neque solvitur votis religionis, sed absolvitur a jurisdictione Abbatis, & iugo regulæ, & quicquid postea acquirit, acquirit monasterio. Can. De Monachis 16. quæst. 1. can. Statutum 18. quæst. 1. cap. Cum olim. de privileg. Monachus Episcopus vel Cardinalis creatus vestem mutare non potest. Synod. Constantinopolit. VIII. act. 10. capite 27. Can. Sanctimonialis. & ibi Gloss. 23. distinct. cap. Clerici extra De vit. & honest. Cleric. Matthæum ex Monacho Cluniacensi Cardinalem, & Albanensem Episcopum, quod exemplo Martini nihil de Monacho mutasset, laudat Petrus Cluniacensis de Miraculis libro 2. capite 14. Profectus ergo ad sublimem Pontificalis ordinis gradum, & super Ecclesiæ candelabrum ad lucendum omnibus, qui in domo Dei erant, magnifice exaltatus, nihil de Monacho quorundam more dimisit, sed sicut de magno Martino legitur, eadem in corde ejus humilitas, eadem in vestitu ejus vilitas mansit. De his Boer. decil. 158. Chopin. de sacr. Polit. libro 2. tit. 8. num. 11. Idem libro 1. Monastic. titulo 3. num. 7. Loetius in litt. E.*

num. 4. VII. Professionis effectus est, quod parentibus non licet liberos quasi ingratos exheredare ob eam causam, quod monasterium ingressi sint. L. *Ut non liceat*. L. *Deo nobis*. §. 1. C. *De Episc. & Cleric.* Novell. 123. cap. 41. Can. *Non liceat* 19. quæst. 3. quod statutum est, quia parentes solebant exheredare liberos odio Monachismi: de quo dolet Salvianus libro 3. ad Eccles. *Denique si qui a parentibus filii offeruntur Deo, omnibus filiis postponuntur oblati, indigni judicantur hereditate, qui digni fuerant consecratione, ac per hoc una tantum re parentibus viles sunt, quia ceperunt Deo esse pretiosi*, &c. VIII: Professionis effectus est, quod Professio monastica æquatur matrimonio, & conditio nuptiarum impletur per Professionem: puta si legetur puellæ sub conditione nuptiarum, legatum debetur puellæ, si monasterium ingrediatur. Novell. Justinian. 123. capite 37. authent. *Nisi rogati*. C. ad Trebell. 1x. Professionis effectus est, quod monasterium est loco filii, puta si cui fideicommissum relictum sub conditione liberorum, & monasterium ingrediatur, fideicommissum debetur. Novell. 123. cap. 3. d. authent. *Nisi rogati*. & L. *Sancimus*. §. *Item illud statuimus*. C. *De Episc. & Cleric.* x. Professionis effectus, quod si sponsalia solvantur ingressu monasterii, sponsus sine ullo damno arrhas recipit, nec sponsa tenetur in duplum, sed hoc dumtaxat restituit, quod accepit: nam & nuptiis solutis per Monachismum, unusquisque res suas recipit pro dote vel ante nuptias donatione traditas, & hoc tantum lucri consequitur, quod debetur a lege vel ex pacto in casum mortis. d. L. *Deo nobis*. An Professio monastica inducat capitis minutionem negat Cujacius in d. Novell. 5. contra Accursium, optima ratione, quia nec civitatem, nec libertatem, nec familiam adimit. *Non omnis, inquit, status mutatio, capitis minutio est; manumisso non est capitis minutio*. L. 3. ff. *De capit. minut.* Senatu motio non est capitis minutio. L. 3. *De Senator.* L. pen. *de extraord. cognit.* Monachismus non est capitis minutio: nam & jus legitimarum hereditatum Monachi habuere. L. ultim. §. *Hoc etiam*. C. *De Episc. & Cleric.* & ante d. Novell. 5. habuere bona propria, & testamenti factionem. L. *Generali*. C. *De SS. Eccles.* Nec testa-

mentum irritum fit Monachismo, quod tamen irritum fit capitis minutione vel minima. Quod probatur d. Novell. 5. & Novell. 76.



C A P U T I X.


Monachum facit aut propria Professio, aut paterna devotio seu oblatio. Ritus oblationis liberorum manu involuta palla altaris.

MONACHUM facit aut propria Professio, aut paterna devotio, id est, oblatio. Concilium Toletanum IV. can. 48. Can. *Monachum* 20. quæst. 1. & Concil. Wormat. can. 23. Cap. *Cum virum. de Regular.* Solebant parentes liberos impuberes offerre Deo, ut fierent Monachi, adhibitis pluribus testibus, ut tolleretur occasio maledicti, id est, calumniæ. Concilium Aquisgranense can. 36. quem perperam laudat Gratianus ex nona Synodo. Can. *Non oportet* 20. quæstione 2. Hujus instituti auctorem habemus Basilium, qui regular. fufius disputatur. interrog. 15. pueros in monasteria admittit, *ἀπὸ τῆς πρώτης ἡλικίας*, ab ipsa prima ætate, ita ut parente destituti, solo admittentis arbitrio: qui vero Patrem haberent, ab ipso oblato coram multis testibus accederent. Solemnis fuit hujusmodi oblatio liberorum: moris fuit a parentibus liberos offerri ad altare, manu involuta palla altaris. Regula Benedicti cap. 59. *Si quis forte de nobilibus offerre filium suum Deo in monasterio, si ipse puer in minoritate est, parentes ejus faciant petitionem, & manum pueri involvant in palla altaris, & sic eum offerant.* Hoc argumento probabat Lamberti pater, Professionem filii nullam esse, quod absque patris oblatione & Abbatis benedictione effectus esset Monachus, ut refertur in can. *Præsens* 20. quæst. 3. qui est Nicolai I. ad Episcopos Galliarum: *Necque ego pater pallio altaris indutum illum obtuli.* Eodem argumento Professionem Roberti Nepotis apud Cluniacenses, quod petitio pro eo non fuisset facta a parentibus, nec oblatus fuisset manu involuta

palla altaris, nullam & irritam esse probabat Bernardus epistola 1. Videant & judicent quid potius stare debuerit, an vorum patris de filio, an filii de se ipso, præsertim cum filius aliquid majus devoverit. Videat & famulus tuus Legislator noster Benedictus, quid regularius fuerit, utrum quod factum est de infantulo, nesciente ipso, aut quod ipse per se postmodum prudens & sciens fecit, cum jam ætatem haberet, ut de se loqueretur, quamquam dubium non sit promissum illum fuisse, non donatum: nec enim petitio, quam regula præcipit, pro eo facta fuit a parentibus, nec manus illius cum ipsa petitione involuta palla altaris, ut sic offerretur coram testibus. Pari ritu traditio sponsæ fiebat apud altare, manu obvoluta palla altaris, id est, pallio quo obregitur altare. Ejus rei singularis est locus in vita sancti Aichadri apud Surium 15. Septembr. Tum herus apprehensa mulieris dextera, manu pallio obvoluta, ut habet mos nuptiarum, coram adstantibus conservis, conjuge & prole, hilari vultu collocavit eam illi in matrimonium. Nec sine traditione alicujus prædii quasi pro dote a parentibus fiebat oblatio liberorum. Lco Ostiensis Chronic. Cassinensis libro 1. capite 16. Quidam etiam vir dives Waco nomine Beneventanus in expeditione constitutus, obtulit monasterio filium suum nomine Wachipertum cum x x. possessionibus suis variis in locis constitutis. Ekkeard Junior de casibus monaster. sancti Galli capite 10. de Burkardo ingenito: Pater illum tandem nutricis sinu abductum, Gallo ut cum matre voverat, super aram ipsius ponens, cum terris in Hoesten & decimis multum matrem plorans initiaverat. Hoc jure Cluniacenses dicebant Robertum oblatum monasterio, & prædium pro illo traditum. Bernard. prædict. epistola 1. Ostenditur deinde terra quæ cum illo & pro illo dicitur data fuisse: sed si cum terra eum receperunt, cur non & cum terra eum retinuerunt? Solebant pueri offerri monasterio a parentibus in Ordine beati Benedicti, & inde multis sæculis profecit sanctissimus Ordo, magistra rerum experientia docente in ista tenella ætate facilius pueros imbui disciplina, quam provectiores ætate. Concilium Aquigranense can. 45. Ut schola in monasterio non habeatur, nisi eorum qui oblati sunt. Cæsarius de Miracul. libro 6. capite 37. In diocesi Treverensi monasterium quoddam Sanctimonialium

situm est, Lutere vocabulo: in hoc ex quadam antiqua consuetudine nulla recipitur puella, nisi septennis sit vel infra, ad conservationem simplicitatis. Et Thomas Cantipratensis Apum, libro 1. capite 17. In monasterio nigri Ordinis puer quidam nobilis a parentibus traditus est, disciplinis regularibus educandus. Idem libro 2. capite 36. Antiquissimo more servatum est in Ordine sancti Benedicti, a cunabulis fere pueros indui, & sic eosdem ibidem per vitæ innocentiam educari: quod contra tamen sapius actum audivimus, nec approbamus per omnia puerum rationis expertem vovere quod nescit, sed potius adultum quemlibet, qui possit discretive reprobare quod displicet, & electione digna approbare quod placet. Licebat parentibus liberos offerre monasterio usque ad pubertatem, non ultra. Concilium Toletanum X. can. 6. Can. Si in qualibet 20. quæst. 2. Nec a jure vsuque veterum aliena est hujusmodi devotio parentum. Jure civili pater potest vovere liberos, & filiusfamilias sine auctoritate patris voto non obligatur. L. 2. §. 1. ff. De pollicitat. Et hoc de jure veteri Pontificio ductum, cujus scientissimus Virgil. lib. 11.

Ipse pater famulam voveo.



CAPUT X.

Consecratio Virginum.

SERIUS admissa est Professio Virginum quam virorum propter fragilitatem & levitatem sexus, quæ senioris ætatis probationem desiderat. Primum Sanctimonialiales ante annum 40. non velari placuit. Can. Sanctimonialiales 20. quæstione 1. quem Gratianus laudat ex Concilio Carthaginensi can. 41. Labente disciplina eo perventum est, ut virgines consecrarentur post 25. annum. Concilium Carthaginense III. can. 4. Can. Placuit eadem caus. & quæst. Concilium Agathense canon. 19. Turonense III. can. 28. Synodus VI. in Trullo canon. 6. Imo non ante 60. annum. Anastasius in Leone I. *Hic constituit ut Monacha non acceperet velaminis capitis*

capitis benedictionem, nisi probata fuerit in virginitate sexaginta annorum. Ad Episcopum pertinet consecratio, id est, benedictio puellarum: hæc ita propria est Episcoporum, ut vetetur Presbyteris. Concilium Carthaginense II. can. 3. Can. *Si jubet* 26. quæstione 6. Can. *Perlectis vers. ad Episcopum* 25. distinct. Hieronymus ad Demetriadem: *Scio quod ad imprecationem Pontificis flammæ virginalæ sanctum operuit caput.* Hinc Felicem Episcopum, vnum e Donatistis, qui virginem cui mitellam, id est, velum, imposuerat, stupravit, increpat Optatus Milevitanus libro 2. *Supra memoratus Felix inter crimina sua & facinora nephanda ab eo comprehensa puella, cui mitram ipse imposuerat, a qua paulo ante Pater vocabatur, nepharie incestare minime dubitavit.* Consecratio virginum non modo vetita est Presbyteris, verum etiam Chorepiscopis. Can. *Quamvis.* can. *Chorepiscopi* 68. distinct. Presbyter inconsulto virgines consecrare non potest. Concilium Carthaginense III. can. 86. Can. *Presbyter* 26. quæstione 6. Sed non prohibetur Presbyter virgines consecrare de licentia Episcopi: vnde Concilio Parisiensi can. 41. gravius redarguuntur Presbyteri, quod virgines consecrassent. Consecrationem virginum Episcopo reservatam, sed tamen si vsurpetur a Presbyteris, forte sine licentia Episcoporum, non iterari ab Episcopis ait Ivo Carnotensis epistola 41. *Unde nec consecratio virginum, quæ ex auctoritate Apostolica* * *Episcoporum privilegio reservatur, si aliquando a Presbyteris vsurpetur, propter sacramentum Christi & Ecclesiæ quod ibi coniunctur, nullatenus ab Episcopis iteratur.* Abbatissa vetatur puellam aut viduam velare. Can. *Statuimus* 20. quæst. vnde desumptus est can. 43. Concilii Parisiensis, licet vsu aliud receptum scribat Marcus decis. 959. quem vsu damnavit Innocentius III. in cap. *Nova quadam. de pœnitent.* *Nova quadam, inquit, nostris sunt auribus intimata, quod Abbatissa Moniales proprias benedicunt, &c.* Virgo cum offertur Episcopo ad consecrationem, debet præsentari in veste religiosa, non sæculari. Concilium Carthaginense IV. can. 11. Can. *Sanctimonialis* 23. distinct. Solebat offerri Episcopo, & recipi manu involuta palla altaris. Ordo Romanus: *Virginem Episcopo parentes cum oblatione offerant, & ille involu-*

tam manum ejus in palla altaris recipiat. Professio puellatum & viduarum aque ac virorum debet fieri solemniter in scriptis, adhibita subscriptione Profitentis, apud Sacerdotem vel Ministrum, id est, Presbyterum vices agentem Episcopi. Concilium Toletanum X, canone 4. Can. Vidua 20. quest. Concilium Parisiense can. 40. Pro solemnī consecratione virginum certi dies erant constituti, vti pro ordinatione Clericorum. Can. Devotis. can. Virgines 20. questione 1. Professionis virginum & viduarum hoc discrimen est, quod virgines consecrantur, id est, benedicuntur: viduæ tantum velamen & nigram vestem assumunt. Can. Devotis. can. Vidua 20. questione 1. Regino 2. Chronic. Eodem anno Berengarius quondam Italia Rex exul moritur, & in Babenberg regio more sepelitur, cujus vidua Willa, antequam sepeliretur, sibi velum sanctimoniale assumpsit. Virgines & viduas cum velantur, tonderi moris fuit. Hieronymus in Sabinianum Diaconum: Moris est in Aegypti & Syriae monasteriis, ut tam virgo quam vidua, quæ se Deo voverint, & seculo renunciantes omnes delicias seculi conculcarent, crinem monasteriorum matribus offerant desecandum, non intecto postea contra Apostoli voluntatem incessuræ capite, sed ligato pariter & velato. Inde virgines tonsas & cucullatas depingit Palladius Historiæ Lausiacæ capite 41. ἥ μὲν οὖν ἀλλοῦ παρδίνων τὸ ἄρμα ἐν κεκαρμέναν, ἐχουσὴν καουλλία ἐπὶ τῆς κεφαλῆς.





CAPUT XI.

In Professione tria vota solemnia, obedientia, paupertatis, castitatis: his adde quartum, stabilitatis.

IN Professione emittuntur tria vota solemnia, obedientia, paupertatis & castitatis, quibus in Ordine Benedictino quartum additur, stabilitatis, juxta regulam beati Benedicti. Nec recens est hujusmodi institutum, ut volunt Lutherus, Calvinus & alii asceticæ continentia oppugnatores. Prioribus sæculis ex quo Monachi coiere in collegia, quæ cœnobita dicta sunt, in usu fuit votorum solemnitas, quorum observantia laudi fuit, & transgressio vituperationi & opprobrio. Basiliius epistola ad Monachum lapsus: ὅσα αὖν μήποτε συνθήκας βουλόμην πρὸς φυλάξειν, ὡς αὖτε τὰς ὁδοὺς τοῦ Θεοῦ συνθήκας, ἀλλ' ὡς λογιστὴς ἐπὶ πολλὰν ῥητύων. Vide igitur ne forte dum vis, quæ quibusdam pactus es custodire, transgrediare pacta a te inita cum Deo, quæ professus es coram multis testibus. Augustinus in Psalm. 75. in illud: Vovete & reddite. Nemo ergo positus in monasterio frater dicat: Recedo de monasterio. neque enim soli qui sunt in monasterio, perventuri sunt ad regnum calorum, & illi qui ibi non sunt, ad Deum non pertinent. Respondetur illi: Sed illi non voverunt, tu vovisti. Inde Professionis nomen tritum apud Cassianum, quam Græci ὁμολογία, συνθήκην. In Professione Benedictus exigit tantum votum obedientia, stabilitatis & conversionis morum. Regula capite 58. Suscipiendus autem in oratorio coram omnibus promittat de stabilitate sua & conversione morum suorum & obedientia coram Deo & Sanctis ejus. In Professione Benedictina nulla fit mentio paupertatis & castitatis, quia conversio morum & obedientia promissio cætera complectitur. Nulla sperari potest conversio morum, inanis & lusoria est obedientia, nisi colatur paupertas & castimonia, quæ obedientia præcipui fructus sunt. Obedientia est primaria virtus Monachorum. Sul-

Dd ij

pitius Severus Dialog. 1. de virtut. Monachor. *Præcipua ibi virtus & prima est obedientia, neque aliter adveniens ad monasterium Abbas suscipitur, quam qui tentatus prius fuerit & probatus, nullum unquam recusaturus quamlibet arduum ac difficile indignumque toleratu Abbatis imperium. Obedientia est supplementum virtutum omnium, in tantum ut suppleat orationis vigorem. Gregorius Nyssenus de scopo Christi* *ὡς δὲ ἀσκήτας. εἰ δὲ πρὶς μὴ ποτὶ τὸν τῆς ἀκρας ἀγῆς τόνον ἔχοντες, μηδὲ τιμὴν ὀφειδομένην τοῦ ὡσεύματος ἀποδιδῶναι καὶ δύναμιν πολλὰ μὴ πόνοντος τῆς αἰσῆτος, ἐκ τῶν ἄλλοις πληροῦσθαι τιμὴν ὑπακοῆς, καὶ δύναμιν ἐξουσιουῦντος, ὡσεύτως ἐργαζόμενοι.* Quod si quidam qui nondum perfecta orationis vigorem tenent, neque debitum huic negotio studium & vim obtinent, privati sunt hac virtute: in ceteris compleant obedientiam, pro viribus ministrantes, alacriter operantes. Denique votum obedientiæ est caput Professionis, quia est abnegatio sui ipsius, & renunciatio voluntati, qua homines sumus. Anselmus lib. 3. epistola 7. Cum enim professus sum Monachum, abnegavi me ipsum mihi, ut deinceps meus non essem, id est, non vivere secundum propriam voluntatem, sed secundum obedientiam. Vera autem obedientia aut est Deo, aut Ecclesiæ Dei, & post Deum maxime Prelati. Et juxta eandem sententiam, præceptum obedientiæ est prima lex vitæ cœnobiticæ. Hieronymus ad Eustochium: Prima cœnobarum confœderatio, obedire majoribus. Obedientiam imprimis coluere veteres Monachi tanquam disciplinæ regularis vinculum. Cassianus collat. 18. capite 7. Ita se cœnobiorum Præpositis subdiderunt, ut ne sui quidem ipsius fatcantur esse se dominos. Idem collatione 24. capite ultimum. de obedientia: Quam virtutem illi specialiter exercent, qui in cœnobiis commorantes senioris reguntur imperio, qui nihil omnino arbitrio suo agunt; sed voluntas eorum ex voluntate pendet Abbatis. Plura Basilius Constitut. capite 22. Quonam studio exulta fuerit obedientia a Monachis, discas variis exemplis. Pior vnus e Patribus Ægyptiis voverat Deo se neminem ex suis aliquando conspecturum quinquaginta post annos, litteris Episcopi in patriam accitus ut a forore sua videretur, ut mandatis pareret, eo profectus est: de quo Sozomenus libro 6. capite 29. *ὅτι ἔχον ἀντιπῆλιν οὐ γὰρ*

ἴμμε Αἰγυπτίους μεταχοῖς, οἰμαί, δὲ καὶ τοῖς ἄλλοις ἐπιτεῖν τοῖς ὀπιτω-ῖοις. *Non habens contradicere: nam nefas erat Monachis Aegypti seredo, item aliis imperatis resistere.* Per obedientiam probata est singularis vocatio Symeonis Stylitis, qui iussus ab Episcopis per nuntium, vt e columna descenderet, illico paruit, & pedem extulit, vt e columna se deponeret: quod miratus nuntius, ex mandato iussit vt in quo coeperat vivendi proposito, perseveraret. Evagrius libro 1. cap. 13. Pauli simplicis obedientiam in lusoriis ac fere puerilibus ludis probavit Antonius, iussu eo totum diem aquam haurire de puteo, & hauftam mox in terram effundere, tum sportellas contextas resolvere: quibus artibus informatum ad summam perfectionem pervenisse memorant Rufinus de vit. Patr. libro 1. capite 30. Palladius Historiæ Lausiacæ capite 28. Marcus vnus e fratribus, quod est singulare obedientiæ exemplum, ab Abbate Sylvano e cella evocatus, statim se rapuit media littera quam exarabat imperfecta relicta. Rufinus de vit. Patr. libro 2. capite 141. Pelag. 14. cap. 5. celebratur de Abbate Joanne, quod propter obedientiæ virtutem ad prophetiæ gratiam sublimatus sic vniverso perclaruit orbi, vt etiam Principibus sæculi huius merito redderetur illustris, & ab his consuleretur de vario rerum eventu. Cassianus de institutione Cœnobitar. libro 4. capite 23. De beato Mauro narratur, quod ad Abbatem imperium super aquas ambulavit. Gregorius 2. Dialogor. capite 7. Inobedientiæ pœnis commendatur etiam obedientiæ meritum. A dæmone arreptus Moses Monachus ob duriores sermonem habitum contra Macarium Abbatem. Cassianus collat. 7. cap. 27.





CAPUT XII.

Votum paupertatis, unum e tribus votis religionis.

UNUM e tribus substantialibus votis religionis est votum paupertatis, quod proponitur his, qui ad Evangelicam perfectionem aspirant, audito consilio Domini: Si vis perfectus esse, vade & vende omnia quæ habes, & da pauperibus, & sequere me, Matth. 19. Paupertas enim voluntaria est apex perfectionis Evangelicæ. Hieronymus advers. Pelag. libro 1. Nec mihi Abraham & ceteros quos in Veteri Testamento divites legimus, exemplo proponas, qui divites ingressi sunt regna cælorum: cum ipsis divitiis ad bona viuentes opera, divites esse desierint, imo cum non sibi, sed aliis divites fuerint, & dispensatores magis Dei, quam divites appellandi sunt. Sed nobis Evangelica perfectio requirenda est, in qua præcipitur: Si vis perfectus esse, vade & vende omnia quæ habes, & da pauperibus, & sequere me. Gregorius Moral. libro 26. capite 25. Speciali namque iussione paucis perfectioribus & non generaliter omnibus dicitur hoc, quod adolescens dives audivit: Vade & vende omnia quæ habes, &c. Si enim sub hoc præcepto cunctos iussio generalis astringeret, culpa profecto esset aliquid nos de hoc mundo possidere. In Professione fit votum paupertatis, id est, abdicatio proprietatis rerum omnium. Cap. Cum ad monasterium extra De statu Monach. Monachus nihil potest habere proprium propter voti religionem. Cassianus collatione 18. capite 7. Illi hoc omnibus expetunt votis, ut diximus, id est, nuditatem omnium rerum paupertatemque possideant. Idem collat. 19. capite 9. Quia nec Anachoreta *ἀνιχωρίτης*, id est, contemptum ac privationem materialium rerum, nec Cœnobita theoricam ad integram potest assequi puritatem. Idemque collatione 21. capite 9. Confestim omni mundana facultate nudatus, ad monasterium pervolavit. Augustinus in Psalm. 25. Alius, inquit, vovet relinquere omnia, & ire in communem vitam, in societatem Sanctorum, magnum votum vovit. Idem de

Civitate Dei libro 17. capite 14. *Dixerunt, inquit, potentes illi: Ecce nos reliquimus omnia, & sequuti sumus te. Hoc votum potentissimi voverant. Sed unde hoc eis, nisi ab illo, de quo hic continuo dictum est: Dans votum voverenti. Idem libro 1. de moribus Ecclesie Catholice capite 31. Nemo quicquam possidet proprium, nemo quicquam onerosus est. Idem libro de hæresib. ad Quod vult Deum: Apostolici qui se isto nomine arrogantissime velaverunt, eo quod in suam communionem non reciperent utentes conjugibus, & res proprias possidentes, quales habet Catholica Ecclesia, & Monachos & Clericos plurimos. Et hoc imprimis vetat regula Benedicti capite 33. Ne quis aliquis habeat proprium. Monachus, inquam, nihil debet habere proprium, ne vestem quidem vel viliora quæ sunt in usu familiarium, puta sportellas, id est, parvulas sportas, seu vasa viminea inferendis cibariis, vel cistellas, id est, parvulas cistas seu arculas, nec clavem vel anulum, quo obsignarentur velut propria & pecuniaria, quæ usus causa comparata erant. Cassianus de institutione Cœnobarum libro 4. capite 13. Nulli cistellam, nulli pecuniariam sportellam licet possidere, ne tale aliquid quod velut proprium retinens suo debeat communire signaculo: quos ita novimus omni ex parte nudos existere, ut præter colobium, mafortem, caligas, melotem ac psalterium, nihil amplius habeant, &c. Idem ejusdem libri capite 15. Ad hæc nos miserales quid dicemus, qui in cœnobiis commorantes, ac sub Abbatis cura & solitudine constituti, peculiare circumferimus claves, omnique Professionis nostræ verecundia & confusione calcata, etiam annulos quibus præcondita præsignemus, in digitis palam gestare nos non pudet: quibus non solum cistella vel sporta, sed ne arca quidem vel armaria, ad ea quæ congerimus, vel quæ egressi de seculo reservavimus, condenda sufficiunt? De quo idem videndus collatione 4. capite 21. Præter hunc auctor vitæ D. Gosuini libro 3. capite 28. Monachorum claustralium nulli clavem vel arcam concedebat propter opus peculiare, exceptis excellentioribus Decanis, ad reponendas res Ecclesiæ sponas, quarum numerus nunc est innumerabilis: numquam Prior vel Abbas habuit, nisi illam quæ omnium communis fuit. In Professione Monachus non potest sibi quicquam proprium seponere. In hanc rem memoria celebratur elegans senten-*

ria beati Basilii adversus Syncleticum seu Senatorem quendam, qui Monachum professus, quædam sibi de propriis reservavit. Senatorem, inquit, perdidisti, & Monachum non fecisti. Cassianus de institutione Cœnobitarum libro 7. capite 19. *Senatorem ille perdidit, quia Professione senatoriam dignitatem amiserat, ut Monachus fieret, & tamen verum Monachum non fecerat, propter priorum retentionem.* Hieronymus in vita Hilarionis: *Detestabatur autem præcipue Monachos qui infidelitate quadam in futurum reservarent sua, & diligentiam haberent vel sumptuum, vel vestitus, vel alicujus earum rerum quæ cum sæculo transeunt.* Ne minutum quidem æs potest Monachus peculiare habere. Idem de institut. Cœnobitarum libro 7. capite 21. *Nec minuto quidem minime conscientia Monachi polluitur.* adeo Monachus nihil potest habere proprium, ut nec quicquam possit dicere suum. Augustinus epistola 109. ad Monachas quasdam, quibus regulam dedit: *Non dicatis aliquid proprium, sed sint vobis omnia communia.* Clericis regularibus idem præscribit ipse Augustinus sermon. 3. de vita communi Clericorum: *Non dicatis aliquid proprium, sed sint vobis omnia communia.* Can. *Non dicatis* 12. quæst. 1. Etiam in remissioribus monasteriis idem districtius servari, ut ne verbo quidem quis auderet quicquam dicere suum, testatur Cassianus de institut. Cœnobia. libro 4. capite 13. *In aliis quoque monasteriis, in quibus aliqua remissius indulgentur, hanc regulam videmus strictissime nunc usque servari, ut ne verbo quidem audeat quis aliquid dicere suum, magnumque sit crimen ex ore Monachi processisse codicem meum, tabulas meas, graphium meum, tunicam meam, caligas meas: proque hoc digna pœnitentia satisfactorius sit, si casu aliquo per subreptionem vel ignorantiam hujusmodi verbum de ore ejus effugerit.* Ideo Monachus nihil debet ex opere sibi peculiare & proprium facere: & hoc est opus peculiare quod vetat regula Benedicti capite 55. & ita auctor sermon. æt fratres in eremo sermone 1. *Nemo tamen ex opere suo aliquid sibi appropriet, &c.* Proprietatis tollendæ causa Monachus non debet munuscula dare vel accipere sine Abbatis licentia. Augustinus sermon. 3. de vita communi Clericorum: *Certum est eos nihil habere, possidere, dare vel accipere debere*

debere sine Superioris licentia. d. Can. Non dicatis. Idem præd. epistola 109. Quæcumque autem in tantum progressa fuerit, ut occulte ab aliquo litteras vel qualibet munuscula accipiat, si hoc ultro confitetur, parcatur illi, & oretur pro ea: si autem deprehenditur atque convincitur, secundum arbitrium Præpositæ vel Presbyteri, vel etiam Episcopi gravius emendetur. Et hoc est quod vetat regula Benedicti capite 54. Ne liceat Monacho eulogias vel munuscula dare vel accipere sine præcepto Abbatis. Eulogiæ sunt munuscula quæ benedictionis causa a Clericis offerebantur Episcopo. In Synodo Meldensi can. 45. Decet Presbyteros cum voluntariis eulogiis tempore congruo visitare & venerari suos Episcopos. Leo IV. epistola ad Episcopos Britannix capite 5. De eulogiis ad sacra Concilia deferendis nihil invenimus a maioribus terminandum, sed sicut unicuique Presbytero placuerit. Can. De eulogiis 18. distinct. Sic a Monachis solebant dari vel accipi eulogiæ, benedictiones, id est, xenia vel munuscula vel epulæ, etiam a secularibus, quod vetatur, nisi adfuit licentia Abbatis. Inde Abbatissa monasterii Piætauiensis apud Episcopos accusata de epulis exhibitis secularibus viris apud Gregorium Turonensem libro 10. capite 15. ait se nullam novam fecisse consuetudinem, nisi sicut actum est sub Domna Radegunde, se Christianis fidelibus eulogias obtrulisse. Quam grave sit Monacho proprium habere, indicat pœnæ modus, quæ est sepultura in sterquilinio, si Monachus in morte inventus fuerit proprium habere. Cum vnus e fratribus Ægyptiis Nitriæ 30. solidos moriens reliquisset; Patres decrevere, infodientes cum domino suo intra monasterium in sterquilinio, dicentes: Pecunia tecum sit in perditione. Hieronymus epistola ad Eustochium. Rufinus de vit. Patr. libro 2. capite 219. Eodem pœnæ genere vsum Gregorium testatur ipse de se libro 4. Dialog. cap. 55. Joannes Diaconus lib. 1. cap. 15. Ivo Carnotensis epistola 57. Exemplo Gregorii idem statuit Innocentius III. in cap. Cum ad monasterium. init. de statu Monach. Quænam sit laus paupertatis monasticæ, prima hæc est, quod Christum habet auctorem, qui paupertatem amplexus est, & ejus verecundiam exemplo suo sustulit: Christus pauper erat, pedes iter faciebat vsque ad fatigationem. Joannes III. utebatur for-

tuito & oblato cibo, quod David prænuncians Psalm. 109. *De torrente, inquit, in via bibet.* Christus nihil proprium habebat: quam ob causam dicebat Luc. 9. *Vulpes foveam habent, & volucres cæli nidos: filius autem hominis non habet ubi caput reclinet.* Inde pretiosam Christi paupertatem commendat Ambrosius in Psalm. 40. *Hæ sunt divitiæ simplicitatis, in quibus est Christi pretiosa paupertas.* Secunda ejus laus ab Apostolis, qui æque exemplo Magistri paupertatem coluere, missi a Christo ad prædicandum vacui & inanes, cum pera & baculo, Luc. 9. Inde Augustinus in Psalm. 48. exponens illud Pauli 2. Cor. 6. *Quasi nihil habentes, & omnia possidentes.* Et ipsum, inquit, nihil habere quasi Apostoli erat. Paupertatis monasticæ quænam merces? Centuplum, Matthæus 18. Religio monastica paupertatis est alumna, paupertate crevit, paupertate tuenda est. Abdicatio proprietatis ita est propria Monachorum, ut super ea dispensari non possit, nec ab Abbate, nec ab ipso Summo Pontifice. Innocentius III. in cap. *Cum ad monasterium. de statu Monachorum.* ad Abbatem & conventum Sublacensem, quæ fuit prima sedes beati Benedicti, unde Cassinum transit. *Nec æstimet Abbas, quod super habenda proprietate possit cum aliquo Monacho dispensare, quia abdicatio proprietatis, sicut & custodia castitatis, adeo est annexa regulæ monachali, ut contra eam nec Summus Pontifex possit licentiam indulgere.*



C A P U T X I I I.

Votum castitatis unum e tribus votis regularibus.

TERTIUM votum est, votum castitatis, quod est quasi vinculum adamantinum cæterorum: & licet in Ordine Benedictino non desideretur specialiter, non abest a spon- sione conversionis morum, quæ fit apud Monachos illius Ordinis, quia nulla est conversio morum sine castitate, quæ est fundamentum religionis Monasticæ. A primordiis Ascetices Monachi inprimis castitatem coluere, & nuptias

exhorruerunt. Epiphanius hæres. 42. art. 1. de Marcione Pontico: τὸν δὲ ὡς ἦν αὐτὸς βίον παρδυνίαν ἔχοντα ἵκοναι· μορᾶζον γὰρ ἐπέβη. Qui initio vitam scilicet castitatem præ se ferens, Monachorum instituta professus est. Idem hæresi 58. artic. 4. in illud: Et sunt eunuchi qui se castraverunt propter regnum celorum. τίς τοιούτος εἶναι οἱ τοι, ἀλλ' ἢ οἱ Ἰουδαῖοι δαΐσοδῶι, ἔ μορᾶζοντες, ἔ οἱ κρητίζοντες παρδύνος. Nisi egregii illi primum Apostoli, tum Monachi, ac reliqui virginitatis cultores. Idem in Exposit. fidei Catholicæ artic. 21. συνέπειται δὲ τῇ αὐτῇ παρδυνίᾳ ἡ μενόντης ὡς πλείονι τῇ μοναζόντων ἔ μορᾶζουσιν. Virginitatem solitaria vita proxime sequitur, quam in plerisque sexus utriusque Monachis videmus. Sobrietatem & castimoniam in Monachis requirit Cyrillus Alexandrinus epistola 1. ad Monachos Ægyptios: inde ἐσχηματομορφοί, id est, continentes, dicti sunt Monachi. Synodus Carthaginensis can. 41. apud Balsamon. Continentium appellatione Monachos passim cohonestat Augustinus libro 1. contra Faustum capite 9. *Quam multi continentes in Ecclesia & monasteriis, victum & tegumentum commune habentes, & in his ipsis professionibus multi fallaces!* Et idem fermone 53. de verbis Domini capite 8. *Sunt continentes humiles, sunt & superbi; usque adeo autem continentes homines plerumque superbiunt, ut non solum quibuscumque hominibus, sed etiam parentibus ingrati sunt.* Monachos continentes prædicat idem de moribus Ecclesiæ Catholicæ cap. 31. *Quis enim nescit summa continentia hominum Christianorum multitudinem per totum orbem in dies magis magisque diffundi, & in Oriente maxime atque Ægypto, quod vos nullomodo potest latere.* Et infra: *Sed si hoc excedit nostram tolerantiam, quis non illos miretur & prædicet, qui contemptis atque desertis mundi huius illecebris, in communem vitam castissimam sanctissimamque congregati, simul atatem agunt, viventes in orationibus, in lectionibus, in disputationibus, &c.* Idem libro de gratia ad Valentin. & cum illo Monachos capite 4. *Ac primum de ipsa vestra Professione aliquid dicam: neque enim congregaret vos ista societas, in qua continenter vivitis, nisi voluptatem conjugalem contemneretis.* Hieronymus libro 3. adversus Jovinianum: *Miror Clericos & Monachos & continentes id non laudare quod faciunt: castrant se ab uxoribus suis, ut imitentur virginum castitatem: id ipsum*

Ee ij

volunt esse maritatos, quod virgines. Notat Jovinianum Monachum qui damnavit continentiam: de quo Gregorius Moral. libro 15. capite 9. libro 19. capite 14. Nec Monachis licet vxorem ducere, etiam si Clerici facti sint, puta Cantores aut Lectores. Novell. Justin. 5. capite 8. Can. *Et quia* 27. quæstione 1. Monstro pene simile fuit videre Monachum conjugatum. Athanasius epistola ad Dracontium: πολλοὶ δὲ τοῦ ἐπισκοπίου οὐδὲ γαμήλιον, μοναχοὶ δὲ πατέρες πάντων γαμήλιον. Multi quoque ex Episcopis matrimonia non inierunt, Monachi contra liberorum parentes facti sunt. Castitatis tuendæ causa Monachi debent esse cauti & circumspecti. Primo vitare debent consuetudinem mulierum. Augustinus serm. 250. de tempore: *Unde, fratres carissimi, ab omnibus Christianis, præcipue tamen Clericis sine Monachis, indigna & inhonesta familiaritas fugienda est, quia sine ulla dubitatione qui familiaritatem non vult vitare suspectam, cito delabitur in ruinam.* Singularis Patrum sententia fuit Monachum fugere debere mulieres & Episcopos: mulieres, quo castitas in tuto sit; Episcopos, ne ex eorum consuetudine gignatur ambitio & cenodoxia. De quo Cassianus de institutione Cœnobitar. libro 11. capite 17. Monachos qui quæritabant contubernia feminarum, quæ male quæritas pecunias sibi custodirent, detestatur idem de institutione Cœnobitarum libro 7. capite 11. Etiam sororum consuetudine Monachos abstinere suadet Ambrosius sermone 65. *Sunt enim plerique qui singularem vitam proponentes, singuli esse non possunt; sed quærunt sibi contubernia, atque utinam fratrum.* Invenisti Christianum Monachum, cui cum fratre non convenit, & libentius ei convenit cum sorore, qui non sequitur seniozem utilia commonentem, & sequitur adolescentulam incongrua cachinnantem. Eodem consilio Monachi æquali parsimonia corpus castigare debent, vt nocturnæ pollutiones vitentur. Cassianus collatione 2. capite 23. Etiam in aquæ potu a Monachis servandum esse modum, vt pollutiones corporis vitentur, tradit idem auctor rerum Asceticarum peritissimus collatione 12. cap. 11. & collat. 22. capite 3. Et hoc fuisse consilium Evagrii tradit Rufinus de vit. Patr. capite 27. Palladius Historiæ Lausiacæ capite 86. Terrio, ad custodiam castitatis his maxime remediis vti de-

bent Monachi, jejunio, contritione spiritus, oratione, lectione Scripturarum, opere manuum, & studio humilitatis. Cassianus de institutione Cœnobarum libro 6. cap. 1. *Nec enim sufficit solum corporale jejunium ad conquirendam vel possidendam perfectam castimoniam puritatem, nisi præcesserit contritio spiritus & oratio contra hunc immundissimum spiritum perseverans, dein continuata meditatio Scripturarum, huicque fuerit scientia spiritalis adjuncta, labor etiam opusque manuum instabiles cordis pervagationes coercens ac revocans, & ante omnia fundata fuerit humilitas vera, sine qua nullius penitus vitii poterit unquam triumphus acquiri.* Quarto, Monachi ne suspicionibus locus sit, non singuli, sed bini debent procedere in publicum, testimonii gratia. Concilium Aquisgranense anno Christi 817. can. 15. *Ut soli sine alio fratre in via non dirigantur.* Quod & ante statutum in Clericis. Concilium Turonense II. can. 20. *Quotiescumque Archipresbyter seu in vico manserit, seu ad villam suam ambulaverit, unus Lector Canoniorum suorum, aut certus aliquis de numero Clericorum, cum illo ambulet.* Hujus instituti auctorem habemus Dominum JESUM CHRISTUM, qui Apostolos binos misit ad prædicandum, Luc. 10. Marc. 6. de quo Augustinus quæst. Evangelic. libro 2. capite 14. Chrysostomus in Genes. capite 24. Hieronymus in Marc. capite 11. Gregorius Homil. 17. *Hujus instituti sequax Paulus Titum comitem peregrinationis accepit, ne esset sine testimonio, neve in suos usus convertere crederetur quæ accipiebat egenis distribuenda, 2. Cor. 8. Augustinus de opere Monachorum capite 16. Hoc ritu Monachi Ægyptii non processere nisi bini. Pior unum & discipulis misit Antonius cum alio Monacho, ut videret sororem. Rufinus de vit. Patrum libro 2. capite 31. Dixit ei beatus Antonius: Vade ut videat te soror tua: Tunc assumpsit secum alium Monachum, & perrexit ad locum & domum sororis suæ. Hoc pacto Monachus qui habet socium, habet dominum, quippe habet testem conversationis & correctorem. Thomas Cantipratensis libro 1. capite 18. Vulgo dicitur: Miles in obsequio famulum, Clericus socium, Monachus habet dominum. Quinto, ut tollatur occasio mali, vetantur Monachi, ne pueros de baptismo suscipiant, sibi que commatres faciant. Can. Placuit*

E c iij

16. quaestione 1. Can. *Pervenit* 18. quaestione 2. Can. *Nom licet*. Can. *Monachi. de consecrat.* distinct. 4. Concilium Aquigranense anno Christi 817. can. 16. Eadem mente vetantur Clerici commatres procurare, id est, epulis vacare, apud auctor. sermon. ad fratres in cremo cap. 36.



CAPUT XIV.

Votum stabilitatis quartum votum Benedictinorum. Arguuntur Monachi vagi & nundinatores reliquiarum.

IN Professione Benedictina primam ceram implet votum stabilitatis, cui quasi ancillantur conversio morum & obedientia. Regula Benedicti cap. 58. *Suscipiendus autem in oratorio* (sic vocat Ecclesiam monasterii) *coram omnibus promittat de stabilitate sua & conversione morum suorum & obedientia coram Deo & Sanctis ejus.* Votum stabilitatis hujusmodi est, quo Profitens ex voto promittit stabilitatem non modo in religione, verum & in ipso monasterio in quo proficitur. Stabilitatem sic interpretatur Bernardus Abbas Clarevallensis regulæ Benedictinæ optimus interpres & exactissimus observator, epistola 7. ad Adam Monachum: *Duo præcipue nobis in monasteriis conversantibus observanda traduntur, subiectio Abbati & stabilitas in loco, & ita observanda quod neutrum præcediat alterum, nec alterutrum sibi præjudicent, ut verbi gratia, sic te stabilem in loco exhibeas, ut Abbati subijci non contemnas; sic obedias subiectus Abbati, ut stabilitatem non amittas.* Et hoc est quod objiciebant Cistercienses Cluniacensibus, eos a regula beati Benedicti divertere, quod jam semel stabilitatem, conversionem morum & obedientiam vno in loco profectos, inde in alium locum migrantes, eadem vovere compellerent, sibi ipsis contrarios, & vota votis evertentes. Quibus respondit Petrus Abbas Cluniacensis libro 1. epistola 28. ad Bernardum Abbatem Clarevallensem: *Illud autem, illud, inquam, omni rationi & auctoritati adversum quomodo tueri, quod jam semel stabilitatem & conversionem morum &*

obedientiam uno in loco professos, rursus alio in loco stabilitatem, rursus conversionem morum, rursus obedientiam vovere, & priorem fidem irritam facere compellitis: ita quippe ita inevitabili periculo vobis adquiescentes cingitis, ut ad quamlibet partem se verterint, pravificatores non esse non possint. Nam si prius votum servaverint, secundi rei tenebuntur; si secundum, prioris noxa constringentur, &c. Hujus voti Clericum regularem ad se venientem, & importunæ ut in Monachum reciperetur postulantem, non audivit beatus Bernardus, & comiter monuit ut ad Ecclesiam suam reverteretur, ut legitur in ejus vita libro 3. capite 6. Stabilitatis scilicet transgressorem non tulit Vir divinus, memor præcepti Apostolici: Unusquisque in qua vocatione vocatus est, in ea permaneat, 1. Cor. 7. His legibus Monachus semel Professus in monasterio, quasi vinctus, non debet egredi monasterio sine necessitate. Hoc proposito Bernardus ipse epistola 227. Decretum est mihi, inquit, ultra non egredi monasterio, nisi ad conventum Abbatum apud Cistercium semel in anno. Anselmus libro 3. epistola 26. Occasiones equitandi claustrales, nisi cogente obedientia, non solum non exquirant, sed nec occurrentes suscipiant: qui enim claustra monasterii libenter exeunt, non solum sibi, sed & aliis suo exemplo noxii, quoniam aut murmurationis aut vagationis illis auctores sunt. Propter stabilitatis votum, Monachis vetantur etiam peregrinationes, ne religionis obtentu his detur occasio evagandi. Bernardus epistola 319. ad Letbertum Abbatem montis sancti Michaelis: Neque enim terrenam, sed caelestem requirere Hierosolymam, Monachorum propositum est, & hoc non pedibus proficiscendo, sed affectibus proficiendo. Inde semel Professi absolvuntur votis cujuslibet peregrinationis ante Professionem contractis. Anselmus libro 3. epistola 96. Qui novērunt se ituros Romam vel Hierusalem in sæculo, si ad Ordinem nostrum venerint, & devote & obedienter se habuerint, omnia vota sua, quæcumque voverunt, compleverunt. Eodem consilio peregrinationem Hierosolymitanam velut materiam evagationis Monachis vetuit Gregorius Nyssenus, vel alius quisquis auctor de euntibus Hierosolymam: συμβούλον οὖν, ὡς ἀπὸ τοῖς ἀδελφοῖς ἐκδημῶν διὰ τὴν στασιαστικὴν εἰς τὸν κόπον, καὶ μὴ διὰ τὴν Καπαδονίαν εἰς Παλαιστίναν. Consule ergo, dilecte,

fratribus, ut a corpore peregrinentur ad Dominum, non e Cappadocia in Palestinam. Nec dispari ratione damnantur instabiles Monachi, qui migrant de monasterio ad monasterium. Isidorus Pelusiota libro 1. epistola 41. *π τοίνυν καὶ ἀλλοτρίων τῷ ἐρείδισθαι ἀσφαλὲς ὅτι κύριοι, καὶ σωεῖν ἔχειν τιμὴ ἀκόλουθον ἀσφαλου, τόπον μεταβάλλεις ἐκ τόπου, μᾶλλον, ὥς τοια, περιπαζαν ἀβροτίαν, ἀλλ' οὐ παίδισιν σερρότεραν ζήτησιν.* Quid igitur relinquens inniti tuto Domino, & crucem habere comitem religionis, locum ex loco mutas, magis, ut videtur, mensam pinguem quam firmiorem eruditionem quarens. Pelagium Monachum arguit idem epistola 314. ejusdem libri, quod consuevisset de monasterio ad aliud subinde migrare, atque omnium mensas explorare. Inde damnantur Monachi vagi & circumforanei. Concilium Chalcedopense can. 4. Can. Quidam 18. quæst. 2. cap. *Quanto. de offic. ordinar.* Hujusmodi Monachos vagos per Africam & alias provincias & nundinatores reliquiarum infectatur Augustinus de oper. Monach. capite 28. *O servi Dei, milites Christi, itane dissimularis callidissimi hostis insidias, qui bonam famam vestram, tam bonum Christi odorem omni modo cupiens obscurare putoribus suis, tam multos hypocritas sub habitu Monachorum usquequaque dispersit, circumeuntes provincias, nusquam missos, nusquam fixos, nusquam stantes, nusquam sedentes. Alii membra martyrum, si tamen martyrum, vendicant; alii fimbrias & phylacteria sua magnificant.* Hoc nomine maxime male audire Græci Monachi, de quibus Gregorius libro 3. epistola 30. Indictione 12. *Nam quidam Monachi Græci huc ante biennium venientes, nocturno silentio juxta Ecclesiam sancti Pauli corpora mortuorum in campo jacentia effodiebant, atque eorum ossa recondebant, servantes sibi dum recederent, qui cum tanti, & cur hoc facerent, diligenter fuissent discussi, confessi sunt, quod illa ossa ad Græciam essent tanquam Sanctorum reliquias portaturi, &c.*



CAPUT XV.

Apostasie vitium. Ejusdem pœnæ.

PROFESSIONIS meritum spectatur ex perseverantia: qui enim non perseverant, non possunt dici Monachi, & illis convenit quod dictum est a Joanne: *Qui a nobis exierunt, non erant ex nobis.* Augustinus de gratia & libero arbitrio ad Valentin. & cum illo Monachos capite 9. in illud Joannis: *Ex nobis exierunt, &c.* Cum ergo filii Dei dicunt de his qui perseverantiam non habuerunt: *Ex nobis exierunt, sed non erant ex nobis;* & addunt, quod si fuissent ex nobis, permansissent utique nobiscum: quid aliud dicunt? nisi: *Non erant filii, etiam quando erant in professione & nomine filiorum, non quia justitiam simulaverunt, sed quia non permanserunt.* Et Ambrosius in Psalm. 36. Considera enim aliquem per aliquot annos habuisse studium probitatis, castitatis custodiam, vitæ attentioris affectum, piæ propositum servitutis, sedula observationis officium, subitoque cum esse mutatum, discessisse de monasterio, valedixisse jejuniis, continentia renunciasse, indulgere deliciis, studere luxuriæ. Dudum de monasteriis exierunt, & nunc luxuriæ sunt magistri, disseminatores incontinentiæ, incentores petulantia, obrectatores pudoris, nonne de his pulcre dixeris: *Effusi sunt gressus eorum quos bene vixisse pœnituit; egerunt itaque novi generis pœnitentiam pro virtutibus, & non agunt pro delictis.* Sed hi ex nobis exierunt, dicit Joannes, sed non erant ex nobis: si enim ex nobis fuissent, nobiscum perseverassent. Semel Professi non possunt ejurare monachismum sine labæ apostasie. Leo epistola 90. ad Rusticum capite 12. *Propositum Monachi proprio arbitrio & voluntate susceptum deferri non potest absque peccato: quod enim votis Deo, debet & reddere.* Can. *Propositum 10. quæstione 3.* Augustinus in Psalm. 75. in illud: *Vovete & reddite.* Nemo ergo postus in monasterio frater dicat: *Recedo de monasterio. neque enim soli qui sunt in monasterio, perventuri sunt ad regnum cælorum, & illi qui ibi non sunt, ad Deum non pertinent.* Respon-

detur illi: Sed illi non voverunt, tu vovisti, tu retro respexisti. De die iudicii cum Dominus minaretur, quid ait: *Memento uxoris Loth. Omnibus dixit: Quid enim fecit uxor Loth? Liberata est a Sodemis, & in via posita, retrorsum respexit. Ubi respexit, ibi remansit. Facta est autem statua salis, ut illius contemplatione condiantur homines, cor habeant, non sint fatui, non retro respiciant, ne malum exemplum dantes, ipsi remaneant, & alios condiant.* In eandem sententiam idem in Psalm. 83. & 99. & auctor sermon. ad fratres in eremo sermone 34. & sermone 60. vnde desertores vitæ asceticæ dicuntur apostatare. Synodus Arelatensis II. can. 25. *Hi qui post sanctam religionis professionem apostatant.* Can. vltim. 50. distinkt. Et ipsi dicuntur apostatæ. Auctor sermon. ad fratres in eremo sermone 8. *O Monache, levis reputaris per tuam apostasiam, cum Iuda incurrit mentis instabilitatem, postponis Deum, amittis amicos, spiritum & spem perdis, odio a cunctis haberis, & velut omnibus peior apostata comprobaris in vita.* Cæsarius de Miraculis libro 1. capite 6. *Monachus Ordinem deserens, & crucem suscipiens, vel, quod tolerabilius est, sine praecepto & licentia Ordinis eadem peregrinationi se mancipans, non Christi peregrinus, sed apostata iudicatur.* Vitio apostasiæ iidem dicuntur prævaricatores. Synodus Ancyra can. 18. *Quotquot virginitatem pollicitam prævaricata sunt Professione contempta.* Græci ἀποστολὴ καὶ ἡπαρσίχαι. Concilium Arausic. I. can. 28. *In utroque sexu desertores professæ castitatis prævaricatores habendi. Semel Professi non possunt deserere monasterium, ne quidem ut ad aliud monasterium transcant.* Novell. Justin. 5. cap. 7. cap. 5. *De regular. nisi velint ad districtiorem religionem transire.* Cap. Licet quibusdam eodem tit. Apostasiæ pœnæ huiusmodi sunt. Prima, quod Monachi transeuntes ad militiam vel ad nuptias, non absolvuntur nisi peracta pœnitentia publica. Leo prædict. epistola ad Rusticum: *Unde qui relicta singularitatis professione ad militiam vel ad nuptias devolutus est, publice pœnitentiæ satisfactione purgandus est.* Quem locum laudat Concilium Triburiense can. 26. Petrus Damian. opusculo 16. capite 4. Synodus Arelatensis II. can. 25. *Hi qui post sanctam religionis professionem apostatant, & ad sacularem redeunt conversationem, & postmodum pœnitentiæ remedia non*

requirunt, sine pœnitentia communionem penitus non accipiant. Secunda est, quod desertores non admittuntur ad Clericatum, etiam post pœnitentiam, vt subjunxit d. can. 25. Synodi Arelatensis II. Quos etiam jubemus ad Clericatus officium non admitti. Quem ad canonem se refert Augustin. epistola 15. in Appendic. Recenti autem Concilio statutum est, vt de aliquo monasterio qui recesserint vel projecti fuerint, non fiant alibi Clerici aut Præfeti monasteriorum. Quod & vetat idem epistola 76. Et ipsis etiam facilis lapsus, & Ordini Clericorum sit indignissima injuria, si desertores monasteriorum ad militiam Clericatus eligantur, cum ex eis qui in monasterio permanent, non tamen nisi probatiores atque meliores in Clerum assumere soleamus. Can. Legi epistolam 16. quæstione 1. Quarta est, quod desertor monasterii non admittitur ad quampiam militiam: & si ad aliquam irrepperit, ea spoliatur, & traditur curiæ civitatis. L. Sancimus §. 1. C. De Episcopis & Cleric. Novell. Justin. 123. capite 42. Quinta est, quod idem redigi potest inter Officiales provinciæ Præsidis. Novell. §. cap. 6. d. Novell. 123. capite 43. Sexta pœna est, quod qui relinquit monasterium, non recipit res monasterio illatas; sed ex remanent penes monasterium. L. Qui sua. L. Ut non liceat. L. Deo nobis. §. Hujus. C. De Episc. & Cleric. Novell. §. capite 4. Novell. 123. capite 42. Sed Leoni Novell. 8. displicuit desertorem redigi ad cohortes Præsidis, & potius visum est revocari ad monasterium. Septima pœna est, quod apostata arcetur ab hereditatibus parentum. Oldrad. consil. 202. Chopin. Monastic. lib. 1. tit. 2. num. 7. Apostasiæ pœnas canonicas & civiles sequitur etiam nonnumquam vindicta Numinis. Monachos de fuga cogitantes vexatos a damone, testem habemus Gregorium lib. 9. Indiç. 4. epistola 38. Desertores monachismi inde peiores & nequiores fiunt. Augustinus libro 2. contra Julianum in fin. Nunquid adolescentes ex Monachis dissoluti, nunquid postremo de qualicumque Clericorum turba isti sunt, quos urbana exagitados dicacitate vel potius vanitate contemnis? Apostata pejor infideli. Augustinus quæst. veter. Testam. 39. Inde desertores maledici & vituperatores vitæ monasticæ. Augustinus in Psal. 99. Et paucorum hominum molestia irricatus, dum non perseveraverit

implere quod vovit, fit defertor tam sancti propositi, & reus voti non reddit. Jam vero cum inde exierit, fit & ipse vituperator & maledicus, & dicit ea sola quæ quasi se pati non potuisse adseverat, & aliquando vera. Sed vera mala malorum toleranda sunt propter societatem bonorum. Tanto ii nequiores, scilicet quod alios ad defectionem sollicitant, ut in turba peccantium lateant, & aliorum lapsu pudori suo consulant. Joannes Cassianus de institutione Cœnobitarum libro 7. cap. 9. Deinde occasiones quibus offendi vel irasci debeat, studiose perquirat, ne leviter motus de cœnobii disciplina videatur exire, nec solus tamen transmigrare contentus, ne tanquam suo vitio deseruisse credatur, quantos potuerit susurrationibus clandestinis depravare non desinit. Per omne illud tempus suspensio anxioque residens corde tristitias ferere vel excitare non cessat, discessus solatium, & excusationem levitatis non se aliter credens quam nota vel macula monasterii reperturum. Desertores Monachi cum Deo sint infideles, hominibus fidem suam nimis suspectam faciunt, cunctis exosi, viles & contempti. Fertur Theodoricus Dux Africæ, qui secta Arianus erat, Diaconum quandam sibi perfamiliarum, & ut gratior esset, Arianismum amplexum, necasse. *ὡς ἐνὶ, inquit, τοῦ Θεοῦ ἐκείνου ἐμπόδους ἦσαν, καὶ ἄλλοι δὲ ἐμπόδους ταυτὸν εἶσι.* Quia Deo fidem non servasti, multo magis mihi servaturus non es, narrante Zonara in Anastasio. Fugitivos Monachos annuatim Abbas vel Prior sollicite perquirere debet, eosque revocare ad septa monasterii, salva Ordinis disciplina. Cap. ultim. extra *Deregular.* cap. *Ne religiosi* eodem tit. in 6. cap. *A nobis. de Apostat.* Concilium Aurelianense I. can. 19. Toletanum VII. can. 5. Synod. Constantinopolitan. I. & II. can. 3. apud Balsamon. Can. *Abbat* 18. quæst. 2. Ait, salva Ordinis disciplina: si enim incorrigibiles fuerint, puta si tertium, e monasterio fuga se subduxerint, e monasterio ejiciendi sunt. d. cap. ultim. & d. cap. *Ne religiosi.* Cap. *Cum in Ecclesiis. de majorit.* & obed. quod desumptum est ex regula Benedicti capite 28. quam laudat Petrus Blesensis epistola 88. *Misericordiam quam monastici Ordinis institutor ad ternarium numerum coarctavit, evangelica mansuetudo gratia septuagies septies ampliavit.* Et ex sententiis Patrum: Isidorus Pelusiota libro 1. epistola 318.

Lucæ Archimandrita: εἰ δὲ τοιοῦτός ἐστιν οἷος μὲν ἐκ τῆς συ-
 γκαίμης βελτιωθῆναι, μὴ δὲ ἢ ἡματιέσθαι χαίματιων ἀποκρίται,
 ἀλλ' ἔξω τῆς ἡμῶν ἀδελφῶν γαλήνης καθίσταται, μὴ κυμαίνεν φλι-
 γμοναὶ καὶ δινίσι τοῖς ἰουδαίοις αὐτῶν ἡδονῶν ἐπιγίγνηται. Sin au-
 tem is est, qui venia minime melior fiat, nolim ille fructum ex
 litteris nostris ullum capiat; verum e fratrum tranquillitate foras
 ablegetur, ne tumidos ac vertigines placidis & quietis ipsorum
 moribus excitet. Pro Monachis fugitiuis intercedit Bernardus
 epistola 297. Petrus Blesensis epistola 88. Hildebertus episto-
 la 23. Hodie ne Monachis vagandi occasio detur, contuma-
 ces & incorrigibiles non ejiciuntur, sed in ergastulum mit-
 tuntur pœnitentiæ causa. Speculat. in tit. *De statu Monach.*
 num. 23. Ancharan. Respons. 352. Chopin. Monastic. lib. 1.
 tit. 3. num. 17. Si Monachi Professi temere, id est, sine
 causa, monasterium relinquant ex justa causa: tamen his
 licet egredi monasterio sine vitio apostasiæ, permisso Supe-
 riorum, puta ut parentes egenos alant sua industria. Auctor
 sermon. ad fratres in eremo sermone 6. Nam si pater alicu-
 jus sine filio Monacho vivere nullatenus potest, procurare debet
 filius quomodo de bonis monasterii patri subveniatur: & si mona-
 sterium impotens fuerit, filius toto affectu videat, quomodo patri
 non deficiat: etsi non viderit, cum Dei benedictione monasterium
 de licentia majori exeat, & verbo & opere patri subveniat, ut
 non deficiat ex negligentia, nec votum frangere credat. Si post
 ejus patrem vivendo remanserit, statim ad pristinam vitam redire
 non pigeat sancte & juste vivendo, sicut incæperat, & tanto
 fortius quanteo senserit se plus in paterno ministerio ultra necessita-
 tem gravatum. De quo Lessius 2. institut. capite 41. Quam
 periculosum tamen sit ut filius monasterio egrediatur patris
 alimonie consulturus, exclamat Hieronymus ad Fabiolam
 de veste Sacerdotum: *Quanti Monachorum, dum patris matris-
 que miserentur, suas animas perdiderunt! subaudi, per apostasiam
 & defectionem. de lapsu Monachorum. Vide Basilium. Consti-
 tut. cap. 21.*



C A P U T X V I.

*An Summo Pontifici liceat dispensare contra votum
solemnem religionis.*

AN Summus Pontifex valeat dispensare circa vota solemnia religionis, valde ardua & disceptata est quaestio. Negat Divus Thomas 2. 2. quaest. 88. artic. 11. nixus cap. *Cum ad monasterium* in fin. extra *De statu Monachorum*. In quo Pontifex ut probet Abbati non esse jus dispensandi cum Monacho ut testetur, vitur hoc argumento, ne quidem id licere Summo Pontifici. Verba capituli hanc sunt: *Nec aestimet Abbas, quod super habenda proprietate possit cum aliquo Monacho dispensare, quia abdicatio proprietatis, sicut & custodia castitatis, adeo est annexa regulae monachali, ut contra eam nec Summus Pontifex possit licentiam indulgere.* Et cum res semel Deo dicatae non possint transferri ad usus profanos. Can. *Qua semel* 19. quaestione 3. Cap. *Semel Deo, de Rl.* in 6. multo minus personae quae semel Deo sese dicarunt, non possunt redire ad saeculum. Tamen ex sententia juris Scriptorum Pontifex potest dispensare cum Monachis, & de Monachis eos facere non Monachos, etiam ut ducant uxorem, propter plenitudinem potestatis quam habet in spiritualibus, non sine gravi causa, puta ob causam publicam. Joannes Faber in authent. *Multo magis. C. De Episc. & Cleric.* Covaruvias *De Testament.* cap. 2. num. 11. Sanchez *De Matrimon.* lib. 8. disput. 8. num. 6. Nec res caret exemplis. Ex dispensatione Ramirus ex Monacho coenobii sancti Pontii de Thomeriis in Gallia Narbonensi egressus in Regem Arragonum, duxit uxorem filiam Comitis Pictaviensis, ex qua suscepta est filia, cui nomen fuit Petrona primum, tum Urraca: qua nupta Comiti Barcinonensi, memor prioris propositi rediit ad monasterium. Rodericus Toletanus libro 6. capite 1. & 2. Zurita in indic. rer. Arragon. ad ann. 1134. Marineus libro 8. rerum Hispanicarum. Hieronymus Blanca in commentar. re-

rum Arragon. Marianus libro 10. capite 5. Sic Poloni Cazimir in monasterio sancti Benedicti super Ligerim Professum, jamque Diaconum ordinatum, repetierunt ab Abbate: a quo rejecti, ad Summum Pontificem, non solum voti liberationem, sed etiam uxorem ducendi licentiam impetrarunt, his conditionibus, ut in singula capita, demptis Clericis & nobilibus, numum præstarent Sedi Apostolicæ, pro lampade perpetuo in æde D. Petri arsuræ, & ut deinceps Poloni comam attonsam more Monachorum ferrent, & ut denique singuli milites festis solemnibus inter Missarum solemnia fasciam lineam in modum stolæ, qua in sacris utuntur Presbyteri & Diaconi, de collo suspensam ferrent. Martinus Cromerus rerum Polonicarum libro 4. ad ann. 1040. Joannes Dubravius Historiæ Bohemicæ libro 7. Quid Constantia nata Rogeri Regis Siciliæ, Professa in monasterio beatæ Mariæ apud Panormum, jamque quinquagenaria, ex dispensatione Celestini III. nupsit Henrico III. Imperatori, e qua susceptus est Fridericus II. Pandulfus Collettus. Histor. Neapolit. libro 3.



C A P'U T X V. I I.

Damnantur qui liberos vel alios a religione avertunt.

QUANTO detestabilius est vitium apostasie, tanto detestabiles sunt parentes vel alii, qui a religionis proposito liberos vel alios avertunt. Horum poena canonica est excommunicationatio. Concilium Toletanum. III. can. 10. *Si quis vero propositam castitatis viduæ vel virginis impenderit, a sancta communione & a liminibus Ecclesiæ habeatur extraneus.* Can. *Hoc sanctum* 32. quæst. 2. Bannum Episcopalem, id est, excommunicationem, eo nomine imponit Ordo Romanus. Deinde publica voce bannum Episcopalem imponat, ne quis eam a divino servitio sub vexillo castitatis impediatur, ut bona sua cum pace & quiete possideat. Adversus vituperatores vite monasticæ tres libros scripsit Iohannes Chrysostomus. Non

excusantur, inquit ille libro 3. capite 20. qui liberos vel alios ab ingressu monasterii avertunt, metu lapsus, non aliter ac si quis casui proximum, præcipitem daret. Cur enim, inquit, non sustinuisti illum tuo fato, suo casu ruere: ἀλλὰ πρὸς τὸν ἑπαισας τὸν αἰσθητός. Sed præveniens alterius peccatum rapuisti, id est, tuum fecisti tua præventionē. Quam graviter peccent parentes qui liberos sine causa a proposito religionis avertunt, dolet Bernardus epistola III. ex persona Helix Monachi ad parentes suos: O durum patrem, o sevam matrem, o parentes crudeles & impios, imo non parentes, sed peremptores, quorum dolor salus pignoris, quorum consolatio mors filii est! Qui me malunt perire cum eis, quam regnare sine eis; qui me rursus ad naufragium, unde tandem nudus evasi; rursus ad ignem, unde vix semivivus exivi; rursus ad latrones, a quibus semivivus relictus sum, sed miserante Samaritano jam aliquantum convalesci, revocare conantur, & militem Christi prope jam rapto calo triumphantem, ab ipso jam introitu gloriæ, tanquam canem ad vomitum, tanquam suem ad lutum, ad sæculum reducere moluntur, &c. Æque nefarium inhibere volentem, quam invitum compellere ad Monasticen, existimavit Faustus apud Augustinum libro 30. contra Faustum cap. 4. Nam & ipsi tam stultum judicamus inhibere volentem, quam nefas & impium sectis nolentem cogere, &c. Nec desunt etiam inter ipsos fratres qui alios ad fugam sollicitant. De quodam fratre qui alios ad migrationem e monasterio sollicitabat, quasi comes fugæ futurus, & in monasterio semper subsistebat, narrat Cassianus de institutione Cœnobitarum libro 10. capite 20.





ASCETICON

SIVE

ORIGINUM

REI MONASTICÆ

LIBER QUINTUS.



CAPUT I.

Communis vita Monachorum utriusque sexus.



U A ratione a primis sæculis Clerici in communē vixere, nihil proprium habentes, Sozomenus libro 6. capite 31. κοινὴ δὲ ἔστι πῖ; αὐτοῖς κληρικοῖς οἰκνοῖς τε καὶ περὶ τὰ, καὶ τ' ἄλλα πάντα. Clericis illius Ecclesia (ea fuit Rhinocafurenfis) communis mensa, & alia denique omnia communia. Augustinus sermon. de vita communi Cleric. Nulli liceat in societate nostra habere aliquid proprium: sed si forte aliqui habent, nulli licet; & qui habuerint, faciunt quod non licet. Enthecam nobis habere non licet. Idem sermone 3. de vita communi eorundem: Non dicatur aliquid proprium, sed sint vobis omnia

G g

communis. Can. Nolo. Can. Non dicatis 12. quæst. 1. Quod vitæ institutum duravit multis sæculis. Synodus Turonensis III. can. 23. Moguntina can. 9. Meldenensis can. 53. Can. *Neceffaria* 12. quæst. 1. Eodem genere vivendi vñ sunt Monachi, ex quo in societates & cœnobia coiere : eis fuit vnum re-ctum, vnum cœnaculum, vnum refectorium, vnum dormitorium, denique nihil non commune. Basilii sermon. de institut. Monach. ὁποῖον δὲ τοῖς πᾶσι ἔστω μία κοινὴ, ἡ μὲν δὲ ἰδίον ἐκαστοῦ ὀνομαζέσθω, μὴ ἱμάτιον, μὴ ὑπόδημα, μὴ ἄλλο ἢ τὸ αὐτὸ ἀναγκαῖον ἔχειας τῷ σώματι. Apotheca vero communis omnium sit; neque proprium alicuius quicquam nominetur, non vestimentum, non calceamentum, non denique aliud quippiam eorum, quæ ad necessarium corporis usum spectant. In eandem sententiam Ioannes Chrysostomus adv. vituperatores vitæ monasticæ libro 3. capite 10. καὶ πάντα αὐτοῖς κοινὰ, καὶ τραπέζα, καὶ οἰκὸς, καὶ ἱμάτια. Cuncta quippe illis communia sunt, mensa, domus, indumentum. Idem in Matthæum Homil. 73. μία τραπέζα πᾶσι, ἡ τοῖς ἀφικνουμένοις, καὶ τοῖς ἀφικνουδοῖς, τὰ αὐτὰ ἐσθύματα, τὰ αὐτὰ ἐσθύματα, τὰ αὐτὰ οἰκήματα, ἡ αὐτὴ διαίτα. Una mensa omnibus, & ministrantibus, & his quibus ministratur, eadem epule, eadem indumenta, eadem domus, eadem vivendi ratio. Inde vitam Monachorum primæ vitæ fidelium, quæ erat communis, imaginem esse scribit Hieronymus de illustribus Ecclesiæ Scriptoribus cap. 11. Talem primam in Christum credentium fuisse Ecclesiam, quales nunc Monachi esse nituntur & cupiant, ut nihil cuiusquam proprium sit, nullus inter eos dives, nullus pauper, patrimonium egenis dividantur, orationi vacent & psalmis, doctrinæ quoque & continentia, quales & Lucas refert primum Hierosolymæ fuisse credentes. Communem vitam Monachorum, societatem Sanctorum commemorat Augustinus in Psalm. 75. Alius vovet relinquere omnia sua distribuenda pauperibus, & ire in communem vitam, in societatem Sanctorum, magnum votum vovit. Idem in Psalm. 99. Sic & in illa vita communi fratrum, quæ est in monasterio, magni viri sancti quotidie in hymnis, in orationibus, in laudibus Dei inde vivunt. Cum lectione illis res est, laborant manibus suis: inde si transigunt, non avare aliquid petunt: quicquid eis infertur a piis fratribus, cum sufficientia & cum caritate

utuntur; nemo sibi usurpat aliquid, quod alter non habeat; omnes se diligunt, omnes invicem se sustinent. Idem in Psalm. 132. Præter communionem rerum Monachis est una anima, unum cor, id est, par communio spiritus ac rerum. Augustinus contra Faustum libro 5. capite 9. *Quam multa fraternæ congregationes nihil habentes proprium, sed omnia communia, & hæc non nisi ad victum & tegumentum necessaria, unam animam & cor unum in Deum caritatis igne conflagrantes.* Chrysostomus in Acta Apostol. Homil. 4. in illud: *Omnium erat cor unum & anima una.* οὗτος οἱ ἐν τοῖς μοναστηρίοις ζῶντες εἶναι, ὡς αὐτοὶ τῶν οἱ πιστοί, ἢς ἀπὸ ἀπιδάσκειν οὐκ ἔστιν ἀποδοῦναι, ἢς δὲ οὐκ ἀποδοῦναι μὴ ἀποδοῦναι πολλὰς. Sic qui in monasteriis nunc vivunt, quemadmodum olim fideles, quis mortuus est fame, quis non liberaliter educatus est? Hinc Monachorum conventum angelicam republicam vocitat Chrysostomus in Acta Apostolorum cap. 2. Homil. 7. *ὅτι πολιτεία ἀγγελικὴ, μὴδὲν αὐτῇ λίσσεται ἑαυτὴν.* Hæc erat Angelica respublica, nihil dicere sibi proprium esse. Et apud Monachos solos esse perpetuam societatem rerum, quæ morte vel renunciatione vel alio casu non solvitur, ait eleganter Joannes Cassianus collat. 24. capite ultimo: *Monachi soli perpetuæ conjunctionis retinent unitatem, atque indiscrete possident universa, qui omnia sua esse quæ fratrum, omnia fratrum credunt esse quæ sua sunt.* Si quæ est inter homines perfecta rerum societas, ea apud Monachos existit, religionis vinculo solidata. In hujusmodi tamen societate multi fallaces & falsi fratres inveniuntur. Augustinus contra Faustum libro 5. capite 9. *Quam multi continentes in Ecclesia & monasteriis, victum & tegumentum commune habentes, & in his ipsi professionibus multi fallaces! Inter veros Monachos una anima, unum cor.* Verum etiam ætate Augustini crebrius inter eos suboriebantur rixæ & schismata solis miseriis humanis condonanda. Fatetur ipse in Psalm. 99: *Laudat qui nescit quid interius agatur, qui nescit quomodo illo vento intrante, etiam naves in portu colliduntur.* In cœnobiis in commune Monachi habitare debent, exceptis solis Anachoretis & Hefychastis, quibus solis licet habere proprias & separatas cellulas. Novell. Justinian. 5. capite 3. Novell. 123. capite 36. Novell. 133. in princ. & capite 1. *Quæ est vitæ communio & proprietatis*

abdicatio inter Monachos, eadem præcipitur inter Sanctimoniales, nihil discrepante in utroque sexu religionis proposito. Augustinus epistola 109. ex regula quam Sanctimonialibus dedit. *Et non dicatis aliquid proprium, sed sint vobis omnia communia.* Monachi ita, certe vivunt in commun, ut nihil proprium habeant, ne quidem vestem, ita ut omnes per vias una utantur. Evagrius libro 1. capite 21. ubi de monasteriis Palestinæ: οἱ μὲν γὰρ ἀγαλλοῦν ζῶντες, ὡς καὶ τὸ πᾶντων ἰδιότητα ἐνδὲς αὐτῶν δεχέιν, & τὸ πᾶν ἐνδὲς ἀπάντων. Nam alii in commune vivunt, adeo ut omnium vestis unus esse videatur, & unus omnium.



C A P U T I I.

Vita communis pars melior communis oratio & psalmodia. Duplex officium, matutinum & vespertinum. Ritum Monachorum orandi & psallendi. Perpetuum officium.

VITÆ communis Monachorum præcipuum officium communis oratio & psalmodia, cujus concentu maxime continetur & accenditur religio. Augustinus in Psalm. 99. Sic & in illa vita communi fratrum, quæ est in monasterio, magni viri sancti quotidie in hymnis, in orationibus, in laudibus Dei inde vivunt. Cum lectione illis res est, &c. Joannes Cassianus collat. 9. capite 2. Omnis Monachi finis cordisque perfectio ad jugem atque indissruptam orationis perseverantiam tendit. Dulcedo psalmodiæ ea est, quæ peperit monasteria, id est, infinita propemodum millia hominum congregavit ad laudes Dei concinendas. Idem in Psalm. 132. Ista enim verba Psalterii, iste dulcis sonus, ista suavis melodia, tam in cœtico quam in intellectu, etiam monasteria peperit: ad hunc sonum excitati sunt fratres, qui habitare in unum concupierunt. Ac certe sine oratione & psalmodia non potest intelligi vita ascetica, nec ea tuta est a dæmonum insidiis. Juges Monachorum preces sunt perpetuæ excubiæ adversus insidias dæmonum.

Cassianus collat. 7. capite 23. *Siquidem in ipsis cœnobis, in quibus commorabantur octo vel decem, ita eorum (dæmonum) atrocitas grassabatur, & frequentes ac visibiles sentiebantur aggressus, ut non auderent omnes pariter noctibus obdormire, sed vicissim aliis degustantibus somnum, alii vigilias celebrantes, psalmis & orationibus seu lectionibus inharebant: cumque illos ad soporem nature necesse sit invitaret, expergefæcti alii, ad eorum qui dormituri erant, nyctodium similiter excubiæ tradebantur. Inde oratio validissimum scutum adversus tentationes dicitur. Joannes Chrysostomus in Acta Apostolorum Homil. 3. in illa verba capitis 1. Et erant perseverantes in oratione. καλῶς, inquit, μέγα γὰρ τὸ τοῦ ὕπνου ἐν τοῖς πειρασμοῖς. Pulvere magna siquidem armatura in tentationibus est deprecatio. Et psalmodia peregrinatio est & recta via qua itur ad Deum, & velut continens quo terra celo conjungitur. Gregorius Nazianzenus epistola 13. τίς δώσει ἄς ψαλμωδίας ἐκείνας, & ἄς ἀρτυρήσῃ, καὶ ἄς δι' ὧν τις πρὸς Θεὸν ἐκδημιῖται, & τίς οἰονίς αὐτῶν ζῶντι & ἀσώματῳ. Quis dabit psalmodias illas, & vigilias, & per orationem ad Deum peregrinationes, illamque velut materia vacantem & incorpoream viam? Monachis oratio est coriphæus chori virtutum. Gregorius Nyssenus de Scopo Christiano πρὸς ἀκούτας. δέσιν δὲ ἡμᾶς τῇ ὁρίῃ πλείον πειρασμαρτεῖν. οἷος γὰρ κορυφαῖός τις τῆς πόλεως τῆς ἀρετῆς αὐτῇ τῇζαται. Nobis vero amplius orationi insistendum est, siquidem hæc veluti coriphæus chori virtutum. Oratio præcipuum officium Monachi. Rufinus de vit. Patrum libro 1. capite Monachi autem illud opus est præcipuum, ut orationem puram offerat Deo, nihil habens in conscientia reprehensibile. Et quod in vita communi caritatis fastigium est, Monachi erant pro universo mundo. Joannes Chrysostomus in Joannem Homil. 77. καὶ αὐτὸ πάλαι τῷ ἀπείρητος ὁρίζεται τῆς οἰκουμένης, ὅπερ μέγιστον φιλίας ὅτι πλεονέχει. Et ipsi rursus pro universo mundo erant, quod maxima est dilectionis argumentum. Denique officium divinum est opus Dei: sic passim vocat regula Benedicti capite 22. 43. 44. 50. 52. 58. Bernardus in Cantic. sermon. 47. Ex regula namque nostra nihil operi Dei præponere licet, quo quidem nomine laudum solemnia, quæ Deo in oratorio quotidie persolvuntur, Pater ideo Benedictus voluit appellari, ut ex hoc clarius aperiret, quam nos*

operi illi velit esse intentos. Primis sæculis Monachi Ægypti duplex officium per diem frequentarunt, vespertinum & nocturnum: vespertinum, quod solebat fieri sub vesperam ad solis occasum; nocturnum, nocte intempesta, id est, media nocte: utrumque duodecim psalmodiarum recitatione implebatur. Joannes Cassianus de institutione Cœnobitarum lib. 2. capite 4. Igitur per universam Ægyptum & Thebaidem duodenarius psalmodiarum numerus tam in vespertinis quam in nocturnis solemnitatibus custoditur; ita dumtaxat, ut post hunc duæ lectiones, veteris scilicet ac novi Testamenti, singulæ subsequantur, qui motus antiquitus constitutus: idcirco per tot sæcula penes cuncta illarum provinciarum monasteria intemeratus nunc usque perdurat, quia non humana adinventione statutus, a senioribus affirmatur, sed calitus angeli magisterio Patribus fuisse delatus. Et ab initio apud Ægyptios Patres psalmodiæ ritus diversus fuit ab eo quem Ecclesiæ cætera observabant: nec enim psalmodia celebrabatur alternis choris, sed vnus stans psallens decantabat, sedentibus & silentibus aliis. Idem de institutione Cœnobitarum libro 2. capite 5. Quotidianos orationum ritus volentibus celebrare, vnus in medium psalmos Domino cantaturus exurgit, cumque sedentibus cunctis, ut est moris nunc usque in Ægypti partibus, & in psallentis verba omni cordis intentione defixus, undecim psalmos orationum interiectione distinctos contiguus versibus parvuli pronuntiatione cantasset. Usu tamen frequentior in monasteriis Orientis fuit ritus psallendi alternis choris, cuius auctorem Ignatium in Antiochena Ecclesia tradit Socrates libro 6. capite 8. Flavianum & Diodorum Monachos, Theodorus libro 2. capite 24. in hoc concors cum Socrate, quod in Ecclesia Antiochena primum hoc genus psallendi institutum fuisse refert, & inde ad universas Ecclesias felici traduce pervenisse. Hujus scriptoris verba hæc sunt: εὐτο δεῦτε διὰ διελόντες τοῖς τῶν ψαλλόντων χοροῖς, ἐκ ἱεροδουλῆς αἰδίου τοῦ Δαυιδικῶν ἐκείνου μαλῶν, ὅτι τὸ ἐν Ἀντιοχείᾳ δεῦτε ἀρχαῖον. πάντες διδραμαὶ καὶ κατὰ λαοὺς τῆς οἰκουμένης τὰ τέμματα. Hi primi psallentium choro in duas partes diviso, hymnos Davidicos alternis canendos traiecerunt: quæ res primum incæpta Antiochiæ ubique pervenit, & ad ultimas orbis terræ oras pervagata est. Inde ad Occidentales

Ecclesias brevi tractu pervenit iste ritus psallendi alternis, etiam in conventualibus Ecclesiis, quem tempore interdicti quoque tulere Pontifices, modo clausis foribus fieret. Cap. *Quod inter extra De pœnitent.* Singulare est quod memoratur de Publico Abbate, eum collegisse duplicem cœtum Monachorum: alium Græcorum, qui sermone Græco laudes Dei celebrarent; alium Syrorum, qui Syriaca lingua; eoque factis functo, Theotecnum Græcæ linguæ, Aptonium Syriacæ præfecturam suscepisse. Theodoritus Histor. Patr. capite 5. Monachorum sacrum officium aliud erat vespertinum, aliud nocturnum, vt modo dixi. Vespertinum erat, quod sub vesperam & ad solis occasum celebrari moris erat: vnde vespertina synaxis dicitur passim. Cassianus collatione 8. capite 16. *Nam cum unus ex fratribus nostris in hac solitudine iter ageret, advesperascente jam die, antrum quoddam repiciens, ibidem substitit, vespertinam volens in eo synaxim celebrare.* Idemque collatione 9. capite 36. *Vespertina synaxi celebrata, sopore paululum membra laxavimus.* Idem collat. 22. cap. 1. *In ipso noctis initio, id est, post synaxim vespertinam.* Alia enim erat synaxis precum, alia ἀγασματα, seu sacrorum mysteriorum. Athanasius Apolog. ad Constantium: καὶ γάρ οὐ καὶ ἐκείνη, ἀλλὰ συνάξις ὁρῆς. *Nec celebrata sunt encania, sed tantum precum synaxis.* Et hoc est quod alibi vocatur lucernarium, quod perageretur accensis lucernis. Concilium Toletanum I. can. 9. *Lucernarium vero nisi in Ecclesia non legatur.* Lucernalis hora, Cassian. libro 3. de institutione Cœnobarum capite 7. Vespertinum, Synod. Emeritens. can. 2. *Sicut in aliis Ecclesiis vespertino tempore, post lumen oblatum prius dicitur vespertinum.* Græci λυχνικόν. Synod. VI. in Trullo can. 91. Palladius Historiæ Lausiæ. cap. 38. καὶ ἐν τῇ λυχνικῇ δώδευα. *Et in vespertino duodecim orationes.* Epiphanius in synopsi fidei. λυχνικοὶ τι λαλοῦν καὶ προσεχχαί. *Lucernales psalmi & orationes.* Nocturnum officium erat quod media nocte incipiebat: ab Ecclesia institutum exemplo Davidis, Psal. 118. *Media nocte surgebam ad confitendum tibi.* Ambrosius in Lucam lib. 2. cap. 3. *Væ mihi est, si non media nocte surrexero ad confitendum tibi.* De quo idem in Psalm. 118. Chrysostomus in Acta Apostolorum Homil. 26. Hunc ritum tenacius se-

cuti Monachi. Eo se referens Chrysostomus de comparat. Regis & Monachi: Si noctis tempus, inquit, spectemus, Monachum videbimus πολὺν ὀψέπρον ἄδοντα τῆς ἐρησίας, multo prius atribus canentem, nimirum ante lucem jam a media nocte: & hæc est quæ dicitur nocturna synaxis. Cassianus collat. 17. capite 3. *Adventum senis atque instantem jam horam nocturna synaxeos paulatim præstolati, postquam eum solita salutatione suscepimus, & legitimus orationum atque psalmorum impletus est numerus. Officium nocturnum & diurnum statis horis distinctum, ne ullum momentum a Dei cultu & obsequio vacaret. Post nocturnas vigilias secutæ sunt Matutina, Tertia, Sexta, Nona, Vesperæ, Completorium. Hæc sunt quas horas canonicas dicunt, certis intervallis distinctæ. Hieronymus in epitaphio Paulæ: Mane, hora tertia, sexta, nona, vespera, noctis medio, per ordinem psalterium recitabant. Joannes Cassianus de institutione Cœnobitarum libro 3. capite 2. Apud illos etenim hæc officia, quæ Domino solvere per distinctiones horarum & temporis intervalla, cum admonitione compulsores adigimur, per totum diei spatium jugiter cum operis adjunctione spontaneæ celebrantur. Chrysostomus in primam ad Timoth. Homil. 14. ἐκεῖνοι δὲ πάλιν ὁρχαὶ ἐνδυναὶ ὑπὸ πλείοντις πρὸς τὴν τῆς γραφῆς ἀνάγνωσιν τρέπονται· οὐδὲν γὰρ φλυαροῦντες, οὐδὲν οὐδὲν λέγοντες, τρέττω, ἔκτω, ἐνάττω καὶ τὰς ἑσπερινὰς ὁρχὰς ὑπὸ πλείονσι. Illi contra matutinis precibus hymnisque peractis, ad sanctarum Scripturarum studia se convertunt: sicque nemine nugante, aut aliud aliquid loquente, tertiam, sextam, nonam, vespertinamque consummant synaxim. De officio Nonæ Theodorus de vit. Patrum capite 3. κοινῇ τὴν τῆς ἐναντίας ἐμπύλουν λειτουργίαν. Nona simul officium peregerunt. Inde quia officium certis spatiis velut decurritur, cursum vocarunt Bonifacius Moguntinus epistola 17. Wigbertus Presbyter & Megingordus Diaconus regulam vestram vobis insinuant, & speciales horas, & cursum Ecclesiæ custodiunt. Et Hugbaldus Abbas in vita sanctæ Rictrudis apud Surium 12. Maii: Cursum vero suum, id est, pensum precum canonicarum. Ekkeard. Junior de casibus monaster. sancti Galli capite 3. de Notkero: Plerumque cursus & missæ negligebat, Bonus, inquit, missis audimus, cum eas agi docemus. Pensum canonicum vocat Ivo Carnotensis*

tenſis epiſtola 19. *Raro etiam canonicum penſum determinatus horis ſolvere prævalemus.* Veteres Collectam vocant, quia collecti fratres officium celebrant. Hieronymus ad Euftochium: *Post alleluia cantatum, quo ſigno vocabantur ad Collectam, nulli reſidere licitum erat.* Rufinus de vit. Patrum libro 1. cap. 29. *Surge, Abba Macari, & eamus ad Collectam, ubi fratres ad vigiliis congregantur.* Et mox: *Abiit ergo ad Collectam, ubi a fratribus vigilia celebrantur.* Quod idem repetit iſdem verbis libro 2. capite 43. Et hoc eſt quod ſignat Gregorius lib. 9. epiſtola 38. Indiēt. 4. *Tunc collecti pro eo fratres ſeſe per triduum in precibus aſtrinxerunt.* In Oriente pſalmum quemque ſequebatur oratio: in Occidente ſolemnis glorificatio Trinitatis, quæ in hunc diem perſtat. Caſſianus de inſtitutione Cœnobitarum libro 2. capite 8. *Illud etiam quod in hac provincia vidimus, ut uno cantante in clauſula pſalmi, omnes aſſantes concinant cum clamore, Gloria Patri, & Filio, & Spiritui ſancto, nuſquam per omnem Orientem audivimus, ſed cum omnium ſilentio ab eo qui cantat finito pſalmo, orationem ſuccedere.* Monachi ſtantes pſallebant: inter hæc orabant flexis genibus, expansis manibus. Caſſianus de inſtitutione Cœnobitarum libro 2. capite 7. *Apud illos ergo non ita eſt, ſed antequam ſtectant genua, pauliſper orant, & ſtantes in ſupplicatione, maiorem temporis partem expendunt: itaque poſt hæc puncto breviffimo procidentes, humi velut adorantes tantum divinam clementiam, ſumma velocitate conſurgunt, ac rurfus erecti expansis manibus, eodem modo quo prius ſtantes oraverant, ſuis precibus intentius immorantur.* Ioannes Chryſoſtomus in 1. ad Timotheum Homil. 14. *Ἐ ἱſτάται τῶν ἀγῶν ἐνταπεινῶι ᾠῶν, Ἐ τὰς γῆρας ὁδῶς ἀπαύſαντις.* Adſtantque ſacro inſtituto choro, proſtratusque expansis manibus ſanctos concinunt hymnos. Auctor ſermon. ad fratres in eremo ſermone 3. *Elevate capita, ut elevemini corde: extendite brachia, ut extendamini toto corpore, volantes ad cælum.* Bernardus in vita Malachie: *Quoties novæſtes totas pervigiles duxit, extendens manus in oratione.* Laudatur Goſuinus Aquicinctenſis Abbas, quod inter officia ſacra ſeſſione abſtinuerit uſque ad extremam ſenectam. Auctor ejus vite libro 2. capite 5. *Nullius ſolemnis officii prolixitate potuit permoveri, ut indulgeret corpufculo ſeſſicentæ, niſi in-*

terdum triennio ejus decessionem præcedente. Eadem laude Otho-
nem Priorem sancti Mathiæ juxta Treverim commendat
Thomas Cantipratensis libro 2. cap. 1. *Primus semper ad om-
nes horas, primus ad Matutinas de nocte surgebat, nullo umquam
in choro die vel nocte appediamiento sedium utebatur. Monachi
etiam toto corpore prostrati orabant. Rufinus de vit. Pa-
trum libro 1. capite 29. Ubi vero post psalmum ad orandum se
proiecissent, fratres percurrerant nihilominus singulos, & ante
alium jacentem in oratione quasi mulierum specie ferebantur. (ii
erant demones puerulorum Æthiopum specie Monachis in-
festi) Utrumque morem orandi expansis matribus & pro-
strato corpore signat. Augustinus de cura pro mortuis ge-
renda capite 5. *Nam & orantes de membris sui corporis faciunt,
quod supplicantiis congruit, cum genua figunt, cum extendunt
manus, vel etiam prosternuntur solo. Veteres Monachi utrius-
que sexus psalmos memoriter canebant. Hinc Hieronymus
ad Rusticum Monachum: Numquam de manibus & oculis dis-
cedat liber, discatur psalterium ad verbum. Idemque ad Lxtam:
Discat primo psalterium, his se canticis avocet. Idem in epitaph.
Paulin. Nec licebat cuicumque sororum ignorare psalmos, & non
de Scripturis sanctis quotidie aliquid discere. Idem in vita Mal-
chi: Orabam jugiter, canebam psalmos, quos in monasterio didi-
ceram. Epiphanius in synopsi fidei: ἐν ψαλμοῖς δὲ οἱ πόλειες,
καὶ ὁ χαῖς διδύκειον, ἀναγνώτοι τε χειρὶν ἀγίον, ἔδοσι θεοῦς
ἀποῦνται. Magna vero ex parte in decantandis psalmis, ac per-
petuis orationibus, & sacrarum litterarum lectionibus, iisdemque
memoriter pronunciandis, se ipsos exercent. Abbatis officium erat
nunciare horas canonicas: vel quia plerumque non vacabat
ob majores occupationes, sollicito fratri id demandabat.
Regula Benedicti capite 47. Abbatis munus fuisse, vt Mo-
nachos de nocte excitaret ad horas canonicas, testatur Chry-
sostomus in prælaudatam 1. ad Timotheum Homil. 14. ἀλλ'
διδῶς ἀπαντες μὲν διὰ βίαιας τὸν ὑπὸν ὑπὸ ἡμέροι ἀγρίανται,
τῷ πνεύματι αὐτοῖς διδάσκοντες. Et infra: ἀλλ' ὅτι ἐφ' ὧν ἀλο-
θρυῶν ἰφώνοσι, ἔδιδῶς ἰλθὼν ὁ πνεύματος, ἔτ' ἐπὶ τὸν χεῖ-
ρῶν ἀπλῶς ἀποτίξας πάντας αἰσνοῦν. Verum omnes cum reve-
rentia discusso sopore consurgunt a Præsule excitati suo. Sed, ut di-
xi, galli cantu continuo Præpositus assistit, pulsatque modice pedo**

jacentem, sicque omnes una protinus excitat. Cura indicendi horas canonicas solebat demandari vni e fratribus, quem Græci κανονάρχῃ, qui signo dato, puta pulsatione tabulæ ligneæ, fratres excitabat ad horas canonicas. Palladius Historiæ Lausiacæ capite 11. Ἐκρούσαντος τῷ κανονάρχῃ τὸ ξύλον, ἐφ' ᾧ πάντας τοὺς ἀδελφοὺς συναχθῆναι. Pulsante Canonarcho signum, quo omnes fratres convenirent. Idem capite 50. ὅτι ἐν μιᾷ νυκτὶ ἠγέρθαι, ἐφ' ᾧ κρούσαι τὸ ξύλον ἡμεῖς γὰρ κανονάρχος. Cum quadam nocte surrexissem, ut pulsarem signum: eram enim Canonarcha. Dorotheus doctrin. 11. ἀπὸ ἐπὶ μὲν ὁ κανονάρχης ῥῆμα, ἢ ἄλλος τῶν ἀδελφῶν, καὶ πάντες ἐβάστασαν. Et infra: Ἐὼς μόνον ἔρπαζον μικρὸν, ἰδοὺ ὁ κανονάρχης ἐξύπνιζε με. An dixit mihi Canonarchas, vel quis alius fratrum, nec ferre potui. Et cum paululum obdormissem, excitabar a Canonarchia nostro. Compulsores vocat Cassianus de institutione Cœnobarum libro 3. capite 2. Cum admonitione compulsoris adigimur. Pulsantem idem lib. 4. cap. 12. Cum sonitum pulsantis ostium ac diversorum cellulas percutientis audierint, ad orationem eos scilicet seu ad opus aliquod invitantis, certatim e cubilibus suis unusquisque prorumpit. Circatorem a circando, id est, circumcundo, quod officii causa lustraret monasterium. Ekkeard. Junior de casibus monasterii sancti Galli cap. 3. Et ecce primo signo ad Vesperas pulsato, Circator fratres collecturus, asino pro religione insidens, ostio domus hospitii jam dicti, quasi aliquem ibi quesiturus, appropriat. In fine synaxis fiebat trina supplicatio & genuflexio. Joannes Cassianus collat. 9. capite 34. Satis vero constat illum trina orationis numerum, qui solet in congregationibus fratrum ad concludendam synaxim celebrari, eum qui intento animo supplicat, observare non posse. Apud Dominicanos, post Completorium cum Processione solemnī cantatur Salve Regina, in laudem Virginis matris Dei: quod a Parisiensibus institutum susceptum est in aliis monasteriis Ordinis. Thomas Cantipratensis libro 2. cap. 10. Vere ergo digne & iuste a fratribus Predicatoribus Parisiis est sancitum, ut post Completorium omni die cum Processione & solemnitate ceceorum Salve Regina, flexis in initio genibus, in gloriam & laudem gloriosissimæ Virginis decantetur: & hoc diligentissime in singulis domibus Ordinis observatur. Post nocturnas vigilias,

in Aquicinſenſi monaſterio fratres non recedebant e choro ſomni cauſa, ſed ſedebant in ſtallis ſuis: donec ab Henrico Archiepiſcopo Rhemenſi ſtatutum eſt, vt poſt Matutina fratres pauſarent, quo infirmis conſuleretur. Auſtor vitæ D. Goſuini libro 3. capite 11. *Antiquitus enim in Eccleſia Aquicinſenſi, a Kalendis Novembris uſque ad Paſcha, fratres poſt Matutina dormitum non ibant, ſed in conventu ſedebant, ita ut ſape pueri ad lumen cantarent candelarum: ſed in anno quo de vita deceſſit, præceptum eſt a Domino Henrico Rhemorum Archiepiſcopo, ut fratres Matutini expletis pauſarent, propter multorum infirmitatem.* In quibuſdam monaſteriis jure & indefinens die noctuque moris fuit celebrari officium, aliis per vices ſuccedentibus, tum vt laudes Dei perpetuè canerentur, tum vt vitaretur confuſio, propter multitudinem Monachorum. De Benchorenſi monaſterio Hybernix teſtatur Bernardus in vita Malachix: *Amant tam magnam gentem fuiſſe, ut ſuccedentibus ſibi viciffim choris continuarentur ſolemnia divinatorum, ita ut ne momentum quidem dici ac noctis vacaret a laudibus.* Hæc de antiqua dicta ſint Benchorenſis monaſterii gloria. Gennadii Patriarchæ tempore Conſtantinopoli extructum eſt cœnobium Monachorum, quos ἀνομιήτοις vocant, inſomnes, vigilantes, quod in claſſes diviſi die noctuque pervigiles Deo laudes canerent per vices: de quibus Evagrius libro 3. capite 19. libro 5. capite 16. Nicephorus Calliſt. libro 5. capite 23. Zonar. in Leone. Suidas in verbo *Studius*. Æque apud Judæos perpetuum ſacrificium fuit, quod a Græcis dicitur ἐνδιλοχμός. Joannes Chryſoſtomus orat. 36. ad Antiochenos. Apud veteres Patres jugis & indefeſſa exercitatio fuit oratio. De Antonio Athanaſ. in ejus vita. *οἰομένου αὐτοῦ ὅτι οὐκ ἐπαύειτο, Orabat ſine intermiſſione.* Hic pernoctabat in oratione ita indefeſſus, vt orientem ſolem increparet, quaſi impediretur. Caſſianus collatione 9. capite 31. In Ordine Cluniacenſi ita prolixum fuit officium, vt vix per æſtatem vacaret ſemihora: quod optima ratione ſtatutum, vt peccandi occaſio tolleretur. Tradit Petrus Damianus libro 6. epistoſta 5. ad Cluniacenſes: *Nam tanta erat in ſervandi ordinis continua jugitate prolixitas, tanta præſertim in Eccleſiaſticis officiis proclabatur iſtancia, ut in ipſo Cancr*

sive Leonis astu, cum longiores sunt dies, vix per totum diem unus saltem vacaret hora dimidium, quo fratribus in claustro licuisset miscere colloquium. Hoc autem tam continui laboris exercitium ad hoc est, ut reor, solerti satis ac provida magisterii arte provisum, ut levium atque infirmorum fratrum fragilitatem reprimat, & delinquendi propemodum occasionem tollat, quatenus, etiam si velint, præter cogitationem peccare vix possint. Fragilium igitur imbecillitati consulitur, dum in persolvendo continui ordinis penso, totum non modo divini, sed & nocturni temporis spatium profligatur. A Cisterciensibus tamen notantur Cluniacenses, quod Completorium sequeretur comestatio. Petrus Cellensis libro 8. epist. 23. Est autem consuetudo comestationum & epotationum, quæ sunt post Completorium. His adde quod sacrum officium Monachorum diversum fuit ab officio Clericorum, ut colligitur ex can. Placuit 12. distin. 1. quo præcipitur ut vnus & idem ordo psallendi seruetur, neque monasteriorum consuetudines cum Ecclesiastica regula permisceantur. Hinc cursum monasterialem a Gallicano, id est, Ecclesiastico, distinxit auctor vitæ sancti Walerici apud Surium 1. April. cum ait eum cursum tam monasterialem quam Gallicanum magno studio indefinenter celebrasse.



CAPUT III.

Oratio ad calculum, oratio mentalis, olim apud Monachos in usu.

PRÆTER canonicum psalmodiæ officium, veteres Monachi aliis privatis orationibus certo numero repetitis operam dabant, quasi ad calculum. Moses Æthiops ex principe latronum sanctissimus Monachus, quinquaginta per diem orationes repetebat. Palladius Historiæ Lausiæ capite 22. Sosomenus libro 6. capite 29. Paulus Abbas per diem trecentas orationes fundebat. Palladius cap. 23. Apollonius centum per diem, totidem per noctem preces Deo consignabat. Palladius capite 52. Rufinus de vit. Patrum libro 1. ca-

H h iij

ἡ τῆς θείων λόγων αἰσχροσύνης ἀνδραγαθία. Sed psalmodiam oratio, orationem psalmodia, & utrumque divinorum lectio excipiebat. Eleganter auctor sermon. ad fratres in eremo. Lectio sacre Scriptura Monachorum refectio, Episcoporum vacatio, Sacerdotum cellarium. Ob dolorem capitis lectioni se vacare non posse, dolet Cassianus collat. 10. capite 10. Volentem me ob stabilitatem cordis insistere lectioni, interpellans capitis prohibet dolor, horaque tertia faciem meam ad sacram paginam somnus allidit, ac deputatum quieti tempus vel transgredi vel praevenire compellor. Junioribus Monachis lectionis sacrorum librorum dilectus habendus est iudicio seniorum. Cassianus collat. 19. capite 16. Satis enim perversum est adhuc, infirmisque aegrisque pectoribus, vel tenuissimam recordationem hujus passionis admittere, ita ut nonnumquam eis etiam sub recordatione sanctarum feminarum, vel sub sacre lectionis historia noxia titillationis stimulus excitetur, cujus causa seniores nostri hujuscemodi lectiones sub presentia juniorum solent consultissime praevenire. Hac ratione ne Heptaticum aut libri Regum a fratribus legantur, quod ibi mentio fiat de rebus bellicis, de conjugio, vxoribus & liberis, vetat regula Benedicti capite 42. Et leat unus collationes vel vitas Patrum, aut certe aliquid quod adificet audientes: non autem Heptateucum, aut Regum, quia infirmis intellectibus non erit utile illa hora hanc scripturam audire; aliis vero horis legantur. Monachis assiduam orationem & lectionem indicit Gregorius libro 2. Indictione 11. epistola 3. ad Eusebium Abbatem: Non frequenter foras egrediaris, in causis istis procuratorem institue, & tu ad lectionem atque orationem vaca. Et infra: In ipsis autem fratribus monasterii tui, quos video, non invenio vos ad lectionem vacare. Eodem ingenio Clericis assiduam orationem & lectionem, quasi præcipuas partes vitæ spiritualis, suadet Cyprianus epistola 2. ad Donatum: Sit tibi vel oratio assidua vel lectio; nunc cum Deo loquere, nunc Deus tecum; ille te præceptis suis instruat, ille disponat, &c.



CAPUT V.

Collationum usus Monachos inter.

PRÆTER lectionem sacrorum librorum, apud Patres in usu fuit collatio de rebus asceticis, cui semper præerat vnus e senioribus. Joannes Cassianus collat. 2. capite 2. Memini igitur quondam in annis adhuc pueritia constitutus, in partibus Thebaidis, ubi beatus Antonius morabatur, seniores ad eum perfectionis inquirenda gratia convenisse; cumque a vespertinis horis usque ad lucem fuisset protracta collatio, questionem hanc maximum noctis spatium consumpsisse. Idem collatione 16. capite 10. Sed cum in unum convenientes sententias nostras promere cœpissimus, quadam communi examinatione discussa, primum ab altero falsa ac noxia notabantur: mox deinde ut perniciofa communi pronunciata iudicio damnabantur, quæ in tantum prius insusa a diabolo, velut luce fulgebant, ut facile potuissent generare discordiam, nisi præceptum seniorum, velut divinum quoddam oraculum custoditum, ab omni nos contentione revocasset. Quod ab illi legali quadam sanctione præscriptum est, ut neuter nostrum plus iudicio suo quam fratris crederet. Hinc vitam Monachorum in orationibus, lectionibus & disputationibus, per quas intelliguntur collationes, quæ non sine disputatione fiunt, transigi ait Augustinus de moribus Ecclesiæ Catholicæ capite 31. Sed si hoc excedit nostram tolerantiam, quia non illos miretur & prædicet, qui contemptus atque deserti mundi huius illecebris, in communem vitam castissimam sanctissimamque congregati, simul ætatem agunt viventes in orationibus, in lectionibus, in disputationibus, nulla superbia tumidi, nulla periticia turbulenti, nulla invidentia lividi; sed modesti, vetecundi, paucati, concordissimam vitam & intentissimam in Deum gratissimum munus ipsi offerunt, & quo ista posse meruerunt. Collatio est collatio sermonis duos vel plures inter. Ambrosius epistola 2. Collatio sermonis ut pecuniæ magno est usui. In monasteriis Ægypti & aliis, advenientibus hospitibus, post refectorem

ationem

tionem cum his habebatur collatio de rebus spiritualibus. *Cassianus collatione 18. capite 11. Tum Abbas Serapion refectio-
ne transacta, collationis consuetudine provocante, monere eum
benigne ac leniter cepit. Rufinus de vit. Patrum libro 1. ca-
pite 1. de Joanne Lycopolita. Verum ubi refectus est, & pau-
latim requievit, ex more quasi ab eruditissimo & opinatissimo Pa-
tre ceperunt verbum adificationis expetere, ac monita salutis inqui-
rere. Benedictus hujusmodi collationum usum videtur non
suscepisse, sed ejus loco lectionem collationum Patrum: ne
forte contentioni inter fratres, & silentii infractioni occasio
daretur. Regul. capite 42. Et legat unus collationes vel vitas
Patrum, aut certe aliquid quod edificet audientes. Et hujusmodi
lectio collationum juxta regulam Benedicti in usu fuit, etiam
atate Bernardi, ut traditur in ejus vitæ libro 1. capite 12.
Contigit autem advesperascente jam die, ut cæteris fratribus juxta
consuetudinem accedentibus ad lectionem collationum, solus Abbas
cum duobus fratribus sibi assistentibus remaneret in diversorio, in
quo jacebat. Tamen collationem religiosi sermonis mirum
conducere Monachis ad adipiscendam perfectionem vitæ
asceticæ, uti negotiantibus collationem pecuniæ ad ampli-
ficandum mercimonium, verissimum: & hoc est quod di-
ctum est a Patribus, sedere in cella dimidium esse, & cum
senioribus congrredi alterum dimidium esse. Dorotheus do-
ctrin. 11. ὅτι καὶ ἡμεῖς εἰς τὸ καλλίον ἡμῶν ἔστι, καὶ τὸ ὡραία-
λὲν γίγνεται ἡμῶν ἔστι. Sedere in cella dimidium quoddam est,
& cum senioribus congrredi dimidium est.*



CAPUT VI.

*Sacra communionis usus apud Monachos varius pro
tempore.*

VETERES Monachi, ut cætera eorum pia officia per-
sequar, quia adhuc erant extra Clerum, singulis die-
bus dominicis conveniebant ad Ecclesiam proximam, & a
manibus Presbyteri cum plebe communicabant. Theodori-
us de vit. Patrum capite 12. εἰς τὴν εἰς αὐτὴν ἐκκλησίαν μὴ τῶν

πολλὰν ἤ κωριακῶν ἡμέραν ἐφοίτα, καὶ τῷ θείῳ ἱερῶν λόγων, καὶ τοῖς διδασκαλοῖς ὑποπύειν τὰ ὦτα, καὶ τῆς μυστικῆς μεταλαμβάνων τραπέζης, εἰς τὸ χαρὸν ἐκείνο καλεσθῆναι ἐπαγγέλει. Veniebat cum populo ad divinam Ecclesiam die dominico, καὶ divinos audiebat sermones, καὶ aures præbebat doctoribus, καὶ mystica mensa parriceps factus, redibat ad novum illud habitaculum. Cassianus collatione 7. capite 34. Quamobrem soporis modicum degustantes, discutimus obrepentem oculis nostris vicina jam luce torporem, ac deinceps pariter ad Ecclesiam procedentes, quoniam nos hoc facere dominica diei solemnitas commonet, reversi post synaxim, ea qua Dominus ad instructionem communem pro desiderio vestro largitus fuerit, duplicato gaudio conferamus. Rufinus de vit. Patrum libro 1. capite 22. Die tantum Sabbati καὶ dominica in unum ad Ecclesiam coeunt; καὶ ibi semel ipsos invicem tamquam calo redditos vident. Et ubi Monachi ad Ecclesiam conveniebant communionis causa, locus eis erat extra cancellos altaris, medius inter Clerum & plebem. Dionysius Areopagita epistola 8. ad Demophilum. Tabennesiota juxta regulam Pachomii ab angelo traditam; communicabant die Sabbati καὶ die dominico. Palladius Historiæ Lausiæ capite 38. εἰσίοτες δὲ εἰς τὴν κανωτίαν τῷ μυστικῶν τῷ χειρὸς, καὶ σάββατον καὶ κωριακῶν τὰς ζώνας λύουσιν. Ingredientes autem ad Christi communionem Sabbato καὶ Dominica zonas solvant. Eadem disciplina vsi sunt & alii Monachi Ægyptii. Cassianus de institutione Cœnobarum libro 5. capite 26. Vidimus alium in solitudine commorantem, refectiorem jugiter distulisse, donec Sabbato vel dominico die, devota congregationis obtentu, procedens ad Ecclesiam, peregrinorum quempiam reperisset. Eundem morem susceperunt & Monachi Syriæ & Orientis. Laudatur Paphnutius Abbas Scythi, quod monasterium erat in Syria, quod jam longævus, e cella missibus quinque remota, die Sabbati καὶ dominico ventitaret ad Ecclesiam. Cassianus collatione 3. capite 1. collat. 18. capite 15. Alii zelo ferventiores quotidie communicabant, nec prius cibum sumebant, quam refecti sacris mysteriis. Quotidianam communionem fratribus ad se venientibus indicebat Apollo Abbas. Palladius capite 52. εἰ γὰρ σὺν αὐτῷ ἀδελφοὶ οὐ ποτὶς τῆς προφῆας ματλαμβανοι, φοιτῇ τῆς ἀρχιερατικῆς τῷ χειρὸς κοινωνήσων. τὸτο

δι' ἑαυτοῦ καὶ τῶν ἐν αὐτῷ ὡς αὐτοὶ ἱμῖνοι. Qui enim cum ipso erant fratres, alimentum non prius accipiebant, quam Eucharistia Christi communicassent. Hoc autem faciebant hora nona diei. Idem institutum fuit Apollonii Abbatis: de quo Rufinus de vit. Patrum libro 1. capite 7. Consuetudo autem erat apud eum, ut fratres qui cum ipso erant, non prius cibum sumerent, quam communionem dominicam perciperent circa horam diei nonam. Sed & hoc monebat, ut si fieri posset, quotidie Monachi communicarent mysteriis Christi, ne forte qui longe fuerit ab his, longe fiat a Deo. Persæpe alii de manu Presbyteri sanctam Eucharistiam accipiebant, & eam in cellulam asportabant, ut sua manu assumerent, si necessitas urgeret. Basiliius epist. 289. ad Cæsariam: πάντες γὰρ οἱ καὶ τὰς ἐρήμους μονάζοντες, ἡμέμῃ μὴ ἔστιν ἱερὸς, κοινωνίας οἶκος κατέχοντες, ἀφ' ἑαυτῶν μετὰ λαμβάνουσιν. ἐν Αἰγυπτῷ δὲ καὶ ἐν Αἰγυπτίῳ ἱερεὺς, & ἡβὴ ἐν λαῷ πλύντων, ὡς ὅπῃ τὸ πλεῖστον, ἔχει κοινωνίαν ἐκ τοῦ οἴκου αὐτοῦ. Nam & illi omnes, qui per eremos vitam monasticam instituunt, ubi copia non suppetit Sacerdotis, cum habesnt domi communionem, illam de manibus suis percipiunt. Alexandria autem & per Ægyptum unusquisque, etiam de plebe, ut plurimum, habet domi suæ communionem. Tandem collapsa fere religione, cum de ea instauranda cogitatum est, satis visum est, pro tepiditate ætatis menstruam communionem apud Monachos restitui. Clement. Ne in agro. §. Sane. de statu Monach. Sane singulis mensibus, tam in monasteriis quam extra, sublata occasione quacumque, ad confessionem saltem semel accedant omnes & singuli Monachi, & in prima Dominica mensis cuiuslibet in monasteriis semper communicent, nisi ex causa forte quam Abbati, Priori, aut Pænitentiariis monasteriorum non differant intinmare, eorumque iudicio vel abstineant vel accedant. Quod comprobavit Constitutio Benedictina cap. 27.





CAPUT VII.

Manuum opus Monachorum, ejusdem ratio: modus operis, varia species operis.

PSALMODIAM, orationem & lectionem apud Monachos sequebatur manuum opus. Hæc duo præcipua sunt officia Monachorum, sacris Scripturis vacare, aut manibus operari. Novell. Justinian. 133. capite ultimo. Augustinus quæst. vtriusque Testament. capite 115. *Munimenta ergo sunt animorum, meditatio assidua legis Dei, & operatio, quia si otiosos nos viderint (dæmones) a divinis, excitantur ad sollicitandos nos.* Idem in Psalm. 99. *Cum lectione illis res est, laborant manibus suis, inde se transigunt, non avare aliquid petunt.* Et ipsum opus manuum erat quasi sequela. & supplementum orationis: operantes enim psalmos canebant. Joannes Cassianus de institutione Cœnobitarum libro 2. capite 15. *Sed sic unusquisque opus exequitur injunctum, ut psalmum vel scripturam quamlibet memoriter recensendo, non solum conspirationi noxiæ, vel consiliis pravis, sed nec otiosis quidem colloquiis ullam copiam vel tempus impartiat, oris pariter & cordis officio in meditatione spiritali jugiter occupato.* Idem libro 3. capite 2. *Ita namque ab eis incessanter operatio manuum privatim per cellulas exercetur, ut psalmorum quoque vel cæterarum scripturarum meditatio numquam penitus omittatur.* Inde quia manuum operatio monastica erat admixta precibus, genus Philosophiæ eam vocat Joannes Chrysostomus in primam ad Corinth. Homil. 5. τὸ γὰρ ἀεὶ ταντὸς ἐργαζόμενοι τρέψεται, οἰκουμένης εἰδός ἐστι. *Perpetuo enim opus facientem ali, est genus Philosophiæ.* Monachi totius Ægypti & Orientis post psalmodiæ, orationis & lectionis officia, labori manuum operam dabant. Epiphanius hæres. 80. καὶ πάντων τῶν τῷ Θεοῦ δοῦλων, τῶν εἰς διακονίαν καμμένων, τῆς ἰδίας χειρὸς, εἰς τὸ ἐπαρξάναι καὶ τοῖς ἐκκλησιάζουσιν· καθὼς δὲ ἐν ἐνστάτῳ μοναχικῷ, ἐν τῇ τῶν Αἰγυπτίων χάριτι, ἢ ἐν πάσις χώραις οὕτως κάμνουσιν εἰς διακονίαν.

Præterea nullus est Dei famulus, qui non ad obtinendam justitiam manibus suis opus exerceat, quo in egentes beneficus esse possit: quod in unoquoque monasterio tam in Ægypto quam in aliis provinciis fieri cernimus. Idemque in synopsi fidei: καὶ πῶς ἀπειλῶντο τῆς βίῃ· τίνας λίπας ἔα πειράζεσθαι ἐαυτοῖς ὁποιοῦντες, ἵνα μὴ ἀργὸν βίον διατελέσωσι, μηδὲ τὸν ἀπὸ τῶν βεβαρημένων ἰδίωσιν. Nonnulli seculo ita renunciaverunt, ut leviores quasdam artes ac minus negotiosas sibi ipsis excogitarent, ne aetatem in otio degerent, aut cibum cum cujusquam incommodo sumerent. De Monachis sparsis in monte Nitriæ haud procul Alexandria, testatur Palladius Historiæ Lausiacæ capite 6. πάντες δὲ οὗτοι ὁδὸν ἐργάζονται τὰς χερσὶν ἑαυτῶν, ὥς ἵη τοῖς πάντας ἀνεδίε. Hi autem omnes suis manibus faciunt vestem lineam, adeo ut sint omnes minime egentes. Hieronymus epistola ad Rusticum Monachum: Ægyptiorum monasteria hunc morem tenent, ut nullum absque operis labore suscipiant, non tam propter victus necessitatem, quam propter animæ salutem. Idemque epistola ad Marcum Presbyterum: Nihil alicui præripui, nihil otiosus accipio, manu quotidie & proprio sudore quarimus cibum, scientes ab Apostolo scriptum esse: Qui autem non operatur, nec manducet. Augustinus libro de moribus Ecclesiæ Catholice capite 31. Nemo quicquam possidet proprium, nemo cuiquam onerosus est: operantur manibus eâ, quibus & corpus pasci possit, & a Deo mens impediri non possit. Monachi ex institutó laborabant exercitationis causa, ne otiosi essent. Augustinus de opere Monachorum. cap. 25. Nullomodo decet, ut in eâ vita, ubi sunt Seniores laboriosi, ibi fiant opifices otiosi, & quo veniant relictis deliciis suis, qui fuerant prædiorum domini, ibi sint rustici delicati. Et capite 28. ejusdem libri: Ostendite, inquit, hominibus non vos in otio facilem victum, sed per angustiam & arctam portam regnum Dei quærere. Et auctor sermon. ad fratres in eremo sermone 1. Postquam autem resece- rint, sive in horto, sive in eremo, vel ubicunque necesse fuerit, operentur in servis Dei otiositate pejus, &c. Ideo Paulus Abbas, cum ex hortulo & palmarum fructibus idoneum sumptum haberet, iuge operis pensum per annum a se exigebat, annoque emenso supposito igne opus concremabat. Cassianus de institutione Cœnobarum libro 10. capite 24.

Proxima ratio laboris manuum Monachorum fuit evitatio & fuga tentationum ex otio obrepentium. Et hæc fuit sententia Ægyptiorum Patrum, vno dæmone tentari operantem Monachum, innumeris otiosum. Joannes Cassianus de institutione Cœnobitarum libro 10. capite 23. Unde hæc est apud Ægyptum ab antiquis Patribus sancita sententia, operantem Monachum dæmone uno pulsari, otiosum vero innumeris spiritibus devastari. Tertius laboris Monachorum scopus fuit, ne plebi graves & onerosi essent, imò & quod superfluum esset, in hospites vel in pauperes peregrinos & victos expendere. Joannes Cassianus de institutione Cœnobitarum libro 10. capite 22. His itaque exemplis per Ægyptum Patres eruditi, nullo modo otiosos esse Monachos, ac præcipue juvenes, sinunt, & non solum a nullo quicquam ad usum victus sui accipere patiuntur: sed etiam de laboribus suis non tantum supervenientes ac peregrinos reficiunt fratres, verum etiam per loca Lybiæ, quæ sterilitate ac fame laborant, necnon etiam per civitates his qui squalore carcerum contabescunt, immanem conferentes dirigunt alimoniam victusque substantiam. Theodoritus de vit. Patrum capite 30. Ἡ Αἰγύπτῳ δὲ πασι, ἡ ἀνὰ πάντα χηλιδὸς ἀνδρῶν ἔχειν ἐστὶν περὶ τῆς ἐργασίας, ἡ μεταξὺ τῶν διαποτῶν ἀνυμνοῦσθαι, ἡ οὐ μόνον τῶν ἀναγκαῶν ἐκ τῆς ἐργασίας ποιεῖσθαι τροφὴν, ἀλλὰ ἡ ἑτέροις ἀφικνουμένοις καὶ πνευμάτοις ἐπακουσῶσιν. In Ægypto vero ferunt quedam esse monasteria, quæ viro- rum habeant ad quinque millia opus facientium, Deumque interea laudantium, qui opificio suo non solum victum parant necessarium, sed peregrinis etiam egentibusque subveniunt. Augustinus lib. 1. de moribus Ecclesiæ Catholicæ capite 31. Sane quicquid necessario victui redundat, (nam redundat plurimum ex operibus manuum & epularum restrictione) tanta cura egentibus distribuitur, quanta non ab ipsis qui distribuunt, comparatum est: nullo modo namque satagunt, ut hæc sibi abundent; sed omnimodo agunt, ut non apud se remaneat quod abundaverit, usque adeo ut oneratas etiam naves in ea loca mittant, quæ inopes incolunt. Certus erat canon, id est, modus quotidiani operis apud Monachos: sed plerumque certatim Monachi ultra canonem operabantur, ut quod excederet, pro arbitrio dispensaretur in alimoniam pauperum & victorum. Idem collatione 18. capite 7.

illi ob hoc certatim statutum transcendere canonem diurnis operibus elaborant, ut quicquid monasterii sanctus usus redundarit, vel carceribus, vel xenodochio, vel nosocomio, vel indigentibus pro Abbatis dispenseretur arbitrio. Denique labore manuum visitabant Monachi, ut parerent præcepto Apostoli. Idem collatione 24. capite 12. Nam utique omne hominum genus abique illo tantum genere Monachorum, quod secundum præceptum Apostoli, quotidianis manuum suarum laboribus vivit, agapen alienæ operationis expectat. Idem Cassianus de institutione Cœnobitarum lib. 2. capite 3. Varia fuere opera Monachorum: his artibus se exercébant ii, quas Epiphanius loco novissime laudato vocat *ἀπλὰς καὶ ἀπεργασίας*. Alii terram aratro colebant, arbores conferebant, consitas irrigabant. Joannes Chrysostomus libro 2. adversus vituperatores vitæ monasticæ: καὶ οὐτὸν ἐκεί, καὶ ἀδελφῶν, καὶ ὑποπορεύειν, ἔτι ἄλλα δὴ πάντα ἃ τῷ μοναχῶν ποιεῖν. Et ibi plantare, inferere, rigare, aquas ferre, & alia omnia Monachorum facere. Hieronymus in vita Hilarionis: Orans frequenter & psallens, & rastro humum fodiens, ut jejuniorum laborem labor oneris duplicaret. Alii sportas necebant, alii fiscellas, alii plectas, alii flabella, alii calathos, alii flabella de junco vel foliis palmarum, de quibus fiebant *ὀλοχλαί* seu munuscula. Hieronymus in 2. præfat. in Job. Si aut fiscellam junco texerem, aut palmarum folia complicarem, ut in sudore vultus mei comederem panem, & ventris opus sollicita mente pertractarem, nullus morderet, nemo reprehenderet. Quapropter, o fratres dilectissimi, pro flabello, calathis sportellisque, munusculis Monachorum, spiritualia hæc & mansura dona suscipite. Cassianus collat. 18. cap. 15. Hoc genus malignitatis excogitat, ut opportunitatem temporis captaret, quo Paphnutius ad Ecclesiam die dominico processurus abesset a cella, in qua furtim irruens, codicem suum inter ejus plectas, quas de palmarum foliis solebat intexere, latenter abscondit. Theodoritus de vitis Patrum capite 10. καὶ τὴν τῷ τῷ χειρὶ ἐργασίας μαρτύριον, πλὴν μὲν τὰς καλοῦσιν ἐπίστας ὑφαίνων καὶ αὐτείδας, πλὴν δὲ μικρὰς ἀρούρας ἐν τῇ γῆ κατὰ κράτος, καὶ ἀνέματα κατὰ βῆλλον, ἔτι τὴν ὑποχέσασαι ἐκείδων συλλέγειν προσέτι. ἔτι τὴν ἰδίαν ποιεῖ μὲν ἱστία, τοὺς δὲ δέρις περιχέας ὑφαίνοντας, τοὺς δὲ τὰς ἐπίστας, ἢ τὰς αὐτείδας διαπλεκοντας, ἄλλους δὲ τὴν γηποῖαν

αναδεδυμένους. Manuum quoque opificia tractabat, nunc flabella quæ vocant, sportellasque texens, nunc agellos in saltu parans, & semina spargens, unde necessaria vitæ alimenta colligeret. Ac videre erat hos vola, illos cilicia texentes, alios flabella, alios sportellas plectentes, alios agriculturæ operam dantes. Alii messis tempore elocabant operas metendis segetibus. Rufinus de vit. Patrum libro 1. capite 18. Hoc autem moris erat non solum ipsis, sed & omnibus pene Ægyptiis Monachis, ut messis tempore elocent ad metendum operam suam, atque ex ea mercede octogenos unusquisque medios frumenti plus minus conquireret, & horum partem plurimam pauperum usibus offerant. Inter Monachos alii erant, qui libris perscribendis operam dabant. Joannes Chrysostomus in primam ad Timoth. Homil. 14. εἰσὶ δὲ οἱ ἐ βιβλία γράφειν μεμαθηκότες. Sunt & qui libros scribere didicerant. Hieronymus epist. ad Rusticum Monachum: Scribantur libri, ut & manus operetur cibum, & animus lectione saturetur. Ideoque inter Monachos erat quasi ordo scriptorum. Rufinus de vit. Patrum libro 2. capite 147. Et ingressus Abbas in cellam Marci, quoniam scriptor erat, reperit quaternionem quem scribebat. Cassianus de institutione Cœnobaritarum libro 4. capite 12. Certatim e cubilibus suis unusquisque prorumpit, ita ut is, qui opus scriptoris exercet; quam repertus fuerit inchoasse literam, finire non audeat. Idem libro 5. cap. 39. Quo respondente nihil se nec posse, nec prævalere ex his quæ illic exercebantur a fratribus, operari præter librariam manum, &c. Operi manuum certum erat tempus præfixum. Regula Benedicti capite 48. Et ideo certis temporibus occupari debent fratres in labore manuum, certis iterum horis in lectione divina: ideoque hac dispositione credimus utraque tempora ordinari, id est, ut a Pascha usque ad Kalendas Octobris, a mane exeuntes a prima usque ad horam pene quartam laborent quod necessarium fuerit; ab hora autem quarta usque ad horam quasi sextam lectioni vacent, &c. Apud Ægyptios Patres id tempus erat usque ad horam lucernariam, id est, usque ad vespertinum officium. Pseudo-Augustinus ad fratres in eremo sermone 1. Operentur ergo in nomine Domini sacrum ordinem non habentes usque ad horam lucernariam. Opus imperatur sacrum ordinem non habentibus, id est, fratribus laicis: opus enim remittebat

Mona-

Monachis Presbyteris vel Diaconis, ut insinuat ipse Augustinus de opere Monachorum capite 21. *Si Evangelistæ sunt, si ministri altaris, si dispensatores sacramentorum, bene sibi istam non arrogant, sed plane vendicant potestatem, nimirum vivendi ex facultatibus populi.* Ab opere manuum recurrebatur ad officium divinum, tanta obedientia, ut ad monitum pulsantis seu compulsoris opus inceptum omitteretur, & a scriptoribus vel littera incepta imperfecta relinqueretur. Joannes Cassianus de institutione Cœnobitarum libro 4. capite 12. *Itaque confidentes intra cubilia sua, & operi ac meditationi studium pariter impendentes, cum sonitus pulsantis ostium ac diversorum cellulas percutientis audierint, ad orationem eos scilicet, seu ad opus aliquod invitantis, certatim e cubilibus suis, unusquisque prorumpit, ita ut is qui opus scriptoris exercet, quam repertus fuerit inchoasse litteram, finire non audeat: sed in eodem puncto quo ad aures ejus sonitus pulsantis advenerit, summa velocitate proficiens, nec tantum quidem mora interponat, quantam capiti apicis consummer effigiem; sed imperfectas litteræ lineas relinquens, non tam operis compendia lucrare sectetur, quam obedientiæ virtutem exequi toto studio atque emulatione festinet.* A Monachis perfectum operis pensum, ne quid peculiare esset, tradebatur Decano, id est, Præposito cujusque Decaniæ: tum Decanus idem opus tradebat seniori, quem Patrem vocabant. Augustinus de moribus Ecclesiæ Catholicæ cap. 31. *Opus autem suum tradunt eis quos Decanos vocant, eo quod sint denis præpositi, ut neminem illorum cura sui corporis tangat, neque in cibo, neque in vestimento, neque si quod aliud opus est, vel quotidiana necessitari, vel mutata ut assolet valetudini: illi autem Decani cum magna sollicitudine omnia disponentes, & præsto facientes quicquid illis vita propter imbecillitatem corporis postulat, traditionem tamen etiam ipsi reddunt uni quem Patrem vocant.* Hic fuit æconomus monasterii, cui idem officium tribuit Cassianus de institutione Cœnobitarum libro 10. cap. 15. *Novimus fratrem, qui cum in cœnobio moraretur, & cumque necessitas coarctaret, ut statutum operis pensum quotidie æconomus traderet, &c.*





CAPUT VIII.

An Monachis manibus operandum esset, disputatum.

MONACHI tam Ægyptii quam Asiatici labore manuum exercebantur. Antonium ipsum vitæ cœnobiticæ auctorem opere manuum sese sustentasse, & sportas tenuisse, quas daret iis qui aliquid ob victum afferrent, testatur Athanasius in ejus vita. Ac certe Monachis ita familiaris & proprius erat labor manuum, ut Monachum qui vacaret ab opere manuum, prævaricari dictum sit a quodam Patrum. Socrates libro 4. capite 18. ὅτι ὁ μοναχὸς εἰμὴ ἰργάζοιτο, ἔστιν αὖτε πωρομένη κίβηται. *Monachum si non laboret, pro fraudatore habendum esse.* Hoc nomine damnati Euchtæ seu Messaliani, hæreticorum genus, quod Monachos ab opere manuum removerent, quasi totos orationi addictos esse vellent. Augustinus de hæresibus ad Quod vult Deum: *Dicuntur Euchtæ opinari, Monachis non licere, sustinendam vitæ suæ causâ, aliquid operari, atque ita se ipsos Monachos profiteri, ut omnino ab operibus vacent.* Cum multa monasteria hujusmodi hæresi labefactata videret Letoius Melitenensis Episcopus, ea incendio consumpsit, & lupos a grege abegit. Theodorus libro 4. capite 20. Inde inter Clericos & Monachos in Africa contentio orta est, an manibus operandum esset, an præstaret jugi orationi se tradere. Propter hoc litis tollendæ causâ editi sunt canones 51. 52. Concilii Carthaginensis IV. *Clericus victum & vestimentum sibi artificulo vel agricultura, absque officii sui detrimento, dumtaxat parat. Clericus quantumlibet verbo Dei eruditus, artificulo victum querat.* Can. Clericus 1. & 2. 91. distinct. Hac occasione etiam Augustinus scripsit librum de opere Monachorum ad tollendas contentiones, quæ ciebantur inter ipsos laicos: an Monachis laborandum esset, ut ipse profitetur initio libri, & capite 30. & libro 2. Retraçtat. capite 21. *Quia, inquit, inter laicos inferioris propositi existere cœperant tumultuosa certamina,*

quibus Ecclesia turbaretur. Et tota quaestio soluta est ab Augustino, dum ostendit utrique, & orationi & manuum operi, suas vices esse servandas, & laborem manuum ab oratione & lectione esse distinguendum. Hoc Magistro Fulgentius, vnus e discipulis Augustini, postea Ruspensis Episcopus, olim Monachus, laborem manuum orationi & lectioni coniunxit, vt legitur in ejus vita apud Surium 1. Januar. Nam & scriptoris arte laudabiliter utebatur, & palmarum foliis flabellum sapissime contexebat: cui operi, etiam cum fuisset Abbas, in suo monasterio vacabat.



CAPUT IX.

In Occidente an Monachi manibus operati sint.

MONACHI in Italia, Gallia & aliis Occidentis partibus, laborem manuum fere non admiserunt, sola oratione & lectione contenti. Martinus ex Abbate Tironensis Episcopus, in regula quam suis tradidit Monachis, opus manuum prohibuit, quo orationi intentius vacarent, scriptione librorum junioribus tantum permessa. Paulinus de ipsius vita libro 1.

*Exercere artem prohibet, conteditur vnum
Scribendi studium, quod mentem oculosque
Occupet, atque vno teneat simul omnia puncto,
Aspectum visu, cor sensibus, ordine dextram:
Attamen his rebus minor aetas sola tenetur.
Nam jam matura satius est oratio menti.*

Et hoc est quod paucioribus expressit Severus Sulpitius discipulus ipsius Martini, ejus vitae capite 7. *Ars ibi exceptis scriptoribus nulla habebatur.* Italicos Monachos non alium laborem tolerasse quam scriptionis librorum, argumento nobis est, quod cum Monachus quidam, cui nomen erat Symeon, ex Italiae partibus in Aegyptiam eremum commisset, interrogatus ab vno e senioribus monasterii, cur otiosus federet, respondit nihil se nec posse, nec praevalere ex

Kk ij

his quæ illic exercebantur a fratribus, operari præter librariam manum, id est, artem librarii seu scriptoris librorum, ut tradit Cassianus de institutione Cœnobitarum libro 5. capite 34. Hinc res monastica serius propagata est in Occidentis partibus, & pauciora minusque frequentia extitere monasteria, quod propria penu & censu, id est, operum solatio desituerentur. Joannes Cassianus de institutione Cœnobitarum libro 10. capite 23. *Hinc est quod in his regionibus nulla videmus monasteria tanta fratrum celebritate fundata, quia nec operum suorum facultatibus fulciuntur, ut possint in eis jugiter perdurare: & si eis suppeditare quoquomodo valeat sufficientia victus alterius largitate; voluptas tamen otii & pervagatio cordis diutius eos in loco perseverare non patitur.* Et Sarabaitas (hi erant Monachi vagi & otiosi) in Massiliensi provincia æquali numero certare cum aliis Monachis, & in aliis regionibus multo frequentiores, imo pene solos esse, refert idem collatione 18. capite 7. *Hac igitur duo genera Monachorum in hac quidem provincia æquali propemodum numerositate inter se contendunt: ceterum per alias regiones, quas me necessitas catholica fidei compulit peragrarè, istud tertium Sarabaitarum genus abundare, ac prope solum esse cognovimus.* Incunte jam quinto sæculo, cum in Gallia quamplura surrexissent monasteria; Principum vel privatorum liberalitate dotata latifundiis & mancipiis, Monachis, ut impensius orationi vacarent, agrorum cultura interdictum est, & opus rejectum in mancipia eorum. Concilium Agathense can. 26. *Mancipia vero Monachis donata ab Abbate non liceat manumitti: injustum enim putamus, ut Monachis quotidianum rurale opus facientibus, servi eorum libertatis otio potiantur.* Can. In venditionibus 17. quæstione 4. *Quod repetitum est Concil. Epauensi. can. 4.* Inde tot monasteriis in Gallia Regum munificentia luculenter dotatis, sola oratio fuit opus Monachorum, & labor manuum desuetudine Monachis remissus est. Ordericus Vital. libro 8. *Dagobertus Rex, & Theodoricus, atque Carolus Magnus Imperator, alique Reges, & angusta cœnobita devotè condiderunt, & de suis redditibus ad victum & vestitum servorum Dei ubertim erogaverunt, multitudinemque clientum ad exteriora monasteria pleniter expetenda subjecerunt, Monachosque lèctioni-*

bus & sacris orationibus pro cunctis benefactoribus suis, & celestibus mysteriis intentos esse constituerunt. Exinde Principum institutione & diutina consuetudine usitatum est in Gallia, ut rustici ruralia, sicut decet, peragant opera, & servi servilia passim exerceant; Monachi autem, qui sponte relictis hujus mundi vanitatibus Regi Regum militant, claustralibus septis ut filia Regis quiete insideant. Benedictus religionis monasticæ præcipuus propagator in Occidentis partibus, opus manuum suos inter Monachos data lege instauravit regulæ capite 48. Et ideo certis temporibus occupari debent fratres in labore manuum, certis iterum horis in lectione divina. Etiam messis tempore, si necesse fuerit, onus colligendi fruges Benedictinis Monachis imponi moris fuit, ita ut consuetum legendi, & meridianum pausandi seu quiescendi tempus eis liberum relinqueretur. Capitulare Aquisgranense anni 817. can. 17. Ut si necessitas fuerit eos occupari in fruges colligendo, constitutum legendi, & meridie pausandi tempus præmittatur. Posterioribus sæculis Monachis Benedictini Ordinis vix aliud opus notum fuit, quam exscribendi libros. Gregorius Dialog. libro 2. capite 4. Festine ad ejus (Equitii) monasterium cucurrit, ibique absente illo antiquarios scribentes reperit, ubi Abbas erat inquisivit. Trithemius Abbas de viris illustribus Ordinis sancti Benedicti libro 1. capite 6. Ceteri juxta quod regula vetat, otio non vacabant; sed post orationem operi manuum devote insistebant, libros scribebant, qui ad hoc erant idonei, & a doctorebus edita ex schedis ad mundum redigebant. Alii scriptos codices artificiose congelutinabant, corripiebant alii, rubro nimio ceteri exornabant. Idem in Chronic. Hirsaugiens. ad ann. 1004. de Friderico Abbate Hirsaugiensis. Inter scriptores namque reliquos, quod officium apud veteres Monachos erat valde communiter in usu, locum tenere cum fratribus non erubuit. In Anglia labore manuum victitarunt Bangorienses Monachi, divisi in septem agmina, singula non minora trecentis capitibus. Beda Historiæ Ecclesiast. libro 2. capite 2. Erant autem plurimi eorum de monasterio Bancor, in quo tantus fertur fuisse numerus Monachorum, ut cum in septem portiones esset cum præpositis sibi rectoribus monasterium divisum, nulla harum portio minus quam trecentos homines haberet, qui omnes de labore manuum suarum

vivere solebant. Et in Gallia opus manuum lege foundationis institutum in quibusdam monasteriis, ut a beato Joanne in monasterio Reomaensi : de quo Jonas in ejus vita libro 1. capite 8. *Alio quoque tempore Monachi sanctorum Patrum instituta sequi cupientes, quæ sanciant Monachum jugi manuum operatione & contritione non modo corporis, sed etiam cordis, adhibita perfecta castimonia puritate exerceri, hoc mandatum quasi celitus delatum servabant.* Cistercienses observantia regulæ beati Benedicti maxime studiosi, laborem manuum restituere, impositum cuique labore pro ejus industria. Vita Bernardi libro 1. capite 4. *Propter quod communis vite seu conversationis ferventissimus æmulator, cum opus aliquod manuum fratres æctitarent, quod seu minor usus ei seu imperitia denegabat, fodiendo seu ligna cadendo, & propriis humeris deportando, vel quibuslibet laboribus æque laboriosis illud redimebat.* Et infra: *Messis tempore fratribus ad secandum cum fervore & gaudio sancti Spiritus occupatis.* Inde natum schisma inter Cistercienses & Cluniacenses. Hi videbant sollicitudinem & studium Cisterciensium in manuum opere, quasi insaniam & stultam fatigationem. Bernardus epistola 1. ad Robertum nepotem, qua revocat eum a Cluniacensibus : *Primo quidem missus est magnus quidam Prior ab ipso principe Priorum.* Et infra: *Et novi Evangelii prædicator commendat crapulam, parsimoniam damnat, voluntariam paupertatem miseriam dicit, jejunia, vigiliæ, silentium manuumque laborem vocat insaniam. Qualis vero religio est fodere terram, silvam excidere, stercora comportare? Cistercienses Cluniacensibus objiciebant otium a labore manuum: Opus manuum, quo sancti Patres Eremitæ & antiqui Monachi semper visi sunt, quo ipsi Apostoli unctum sibi & aliis ministrabant, ita abjecistis, ut nec ista omnes auctoritates ad operandum vos cogere possint, nec obedientia quam juxta regulam Deo nos exhibere promissistis, delicatas otio manus de sinu ad opus extrahere valeat.* Quibus respondit Petrus Cluniacensis libro 1. epistola 28. *Laborem manuum suscipere etiam Præmonstratenses, & inter ceteros scriptionem librorum.* Cæsarius de Miraculis libro 12. cap. 49. *In Arnisberg monasterio Ordinis Præmonstratensis, sicut auditum a quodam Sacerdote ejusdem congregationis, scriptor quidam erat Richardus numine, natione Angli-*

cus, &c. In Italia Camaldulenses maxime labori manuum intentius vacarunt: de quibus Petrus Damiani in vita sancti Romualdi capite 26. *Faciebant autem omnes opera manuum, alii scilicet * coclaria, alii nebant, alii retia necebant, alii cilia.* Idemque libro 6. epistola 32. *Erat autem ille frater multis exercitiorum artibus p̄llens, scribendi videlicet, & notandi, cornandi insuper & fabricandi.* Fratres Prædicatores & Minores instituta omnium regularium amplectuntur. Thomas Cantipratensis Apum libro 2. capite 10. *Clerici seculares laborant in studio, Canonici seculares vel regulares horis canendis invigilant: Monachi vero vel alii religiosi institutionibus regularibus diligenter insudant, & in his omnibus suo modo vivendi singuli sunt contenti: Fratres autem Prædicatores & Minores, prout Ordo eorum instituit, simul hos tres vivendi modos servare videntur. Student cum Clericis, cum Canonici horis canendis invigilant: cum Monachis vero & aliis religiosis in conventibus suis accusationes, vapulationes, jejunium, & pro magna parte silentium, quotidianasque fere ac generales post completorium sustinere tenentur disciplinas, &c.*

* leg. col-
lectaria

CAPUT X.

Schola in monasteriis: schola interiores & exteriores.

PSALMODIÆ, orationi, lectioni, & operi manuum adjuugebatur docendi officium. Ne qua pars munerum spiritualium aut civilium desideraretur in proposito vitæ monasticæ, e primis sæculis in Orientis monasteriis fuere scholæ, quæ pueris secularibus patuerent. Joannes Chrysostomus adversus vituperatores vitæ monasticæ lib. 3. cap. 16. *οὐκ ἔστιν τοὺς γεωργούς, οἳ καὶ σφόδρα ἐπιγίνονται ἥντι ποτὶν λαβόν, τοὺς καὶ τοὺς ἀσέβεις αὐτοὺς, οὐκ αὖ ἀνίσχονται πρυθιναί ποτε, καὶ πόνῳ μὴδὲ ἡμεῖς παρὰ ὧρας ἀπάγωντες τῆς χῆ τῷ ἐρημίᾳ διατρεβόμενοι τοὺς υἱοὺς, ἀλλὰ ἰασομένη αὐτοὺς ὁπταζόμεναι τὰ μαθήματα, & βίωσθῆναι τὰ εὐτὰ, καὶ δόξα, καὶ εὐκοσμίη ἔν τε φιλοφρονεῖν αὐτοὺς ἐν μοναστείᾳ δὲ, καὶ δορυσεύματα, καὶ ἀλγόμενα.*

Nonne agricolas videtis, ut etiam cum satis prosperant laborum fructus carpere, acerbos tamen eos nunquam metere sustineant: ergo ne nos quidem intempestive liberos nostros ab deserti commoratione revocemus; verum studii celestis disciplinam in eis solidari permittamus, altisque radicibus arbuta firmari, & sive decem annos, sive etiam viginti, nutriendi illi sint in monasterio, non perturbemur, non mœrore ullo afficiamur. Quod tamen displicuit Basilio regular. brevior. cap. 192. forte ne Monachi secularium consuetudine labefactentur, & aliquod vitium secularitatis irrepat. Benedictus Monasticus fere auctor aut propagator in Occidente, Ægyptiorum & Orientalium Patrum instituta in multis secutus, nobilium virorum liberos in monasterio educandos lubens suscepit. Gregorius ejus vitæ Dialog. 2. capite 4. Cœpere etiam tunc ad cum Romana urbis nobiles & religiosi concurrere, suosque ei filios omnipotenti Deo nutriendos dare. Ab eo tempore in monasteriis Benedictini Ordinis scholæ passim institutæ, in quibus nobiles & ingenui pueri erudiebantur. Leo Ostiensis in Chronic. Cassinensis libro 3. capite 21. Cum adhuc in schola monasterii degerem. In monasteriis Angliæ imprimis claruere scholæ, quibus præfuit primum venerabilis Beda, & post eum Alcuinus, qui cum in Galliam emigrasset, in Turonensi monasterio docendi munere æterna cum laude functus est: de quo ipse epistola 1. ad Carolum Magnum: Ego vero Flaccius vestram secundans exhortationem & bonam voluntatem vestram, aliis per tecta sancti Martini sanctarum mella Scripturarum ministrare satago; alios vetere antiquarum disciplinarum mero incubriare studeo; alios grammaticæ subtilitatis enutrire pomis incipiam; quosdam stellarum ordine, cœu pictæ cujuslibet magnæ domus culmine inluminare gestio; plurima plurimis factus, ut plurimos ad profectum sanctæ Dei Ecclesiæ, & ad decorem imperialis regni vestri erudiam. In Aquicinctensi monasterio scholam suam habuit Gosuinus Abbas. Auctor ejus vitæ libro 1. capite 6. Habebat contiguam Ecclesiæ mansionem: unde ad legendum scholaribus suis pergens, per transversum chori transitum faciebat. Inde magnum accessit Benedictino Ordini incrementum, necnon Ecclesiæ ac reipublicæ decus & adjumentum: dum plerique accedentes ad monasterium, studiorum causa

causa dulcedine vitæ allecti, ab eo recedere non sustinerent, vel ibi semel literis & disciplina imbuti, ad Ecclesiasticas vel sæculares dignitates meliores facti promoverentur. In monasteriis autem Benedictinis fuisse duæ diversæ scholæ, interiores & exteriores: cujus sectionis auctorem habemus Ekkeardum Decanum sancti Galli apud Helvetios. Interiores erant Monachorum vel monachandorum: exteriores sæcularium puerorum, quas canonicas vocitat ipse Ekkeardus de casibus monasterii sancti Galli cap. 1. *Traduntur post tempus Marcello scholæ claustrum cum Norbero postea cognomine Balbulo, & cæteris monachici habitus pueris; exteriores autem, id est, canonica, Isoni cum Salomone & ejus comparibus. Idemque capite 6. Erant disciplina loci, ut semper & tunc semota; non modo in claustrum, sed & in scholis exterius. Non alias in monasteriis scholas, quam claustrales, id est, eas quæ posita essent pro his qui religionis causa monasterio oblatis essent, admisit Capitulare Aquilgranenſe anno 817. can. 45. Ut schola in monasterio non habeatur, nisi eorum qui oblatis sunt. Haud tamen desiere esse scholæ in monasteriis Benedictinis pro instituendis pueris sæcularibus. Trithemius in Chron. Hirsaugienſ. ad ann. 890. Erat autem his temporibus in monasteriis nostri Ordinis, alterius in Europa Germania & Gallia nulla fuerant. Hæc consuetudo celeberrima, ut scholæ Monachorum in singulis pene cænobis haberentur, quibus non sæculares homines, sed Monachi, moribus & eruditione præficerentur ornatissimi, qui non solum in divinis Scripturis docti essent, verum etiam in Mathematica, Astronomia, Arithmetica, Geometria, Musica, Rhetorica, Poesi, & in cæteris omnibus sæcularis literaturæ scientiis eruditissimi haberentur. Nec modo Benedictini, sed & Cistercienses, Canonici regulares & sæculares suas habuere scholas. Scholæ sanctæ Genovefæ Parisiensis præfuit Petrus Abelardus. Auctor vitæ D. Gosuini libro 1. capite 4. Tunc temporis Magister Petrus Abailardus, multis sibi scholaribus aggregatis, in claustrum sanctæ Genovefæ schola publica urebatur. De schola Ecclesiæ Castellionis meminere scriptores vitæ divi Bernardi libro 1. capite 3. Unde & quam citius potuit in Ecclesia Castellionis, quæ postmodum ipsius Bernardi opera a seculari conversatione in Ordinem regula-*

rium Canonicoꝝ promotā cognoscitur, magistris litterarum tradens erudiendum, egit quicquid potuit, ut in eis proficeret. Monasteriis studiorum causa tradebantur maxime hi, qui cogitabant de Clericatu. Concilium Nicænum ex Arabic. can. 55. Gregorius Turonensis Historiæ libro 5. capite 14. Post hac Meroveſthus, cum a patre in custodia retineretur, tonsuratus est, mutataque veste, quā Clericis uti mos est, Presbyter ordinatur, & ad monasterium Cenomannicum, quod vocatur Anisola, dirigitur, ut ibi sacerdotali erudiretur regula. Abbas Urspergenſis in Lothario Saxone: Chunradus in Clericum ordinatus, cum sub puerilibus annis domi litterarum studiis informaretur, tempore maturo Colonienſi Archiepiscopo altiori studio & disciplina clauſtrali educandus committitur. Monasteriis studiorum vel disciplinæ causa non tradebantur pueri sæculares absque literis & auctoritate Episcopi. Theodulfus Aurelianensis ad Presbyteros capite 19. Si quis ex Presbyteris voluerit nepotem suum aut aliquem consanguineum ad scholam mittere in Ecclesia sanctæ Crucis, aut in monasterio sancti Aniani, aut sancti Benedicti, aut sancti Lſardi, aut in cæteris de his cœnobiis, quæ nobis ad regendum concessa sunt, ei licentiam id faciendi concedimus. Lupus Ferrariensis epistola 115. Ut ergo particeps efficiatur doctrinæ memoratus puer, cui iuste consulitur, si licentiam & literas sui habet Episcopi, perducatur ad nos a dilectissimo Remigio 14. Kalend. Julii, & gratia Dei opitulante conabimur cum aliis illi quoque prodesse. Posterioribus sæculis inopia magistrorum scholis silentibus in monasteriis, tandem clauſtrales scholæ restitutæ a Clemente V. Rursus ut ipsis Monachis proficiendi in scientia via opportuna non desit, in singulis ipsorum monasteriis, quibus ad hoc suppetant facultates, idoneus teneatur magister, qui eos in primitivis scientiis instituat diligenter. Ubi vero schola in monasterio defuerit, Abbas tenetur religionis præstare sumptum studiorum causa. Cap. Ex parte. cap. Olim. de accusat. Vel si facultates monasterii non ſinant, proximi tenentur eis præstare pensionem annuam eo nomine, de fructibus bonorum, quæ ex ejus Professione ad eos pervenerunt. Chopin. 1. Monastic. 3. num. 12. Carund. 1. Resp. 67.



CAPUT XI.

*Vita Monachorum asperitas : panis paximatus : modus
panis & vini : tempus refectiois hora vespertina
vel nona.*

VITÆ monasticæ vinculum est communis vitæ ratio : ideo Chrysostomus Homil. 53. ad populum Antiochenum vocat Monachorum Ordinem , *συνίμπετον & κοινωνόν τῷ βίῳ πάντες*, connegotiantem atque totius vitæ socium. Quem admodum enim negotiationis causa societas contrahi solet inter duos pluresve ; ita & lucris spiritualis gratia societas coitur inter Monachos : & ut collatione pecuniæ mirum in modum adjuvatur res connegotiantum, collatione precum & aliorum operum feliciter crescit negotium vitæ spiritualis. Et hoc est quod dictitabat Joannes Abbas cuidam fratri apud Joannem Moschum Limonar. capite 182. *τὸ ἀνήλων τὸ πρὸ κηρομέα ἔστι λαΐα*. Cella spiritualis est mercatura, dat & accipit. Ob id Monachi omnia habent communia : eis vnum est tectum, vnum cœnaculum seu refectorium, vnum dormitorium. Can. Præter 32. distinct. can. Necessaria. can. Nolo 12. quæstione 1. Ne Abbas vel quispiam fratrum cibum sumat extra refectorium, vel prætextu hospitalitatis, puta ne ad portam monasterii, ubi erat mansio hospitum, esitet cum hospitibus, vetat Capitular. Aquisgranense canone 27. *Ut Abbas vel quispiam fratrum ad portam monasterii cum hospitibus non reficiantur; in refectorio autem omnem eis humanitatem manducandi ac bibendi exhibeat*. Dura & aspera vita Monachorum, ac vere angelica Deoque proxima. Gregorius Nazianzenus oratione 3. de Monachis : *ἔρας τοὺς ἁγίους πάντες, & ἀνέσους καὶ ἀσάρκους μυχρὸν, & ἀναίμονας, & οἷον καὶ τὸ πρὸ πλησίσσορας*. Vides hos pauperes & laris expertes, carne & sanguine destitutos, & per id Deo proximantes. Monachorum vita non alia quam Helix, Joannis & Apostolorum. Idem oratione 16. *καλὴν ἡ ἀπέλειπα, καὶ δίδωκε μοι Ἡλίας ἀπαυρόμενος*

ὡς ἡμεῖς, Ἰωάννης θεῶν καμήλου σκιπιδιός, Πέτρος ἀσπερίου θύρμης περιφιδιός. *Pulcra res victus tenuitas, docet Helias apud viduam quiescens, Joannes pilis cameli tectus, Petrus lupinus assis alitus.* Inde monasteria domus luctus, in cinere, cilicio & jejunio fundatæ. Chrysostomus in primam ad Timotheum Homil. 14. ὅπως οἰκίᾳ πάνθους πᾶς μοναστήρια, ἐντα σάλας καὶ αὐτοδός, ἐντα μένους, ἐντα γάλας οὐδός, οὐδὲ βιωπακῶν περὶ μέλιτος ὄχλος, ἐντα νηδύα, ἐντα χαμδύα. *Vere domus luctus monasteria sunt, ubi cinis atque cilicium, ubi solitudo, ubi visus nullus, nullus negotiorum secularium strepitus, ubi jejunium, ubi humi cubatio.* Inde & Monachos ἱσπεροιδιούς, crucifixos, ob vitæ asperitatem vocitat idem in Matthæum Homil. 69. ἡμῶν μοναχῶν λίγος καὶ ἡμῶν ἱσπεροιδιῶν. *Monachorum inquam & crucifixorum.* Dixi Monachorum vitam duram & asperam: alii enim solo pane & sale victitabant, alii oleribus & leguminibus. Idem in primam ad Timoth. Homil. 14. ἀλλ' οἱ μὲν ἀπὸ μόνου, καὶ ἄλας, οἱ δὲ ἑλαρον περὶ δέντρους, ἑπερὶ δὲ ὅσοι ἀδύνειοι εἰσι, καὶ λαχάνων ἔχοντες καὶ ὁσπρίων. *Sed alii panem tantum & sal, alii & oleum sumunt, plerique infirmiores olera atque legumina in cibum accipiunt.* Angustinus de moribus Ecclesiæ Catholicæ capite 31. Nihil de illis dicam, quos paulo ante commemoravi, qui secretissimi penitus ab omni hominum conspectu, pane solo, qui eis per certa intervalla temporum affertur, & aqua contenti, desertissimas terras incolunt, persfruentes colloquio Dei, &c. Quibus panis tantum cibis erat, hic erat panis siccior & bis coctus, quem paxamation vel paxamidium vocabant. Palladius Historiæ Lausiæ capite 28. Ἐπειδὴ οἱ τῇ περὶ τὴν παξάμιδας πιάσας ἔχοντας, ὡς δὲ ἐξ εὐφραδίας. *Imponit mense quatuor paxamidia sex unciarum.* Idem cap. 151. ἀπὸ τῆς παξάμιδας, panes paxamidios. Rufinus de vit. Patrum libro 2. capite 4. Vidit de sportella, ubi panis, id est, paxamidia reposita erant, surrexisse fumum magnum. Et idem eodem libro capite 195. Eodem nutu jussus, mensulam parvulam cum tribus paximatis apposuit. Sic dictus a Paxamo, qui hoc genus panis invenit in vsum militum, & de re pistoria & culinaria scripsit. Columella libro 12. capite 4. quem secutus Hieronymus libro 1. adversus Jovinianum: Et elaboratas carnes ad jura Apitii & Paxami. De hoc genere panis Suidas: δι-

πωρεσ ἀρτος ὁ παξιμάς. Ρωμαίους λεγόμενος παξιμάς. Biscoctus panis, qui apud Romanos dicitur paxamas. Idem: παξιμάς ὁ διπτέρος ἀρτος, ὅτι διὰ τὴν λέξιν Ρωμαίων. Paxamas panis biscoctus. est autem vox Romana. Modus panis qui præbebat Monachis in singulos dies, erat paxamatia duo, panes minores vix libræ unius. Cassianus collat. 2. capite 19. Præposuere cunctis illis refectionem solius panis, cujus equissimum modum in duobus paximatiis statuerunt, quos parvulos panes vix libræ unius pondus habere certissimum est. Idem collat. eadem cap. 24. Quod nuper Benjamin civem vestrum pertinaciter tenuisse cognoscitis, qui ne quotidie paximatia duo percipiens, equali castigatione continuam parcatem jugiter retentaret, maluit biduana jejunia semper continuare. Idemque collat. 12. capite 26. Itaque in neutra parte reprehensibiles inveniemur, si hæc a nobis consuetudo teneatur, ut hora nona de duobus paximatiis, quæ nobis canonica mensura jure debeantur, uno paximatio prelibato, aliud hujus expectationis gratia in vespeream reservemus. Idem collatione 19. capite 4. Ob quam etiam causam septem dierum cibis, hoc est, septem paximatiis paria, sequestratim in procherio, id est, admanuensi sporta, die Sabbati reponuntur, ut resectio præmissa non lateat. Quam parvuli essent hujusmodi panes, inde facile intelliges, quod hi non amplius venient quam tribus denariis. Cassianus de institutione Cœnobarum libro 4. capite 14. Præter duo paximatia, quæ tribus vix denariis ibidem distrahuntur, nihil sibi amplius unusquisque presumit. Paximatio vñ etiam Camaldulenses ex instituto beati Romualdi. Petrus Damiani in ejus vita capite 8. Pater, inquit Petrus Dux qui eremo se dederat, quia magnum corpus habeo, pro peccatis meis ex hac paximatiis medietate sustentare me non possum. Romualdus igitur fragilitati pie compatiens, consueta mensuræ quadram paximatiis superaddidit. Erant qui vitam tolerabant pane & aqua, & vino abstinebant. Hieronymus in vita Pauli: JESUM testor & sanctos angelos ejus, in ea eremi parte, quæ juxta Syriam Sarraceni jungitur, vidisse me Monachos, de quibus unus per triginta annos clausus hordeaceo pane & lutulenta aqua vixit. Monachos vino vtentes perstringit Athanasius epistola ad Dracontium: εἰδούμιν & ἐπισκόπους μὴ πινόντας οἶνον, ὑγιαίνουσιν δὲ πινόντας. Vidimus Episcopos vinum non bibentes, Mona-

chos non bibentes. Alii xerophagiis, id est, siccis cibis & inconditis, alii homophagiis, id est, crudis & incoctis, puta oleribus, leguminibus, utebantur. Alii pisciculos salitos addebant, quos vocant mænidia seu haleces. Cassianus de institutione Cœnobarum libro 4. capite 22. *Non enim magno labore corporis fatigatur, quia nec tanta cura inter eos parandorum ciborum vel coctionis impenditur, quippe qui maxime xerophagiis vel homophagiis utuntur, & apud quos sorte singulis mensibus porrorum folia, lapsania, sal frictum olivæ, pisciculi minuti saliti, quos illi mænidia vocant, summa voluptas est.* Idem libro 5. capite 23. *Nec eorum quempiam qui hanc regulam declinantes, prætermisso panis usu, leguminum vel olerum seu porum refectionem sectati sunt, inter probatissimos habitum aliquando confeximus.* Idem collat. 2. cap. 19. *Discutientes continentias diversorum, qui vel solis leguminibus, vel oleribus tantum, vel pomis vitam jugiter exigant, præposuere cunctis illis refectionem solius panis. Olera & legumina communis & quotidianus cibus Monachorum: pisciculi interdum inter delicias fuisse.* Hieronymus ad Paulinum: *Sit vilis & vespertinus cibus olera & legumina, interdumque pisciculos pro summis ducas delicias.* Alii Monachi abstinebant a carnibus, alii etiam ab ovis & casteo, alii etiam a piscibus. Epiphanius in synopsi fidei: *εἰσι δὲ πολιτεῖαι ἁλλὰς ἑκαυρεὶ ἐν τῇ αὐτῇ καθολικῇ ἐκκλησίᾳ συλαγόμεναι, φησὶ δὲ τὴν ἀπέχουσαν καὶ ὅλων, πεπεσέναι τε, & ὀρνέων, καὶ ἰχθύων, ὡσὸς τε & τυγρόδ.* Sunt & alia in eadem Catholica Ecclesia instituta vivendi præstantia, nimirum quod alii carnibus prorsus abstineant tam quadrupedum & avium, quam piscium, necnon ovis & casteo. Laudatur Hieronymus quod in eremo per 50. annos vinum & siceram non gustavit, a carnibus & piscibus prorsus abstinuit: de quo Augustinus epistola 205. *Helias & Joannes Eremita magnis ciborum & vestium asperitatibus carnem maceraverunt.* Non minoris vitæ Hieronymus gloriosissimus Eremita idem per quadriennium in eremo ferarum tantum socius perstitit, quinquaginta annis vinum & siceram aliquammodo non gustavit, ab omni carniū & etiam piscium esu ita se abstinuit, quod vix ea nominare vellebat: coctum quid non nisi in ultima ægitudine bis comedit. Tabennesiotæ (ñ erant Monachi Ægyptii) abstinebant

esum carniū : solis infirmis & senibus licebat vesci vngulis & extremis partibus suillis. Palladius Historiæ Lausiacæ capite 39. Inde Marcellum Monachum, quod a carnibus abstinens, a conviciis sibi non temperaret, notat Isidorus Peliusiota libro 1. epistola 446. *ei in diebus domini prescriptum, ut christi φανείας λαιδωρίαι.* Si abstinēs a cibis, quid conviciis tamquam carnibus vesceris? Etiam posterioribus sæculis Monachi abstinere esu carniū. Sidon. libro 4. epistola 9. *Novoque genere vivendi Monachum complet, non sub palliolo, sed sub paludamento, ferarum carnibus abstinet, cursibus acquiescit.* Itaque occulte delicateque religiosus venatu utitur, nec utitur venatione. Licet abstinere propter exercitationem, non propter abominationem. Notantur sorores Romani III. Imper. quod invitæ Monachæ factæ, eo digresso statim vestem deposuerunt, & carnes edidere, *Ευπωδάριον*, auctore Cedreno. Carnium esu præterquam debilibus & ægrotis omnino interdixit regula Benedicti capite 39. *Carnium vero quadrupedum omnino ab omnibus abstineatur comestio, præter omnino debiles & ægrotos.* Quod enim in eodem capite præmittitur, ut cocta duo pulmentaria quotidianæ refectiōi fratrum sufficiant, non potest intelligi quam de alio cibo a carne, ut declaratur sequentibus, quibus comestio carnis prorsus vetatur. Et pulmentarium est quod additur pani coctum vel non coctum, ut colligitur ex eodem capite, in quo si necesse sit, tertium pulmentarium additur de pomis vel leguminibus. Et veteribus pulmentarium est, quodvis obsonium præter panem. Plinius libro 18. capite 8. *Pulte autem, non pane vixisse longo tempore Romanos manifestum, quoniam inde & pulmentaria hodieque discuntur.* Et laserpitium ipsum pro pulmentario fuit. Charisius institut. Grammatic. libro 1. *Pulmentum & pulmentarium dicitur: nam Cato Originum tertio laserpitium pro pulmentario suo habet.* Varro autem ad Ciceronem 5. *Pulmentum, ait, quod id cum pulte esset, & inde pulmentarium dictum.* Ætate Petri Damiani abstinētiā carnis colebant Monachi. Testis ipse libro 6. epistola 19. *Cumque hunc & Monachus miraretur, & oculos in eum inhiantē curiositatis aviditate defigeret, ait Comes: Quia carnes tamquam laicus comedis, piscem tamquam Monachus cur attendis? Veteres Patres*

panem esitabant certa mensura. Publius Abbas Monachorum cellas perlustrans, trutina mensuram panis diligenter expendebat: & si ultra statutum pondus inveniret, gravioribus verbis increpabat, helluones appellando. Theodoricus de vit. Patrum capite 5. Modum pani & vino præbendo fratribus imposuit Benedictus, nimirum libram panis, & heminam vini in singulos dies, reg. capite 39. & 40. Modum panis juxta regulam, & in quo excessit regulam, vini abstinentiam servavit Bernardus Abbas Clarevallensis. Testis ipse in Cantica sermon. 66. *Abstineo a vino, quia in vino luxuria est; aut si infirmus sum, modico utor, juxta consilium Pauli. Abstineo a carnibus, ne dum nimis nutriunt carnem, simul & carnis nutriant vitia. Panem ipsum cum mensura studio sumere, ne onerato ventre stare ad orandum tadeat. Sed ne simplici quidem aqua ingurgitare me assuescam, ne distensio sane ventris usque ad titillationem pertingat libidinis.* Unde post cibum Bernardus secum cogitare solebat, an modum cibi excessisset: & si vel modicum se excessisse deprehenderet, sibi impune non ferebat, ut legitur in ejus vita lib. 1. cap. 4. *Semper autem post cibum quasi pensare solitus est quantum comederit; si quando vel ad modicum mensuram solitam excessisse se deprehenderit, impune abire non patitur.* Quæ cura fuerit Benedicto in servando modo panis & vini juxta regulam, argumento est quod Mauro discipulo cum sociis destinato in Galliam ad propagandam religionem, tradidit regulam manu sua perscriptam, pondus libræ panis, & vasculum æneum vini heminam capiens. Faustus in vit. Mauri apud Surium Januar. 14. Mensuram panis & vini ita tenaciter observarunt Cassinenses, ut a Longobardis per vim occupato cœnobio Cassinensi, Monachi Romam fuga petentes, præ cæteris codicem regulæ, libram panis & mensuram vini secum asportarint, magis solliciti de custodia regulæ, quam rerum temporalium. Leo Ostiensis Chronic. Cassinens. libro 1. cap. 2. Regino 1. Chronic. Sigebertus anno Christi 196. Eadem mensura panis & vini vti sunt Monachi in Gallia. E cœnobio Cassinensi Monachos evocavit Carolus Magnus, qui regularem disciplinam in Gallia fere extinctam instaurarent, per quos transmissa est regula beati Patris Benedicti, pondus quoque

quoque libræ panis, & mensura vini. Chronic. Cassinens. libro 1. capite 14. Inde Concilium Aquisgranense Ludovici Pii jussu congregatum pro reformatione Benedictini Ordinis, can. 57. *Ut libra panis triginta solidis per duodecim denarios metiatur*: id est, ut libra panis, quæ est portio quotidiana Monachorum, æstimetur triginta solidis, qui singuli valent duodecim denarios. Et idem Concil. canon. 76. *Ut unicuique fratri in cibo & in potu sua mensura separatim detur, & de ipsa mensura sibi data alicui nihil tribuat.* De hac panis & vini mensura fufe Petrus Cluniacensis libro 1. epistola 28. Tempus refectiõis erat varium. Alii non edebant ante solis occasum: inde Avitus Marciano humanitatis & hospitii gratia cum invitanti ad cibum sumendum: *ὅτι οἷα*, inquit apud Theodorum de vit. Patrum capite 3. *πάντα τῶ τῆς ἐσθίειας στίαν μετὰ λαόν.* Non memini cibum me umquam sumpsisse ante vesperam. Monachorum proprium est quod de Esenis tradit Sozomenus ex Philone libro 1. capite 12. *ὃς τῶ ἡλίῳ δύσεως μὴ ἀπορρίπτειν προφίς.* Et ante solis occasum nullum gustare cibum. Hæc fuit vitæ ratio Hilationis & ejus discipulorum. Hieronymus in ejus vita: *Sicque completis ordinem vitæ, numquam ante solis occasum, nec in diebus festis, nec in gravissima valetudine solvit jejunium.* Et infra: *Elegit quadraginta Monachos, qui haberent viaticum, & possent jejunantes incedi,* id est, post solis occasum cibum sumere. Idem epistola ad Paulin. *Sit vilis & vespertinus cibus.* Augustinus de moribus Ecclesiæ Catholicæ capite 31. *Conveniunt autem diei tempore extremo de suis quisque habitaculis, dum adhuc jejunii sunt, ad audiendum illum Patrem: corpus deinde reficitur.* Et idem capite 33. ejusdem libri: *Jejunia etiam prorsus incredibilia multos exercere didici, non quotidie semel sub noctem reficiendo corpus, quod est usquequaque usitatissimum, sed continuum tri-duum vel amplius sepiissime sine cibo ac potu ducere.* Alii sibi remissiores reficiebantur hora nona, id est, tertia pomeridiana. Cassianus collatione 2. capite 26. *Itaque in neutra parte reprehensibiles inveniemur, si hæc a nobis consuetudo teneatur, ut hora nona de duobus paximatis, quæ nobis canonica mensura jure debeantur, uno paximatio prelibato, aliud hujus expectationis gratia in vespertam reservemus.* Et infra: *Qua parcitate nec sto-*

Mm

machus vespere poterit aggravari, quippe hora nona uno paximatio jam præmissa, quod plerumque his qui districtiorem abstinentiam se tenere credentes, totam refectiorem ad vesperam differunt, evenire consuevit. Idem collatione 2. capite 11. *Hæc mihi fuerat inimici impugnatione consuetudo ingesta, ut postquam refecissem hora nona cum sene, unum paximatum quotidie in sinu meo latenter absconderem, quod sero illo ignorante occulte edebam.* Rufinus de vit. Patrum libro 2. capite 5. *Videns enim eos fatigatos de itinere, ideo ante horam nonam fecit eos reficere.* Refectio non differebatur ultra nonam propter acediam, id est, tedium quod parit inedia circa horam sextam, id est, sub meridiem. Cassianus de institutione Cœnobitarum libro 10. capite 1. *Acedia maxime circa horam sextam Monachum inquietat, &c.* Tempus refectiorem erat hora vespertina vel nona: extra tempus statutum Monachis non licebat cibum sumere, vel aliquid de refectiione sibi reservare. Cassianus de institutione Cœnobitarum libro 5. capite 20. *Igitur Monachus hanc inprimis cautionem sibi met indicat, ut non potus quicquam, non esus ulla oblectatione devictus ante stationem legitimam communemque refectiorem horam extra mensam percipere sibi met prorsus indulgeat, sed ne refectiorem quidem transacta, ex his præsumere sibi quantulumcumque permittat.* Et de hoc se ipsum notat Serapion Abbas apud Cassianum collatione 2. capite 11. quod cum adhuc esset puerulus sub disciplina Abbatis Theonis, de quotidiana refectiione quæ sumebatur hora nona, unum paximatum in sinu clanculum seponeret, quod sub noctem inscio Abbate comedebat. Inde propter tenuitatem victus Monachos ore pallentes defingunt veteres. Gregorius Nazianzenus orat. 14. *τὸ καλὸν αὐτὸς τῷ ἡπλῶν τῷ αἰσέτητι, Pulcrum florem sublimium pallorem.* Hinc Elias Abbas risit fratres corpulentos, qui ad eum accesserant: *Pallor enim, inquit, & macies cum humilitate decus est Monachi.* Rufinus de vit. Patrum libro 2. capite 64. Diebus non feriatis seu profectis vnica per dies singulos erat refectio Monachis: diebus feriatis, puta die Sabbati & die dominica vel aliis, fratribus exhibebatur gemina refectio, prandium & cœna. Cassianus de institutione Cœnobitarum libro 3. capite 12. *Denique etiam in ipsis diebus, id est, Sabbato vel Do-*

minica seu feriatis temporibus, quibus pariter prandium & cœna solet fratribus exhiberi, psalmus ad vesperam dicitur.



CAPUT XII.

*Cibum præcedit & sequitur oratio apud Monachos :
refectionis comes lectio sacrorum librorum.*

REFECTIONE Monachorum tota fere spiritualis, in ea simul corpus & animus pascitur, ne rimula pateat infidiis diaboli, neve momentum ullum vacet ab oratione vel lectione. Refectionem fratrum præcedit oratio & sequitur. Et licet hoc non sit proprium Monachorum, sed commune omnibus Clericis & religiosis laicis, ut non edant panem nisi hymno dicto, & post cibum gratias Deo referant. Can. *Non liceat* 44. distinct. tamen apud Monachos impensiori studio observatur regula Benedicti cap. 43. *Ut simul omnes dicant versum, & orent, & sub uno simul omnes accedant ad mensam.* Et infra: *Similiter autem patiat, qui & ad illum versum non fuerit presens, qui post cibum dicitur.* Post refectionem statim ad Ecclesiam properatur *Exortio* seu benedictionis studio. Joannes Chrysostomus in capite Matthæi 18. Homil. 56. *μὲν τὸ αὐτὸν λόγον τὴν αὐτὴν ἀρχαῖαν εἰς τὸν Θεὸν, & ταυτὴς μέμνηται τῆς πατρὸς.* Post cœnam igitur quosdam gratiarum actionis hymnos ad Deum dicentes, hujus etiam vocis meminerunt. Joannes Monachus in vit. Odonis Abbatis Cluniacensis libro 1. *Cum post versum ab Ecclesia essent regressi.* Ekkeardus de casibus monasterii sancti Galli capite 11. *Surgitur a mensa, itur solitis benedictionum hymnis in Ecclesiam.* Fratribus ante mensæ accubitus præbebantur eulogiæ seu benedictiones, id est, panes benedicti, qui ab eis prægustabantur. Basiliius regular. brevior. capite 123. Capitular. Aquisgranens. anno Christi 817. *Ut eulogiæ fratribus : Presbyteris in refectorio dentur,* id est, ab Abbate vel prioribus vel senioribus: nec enim licebat Monachis eulogias accipere a parentibus, vel quoquo extraneo. Regula Benedicti cap. 4. Oblatas alii

appellant. Burkardus de casibus monasterii sancti Galli capite 6. *In hebdomada Paschali, etiam in meridie, vinum & oblatas fratribus dari constituit.* Iso de Miracul. sancti Othmari libro 1. capite 3. *Quadam panis rotula, quæ vulgo oblata dicuntur.* Joannes Monachus in vit. Gaufredi Comitis Andegavensis: *His panibus quos oblatas appellant. nostri oblies, quod benedictionis gratia offerrentur fratribus vel laicis religiosi.* Dum fratres cibo reficiuntur, additur eis animæ pabulum, & auditur lectio sacrorum librorum. Ex consuetudine veterum Patrum inolevit vsus sacræ lectionis per tempus refectionis. Joannes Cassianus de institutione Cœnobarum libro 4. capite 17. *Illud autem ut reficientibus fratribus sacræ lectionis in cœnobiis recitentur, non de lypo Ægyptiorum processisse, sed de Cappadocum noverimus:* quos nulli dubium est non tam spiritalis exercitationis causa, quam compescendæ superfluxæ otiosæque confabulationis gratia, & maxime contentionum, quæ plerumque solent in conviviis generari, hoc statuere voluisse, videntes eas aliter apud se non posse cohiberi. Inde lectionem in refectorio tempore refectionis fratribus statuit regula Benedicti capite 38. & ex ea Concil. Aquisgranens. anno Christi 816. canon. 123. Et ex regula Benedicti constituitur lector hebdomadarius, qui accepta benedictione ad legendum accedit: de quo & Capitulare Aquisgranens. anno Christi 817. can. 67. *Ut lector stando benedictionem postulet.* Nec modo Monachorum, sed etiam sacrarum Virginum refectio lectionem adhiberi placuit. Hieronymus ad Eustochium: *Ita tibi semper comedendum est, ut cibum & oratio sequatur & lectio.* Etiam apud veteres vsu recepta fuit lectio librorum inter epulas. Cornelius Nepos in vit. Pomponii Attici: *Nemo in convivio ejus aliud ἀρσάουκᾱ auditur quam Anagnostem, quod nos quidem jucundissimum arbitramur: neque umquam sine aliqua lectione apud eum cœnatum est, ut non minus animo quam ventre convivium delectarentur.* Gellius Noct. Atticar. libro 3. capite 19. *Apud cœnam Phavorini Philosophi, cum discubitum fuerat, caputque erat apponi cibus, servus assistens mensæ ejus, legere incœperat aut Græcarum quid literarum, aut nostrarum.* In mensa Epicoporum ne inanes fabulæ, sed verba sacræ lectionis au-

diantur, suadet Gregorius libro 2. epistola 37. Can. *Convivia* 44. distinct. Joannem Syracusanum Episcopum ne ipsius scripta ad mensam legi faciat, sed veterum Patrum, monet idem Pontifex libro 6. epistola 9. Indictione 15. *Quæ* omnia satis probant, sacram lectionem vsu receptam fuisse in mensis Episcoporum. B. Thomæ Cantuariensis Episcopi in mensa lectionem perpetuam fuisse, legitur in ejus vita cap. 17. *Lectio* quotidie in mensa Pontificis ab initio vsque ad finem discubitus personabat. Idem narratur de Ambrosio amico Origenis. Hieronymus ad Marcellam: *Ambrosius, quo charitas sumptus* notarios ministrante tam innumerabiles libros vere *Adamantius & Chalcenterus* noster explicavit, in quadam epistola, quam ad eundem de Athenis scripserat, refert numquam se cibum Origene præsentem sine lectione sumpsisse, numquam se inisse somnum, nisi unus e fratribus sacris literis personaret. Etiam laicis religiosis lectio inter epulas suadetur, ut anima simul cum corpore reficiatur. Augustinus sermon. 56. de tempore: *Si aliquis ita fuerit occupatus, ut ante refectionem Scripturæ divinæ non possit insistere, non eum pigeat in conviviolo suo aliquid de divinis Scripturis relegere, ut quomodo caro pascitur cibo, sic reficiatur anima Dei verbo, ut totus homo, id est, exterior & interior, de sancto & salubri convivio satius exurgat.*



CAPUT XIII.

Jejunium Monachorum usque ad solis occasum.

VITA Monachorum tota fere jejunium erat. Veteres Monachi cibum non sumebant ante solis occasum, imo & ante noctem. Memoratur de quodam Ægyptio Monacho, quod sol eum numquam vidit edentem. Severus Sulpitius de vita beati Martini libro 1. *In hoc monasterio duos ego senes vidi, de quorum virtutibus & Abbatis ipsius testimonio, & omnium fratrum audierim sermone celebrari, quod unum eorum sol numquam vidisset epulantem.* Et hoc est quod celebratur de fratribus ipsius Martini, eos cibum non sumpsisse

Mm iij

nisi post horam jejunii, id est, post vesperam, qua solvebatur idem jejunium. Hujus rei testis locuples idem Severus, vnus e discipulis ejusdem, lib. 1. de vita ipsius: *Cibum vna omnes post horam jejunii accipiebant.* Propter jejunium Monachi nesciebant prandium, & post vesperam tantum cœnabant. Joannes Chrysostomus in cap. Matthæi 18. Homil. 56. *Οἱ κείνοι γὰρ μὴ τὸ ἀριστοποιεῖσθαι, μᾶλλον δὲ μὴ τὸ διπλοῦν ἀείρειν γὰρ οὐκ ἴσασι ποτε.* Nam illi post prandium, imo vero post cœnam: prandium enim penitus ignorant. A quibusdam jejunium producebatur in triduum vel amplius. Augustinus de moribus Ecclesiæ Catholiæ capite 33. *Jejunia etiam prorsus incredibilia multos exercere didici, non quotidie semel sub noctem reficiendo corpus, quod est usquequaque usitatissimum, sed continuum triduum vel amplius sæpissime sine cibo ac potu ducere.* Sed ne nimia abstinencia dissolveretur in crapulam, jejunio modum imponi placuit, idque quotidiana refectione coercere. Hieronymus: *Parvus cibus & venter semper esuriens tri-duanis jejuniiis præfertur, & multo melius est quotidie parum quam raro satum sumere.* Joannes Cassianus de institutione Cœnobarum libro 5. capite 9. *Melior est rationabilis cum moderatione quotidiana refectionis, quam per intervalla arduum longumque jejunium, &c.* Ideo in districtioribus monasteriis vnus e fratribus ad vesperam Monachorum cellas perlustrabat, fratres percunctaturus, an refectionem sumpsisserent. Cassianus collatione 17. capite 21. *Quid quæso faciendum est, cum refectionem procrastinare disponentibus nobis, Verum refecerimus ad vesperam, frater adueniens percunctatur? celandumne jejunium est, & virtus parsimonie contegenda; an veritatis professione prodenda?* Et quia Abbas Joannes frequentius in ecstasim raptus, sub vesperam nesciebat an cibum percepisset, ac sequenti die de hesterni absolute jejunii dubitabat: ob hanc causam septem dierum cibus, hoc est, septem-paximationum paria, in limine ejus cellæ in sporta deponerentur, ne omissa refectione lateret. Cassianus collat. 19. capite 4. Et Abbas Poemen consultus de modo jejunii, quotidiana refectione temperandum esse respondit. Rufinus de vit. Patrum libro 2. capite 45. *Requisitus Abbas Poemen, quemadmodum oporteat jejunare, respondit: Ego volo Monachum ita esse*

quotidie parum comedentem, ut non satiatur; nam biduana & triduana jejunia vana gloria vacant. Eadem fuit sententia Marciani, præstare refici quotidie, sed non satiari. Theodoritus de vit. Patrum capite 3. ἐκίχκει γὰρ ἑσπέραις καὶ μὴ ἐδίειν ἡμέρας, κόρον δὲ μηδέποτε λαβεῖν, ἀλλ' αἰεὶ μὲν πίνειν, αἰεὶ δὲ διψῆν. Et infra: αἰμῖνον τῶντων ἔλιγα καὶ ἡμέρας μεγάλαις ἀνέειν προῖας, κόρον δὲ ὑπομένειν μηδέποτε. ἀλλ' οὐκ ἔστιν ἢ διηνεκὴς ἔνδεια. Stacuerat enim vespere comedere quotidie, numquam autem satiari, sed semper esurire, semperque sitire. Præstare itaque aiebat, vesci quidem quotidie, sed numquam expectare satietatem: verum enim jejunium est perpetua esuries. Jejunium solvebatur die Sabbati & die dominica. Cassianus de institutione Cœnobarum libro 3. capite 12. Denique etiam in ipsis diebus, id est, Sabbato vel Dominica seu feriatis temporibus, quibus pariter prandium & cœna solet fratribus exhiberi, psalmus ad vespertinam non dicitur. Iisdem diebus fratribus præbebatur vinum vel cervisia. Auctor sermon. ad fratres in cremo sermone 1. Dominica autem die qui volunt vinum cum Dei gratia bibant. Idem sermone. 28. ad eisdem: Talibus in Christi nomine præcipio, ut saltem diebus dominicis & solemnibus vinum vel cervisiam bibant. Et idem sermone. 39. ad eisdem: Non turbemini, fratres dilectissimi, si compello vos vinum bibere, & panem tritici cum betis butyro mixtis simul comedere: nam hodierna die credimus filium hominis resurrexisse a mortuis, ideo gaudere & epulari oportet. Hinc a Patribus Ægyptiis damnatus Hero quidam, quod jejunium non solveret, ne quidem die Paschali. Cassianus collatione 2. capite 5. Jejunium etiam solvebatur circa horam nonam in adventu hospitum, fratrum advenientium & peregrinorum gratia, quasi jejunio potius esset caritatis meritum. Joannes Cassianus de institutione Cœnobarum libro 5. capite 24. Cum de Syria partibus seniorum scita discere cupientes, Ægypti provinciam petissemus, ibique tanta cordis alacritate nos suscipi miraremur, ut nulla prorsus, sicut fueramus in Palestina monasteriis instituti, usque ad præstitutam jejunii horam, refectiois regula servaretur, sed absque legitimis quarta sextaque feriis, quocumque pergebamus, quotidiana statio solveretur. Quidam seniorum percunctantibus nobis, cur ita indifferenter apud eos præterirentur quotidiana jejunia, respondit: Jeju-

nium semper est necum, &c. Et capite 26. ejusdem libri: *Itaque ut norunt in adventu fratrum indifferenter solvere quotidiana jejunia, ita discedentibus eis refectioem ob illos indultam continentia majore compensant.* Idem collatione 2. capite 25. *Nam nonnumquam hora nona soluta jam statione jejunii, supervenientibus fratribus, necesse est eorum obtentu aut adjici aliquid ad statutam solitamque mensuram, aut certe humanitatem, quam jubemur omnibus exhibere, penitus abdicari.* Et ita jejunium solvi hora nona hospitalitatis gratia indicat idem collatione 19. capite 16. in fin. *Hoc Abbas Joannes cum hora nona refectioem imminere sensisset, collationem sine concludit, in gratiam scilicet hospitum, ut liquet ex precedentibus.* Apud Occidentales Monachos jejunium Quadragesimæ non ante vesperam solvi consuevit: extra Quadragesimam, puta quarta & sexta feria, mitius fuit, videlicet usque ad nonam. Regula Benedicti capite 43. *Quarta & sexta feria jejument usque ad nonam; reliquis vero diebus ad sextam prandeant: ab initio vero Quadragesimæ usque ad Pascha ad vesperam, reficiant.* Petri Damiani institutum in monasterio sancti Vincentii de Petra Pertusa fuit, ut Quadragesimæ jejunium iniretur hoc modo, nimirum ut per triduum pane & aqua & nudis pedibus agerent, & expleto psalterio muua se scoparum castigatione purgarent. Testis ipse libro 6. epistola 32. *Jejunium etiam, quod penitentia causa fratribus imponebatur, ducebatur usque ad vesperam.* Concilium Turonense II. can. 18. *Quicumque minus quam duodecim psalmos ad matutinum dixerit, jejUNET usque ad vesperam, panem cum aqua manducet.* Veteres impran- si reficiebantur tantum post vesperam. Ideo Sidon. libro 7. epistola 14. *Ut insinuet ante Mamercum fuisse celebratas rogationes, in quibus jejunium sæpius infringebatur, quæ sæpe, inquit, interpellantur prandiorum obicibus hebetabantur.* Posterioribus sæculis deficiente robore corporis, quasi senio xtatis, ex consuetudine in jejunio admissum est prandium hora nona, id est, testia pomeridiana. Thomas Cantipratensis libro 2. capite 54. *Gradientibus namque duobus fratribus Prædicatoribus jejuniorum tempore ante Pascha, cum jam instaret tempus prandii hora nona.* Imo & in pejus ruente vitæ cælestis instituto, apud Monachos fere jejunium defecit: inde pingues & obe-

fos

fos depingit Abbates & Priores Romanum seu carmen eroticum quod vocant *rosæ*:

Et je les voy comme jengleurs

Plus gras que Abbez, ne que Prieurs.



CAPUT XIV.

Monachis unum dormitorium, χαμνία. Massa, matula, stratum e junco, Græcis ψαῖνον. Somni tempus.

MONACHIS nihil non commune, vnum refectorium, vnum dormitorium. Can. *Necessaria* 12. quaestione 1. Concil. Mogunt. can. 9. Turonense III. can. 23. Meldense can. 53. Et quod valde notandum est, olim dormitorium non cellis distinctum erat ut hodie: sed erat vna schola seu mansio amplior in modum scholæ, in qua quiescebant Monachi vna cum Abbate seu Præposito, dispositis ordine lectulis, ut testes essent mutue conversationis. Synodus Turonensis II. can. 15. *Non liceat Monachis cellulas habere communes, ubi aut bini maneant, aut singulares reponi possint: sed schola labore communi construatur, ubi omnes jaceant aut Abbate aut Præposito gubernante.* Veteres Monachi eadem vitæ distributione usi in cubitu, ac in cibo & potu & vestitu. Ferventiores alii humi cubabant, id est, super nudo solo: quem modum cubandi Græci vocant χαμνία. De Antonio Magno testis locuples est Athanasius in ejus vita: *Ἐ τὸν αὐτὸν ἐν καρπείᾳ, τὸν δὲ ἐν νηστείᾳ καὶ χαμνίᾳ ἰσαύμαστοι.* In illa tollerantia, illum in jejuniis & humi cubatione admirabatur. De sancto Ephrem Gregorius Nyssenus in ejus vita: *ὡς οὐδὲν ἀκατόπαιστος, νηστεία καὶ ἀρχοντία μακρὸν χρόνον ἔχουσα, χαμνίᾳ καὶ σκληροζωρίᾳ ὡς οὐκ ἐκβαίνουσα.* Oratio perpetua, jejunium & vigilia immoderata, humi cubatio & vitæ austeritas pene incredibilis. De Dorotheo Monacho Sozomen. libro 6. cap. 29. *οὐδὲ ποτὶ ὡς ἐστὶν ἐπὶ ῥητὸς ἢ κλίνῃ καθεύδουσας.* Numquam visus est super stoream vel super lectum dormire. De Jacobo Monacho Theodoritus de vit. Patrum capite 1. *τὴν γὰρ νηστείαν*

N n.

καὶ χαμυνία, καὶ τῇ τῷ σακκου ἀεικλῶν. *Jejunio, humi cubatione & sacci indumento.* De Hilarione Hieronymus in ejus vita: *Super nudam humum stratumque junceum usque ad mortem cubavit.* De Hieronymo Augustinus epistola 205. *Stratum aliud nisi terram numquam scivit.* Et Hieronymus ipse de se epistola 22. *Si quando repugnantem somnus imminens oppressisset, nuda humo vix ossa harentia collidebam.* De Martino Paulin. lib. 4.

*At si quando brevi cessissent lumina somno,
Nuda humus ad tenuem sat erat subiecta soporem.*

De Monachis in genere Gregorius Nazianzenus oratione 3. τοὺς ἀντιποδοῦς καὶ χαμυδύνας. *Pedibus illotos & humi cubantes.* Et Chrysostomus orat. 39. ad Antiochenos: ὅτι οὐδὲ νηστεία, οὐδὲ χαμυδνία, οὐδὲ παννυχίδες, οὐκ ἄλλο τι δύναται ἐργάσασθαι, τὸ τοῦ ἡμετέρου σωτηρία ποιῆναι. *Quod neque jejunium, neque humi peractæ cubationes, neque pervigilia, neque aliud quippiam potest efficere, id efficit fratris procurata salus.* De Lirinenfibus Monachis Sidon. in Eucharistico ad Faustum Reicensem:

Succinctos gelido libantem cessante somnos.

Alii cubabant in mattis, quæ erant villia strata e junco texta. Vita Pachomii capite 43. *Ingressus monasterium, post orationem venit ad coquinam, & inveniens fratrem qui coquina præerat, psithos operantem, quas vulgus mattas appellat.* *Mattarum usum ad cubitum retinuit Benedictus regul. capite 55. Stramenta autem lectorum sufficiant, matta, sagum, lina, capitale.* His vsi sunt Cluniacenses, sed non semper. Petrus Cluniacensis libro 1. epistola 20. *Sed & si palustria prope sunt loca, mattas antiquum Monachorum opus compone, super quas aut semper aut sæpe dormias.* In matta cubasse Odonem Abbatem Cluniacensem testatur Joannes Monachus in ejus vita lib. 1. *Nempe qui super nudam humum matta solum, & quibus induebatur vestibus contentus erat.* Cistercienses magis observantes fuisse vsus mattæ insinuat Bernardus epistola 1. ad Robertum nepotem, quia eum revocat a Cluniacensibus; ad quos migraret: *Fletus æternus & stridor ille dentium ante cordis oculis reductus pares tibi reddet mattam & culcitram.* A mattis mattarii dicti qui cubarent in mattis. Augustinus contra Faustum libro 5. capite 5. *Et quia in mattis dormiunt, mattarii*

appellantur, a quorum stratis longe dissimiles fuerunt plumæ Fau-
sti & caprinae lodices, qua deliciarum affluentia non solum mat-
tarios fastidiebat, sed etiam domum patris sui hominis pauperis
Milevitani. Mattæ diminutivum est mattula, cuius idem erat
usus. Rufinus de vit. Patrum libro 2. capite 29. Credite mihi,
fratres, quia magis opto mattulam fratris Eulalii, cum humili-
tate & patientia eius, quam omnia opera eorum dumdūtaxat, qui
murmurantes in cordibus suis operantur in monasterio. Et idem
capite 195. ejusdem libri: Tunc illi mattulam in uno angulo ad
opus ipsius collocarunt. Græci vocant *ματάριον*, quo quandoque
usus Antonius. Athanasius in ejus vita: *εἰς δὲ τὸ τοῦ ὑποῦ ἱππάρ-
του ματάριον, τὸ δὲ παλαιόν καὶ ἐν τῷ γῆς μόνον κατέκειτο. Ad somnum*
contentus erat *ψιῆθιο*, ut plurimum nuda humo. Cassianus col-
latione 1. capite 23. His itaque beatus Moyses collationi nostræ
dans finem, adhuc nos avidos ac de suo ore pendentes degustare
somnum paulisper hortatus est, iisdem ipsis quibus insidebamus
ψιῆθιis admonens incubare. Mattæ & *ψιῆθια* vsui erant non
modo ad cubitum, sed etiam ad sessionem. Ambrosius vel
alius auctor quisquis est in primam ad Corinthios capite 14.
Sedentes disputent seniores dignitate in cathedris, sequentes in sub-
sellis, novissimi in pavimento super mattas. Petrus Cluniacensis
libro 2. epistola 50. Ipse ei in matta monachica, quæ sedi illi
contigua erat, assedit. De *ψιῆθιο* Cassianus collat. 15. cap. 1.
Post *synaxim* vespertinam ad repromissam narrationem intenti
ψιῆθιis pariter ex more confedimus. Idem collat. 18. capite 11.
Ψιῆθιis quoque ipsius refugiens sessionem, humi potius residebam.
Alii cubabant super cilicio. De Paula testatur Hieronymus
in epitaphio ipsius ad Eustochium: Mollia etiam in gravissima
febre lectuli strata non habuit, sed super durissimam humum
stratis ciliciolis quiescebat. Ciliciorum quoque ut mattarum
usus erat ad sessionem. Severus Sulpitius Dialog. 1. de vir-
tutibus Monach. Oriental. factis in terram cilicii confedi-
mus. Et infra: Quod cum dixisset, paululum omnes conticimus,
dein cilicium, cui infederat, ad me propius admovit. Alias in col-
lationibus fratres humi confidebant. Cassianus collatione 21.
capite 11. Vespertina orationum solemnitate transacta humi pau-
lulum confidentes, cœpimus diligentius percunctari. In extrema
ægritudine S. Macrina non quiescebat super strato aut lectu-

lo, sed humi super asserem tectum cilicio. Gregorius Nyssenus in ejus vita. Alii cubabant in fago. Hinc Abbas Machetes fratres arguebat, quod haberent in cellulis sagum, quo scilicet decubarent. Cassianus de institutione Cœnobitarum capite 30. Et ut remissio in monasteriis irrepsit, obtentu humanitatis & susceptionis hospitum, Monachi cœpere habere sagum in cellulis pro susceptione advenientium fratrum. Idem collatione 19. capite 6. *In tantum hæc ἀλγὺς ῥῆσις, id est, materialium rerum possessio, supercrevit, ut sagum quoque, quod absque verecundia referre non possum, sub obtentu humanitatis ac susceptionis hujus, anachoretæ in suis habere cellulis cœperint.* Monachi Pachomiani somnum capiebant cinâ in tunicis simul & pellibus, in fellis reclivibus, ita ut magis sederent, quam jacerent. Sozomenus libro 3. capite 13. Modicum tempus somni, trium vel quatuor horarum, dabatur Monachis. Cassianus collatione 12. capite 15. *Quisquis igitur extractus a cunctis confabulationibus otiosis, & mortificatus ab omni ira ac sollicitudine curaque mundana, duobus tantum proximatis fuerit quotidiana refectioe contentus, & aquæ sarietate subtracta, quietem somni trium, sive, ut alii statuerunt, quatuor horarum spatio terminavit.* Idem collatione 13. capite 6. *Quis aquæ perpetuam sitim sine domini consolatione tolerare, illiusque dulcem ac delectabilem matutinum soporem humanis fraudari oculis, & intra terminos horarum quatuor omnem quietis refectio-nem jugi possit lege concludere?* Rufinus de vit. Patrum lib. 2. capite 199. *Quatuor horis dormiebant in nocte, & quatuor psallebant, & quatuor operabantur.* Hic erat Abbas Poemen & socii. Et hoc est canonicum somni tempus, de quo Cassianus de institutione Cœnobitarum libro 5. capite 20. *Similiter quoque canonicum somni tempus mensuramque custodias.*



CAPUT XV.

Meridiatio & aliæ relaxationes Monachorum.

TOT vigiliis, orationibus, lectionibus, manuum operibus fatigatis fratribus datur modica relaxatio, ne languentes ad opus redeant, vel in eo deficiant. Primum fratribus æstivo tempore sub horam sextam, id est, sub meridiem, licet tantillum somnum capere: qui modus dormiandi dicitur meridiatio. Veteribus in usu fuit somnus meridianus propter æstivos calores. 2. Reg. 4. *Ishoseth dormiebat super stratum suum meridie.* & 2. Reg. 11. *David cum surgeret de strato suo post meridiem.* Job 24. *Inter acervos eorum meridiati sunt, qui calcatis torcularibus sitiunt.* Varro de re rustica libro 1. capite 2. *Ego hic ubi nox & dies modice redit, & abis tamen, æstivum diem si non diffinderem, meo insitio somno, meridie vivere non possem.* Cæsar de bello Gallico libro 7. *Theutomatus Rex Nitobrigum subito in tabernaculo oppressus, ut meridie conquieverat.* Tranquill. in August. capite 78. *Post cibum meridianum, ita ut vestitus calceatusque erat, retortis pedibus paulisper conquiescebat, opposita ad oculos manu.* Et idem in Nerone: *Misissos a Messalina uxore Claudii, qui cum meridianam quasi Britannici amulum strangularent.* Et meridiatio in usu erat etiam vilioribus & humilioribus personis, puta libertis: liberti enim patrono non tenebantur præstare nisi liberales operas, ita ut adquiescere eis meridiano tempore liceret. L. Medicus in princip. de oper. libertor. Etiam posterioribus sæculis somnus meridianus passim in usu fuit. Sidonius libro 2. epistola 9. *Excusso corpore meridiano paulisper equitabamus.* Paulus Diaconus libro 20. *Cum autem meridie requiesceret, repente per auream portam introivit Ruffus primus stratorum.* Cedrenus in Philippico: *ἐν δὲ τοῖς σαββάτοις τῆς Πεντηκостῆς μεσημέριον ἔσθω.* In Sabbato Pentecostes meridiatis. Moris fuisse Romanis post prandium meridiari, infelici argumento indicat Procopius de bello Vandalico libro 3. cum

ait civibus meridianibus, ab Alarico urbem Romam captam fuisse ἀπάντων ὕπνῳ, ὡς τὸ εἶδος, ἡμᾶς μόνον, omnibus meridianibus, ut solent, post prandium. E recentioribus Petrus Valis Sernenſis Historiæ Albigenſis capite 55. *Dum pransi eſſent noſtri, & ut mos eſt, poſt prandium pauſarent in meridie.* Etiam Episcopis vitæ ſeverioris viris vſu honeſtus fuit ſomnus meridianus. Theodoritus libro 5. capite 21. ἐρμίνουσαν τῷ το πρὸς ποιμνίῃ καὶ μεσημέλεια καθεύδοντι. Episcopo ſub meridiem forte dormienti rem indicant. Idem Nicephorus Calliſtus libro 12. capite 27. Etiam Monachis ſomni meridiani pauſatio, ſeu quies indulta per æſtivum tempus. Joannes Climacus ſcala Parad. grad. 27. χαλεπὸν τὸν τῆς μεσημέλειας ἀπηνάχασθαι ὕπνον, ἐν ταῖς θεριναῖς καλιστα ὥραις. Difficile eſt pomeridianum ſomnum, præſertim æſtivalis horis, arcere. Regula Benedicti capite 48. *Post ſextam autem ſurgentes a menſa, pauſent in lectis ſuis cum omni ſilentio.* Gregorius Dialog. 1. capite 13. *Cumque meridiano tempore cuncti fratres quieſcerent, more ſolito ſur advenit.* Idem Radulphus Rabani diſcipulus in vita ſanctæ Liobæ Virginis: *Nam licet ſemper modicum tota tamen æſtate poſt prandium, tam ipſa quam cunctæ ſibi ſubjectæ ſorores pauſabant, nec ulli earum indiſcrete vigilare volenti conſenſit: dixit enim adempto ſomno ſenſum adimi maxime legendi.* Edinerus Anglus in vita beati Anſelmi: *Cum igitur fratres meridiana hora in lectis ex more quieſcerent, & iterum una dierum fratribus loci illius poſt menſam in lectis ſuis pauſantibus, ſubito fragore cælum inconvulſit.* Fratribus indulgetur ſomnus poſt ſextam, id eſt; poſt meridiem, ſed ferventiores aliis dormientibus per id tempus ſacræ lectioni operam dabant. Capitulare Aquigranenſe anno 817. can. 38. *Ut quando fratres poſt ſextam dormiunt, ſi quis eorum voluerit legere, in Eccleſia aut in lecto ſuo legat.* Etiam fratribus converſis meridiani faſ erat. Caſarius de Miraculis libro 3. capite 33. *Tempore quodam æſtivo converſis Ordinis noſtri in dormitorio ſuo meridie quieſcentibus.* Nec modo per æſtivum tempus, ſed etiam per hibernum diebus ſolemnibus nocturnis vigiliis deſeſſis fratribus permittebatur ſomno meridiano recreari. Gregorius libro 9. Indiſtione 4. epiſtola 38. *Alio quoque tempore dum in natalitio ſancti Andrea Apoſtoli jam meridianis horis fratres*

quiescerent. Præter meridiationem etiam Monachis conceduntur nonnullæ relaxationes animi & corporis, ne nimia & nusquam interrupta districtio desinat in tepiditatem: puta apud Ægyptios jejunium solvebatur in adventu & susceptione hospitum. de quo Cassianus de institutione Cœnobitarum libro 5. capite 24. 26. & collatione 24. capite 20. vel in gratiam festivitatis: de quo idem collatione 21. capite 14. & 23. Monachis oblectationis causa quandoque conceditur piscatio. Thomas Cantipratenſis libro 2. capite 25. *Mense Augusto familia circa messẽ instantius occupata, factò mane prandio, ego & Diaconus qui mecum religioſe degebat, rete sumpsimus, & ut tempus deduceremus, ad piscinam late diffusam. accessimus ad piscandum.* Remissionis causa quoque interdum Monachis permittitur, spatium extra monasterium. Idem Cantipratenſis libro 2. capite 36. *Juvenem igitur adultum Abbas suus pro recreatione vel joco secum proficisci extra præcepit.* Etiam Sanctimonialibus Abbatiſſa duce id permissum. Idem libro 1. capite 10. de Geuta Abbatiſſa Vallis-floridæ: *Si Moniales suas ad solatium educebat, in medio omnium confidebat, & aliquid de Deo, vel scripturis, vel etiam de moribus proponebat.* Hujusmodi honestas remissiones probat Cassianus collatione 24. capite 21. exemplo & judicio Joannis Apostoli, qui venatori offenso, quod cum perdice luderet, respondit: *Cur arcum semper tensum non circumfers?* Et ubi ab eo audivit, id caveri, ne nimio rigore solveretur: *Et nos, inquit, interdum animum relaxamus, ne nimia contentione frangatur.*




CAPUT XVI.

Balnearum & medicina vsus an probetur in Monachis.

ETIAM leviores delicæ vetantur in Monachis, pura balnearum vsus. Hieronymus epistola ad Rusticum: *Balnearum fomenta non quærat, qui calorem corporis jejuniorum cupit frigore extinguere.* Sanctimonialibus propter sexus infirmitatem semel in mense balnearum vsum indulget Augu-

stinus epistola 109. *Lavacrum etiam corporum vsusque balnearum non sit assiduus, sed eo quo solet intervallo temporis tribuatur, hoc est, semel in mense.* In Gallia balnearum vsus ægre ferebatur in sacris virginibus: inter alia capita quæ obijcebantur Abbatissæ monasterii sanctæ Crucis Pictaviensis a Chrodielde, hoc erat vnum e gravioribus, quod in balneo lavarentur incongrue: de quo sese purgavit Abbatissa apud Episcopos hac de causa congregatos, teste Gregorio Turonensi libro 10. capite 16. Benedictinis Monachis vix licuit uti balneo, nisi infirmitatis causa, idque permittente Abbate. *Regula Benedicti: Balnearum vsus infirmis quoties expedit offeratur; sanis autem, & maxime juvenibus, tardius concedatur.* Et Capitulare Aquilgranense can. 7. *Ut balnearum vsus in arbitrio Prioris consistat.* Non modo delicias corporis & oblectamenta balnearum exhorruere ascetici Legislatores, verum etiam vix tulere vsum medicinæ pro curatione morborum, magis de animæ, quam de corporis salute solliciti, vitæ contemptores, ac pene osores. Monachis non fugiendum solatium medicinæ in morbis, sed nimis non expetendum voluit Basilius regular. fusius disputatarum capite 55. οὐτε οὐδὲ φάρμακον πάντῃ τιμῇ πικρὸν, οὐτε ἐν αὐτῇ πάσας ἀεὶ ἰλπίδας ἔχειν ἀπολογεῖσθαι. Neque igitur fugienda penitus ars ista est, neque rursus omnia in ea salutis nostræ præsidia collocanda. Chrysostomus in primam ad Timotheum Homil. 14. καὶ ἀρρώστων οὐ δάκρυα, οὐ θρήνος, ἀλλ' ἔτι καὶ πάλιν, σὺν ἰατροῦ χειρὶ, ἀλλὰ πιστῶς μόνῃ πολλὰς ἀπὸ πλῆθους τοῦ ἄρρωστον, εἰ δὲ ἰατροῦ δεινότητι, πολλὴν δὲ ἑλπίδα ἢ εὐδοσίαν, πολλὴν ἢ καρτερίαν. Quod si quis infirmatus fuerit, non lamenta, non lacrymæ, sed perpetuæ funduntur preces, non ibi medicorum operatur manus, sed fides sæpe sola sanavit infirmum: nempe & si opus fuerit medicis, magna & hic ostenditur philosophia, ingensque ostenditur tolerantia. Usus medicinæ ægre tolerarunt Cistercienses, valetudinem corporis soli Deo acceptam fieri volentes. Bernardus epistola 321. ad fratres sancti Anastasii: *Compatior utique, & multum ego compatior infirmitati corporum; sed timenda multo magis, ampliusque cavenda infirmitas animarum: propterea minime competit religioni vestræ medicinas quærere corporales; sed nec expedit saluti, non de vilibus quidem herbis, & quæ pauperes deccant,*

deceant, interdum aliquid sumere tolerabile est, & hoc aliquando solet fieri. At vero species emere, querere medicos, accipere portiones, religioni indecens est, & contrarium puritati, maximeque Ordinis nostri nec honestati congruit, nec puritati.



CAPUT XVII.

Vestis Novitiorum & Monachorum distincta: vestes variae Monachorum, colobium, cuculla, melote, masorte, analabus, pallium, floccus.

MONACHI, ut ceteras partes vitæ communis monachalis persequar, omnia habent communia, nihil proprium, ne vestem quidem, quam desumunt ex vno & communi vestiario. Augustinus epistola 109. ad Monachas quasdam: *Et non dicatis aliquid proprium, sed sint vobis omnia communia, & distribuatur unicuique vestrum a Præposita vestra victus & tegumentum, non aequaliter omnibus, quia non aequaliter valetis omnes, sed unicuique sicut opus fuerit.* Et infra: *Et sicut pascimini ex vno cellario, sic induamini ex vno vestiario.* De quo plura capite 1. hujusce libri. Olim Novitii probationem implebant in veste seculari, & Proficientes vestem mutabant. Dionysius Arcopagita Ecclesiasticæ Hierarchiæ capite 6. Monachus dum initiatur, Sacerdos signo crucis consignatum tondet, & τὸν ἐν τῇ πόσει ἐπαμφοτέρω ἐτίμαρ ἐκείνου, omnique veste detracta cum alia induit. Ambrosius epistola 36. de Paulino. *Et cum ipsi, inquit, capita & supercilia sua radant, si quando Isis suscipiant sacra, si forte Christianus vir attentior sacrosanctæ religionis vestem mutaverit, indignum facinus appellant.* Hieronymus epistola ad Rusticum: *Vidi ego quosdam, qui postquam renunciavere sæculo, vestimentis dumtaxat & vocis professione, non rebus, nihil de pristina conversatione mutarunt.* Et idem epistola ad Paulinum: *Tunicam mutas cum animo.* Apud Græcos alia fuit vestis Novitiorum, alia Professorum. Novitiorum vestis erat rasa, vnde πάσας Græci vocabant, forte ut distingueretur a veste villosa. Euchologium in officio susceptionis Novitii, ἀνελυθία εἰς

ἀρχαίαι ῥασοροσῶντα. Aliter καμλαύχον, ut habetur in indice capitum Euchologii, ἀκολουθία γυναικῶν εἰς τὸ φορέσαι πνῶ ῥάσον μῆτον & καμλαύχον. Forte quod id genus vestis esset contextum pilis cameli. Inde forte camelancum vestis Pontificiæ genus : de quo Anastasius in Constantino : *Apostolicus Pontifex cum camelanco, ut solitus est Roma procedere, a palatio egressus, in Placidias usque, ubi hospitaturus erat, properavit.* Papias : *Camelancus vestimentum Papæ.* ῥάσας vocat quoque Nicetas in Manuele Comneno libro 7. τὸ μοναδικὸν ἡῆμα ἦτις, & οἱ πρὸς αὐτὸν ὄντες πρὸς μοναχὸν ῥάσα, πεινούσιν μὲν αὐτὸν, & ἀπεκύνουσι τὰ μαλακὰ καὶ ἀρχαῖα ἄμφια. *Monasticum habitum postulavit, & qui circa illum erant, nescio ubi nacti vestem monachicam illi induxerunt, & vestes molles & regias detraxerunt.* Ita hunc locum tradit Meursius in Lexico Græco Barbaro. Vulgata editio πνευματικῶν τῶν αἰσθησέων, *spiritualis vestis.* Schema monasticum, id est, Professorum, duplex erat : vnum quod dicebatur τὸ μικρὸν ἡῆμα, sive τὸ μανδύς ; alterum τὸ μέγα sive τὸ ἀγγελικόν. In vtriusque susceptione varia officia distinxit Eucholog. ἀκολουθία τῷ μικρῷ ἡῆματος ἦτοι τῷ μανδύϊ. *Officium parvi habitus seu mandyi.* ἀκολουθία τῷ μεγάλῳ καὶ ἀγγελικῷ ἡῆματος. *Officium magni & angelici habitus.* Et hoc est quod ἄγιον ἡῆμα vocat Joannes Moschus Limonarii capite 166. ὁ δὲ γέρον νοουθετήσας αὐτὸν ἐποίησεν αὐτὸν μοναχόν, ὡς γέρον καὶ τὸ ἄγιον ἡῆμα. *Senex vero exhortans illum fecit Monachum, & sanctum ei habitum dedit.* ῥάσα erat vestis Novitiorum : μικρὸν ἡῆμα erat vestis quæ tradebatur professuris antequam tonderentur, ut pater ex Euchologio. μέγα seu ἀγγελικόν ἡῆμα erat vestis, quæ deposito parvo habitu tradebatur Professis in signum perfectionis & propositi angelicæ vitæ ducendæ : & hanc vestem prius solemniter impositam altari & benedictam tradebat Abbas Profitenti, ex Euchologio : & hoc est quod insinuat Isidorus Pelusiot. libro 1. epistola 310. Monachus quidam, inquit, ad nos venit, ἡῆμα τὸ τῆς ηἰμῆς σου φέρον διέξας, καὶ ὡς αὐτὸς οἶδας σφραγίζειν τοὺς ὑποδύτας σου, *habitum tuum veneranda ferens manus, & quo discipulos tuos consignare nosti.* Monachorum vestis non vna & varia fuit pro diversitate instituti & regionum. Joannes Cassianus de institutione

Cœnobitarum libro 1. capite 11. *Cæterum a nobis tenenda sunt illa tantummodo, quæ vel locorum situs vel usus provincie admittit: nam neque caligis nos, neque colobii seu una tunica esse contentos hiemis permittit asperitas; & parvissimi cuculi velamen, vel melotis gestatio derisum potius quam adificationem ullam videntibus comparabit. Ægyptiorum Patrum propria vestes fuisse lebitus sive colobium, & cuculla & melotes. Hieronymus in Præfat. in regul. Pachomii: Nihil habent in cellulis præter psiathium, & quæ infra scripta sunt, duo lebitonaria, quod Ægyptius Monachus genus vestimenti est, sine manicis, & unum jam attritum ad dormiendum vel operandum, & amictum lineum cucullosque duos, & caprinam pelliculam quam melotem vocant, balteolum lineum, & gallicas, ac bacillum itineris socium. Colobium vel lebitus, quod idem est, est linea vestis Monachorum sine manicis vel abscissis manicis, ut expeditiores sint ad operandum, & soluti ad dormiendum. Palladius Historiæ Lausiacæ capite 38. φορεῖται δὲ ἐν ταῖς νύκτι λεβιτῶνας λινοῦ ἐξασμένοι. Noctu autem gestent lebitones lineos succincti. Sozomenus libro 3. capite 13. καὶ τοῖς μὲν χιτῶνας ἀγχιεὶδῶτες ἐδιδόκειν. Nam tunicis se induebant manibus caventibus. Cassianus de institutione Cœnobitarum libro 1. capite 5. Colobiis quoque lineis induti, quæ vix ad cubitorum ima pertingunt, nudas de reliquo circumferunt manus, ut amputatos habere eos actus, & opera mundi hujus suggerat abscessio manicarum, & ab omni conversatione terrena mortificatos eos velaminis linei doceat indumentum. Rufinus de vit. Patrum libro 1. capite 3. Tabennensii appellantur, quibus usus est indui colobium quasi sacco linei. Et idem capite 7. ejusdem libri: Indumentum ejus stuppeum, collobium erat, quod apud illos lebitis appellatur, & lineum quod collum & caput obvolvaret. Cuculla apud Ægyptios erat tegumentum capitis ad humeros vsque demissum, quo utebantur Monachi utriusque sexus. Cucullæ, quod est indumentum capitis infantile, a Pachomio dicitur Monachis suis tanquam pueris, ut puerilem simplicitatem a se desiderari intelligerent. Palladius Historiæ Lausiacæ cap. 38. Idem Dorotheus doctrin. 1. εἰσπύρας δὲ εἰς τὴν κοιτανίαν τῆς μυστικῆς τοῦ χειρὸς καὶ σάββατον ὁ κλειανὸς τὰς ζώνας λύνειται, καὶ τὴν μηροτὴν ἀσπντίζουσαι, καὶ μὴ κοινουλλίου μένου εἰσι-*

πασαν· κουκουλλία γὰρ αὐτοῖς ἐτύποσεν ἁμαλλία οἷς παθεῖς, ἐν
οἷς ἔχουσιν πναὶ ταυροῦ Ἀγροφουεῖου ἐκίλδοσι τοῦτοις ἐ-
πιπιδῶν. *Ingredientes ad communionem mysteriorum Sabbato do-*
minica zonas solvant, & melotem deponant, & cum sola cu-
culla ingredientur: fecit autem eis cucullas sine pilis tanquam pue-
ris, in quibus etiam iussit imponi figuram crucis purpureæ. Idem
Zozomenus libro 3. capite 13. Eo se refert Hieronymus ad
Eustochium: Sunt quæ cilicii vestiuntur, & cucullis subrefa-
ctis, ut ad infantiam redeant, imitantur nocturnas & bubones.
Virgines tonsas & cucullis caput velatas depingit Palladius
capite 41. ἥ οὐδ' ἄλλων παρδίων τὸ ῥῆμα τῷ χειρῶν ἐχον-
σιν κουκουλλία ὅτι ἥ καφαλαί. Atque aliarum virginum erat
huiusmodi habitus, ut essent tonsæ, & haberent cucullos in capite.
Formam & modum cucullæ typice describit Joannes Cassia-
nus de institutione Cœnobitarum libro 1. capite 4. Cucullis
namque perparvis usque ad cervice humerorumque demissis con-
finia, quibus tantum capita contegant, indefinenter diebus utun-
tur ac noctibus, scilicet ut innocentiam & simplicitatem parvul-
orum jugiter custodire etiam imitatione ipsius velaminis commo-
neantur. Colobio & cucullæ superaddebatur melote, id est,
pellice quæ ab humeris ad lumbos pertinebat: e pelle capri-
na contextam ponit Cassianus de institutione Cœnobitar.
libro 1. capite 8. Ultimus est habitus eorum pellis caprina, quæ
melote vel pera appellatur & baculus, quæ gestant ad imitationem
eorum, qui professionis hujus præfiguravere lineas in veteri Testa-
mento. Melotes e pelle ovilla, quod convenientius est no-
mini rei: melotes enim a Græco μῆλον, id est, ovis, deduci
constat: gestabant Pachomiani. Palladius Historiæ Lausiacæ
capite 38. ἔχουσιν αὐτοὶ ἐχέτω μελοτίλ αἰγίας ἐργασµένων λεί-
κω. Habeat unusquisque ex his pellem caprinam albam elabora-
tam. Antonium vsum pellicea ab Athanasio accepta, refert
ipse Athanasius in ejus vita, & Palladius capite 26. Pellicem
ependyten, qui idem est cum melote, ex dono Antonii ge-
stasse Hilarionem testis Hieronymus in ipsius vit. Igitur sac-
co tantum membra coopertus, & pellicem habens endyten, quem
illi beatus Antonius proficiscenti dederat. Etiam beatum Bene-
dictum melote vsum refert Gregorius libro 2. Dialog. capi-
te 7. Monachi Ægyptii exemplo Eliæ Thebytis pellibus

amicti in signum mortificationis, quod pellibus demortuis induerentur, ex regula Pachomii quam tradit Sozomenus libro 3. capite 13. Idem Isidorus Pelusiot. libro 1. epistola 427. ad Nilum Monachum: τα ὅτι μὴ λυγρὴν ἀνδρείως ἀείκεται, σημεῖα ὄντα νικῶσεως. *Ovillarum pullium lumbaria solis iis qui carnem suam enecarunt, imprimuntur ut signa mortificationis.* Masforte erat palliolum Monachorum caput & humeros tegens, aliud a cuculla. Cassianus de institutione Cœnobitarum libro 1. capite 7. *Post hac angusto palliolo tam amictus humilitatem, quam vilitatem pretis compendiumque sectantes, colla pariter atque humeros tegunt, quæ masfortes tam nostro quam ipsorum nuncupantur eloquio: Et ita planetarum atque birrorum pretia simul ambitionemque declinant.* Masforte vsi Monachi vtriusque sexus. Gregorius Turonensis libro 10. capite 15. *De Palla quod reputarent, protulit Monacham nobilem, quæ ei masfortem holosericum, quem de parentibus detulit, muneris causa concesserit.* μαφόριον vocat Basilii vel alius quisquis auctor est de pœnis in Monachos delinquentes capite 7. εἰ τις αὖν μαφορίον ποιεῖ ἔργον, ἡμῖν ἀπόδοσις. *Si quis absque capitis velamine opus faciat, careat benedictione.* Alii mavortem. Hieronymus ad Eustochium: *Et per humeros hyacinthina lana mavorte volitans.* Præter colobium, cucullam & melotem seu pelliceam, Ægyptii Monachi habebant aliud vestis genus, quod Græci vocant ἀνάλαβος, superhumeralē. Dorotheus doctrin. 1. de renunciatione: τὸ ἡμίμα δ' φοροῦμεν, κολφισίον ὅστι, μὴ ἔχει χειρίδια, καὶ ζώνη διρματίν, & ἀνάλαβος, & κουκελίον. *Habitus noster is est, tunica absque manicis, & zona pellicea, analabus & cucullus.* Quæ forma esset analabi, nempe in modum crucis super humeros, exponit idem infra eodem loco: ἐξομεν καὶ ἀνάλαβος. ὁ ἀνάλαβος τίθεται πανορειδῶς, ὅτι τοῖς ὤμοις ἡμῶν τετὶν τὸ σωτὴρ τοῦ σύμβολον βασιλεῖομεν. *Habemus & analabum, analabus seu succinctorium in crucis modum ponitur; super humeros autem nostros crucis signum deferimus.* Succinctorium seu rebrachiatorium vocat Cassianus de institutione Cœnobitarum lib. 1. capite 6. *Gestant etiam vesticulas duplices lanceo plexas subtegmine, quas Græci ἀνάλαβος, nos vero succinctoria seu redimicula, vel proprie rebrachiatoria possumus appellare, quæ descendentia*

summa cervicis, & a lateribus colli divisa, utrarumque alarum sinus ambiunt, atque hinc inde succingunt, ut constringentia latitudinem vestimenti ad corpus contrahant, atque conjungant, & ita constrictis brachiis impigri ad omne opus expeditique reddantur. Analobum κατανώσιον appellat S. Ephrem doctrin. var. capite 88. Arbitror conducere Monacho, maxime Novitio, non exire cella ἀπὸ κατανώσιου, sine superhumerali, ut vertit Vossius. Apud Græcos & Orientales pallium erat propria vestis Monachorum, unde ex Concilio Gangrensi canone 12. Si quis proposito religionis utatur pallio δεῖξαι, & ex eo quasi sanctificatus condemnet eos, qui byrros gestant, (id nomen pileo sacularium) sit anathema. Can. Si quis virorum 30. distinet. Et Monachi propter amictum pallii, quod erat indumentum Græcorum, Romæ notabantur ut Græculi. Hieronymus ad Marcellam: Si tunica non canduerit, statim illud e trivio: Impostor & Græcus est. Necnon Monachi de nigro pallio notabantur a paganis. Eunapius in Ædesio: τυραννικῶ γὰρ ἔχον ἐξουσίαν τότε πᾶς ἀνδρὸς μέλαινας φόβον ἰδοῦτα, & δημοσία βοιλόμην ἀζημονεῖν. Tyrannicam obtinebat auctoritatem quiritis atram vestem indutus, quique in publico sordido habitu spectari volebat. Monachi utriusque sexus apud Græcos nigro pallio induti passim memorantur. Suborta seditione Constantinopoli in Monachos, quod pulso Joanne Chrysostomo Ecclesias occupassent, interfecti omnes, ὅσοι αὐτῆς ἔτυχον ἰδοῦσιν ἡμφιεσμένοι, quicumque pullis induti erant vestibus, ut refert Zozimus libro 5. Zonaras in Irene & Constantino meminit Mariæ Constantini vxoris; quæ a viro repudiata, nigrum pallium sumpsisset. μοναζούσης ἀμφοια μέλαινα. Et idem in Michaelē Rangabē memorat Theophanonem Stauracii conjugem, καθεῖσαν τῷ κόμῳ, & μέλαινας ἐνδυσάμενῳ σολῶ. Manuelem Comnenum in extremis nigra veste, quæ erat monachica, indutum refert Nicetas in ejus vit. libro 7. καὶ τῆς πιδμαπικώτεας ἀμφιάστως ἐχούσης τὸ ἀφ᾽ ὁμοσκέδον περιβάνιον μέλανος, &c. Et spiritualem vestem nigro rapano omnis ornatus expertem. Gregorius Nazianzenus orat. 14. διὰ τὸ αὐτὸ ἀμφοιοδῶν φαῖναι ἢ μέλαν περιβάνιον ὁ σεμνότης βίου περιβάλλεται. Idem pallium fuscum vel nigrum habentium vitæ sanctitatis signatur. Synes. epistola 146. ad Joannem Mona-

chum: καὶ φωνὴν περιώνιον ἀμπαχθαί σέ φησι. *Et fusco pallio te vestitum esse dixit.* Hinc Monachos qui solo pallio & promissa barba Monachos ementiuntur, ridet Isidorus Pelusiotarum libro 1. epistola 92. *εἰ δὲ περιώνια, & ὑπόλυ, & βάντρο ἀρκούν ἡμῶν πρὸς ἔξωσιν τῆς ἀγγελικῆς πολιτείας οἰόμεθα.* *Quod si pallium & promissum barbam & baculum ad angelicam vitam omnibus partibus explendam nobis sufficere arbitramur.* Etiam in Africa palliati Monachi non sine ludibrio visi. Salvianus libro 8. *Intra Carthaginis muros palliatum & pallidum, & rescisis comarum fluentium jubis, usque ad cutem consum videre tam infelix ille populus quam infidelis sine convicio atque execratione non poterat.* In Gallia etiam Monachos pallio vfos notum est. Severus Sulpitius epistola ad Bassulam socrum suam: *Agebat ante se pastor extinctus greges suos, sanctæ illius magnitudinis pallidas turbas, agmina palliata.* Sidonius libro 4. epistola 9. *Novoque genere vivendi Monachum complect, non sub palliolo, sed sub paludamento.* Benedictinorum vestes propriæ tunica, cuculla & scapulare. Benedictus regul. capite 55. *Nos mediocribus locis sufficere credimus Monachis per singulos cucullam & tunicam & cucullam in hieme villosam, in æstate puram aut vetustam, & scapulare propter opera.* Tunica est interior vestis strictior, habens manicas, cui superponebatur cuculla. Vita Bernardi libro 2. capite 8. *Adhærebat carni ejus lanea tunica, & diebus & noctibus cuculla vestitus sic ibat, sic cubabat.* Guibertus Historiæ Hierosolymitanæ lib. 2. capite 8. *Petrus Eremita lanea tunica ad purum, cucullo super. utrisque talaribus, byrro desuper induebatur brachiis minime, nudipes autem.* Cuculla est vestis propria Monachorum, quam ab Abbate Proficientes suscipiebant. Can. Præfens 20. quæst. 3. *Hinc post Professionem Monachi per triduum cuculla opertum caput habebant. Capitulare Aquisgranense anno Christi 817. canon. 35. Ut Monachus Professione facta tribus diebus cuculla coopertum habeat caput.* Hinc & suscepto in Novitium, mox ut apparuit eum esse Professum nigri Ordinis, Abbas cappam illi mutavit in cucullam. Cafarius de Miraculis libro 4. capite 91. *Susceptus a domino Gisilberto Abbate in Novitium, mox ut eum per confessionem cognoverat nigrum Monachum fuisse, cappam illi mutavit in cucullam.* Hinc & cuculla

est præcipuum insigne Monachorum: cuius rei argumentum est, quod si Canonicus regularis migraverit ad Monachos, revocatur, & in pœnam defectionis memorialem deinceps cucullam gestat, & ultimus in choro stat, ex decreto Urbani II. Can. *Mandamus* 19. quæstione 3. Cap. *Intelleximus. de ætat. qualitt. & ordin. præficiend.* Et cucullatus pro Monacho accipitur. Petrus Cellensis libro 7. epistola 14. *Mundus plenus est cucullaris, & pene vacuus Monachus.* Et cucullæ susceptio in Monachis sui deditio est. Anselmus libro 2. epistola 23. *Nostrium utique semper est consilium, ut nullum ante illam sui deditionem, quam per cuculla spontaneam acceptionem facit, si ad aliud monasterium ire voluerit, invitum teneamus.* Olim cucullus erat indumentum capitis. Juvenal. Satyr. 8.

Tempora Santonico velas adoperta cucullo.

Idque ad usum utriusque sexus, idem Satyr. 3.

Ausa palatino tegetem præferre cubili,

Sumere nocturnos meretrix Augusta cucullos.

Et sagis rusticorum addebatur cucullus ad arcendam injuriam tempestatum. Columella libro 11. capite 1. *Pellibus manicatis, & sagatis cucullis.* Inde ob vilitatem vestitus cuculla facta est vestis Monachorum. Apud Ægyptios Patres cuculla erat tantum indumentum capitis: sed a temporibus Benedicti Patris cuculla a capite demissa est ad humeros & ima corporis Capitulare Aquisgranense can. 21. *Ut mensura cuculle duobus consistat cubitis.* Cucullam ad pectus pertinentem depingit. Cæsarius de Miraculis libro 3. capite 25. *Cucullam supra pectus suum palpavit, quam totam invenit madidam.* Tandem ita placuit usus cucullæ, ut producta fuerit ad talos usque, uti videtur hodie. Inc'e, ut opinor, orta est distinctio cucullæ a flocco: & cucullæ appellatione cæpit intelligi vestis Monachorum quæ corpus ambebat: & flocci nomine pars cucullæ quæ caput tegebat, id est, capitium seu caputium, quod forte contexeretur e floccis, qui sunt capita lani velletis: de quibus Cornel. Celsus libro 2. capite 6: *In veste floccos legit, fimbriasve diducit.* Et Terentius in Adelphis: *Aut enim stipulam aut floccum moverat aut summum digitum.* Et ita floccellum pro ea parte cucullæ, quæ caput obvelat, sumpsisse videtur Goffridus Vindocinensis libro 2.

cpi-

epistola 7. *Domnus Ernaldus, quem Decanum vestrum dicitis, si sibi secundum iustitiam placisset, teste floccello de capite suo, potius in nostra quam in vestra sorte manere debuisset. Alii floccum a cuculla vestem diversam faciunt. Ingulphus in Chronie. Croyland. Induit omni anno totum conventum cum secta sua de tunicis, omni altero anno de cucullis, & omni tertio anno de floccis. Anonymus de gest. Episcoporum & Abbat. Turonens. in Abbate 19. Et insuper ordinavit quod floccum cum cuculla portaremus, sicut modo deferimus. Varia fuit acceptio flocci & cucullæ pro diversitate regionum: quo circa Clemens V. in Concilio Viennensi in ordinandis rebus monasticis, quo dubitandi circa hæc materia tolleretur, declaravit cucullam esse vestem Monachorum, longam & amplam, manicas non habentem; floccum vero vestem longas & amplas habentem manicas. Clementina Ne in agro. §. Statuimus. de statu Monachor. Præter floccum & cucullam pelliceis vsi Benedictini, licet de his nihil traditum sit in regula; nimirum pro regula eis fuit exemplum Patris Benedicti, quem pellicea vsus testatur Gregorius libro 2. Dialog. capite 7. Cistercienses pellicearum vsus Cluniacensibus obieciabant, quibus responder Petrus Cluniacensis libro 1. epistola 28. Sed si nos pellictiis utendo, quoniam de eis regula retinet, prævaricamur, prævaricamini nobiscum & vos, qui simplici flocco & cuculla contenti esse non vultis, & ultra regulæ metas, quæ nihil de his loquitur, multiplices & quotquotlibet tunicas induitis, & eas absque aliqua discretione fertis. Armanno Monacho griseam pelliceam se obtulisse testatur Goffridus Abbas Vindocinensis libro 1. epistola 12. ad Callixtum II. Armanno Monacho Romæ pro ejus amore serviri, & cum apud Turonum nocte nudatus esset a furibus, non dimidiam vestem, ut beatus Martinus, sed griseum pelliciam, atque varias pelles obtuli patri meo.*



○✠○


CAPUT XVIII.

Monachi alii nudipedes, alii sandaliis uti. Evectio Monachorum in mulis & asinis.

QUO cuncta congruant in Monachis, vestem rudem & asperam sequitur nuditas pedum seu discalceatio. Veteres Monachi, alii nudis pedibus incedebant, & nudipedalia exercebant, ut ait Cassianus collatione 24. cap. 10. *Certi etenim sumus tam presentis huius habitus vilitatem, quam quotidiana hæc nudipedalia in illorum vicinia, nullatenus exercere nos posse.* Idem Ambrosius vel alius quisquis auctor est, in 1. Cor. capite 12. *Simili modo & quidam fratrum cum sint egestate & habitu inhonesti, non tamen sunt sine gratia, propter quod membra sint corporis nostri: nam solent succincti pede nudo vesticula tetrica incedere. Quamquam ergo videantur contemptibiles, magis honori sunt, quia solent vitam habere mundiorum.* Nudos pedes & Apostolicis similes Monachis ponit Gregorius Nazianzenus orat. 12. *πῶδες γυμνοὶ, & τοῖς ἀποστολικαῖς ἰσόμενοι.* *Nudi pedes, & Apostolicis similes.* Epiphanius in synopsi fidei artic. 23. *ἄλλοι δὲ οὐδὲ παρδενόνται.* *Alii nudis pedibus incedunt.* Alii caligis, id est, sandaliis seu soleis, quibus sola pedis planta defenditur, superiore parte nuda & intacta, utebantur, rejecto vsu calceorum, quasi interdicto Apostolis & eorum sectatoribus, id est, Monachis, & aliis perfectioris vite cultoribus. Idem de institutione Cœnobarum libro 1. capite 10. *Calceamenta vero velut interdicta Evangelico præcepto recusantes, cum infirmitas corporis, vel matutinus hiemis rigor, seu meridiani æstus fervor exegerit, tantummodo caligis suos muniant pedes, &c.* Et quidem vsum sandaliorum in Monachis utriusque sexus observo. Hinc Monastrias Alexandrinas sandalarias vocat Isidorus Pelusiota libro 1. epistola 87. *μναστρίαὶ Ἀλεξανδρίαιε σανδαλάριαε.* Nec miremur nudipedes Monachos veræ Philosophiæ sectatores. Inter Philosophos gentilium celebratur Proxerestius sophista ἀνυπόδητος, incalceatus. Euna-

pio in ejus vita. Inter Judæos vnus e Prophetis Eſaias diſcalceatus & nudus captiuitatem populi prænuſciavit, Eſaiæ 20. Infirmiſſimæ multorum obſecundans Benediſtus, vſum ſandaliorum ſeu caligarum ſuis permiſit. Regul. capite 55. *Indumenta pedum, pedules & caligas.* Exemplo Apoſtolorum ſandalii vſi Monachi: Apoſtolos enim ſandalii vſos indicat Matthæus capite 6. *Sed calceatos ſandalii.* Unde & Petro dixit angelus, Act. 12. *Calcea te caligas tuas.* Græci *συνδάλια*. Sylvanus Epiſcopus adeo ſimplicitatis amans fuit, vt ſandalii ſcæneis publice vteretur, *κατὰ κορπίων συνδάλιον*. Socrat. lib. 7. capite 30. Nicephorus Calliſt. libro 14. capite 39. Veteres Monachi humilitatis per omnia cultores, pedes ibant, & iter ineuntes ſumebant peram & baculum. Caſſianus de inſtitutione Cœnobitarum libro 1.º capite 8. *Ultimus eſt habitus eorum pellis caprina, quæ melores vel pera appellatur, & baculus; quæ geſtant ad imitationem eorum qui profeſſionis huius præfigurare lineas in veteri Teſtamento.* Idemque collatione 11. capite 3. *Sumpto itaque baculo & pera, vt illis cunctam viam ingredientibus Monachis moris, ad ciuitatem nos ſuam, id eſt, panephiſim, itineris dux ipſe perduxit.* Benediſtini ex quò aſſumere opes, cœpere in mulis equitare. Petrus Cluniacenſis Abbas libro 1. epiſtola 27. *Dum cum Domino Vixeliacenſi Abbate armatis hoſtibus pro pace ſociorum obuius occurriffim, primo impetu mula noſtra iſtū lancea conſeſſa in partem cedere coacta eſt.* Et hoc eſt quod Cluniacenſibus obijcit Bernardus in Apolog. ad Willelmum Abbatem: *Putasne ibi cuiquam ducentorum ſolidorum mula parabatur ad equitandum? Imo & numeroſo equorum ſtipati vti non erubuerunt, quod aliquatenus emendatum eſt.* Robertus Monteniſis in Supplement. Sigebert. ad ann. 1180. *Walterius Cluniacenſis Abbas Priorem de ſtallo depoſuit, qui ſolebat ducere in comitatu ſuo quadraginta equos, & iuſſit vt eſſet contentus tribus equitibus.* Fratres Prædicatores & Minores pedibus ire eorum inſtituti eſt. Hinc Alcydis Abbaſſiſſa Vallis-Ducis inſimulata quod Fratres Prædicatores & Minores mollius tractaret, apud Thomam Cantipratenſem libro 2. capite 10. *Fratribus, inquit, pedes egredientibus, & in cœno lubricatis concedo veſtes mundas & tunicas, vt nocte poſſint quieſcere: Monachi autem noſtri equites vadunt, & in man-*

ticis, suis tunicas & vestes portant. De quodam Priore Prædicatorum narratur, quod jejuniis & laboribus attritus vix asino vehi sustinuerit. Idem Cantipratenfis libro 2. capite 1. Hic postmodum multis jejuniis & laboribus fatigatus, præ nimia debilitate eques ire compulsus est, sed tamen asino usus est pro vetura. Hic semel stans in provinciali Capitulo coram Diffinitoribus & Prioribus se accusaturus, audiuit asinum suum hinnitu, ut solent, horrido vociferari, & dixit: Ecce, fratres, asinus meus accusat me, quod non solum dignus tenere Prioris officium, qui invadidus ire pedes, contra ordinem subuehor dorso ejus.



CAPUT XIX.

Benedictini Monachi nigri : Cistercienses albati, tum grisei.

VETERUM Monachorum pellis nigra aut pulla seu fusta fuit, quia est habitus pœnitentium. Hunc colorem suorum vesti imposuit Benedictus, licet de colore vestium nihil exprimatur capite 55. ipsius regula. Benedictini ex veteri instituto magis quam ex regula nigrum colorem in vestibus assumpserunt in signum humilitatis & pauperatis: nigra enim vestis erat schema egentium. Gregorius Turonensis libro 1. Historiæ Francor. capite 17. *Et aspiciens eam in veste nigra, senio jam provectam, putavit esse unam de egentibus.* Cistercienses licet Benedicti regulam secuti sint, ejusque strictiorem observantiam professi sint, albam vestem distinctionis causa susceperunt: vnde Benedictini nigrorum Monachorum, Cistercienses alborum nomine audiri cœpere. Ordericus Vitalis libro 8. ad ann. 1094. *In saltibus & campestribus passim construuntur cœnobîa, novisque ritibus variisque schematibus trabearum peragant orbem cucullatorum examina. Albedine in habitu suo præcipue utuntur, quæ singulares ab aliis notabileque videantur. Nigredo in plerisque locis sancta Scripturæ humilitatem designat, quem idcirco colorem religionum fervor hæcenus gratanter gestat; nunc autem nigredinem, quæ prisci*

*Patres, tam regulares Clerici in cappis, quam Monachi in cuculis, ob humilitatis Specimen vsi sunt, moderni tanquam ob majoris iustitie ostentationem abjiciunt: ignisitata quoque pannorum sectio-
ne suorum ab aliis discrepare appetunt. Inde Benedictinos nigros Monachos passim appellitat Cæsarius Cisterciensis libro 4. capite 15. Nobilis quidam monasterium in Francia expoliavit, erat autem de Ordine nigrorum. Et capite 46. ejusdem libri: Abbas quidam nigri Ordinis modo Monachus in Ordine nostro, narravit mihi, &c. De his Romanum seu carmen eroticum quod vocant Rosæ:*

Aynsi a celluy plus de peine,

Qu'aucun Hermite, ne blanc Moine.

Inde e varietate schematis orta est æmulatio inter Cluniacenses & Cistercienses: de qua Petrus Cluniacensis libro 1. epistola 28. ad Bernardum Abbatem Cluniacensem: *Et vos sancti, vos singulares, vos in universo orbe vere Monachi, aliis omnibus falsis & perditis, secundum nominis interpretationem, solos nos inter omnes constituitis: unde & habitum insolitum coloris pratenditis, & ad distinctionem cunctorum totius fere mundi Monachorum, inter nigros vos candidos ostentatis. Et certe hæc vestium nigredo antiquitus humilitatis causa a Patribus inventa, cum a vobis rejicitur, meliores vos ipsis candorem inusitatum præferendo judicatis. Et Petrus Cellensis libro 8. epistola 9. Forte dicitis: Quid ad te de Clarevallensibus, cum Samaritani non co-
utantur Judæis, & nigra Æthiopissa facies & vestis differat ab illa veste & facie, quæ apparuit Apostolis in transfiguratione Domini? Postea Cistercienses floccos griseos sumptere: inde gri-
sei Monachi dicti, & ex paritate vestium nata est discordia inter Cistercienses & Fratres Minores. Paulus Langius in Chronic. Citizenf. Anno Domini 1275. gripei Monachi, Cistercienses videlicet, in Concilio Ordinis generali Cisterciensi in Archisterio celebrato, statuerunt contra Minores Fratres, quod nusquam ad hospitia deberent suscipi vel admitti, nec in curiis vel grangiis eorum, & forsitan ob decretum supradicti Gregorii Papæ, (id est, decretum Gregorii IX. in Concilio Lugdunensi de Ordinibus Mendicantium ad duos redigendis) vel parilitatem coloris: antiquitus enim & ipsi Cistercienses floccos gesserunt gri-
seos, ut usque hodie in Monialibus eorundem cernitur & observa-*

ent, quæ omnes cucullis utuntur griseis. Secutis sæculis orti sunt varii Ordines variis vestibus distincti. Imo & aliquando ipsi Pontifices mutavere vestem religiosorum, ut Martinus IV. Pontifex Carmelitarum cappas, quæ erant stragulata & byrrata, id est, variæ & villosæ, mutavit in albas. Thomas Wallingan in Eduardo I. ad ann. 1282. *Hic Martinus Papa cappas Fratrum Carmelitarum mutavit in album, quæ prius erant stragulata & byrrata.* Inde Carmelitas Bariatorum nomine intelligit Romanum seu eroticum carmen quod vocant Rosæ.

Les Cordeliers & les Barrez,

Tant soient-ils grôs & quarrez,



C A P U T X X.

Ne Monachi vestem deponant : Monachi Episcopi facti vestem non mutant.

RELIGIOSI semper debent gestare religionis habitum, nec in scholis vel alibi eum dimittere licet, ne eis de- tur materia evagandi. Cap. *Ut periculosa ne Clerici vel Mona- chi* in 6. nec in lectulo etiam ob ægritudinem. Can. *Vidua* 20. quæstione 1. can. *Sanctimonialis* 23. distinct. Idem jussit regula Benedicti capite 22. *Ut fratres vestiri dormiant, ut parati & expediti sint ad surgendum dato signo ad opus Dei*, id est, ad nocturnas vigilias. Sic in cuculla cubabat Bernardus Abbas Clarevallensis, secundum regulam. Ipsiùs vita libro 2. capite 8. *Adhærebat carni ejus lanca tunica, & diebus & noctibus cuculla vestitus sic ibat, sic cubabat.* Ideo cum Monachi ob delictum e monasterio ejiciuntur, caputium, quod est capitis indumentum, eis abscinditur. Ordericus Vitalis libro 1. de Monacho Nicensi furace : *Sed postea more canis ad suum vomitum reversus est : unde caputium illi Abbas Theodoricus abscidi fecit, eumque de cœnobio expelli.* Et Monachi etiam in morte non deponunt habitum, & cum eo sepeliuntur. Vita D. Gosiini libro 2. capite ultimo : *Lavatur itaque corpus exa- nime, deinde vestitur cuculla monachali, ornamentis desuper sa-*

cordotalibus operitur. Adeo vestis monachalis semel suscepta dimitti non potest, Monachus etiam Episcopus factus vestem non mutat. Ex Concilio generali Constantinopolitano inito anno Christi 896. sub Adriano II. aq. 10. canon. 27. & ex Concilio generali Lateranensi habito sub Innocentio III. Cap. pen. extra de vit. & honest. Clericor. Sic Basilii ex Monacho Episcopus factus vestem non mutavit. Gregorius Nazianzenus orat. 20. in ipsius funere: καὶ τοῦτο περιχρὸν ἐσθίμας. *Eique vestis aspera.* Idem colligimus ex epistola ipsius Basilii 79. ἡ γυναιὴ αὐτάρκει μὲν ὑμῶν ἐστὶ τῆς ταπεινοφροσύνης τὸ ταπεινὸν τὸ ἐσθίματός, & ἵσχει καὶ ὡς ἀπεφροσύνη τὸ παρ' ἡμῶν, & ἡ ζώνη, καὶ τῆς ἀσκήσεως βύρας τὰ ἐσθίμματα. Satis indicii ad declarandam animi humilitatem esse putavi, si humili veste induerer, sufficereque mihi ad faciendam ejus rei fidem, crasum & rude pallium & zonam & e rudi corio calceamenta. Gregorius ipse Nazianzenus ex Monacho factus Episcopus vestem non mutavit. Testatur ipse de se orat. 25. καὶ καὶ τῆς ἐσθῆτός μου τὸ περιχρὸν αἰτάω, & τὰ ὡρεσθῶντος τοῦ σώτος σου δι' αὐτοῦ ἐχούσα. *An mihi quoque vestis asperitatem objicis, vultusque sicum hand satis elegantem?* Vestem non mutavit & Martinus ex Monacho Turonensis Episcopus, qua deceptis militibus qui fiscali rheda vehebantur, ab his male acceptus in via publica. Severus Sulpitius Dialog. 2. capite 4. de ejus virtutibus: *Interim per aggerem publicum plena militantis viris fiscalis rheda Veniebat: sed ubi Martinum in veste hispida, nigro pendulo pallio circumsectum, contigua de latere jumenta vident, paululum in partem alteram pausata haeserunt, &c.* Vestem non mutasse Martinum Episcopum factum, apertius testatur idem libro 1. de ejus vita: *Eadem in corde ejus humilitas, eadem in vestitu ejus vilitas erat: atque ita plenus auctoritatis & gratia implebat Episcopi dignitatem, ut non tamen propositum Monachi virtutemque deferret.* De Fulgentio Ruspensi Episcopo ex Monacho fertur in ejus vita Jan. 1. quod orario, sicut Episcopi, numquam utebatur, sed pelliceo cingulo, tanquam Monachus. Ansbertum ex Abbate Fontanellensi Rothomagensi Episcopum vestem non mutasse refert Jonas in vita sancti Wlfrani Mart. 20. Monachi debent vti veste yiliori & nativi coloris lanx. Beda in vita sancti Cuth-

berti capite 16. apud Surium 20. Martii : Unde usque hodie in eodem monasterio , exemplo ejus observatur , ne quis varii aut pretiosi coloris habeat indumentum : sed ea maxime vestium specie sint contenti , quam naturalis ovium lana ministrat. Monachos qui pulcriorem colorem vestium affectabant , sugillat Bernardus in Apolog. ad Willelmum Abbatem : Putasne ibi cuiquam galabrum aut issebrum querebatur ad induendum ? Sanctimoniales tamen nigro vel purpureo pallio velari sinit Concilium Toletanum X. can. 4. Ut autem deinceps nihil devocetur in dubium , pallio purpureo vel nigri coloris caput contexat ab initio susceptæ religionis. Monachis etiam non licet mutare vestem in aliam. Sanctimoniales Donatistarum , quod mittellas mutarent in alias , increpat Optatus Milevitanus lib. 6. Jam illud quam stultum , quam vanum , quod ad voluntatem & quasi ad dignitatem vestram revocare voluistis , ut virgines Dei agerent pœnitentiam , ut jam dudum Professæ signa voluntatis capitis postea vobis jubentibus immutarent , ut mittellas alias projicerent , alias acciperent. Monachos Gallos e monasteriis pulsfos hostili vi Normannorum , quod attritis vestibus vestem caruleam seu blavam , quæ erat familiaris ea ætate , notat Joannes Monachus vitæ sancti Odonis libro 3. init. Fracta tandem vestimenta , cum quibus de monasterio exierunt , denuo non induebantur similia , sed colorata , quæ nos vulgo dicimus blava. Monachis etiam non licet vti orario , quod est proprium Clericorum : nec tzangis , quod est barbarici calceamenti genus. Synodus Aureliancensis I. can. 22. Monacho vti orario in monasterio , vel tzangas habere non liceat. Can. Monacho 27. quæstione 1. Monachi & Canonici regulares debent vti suo quisque habitu : & quod in cap. Deus qui extra de vit. & honestat. Clericor. præcipitur ut Monachi & Canonici regulares eodem habitu utantur , pertinet ad Livoniam , quæ regio erat de novo ad fidem conversa , ne populi in fide recentes varietate vestium offenderentur. Laicis & Icenicis non licet vti schemate Monachi vel ascetrix , vel imitari vel illudere. Novell. Justin. 123. capite vltim.



CAPUT XXI.

Monachi alii comati, alii rasi, alii tonsi in modum coronæ.

MONACHI veteres, alii erant comati, quod genus Monachorum erat ignobilius, & existimatione hominum deterius. Epiphanius Hæres. 80. ἀλλὰ καὶ ἄλλοι τῶν περὶ ἐλκεῖται οἱ ἀνὰ τῆς κεφαλῆς ἀδελφοί, οἱ καὶ Μεσποταμίας ἐν μοναστηρίοις ἱερωμένοι, εἶπεν μανδραγὰς καλουμένης κόμης ἱεροῦ καὶ δευτέρου, ὃ σάκκον περιεβύβητο. Est & alia quedam vivendi forma, qua istiusmodi venerandi nostri fratres utuntur, qui in Mesopotamia in monasteriis quæ mandras appellant, domicilium fixerunt, qui & comas muliebrem in modum promittunt, & cilicium propalam affectant. Idem in Synops. fidei art. 23. ἦσαν δὲ οἱ καὶ κόμης ἔχοντες τὸ ἑλκεῖ. Nonnulli vero prolixior comâ placuit. Hieronymus ad Rusticum: Videns nonnullos accinctis renibus, pulla tunica, barba prolixa, a mulieribus non posse discedere. Augustinus de opere Monachorum capite 31. Nam & hoc quo pertinet, quæso, tam aperte contra Apostoli præcepta comari, an ita vacandum est, ut nec tonsores operentur; an quia Evangelicas volucres imitari se dicunt, quasi depilari timent, ne volare non possint: vereor in hoc vitio plura dicere propter quosdam crinitos fratres, quorum præter hoc multa & pene omnia veneramur. Illi enim venalem circumferentes hypocrisim, timent ne vilior habeatur tonsa sanctitas quam comata, ut videlicet qui eos videt antiquos illos, quos legimus, cogitet Samuelem & ceteros qui non tondebantur. Hinc pallio & promissa barba Monachum fieri negat. Isidorus Pelusiota lib. 1. epistola 220. οὐκ ἔστιν ἀσκητικὸς παρρηγοῖα τοῦ βάρους & τῆς ἐν τῇ κεφαλῇ. Religiose vitæ non est perfectio pallii ac promissæ barbæ ostentatio. Alii erant attonsi, & id genus tonsuræ in Monachis probat Gregorius Nazianzenus orat. 12. κοῦρα σύμμετρος, moderata tonsura. Alii severiorem disciplinam proficientes erant tonsi & rasi ad cutem vsque, quod erat schema pœnitentium. Tales visi sunt Monachi in Occidente, ut in Italia, Africa & Gallia. Paulinus epistola 7. ad Severum: Nos adeant & revivant conservuli & compallidi nostri, non ve-

sibus piētis superbi, sed horrentibus ciliciis humiles, nec chlamyde curtalini, sed sagulis palliati, nec baltheo, sed veste succincti, nec improba attonsi capitis fronte criniti, sed casta informitate capillum ad cutem cāsi, & inaequaliter semitonsi, & destituta fronte prarasi. In Africa vix ferebantur a plebe Monachi tonsi & rasi. Salvianus libro 8. Intra Carthagini muros palliatum & pallidum, & rescisis comarum fluentium júbis, usque ad cutem tonsus videre tam infelix ille populus quam infidelis, sine convivio atque execratione non poterat. In Gallia Monachi erant brevi coma & proluxa barba spectabiles, qui erat cultus Clericorum & poenitentium. Sidonius libro 4. epistola 24. *Habitus viro, gradus, pudor, sermo religiosus, tum coma brevis, barba proluxa: cum surgeremus clam percontor astantes, quod genus vite de tribus arripuisset ordinibus, Monachum ageret, an Clericum Penitentemve.* Hilarius Arelatensis in vita Honorati Abbatis Lirinensis, & postea Arelatensis Episcopi apud Surium 16. Januar. *Rediguntur ad breves capillos luxuriantes coma, transferuntur ad nitorem mentis vestium splendor, cervicis lactea decus pallii rigentibus occupatur.* Quam vetus institutum esset, Monachos videri tonsos & rasos, ex his satis intelliges, quod Monachum, dum initiatur, tonderi statuit Dionysius Arcopagita Hierarch. Eccles. capite 6. *τὸ σκουριδεῖ τὸ πρὸ σφραγισμῶς αὐτὸν ὁ ἱερεὺς ἀποκαίρει.* Sacerdos signo crucis eum consignatum tondet. Et paulo post tonsuræ mysticam significationem explicat: *ἡ δὲ τῆς τριζῶν ἀντάγραφος ἐμφαίνει τὴν καθεστῶσαν ἐ ἀσκημάτων ζωὴν.* Tonsura capillorum significat puram & exercitatem vitam. Monachi vtriusque sexus ut caput tondeant in modum coronæ, jubet Concilium Nicænum ex Arabico can. 76. Julianum Parabutem capillo tonso ad cutem Monachum simulasse scribit Socrates libro 3. capite 1. *ἐν ᾧ τὴν τριζῶν ζωὴν τὸν τῆς μοναχῶν ὑπεκρίνετο βίον.* In Ægypto & Oriente sacras Virgines tonsas fuisse, & ob id cucullatas, testis est Hieronymus in Sabinianum: *Moris est in Ægypti & Syria monasteriis, ut tam virgo quam vidua, quæ se Deo voverint, & saculo renunciantes, omnes delicias sæculi conculcarent, crinem monasteriorum matribus offerant defecandum, non in tecto postea contra Apostoli voluntatem incessura capite, sed ligato pariter ac velato, &c.* De iisdem Palladius Historiæ Lau-

fiat capite 41. ἥν οὖν ἄλλων παρδύνας τὸ χῆμα λέι χειρῶν
 ἐχούσων κακουλλία ἐπὶ ἥν κεφαλῶν. *Virginum erat huiusmodi ha-*
bitus, ut essent tonsa, & haberent cucullos in capite. Et quod
 can. Gangrenf. 17. sancitum est, ut si qua mulier ἀφ' ἀσκη-
 σιν, religionis obtentu comam sibi amputaverit, anathema
 sit. Can. *Quacumque* 30. distinct. pertinet tantum ad mulie-
 res, quæ deceptæ ab Euchitis seu Messalianis hæreticis, sece-
 debant a viris, & falso religionis studio comam sibi deton-
 debant. Monachi maxime ex quo in Clerum recepti sunt,
 exemplo Clericorum caput detonsi sunt in modum coronæ.
 Beda libro 5. capite 22. *Ita etiam oportet eos qui vel Monachi*
vitam, vel gradum Clericatus habentes, arrioribus se necesse ha-
bent pro Domino continentiaæ frænis astringere; formam quoque
coronæ, quam ipse in passione sua spinæam portavit in capite, suo
quemque in capite per tonsuram præferre. Et certe Monachi in
 hunc diem gestant latiore coronam, qualem olim ferebant
 Clerici. Matthæus Parisiensis in Henrico III. ad annum
 1234. *Inter quos Petrus de Rivallis primus in causam vocatus*
apparuit coram Rege in habitu Clericali, cum tonsura & lata
corona, anelacio (hoc est, castelli genus) tamen a lumbali de-
pendente. Monachi autem in veste & tonsura laica proba-
 bantur, nec tonsuram aut vestem mutabant ante Professio-
 nem. Novell. Justin. 5. *De Monach.* capite 2. Et hoc est
 quod vetat Gregorius libro 8. epistola 23. Indictione 3. ne
 Monachi tonsurentur, priusquam biennium in conversatione
 impleverint.



CAPUT XXII.

*Monachorum mors in cinere & cilicio: eorumdem funus
 & sepultura in Capitulo.*

QUÆ fuit inter Monachos, dum vivunt & spirant, vitæ
 conjunctio & societas, eadem permanet ad extrema-
 vique, nec ipsa morte dissolvitur. Fratribus extremum spi-
 rantibus totus Conventus vocatur signo dato, tabula, id est,
 signum defunctorum pullatur, & Collegium fratrum in cel-

Qq ij

dam infirmorum accurrit prælata cruce, & simul orat præ felici transitu agonizantis. Casarius de Miraculis libro 11. capite 6. *Nocte beati Stephani, quæ proxima est natali Domini, pulsata est: tabula defunctorum pro eo, & surgentes festinanter advenerunt fratres orationibus munientes fratris exitum.* Et idem capite 8. ejusdem libri: *Dum in extremis ageret frater Hildebrandus, tabula pulsata Conventus accurrit.* Et idem capite 16. ejusdem libri: *Interim pulsata est tabula, & accurrit Conventus, cumque crux introferretur, columba nivea illam præcedens, ostium Infirmary Prior intravit. Moriturus e strato deponitur in cinere & cilicio, id est, super cilicio consperso cinere, & ibi moritur in modum pœnitentis. In cinere & cilicio mortuus Martinus Monachus & Episcopus, nec aliter Christianum mori congruere suis edixit. Severus Sulpicius ejus discipulus epistola ad Bassulam de obitu ipsius: Itaque cum jam per aliquot dies vi febrium teneretur, non tamen a Dei opere cessavit, perniox etiam in orationibus & vigiliis, fatigantes corporis artus servire spiritui cogebat nobili illi strato suo, in cinere & cilicio recubans; & cum a discipulis rogaretur, ut saltem vilia sibi sinneret stramenta supponi, Non decet, inquit, filii, Christianum nisi in cilicio & cinere mori: ego si aliud vobis exemplum relinquo, ipse peccabo. Hoc ritu Benedictini mori solebant in cinere & cilicio. Sic beatus Maurus stratus in cilicio ante altare beati Martini adstantibus discipulis Deo reddidit animam. Faustus in ejus vita apud Surium Januar. 14. Ante altare beati Martini super cilicium stratus sui decubans, cum exitum suum vivificorum munisset perceptione Sacramentorum, adstantibus discipulis, migravit feliciter ad Dominum. Petrus Cluniacensis de Miraculis libro 1. capite 4. de Gilberto Monacho: Cumque sicut mos Christianorum est, & maxime Monachorum, in substrato cilicio & cinere a fratribus compositus jaceret, atque horam vocationis sue expectaret, frater monasterii, ut ejus exitum orationibus commendarent, venerunt, & cum undique psallendo, &c. Et idem capite 19. ejusdem libri: *Habetur autem in domo media locus unius corporis capax, ad hoc aptatus, ut fratres ibidem in cinere & cilicio compositi extremum Deo inde spiritum reddant.* De Matthæo olim Monacho Cluniacensi, postea Albanensi Episcopo, apud Cluniacum defuncto, idem*

libro 2. capite 22. Hoc ultimo verbo postquam cunctis sermonibus suis finem dedit, in lectum reclinatus, indeque post modicum ad cilicium cinere conspersum a fratribus translatus est. Sepe autem eosdem fratres ante rogaverat, ne se casu aliquo nisi in cinere & cilicio Christiano more mori permitterent: timebat enim ne qualibet infirmitatis ejus compassione ducti hoc pratermitterent vel negligerent, in quo sicut & in aliis Martini sui exempla & verba sequi nitebatur, qui sicut omnibus notum est, discipulis moriens predicabat, non debere Christianum nisi in cinere mori. De Kerholdo Monacho Ekkeardus Junior de casibus monasterii sancti Galli capite 14. Exutus vero aiba & reveslitus, clamoreque familiae usque cancellos Galli profecutus, domum infirmorum per se nemine suffultus, multisque quid facere vellet mirantibus introiit: ibi ergo parumper residens, subterni sibi fœnum terra nuda rogabat, superque cilicium, in quo se quasi nihil mali passus reponebat, fratres omnes vocari rogabat. De Gosuino Abbate Aquincinctensi auctor ejus vitæ libro 2. capite 26. Tertia igitur Nanas Octobris cum jam spes omnis de recuperatione sanitatis ejus defecisset, jamque cernerent imminere quod audierant ipsum toties prædixisse, pergentem ad Ecclesiam hinc inde supportaverunt, & dum visificis muniretur Sacramentis, fratres secundum præceptum ipsius cilicium constraverunt in loco fratribus obeuntibus assignato. Cæsarius de Miraculis libro 11. capite 9. Moris autem tunc erat, ut aliquo super mattam posito, fratres sicut sine processione occurrerunt, ita sine ordine circa morientem starent, ubi cuique Prior occursum aut devotio locum dedit, laicis fratribus hinc inde circa Monachos stantibus. Moris pariter Christianorum erat pro agonizantibus preces fieri in Ecclesia. Augustinus Homil. 37. Videtis certe modo, si cujus vita præsentis sæculi periclitetur, quomodo amici ejus currunt pro ea, quomodo curritur ad Ecclesiam, rogatur Episcopus, ut intermittat, si quas habet actiones, currat, festinet? Quare pro anima omnes contremiscunt, omnibus cæteris rebus intermissis festinandum esse decernunt: omnis festinatio laudatur, omnis tardatio accusatur. Ubi frater expirasset, scapulare ei tollebatur, cuculla induiebatur, & in matta rursus componebatur. Cæsarius de Miraculis libro 11. capite 36. Reversus infirmum reperit expirasse, non modicum ex hoc turbatus domum clausit, scapulare extraxit, & induit ei cucul-

lam, sicque in matta illum ponens, tabulam pulsavit. Gofuinum Aquicinſensem Abbatem in cuculla sepultum refert auctor ejus vitæ libro 2. capite ultimo: *Lavatur itaque corpus examine, deinde vestitur cuculla monachali, ornamentis desuper sacerdotalibus operitur.* Abbonem Abbatem Floriacensem, qui a rusticis apud Regulæ monasterium in pago Aginnesi, nefarie trucidatus, illotum & in ipsa veste in qua occisus erat, sepultum, quod moris esset occisos ita tumulari, tradit Aimoinus in ejus vita capite 20. *Matutino sane tempore feria quarta, cum ipsis quibus indutus erat vestimentis, uti mos est sepeliri interemptos, inlotus etiam lapideo tumulatus sarcophago.* Monachis commune sepulcrum in Capitulo. Matthæus Paris. in vitis Abbatis sancti Albani, in Guarino 20. Abbatē, de sepultura Adæ Cellerarii: *Statutum est ab Abbate Gwarino, & a toto Conventu, ut in die quo anniversarium Adæ hujus Ecclesie Cellerarii, qui ob præclara ejus merita in Capitulo meruit obtinere sepulturam, pronuntiatur fuerit, &c.* Apud Cluniacenses pro Monachis utriusque sexus defunctis tricenarius missarum celebrari solebat. Petrus Cluniacensis libro 2. capite 16. pro Ringarda Monacha Marciniacensi matre sua: *Orat ergo & pro filium mater, & pro matre filius, ut tricenarius missarum ei per loca, ubi possibile fuerit, persolvatur, & duodecim pauperes reficiantur.* Et Eloyſa apud eundem libro 6. epistola 21. *Mihi quoque quam hoc ancilla nomine dignari sublimis humilitas vestra tam scripto quam verbo sororem vocare non dedignata est, singulare quoddam velut amoris & sinceritatis privilegium donasti tricenarium, scilicet quod mihi defunctæ Conventus Cluniacensis persolveret.* Mortui efferuntur cum hymnis sive lacrymis. Chrysostomus in primam ad Timoth. Homil. 14. *μὲν ὕμνων ἀποπνεύουσι τοὺς ἀπαλθόντας, ἀερωπομένη τὸ τοῦτον χαλκίδιον, καὶ ἐκδοεῖν.* Cum hymnis prosequuntur abeuntes, eamque rem non elationem funeris, sed pompam & præmissionem vocant. Duo monasteria, vnum virorum, alterum mulierum, construxit Pachomius Abbas in Tabennensi agro ad utramque Nili ripam. Cum virgo obierit, a sororibus deponitur ad ripam fluminis, & a Monachis effertur ad monasterium virorum, & ibi sepelitur *μὲν βαλὼν κλάδων ἰλαίων, μὲν ψαλμωδίας, cum ramis palmarum & psalmodia.* Palladius Historiæ Lausiacæ cap. 39.



ASCETICON

SIVE

ORIGINUM

REI MONASTICÆ

LIBER SEXTUS.



CAPUT I.

*Varia regula monasteriorum. Regulam Benedicti fere secuta
sunt omnia monasteria Occidentis. Regula frequens
lectio in Capitulo.*



ELINEATA vita communi Monachorum, quia
ea coherere & subsistere non valet absque
disciplina & certis regulis, quibus disciplina
fovetur, non secus ac respublica sine legibus,
diu stare non potest: de disciplina regulari,
ac primum de diversis regulis, quibus Monachi variis tem-
poribus instituti sunt, hoc libro tractare conducit. Antonius
vitæ cœnobiticæ parens & auctor suis regulam non tradidit,

ac magis opere & exemplo quam scriptis suis præfuit, & vitæ rationem, qua vsuri erant, instituit. Sed ejus vita quæ nobilissimum habet auctorem Athanasium, pro regula fuit omnibus qui eum secuti sunt, & est quasi matrix & typus omnium regularum, quas ejus discipuli vel alii secutis sæculis condiderunt. Et hoc est quod prophetico spiritu videtur dixisse Athanasius in ejus vita: *ἡ γὰρ μοναχὸς ἱεραδὲς χαράτιπρ' αὐτῶν ὁ Ἀντωνίου βίος.* Est enim *Monachus* sufficiens character ad *asceticam Antonii* vita. Post Antonium Macarius senior & Pachomius varia in Ægypto condidere monasteria, & vterque regulam tradidit. Regulæ Macarii meminit Palladius Historiæ Lausiacæ capite 17. regulæ Pachomii, quam ferunt ipsi ab angelo traditam, descriptam in ærea tabula, & quam Tabennensibus monasteriis imposuit. Idem capite 38. 39. Sozomenus libro 3. capite 13. Vita Pachomii capite 12. Basiliius ex Monacho Episcopus Cæsariensis collectis ex eremo. in vnum Monachis, per diversa monasteria leges & regulas monasticas constituit, quæ extant inter ejus opera ascetica. Et hoc est quod ait Gregorius Presbyter in vita Gregorii Nazianzeni, Basilium & Nazianzenum exemplo Moïsis secedentes in montem, leges monasticas condidisse: quas tamen Eustathio Sebastensi Episcopo tribuit Sozomenus libro 3. capite 13. & Nicephorus Callistus libro 3. capite 29. Et hæc est regula quam Monachi Græci & alii Orientales in hunc diem coluere. Augustinus tres regulas conscripisse memoratur: primam Clericorum regularium, quæ fere continetur tribus sermonibus, qui inter ejus opera extant de vita communi Clericorum: alteram Monachorum, de qua nihil certi est: tertiam Sanctimonialium, de qua nihil est quod dubitemus, cum eam consignarit epistola 109. In occidentui orbis partibus primus beatus Martinus Mediolani posuit monasterium: inde ab Auxentio Ariano Episcopo depulsus transiit in Galliam, quo invitatus ab Hilario Pictaviensi Episcopo, prope Pictavum extruxit monasterium. Inde Turonensis Episcopus factus, suum apud Turones monasterium excitavit, fratres ibi collegit octoginta numero, quibus regulam dedit, quam profa descripsit Severus Sulpitius libro 1. de ejus vita, & metro Paulinus libro 1. de

de ejusdem vita. Inde quæ in Italia, Gallia & aliis Occidentis partibus surrexere monasteria, regulam Patrum Ægyptiorum & Orientalium avidè & certatim susceperunt. Joannes Cassianus discipulus Joannis Chrysostomi, in Galliam profugus, apud Massiliam duo monasteria condidit, vnum virorum, alterum mulierum, quibus regulam juxta instituta Patrum Ægyptiorum & Orientalium, adhibito temperamento, quod cæli & soli varietati conveniebat, quæ continetur libris decem & duobus, quos edidit de institutis Cœnobarum: de quo Honorius Augustodunensis de illustribus Eccles. Scriptor. capite 430. Et ipse Cassianus in præfatione operis, quod dicavit Castori Aprensi Episcopo, satis significat voluisse Castorem, cœnobiū quod ab eo primum extractum erat in provincia Narbonensi, regulis Patrum Ægyptiorum & Orientalium institui. *In provincia siquidem, inquit, tua cœnobiū experti, Orientalium maximeque Ægyptiorum volens instituta fundari, precibus precipisque tui instituta monasteriorum, quæ per Ægyptum ac Palestinam custodiri conspeximus, ita ut ibi nobis a Patribus tradita sunt, quamvis imperito digeram stylo. Et infra: In eo quoque præceptis tuis satisfacere studebo, ut si quid forte non secundum typum majorum antiquissima constitutione fundatum, sed pro arbitrio uniuscujusque instituentis monasterium, vel diminutum, vel additum in istis regionibus comprobavero, secundum eam quam vidimus monasteriorum regulam per Ægyptum vel Palestinam antiquitus fundatorum, fidei sermone vel adjiciam, vel recidam: nequaquam credens rationabilius quidpiam vel perfectius, constitutionem novellam in occiduis Galliarum partibus reperire potuisse, quam illa sunt instituta, in quibus ab exordio prædicationis apostolicæ a sanctis ac spiritualibus Patribus fundata monasteria ad nos usque perdurant.* Monachis regulam posuit & Innocentius I. Pontifex: de quo Anastasius in ejus vita: *Hic constitutum fecit de omni Ecclesia & de regulis monasteriorum.* Regulas Ægyptiorum Patrum primi in Gallia arripuerunt Lirinentes. Sidonius libro 8. epistola 14. ad Principium: *Satis in illo quondam cœnobia Lirinenti spectabile caput, Luporum concellita Maximorumque, & parsimonia salubris consequi affectans Memphisicos & Palestinos Archimandritas.* In tantum nostris placuit vita Ægyptiorum Pa-

trum, ut legatur de Hospitio Recluso Nicensi, quod solo pane vesceretur & dactylis nonnullis, & per Quadragesimæ dies sustentaretur radicibus herbarum Ægyptiarum, quarum copia ei fiebat a negotiatoribus transmarinis. Gregorius Turonensis libro 6. *Fuit autem apud urbem Nicensem eo tempore Hospitius Reclusus magnæ abstinentiæ, qui constrictus catenis ad purum corpus ferreis, induto desuper cilicio, nihil aliud quam purum panem sumpsit cum paucis dactylis: in diebus autem Quadragesimæ de radicibus herbarum Ægyptiarum, quibus Eremitæ utuntur, exhibentibus sibi negotiatoribus, alebatur. Quod scribit etiam Paulus Diaconus de gest. Longobard. libro 3. capite 1. Aimoinus libro 3. capite 39. Regulam Monachorum ex traditione Patrum composuit & Vigilius Diaconus: de qua Gennadius de Scriptor. Eccles. capite 51. Monasterium Reomaense, quod est in diocesi Lingonensi, instituit sub regula Macarii Joannes primus Abbas & fundator, auctore Jona in ejus vita libro 1. capite 7. Agaunense monasterium apud Allobroges, vulgo sancti Mauricii, aut *Chablais sur le Rhodne*, varie institutum sub regulis Pachomii, Basilii, Cassiani & Lirinensium. Auctor vitæ beati Eugendi Agaunensis Abbatis apud Surium 1. Januar. Sic namque quod non omnino illa quæ quondam sanctus ac precipuus Basilus Capadociæ urbis Antistes, vel ea quæ sanctorum Lyrinensium Patrum sanctus quoque Pachomius Syrorum priscus Abbas, sive illa quæ recentior venerabilis edidit Cassianus, fastidiosa præsumptione calcemus: sed ea quotidie lætantes, ista pro qualitate loci & instantia laboris invicta potius quam Orientalium perficere affectemus, quia procul dubio efficacius hæc faciliusque natura vel in² firmitas exequitur Gallicana. Monasterium Albigense, in quo Salvius postea Albigenensis Episcopus diutius versatus est, sub regulis Patrum institutum: de quo Gregorius Turonensis libro 7. capite 1. *Relicta seculari militia monasterium expetivit, in quo monasterio diu sub regula a Patribus instituta versatus est. Cœnobium in Lemovicibus fundavit & instituit Aredius Abbas, vulgo S. Trier, sub variis regulis Basilii, Cassiani & aliorum Patrum. Idem Turonensis libro 10. capite 28. Aredius Abbas ex familia propria tonsuratus instituit Monachos, cœnobiumque fundavit, in quo non modo Cassiani, verum etiam Ba-**

filii & reliquorum Abbatum, qui monasterialem vitam instituerunt, celebrantur regule. Monasteriorum non vna regula fuit; & singulorum ferme monasteriorum propriae fuere leges & statuta, prout ferebat genius caeli & soli. Cassianus de institutione Cœnobitarum libro 2. capite 2. ubi de ritu psallendi: Multos namque comperimus per alias regiones, pro mentis suæ capacitate habentes quidem, ut ait Apostolus, Zelum Dei, sed non secundum scientiam super hac re diversos typos & regulas sibi met constituisse: atque in hunc modum diversis in locis diversum canonem agnovimus institutum, totque propemodum typos ac regulas vidimus usurpatas, quot etiam monasteria cellasque conspeximus. Idemque capite 3. ejusdem libri: Ideoque diversitates typorum ac regularum per cæteras provincias cernimus usurpatas, quod plerumque seniorum institutionis expertes, monasteriis præesse audemus, & Abbates nos antequam discipulos professi, quod libitum fuerit statuimus, promptiores nostrorum inventurum exigere custodiam, quam examinatam majorum servare doctrinam. Alia fuit regula Lirinensium, alia Grinincensium: utriusque usum commendat Sidonius libro 7. epistola 17. ad Volsianum, qua eum hortatur ut discipulos sancti Abrahamæ Abbatis sancti Cyrilli in suburbano Arvernæ civitatis monasterio, morte ejus solatio destitutos instituat regulis Lirinensium & Grinincensium: Ad vicem queso tu quoque quibus emines institutis, discipulos ejus aggredere solari, fluctuantemque regulam fratrum destitutorum, secundum statuta Lirinensium Patrum vel Grinincensium festinus informa. Non vna est via, plures sunt viæ quibus pervenitur ad Deum, multas vias munniit Deus, ut earum varietate facilius pateret ingressus. Et hoc est quod ait Chrysostomus in psalm. 127. in illum versiculum: Qui ambulant in viis ejus. Hac ratione placuit diversarum regularum institutum, ut quisque eam eligeret, quæ magis conveniret viribus corporis & animi, vel caeli solique varietati. Cæsarius ex Monacho Lirinensi Arelatensis Episcopus, Cæsariam sororem Massiliensi monasterio tradidit monasticis institutis excolendam, eamque postea Arelatensi asceterio virginum a se constructo imposuit, & regulam conscripsit, auctore Cypriano in vita ejus apud Surium August. 27. Sub Cæsarii regula ab Episcopis Galliarum positura

R. r. ij

est monasterium Pictavenſe B. Radegundis. Gregorius libro 9. capite 40. ex epiſtola Epiſcoporum ad beatam Radegundem : *Specialiter diffiniimus, ſi qua de locis ſacerdotaliter noſtræ gubernationi Domino providente commiſſis in Pictavenſi civitate, veſtro monaſterio meruerit ſociari ſecundum beatæ memoriæ Domini Caſarii Arelatenſis Epiſcopi conſtituta, nulli ſit ulterius diſcedendi licentia.* Fortunatus libro 8. epiſtola 1. ad ipſam Radegundem :

Regula Caſarii lineâ nota tibi eſt

Et infra :

Concipiente fidem Chriſti Radegundis amore

Caſarii lambit regula quidquid habet.

Et idem libro 5. epiſtola 1. ad Martinum Gallicienſem Epiſcopum :

Atque adſcita ſibi ſervetur in urbe Geneſi

Regula Caſarii Præſulis alba pii,

Qui fuit Antisſtes Arelas de ſorte Lirini

Et manſit Monachus pontificale decus.

Poſt tot ſanctiſſimos Patres Benedictus omnium maximus in occiduo orbe religionis propagator, congregatis fratribus in Sublacenſi, tum in Caſinenſi monaſterio, regulam ſcripſit, quam laudavit & probavit Gregorius Dialogorum lib. 2. capite 36. *Benedictus ſcripſit Monachorum regulam, diſcretione præcipuam, ſermone luculentam.* Eandem laudarunt & probarunt Bonifacius IV. Alexander II. & alii Pontifices. Can. *juxta. can. Sunt nonnulli 16. quaſtione 1. Regulam Benedicti in Galliam devexit Maurus, vnus e nobilioribus ejus diſcipulis, & in pago Andegavenſi Glanaſolium monaſterium conſtruxit.* Aimoinus libro 2. capp. 22. & 25. Adrevald. Florus de Miraculis ſancti Benedicti libro 1. capp. 6. 7. & 8. Leo Oſtienſis in Chronic. Caſinenſis libro 1. capite 1. Ab eo tempore omnia fere monaſteria Galliæ regulam Benedicti certatim arripuerunt, & ſub ea feliciter militarunt. Concilium Cabillonenſe II. habitum anno Chriſti 813. ſub Karolo Magno, can. 22. *De Abbatibus vero & Monachis idcirco hic pauca ſcribimus, quia pene omnia monaſteria regularia in his regionibus conſtituta ſecundum regulam ſancti Benedicti ſe vivere ſutentur: quæ beati Benedicti documenta per omnia demonſtrant,*

qualiter eis vivendum sit. Et Capitulare Caroli Magni, quod a Jacobo Sirmondo editum est tom. 2. Concil. Gallia capite 12. de his quæ inquirenda proponebat: *De conversatione monachorum, & utrum aliqui Monachi esse possint præter eos qui regulam sancti Benedicti observant: inquirendum etiam si in Gallia Monachi fuissent, priusquam tradito regulae sancti Benedicti in has parochias pervenisset.* Et Odilo Abbas in vita sancti Maioli Abbatis Cluniacensis: *Processu vero temporis post transitum videlicet supradicti pissimi Patris, per beatum Maurum ejus discipulum omnis pene Gallia ejus institutionis & religionis suscepit exordium, deinde per eum & eos quos ipse ad justitiam condit, per plurima temporum spatia eadem religio ad cunulorum perfectionis excrevit.* Jam a tempore ipsius Mauri monasterium sancti Medardi Sueffionensis, a Clothario I. fundatum sub regula sancti Benedicti ex Bulla Joannis I I I. quæ extat apud Chopinum 1. Monastic. tit. 2. numero 19. Nonnulla tamen antiquiora suam regulam tenacius retinuerunt, & tabulis exemptionis monasterii Corbiensis a Bertrido Episcopo Ambianensi, quæ habentur tom. 1. Concil. Gallia, permissum ut ipsi Monachi sub regula sancti Benedicti vel sancti Columbani conversari & vivere debeant. Et Altumvillare monasterium a Berchario Abbate conditum sub regula Patrum Benedicti & Columbani, ex Flodoardo Historiæ Remensis libro 2. capite 7. Idem institutum in monasterio Floriacensi, ex testamento Leodebodi Abbatis primi & fundatoris, quod præfixit Helpaldus vitæ Roberti Regis. Columbanus ex Hybernia venit in Galliam, cœnobium Luxoviense in Burgundia ædificavit, & regulam scripsit, quæ recepta est in quampluribus monasteriis, ut Jonense cœnobium fundavit Ado frater beati Audoeni sub regula sancti Columbani. Aimoinus libro 5. capite 45. Multa monasteria extructa in Gallia sub regula sancti Columbani testatur Jonas Abbas in vita sancti Eustachii Abbatis Luxoviensis apud Surium 29. Martii. Gemeticense monasterium in Normania fundavit B. Philibertus, & ex regulis Macarii, Basilii, Benedicti & Columbani propriam concinnavit, quam suis tradidit, ut legitur in ejus vita apud Surium 20. August. Rebacense monasterium sub regula sancti Colum-

bani construxit Audoenus, postea Rothomagensis Archiepiscopus, ex ejus vita apud Surium 24. August. In Concilio Maticonensi I. probata est ab Episcopis regula Columbani, damnato quodam Agrestino desertore monasterii Luxoviensis, qui eam palam insectabatur. Nonnulla tamen monasteria Galliarum jam a Carolo Magno non fuisse in viridi observantia regulæ Benedicti, negandum non est. Ideo in Concilio Remensi II. anno Christi 813. habito, lecta est Episcoporum jussu regula Benedicti, ut ejus memoria recoleretur ab Abbatibus qui aderant, ut patet ex can. 9. Concilii: *Lecta est regula sancti Benedicti, ut ad memoriam reduceretur Abbatibus minus scientibus, si qui forte adsuerint, qualiter & se & suos secundum eandem regulam custodire valerent atque gubernare.* Et de restituenda regula Benedicti editus est can. 25. Synodi Turonensis III. eodem anno habitæ: *Monasteria Monachorum, in quibus olim regula beati Benedicti Patris conservabatur: sed nunc forte qualicumque negligentia suprepente remissius ac dissolutius custoditur, vel certe penitus abolita negligitur: bonum videtur, ut ad pristinum revertantur statum, &c.* Carolus ipse paulo ante obitum jam collabentem disciplinam regularem, & Benedicti regulam restituere sategit, & ob id e cœnobio Cassinensi districiores Monachos evocavit: sed morbo præventus, rem implendam reliquit Ludovico Pio, qui paternæ pietatis heres, & consiliorum patris tenacissimus executor, visitatores generales per omnia monasteria Galliarum instituit pro reformatione Ordinis sancti Benedicti, & eadem de causa Concilium Aquisgranense indixit anno Christi 817. ut legitur in ejus vita, & apud Aimoinum libro 5. capite 10. & apud Leonem Ostiensem Chronic. Cassinensi. libro 1. capite 14. & 18. Unde & Patres Concilii Ticinensis habiti anno 855. gratulantur Ludovico Pio, & reformationem Ordinis ei patrique acceptam referunt: *De monasteriis autem virorum seu feminarum, quæ secundum regulam sancti Benedicti, vel secundum canonicam auctoritatem disposita esse debent, quia inspiratio omnipotentis Dei, credimus, cor vestri moderaminis incitavit, ipsi gratias referimus: nam quod jam maxima ex parte ordinem suum amiserint, omnibus est manifestum, quæ ut ad pristinum statum redu-*

cantur, in Domini Dei genitoris vestri ac vestra gloriosa dispositione consistit. Cistercienses mutata veste regulam Benedicti retinuerunt, eamque jam fere collapsam restituerunt. Sigebertus ad annum 1107. Abbas Cistercii & fratres ejus non immemores sponsonis suæ, regulam beati Benedicti in loco illo ordinatam unanimiter statuerunt tenere, rejicientes a se quicquid regula refragabatur, sericos videlicet & pelliceas, estamina, caputia quoque & femoralia, pectinia & coopertoria stramina lectorum, ac diversa ciborum in refectorio sercula, sagimen etiam, & cetera omnia quæ puritati regulæ adversabantur: sicque rectitudinem regulæ supra cunctum vitam suam tenorem ducentes, tam in Ecclesiasticis quam in cæteris observationibus regulæ vestigiis sunt adæquatissimi seu confirmati. Proprium statutum addidit Stephanus Abbas Cisterciensis, quod Chartam caritatis vocavit, & a Sede Apostolica confirmari curavit. Sigebertus loco mox laudato: Unde & scriptum illud Chartam caritatis competenter voluit nominari, quod ea tantum quæ sunt caritatis, tota ejus series redolet, itaut pene nil aliud ubique sui prosequi videatur, quod nemini quicquam debeatis, nisi invicem diligatis: quæ quidem charta sicut ab eodem Patre digesta, & a præfatis viginti Abbatibus confirmata, sigilli quoque apostolici auctoritate munita est, &c. Inde secutæ sunt alix regulæ, de quibus dicere supersedeo, cum omnibus notæ sint. Hoc vnum addo, quod disciplinæ valde profuit, nimirum moris fuisse, ut regula in Congregatione fratrum seu Capitulo frequentius legeretur, ne ignorata præteriretur. Regula Benedicti capite 66. Hanc autem regulam volumus sæpius in Congregatione legi, ne quis fratrum se de ignorantia excuset. Inde Concilium Aquisgranense anno Christi 817. canon. 69. Ut ad Capitulum primitus Martyrologium legatur, deinde regula aut homilia quælibet legatur. Sanctimonialibus Dunensis monasterii epistolam quæ est vice regulæ, quaque hebdomada in Conventu legi præcepit Ivo Carnotensis, quæ est epistola 10. Volo autem & præcipio in summa obedientia, ut omni hebdomada semel in Conventu vestro legatur hæc epistola, quatinus ea quæ inhonesta sunt, sollicitè cavere discatis. Tabulas fœderis iuncti cum Roma iterum quoque die legi faciebat Philippus Rex Macedonum, ne in villo perversæ fidei teneretur. Livius libro 44. Philippus instituit

erogabantur, vt egestas Monachorum sublevaretur. Can. *Cum pro utilitate* 16. quæst. 1. Sed paulo post fere in totum conceidit iurisdicctio Episcopalis in Monachos, Pontificiis exemptionibus, quæ valde increbuerunt a Gregorio I. Ab eo tempore Abbatum iurisdicctio excrevit, ruina Episcopalis, & Abbas habuit plenam iurisdicctionem in Monachos, in his quæ contra regulam intra claustrum admittebantur, salva Episcopo iurisdicctione in his tantum quæ extra regulam, vel, vt pessime interpretantur, extra claustrum perpetrarentur. Can. *Hoc tantum* 18. quæst. 1. Quæ distinctio inspecto vsu placuit Patribus Concilii Tridentini sess. 25. *De regular.* capite 14. Dum viguit iurisdicctio Episcopalis in Monachos, iudicii Episcopalis erat cognitio graviorum delictorum tantum, non leviorum, ἀνακρισις τῶν ἰσχυρῶν σφαλμάτων, delictorum mortalium examinatio. Concilium Constantinopol. I. can. 1. apud Balsamon. Correctio leviorum delictorum semper fuit in potestate Abbatis, alioquin lusoria & inanis foret potestas & præfectura Abbatis. Hujus vsus insigne argumentum est, quod tradit Palladius Historiæ Lausiacæ capite 6. in Ecclesia Nitriensium tres fuisse palmas, e quarum singulis pendeat flagellum vnum εἰς ἐπισκοπῶν, id est, ad conversionem Monachorum delinquentium: secundum in pœnam latronum: tertium in correctionem peregrinorum. Et quod ait Isidorus Pelusiota libro 1. epistola 149. Episcopi officium esse ἐπισκοπεῖν ὡς τῶν μοναχῶν ὁριζωρίας, *Speculari Monachorum negligentias*; non adimit Abbati propriam iurisdicctionem in coercionem Monachorum: sed ei tribuit tantum observationem, magis vt moneat, quam vt puniat delinquentes. Correctio Monachorum pertinet ad Abbatem vel Priorem claustralem. Cap. *Reprehensibilis.* de appellat. capite 2. *De sentent. excomm.* cap. *Si religiosus.* de elect. in 6. Non ad Abbatem commendatatum, qui habet nudam administrationem & emolumentum fructuum, nisi sit Cardinalis. Chopin. *Monast.* libro 1. tit. 2. Auctor Historiæ Pontificiæ iurisdicct. libro 4. tit. 7. num. 9.



CAPUT III.

Varia pœna regulares, abstentio a communione mensæ & orationis, jejunium, μετεωρία, prostratio, regradatio, excommunicatio, coercitio virgarum & alaparum, custodi.

DISCIPLINA monasterii est in potestate Abbatis vel Præpositi: uterque habet correctionem Monachorum delinquentium, & ab eo pœnæ regulares varie infliguntur pro modo delicti, quarum seriem hoc loco describere convenit, quo jurisdictionis regularis typus perfectior delineatur. Pro levioribus delictis regularis pœna fuit, abstentio a participatione mensæ communis: pro gravioribus noxis suspensio a societate orationis & psalmodiæ. Basilii sermon. de institutione Monachorum: *τα δὲ ὀπίμα ἐστὶν πλημμελεία πνὶ κατὰ γνώμην τοῦ πρὸς μέτρον τῆ ἀμαρτήματος ἔστω, & τὸ κωλυθῆναι συστῆναι εἰς ψαλμωδίαν, καὶ τὸ μὴ πρὸς ἀδελφῶν εἰς ὁρχῆς κοινωνίας, καὶ τὸ ἀποβλεπὸν ἡγούσας εἰς τιμὴν τῆς προφῆς μετανοίας.* *Is autem qui in culpa aliqua deprehensi fuerint, ad magnitudinem delicti pœnæ etiam modus accommodatur: videlicet ut vel in communi cum cæteris psalmorum decantationi interesse prohibeantur, vel ad orationis communionem nequaquam admittantur, itemque a cibi communicatione arceantur.* Joannes Climacus scal. 4. *εἰ δὲ σκληρυνόμενοι ἐσκληρύνοντο, καὶ μὴ μεταλαμβάνειν προφῆς ἀρχὴ τῆς διαλλαγῆς ἐπιτιμῶνται.* *Quod si duriores medicinam non admitterent, neque reconciliari se paterentur, a mensa tantisper arcebantur.* Regula Benedicti capite 24. *Si quis tamen frater in levioribus culpis invenitur, a mensa participatione privetur, &c.* Et capite 25. *Is autem frater qui gravius culpa noxa tenetur, suspendatur a mensa simul & ab oratorio, nullus ei fratrum in ullo jungatur consortio, neque in colloquio.* Ait ab oratorio, id est, a societate orationis & psalmodiæ quæ fiebat in oratorio. Oratorium est Ecclesia monasterii. Gregorius libro 9. Indictione 4. epistola 38. Græcis *Ἰκλήμιον*. Palladius Histo-

riæ Lausiacæ capite 27. Regula Benedicti concordat canon 134. Concilii Aquilgranensis habiti anno Christi 816. Si vero nec sic se correxerit, separetur a mensa, & a societate fratrum in choro psallentium removeatur, &c. Cassianus de institutione Cœnobitarum libro 2. capite 15. Quam culpam, nisi in unum conjunctis fratribus congregatis, publica diluerint pœnitentia, orationi fratrum nullus eorum interesse permittitur. Et cap. sequent. ejusdem libri: Sane si quis pro admisso quolibet delicto fuerit ab oratione suspensus, nullus cum eo prorsus orandi habet licentiam, antequam submissa in terram pœnitentia, reconciliatio ejus & amissi venia coram fratribus cunctis publice fuerit ab Abbate concessa. Idemque libro 4. capite 20. In septimana cujusdam fratris, cum præteriens œconomus tria lenticulæ grana vidisset jacere in terra, quæ hebdomadario festinanti, dum ea præparat coctioni, cum aqua qua diluebantur, elapsa sunt: confestim super hoc Abbatem consuluit, a quo velut intercessor neglectorque sacri peculii judicatus, ab oratione suspensus: cujus negligentia reatus non aliter ei remissus est, nisi cum publica pœnitentia diluisset. Privationi a communione precum additur abstentio a sacra communione. Dorotheus doctrin. 9. καὶ καλεῖ τὸν ἀδελφὸν τὸν ὡς ὑπονοίας ἔχοντα, καὶ ἐπιτιμᾷ αὐτὸν, καὶ ἀφορίζει αὐτὸν ἀπὸ τῆς ἀγίας κοινωνίας. Vocatoque fratre altero qui suspicionibus suis agebatur, illum acriter increpavit, & communione prohibuit. Inter regulares pœnas etiam censetur per biduum vel triduum impositum jejunium. Rufinus de vit. Patrum libro 2. capite 29. Cum autem iterum ac frequenter accusarent eum, & secundum regulam monasticam biduana ac triduana jejunia ei indicerentur, ille omnia patienter tolerabat. Unum e fratribus ab Abbate liberatum a fornicationis spiritu indicto jejunio & agrorum cura, ex Evagrio narrat Dorotheus doctrin. 14. ἀδελφεὶ καὶ νηστείας ὑπηρετήσῃ προσάξας. Egrius cum jejunio ministrare jubens. Inter pœnas regulares est μετανοία, prostratio humi seu genuflexio. Joannes Moschus in Limonar. capite 105. καὶ βαθμὸν ἔβηλεν τῷ Θεῷ μετανοίας ἕκαστον. Et infra: καὶ καὶ τὸ πληθεύσας με τῷ καὶ βαθμὸν μετανοίας. Per singulos gradus centies flectebam genua, & procidebam Deo, cumque impleissem inclinationes corporis per singulos gradus. Et idem capite 184. ἔρχου, καὶ βάλῃς τὰ χεῖρά σου μετανοίας, ἕως ὅσον σὺ εἶς

κνέεινον. *Veni huc, & triginta genuflexiones pro me facito, & dabo tibi unum argenteum.* Dorotheus doctrin. 9. καὶ λέγει διὰ τὰ φήματα Ἰωάννου, ἵνα μὴ βάλλῃ μίαν μετανοίαν. *Et decem mendacia profert, ne unicam prostrationem deferat.* Joannes Climacus scal. 4. εἰ δὲ ἔσται ἡδύτατος ἴσως, βαλὼν λοιπὸν μετανοίαν ὁ ὑπομνήσας ἀνιχνεύει. *Quod si non sentiret, cum monitor prostrato ante illum in pœnitentis modum corpore recedebat.* Idem infra eodem tit. καὶ εἰ ποῦ τις εἴη ἐν αὐτοῖς ἀμφιβολίας παρὰ τὸν πλῆστον ἤρξατο, παρὼν ἕτερος, ἔ μετανοίαν πεποικώς, τὴν ὀργὴν διεκείδεται. *Si quis cum altero iurgari cœpisset, alius qui forte transibat, in pœnitentis modum prostratus iram dissolvit.* Cassianus de institutione Cœnobaritarum libro 4. capite 16. Si quis vas fictile fregerit, aut ad congregationem tardius occurrerit, vel aliud simile commiserit delictum, publica diluet pœnitentia, cunctisque in synaxi fratribus congregatis, tamdiu prostratus humi veniam postulabit, donec sollemnia orationis consummentur. Inter easdem pœnas censetur regratio & rejectio in infimum locum. Macedonium vnum e fratribus, & Archidiaconum, id est, primum inter Diaconos monasterii, quod paulo serius foris rediisset ad monasterium, officio depositum, & in ordinem tyronum rejectum, narrat Joannes Climacus scal. 4. ἀρρίκει ὁ ποιμὴν τῆς Διᾶκονίας, ἔ ἐν τῷ ἐχάτω ἀρχαίῳ κατατάττει χεῖρω. *A ministerio Pastor deposuit, & in novissimorum tyronum locum redegit.* Ex decreto Urbani II. si Canonicus regularis ad Monachos transcat, revocatur, & in pœnam defectionis rejicitur in ultimum locum, & memorialem cucullam defert. Can. *Mandamus* 19. quæst. 3. Cap. *Intelleximus*. de erat. & qualis. & ordin. præfic. Et apud Innocentium III. libro 2. epistola 11. Goffridum Vindocinensem libro 2. epistola 12. *Domnus Ernaldus, quem Decanum vestrum dicitis, si sibi secundum iustitiam placuisset, teste floccello de capite suo, potius in nostra quam in vestra sorte manere debuisset.* Et hoc genus pœnæ commune est omnibus Clericis. Can. *Presbyter* 82. distinct. can. *Præcipimus* 93. distinct. Et apud Gregorium libro 1. epistola 81. Indictione 9. Primis sæculis antequam Monachi essent recepti in Clerum, in pœnis canonicis, non depositione, ut Clerici, plectebantur, sed excommunicatione pariter ac laici. Synodus Chalcedonenfis can. 2. καὶ ἐστὶ

εἰ μὴ πληροῦς εἶναι, τὴ οὐκαὶ ἐκπαλίστα βαθμὸς· εἰ δὲ ληϊκὸς ἢ ὑποδύον, ἀναθματίζεσθαι. Et ipse siquidem Clericus fuerit, proprio gradu decidat; si vero laicus aut Monachus, anathematizetur. Can. Si quis Episcopus 1. quæst. 1. Et hæc pœna nota fuit in Monachiis ante Chalcedonenf. Concil. Monachos enim excommunicatione corripere voluit Augustinus de correptione & gratia ad Valentinum & cum illo Monachos capite 15. Corripiantur itaque a Præpositis subditi fratres correptionibus de caritate venientibus, pro culpæ diversitate diversis, vel minoribus, vel amplioribus, quia & ipsa quæ damnatio nominatur, quam facit Episcopale iudicium, quæ pœna in Ecclesia nulla maior est, potest, si Deus voluerit, in correctionem saluberrimam cedere atque proficere. Can. Corripiantur 24. quæst. 3. Inde etiam Monachi in Clerum essent recepti, pro gravioribus delictis excommunicationis pœnam indixit Monachis regula Benedicti capite 23. Si vero neque sic correxerit, si intelligit qualis pœna sit, excommunicationi subjaceat. Si Monachus his modis correptus non respiscat, additur virgarum castigatio, ejusdem regulæ capite 28. Si quis frater frequenter correptus pro qualibet culpa, si etiam excommunicatus non emendaverit, acrior ei accedat correctio, id est, ut verberum vindicta in eum procedat. Unde desumptus est can. 134. Concilii Aquigranensis. Et hoc genus disciplinæ vsu receptum fuit etiam in Canonicis regularibus. Augustinus epistola 159. ad Marcellinum Comitem: Noli perdere paternam diligentiam, quam propria inquisitione servasti, quando tantorum scelerum confessionem, non extendente equuleo, non sulcantibus ungulis, non vrentibus flammis, sed virgarum verberibus eruisti: qui modus coercionis, & a Magistris artium liberalium, & ab ipsis parentibus, & sæpe etiam in iudiciis solet ab Episcopis adhiberi. Can. Circumcelliones 23. quæst. 4. Thomas Cantipratensis libro 1. capite 17. Cum in Theutonia partibus circa annum Domini 1242. adulescens quidam nobilis in lubricitate corporis excessisset, a senibus Concanonicis & Decano ab ingressu Ecclesiæ arctatus est, & infra septa monasterii, quasi pro agenda pœnitentia, in loco ad hoc deputato reclusus, qui humiliter valde pœnam suscipiens flagellabatur interim a Decano, & gravibus conviciis culpabatur. Ideo Abbas semper virgam ad manum habebat. Gregorius

Dialogorum libro 1. capite 2. *Quadam namque die is qui post venerabilis Honorati exitum monasterii regimen tenebat, contra eundem venerabilem Libertinum in gravi iracundia exarsit, ita ut eum manibus caderet: Et quia virgam qua eum ferire posset, minime invenit, comprehenso scabello suppedaneo, faciem ei ac caput intudit. Idem libro 2. capite 4. scribit de Monacho errone & vago, quem ut sanctus Benedictus virga percussit, ex eo die in monasterio stabilem continuit. Et Petrus Damiani in vita sancti Romualdi capite 4. *Marinus vero virgam in dextera gerens, Romualdo e diverso sedenti sinistram capitis partem sa- pissime verberabat. Etiam alapis ab Abbate cæsi Monachi correctionis causa. Cassianus collatione 19. capite 1. Sub occasione istius tarditatis prædictus Abbas Paulus, qui inter turbas ministrantium fratrum sollicitè discurrebat, exerta manu palma eum sub omnium percussit intuitu. Et hoc est quod palmas vocat Burcardus libro 19. capp. 17. & 25. & Petrus Damiani opusc. 15. capite 18. quia huiusmodi percussio fiebat palma manus. Si tot pœnis non proficeret Monachus in graviora lapsus, coerceretur carcere, vinculis & custodia. Valentem quendam e Monachis Ægyptiis ob vitium elationis per annum ferreis catenis vinctum, narrat Palladius Historiæ Lausiacæ capite 32. τὸν δὴ τὰντις αὐτὸν οἱ ἀγιοὶ πατέρες σιδήρεος ὄνι ἔτις ἐν ἀπιδεγάρτουται. Tunc Patres eum anno uno vinxerunt, & in ferreos compedes coniecerunt, & curarunt. Idem de Erote narrat idem capite sequent. ὡς καὶ αὐτὸν ὕστερον σιδερόδυναι, μὴ δίδοντα τῇ οἰνοῇ, μὴδὲ τοῖς μυστηρίοις αὐτὸς μεστέργου. Ut fuerit etiam ferro vinctus, cum nollet convenire ad sacramenta. Quod si quisquam frater incorrigibilis sit, id est, tertium pœnis regularibus tentatus ad sanam frugem non redeat, e monasterio velut membrum putridum abscinditur & ejicitur. Regula Benedicti capp. 28. & 29. Cap. *Ne religiosi. de regularibus.* Et si forte ejectus recipiatur, in ultimum gradum rejicitur, d. cap. 29. Præter pœnas regulares, etiam duriora injungi solebant fratribus probationis causa, ut Isidoro impositum, ut staret in limine monasterii, & cuivis intranti & exeunti supplex positò genu accideret, & precum suffragium peteret, quasi epilepticus esset: quo in pœnitentiæ genere constantem permanisse narrat Joannes**

Climacus scal. 4. Inter remedia etiam ad coercendas tentationes carnis, fratribus suadetur mansio ad tempus in hy-popeis seu conditoriis mortuorum, propter memoriam mor-tis, *σπεῖον οἰκησις*. Joannes Climacus scalæ Paradis. grad. 15. ubi Scholiast. *ἔν τῳ σῶσι πρὸς τὸ θυγῆναι πειρασμὸν συμβουλεύεται*. Quia mortuorum conditoria ad fugiendam tentationem conse-runt. Duriore sunt pœnæ & coercitiones regulares: sed, o Deus, quam leves, si spectemus mercedem quam proponis in cælo!



CAPUT IV.

Correctio fratrum in Capitulo. Lectio regule in Capitulo.

EXPOSITIS, variis generibus pœnarum regularium, quonam loco & quo ritu fiat correctio Monachorum, docere subit. Hujusmodi correctio fit in Capitulo, id est, in loco monasterii, ubi fratres congregantur de rebus monasterii acturi. Concilium Aquisgranense anno Christi 816. can. 133. *Ut quodidie ad collationem veniant, ubi & hanc institutionem & aliarum Scripturarum sanctarum lectiones perle-gant, & pro admissis veniam postulent, & sententiam pro qua-litate admissi suscipiant, ubi etiam de communi profectu & uti-litate Ecclesiæ pertractent*. Ekkeardus Junior de casibus Mo-nasterii sancti Galli capite 16. *Abbate accito, signum pulsatur ad Capitulum: ibi jussu Abbatis juvenis ille adhuc furens ad co-lumnâ Pyralis ligatus acerrime virgis caditur*. Et infra: *At Ruomo surgens, Decano quidem non jubente, flagello fratrum, quod cominus pendeat, modeste sumpto, maximos illi ictus infre-git*. Petrus Cellensis libro 7. epistola 10. *Hactenus Monachi solent judicari in Capitulo, non in consilio; inter Monachos, non inter Presbyteros; ab Abbate, non ab Archidiacono; corporali, non pecuniaria pœna*. Unde Capitulum sumitur pro correctio-ne ipsa, & capitulare pro corripere, corrigere. Ekkear-dus de casibus præd. monast. capite 3. *Qui cum labem maxi-mam claustrî, impunitatem nominasset, ad Capitulum tamen non-*

quasi ceteris exemplum dando, roccum exiit, & coram se expandit, superque illum se extendit, utque puniretur pro tali excessu gemens oravit. Inter actus capitulares præter correctionem fratrum, Martyrologium, id est, vita Sanctorum, maxime Martyrum, & regula, id est, capitulum aliquod regule, vel homilia Patrum solebat legi in Capitulo & exponi. Concilium Aquisgranense anno 817. can. 69. *Ut ad Capitulum primum Martyrologium legatur, & dicatur versus, deinde regula aut homilia qualibet legatur.* Et idem Concilium can. sequent. *Ut ad Capitulum lectio tradatur, similiter ad consolationem, si tempus fuerit opportunum.* Matthæus Parisiensis ad ann. 1237. de statutis Benedictinorum: *Fecerunt autem quamplures hæc in Martyrologia scribi, ut sapius in Capitulo recitata, sicut solet regula beati Benedicti, audientium cordibus inhærent.*

CAPUT V.


Capitulum generale Cisterciensium quotannis. In aliis Ordinibus receptum ex Concilio generali Lateranensi triennio quoque.

DISCIPLINÆ tuendæ gratia in singulis monasteriis celebratur Capitulum privatum, in quo tractatur de reformatione vel utilitate monasterii. Præter Capitulum proprium cujusque monasterii, Cistercienses cognita utilitate rei, statuere ut Capitulum generale totius Ordinis singulis annis haberetur apud Cistercium, quo convenirent Abbates & Priores Ordinis. Bernardus epistola 228. ad Petrum Abbatem Cluniacensem: *Decretum est mihi ultra non egredi monasterio, nisi ad Conventum Abbatum apud Cistercium.* Et vita Bernardi libro 1. capite 7. *Præfatus Episcopus ad Capitulum Cisterciense, ibi coram pauculis Abbatibus qui convenerant, pontificali humilitate & sacerdotali caritate, toto corpore in terram prostratus, petiit & obtinuit, ut toto anno uno in obedientiam sibi traderetur.* Et libro 4. ejusdem vitæ capite 4. *Eodem anno*

T t

apud Cistercium, juxta morem Abbatibus congregatis, prædictus Papi venerabilis affuit. Helmoldus Historiæ Slavor. libro 1. capite 91. *Hi singulis annis celebrant Concilium apud Cistercium, & decernunt ea quæ utilia sunt.* In hujusmodi Capitulo moris fuit edi statuta ad reformationem Ordinis, quæ vim legis haberent. Innocentius III. in cap. *Nuper Abbates extra De decim.* *Nuper, inquit, Abbates Cisterciensis Ordinis in generali Concilio congregati, ad commonitionem nostram provide statuerunt, ne de cætero fratres ipsius Ordinis emanent possessiones, de quibus decima debeantur Ecclesiis, nisi forte pro monasteriis noviter fundandis.* Matthæus Paris. ad annum 1151. *In Capitulo Cisterciensi statutum est, ne de cætero aliqui novam construerent Abbatiam, quia numerus Abbatiarum illius Ordinis usque ad quingentis excrevit.* Capituli Cisterciensis quanta fuerit gratia & cultus apud Reges & Principes, & apud Pontifices, ex his intelliges, quod Richardus I. Rex Anglorum Capitulo Cisterciensi centum annuas marchas argenti concessit pro sumptu Conventus. Matthæus Paris. ad annum 1188. *Magnificus autem Rex Richardus ac munificus Monachis Cisterciensibus ad Capitulum generale de diversis terris & longinquis venientibus & convenientibus, centum marcas argenti annuatim percipiendas contulit.* Capitulo Cisterciensi anno 1244. interfuit beatus Ludovicus Rex Francorum vna cum matre & fratribus, & rogatus promisit Patribus se Ecclesiam Romanam defensurum adversus Fridericum II. Imperatorem, teste ipso Matthæo Paris. Capitulo Cisterciensi interfuisse Eugenium Romanum Pontificem, jam observatum ex vita Bernardi. Cisterciensium exemplo commotus Innocentius III. in Concilio generali Lateranensi statuit, ut in singulis regnis vel provinciis quoque triennio fiat commune Capitulum Abbatum & Priorum Abbates proprios super se non habentium, in quo diligens habeatur tractatus de reformatione Ordinis & observantia regulari, in quo eligantur idonei visitatores, qui singula monasteria regni vel provincie, correctionis & reformationis causa, visitent *vice nostra*, inquit, id est, tanquam delegati Sedis Apostolicæ. Cap. *In singulis. de statu Monach.* Ad Capitulum provinciale tenentur convenire Abbates tam exempti, quam non exempti. Cap. *Ea quæ eodem*

tit. In Capitulo provinciali fit correctio Monachorum, & idem est reus & accusator sui ipsius. Thomas Cantipratensis libro 1. capite 1. *Hic semel stans in provinciali Capitulo, coram Diffinitoribus & Prioribus se accusaturus, audivit asinum suum, &c.*



CAPUT VI.

Visitatio monasteriorum discipline vinculum.

PRÆCIPUI duo disciplinæ monasticæ axes sunt: Capitulum seu congregatio Capituli, in quo discutiuntur & emendantur culpæ Monachorum; & visitatio frequens monasteriorum. Cap. In singulis extra De statu Monachor. & his duobus axibus diu sustentatus est Ordo Cisterciensium. Cæsarius de Miraculis libro 1. capite 1. de initiis Cisterciensium: *Quid est visitatio? Disciplinæ conservatio. Duo enim primitivi Patres instituerunt ad vitiis correctionem & caritatis, conservationem, videlicet generale Capitulum, & singulis annis visitationem domorum.* Primis sæculis, quæ Monachi erant in potestate Episcopi, officium Episcopi vel Chorepiscopi erat visitare monasteria. Concil. Nicæn. ex Arabico canon. 54. Etiam exempta monasteria ab Episcopo visitari voluit Gregorius Magnus sine gravamine, id est, sine sumptu, sine procurationis onere, libro 7. epistola 18. Indiæ. 1. Can. *Visitandi* 18. quæstione 2. Disciplinam monasticam jam collabentem impatenter ferens Carolus Magnus, monasteria Gallie & Germaniæ per Missos vna cum Episcopis visitari curavit. Concilium Moguntinum can. 20. *Deinde dignum ac necessarium est, ut Missi per quæque loca directi, simul cum Episcopis uniuscuiusque diocesis perscrutentur loca, monasteriorum Canonorum pariter & Monachorum, similiterque puellarum, si in apto & congruo loco sint posita, ubi commodum necessarium possit acquiri, quod ad utilitatem pertinet monasterii, sicut in sancta regula dicitur.* Quod comprobatur. est Capitular. libro 5. capite 79. Studii paterni tenax Ludovicus Pius, visitatores

generales per monasteria ditionis suæ instituit. Auctor anonymus vitæ ipsius: *Itidemque constituit idem Deo amabilis Imperator Benedictum Abbatem & cum eo Monachos strenue vitæ per omnia, qui per omnia monasteria Monachorum cunctes redeuntesque uniformem traderent cunctis monasteriis, tam viris quam sanctimonialibus feminis, vivendi secundum regulam sancti Benedicti incommutabilem morem. Quod etiam scripsere Aimoinus libro 5. capite 10. Leo Ostiensis Chronic. Cassinensis libro 1. capp. 14. & 18. Ab Episcopis monasteria visitari, decretum suadente Carolo Calvo. Concilium Tullense apud Saponarias anno Christi 859. can. 9. *Ut Congregationes Canonorum & Monachorum ac Sanctimonialium, secundum canonicam institutionem a propriis Episcopis strenue visitentur, & eorum religio & habitus exquiratur, &c.* Nec dispari zelo Innocentius III. in Concilio generali Lateranensi, in Capitulo religiosorum cujusque provinciæ visitatores eligi statuit, qui monasteria provinciæ lustrarent vice Apostolica, id est, tanquam visitatores Sedis Apostolicæ. Cap. *In singulis extra De statu Monachor.* Anno Christi 1232. juxta decretum Concilii generalis Gregorius IX. visitatores generales designavit per universa monasteria orbis Christiani, & de ea re epistolam scripsit ad Episcopos Angliæ, & aliam ad quendam Abbatem Montis-belli, vnum e visitatoribus delegatis, quas dedit Matthæus Parisiens. in Henrico III. Et Clemens V. in Concilio Viennensi cuncta Monialium monasteria jussit visitari per Ordinarios: exempta scilicet, Apostolica; non exempta, ordinaria auctoritate. Clement. *Attendentes. de statu Monachor.* Denique Concilium Tridentinum sessione 25. *De regular.* capite 8. monasteria exempta, non subdita cuipiam Capitulo generali, vel quæ non haberent proprium visitatorem, ab Episcopis diocesanis, tanquam Apostolicæ Sedis delegatis, visitari concessit: quod transfusum est in Constitutionem Aurelianens. artic. 11. Blesens. art. 27. 31. & 32. de quo Chopin. *Monastic.* libro 1. tit. 2. numero 12. Abbas habet quidem penes se correctionem Monachorum: sed si gravior sit culpa, refertur quandoque ad visitatorem. Cæsarius de Miraculis libro 4. capite 24. *Non est diu quod Monachus quidam stimulis invidia agitatus & superatus, quen-**

dam ex fratribus suis adolescentem accusavit apud Abbatem, imponens ei crimina pessima: cui cum minus Abbas crederet, ille ad maiorem vindictam usque ad visitatoris presentiam, suam accusationem reservavit. Quid plura tanta apud illum invidi machinatio profecit, ut ipse visitator iuveni vitia relata in Capitulo coram omnibus objiceret.



CAPUT VII.

Solitudo Monachorum, & ejus utilitas. Monachis fugienda consuetudo secularium, maxime mulierum: Sanctimonialibus etiam medicorum.

AD monasticam disciplinam tuendam mirum quantum proſit ſolitudo & fuga conſuetudinis ſecularium, ejus utilitatem exemplo vitæ commendavit Chriſtus Dominus noſter, qui frequens ſecedeſcit in eremum ut doceret & oraret. Tertullianus 4. adverſus Marcion. capite 8. in illud Luc. 4. *In ſolitudinem procedit. Solennis & huiusmodi regio creatoris. Oportebat ſermonem illic quoque videri in corpore, ubi egerat aliquando & in nube. Competebat & Evangelio habitus loci, qui placuerat & legi.* Ambroſius in idem caput Lucæ: *Tria ſunt enim quæ ad uſum proficiunt ſalutis humana, ſacramentum, deſertum, jejunium.* Chriſtus ſeceſſit in eremum, ut doceret nos Deum querendum in ſolitudine. Joannes Chryſoſtomus in Joannem Homil. 41. in illud capit. 6. *Quid autem montem ſubit, & ibi ſedebat cum diſcipulis ſuis.* Ἐν ὁρει ὁ Χρὶς ὁ Θεὸς ὁ Θεολόγος ἐκδηλῶται. Idoneus ſiquidem ad Philoſophiam locus ſolitudinis. Deus querendus in ſeceſſu & ſolitudine, vix eſt ut eum operiamur in turba. Auguſtinus in Joannem tractatu 17. in illa verba: *Declinaverat ab eo in turba. Difficile eſt in turba videre Chriſtum, ſolitudo quadam neceſſaria eſt menti noſtra, quadam ſollicitudine intentionis videtur Deus, turba ſtrepitum habet, viſio iſta ſecretum deſiderat. Noli Jeſum querere in turba, non eſt canquam unus de turba.* Joannes ipſe in eremo agnovit Chriſtum, eumque demonſtravit Judæis dicens: *Ecce agnus Dei,*

ecce qui tollis peccata mundi, Joan. 2. Felix solitudo quæ Monachos parit Deo: Felix solitudo, quæ est familiaris collocutio & conversatio cum Deo: Hieronymus ad Heliodor. *O desertum Christi floribus vernans! o solitudo in qua illi nascuntur lapides, de quibus in Apocalypsi civitas magni Regis extruitur! o eremus familiaris Deo gaudens!* Auctor sermon. ad fratres in eremo sermon. 3. *Estote solitarii, ut sitis angelus sociati: estote rustici, ut sitis cives sanctorum & domestici Dei: estote muti, ut sitis loquaces: loquimini Deo, ut sitis veraces: contemplate in eremo, ut contemplemini a sanctis in celo.* Solitarius mundo mortuus est, Deo vivit. Eugenius IV. in can. Placuit 18. quæst. 1. *Sedeat itaque solitarius, & taceat, quia mundo mortuus est, Deo autem vivit.* Solitudo quietem mentis conciliat. Chrysostomus in Joannem Homil. 60. *Mulier, inquit, domi sedet, καὶ καὶ δάμιπ οἱ ἄς ἰσήμευ οἰκισώτης, οὐδὲν ἔχουσι τὴν ἐσισχλυσίαν, & more eremos habitantium, qui se pervertet, habet neminem.* Eleganter Petrus Damiani libro 6. epistola 5. *At postquam ad cellulam perventum est, imo postquam in me ipse qui fueram exclusus, intravi, mox aestuantis animi fervor extinguitur, contentiosi litigii querela sopitur, tumor, clamor & indignatio præsto deponitur, & omne quod in men visceribus amarum fuerat, divinitus obdulcatur; ne decipiamur.* Solitudo sola, id est, locus solitudinis, non facit Monachum & beatum, sed mens solitaria & studiosa veræ Philosophiæ. Joannes Chrysostomus in Psalm. 140. οὐ γὰρ ἱσχυρία ποιεῖ τὸν μόνον ἴσιν, ἀλλὰ γνῶμην φιλόσοφος. *Solitudo enim non facit esse solum, sed mens quæ tenetur studio sapientiæ.* Solitudo ita propria est Monachi, ut Monachus extra cellam sit piscis extra aquam. Hinc Antonius rogatus a Præfeto militum ut apud eum diverteret, non annuit. *Quemadmodum enim, inquit, piscis simul atque terram attigerit, emoritur: Monachi extra monasterium versantes dissolvuntur.* Athanasius in ejus vita. Sozomenus libro 1. capite 13. Rufinus de vit. Patrum libro 2. capite 109. Inde Monachis jugis mora in monasterio suadetur: vix enim Monachus potest pedem efferre e monasterio, quin profectus damnum sentiat, & de amissis refarciendis laboret. Joannes Cassianus collatione 6. cap. 15. *Idcirco jugis cellæ commoratio retinenda est: toties enim etiam*

reversus quis, velut motus in ea & incipiens habitator titubabit, atque turbabitur quoties ab eadem fuerit evagatus: illam namque quam in cella residens acquisierat animi intentionem, si fuerit relaxata, recuperare rursus non sine labore poterit ac dolore, & per hoc redactus retro, non de amisso cogitabit profectum, quem superadpicere poterit, si e cella non fuisset excussus: sed gaudebit potius, si illum statum de quo recidit, semel ipsum senserit recepisse, &c. Monachis e monasterio egredi non licet, exceptis Apocri-fariis seu Procuratoribus, quibus id officii causa permittitur. L. Qui in monasteriis C. De Episc. & Cleric. Gregorius lib. 2. Indictione 11. epistola 3. ad Joannem Abbatem: Non frequenter foras egrediarius, in causis istis Procuratorem institue, & tu ad lectionem atque orationem vaca. Monachis vitanda est consuetudo secularium, ne eorum contagio vitium secularitatis contrahant: maxime eis fugienda est consuetudo mulierum. Inde districtius vetatur ne Monachi commatres faciant. Gregorius libro 3. epistola 40. Indict. 12. Can. Per-venit 18. quæst. 2. can. Non licet. can. Monachi. de consecrat. distinct. 4. Sanctimonialibus pariter vitandam consuetudinem laicorum, maxime medicorum, monet Gregorius libro 4. Indictione 13. epistola 4. Imo Patrum sententia fuit Monachos fugere debere mulieres & Episcopos pari cautela, ne avocentur a quiete cellæ: de quo Cassianus de institutione Cœnobitarum libro 11. capite 17. Quapropter hæc est antiquitus Patrum permanens nunc usque sententia, omnimodis Monachum fugere debere mulieres & Episcopos: neuter enim sinit eum, quem semel suæ familiaritati devinxerit, vel quieti cellulæ alterius operam dare, vel divinæ theoriæ per sanctarum rerum intuitum purissimis oculis inhærare. Adeoque solitudo delicatula & morosa est, ut ipsi etiam Monachi inter se mutuo debeant abstinere colloquio. Regula Benedicti capite 48. Neque frater ad fratrem jungatur horum incompetentibus. Ideo Monachi singuli debent se continere in singulis cellis, vel saltem cum vno socio operis, vel seniore disciplinæ magistro. Cassianus de institutione Cœnobitarum libro 2. capite 12. Ideoque cum fuerint orationum canonicarum functiones ex more finitæ, unusquisque ad suam recurrens cellulam, quam aut solus, aut cum alio tantum inhabitare permittitur, quem scilicet societas ope-

rationis, vel discipulatus & disciplina imbutio copulavit, &c. Denique disciplina solitudinis detrimentum patitur, vel ex ipsis hospitalitatis officiis, & receptione adventantium fratrum, quod in adventu hospitem jejunium solvatur. Joannes Lycopolita apud Rufinum de vit. Patrum libro 1. cap. 1. Multum, inquit, tamen prodest ad hæc obtinenda secretior habitatio & conversatio solitaria, quia interdum per occasionem adventantium fratrum, & euntium ac redeuntium frequentiam, abstinentia & parsimonia frana laxantur, & per hujusmodi occasiones venit paulatim in consuetudinem & usum deliciarum, & sic interdum etiam perfecti jam viri capiuntur.

○✠○

CAPUT VIII.

Ne mulieres ingrediantur septa monasterii. Laici non ingrediantur claustrum sine duce & cuculla.

MONACHIS vitandam esse consuetudinem sæcularium, maxime mulierum, jam a nobis observatum est: ideo disciplinæ causa cautum est, ne mulieres admittantur intra septa monasteriorum. Concilium Turonense II. canon. 16. *Ut mulier intra septa monasterii nullatenus introire permittatur.* Gregorius libro 3. epistola 40. ad Valentinum Abbatem: *Ideo hujus te præcepti serie commonemus, ut neque mulieres in monasterio tuo deinceps qualibet occasione permittas ascendere, neque Monachos tuos commatres sibi facere.* Can. Pervenit 18. quæstione 2. Eadem fuit sententia veterum Patrum. Basilii sermon. de institutione Monachorum: *αὐτὸς ἐξουσίᾳ τῆς ἀσκητικῆς ταῖς ἐν τῷ μοναστηρίῳ διακονεῖσθαι.* Mulieres a monasteriorum ingressu profus arcentur. Gregorius Turonensis de vit. Patrum capite 1. apud Surium Februarii 28. *Non potest fieri, inquit Lupicinus Abbas, ut ego in monasterio sepulcrum habeam, a quo mulierum accessus arceatur.* Et hæc disciplinæ cautio servata in monasteriis Benedictinorum & Cisterciensium. De monasterio Floriacensi testatur Adrevaldus de Miraculis sancti Benedicti libro 1. capite 28. *Porro quia ex antiqua auctoritate sanctum*

sanctum erat, feminas intra exteriores portas monasterii haud quam transitum introitus habere. Ann 1244. Cistercium monasterium intravit Blancha regina cum Ludovico Rege nato sanctissimo, orationis causa, non sine licentia Summi Pontificis: de quo Matthæus Paris. Comitabatur autem cum nobilis Domina Blancha mater ejus, quæ a Domino Papa privilegium impetraverat, ut liceret ei domos religiosus Cisterciensis Ordinis cum duodecim mulieribus orandi gratia intrare. Nedom mulieribus interdictum aditu monasteriorum, quin imo & ipsis Monachis interdictum affatu mulierum. Cum matrona nobilis Antiochena rogaret se admitti ad Marcianum Abbatem, ut filia a dæmone vexata ejus gratiam postularct, ei responsum esse narrat Theodoritus de vit. Patrum capite 3. οὐκ εἰν ἴδεις τὸν πορταπύοντα γυναῖκα ἀγγέλλουσαν, Præsidentem loqui cum mulieribus non solere. Mulieres non solebat affari Aphrates, nisi pro foribus monasterii. Idem capite 8. ἰδὺσα δὲ αὐτὰ ἡ γυναῖς πρὸς τῆς αὐτοῦ θυγατρὸς εἰσῶσα, οὕτω γὰρ εἰσώσας τὴν πορτὰν τοῦ πύλου ποιῶντα ἀγγέλλειν. Hæc autem ad atriensem januam stans mulier dicebat: ibi enim feminas alloqui solebat, neque ullam intra januam recepit unquam. Eadem religione cum Paulus Abbas ad senioris cujuspiam cellam pergeret una cum Abbate Archelao, obvia mulieris vultu territus, velut a facie leonis vel draconis fuga se proripuit ad monasterium. Cassianus collatione 7. capite 26. In monasterio sancti Galli, apud Helvetios nefas fuit laicis vel Clericis ingredi claustrum monasterii sine duce vno e fratribus, & sine cuculla, ne alieni admitti viderentur. Ekkeardus Junior de casibus monasterii sancti Galli capite 1. Salomon Capellanus locum autem nostrum sibi præ omnibus habitum subinde adiit, claustrumque ille, quia potens erat, absque duce, & quod maxima confusionis tunc erat, cum lineis vestibus diatim introiit. Plurima fratribus velut dives opum commoda fecit, quorum cum uni reverendo quidam pellicum traderet, & sui cum apud Deum memorem fore rogaret: Pellicum, ait ille, tuum, si volueris, tibi optime repretiabor: nam duas cucullas ab Abbate habeo, quarum unam tibi, ut claustrum decentius nobiscum in ea introcas. Et infra: Sed nos in fraternitatem interdum & laicos recepimus, quibus tamen in laico habitu nequaquam, inquit, in claustro abstinemus.

Et infra: Abstinet tandem absque aliquo Patrum, ut moris est, praecluce claustrum intrare. Idem capite 16. Claustrum autem sancti Galli ab antiqua Patrum memoria tanta venerationi semper est habitum, ut nemini vel potentissimorum saeculi Canonico-
rum seu laicorum introitus vel etiam introspectus ejus licuerit. Vidi egomet Comites aliosque potentes, loci quoque milites, pro dilectione festis diebus crucem nobiscum per claustrum sequendo; juvenes & senes ad cingulum quosdam barbaros monachis indutos roccis, nobiscum quaque iuvimus ingredi. In refectorio quoque octo de illis, qui tamen emeriti videbantur, circa Abbatem & Decanos, ad mensam monachico confedisse habitu in die Pasche vidi. In eodem monasterio laicis maxime nefas erat intrare Capitulum. Ekkeardus capite 9. de Amalungo Ekkeardi fratre: Huic soli, ut audivimus, laico ab ullius memoria, Capituli domum intrare permissum est.



C A P U T I X.

Clausura Sanctimonialium restituta.

QUANTA fuerit cura disciplinae monasticae in utroque sexu, id maxime elucet in custodia sacrarum virginum. Haud enim satis tuta visa est earum pudicitia, voti solemnitis religione, & poenis praevicantium, necnon vigilantia Abbatisse seu Praeposita. His additum est septum & praesidium murorum, & clausurae arctioris cautio. A primis saeculis devotae Deo virgines fuere reclusae intra monasteria: unde monasteria virginum *φυλάξεις*, id est, *custodias*, vocat Palladius Historiae Lausiaca capite 39. οἰκονομῶντες καὶ τὰ τῶν μοναχῶν προστασία καὶ φυλάξεις. Aedificant etiam mulierum monasteria & custodias. Ideo Sanctimonialibus non licere egredi e monasterio, nisi virgente necessitate, ac ne sic quidem sine *ἀδείας*, id est, permissione ejus quae praest, & adjecta comite una e senioribus, ita ut liceat abnotare a monasterio, discernit can. 46. Synodi VI. in Trullo. Etiam Abbatisse ipsi non licet egredi e monasterio absque licentia Episcopi, nec

sine graviore causa, puta si evocata fuerit ad comitatum Principis. Concilium Turonense III. canon. 30. *Abbatissa absque sui Episcopi licentia foras monasterium egrediendi non habeant potestatem, nisi cum ad piissimum Imperatorem nostrum proficisci voluerint.* In eandem sententiam Concilium Cabillonense II. can. 57. *Abbatissa, quæ in civitate monasterium habet, nequaquam de monasterio egrediatur, nisi per licentiam Episcopi sui, aut qui ejus vicem obtinet, nisi forte aut imperialis jussio eam cogat, aut prolixitas itineris id facere minime permittat.* Vel si feudi nomine teneatur præstare fidem & hominum domino feudi, nec admittatur per Procuratorem: tunc licet ei egredi e monasterio cum honesto comitatu, ita ut præstito hominio statim revertatur ad monasterium. Et ne sit occasio egrediendi, si Dominus feudi sit spiritualis, præstetur hominum per Procuratorem. Cap. *Periculoso. de statu regular.* in 6. vel ob publicam causam, ex mandato Pontificis, ut in vrbe grassante lue indicta a Gregorio Magno solemni letania, pestis arcendæ gratia, Abbatissis & Monialibus mandatum ut hujusmodi letaniæ adessent. Gregorius Turonensis libro 10. capite 1. *Omnes Abbatissæ cum Congregationibus suis egrediantur ab Ecclesia sanctorum Martyrum Marcelliani & Petri cum Presbyteris regionis primæ.* Extra causam Abbatissis & Monialibus non licet egredi monasterio. Claustrum Monialium districte curarunt Episcopi Galliarum: inter eos maxime Ivo Carnotensis Episcopus epistola 10. ad Sanctimonialia Dunenses: *Ad hoc enim septa monasterii vobis facta sunt, ne mundi amatores intra castra mandum fugientiam recipiatis, ne ad publicum prodeatis, ac de corporali mundi visione tractis introsumus sæculi imaginibus, atque expugnata intus virginitate, corpus quoque corruptioni subijci permittatis.* Labente sæculo de clausuræ rigore multum remissum. De Genta Abbatissa Vallis-Floridæ Cisterciensis-Ordinis in Brabantia, narratur, quod aliquando Moniales suas solatiis seu relaxationis causa e monasterio educeret. Thomas Cantipratanus lib. 1. capite 10. artic. 3. *Si Moniales suas ad solatium educebat, in medio omnium considebat, & aliquid de Deo, vel de Scripturis, vel etiam de moribus proponebat.* Nec id vitio ducebatur, quia propter consuetudinem aberat scandalum. Tandem ex in-

V u ij.

observantia clausuræ Monialium nomine nimis labefactato, Bonifacius VIII. restituit clausuram, lege data, ut Ordinarium in monasteriis non exemptis ordinaria, in exemptis apostolica auctoritate clausuram tueri vel conservare, vel collapsam restituere valeat. d. cap. *Periculoso* in fin. quod repetitum est Concil. Tridentin. sessione 25. *De regular. capite 5. & Constitutionibus regis sancitum.*



C A P U T X.

Ut Monachi bini procedant.

DISCIPLINÆ monasticæ singulare & institutum est, ut Monachi extra monasterium non aliter quam bini procedant, ne scilicet careant teste conversationis. Et hujus instituti auctorem habemus Christum. Ad prædicandum Evangelium Christus Apostolos binos misit, Luc. 10. Marc. 6. Hieronymus in Marcum 11. in illa verba: *Misit duos ex discipulis suis. Bini vocantur, & bini mittuntur discipuli Christi, quoniam caritas non consistit cum uno. Unde dicitur: Vae soli. Augustinus quæstion. Evangelic. libro 2. capite 14. Quod autem binos mittit, sacramentum est caritatis, sive quia duo sunt caritatis præcepta, sive quia omnis caritas minus quam inter duos esse non potest. Idem Joannes Chrysostomus in Genes. capite 14. & Gregorius Homil. 17. Titum ad hoc comitem peregrinationis sibi ordinatum ait Paulus, 1. Cor. 8. ne sine testimonio. Sanctorum tanquam sibi videretur accipere stipes fidelium, quæ erant distribuendæ egentibus. Ab Apostolis hujusmodi institutum transit ad Monachos. A primis sæculis Monachi non aliter quam bini missi sunt extra monasterium. Rufinus de vit. Patrum libro 2. capite 31. Dixit ei beatus Antonius: *Vade ut videat te soror tua. Tunc assumpsit secum alium Monachum, & perrexit ad locum & domum sororis sue.* Auctor sermon. ad fratres in eremo sermon. 1. *Quando necesse est, ut aliqui ad sæculum vadant, caveant ne vadant minus quam duo vel tres.* Hac disciplina vsi sunt Benedictini.*

Capitulare Aquisgranense anno Christi 817. can. 15. *Ut soli sine alio fratre in via non dirigantur*, nimirum ut testem habeant conversationis & iudicem. Et hoc est quod dicitur, Monachos socium habere dominum. Thomas Cantipratanus libro 1. capite 18. *Vulgo dicitur: Miles in obsequio famulum, Clericus socium, Monachus habet dominum.* Inde forte suborta est parœmia vernacula: *Qui a compagnon a maistre.* Eadem etiam fuit disciplina inter Clericos. Concilium Turonense II. can. 20. *Quotiescumque Archipresbyter seu in vico manserit, seu ad villam suam ambulaverit, unus lector Canoniorum suorum, aut certus aliquis de numero Clericorum cum illo ambulet.* Etiam Episcopi ipsi Clericos vel Monachos electos in obsequio habere debent, ut sint testes conversationis. Synodus Romana habita a Gregorio I. anno Christi 595. cuius gesta extant apud eum libro 4. Indictione 13. epistola 44. *De qua re presenti decreto constituo, ut quidam ex Clericis, vel etiam ex Monachis electi, ministerio cubiculi Pontificalis obsequantur, ut n. qui in loco est, regimini habeat testes tales, qui vitam ejus in secreta conversatione videant, & ex visione sedula exemplum profectus sumant.* Can. Cum pastoris 2. quæstione 7. Et ante Synodus Romana in causa Symmachi statuit, Episcopos & Presbyteros secum semper contubernales habere, quos concellaneos seu cellulanos appellat; ne esset locus malignis suspicionibus: de quo Baronius ad ann. 498. Ethe-rium Lexoviensem Episcopum non sine testibus per noctem in lectulo cubasse, refert Gregorius Turonensis libro 6. capite 36. *Etherius Lixensis Episcopus in stratum suum quievit, habens circa lectum suum multos lectulos Clericorum.* Foris revertentes ad monasterium fratres humi prostrati ad pedes Abbatis, ab eo benedictionis gratiam petebant, ut si qua extra monasterium labes contracta erat, expurgaretur hoc genere penitentia. De Mena refert Joannes Climacus scilicet. 4. ἀνιλάττοντα αὐτὸν ἐν τῇ ἡγουμενείᾳ, καὶ βαλόντα μετὰ τοιαύτης ἰατρίας τῇ ἡγουμενείᾳ, ὥστε αὐτοὶ τι λάβειν συνήθως ἰκετόδοντα, εἰασεν αὐτὸν οὕτως χαμαὶ κείμενον ἄχρι τῆ κανόνος ὥρας. Reverentem alicunde domum, & vespere ad modum penitentis ante pedes Præpositi prostratum, & ex more gratiam benedictionis petentem, sic humi abjectum Pater reliquit usque ad horam canonis.

CAPUT XI.

Monasteria duplicia vetita.

QUO disciplina monastica tuta sit, & turpium suspicio-
num tollatur materia, vetantur monasteria duplicia,
id est, communia virorum & mulierum, Constitutionibus
Justiniani, L. *Sanctissimarum*. C. *De Episc. & Cleric.* Novell.
123. capite 36. Synodo Nicæna II. can. 20. & Constitu-
tione Gregorii I. Can. *Diffinimus*. can. *In nullo* 18. quæst. 2.
& apud Gregorium libro 4. epistola 20. Indictione 4. Hu-
jusmodi monasteria quæ erant in Compostellana provincia,
sustulit Paschalis II. epistola 10. ad Didacum Compostella-
num Episcopum, quæ est anni Domini 1105. *Illud omnino*
incongruum est, quod per regionem vestram Monachos cum San-
ctimonialibus habitare audimus: ad quod refecandum experientia
tua immincat, ut & qui in presbiteriarum simul sunt, divisis lon-
ge habitaculis separentur, prout arbitrio & religiosorum virorum
consilio melius visum fuerit, neque in posterum consuetudo hujus-
modi presumatur. Ne Sanctimoniales vna cum Monachis vel
Canonicis regularibus in eadem Ecclesia & choro conven-
niant officii canonici gratia, vetuit Innocentius II. in Sy-
nodo Romana can. 27. *Simili modo prohibemus ne Sanctimo-*
niales simul cum Canonicis vel Monachis in Ecclesia in uno cho-
ro conveniant ad psallendum. Can. *Perniciosum* 18. quæstione 2.
Anno Christi 1148. Joannes Gilbertus de Semplingham Ang-
lus, plura construxit monasteria communia servorum & an-
gillarum Dei, de consilio Bernardi Abbatis Clarevalensis,
si credimus Guillelmo Neubrigensi rerum Anglicarum li-
bro 1. capite 16. & inter velatas sepultus est anno Domini
1183. Rogero Hovedeno in Henrico II. Verum harum fa-
ma non pepercit Nigellus ejus ævi Satyricus:

Harum sunt quædam steriles, quædam parientes,

Virgineoque tamen nomine cuncta regunt.

Quæ pastoralis baculi dotatur honore,

Illæ quidem melius fertilisque parit.

submisſe, neque alte, vt refert, idem capite 20. Joannes ex Epifcopo Monachus per annos ſeptem & quadraginta jüge ſilentium coluit: vnde Silentarius dictus, teſte Cyrillo Monacho in ejus vita apud Surium 13. Maii. Inde & Monachos a ſilentio & quiete, quæ Græcis *ἡσυχία, ἡσυχασμός* dici placuit Novell. Juſtin. 5. & 133. Silentium adeo eſt primus gradus diſciplinæ, vt Cifterciienſibus indiſtum, ſit perpetuum ſilentium intra annum probationis. Caſarius de Miraculis libro 4. capite 46. *Magiſter quidam Pariſienſis ad Ordinem noſtrum venire deſiderans, ſilentium primi anni ex quadam puſillatimitate mentis ita timuit, vt Ordinem nigrorum intraret, ibique probationis annum compleveret. Solitudo jüge ſilentium ad- jecere Cartuſiani, velut condimentum orationis. Bernardus epiſtola 11. ad Cartuſienſes: Verebar nimirum ſanctam quam in Domino habetis, importunis ſcriptitationibus infeſtare quietem, jüge illud veſtrum ſacrumque ſilentium a ſeculo, ſuſurrum cum Deo vel ad modicum interrumpere, noſtraque ingerere auribus ſecretis penitus occupatis ſupernis eulogiis. Apud Benediſtinos ſilentium ſuis horis & locis qua par eſt religionē ſervari moris fuit. Innocentius III. in cap. Cum ad monaſterium de ſtatu Monachor. Ad Abbatem & Monachos Sublacenſes, quæ fuit prima domus in qua initia religionis poſuit Benediſtus: In oratorio vero, reſectorio & dormitorio continuum ſilentium ſervetur. Silentium indicitur in oratorio, id eſt, in Eccleſia, per tempus divini offici: ideo Abbas pſallentes, ſi forte a modo pſallendi aberrarent, plauſu quem manu edebat, coercere ſolebat: non voce, ne in ſacris ſilentium infringeret. Caſſianus de inſtitutione Cœnobitarum libro 2. capite 11. Denique ſi quiſpiam juniorum vel pro ſervore ſpiritus, vel pro eo quod necdum inſtitutus eſt, cœperit modum decantationis excedere, pſallentis progreſſio ſenioris interdicitur plauſu, quem dans manus ſua in ſedili quo ſedet, cunctos facit ad orationem conſurgere. Adimpleto officio, vt fratres ad cellas ſuas redeant cum ſilentio, præcipit régula Benediſti capite 52. Expleto opere Dei, omnes cum ſummo ſilentio exeant, &c. Silentium etiam aque imperatur in menſa ac in reſectorio, quo interim ſacra lectio attentius audiatur, nec quicquam momenti vacet a Deo. Caſſianus de inſtitutione Cœnobitarum libro 4. capite 17.*
Apud

Apud *Aegyptios* enim, vel maxime *Tabennesiotas*, tantum silentium ab omnibus exhibetur, ut cum in unum tanta numerositas fratrum refectiois obtentu confederit, nullus nec mutire quidem audeat præter eum, qui sua *Decania* præst: qui tamen si quid mensæ superinferri vel auferri necessarium esse perviderit, sonitu potius quam voce significat. Inde regula *Benedicti* capite 38. Summumque silentium fiat ad mensam; ut nullius mussitatio vel vox, nisi solius legentis, ibi audiat. Inde ne in mensa silentium effringeretur, Abbas fratres per signa & nutus revocabat ad preces. *Joannes Climacus* scal. 4. *καὶ γὰρ οὐδὲ ἐν αὐτῆς τῆς πρῆτης, τῆς ποσῆς ἐργασίας, ἐπαύσιος ἐπαύσιον. σημειωμένῳ δὲ ἔστι τῷ ἀγνώστῳ & πῶματι τῆς & ἡσυχίας ταυτοῦ θεοσευχῆς ὑπερμυστικῶν οἱ μαρτύριοι.* Ne dum ad mensam accumbent, ab celestium rerum meditatione animum remittebant: nam more quodam per occulta signa & nutus perbeati illi seipso in animo ad preces revocabant. Silentium & cuique præscribitur in cella. *Joannes Chrysostomus* in primam ad *Timoth.* Homil. 14. *ἕκαστος ἐν ἑαυτῷ δοτοταλμῶν ἐν λαῶν, ἡσυχίας σπουαυτὸς ἀοκῇ.* Unusquisque vero præstitum habens domicilium, silentio perpetuo studet. Silentium etiam in ipso manuum opere teneri religio fuit. *Augustinus* de opere *Monachorum* capite 3. Et quemadmodum dicit: (*Paulus*) *Præcipimus & obsecramus in Christo, ut cum silentio operantes panem suum manducent; non disputent contra manifestissima verba Apostoli, quia & hoc pertinet ad silentium, cum quo debent operantes manducare panem suum.* Ideo in statutis, quæ edita sunt pro reformatione *Benedictinorum* Concilio *Londinensi* 1238. silentium statis horis & locis restituitur, & usus signorum apud *Matthæum Paris.* Item statuimus quod silentium semper in debitis locis, temporibus & horis statutis observetur, & signa scire studeant omnes necessaria. Et apud *Cistercienses* operæ & alia officia regularia ob studium silentii indicebantur per signa & tabulæ sonitum: *Casarius* de *Miraculis* libro 5. capite 6. *Fratribus ad laborem post Capitulum preparatis, cum starent circa auditorium, & expectarent tabulæ percussione, essentque aliqui ex eis remissi per otiosam signorum consignificationem.* Inde & ne silentium evertatur multiloquio, *Monachi* occurrentes salu-

tant duabus oculis Deo gratias, tenore parvulis, sensu & caritate latissimis. Augustinus in Psalm. 132. *Hi etiam insultare nobis audent, quia fratres cum vident homines, Deo gratias dicunt. Quid est, inquiunt, Deo gratias? Itane surdus es, ut nescias quid sit Deo gratias. Qui dicit, Deo gratias, gratias agit Deo. Vide si non debet frater Deo gratias agere, quando videt fratrem suum: non enim non est locus gratulationis, quando se invicem vident, qui habitant in Christo.* Inde regula Patris Benedicti capite 66. *Et mox ut aliquis pulsaverit, aut pauper clamaverit, Deo gratias respondeat, aut benedicat.*




CAPUT XIII.

Cilicium interior tunica Monachorum. Notantur qui exterioriorem gestabant.

INTER monasticæ disciplinæ exterioris instrumenta maximum locum tenet cilicium: sic vocant interiorem tunicam e pilis camelorum vel caprorum contextam, quæ Monachis, quorum vita est perpetua pœnitentiæ ratio, optime convenit, quia cilicium est signum pœnitentium. Hieronymus in Zachariam capite 13. in illa verba: *Confundentur Prophetæ, & induentur pelle cilicina.* Hic enim erat habitus Prophetarum, ut quando populum ad pœnitentiam provocabant, induerentur cilicio. Et idem ad Lucinium Bœticum: *Ciliciola quotidiana symbola pœnitentiæ.* Quocirca pœnitentibus ab Episcopo cilicium super caput imponebatur. Concilium Agathense can. 15. *Pœnitentes tempore quo pœnitentiam petunt, impositionem manuum & cilicium super caput a Sacerdote, sicut ubique constitutum est, consequantur.* Et idem Concilium capite 9. *Episcopus cum lacrymis pro eorum absolutione decantet: tunc resurgens ab oratione, juxta quod canones jubent, manus eis imponat, aquam benedictam super eos spargat, cinerem prius mittat, deinde cilicio capita eorum operiat.* Can. Pœnitentes. can. In capite 50. distinct. Exterior vestis veterum Monachorum fuit pellicea,

interior cilicina. Hac vsus Antonius vitæ cœnobiticæ signifer. Athanasius in ejus vita: τὸ δὲ ἱνδυμα εἶχεν, ἔσθην μὲν περιζώνιον, ἐπάνω δὲ διρμάντων, ὃ ἔ' ἦεν πολὺ τῆς περιζώνης. *Veste amiciebatur interiore cilicio, exteriore pelle, quam ad vitæ finem usque servauit.* Cilicio vsi Monachi Orientales, ex regula quam eis tradidit Basilii regul. brevior. interrog. 90. ἢ μὲν τῇ περιζώνῃ χροῖσι χαμευτὴ ἔχει ἰδίους· οὐ γὰρ χροῖας σωματικῆς ἔτεκεν ὅσιν ἢ πύτων χροῖσι, ἀλλὰ κακουχίας ἔ' ταπεινώσεως ψυχῆς. Sane cilicini vsus habet opportunitates suas: neque enim ad necessitates corporis comparatus est, sed ad macerationem & afflictionem animæ. Joannes Chrysostomus in Matthæum Homil. 69. καὶ ἡ σοφία δὲ αὐτοῖς τῆς ἀνδρείας ἀξία, πῶς μὲν δὴ περιζώνει αἰγῶν, τοῖς δὲ δὴ περιζών καμήλων· εἰσὶ δὲ οἷς καὶ δίσματα, ἤρκασιν μόνον, ἀλλὰ καὶ ὅσα παλαιὰ πιπτονότα. *Amictus autem ipsis fortitudini suæ conueniens est, etenim alius caprarum, alius camelorum pilis vestes confectæ sunt: multis coria solum, & ex vetustate consumpta satisfaciunt.* Cilicio vsum Hieronymum, testis est Augustinus epistola 205. *Cilicino sacco carnem veluti Æthiopsis macerans, desuper panno vilissimo se tegebat.* Et Barlaam Monachus Regem Indorum alloquens, apud Joannem Damascenum in ejus vita capite 18. *Vestes autem nobis ex asperis ciliciis & otium pellibus sunt vetustæ ðmnes, atque ex variis pannis consutæ, imbecillam nostram carnem atterentes.* Sic Nicephorus Phocas, quo suspicionem affectati imperii a se amoveret, apud Bringam quendam suadendo sese de vita monastica cogitare, vestem solvit, & interius cilicium ei ostendit. Zonaras in Romano puero: ἔ' τοῖς λόγοις πᾶν ἑστῶτον, δειξάς αὐτῷ ἑκάστος τὸ περιζώνον ὃ ἐν χειρὶ φέρεται, τῇ δὲ ἑστῶτον αὐτῷ παθεῖν ὁλοῦ καλυπτόμενον. *Et verbis fidem fecit, ostensa lacerna e pilis contexta, quam nudo corpore cæteris vestibus relictam gestabat.* Idem Cedrenus pagina 532. Aphthonius ex Abbate Episcopus, nec vestem monasticam, nec cilicium deposuit: Theodoritus de vit. Patrum capite 7. οὐτε τὴν ἀσκητικὴν ἐσθλὰ ἔχας σούσαν, οὐτε τὴν ὅλῃ αἰγῶν περιζών καπνοδυσμαίνον χιτῶνα. *Nec pallium mutans asceticum, nec tunicam caprarum e pilis contextam.* Romanum depingit idem capite 11. ὃ ἐν περιζών ἑστῶτον καλυπτόμενον, *cilicina veste amictum.* Et Paulus Dia-

conus libro 22. *At alii monachico schemate atque cilicino vestimento contegebantur.* Cilicio carnem afflictarunt & Monachi Occidui, ut discipuli beati Martini, de quibus Severus Sulpitius in ejus vit. capite 7. *Plerique camelorum sesis vestiebantur, mollior ibi habitus pro crimine erat.* De Monachis Caprarie insulæ idem insinuat Augustinus epistola 81. ad Eudoxium. *Eustathius, inquit, nec Caprariam desiderat, quia nec cilicio jam querit indui.* Et in vita beati Thomæ Cantuariensis. capite 14. *Habitu monachali cum cilicio suscepto.* Et mirabile quod narrat Thomas Cantipratensis. libro 2. capite 28. Beatam Virginem refarciisse cilicium ejusdem Thomæ Cantuariensis. Cilicium erat interior vestis Monachorum: & damnantur quidam qui id exterius gestabant, propter vitium elationis. Joannes Cassianus de institutione Cœnobitarum libro 1. capite 3. *Quamobrem cilicinam vestem, velut circumspectam cunctis atque notabilem, & qua ex hoc ipso non solum nulla spiritui possit emolumenta conferre, sed etiam elationis concipere vanitatem, quamquam ad necessarij operis exercitium, in quo Monachum semper impigrum expeditumque oportet incedere, inhabilis atque inepta, omnimodis refutarunt.*



C A P U T X I V.

Monachi catenis ferreis vincti.

PRÆTER cilicium alii etiam ferro & catenis palam corpus vinciebant, quod valde notatur a Patribus, propter suspicionem cenodoxiæ, quæ facile ex his irrepit. Hieronymus ad Eustochium: *Viros quoque fuge, quos videris catenatos, quibus feminei contra Apostolum crines, hircorum barba, nudum pallium.* Idemque ad Marcum Presbyterum: *Quid facit sub tunica penitentis regius animus? catenæ, sordes & coma non sunt diadematis signa, sed fletus.* Epiphanius in Synopsi fidei de Monachis: *ἀσπίς δὲ καὶ τὸ κλινοῖς περιέβαλ. Inducens est vinculis collo inditis incedere.* Joannes Chrysostomus

libro 3. adversus vituperator. vitæ monasticæ : ὁ γὰρ τὸ το καὶ
 ἡμῖς ἐπὶ τῶν ἱερῶν ἡλικῶν, οὐχ ἵνα σάκκον ἀπαλὰς περιβάλλων-
 ται, οὐδὲ ἵνα κλοῖα περιδύνται, ἀλλ' ἵνα πρὸς τῇ ἁλλῶν ἀπαι-
 τῶν φύσει μὲν καλῶν, ἔλονται δὲ ἀριστῶν. Quocirca nos ad de-
 sertum pertrahimus, non ut cilicio induantur, torquesque ferreos
 sibi circumdendent, aut cinerem substernant solum, sed ut imprimis
 vitia effusoriant, eligantque virtutes. Et Apollo Anachoreta
 apud Palladium Historiæ Lausiacæ capite 52. notat τοὺς τὰ
 σιδηρεὶ φέροντας, καὶ τοὺς κομάντας, eos qui ferrum gestarent, &
 comam promitterent. Et Apollonius apud Rufinum de vit. Pa-
 trum libro 1. capite 7. Culpabat sane valde eos qui vel comam
 capitis nutriunt, vel ferrum in collo circumserunt, vel aliquid
 tale, quod ad ostentationem hominum fieri videatur, gerunt. Eu-
 sebius & Jacobus Monachos ferri mole laborantes de-
 pingit Theodoritus de vit. Patrum capp. 3. 4. & 21. Damia-
 nus Polychronii discipulus ferrum gestare abnuitt, veritus
 ne inde animo superbia intumesceret. Idem capite 24. In
 Gallia Hospitius inclusus catenis quas ad cutem gestabat,
 cilicio superinduebatur, ne apparerent. Gregorius Turo-
 nensis libro 6. capite 6. Fuit autem apud urbem Nicensem eo
 tempore Hospitius reclusus magnæ abstinentiæ, qui restrictus
 catenis ad purum corpus ferreus, induto desuper cilicio, nihil aliud
 quam purum panem cum paucis dactylis comedeat. Idem Pau-
 lus Diaconus de gestis Longobardorum libro 3. capite 1. Fer-
 reis catenis collum, manus & pedes vinctus egit S. Senoch.
 Gregorius Turonensis de vit. Patrum capite 15. apud Su-
 rium 24. Octobris : Rigorem vero hiemis sine ullo pedum te-
 gmine pati contentus erat, manibus ac pedibus simul & collo
 ferrea catena revinctus. Ferreorum vinculorum usum jam
 desuetum restituit Dominicus, inde dictus Loricatus, quia
 ferrea lorica ad carnem indutus, per tria lustra ferreis vin-
 culis corpus & brachia vinctus vitam toleravit. Petrus Da-
 miani in ejus vita capite 9. apud Surium 14. Octobris : Hic
 denique a tribus circiter annorum lustris lorica ferrea vestitur ad
 carnem, duobus autem ferreis circulis in corpore cingitur, duobus
 item per brachiorum arcos arctatur. His exemplis Willelmus
 Dux Aquitanicæ stupendum genus poenitentiae egit, lorica

ferrea ad carnem, & desuper cilicio indutus, & casside ferrea caput tectus: sed hæc omnia magis miranda quam imitanda. In Monachis damnatur singularitatis studium, utpote de inanis gloriæ vitio suspectum. Cassianus de institutione Cœnobitarum libro 11. capite 18. *Quicquid etiam in conversatione fratrum minime communis usus recipit vel exercet, omni studio ut jactantiæ deditum declinemus, & ea quæ nos possunt inter ceteros notabiles reddere, ac veluti solis facientibus laus apud homines sit conquirenda, vitemus.* Hinc affectationis quosdam Monachos notat idem collatione 8. capite 3. qui male interpretantes illud Evangelii: *Qui non accipit crucem suam, & sequitur me, non est me dignus; fecerunt sibi cruces ligneas, easque jugiter circumferentes, non adificationem, sed risum cunctis videntibus intulerunt.*



C A P U T X V.

Usus disciplinarum notus antiquis Patribus, restitutus a Petro Damiani. Disciplina vapulatio in Capitulo.

QUANTUM fovendæ disciplinæ regulari conducatur quotidiana, vel saltem frequens corporis flagellatio, vel ex hoc vno intelligere est, quod ea disciplinæ nomen accipit. Ejusmodi spontanæ castigationis usum exemplo commendavit Paulus: de se ipso testatur is, 1. Cor. 9. *Castigo, inquit, corpus meum, & in servitutem redigo.* Hujus generis castigationis auctorem agnoscit Paulum Gregor. Nazianzen. oratione 16. *καλὴν ὑποπίσµον τοῦ σώματος, καὶ παιδείαν τοῦ Παύλου ἑαυτὸν ἐπὶ πειρασµῶν.* Pulchra res corporis castigatio, & persuadeat tibi Paulus se ipsum pedagogizans. Disciplinarum usum non ignotum fuisse Patribus Ægyptiis, credendum est, vel hoc argumento quod fertur a Palladio Historiæ Lausiacæ capite 6. & Heraclid. Paradif. capite 2. in Ecclesiâ Nitrienfî tres fuisse palmas, e quarum vnaquaque pendebat flagellum: vnum ad correctionem Monachorum, al-

terum ad coercitionem latronum, tertium ad correctionem peregrinorum. Antiquum disciplinarum usum defuetudine sublatum restituit, ac Cassinensibus suasit Petrus Damiani. Leo Ostiensis Chronic. Cassinensis libro 3. capite 21. Dominus Petrus Damiani ad monasterium Cassinense veniens, cum verbo pariter & exemplo quoscunque posset ferventer accenderet; tandem permissione D. Abbatis ab omni Congregatione obtinuit, voluntaria oblatione in remissionem peccatorum omnium, ut sexta feria per totum annum pane & aqua contenti, disciplinam singuli sancta confessione perciperent: insuper & triduanum jejunium in capite Quadragesimæ per annos singulos agerent. Et Damianus ipse Opusculo 43. ad Monachos Cassinenses: Observatio sextæ feriæ, dilectissimi, cui vestra sancta devotio dedicavit & jejunii salutaris inediam, & Apostolicorum verberum disciplinam, quot hominum multitudines ad exemplum salutis attraxerit, & tanquam novella divina plantationis olivæ, in exuberantium germinum propaggines pullulaverit, testes sunt non modo monasteria vestra, hoc est, quæ suorum exudent imitari vestigia magistrorum, sed & multitudines urbium atque villarum, quæ se communiter ingerentes atque latantes, id ipsum plausibiliter arripiunt institutum: adeo ut plerique præ devotionis ardore concepto, nisi quantocumque hujus observantiæ suscipiant regulam, non levem se reputent propria salutis perferre jacturam, nullatenus ambigentes, quia dum die Veneris per corporalem alimentorum se continentiam maculant, passioni Redemptoris in veritate communicant, atque ad Dominicæ resurrectionis gloriam se pervenire non inaniter credunt, dum Christo in cruce pendente, ipsi quoque suæ carnis illecebras per abnegatæ refectiois patibulum crucifigunt. Idem libro 5. epistola 8. Quod igitur de monachi Ordinis exercitiis scripsi, & scoparum præcipue disciplinis Monachus Monacho specialiter misi, nec laicorum, siue etiam Clericorum notitiæ prodenda mandavi. Urbici autem Eremitæ, forenses videlicet Solitarii, Monachi universales, id solum machinati sunt de medio styli currentis excerpere, quod scandalum posset monachi fervoris arcana nescientibus generare. Sed testes mihi sunt fratres, qui sub institutione sanctæ regulæ regulariter vivunt, hoc me apicibus tradidisse, quod ipsi quotidie satagunt operibus exer-

cere. Idem libro 6. epistola 27. ad Petrum Cerebrosfum Monachum : Hoc itaque disciplinae genus nequaquam modernis est studiis noviter adinventum, sed ex sacrae Scripturae potius auctoritate prolatum. Quod probat variis exemplis, Paulino inter alia, & infra : Nam & ante nos omnibus fere sanctis monasteriis hac disciplinae regula nequaquam fuit incognita, etsi non adeo frequentata : unde & singulos annos poenitentia millenis scopis redimere consueverunt. Tu quoque non disciplinae regulam, sed longioris disciplinae detestaris insaniam, nec improbas cum disciplina dici psalmum ; sed perhorrescis ut continuetur cum disciplina psalterium. Idem Opusculo 33. capite 3. ad Desiderium Cassinensem Abbatem : Sexta quoque feria vivifica cruci non inconvenienter adscribitur, qua scilicet dies pendens in cruce Domini glorioso sanguine purpuratur : qua die omnes fratres nostri, quos utriusque monasterialis Ordo connectit, hoc etiam ad cumulum propriae salutis adjiciunt, ut & se mactent in Capitulo vicaria collisione scoparum, & insuper celebrent in pane & aqua jejunium. Idem Leo Ostiensis Chronic. Cassinensis libro 4. capite 57. de quodam fratre : Nam singulis noctibus in cimiterio juxta sancti Apostoli Andreae basilicam nudus permanens, & psalmos canens, duris scoparum ictibus carnem suam affligere non desinebat. Intemperantem & indiscretum usum disciplinarum tamen non probat Petrus Damiani libro 6. epistola 34. ad Eremitas Congregationis suae : Non ignoret sancta vestra devotio, dilectissimi, quoniam disciplina ista scoparum, cui tam ferventer insistitis, sicut poterat moderata prodesse, sic agnoscitur indiscreta nocere : propterea scilicet corpora vestra viribus effricta deficiunt, sicut a quibusdam creditur, tot allisionibus tabefacta languescunt, nimirum cum nonnulli vestrum unum continuum, vel etiam duo psalteria quotidie cum disciplina decurrant. Disciplinarum usum suscipere & Cistercienses. Caesarius de Miraculis libro 1. capite 22. Nobilis adolescens Dominus Adolphus, nunc Episcopus Osnaburgensis, Canonici fuerat majoris Ecclesiae in Colonia. Hic cum tempore quodam ad Campum, domum Ordinis nostri, venisset, & post missam ad orationem in oratorio staret, vidit quomodo Monachi, tam senes quam juvenes, ad universa currentes altaria, ad disciplinas

plinas suscipiendas nudabant dorſa ſua, humiliter conſistentes peccata ſua. Ait, in oratorio, quia diſciplinæ vapulatio fiebat quibuſdam locis in oratorio, id eſt, in Eccleſia in qua oratio fiebat: aliis locis fiebat in Capitulo, qui erat locus correctionis, vel in ſecretis cellæ. Petrus Damiani d. epistoſta ad Petrum Cerebroſum: *Detestaris illas quæ ex more ſunt in Capitulo diſciplinæ.* Anſelmus Cantuarienſis libro 3. epistoſta 50. *Audivi a Dn. Abbate tuo, quod majoris meriti iudicas, cum Monachus ſe aut verberat, aut ab alio ſe verberari poſtulat, quam cum in Capitulo ex præcepto Prælati, non ex ſua voluntate, vapulat. Quid non ita ſicut exiſtims? Illud enim iudicium quod ſponte ſibi aliquis indicit regale; illud vero quod per obedientiam in Capitulo ſuſtinet monachicum, &c.* Et Thomas Cantipratenſis libro 2. capite 16. *Apud ſanctum Victorem Pariſiis in monaſterio Canonicorum regularium Magiſter Hugo Canonicus fuit, qui etſi vitæ valde laudabilis fuerit, in hoc tamen minus perfectè fecit, quod diſciplinam in ſecreto vel in Capitulo cum aliis pro quotidianis exceſſibus non accepit.*



CAPUT XVI.

*Humilitatis ſtudio commendatur in Monachis, μετῴποι,
proſtratio, oſcula pedum hoſpitum adventantium,
ſeſſio humi.*

DISCIPLINÆ regularis præſidium & arx munitiſſima eſt modèſtia & humilitas, qua nititur obedientia, vnum e tribus religionis votis. Hæc eſt magiſtra & fundamentum omnium virtutum. Joannes Caſſianus collatione 15. capite 7. *Humilitas eſt ergo omnium magiſtræ virtutum, ipſa eſt celeſtis adificii firmiſſimum fundamentum, ipſa eſt domum proprium atque magnificum Salvatoris. Ideo ſanctiores Monachi omni ſtudio vitabant omnes faſtus & oſtentationis illecebras. Fratres ſugillabat Abbas Machetes, quod cu-*

rationum gratia oleum benedicentes poscentibus sæcularibus darent, ob præsumptionis audaciam. Cassianus de institutione Cœnobitarum libro 5. capite 30: *Monachos qui Exorcistarum officium affectabant, quasi gratiam abigendorum demonum haberent, increpat. Idem d. capite 7. collatione 15. Quapropter numquam Monachus probos, nec morbo cœnodoxie vacuos, nostri majores esse dixerunt, qui semetipsos Exorcistas coram hominibus prostentur, & inter admirantium turbas, hanc quam meruerunt vel præsumpserunt gratiam, jactantissima ostentatione diffamant, sed incassum. Humilitatis studio pene insanientes Monachi accedentes ad seniores, ad eorum pedes provolvi solebant. Moschus Limonar. capite 105. ἐν μὲν οὖν βάλλων αὐτῶν τὴν μετανοίαν, λόγων ποίησιν ἀγάπῳ, ἀββᾶ. Die igitur quadam prostratus ante illum dixi: Fac caritatem, Pater. Leo Ostiensis Chronic. Cassinensis libro 2. capite 96. Surgentes tandem illi quatuor fratres, ac de more monasterii terræ humiliter prostrati, se solos, ignorantibus cæteris, hujus facinoris auctores fuisse confessi sunt. Monachi commendantes se precibus fratrum, ad eorum genua procidebant. Idem Ostiensis libro 4. capite 77. Tunc & Pontius Cluniacensis Abbas, ob amorem ac reverentiam sancti Benedicti, una cum duodecim fratribus Cassinense monasterium petiit, Abbatique nostri Gerardi provolutus vestigiis, dum perlustrasset officinas monasterii, dixit: Malletem Decanus esse Cassinensis, quam Cluniacensis Abbas. Demum fratrum omnium genibus provolutus, illorumque orationibus se intente commendans, Hierosolymam profectus est. Hospitum adventantium pedes osculabantur prostrati ad terram veteres Monachi. De Damiano Polychronii discipulo testatur Theodorus de vit. Patrum capite 24. οὕτως ἐστὶ τὸ φεῖνμα μέγιστον, ὡς ἰδεῖν τὸν ὡς αὐτὸν ἀφικνυμένων, αὐτῷ τὰ πόδια περιπαύσασθαι, καὶ τὸ μέταπον ἐπιπιδέναι τῇ γῇ, εἴτε σπαώτης, εἴτε χειροτέχνης, εἴτε ἀρχιεὶς εἶναι. Tanta est animi modestia, ut singulorum qui ad eum veniunt, pedes amplectatur, & terræ frontem imponat, seu miles, seu opifex is fuerit, seu rusticus. Inde regula Benedicti capite 53. Omnibus venientibus sive discedentibus hospitibus inclinato capite, vel prostrato omni corpore in terra,*

Christus in eis adoretur, qui & suscipitur. Et hoc genus prostrationis seu inclinationis, καταβολή Græci vocabant, quam in monasterio Cluniacensi ob multitudinem hospitum defuisse observari, tradit Petrus Cluniacensis libro 1. epistola 28. Tanta certe est adventantium fere semper frequentia, ut si omnibus inclinare, vel ante omnes prosterni oporteat, si omnibus manus & pedes abluere expediat, cum eis ab ortu solis ad occasum fratres omnes esse necessarium sit, & tam in metanæis, quam in ablutione manuum & pedum totam diem expendere. Alii etiam humilitatis studio, falso an vero, humi sedebant. Cassianus collatione 18. capite 11. Ille nequam annuens deprecanti, tantis se subjiciens afferebat flagitiis involutum, ut ne usum quidem hujus communis aeris capere mereretur: psithii quoque ipsius refugiens sessionem, humi potius residebat. Nec est quod mireris: hic erat pœnitentium habitus, etiam humi cibum capere solebant. Cæsarius de Miraculis libro 1. capite 42. Cum ad prandendum in terra more pœnitentium consedisent.





CAPUT XVII.

*Monachorum reverentia & obsequium erga Episcopos
& Presbyteros.*

SINGULARE quoque disciplinae monasticae rudimentum fuit, Monachotum observantia & reverentia erga Episcopos & Presbyteros, dum eis obedire, probari & placere gauderent. Christum Redemptorem omnium in Sacerdotibus & in Ecclesiae Throno sese cernere praeedicabat Pachomius Abbas, ut legitur ipsius vitae capite 27. Monachi colebant Episcopum ut dominum & rectorem: adventanti in monasterium occurrebant cum hymnis & psalmodia. Cum Ecclesias superioris Thebaidis lustraret beatus Athanasius Alexandrinus Episcopus, accedenti ad Tabennensem eremum properans occurrit Pachomius cum omnibus Monachis, & cum hymnis & psalmis suscepit Pontificem, ut narratur ipsius Pachomii vita d. capite 27. Idem fuit obsequium omnium Monachorum erga Episcopos. Hieronymus epistola ad Theophilum Episcopum Alexandrinum: *Ad adventum, ut reor, tuum non pavet turba Monachorum; sed gaudent, cum certatim tibi procedunt obviam, & de eremi latibulis exeuntes, sua te cupiunt humilitate superare. Quid eos compellit exire? Nonne amor tui? Quis per eremum separatos in unum cogit? Nonne tua dilectio? amari enim parens debet, amari parens, & Episcopus non timeri.* Monachi etiam parebant Episcopo ut domino & Praelato suo. Cum Athanasius exularet in monasteriis Aegypti, Monachi ei parebant ut Legislatori, ejus praecepta erant eis vice legum & tabularum Moysis: de quo Gregorius Nazianzenus oratione 21. *καὶ τὸ τοῦ νόμου αὐτοῖς, ὃ τὸ καίτοι ἰδοῦναι. Ἐ τὸ ἀπόστολοι πάλιν ὃ μὴ ἰδοῦναι καὶ πάλιν Μωϋσῆως αὐτοῖς τὰ καίτοι δογματά. Et eis lex erat, quod ei videbatur: & rursus interdictum, quod ei non placebat: & tabulae Moysis ipsis illius dogmata.* Monachi

egrediebantur e monasterio jussu Episcoporum, cum mater epistolas ab Episcopis ad Pachomium impetrasset, vt Theodorum ejus filium, qui erat vnus e Monachis Tabennensibus, videre liceret. Acceptis epistolis Pachomius fratrem evocavit, eique permisit, vt matri sui copiam faceret: de quo Theodorus de vit. Patrum libro 2. capite 34. Beatus autem Pachomius vocavit ejus filium Theodorum, & dixit ei: *Audivi, fili, quia mater tua advenit propter te; itaque propter epistolas Episcoporum qui scripserunt ad me, vade, & videat te mater tua.* Pior Monachus, etsi sacramento se obligasset e cella non egredi, tamen facile paruit Episcopo ad se eum evocanti. Sozomēnus libro 6. capite 29. Nicephorus Callistus libro 11. capite 37. Nathanael vnus e Patribus Ægyptiis, cum Episcopos, a quibus fuerat aditus, non esset discedentes profecutus, ob voti quo tenebatur e cella pedem non efferendi, religionem, & a Diaconis Episcoporum hac de causa argueretur: *ἔγω, inquit apud Palladium Historiæ Lausiacæ capite 18. τοῖς κυρίοις μου πρὸς ἐπισκοποὺς σέβω, & πάντα τὰς κλήρας τιμῶ. Ego dominos meos & Episcopos colo, & omnem Clerum.* Hieronymus ipse e Presbytero Ecclesiæ Romanæ Monachus, Episcoporum mandatis parere summo studio duxit. Testis ipse de se in Præfatione ad Chromatium & Heliodorum Episcopos: *Sed melius esse judicans Phariseorum displicere iudicio, & Episcoporum iussionibus deservire institi, vt potui.* Etiam Episcopis patuere Sanctimonialium secreta, velut extra omnem suspicionem positis. Theodorum Cyrensem Episcopum intra septa admiserunt Marana & Cita Inclusæ: *τῆς ἐκκλησίας τῶν ἀρετῶν τιμῶν, vt narrat de se ipse Theodorus de vit. Patrum capite 29.* Etiam Abbates ipsi provolvebantur ad genua Episcoporum. Extat apud Epiplanium init. libri adversus hæreses epistola Acacii & Pauli Archimandritarum, qua petunt hunc librum ad se mitti, & se excusant quod non possint ob valetudinem per se ipsum petere, & provolvi ad ejus genua, *αὐτὸν ὑποκλίνοντες πρὸς τοὺς πόδας σου.* Monachis post Episcopum primo loco erant Presbyteri. Singulis diebus dominicis Monachi conveniebant in Ecclesiam

vicanam, & a Parocho sacramenta petebant, vt liquet ex epistola Dionysii Areopagitæ ad Demophilum Monachum. Monachi etiam infimis Clericis se minores credebant, & ab ipsis benedictionem petebant tanquam laici. Theodorito id temporis Lectori, enixe oranti vt benedictionem daret, diu restitit Zeno Ascetes, æquius esse dicens, vt eam ab illo acciperet, *ἰδιώτῃ*, id est, laicum, se dicens, illum militem ob Lectoris officium. Testis ipse Theodorus de vit. Patrum capite 12.





ASCETICON

SIVE

ORIGINUM

REI MONASTICÆ

LIBER SEPTIMUS.



CAPUT I.

Varie appellationes Monachorum, Philosophi christiani, angeli, martyres, ἡγεμῶναι, Nonni, Patres, καδὲν ἐγὼ, Monachi sancti, Canonici, religiosi. Eremitæ arx Ecclesia, scala Paradisi.



PROXIMO libro expositis his quæ pertinet ad disciplinam regularem, de dignitate Monachorum quæ oritur ex pulcherrima eorum vitæ & conversationis ratione, proximum est hoc libro tractare. Monachi sanctissimo vitæ genere ita admirationem omnium sibi conciliarunt, ut omni honorum genere a populo affecti sint, & variis nominibus digniori-

bus cohonestati. Ob christianæ sapientiæ studium, quæ in eis elucebat, Philosophi Christiani dicti, & veræ Philosophiæ sectatores. Gregorius Nazianzenus oratione 3. *ὅς ἐστι παρ' ἡμῶν οὐ θαυμάσιος χηλιδάας, κ' μυριάδας, & ὅσα, κ' πύ-
ται ἐν θαυμασιώτεα φιλοσοφούντων ἐν παντὶ τῷ βίῳ. Infinitam
autem illam apud nos hominum multitudinem non miraris, qui
hæc his sublimiora philosophantur in omni vitæ genere. Idem ora-
tione 9. in fin. πάντα ᾗσιν ἱερίων, ᾗσιν φιλοσοφῶν, οὐδὲν δι-
σμοῖ κατὰ κατηχιδρίαν, μόντα κατηχιδρίαν ὅσα σάμαξα, καὶ οὐδὲ
αὐτὰ παντλας. Omnem chorum Sacerdotum, chorum Philosopho-
rum, nullo vinculo humo detentorum, qui sola corpora, ac ne ea
quidem tota, possident. Joannes Chrysostomus Homil. 17. ad
populum Antiochenum. μόντοι δὲ οἱ διὰ τῆς ἔργων ἀληθείας τῶν
φιλοσοφίας ἐπιδικανύμενοι. Soli vero qui per opera vere philosophiam
exercent. Isidorus Pelusiota libro 1. epistola 1. ad Nilum Mo-
nachum: οἱ μὲν ἄνθρωποι τῆς μοναχικῆς φιλοσοφίας κορυφαῖοι καὶ ἡγέ-
μονες. Sancti viri monastica philosophia principes & antesigna-
ni. Joannes Climacus scal. Paradis. grad. 27. βραχυτέροις τὸν
τῆς ἔνταος ἰσχυρίας φιλοσοφίας ἐπισκάνετοι. Pauciores qui veram so-
litariæ vitæ philosophiam exacte pernoverunt. Christianorum sa-
pientissimi. Procopius de bello Persico libro 1. τὸν πύργον δὲ
ἐν τῇ Χερσιανῇ οἱ σοφιστάται ἔλαχον, ὡς ἀπὸν καλὴν μοναχικὴν
τομίσαν. Turrem prope Hipponomum Christianorum sapientissimi
forte custodiebant, quos Monachos vocant. Idem angeli dicti, quod
in humano corpore angelicam fere & cælestem vitam duce-
rent. Theodoritus libro 4. capite 19. αἱ δὲ ἐν Αἰγύπτῳ τῶν τῆς
ἀγγελῶν πολιτίαν ζηλοῦσάντες τοὺς μὲν πολιτικὰς δουλοῦσιν ἀπὸ-
δράσαν, τὸν δὲ ἐν ἡμέρῳ δὲ περὶ εὐδαιμονίας βιοτῶν. Erant in Ægypto
homines qui angelicam plane vivendi rationem summo studio ex-
colentes, a tumultu ac strepitu civili se removerent, vitamque in
solitudine degere instituerent. Joannes Climacus scal. Paradisi
grad. 27. ἰσχυράς ἐστι τὴν τῆς ἀγγελῶν ἐκείνης. Solitarius est
terrestri forma angeli. Eosdem angelos & martyres vocat
Chrysostomus Homil. 8. in Matthæum: καὶ νῦν ἰδοὺ εἰς τὴν
ἐκκλῆσαν τῆς Αἰγύπτου, ὡς ἀδελφίστου παντὸς θελήν τὴν ἐρημίαν ταύτην
ὁφεί γνησινύμεν, καὶ ᾗσιν ἀγγελῶν μυρίους ἐν ἀδελφότητι γήματι,
& δυνάμει μαρτύρων, & συλλόγῳ πατρίων. Denique si quis nunc
ad Ægypti veniat solitudinem, paradiso quous omniem illam vide-
bit*

bit eremum digniorem, & innumerabiles angelorum cœtus in corporibus fulgere mortalibus, & populos martyrum, & choros virginum. Angelorum & Martyrum gloria simul coronantur Monachi tum ob vitæ puritatem, tum ob laborum & egestatis rerum omnium patientiam, & vitæ contemptum. Cæli cives propter certam pene spem cæli, quia in terris cælo & Deo perfuuntur. Chrysostomus Homil. in Matthæum 36. οἱ τῆς ἐρήμου πολῖται, πολλοὶ δὲ οἱ ἡδὲ εὐχατῶν πολῖται. *Hi dico eremi habitatores, imo vero cælorum cives. Θεραπευταί, medici, curatores, quia hoc vitæ genere curantur omnes passionibus, & vlcera animæ.* Dionysius Arcopagita de Hierarch. Eccles. capite 6. οἱ μὲν θεραπευταί, οἱ δὲ μοναχοὺς ὁρμαζόντες ἐκ τῆς τῆ Θεοῦ καθεύρας ὑπηρεσίας καὶ θεραπείας, καὶ τῆς ἀμειψίου & ἐνιαίας ζωῆς. *Alii cultores, alii Monachos vocantes a puro Dei famulatu & cultu, & individua & singulari vita. ἀσκηταί, exercitati, ob jugem exercitationem, per quam in genere virtutum proficiunt.* Gregorius Moral. 22. capite 20. in illa verba Psalmi 83. *Exercitatus sum, & defecit paulisper spiritus.* Exercitatione, inquit, crevit spiritus Dei in me, & spiritus hominis. Nonni, id est, sancti, ob studium sanctitatis quod profitentur. Arnobius in Psalm. 105. *Ille Monachus hoc egit, ille Clericus hoc, illa Sanctimonialis hoc, si ille qui sanctus vocatur & Nonnus, sic agit.* Et idem in Psalm. 140. *Et adulantes nobis invicem in presenti positi, sanctos nos vocamus & Nonnos.* Inde regula Benedicti capite 63. *Juniores autem Priores suos Nonnos vocent, quod intelligitur paterna reverentia.* Concilium Aquisgranense anno Christi 817. canon. 54. *Et qui preponuntur, Nonni vocentur.* Casarius de Miraculis lib. 1. capite 7. *Hæc mihi dicta sunt a Nonno Frederico Monacho, qui tunc præfens fuit.* Et idem capite 27. ejusdem libri: *Sicut mihi dicere solitus erat Nonnus Conradus senex Monachus noster.* Idemque libro 2. capite 3. *Audi quid mihi dixerit Nonnus Casarius Monachus noster, quondam Abbas Prumiæ.* Inde & Sanctimonialia pari significatione Nonnæ. Hieronymus ad Eustochium: *Et quia maritorum experta dominatum, viduitatis præferunt libertatem, Casta vocantur & Nonna.* Monachi etiam jam olim dicti Domni, modestiæ & humilitatis causa elisa voce Domini: & hoc proprium nomen fuit Abbati. Regula Benc-

dicti capite 83. *Abbas autem, quia vices Christi agere creditur, Dominus & Abbas vocetur, non sua assumptione, sed honore & amore Christi.* Ea ætate etiam ipsi Reges & Regina & Episcopi abstinere appellatione Domini & Domina, & maluerunt vocari Domni & Domna. Gregorius Turonensis libro 9. capite 20. in exemplo pactionis initæ inter Guntramnum & Childebertum Reges: *Cum in Christi nomine præcellentissimi Domni Guntchramnus & Childebertus Reges, & gloriosissima Domna Brunichildis Regina Andelaum caritatis studio convenissent.* Et idem capite 43. ejusdem libri ex epistola beate Radegundis ad Episcopos: *Domnis sanctis & Apostolica Sede dignissimis in Christo Patribus omnibus Episcopis.* Paulus Diaconus Historiæ Miscell. libro 22. *Gentis Francorum, quibus olim moris erat Domnum, id est, Regem secundum genus suum principari.* Honoris causa etiam Monachi dicti sunt Patres. Hieronymus in Matth. cap. 23. *Quæritur quare adversum hoc præceptum doctorem gentium Apostolus se esse dixerit, aut quomodo vulgato sermone, maxime in Palestina & Egypti monasteriis, se invicem Patres vocent.* Et idem libro 2. in epistola ad Galat. 4. *Cum Dominus noster in Evangelio præcipiat, nullum Patrem vocandum nisi Deum, nescio quâ licentia in monasteriis vel vocemus hoc nomine alios, vel vocari nos acquiescamus.* Eodem vsu Sanctimoniales, maxime Præpositas, Ammas seu Matres dici moris fuit. Palladius Historiæ Lausiæ capite 42. *καὶ πρὸς αὐτὴν εἰς τοὺς πόδας λέγει αὐτῇ· εὐλόγησον με, Ἀμμή.* Et infra: *Ἀμμή ἔστιν, οὕτως γὰρ καλοῦσιν τὰς πνευματικὰς μητέρας.* Et cadens ad pedes ejus dicit ei: *Benedic me Amma.* Est *Amma*, sic enim vocant matres spirituales. Monachos etiam utriusque sexus Græci καλογήρις vocant, pulcros senes, quod est nomen dignitatis, potius quam ætatis. Palladius Histor. Lausiæ cap. 103. *δουκρύσιος οὐδὲ καλογήριος. Λατρυματός* ergo pulcher senex. Et idem capite 137. de Amma Talida: *τῇ παύτῃς τῆς καλογήριου διδασκαλία, illius Calogera doctrina.* Dorotheus doctrin. 7. *τί ἔχει πρὸς τὸν θεὸν καλογήρις.* Quid hoc ad Deum, o Calogere? vulgo Calohiers: de quo Meursius in Gloss. G. B. in voce καλογήριος. Monachi sancti, Canonici regulares, quorum laxior est regula, religiosi dici solebant. Nicolaus I. in can. *Præfens* 20. quaestione 3: *Non*

enim putamus, quod absit, Canonicos religiosos a sanctorum Monachorum vita & consortio sejunctos. Monachi etiam utriusque sexus, quod toti Dei obsequio mancipati ab aliis vacant, servorum & ancillarum Dei nomen, quod est commune omnium fidelium, proprium fecerunt, ut passim occurrit apud Asceticos auctores. Denique Monachi, quod sine invidia dixerim, Ecclesiae decus & ornamentum, pulcherrimi flores & lapides pretiosi Ecclesiae sunt. Hieronymus ad Marcellam, ex personis Paulae & Eustochii: Certe flos quidam & pretiosissimus lapis inter Ecclesiastica ornamenta, Monachorum & virginum chorus est. Eremitus arx Ecclesiae, & scala qua ascenditur ad Deum. Gregorius Nazianzenus orat. 2. ubi queritur se de eremo raptum ad Episcopatum: καὶ τῆς ἡμετέρας ἀρεσπολιως ὑποπαύσαι τῆς ἐρήμιας, & ἐν ἡμῶν πάντων μέγιστον ἡσασταῖν, & ὡς συνερῶν μικτὴν τῆς θείας ἀναβάσεως, καὶ ὑποποδὶν ἀσφάλεστον ἡγάσθαι. Ad nos ab arce nostra extrahendos, hoc est, a solitudine, quam ego omnium maxime amplexus eram, ac velut cooperatricem, & matrem divina ascensionis, & deificantem admiratus eram.



CAPUT II.

Primis saeculis Monachi erant extra Clerum. Constitutione Syriaci hi in Clerum admissi. Cur Monachis imperatum mulieres & Episcopos fugere.

MONACHORUM dignitas suis aetatibus crevit: primis saeculis Monachi erant extra Clerum, & inter laicos censebantur. Hinc quaque die Sabbati & Dominicae una cum plebe conveniebant ad Ecclesiam proximae civitatis aut vici, a Presbytero loci sacramenta petebant, & una cum plebe communicabant. De Zenone testatur Theodorus de vit. Patrum capite 12. εἰς τὴν θείαν ἐκκλησίαν μὴ ἥβ' πολλῶν καὶ κυριακῇ ἡμέρᾳ ἐροῦσα, τε ἥβ' θείων ἐπαμῶν λόγων, καὶ τοῖς διδασκάλους ὑποπτεύει τὰ ἅλα, & τῆς μουσικῆς μεταλαμβανὼν τραπέζης, εἰς τὸ καμὸν ἐκεῖνο καταγῶγιον ἐπαίηται. Veniebat cum po-

pulo ad divinam Ecclesiam die Dominico, & divinos audiebat sermones, & aures praebebat doctoribus, & mystica mensa particeps factus redibat ad novum illud habitaculum. Joannes Cassianus de institutione Cœnobarum capite 26. Vidimus alium in solitudine commorantem, qui numquam se sibi soli indulgisse cibum testatus est; sed etiam, si per totos quinque dies ad ejus cellulam nullus e fratribus advenisset, refectiorem juxta distulisse, donec Sabbato vel Dominico die devota Congregationis obtentu procedens ad Ecclesiam peregrinorum quempiam reperisset. Idem collatione 7. capite 34. Quamobrem soporis modicum degustantes, discutiamus obrepentem oculis nostris vicina jam luce torporem, ac deinceps pariter ad Ecclesiam procedentes, quoniam nos hoc facere Dominicae diei solemnitas commonet, reversi post synaxim, ea quæ Dominus ad instructionem communem pro desiderio vestro largitus fuerit, duplicato gaudio conferamus. Inde notatur quidam Monachus nomine Horon, quod ad Ecclesiam non conveniret, ne quidem die Paschali. Cassianus collatione 2. capite 5. Et laudatur Paphnutius Abbas, quod jam senior die Sabbati & Dominica non desineret e cella millibus quinque distita venire ad Ecclesiam. Idem collatione 3. capite 1. de eodem narrat idem collatione 18. capite 15. Quod quidam e fratribus captato tempore quo Paphnutius ad Ecclesiam die Dominico processurus abesset a cella, furtim submisit codicem suum inter ejus plectas, ut eum furti accusarent. Itaque Monachi in Ecclesia stabant extra cancellos, qui erat locus Clericorum: ita tamen ut proximi starent, medii inter Clerum & plebem. Dionysius Arcopagita epistola ad Demophilum: τοῖς δὲ πνευματοῖς διακρινταῖς καὶ πόλαι τῇ ἀδελφῶν εἰσὶν ἀποκριμαίνου, καὶ οὐκ οὐδὲ πλουῶτα καὶ παριστῶσι, οὐ πρὸς οὐλακίῳ ἐπιστῶ, ἀλλὰ πρὸς ταῖς δὲ ἐπίγνωσιν ἑαυτῶν, μάλλον τὰ λαὸν ὄψα πρὸς ἱερατικοῦς πλησιάζοντες. Iis qui Monachi sunt ordinati, adytorum porta segregata sunt, juxta quas initiantur, & adstant, non ad custodiam, sed ut ordinem recognoscant suum, sintque ipsi populo propinquiores, quam hi qui sacra ministrant, & populo ipsi quoque magis Sacerdotibus accedentes. Et si is qui e vita excelsa, esset Clericus, ejus corpus deponeretur intra cancellos altaris: si vero Monachus aut simplex laicus, extra cancellos. Idem Ecclef. Hierarch. capite 7. εἰ δὲ τοῖς διαγιν

μοναχοῖς, ἢ τῶν ἱερῶν λαῶν κατατάσσων, ὡς δὲ τὸ τίμιον ἱερατεῖον αὐτὸν καταλαμβάνει περὶ τῆς ἱερατικῆς ἰσχυροσύνης. Sin autem sacris Monachis sanctotum populo annumeratus erat, cum ad veneratione dignum chori locum collocat, ante Sacerdotum introitum. Et cum Dominica die Monachi accederent ad Ecclesiam, faciebant oblationes tanquam laici. Hieronymus ad Heliodorum: *Alia causa est Monachorum, alia Clericorum. Clerici pascunt oves, ego pascor: illi de altario vivunt, mihi quasi infructuose arbori, securis ponitur ad radicem, si munus ad altare non deferro.* Et dæmon specie pueri qui agebat asinum, panem in sporta ferens, interrogatus ab Abbate Nathanael, quidnam esset, respondit: ἐγὼ δὲ εἰμι τὸ δὲ τῶν μοναχῶν τὸ μὴ λαῶν, ἔσθ' αὖτοις ὑποφέρειν, ἐπειδὴ ἀγάπῃ ὄντι τὸ αὐτὸ ζωοῦμεν τὸ δὲ τῶν ἀδελφῶν, καὶ ὡς ἐκ τοῦ σαββάτου ἀφ' αὐτῶντος ἡμεῖς τῶν προσφορῶν. Ego sum hujus Monachi minister, & fero panes, quoniam est agape tui noti fratris, & cras illucescente Sabbato opus est oblationibus. Eorumdem canonica pœna erat, non depositio ut Clericorum, sed excommunicatio ut laicorum. Synodus Chalcedonensis can. 2. εἰ μὲν κληρικὸς εἴη, τὸ δίκαιον ἐκπιπείτω βαθμὸς· εἰ δὲ λαϊκός, ἢ μονάζων, ἀναθεματίζεται. Si sit quidem Clericus, proprio gradu excidat: si sit autem laicus vel Monachus, anathematizetur. Idem Synodus Nicænâ II. canon. 5. Synodus Ticinensis apud Aimoinum libro 5. capite 35. Parratores & incitatores hujus consilii, siquidem Clerici fuerint, deponantur: laici vero & Monachi perpetuo anathemate feriantur. Eadem de causa in censu Ordinum Ecclesiasticorum, Abbas locatur ultimus post Ostiarium, qui est infimus gradus Clericorum. Can. A Subdiacono 93. distinct. Hinc & Augustinus libro 2. de anima & ejus origine, Renatum Monachum appellat laicum. Et Hilarius Pictaviensis libro de Synodis, per laicos propositi superioris, Monachos intelligit, optima ratione, quia licet Monachi sint minores Clericis gradu & ordine, certe proposito sunt majores, quia eorum vita est scopus & exemplum perfectionis evangelicæ. Inde Monachos fratres boni propositi appellat Augustinus sermon. 1. de vita communi Cleric. Cæpi boni propositi fratres colligere. Et laicos velut proposito minores, laicos inferioris propositi vocat idem de opere Monachorum init. Professio regularis

scilicet est perfectius melioris vitæ propositum, quo spectantem Arlenium solitum sibi dicere: *Αρσένι, ποῦ ἐγὼ λήθης*: *Arzeni, ad quid venisti?* refert Dorotheus doctrina 10. Postea Monachi ne plebis contagio sordarentur, cœpere habere proprias Ecclesias seu oratoria, *Ληνίερα*, & vnum e gremio Presbyterum, is erat plerumque Abbas, vel vnus e senioribus. Augustinus de moribus Ecclesiæ Catholicæ capite 33. *Vidi ego diversa Sanctorum Mediolani, non paucorum hominum, quibus vnus Presbyter præerat vir optimus & doctissimus.* Sic Paphnutius fuit idem Abbas & vnicus Presbyter monasterii sui. Cassianus collatione 3. capite 1. *Hic namque Presbyter congregationis nostræ, id est, illius quæ in eremo Scythi morabatur, fuit, &c.* Et idem collatione 10. capite 1. *Ut præter Abbatem Paphnutium nostræ congregationis Presbyterum, nullus eam* (loquitur de epistola Theophili Alexandrini Episcopi) *cæterorum Presbyterorum, qui in eadem eremo aliis tribus Ecclesiis præsidebant, nec legi quidem aut recitari in suis conventibus prorsus admitterent.* Et nos dispari disciplina Pachomius Abbas, cum tot millia Monachorum sub ditione haberet, non ferebat quemquam inter eos esse, qui ad Clericatus ordinem promoveretur, vt legitur ipsius vitæ capite 24. Tandem excrecente multitudine Monachorum, vt consuleretur inde emergenti penuriæ Clericorum, Syricius Pontifex cum Monachis dispensavit, vt admitterentur ad Clericatum. Can. *Monachos* 16. quæstione 1. & post eum Gelasius I. Can. *Præfatus* 55. distinct. Ab eo tempore quamplures Monachi per tempora ab Episcopis etiam inviti in Clerum asciti, ob utilitatem Ecclesiæ, vt Macarius, Macedonius cognomine *Χριστόμαχος*, Arepsemas, Salomon, Iacobus, Longi fratres, & alii, de quibus Rufinus de vit. Patrum libro 2. capite 99. Theodoritus de vit. Patrum capp. 13. 15. 19. 21. Socrates libro 6. capite 7. Nicephorus Callist. libro 13. capite 10. Ægre tulere Patres, severioris disciplinæ studiosi, fratres suos Clericos fieri, & occasione Clericatus disciplinam relaxari. Ideo illorum sententia fuit Monachos duo inprimis fugere debere, mulieres & Episcopos: mulieres, ne earum consortio sordarentur; Episcopos, ne ordinarentur. Cassianus de institutione Cœnobitarum libro 10. capite 17. Mo-

nachos inani gloria accedentes ad Clericatum detestatur Cassianus de institutione Cœnobitarum libro 11. capite 14. *Numquam vero cœnobloxia Clericatus gradum & desiderium Presbyteris vel Diaconatus immittit, &c.* Sciebant divini Patres facile Clericatus gradu intumescere Monachos: ideo ne Monachi Clericatum ambiant, nec delatum respuant, suadet Augustinus epistola 81. ad Eudoxium: *Vos autem, fratres, exhortamur in Domino, ut propositum vestrum custodiatis, & usque ad finem perseveretis; ac si quam operam vestram mater Ecclesia desideraverit, nec elatione avida suscipiatis, nec blandiente desidia respiciatis, &c.* Can. *Vos autem* 16. quæstione 1. Idem fuit consilium Joannis Lycopolitæ, apud Rufinum de vit. Patrum libro 1. capite 1. *Sic ergo, filioli mei, neque fugiendum omnimodis dicimus Clericatum vel sacerdotium, neque rursus omnimodis expetendum. Ea ætate tamen quamplures Monachi fuerunt inter Clericos. Hieronymus ad Eustochium: Quod cum vidisset, occurrente sibi sancto & venerabili Episcopo Isidoro Confessore, & turbis innumerabilibus Monachorum, ex quibus multos sacerdotalis & leviticus sublimabat gradus.*



CAPUT III.

In Monachis ordinandis notabilia quedam.

CONSTITUTIONE Syrii Monachi ad Clericatum admissi sunt ob utilitatem Ecclesiæ, nimirum ob penuriam Clericorum. Can. *Monachos* 16. quæstione 1. can. *Cum pro utilitate*, eadem causa & quæst. Verum Monachi ab Episcopis non temere ordinandi sunt. 1. Non sunt ordinandi Monachi, nisi ætate maturiores & moribus probati. d. Can. *Monachos*. d. can. *Cum pro utilitate*. Hieronymus ad Rusticum: *Sic vive in monasterio, ut Clericus esse merearis. Multo tempore discas, quæ postmodum docens.* Et infra: *Si Clericatus te titillat desiderium, discas quod possis docere.* 11. Non sunt promovendi ad Ordines sine consensu & testimonio Abbatis. Can. *Monachi* 1. & 2. 16. quæstione 1. can. 1. & 2.

§8. distinct. Clement. *Ne in agro. §. penult. De statu Monachor.* Ideo desertores monasterii arcentur ab ordinibus, utpotè destituti testimonio Abbatis. Augustinus epistola 26. ad Aurelium : *Et ipsis etiam facilis lapsus, & ordini Clericorum sit indignissima injuria, si desertores monasteriorum ad militiam Clericatus eligantur, cum ex eis qui in monasterio permanent, non tamen nisi probatiores atque meliores in Clerum assumere soleamus.* Can. Legi 16. quæstione 1. Ne Monachi ordinentur sine testimonio Abbatis, optima ratione vetitum, ne vagi & desertores & nequiores ordinentur. Ideo in Concilio Arelatensi III. auditæ querelæ Lerinenfium adversus Theodorum Episcopum diocæsanum, statutumque a Patribus, ne Episcopus ex toto laicorum grege aliquem Clericum ordinare, nisi Abbate postulante præsumat. Et monasteriis Galliæ id privilegii a regibus dari moris fuit, ut sine Abbatis consensu, Monachi non ordinarentur ab Episcopo. Formular. Marculf. libro 1. tit. 1. Idem concessum monasterio Corbiensi privilegio libertatis a Bertefrido Ambianensi Episcopo. Idem habetur in privilegio a Gregorio I. concessio xenodochio & monasterio Augustodunensi : de quo Gregorius ipse libro 11. epistola 11. cujus pars extat in can. *Hinc est etiam* 16. quæstione 1. III. Monachi non possunt ordinari ab alio, quam proprio Episcopo. Concil. Carthaginens. V. can. 13. Synodus Carthaginensis can. 83. Can. *Si quis* §8. distinct. Hinc a Joanne Hierosolymitano Episcopo graves querelæ excitatæ in Epiphanium Salamynæ Cypri Episcopum ; quod Paulinianum fratrem Hieronymi in monasterio ipsius in Presbyterum ordinasset : de quo se excusat Epiphanius, propria epistola ad Joannem Hierosolymitanum, quæ est inter epistolas Hieronymi, quod Paulinianus esset ex monasterio fratrum peregrinorum, qui nihil ipsius provinciæ deberent, nimirum quia de aliena diocesi erant : & quod Hieronymus qui erat Præpositus monasterii, præ nimia humilitate non sustinebat sacra fratribus ministrare. Ante Tridentinum Concilium hoc sibi vindicabant regulares, præsertim Mendicantes, tanquam ex privilegio Apostolico, ut a quocumque Antistite ordinari possent. Sed hoc veruit Tridentinum Concilium sessione 23. de reformat.

reformat. capite 8. quo jubetur vt vnusquisque ordinetur a proprio Episcopo, nec ab alio promoveri possit, obtentu cuiusquam privilegii. Religiosi tamen ordinari possunt ab Episcopo, in cuius diœcesi situm est monasterium, in quo versantur. Cap. *Cum nullus. de temp. ordinat.* in 6. Rebuff. consil. 1. Barles & Eulogius Monachi Episcopi creati non vrbs alicujus, sed honoris causa in propriis monasteriis. Zozomenus libro 6. capite 34. Nicephorus libro 11. capp. 23. & 40. Id est, sine actu, sine administratione, ita vt nec Monachos proprios ordinare fas esset. Sic cum Adelbertus Pragensis Episcopus, sede sua pulsus, & Romæ Monachum professus, in Cassinense monasterium secessisset, a quibusdam e senioribus rogatus apud eos morari, non inutilis futurus, cum Ecclesias monasterii dicare, & Monachos ordinare posset, tanquam Episcopus valde moleste hoc tulit, nec dictis audiens fuit, ne ordini Episcopali injuria fieret. Leo Ostiensis Chronic. Cassinens. libro 2. capite 17. iv. Monachi quoque non sunt ordinandi sine examine. Can. *Si quis Monachus.* can. *Monachos.* can. *Monachi.* can. *Cum pro utilitate* 16. quæstione 1. Concilium Tridentinum sessione 23. de reformatione capite 12. cum aliquando etiam boni Monachi sint Clerici minores, & vt ait Augustinus in d. epistola 76. *aliquando etiam bonus Monachus vix bonum Clericum faciat.* v. Regulares quoque ante legitimam ætatem non possunt ordinari. Cap. vltim. *De tempore ordin.* in 6. Concilium Tridentinum loco mox laudato. Tamen Daniel Monachus ob merita puritatis & mansuetudinis, a Paphnutio Abbate, cum multis junior esset ætate, ad Diaconii officium vt ordinaretur prælatus est. Cassianus collatione 4. capite 1. Hodie ex privilegio Innocentii VIII. regulares anno vigesimo-tertio inchoato, imo vigesimo secundo impleto, possunt ordinari in Presbyteros, ac tandem vigesimo secundo incæpto.





CAPUT IV.

*E Monachis millia Episcoporum. Judicium Chrysostomi
de Episcopis e Monachis promotis.*

EX quo Monachi in Clerum asciti sunt, proximus eis gradus fuit ad Episcopatum, & certantibus votis popu-
lorum e monasteriis vocati sunt Episcopi. Ob famam vitæ
sanctitatis Athanasium, vnum e Monachis, ἵνα ᾦ ἀποκτείνῃ,
Alexandrinum Episcopum lectum scimus ex Synodi Alexan-
drinæ epistola, quæ extat apud ipsum Athanasium Apolog. 2.
de fuga. Et Athanasius idem e Monachis multos Episcopos
elegit, vt Serapionem, Agathonem, Ammonium & alios:
quibus exemplis Dracontium Monachum hortatur, vt susci-
piat Hermopolis, quæ est civitas Ægypti, Episcopatum, in
epistola ad eum scripta: οὐ γὰρ σὺ μόνος ἐκ μοναχῶν καταστάθης,
οὐδὲ σὺ μόνος ἀρχιεπίσκοπος μοναστηρίου, ἢ μόνος ἀπὸ μοναχῶν ἡγανή-
θης. *Neque tu solus ex Monachis constitutus.* E Monachis Ba-
silii & Gregorius Nazianzenus Ecclesiam illustrarunt. E
monasterio beati Martini Turonensis Episcopi infiniti pro-
pemodum emerfere Episcopi per totam Galliam. Sulpitius
Severus de vita sancti Martini libro 1. Discipuli vero octogin-
ta erant, qui ad exemplum beati Magistri instituebantur: plures-
que ex his postea Episcopos vidimus. Quæ enim esset civitas, aut
Ecclesia, quæ non sibi de Martini monasterio, cuperet habere Sa-
cerdotem? Idem Paulinus de ejusdem vit. libro 1.

*Denique mirati tantorum insignia morum
Confines populi, vicinaque mania, sanctos
Hinc sibi rectores studio certante petebant.*

E Lerinensi cœnobio pariter manarunt quamplures sanctis-
simi Episcopi, vt Lupus ex Monacho Lerinensi raptus ad
Episcopatum Trecensem. Sidonius libro 4. epistola 4. & li-
bro 8. epistola 14. & in ejus vita apud Surium Julii 29. Ma-
ximus ex Abbate Lerinensi factus est Episcopus Rhegiensis.
Dynam. in ejus vit. apud Surium Novembris 27. Honora-

tus idem primus Abbas & fundator monasterii Lerinenſis, poſtea Arelatenſis Epiſcopus extitit. Hilarius Arelatenſis ſerm. de vita & morte ejus apud Surium Junii 16. Eucherius ex Monacho Lerinenſi Lugdunenſis Epiſcopus. Teſtatur ipſe in libro de laudibus eremi, & Caſſianus collatione 11. in præfat. quam inſcripſit Honorato & Eucherio, a quibus prima anachoreſeos inſtituta ſe ſuſcepſiſſe fatetur. Hilarius quoque ex Monacho Lerinenſi fuit Epiſcopus Arelatenſis. Leo I. epiſtola 80. Hos omnes percenſuit Sidonius in carmine ad Fauſtū Reienſem:

— Quantos illa inſula plana
Miſerit in cœlum mentes, quæ ſancta Capraſi
Vita ſenis, juveniſque Lupi, quæ gratia Patrem
Manſit Honoratum, fuerit quis Maximus ille,
Urbeſ vel cujus Monachosque Antiſtes & Abbas
Bis ſucceſſor agis, celebrans quoque laudibus illis
Eucherii venientis iter redeuntis Hilari.

Hos intelligit Cæſarius Arelatenſis Homil. 25. ubi de monaſterio Lerinenſi: Si quos accepit filios, reddit Patres, & quos nutrit parvulos, reddit magnos: recte ſane, nam quamdiu in monaſterio ſunt, parvuli haberi debent & filii; & ubi adeo profecere, ut Clerici ordinari meruerint, & magni & Patres redduntur. Suum monaſterium habuit beatus Auguſtinus, e quo innumeros Eccleſiæ Africæ petiere Epiſcopos. Poſſidius in ejus vita capite 11. Ex monaſterio quod per illum venerabilem virum & eſſe & crefcere cœperat, maximo deſiderio poſcere atque accipere Epiſcopos & Clericos, pax Eccleſiæ atque unitas & cœpit primo, & poſtea conſecuta eſt. Antonius, vnus e diſcipulis Publii Abbatis, cum annos amplius 40. Monachorum choro præuiſſet, factus eſt Epiſcopus, ita tenax propoſiti, ut nec veſtem mutarit, nec cilicium, nec vivendi modum. Theodorus de vit. Patrum capite 5. Leontius ex Aſceta Ancyranus Epiſcopus. Præſidius multas pro Epiſcopo rexuit vrbes. Nicephorus Calliſtus libro 11. capite 41. Epiphanius quoque ex Monacho Salaminæ Cypri Epiſcopus. Idem eodem libro cap.

Theophilus Alexandrinus Epiſcopus Dioſcorum Monachum Sceti, quæ eſt in Ægypto, Hermopolis Epiſcopum conſtituit. Idem libro 3. capite 10. Euſtathius ex Monacho-

rum optimo duce Sebastensis Episcopus, cujus quidam esse ferunt, quæ Basilii Magni Ascetica dicuntur. Idem libro 15. capite 29. E beati Benedicti Ordine prodire quamplures Pontifices & Cardinales, & millia Episcoporum. Inde invitatus deductus est ad Pontificatum Gregorius Magnus: unde in epistola ad Leandrum Hispalensem Episcopum, quæ præponitur libris Moraliū, queritur se de portu & quiete monasterii translatus ad curas Pontificatus. Paulus Langius in Chronic. Citizenſi: Cujus rei testis est Joannes Papa ejus nominis *XXII.* qui industria sua studiosa in annalibus suorum reperit antecessorum, in Ordine nostro Benedictino fuisse Pontifices 24. Cardinales 183. Archiepiscopos & Episcopos 1464. Abbatē insignes quindecim millia. E Cisterciensi Ordine exiere Eugenius III. ex Monacho Clarevallensi & Abbate sancti Anastasii Romanus Pontifex, Stephanus Prænестinus Episcopus, Hugo Ostiensis. Vita Bernardi libro 1. capite 8. Sed & diversarum regionum civitates ex hoc collegio meruere Episcopos; inprimis Roma summo ornatur Pontifice: Præneste Stephanum habuit totius gloriæ virum: Ostia virum magnum Hugonem. Monachi e sæculo veniunt in monasterium, ut fruantur amplexu Rachel, id est, contemplationis Dei & orationis; & invitati ab Ecclesia transferuntur in amplexum Liæ, id est, ad curam ministerii Episcopalis: & hoc est quod ait Augustinus libro 22. contra Faustum capite 58. *Quis non videat hoc geri toto orbe terrarum, venire omnes ex operibus sæculi, & ire in otium cognoscendæ & contemplandæ veritatis tanquam in amplexum Rachel, & excipi de transverso ecclesiastica necessitate, & ordinari ad laborem, tanquam Lia dicente: Ad me intrabis, &c.* Feliciter Ecclesia multos e Monachis suscepit Episcopos: multos tamen se novisse qui ex bonis Monachis minores fuissent Episcopi, scripsit Chrysostom. de Sacerdot. lib. 3.



CAPUT V.

Monachi ab initio viles & contempti. In Monachis genus non spectandum. Monachi genere clariores.

AB initio Monachorum nomen vile & exosum erat propter vitæ asperitatem & rei novitatem, & vix quisquam, nisi de plebe, hoc vitæ genus amplectebatur. Hieronymus ad Principiam: *Nulla eo tempore nobilium feminarum moverat Romæ propositum Monachorum, nec audebat propter rei novitatem ignominiosum, ut tunc putabatur, & vile in populis nomen assumere.* Idcirco ut medela adhiberetur falsæ opinionis hominum, qui hoc vitæ institutum ex genere personarum spectabant, in Monachis genus minime esse spectandum, nec plebeios rejiciendos, ait Augustinus de opere Monachorum capite 22. *Non videtis ex quam vili conditione ad monasteria plurimi veniant, qui si non admittantur, grave peccatum est.* Et Monachos genere obscuriores in clariores viros evasisse, observat Chrysostomus in primam ad Timoth. Homil. 11. πολλοὶ γὰρ πολλὰς δὲ μικρὰν ὄντες, καὶ διτλάς, μάλλον μεταχειρίζοντες μόνον, & οὐδὲ τῆς ἀναγκῆς μόνος διαπορευόμενους τροφῆς, ἀπορηρίας μονάζοντος ἔχοντες, πάντων μᾶλλον ἐφαίνονται, ὥστε βασιλέων ἐπιμήθεσαν. ἀλλὰ μικρὰ ταῦτα. Nempe enim complures saepe obscuro loco nati, & qui victum antea manuum suarum labore quærebant, necessariisque alimentis egebant, quum se ad Monachorum vitam contulissent, illustriores omnibus evasere, atque a Regibus ipsis honorati sunt. Num parva ista putabimus? Primus e senatorio genere Paulinus, excusso horrore & pudore nominis, dimissa Therasia vxore, & opibus in pauperes sparsis, Monachum professus est, & in agro Nolano secessum elegit, non sine stupore totius Senanatus. Ambrosius epistola 30. *Paulinum splendore generis in partibus Aquitania nulli secundum, venditis facultatibus, tam suis quam etiam conjugalibus, in hos se induisse cultus ad fidem compari, ut ea in pauperes conferat quæ redegit in pecuniam,*

*Et ipse pauper ex divite factus, tanquam deoneratus gravi sarcina, domui, patriæ, cognationi quoque valedicat, quo impensus Deo serviat. Elegisse secretum affirmatur Nolana urbis, vbi tumulum fugitans ævum exigit. Hæc vbi audierint proceres viri, quæ loquuntur? Ex illa familia, illa prosapia, illa idole, tanta præditum eloquentia migrasse a Senatu, interceptam familiæ nobilitis successionem, ferri hoc non posse. Arsenius Romanæ Ecclesiæ Diaconus clarus in Palatio sub Theodosio, liberorumque ejus Arcadii & Honorii Præceptor, studio melioris vitæ correptus, clam e Comitatu recessit, & in eremum Scythi in Palæstinam secessit, & toto orbe anxie quæsitus a Theodosio nuspiam repertus vitam finivit, mortalibus incognitus, soli Deo notus. Rufinus de vit. Patrum libro 2. capite 37. Zonaras in Theodosio. Temporibus Zenonis Joannes Episcopus Colonienfis in Armenia, abdicato Episcopatu Monachum professus in monasterio sancti Sabæ Abbatis in Palæstina, & ob admirabilem jugis silentii observantiam Silentarius est dictus. Ejus vitam scripsit Cyrillus Monachus apud Surium 13. Maii. Cassiodorus vir Patricius, officio Quæstoris cum maxima laude functus apud Theodoricum Regem Gothorum, ex aula secessit, monasterium Classense ædificavit apud Scyllitanam civitatem, quæ erat ejus patria in magna Græcia, vbi consenuit: de quo meminit ipse libro divinar. lect. capite 29. Quid Gregorius I. genere senatorio natus, Monachum professus in monasterio sancti Andreæ ad elivum Scauri in propriis ædibus extructo, teste Joanne Diacono ejus vit. libro 1. capite 6. de quo ipse Homil. 11. in Ezechiel. *Et quidem in monasterio positus, valebam & ab otiosis linguam restringere, & in intentione orationis pene continuo mentem tenere.* Arnulfus ex Majore-domus Episcopus Metensis: ex Episcopo solitarius secessit in eremum, vbi vitam finivit. Sigebertus ad ann. 640. Eodem anno Earcongote filia Earconberti Regis Cantuariorum Angliæ, religionis studio migravit in Galliam, & Deo se tradidit in monasterio Brigenfi, quod erat constructum a Fara Abbatissa: adhuc enim pauciora erant monasteria in Anglia. Beda lib. 3. capite 8. *Cujus filia Earcongote, ut condigna parenti soboles, magnarum fuit virtutum, indefinenter semper serviens Deo in mo-**

nafterio, quod in regione Francorum constructum est ab Abbatis-
 siffa nobilissima, vocabulo Fara, in loco qui dicitur Brige: nam
 eo tempore necdum multis in regione Anglorum monasteriis con-
 structis, multi de Britannia monastica conversationis gratia, Fran-
 corum vel Galliarum monasteria adire solebant; sed & filias suas
 eisdem erudiendas, ac Sponso caelesti copulandas mittebant: maxi-
 me in Brige & in Cale, & in Andilegum monasterio. Anno
 Christi 644. Sigebertus Rex Anglorum Orientalium, relicto
 regno, & tradito cognato Egrico, monasterium ingressus
 est, & accepta tonsura caelestem militiam suscepit. Verum
 hostili manu imminentibus Mercii duce Rege Penda, a
 suis invitus coactus monasterio egredi ad tuendos fines ab
 hostibus, conserta manu in praelio occisus est. Beda libro 3.
 capite 18. Anno Christi 668. Theodericus Rex Francorum
 ultro religionis causa secessit in Luxoviense monasterium.
 Testem oculatum habemus Ursinum in vita sancti Leode-
 garii apud Surium: de quo narratur etiam, quod tutela causa
 vt Ebroini insidiis se subduceret, in idem monasterium se
 recepit, vbi ad obitum Childerici mansit, a quo Episcopatum
 repetiit. Anno 653. Judocus Regis Britonum filius spreto re-
 gno & saeculo, peregrinus & Eremita in pago Pontino quievit.
 Sigebertus ad hunc annum. Vulgo *s. 705se*, vbi constructa
 est cella sancti Judoci: de qua meminit Lupus Ferrari episto-
 la 11. ad Lotharium. Anno 680. Wamba Rex Gotho-
 rum, insidiis Ervegii Comitis hausto letali poculo, sopore
 correptus, cum morti proximus crederetur, veste monasti-
 ca indutus ex solemnibus more, qui ea aetate in Hispania obti-
 nebat. Sed cum ad se rediisset cognito casu, vestem mona-
 sticam deponere noluit, & in monasterio vitam finivit. Ex
 Luca Tudenf. libro 3. & gestis Concilii Toletani XII. cap. 1.
 Anno 704. Edilredus Rex Merciorum in Anglia, postquam
 regnasset annos triginta & vnum, Coenredo regno relicto,
 monasticam vitam amplexus est. Anno 737. Ceolwulphus
 Anglorum Nordanhumborum Rex, idem ipse, ad quem Beda
 scripsit libros de rebus gestis Anglorum, Eadberto regno
 tradito, in Monachum tonsus est. Beda in Epitome. Rogerius
 Hoved. ad ann. 764. Anno 740. Ina Rex Occidentalium
 Saxonum in Anglia, abdicato regno Monachum professus

est, & vna vxor ejus Edilburga velum assumpsit. Anno Domini 746. Carlomannus Caroli Martelli filius natu major, rebus bello paceque gestis clarissimus, hortante beato Bonifacio Archiepiscopo Moguntino, relicto regno fratri Pipino, Romam migravit, vbi suscepto schemate monastico, ac postea constructo monasterio in monte Soracte, in honorem sancti Silvestri Papæ, qui ibi olim diutius latuerat, ibi per tempus moram fecit. Sed vt vitaret frequentiores salutationes nobilium Francorum, qui Romam veniebant, clam secessit in Cassinense monasterium, vbi diu ignotus tum coquinæ ministerio, tum aliis vilioribus officiis summa cum humilitate & demissione animi inserviens, sanctissimam vitam duxit. Eginartus in vita Caroli Magni. Anastasius in Zachar. Regino 2. Chronic. ad ann. 746. Walafrid. Strabo in vita ejusdem Carlomanni apud Surium 16. Novembris. Leo Ostiensis Chronic. Cassinens. libro 1. capite 7. Vita Bonifacii libro 1. capite 36. Anno 750. Rachis Longobardorum Rex, cum Perusiam obsidione vallatam teneret, aditus a Zacharia Pontifice, non modo obsidionem solvit, verum etiam ejus suasu post aliquot dies Romam pergens, deposita pupura, monasticam vestem assumpsit ab ipso Zacharia Pontifice. Anastasius in Zacharia, Leo Ostiensis Chronic. Cassinens. libro 1. capite 8. Anno 758. Eadbertus Rex Nordanhumbroborum in Anglia, dimisso regno filio suo, Monachus tonsus. Beda in Epitome. Anno 855. Lotharius divisionibus inter liberos, Prumiense monasterium ingressus, vbi habitu suscepto vitam finivit. Regino 2. Chronic. Hugo Rex Italix in Burgundiam reversus, ibi monasterium construxit sub titulo sancti Petri, ibique pecuniis traditis Monachus effectus est. Leo Ostiensis libro 4. capite 64. Anno 974. Romualdus Ravennas nobilissima Ducum stirpe oriundus, in cenobio Classensi fit Monachus, e quo ad vitam eremiticam transiens, clarissimam sectam Eremitarum instituit, qui dicuntur Camaldulenses. Ejus vitam scripsit Petrus Damiani apud Surium 19. Junii. Romualdi simul & Guarini Abbatis consilio Petrus Urseolus Dux Venetorum, in Galliam clam secessit, & in monasterio sancti Michaelis de Cusano in Vasconia finibus, Monachum professus est, vbi cum

cum maxima sanctitatis laude vitam finivit. Andreas Dandulus Historiæ libro 8. capite 15. Petrus Justinianus rerum Venetarum libro 1. Arnoldus Wion in Martyrol. 11. Januar. Manuel Comnenus, sentiens se in extremis vitæ esse, pœnitentiæ causa habitum monasticum postulavit, quo a suis indutus expiravit. Nicel. libro 7. Idem de Theodoro Lascari Juniore, & de Andronico Juniore scripsit Nicephorus Gregor. libro 3. & libro 9. Anno 1194. Henricus frater Ludovici Junioris Francorum Regis, factus est Monachus Ordinis Cisterciensis. Vita Bernardi libro 4. capite 3. Inde Belvacensis Episcopus. Petrus Cluniacensis libro 6. epistola 2. & 3. Et Theobaldus Comes Campaniæ se & sua tradidit Clarevallensi monasterio, & Monachum professus est. Ejusdem Bernardi vita libro 2. capite 8. Guillelmus Comes Montispeffulanus factus est Monachus Cisterciensis in monasterio Grandis-Sylvæ in pago Tolosano. Ejusdem Bernardi vita libro 4. capite 1. Eodem tempore Cistercienses Monachi facti sunt complures alii viri nobiles, vt Gaufridus de Perona, & alii. Ejusdem vita Bernardi libro 4. capite 3. Anno 1251. Fridericus II. in extremis vitæ habitum Cisterciensium suscepit. Matthæus Parisiensis. Anno 1074. Hermannus Marchio, filius Bertholdi Ducis Zeringensis, Cluniaci vitam monasticam amplexus est, vbi vita perfunctus est. Bertholdus Constantiensis ad hunc annum. Humbertus Delphinus Viennensis mœrore orbitatis filii vnici, Delphinatum consensu procerum primogenito Francorum Regis in perpetuum concessit, & Prædicatorum Ordini se dicavit.



CAPUT VI.

*Monachi ex Episcopis. Seniorum e cœnobiis secessus in
eremum. Laicorum secessus.*

QUAMPLURES ex Monachis Episcopi per tempora Ecclesiam illustrarunt, & rursus quamplures ex Episcopis Anachoretæ & Solitarii eremum nobilitarunt. Narcissus Episcopus Hierosolymitanus, non ferens calumniam qua impetebatur, relicta sede migravit in eremum, inscientibus cunctis quo evasisset, vsque ad Gordiam tertium successorem, sub quo e latebris in medium prodiit, & sedem recepit. Eusebius libro 6. capp. 9. & 10. Pari studio solitudinis Palladius Santonensis Episcopus tempore Quadragesimæ in eremum secedebat. Gregorius Turonensis libro 8. capite 13. *Erat autem eo tempore dies Quadragesimæ sanctæ, & Episcopus in insulam maris orationis causa secesserat.* Idem de Eparchio Arvernensi Episcopo narrat idem Turonensis lib. 1. cap. 21. *Ferunt etiam ipsum in arce Cantobennici montis monasterium collocasse, ubi nunc oratorium est: & ibi se diebus Quadragesimæ sanctæ recludebat; die autem cænæ dominicæ cum magno psallentio, comitantibus Clericis civibusque, ad Ecclesiam suam revertebatur.* Idem de Bernardo Ambianensi Episcopo fertur in vita Valerici apud Surium 1. Aprilis: *In eo autem loco Ambianensis Pontifex beatus Bernardus, diebus Quadragesimæ divinæ solitus erat contemplationi vacare.* Idem de Eadberto Lindisfarrensi Episcopo narrat Beda libro 4. capite 30. *Qui tum forte in remotiori ab Ecclesia loco, refluus undique pelagi fluctibus cincto, solitarius manebat: in hoc etenim semper Quadragesima tempus agere, in hoc quadraginta ante dominicum natale dies, in magna continentia, orationis & lacrymarum devotione transigere solebat.* Episcopis tamen non licet renunciare Episcopatu, ut intrent monasterium, sine consensu Summi Pontificis. Can. *Suggestum* 7. quæstione 1. Can. *Sciscitari* eadem causa quæstione 5. Cap. *Nisi cum pridem. de renunciat.* Bernardus

in vita Malachiae: *Et primo quidem Malachias, quod altius inflexerat animo, cum multis lacrymis implorabat, licere sibi vivere & mori in Claravalle, permissu & benedictione Summi Pontificis.* Rigordus in Philipp. A. ad annum 1213. *Gausfridus Sylvanectensis Episcopus sentiens se tam etate quam corpulentia ponderosa insufficientem oneri quod jam per triginta annos portaverat, impetrata a Summo Pontifice, sicut in jure cautum est, licentia, renunciavit Episcopatu, & transtulit se ad Monachos Karoli loci, Cisterciensis Ordinis.* Etiam Monachis non licet a monasterio secedere ad cellas, quæ intra septa monasterii ab eo sepositæ sunt, nisi post emeritos labores, nec absque consensu Abbatis. Concilium Agathense can. 2. Can. Monachum 20. quæstione 4. *Nec hujusmodi secessus in eremum probatur, nisi in senioribus diutina conversatione in monasterio probatis.* Cassianus collatione 18. in Præfat. *Ut non solum hi qui adhuc in Congregatione laudabili subjectione perdurant; sed etiam illi, qui haud longe a vestris cœnobiis secedentes, Anachoretarum sectari gestiunt disciplinam, pro conditione locorum ac status sui mensura plenius instruantur.* Unde tria inter genera Monachorum, secundum est Anachoretarum, qui prius in monasteriis instituti, & diuturna conversatione probati, solitudinis secretum elegere. Cassianus de institutione Cœnobitarum libro 5. capite 36. collatione 18. capite 4. *Regula Benedicti.* capite 1. *Inde cœnobia, primas scholas Anachoretarum vocat* Cassianus collatione 18. capite ultimo: *De primis cœnobii scholis ad secundum anachoreseos gradum tendere cœperamus.* Idemque collatione 19. capite 2. *Ille velut imparē se anachoreticæ disciplinæ, & sublimitate tamē perfectionis indignum, ad juniorum scholas revertisse dicebat.* Loquitur de Abbate Joanne, qui ab eremo transiit ad cœnobium, velut impar perfectioni, quæ desideratur in Anachoretis. Secessus e cœnobio in eremum desiderat virum perfectum, & in regulari disciplina consummatum. Tutior est vita cœnobitica, quæ habet socium sublevantem, & periculōsum consilium anachoreseos, etiam in cœnobiis probatis. Bernardus in Cantica sermon. 33. *Ubi pascas, ubi cubes in meridie. Et tunc meridies, id est, major claritas, apparet tentans, cum quasi boni majoris imaginem præfert.* Quotiens, verbi causa, suggestit

anticipare vigiliis, quoad solemnia fratrum illuderet dormitanti? Quotiens produci jejunia, ut divinis obsequiis eo inutilem redderet, quo imbecillum? Quotiens bene proficientibus in cœnobiis intridens, obtentu quasi majoris puritatis, eremum petere persuasit, & cognoverunt miseri tandem quam verus sit sermo quem frustra legerunt: *Va soli.* Idem in Cantica sermon. 64. *Quantos ex monasteriis spiritu ferventes eremi solitudo suscepit, & aut tepescentos evomuit, aut tenuit contra eremi legem non modo remissos, sed etiam dissolutos.* Laicis quandoque patuit secessus in monasteriis ad tempus orationis causa. *Cæsarius de Miraculis libro 4. capite 37. Miles quidam Bonnensis, Henricus nomine, tempore quodam quadragesimali, cœnam fecit apud nos, &c. Alias eisdem secretum ruris fuit pro monasterio. Hieronymus ad Principiam de laudibus Marcellæ: Suburbanus ager vobis pro monasterio fuit, & rus electum pro solitudine.* *Paulinus epistola 29. ad Aprum oratorem: Postquam a foro recessisset, ut Deo se daret. Et ideo rarus, ut scribis, urbium frequentator familiare secretum taciti ruris adamasti, &c.*



C A P U T V I I.

*Gratia curationum, & Clerum exorcizandi datur
Monachis.*

INTER charismata & gratias veterum Monachorum primaria fuit gratia curationum, & donum exorcizandi, id est, adjurandi & abigendi dæmones. In his maxime claruerunt multi sancti Anachoretæ, quamvis laici, nulloque ordine Ecclesiastico insignes, ut Antonius, Paulus simplex, Hilarion, Macarius, & alii, qui oleo benedicto morbos curabant, & signo crucis dæmones pellebant. Athanasius in vita Antonii. Hieronymus in vita Hilarionis. Palladius Historiæ Lausiacæ capite 20. *Quænam esset Patrum virtus in juven-
dis dæmoniis, hoc casu satis liquebit, quod dæmon qui
servum coquum graviter vexabat, a Petro Monacho inter-*

rogatus, qui data sibi esset potestas in servum, tale emisit responsum, referente Theodorito de vit. Patrum capite 9. ancillas Heliopoli, quæ est vrbs Ægypti, ludentes inter se, auditis gestis Monachorum Antiochenis, & quanta in dæmones præditi essent potestate, dæmoniacas & furiosas per ludum simulasse: coquum autem illum pellicea amictum, quæ erat vestis Monachorum, solemni ritu eas adjurasse. Quæ dum fierent, omisis ancillis coquus a dæmone correptus est. Beati Patres oleo signo crucis benedicto ægros curabant. De Hilarione Hieronymus in ejus vita: *Concurrerant Episcopi, Presbyteri, Clericorum & Monachorum greges, matronæ quoque Christianorum, grandis tentatio: & hinc inde ex urbibus & agris vulgus ignobile: sed & potentes viri, & iudices, ut benedictum ab eo panem vel oleum acciperent.* Et infra: *Benedicto itaque oleo universi agricola atque pastores tangentes vulnera certam salutem resumebant.* De Abbate Benjamin Palladius Historiæ Lauriacæ capite 14. *κατηξίωθη χειρὶσματις ἱαμώτων, αἷς πάντι, ὃ ἀν χεῖρας ἐπιπνῖ, ἢ ἱλαρον ἀλογησίας ἐξίδου, πάσης ἀππλάττειτο ἀρρώστιας ὁ ἐνοχλούμενος.* Dionatus fuit gratia curationum, adeo ut cuiusque manus imposuisset, aut quod benedixerat oleum dedisset, qui laborabat, liberaretur ab omni egritudine. De Macario idem capite 20. *Ἐπαδίδωσιν οὐκ αὐτοῖς τὰς πατρί αὐτοῖς ἀλείψας αὐτὸν ἰλαίῳ ἀγίῳ.* Et tradidit eum patri, cum unxisset oleo sancto. De Joanne Lycop. idem capite 43. *ἱλαιον δὲ δίδου, πλείους ἢ χαμμόντων ἰδοράτορας.* Dans autem oleum curavit multos ex iis qui laborabant. Eodem pharmaco vsus in Gallia Maxentius Abbas, pagi Piclavienfis: de quo Gregorius Turonensis libro 2. capite 37. *Huius vero brachium beatus Confessor cum oleo benedicto contrectans, imposito signo crucis restituit sanum.* De Eparchio Recluso Engolismensi libro 6. capite 8. *Pusularum malarum venenum crucis signo sæpe compressit, dæmonas de obsessis corporibus oratione abegit.* Sed quia erant quidam, qui famæ sanctitatis captandæ causa, licet laici, officio Exorcistarum defungi præsumebant, hæc de re eos notat Cassianus collatione 15. cap. 7. *Quapropter numquam Monachos probos, nec morbo cenodoxie vacuos nostri majores esse dixerunt, qui semetipsos Exorcistas coram hominibus profitentur, & inter admirantium tyrbas, hanc quam vel meruerunt*

vel presumpserunt gratiam, jactantissima ostentatione diffamant:
sed in cassum, &c.



CAPUT VIII.

*Monachorum judicium spectatum in rebus fidei & Eccle-
sia. Principum, Episcoporum & plebis cultus
erga Monachos.*

VETERES Monachi dum famam toto orbe fugiunt in
cremo, veram & æternam nacti sunt: & dum in cel-
lula latent, vniverso orbe spectaculum fuere. Et certe tan-
tam de his virtutis opinionem plebs vniversa concepit, vt
eorum judicium in causis fidei velut sacrum oraculum desi-
deraretur. Eos Ariani acerrimos adversarios experti, om-
nibus technis & artibus petierunt, vt in partes suas eos ad-
ducerent, quos plebs facile secutura esset. Nicephorus Cal-
list. libro 11. capite 27. ἐπίτοι γὰ πολλοὶ τίλοικαδτα, καὶ διαπί-
στοι ἀδελφοὶ ἥσαν ἡπὶ κατ' Αἴγυπτον καὶ Θηβαΐδα μονασιῶν ἀρε-
σκότες, τὴν Ἀρείου δόξαν μάλιστα ἐκπατέροντο: οἷς τὰ πλῆθη
ἐπὶ πόμῳ, ὅσα φροῖν ὦν πολλοὶ ἐποιεῖτο. Quandoquidem mul-
ti ea tempestate venerandi in Ægypto & Thebaide viri monaste-
riis præbant, Arii opinionem maxime auersantes: quos plebs ipsa
sequuta, vt eadem cum illis de religione sentiret, maximi facie-
bat. Ægyptii, Syri & Cappadoces Arianis aliisque hæreticis
restiterunt, fidei signiferos secuti Monachos: tanta in do-
gmatibus fidei erat eorum auctoritas. Sozomenus libro 6.
capite 27. τὸ γὰρ τῆς πλῆθος πρὸς διλογίας μεταχρὺς τῆς ἀρι-
στῆς ἡπὶ ἔργων ἐπαύμαζον, ὁρῶνς αὐτοὺς δοξαζέειν ἀπιστεῖν, ὅτι
ἀλλοῦς φρονοῦντας, οἷα γὰρ μὴ καθευδόντας τὸν δὲ δόξαν αὐ-
τῶν ποιοῦντο, ὡς αὖτις Αἴγυπτιοὶ τοὺς παρ' αὐτοῖς μεταχρὺς ἐπὶ πόμῳ, ἐκα-
τῶς εἶχον πρὸς τοὺς Ἀρείου. Nam populus in hisce regionibus Mo-
nachos propter virtutem & recte facta magnopere admiratus,
eos vere de fide sentire credebat, & qui aliter sentirent, illos ut-
pote doctrinis adulterinis corruptos detestabatur: non aliter sane
atque Ægyptii, qui Monachorum suorum doctrinam secuti, Aria-

nis strenue restiterunt. Hoc argumento potissimum probavit Petrus Alexandrinus Episcopus, Lucium, non Episcopum, nec Catholicum, sed hæreticum hostem, lupum & infaustum esse, quod cum nulli Episcopi & Clerici, nulli Monachi ad Pontificiam Sedem cum hymnis & more solemniter deduxerint. Theodorus libro 4. capite 20. οὐ μετέβησαν τῶν μοναχῶν τινες ὅμοιους ἐκ γραφῶν ἀναμύλων. *Non illum deduxerunt Monachi hymnos ex sacris literis depromptos continentes.* Cæsario Episcopo Nazianzeno per animi simplicitatem in Arianismum lapsa, cum Monachi ab ipsius communione sese segregassent, statim ab eo abcessit non exigua pars plebis: τῇ ἀξιωματικῇ αὐτοῦ ἀπὸ τῆς ἐκκλησίας ἀποστασάντες, *Monachorum auctoritatem aperte secuta*, ut ait Gregorius Presbyter in vita Gregorii Nazianzeni. Ecclesia Antiochena laborante schismate tres inter Episcopos, Paulinum, Meletium & Luciferum, spectatum est testimonium Monachorum, ut ille potior haberetur, quem Monachi sequebantur. Hieronymus ad Damasum: *Hinc in tres partes scissa Ecclesia ad se rapere me festinat, Monachorum circa manentium gregis antiqua in me insurgit auctoritas.* Electionem Innocentii II. factam in schismate cum Leone, hoc argumento maxime comprobavit Bernardus epistola 126. ad Episcopos Aquitanie, quod omnium Monachorum assensu niteretur. *Itaque, inquit, Camaldulenses, Wallumbrosani, Cartusienenses, Cluniacenses, & qui de Majori-monasterio sunt, mei quoque Cistercienses, Cistembleses, Cadumenses, Tironenses, & Saviniacenses: universis denique & unanimis fratrum tam Clericorum, quam Monachorum, regularis vita probataque conversationis sequentes Episcopos, tanquam greges pastores suos, Innocentio firmiter adherent.* Ne Canonici sedis Episcopalis Episcopum eligant absque consilio religiosorum virorum, statuit ipse Innocentius II. in Synodo generali Romæ habita. Can. Obveniensibus 63. distinct. Et hoc in electione Archiepiscopi Senonensis observandam consuluit Bernardus epistola 202. ad Clerum Senonensem: *Expectandum proinde suffraganeorum consilium Episcoporum, expectandus assensus religiosorum, qui sunt in Episcopatu, atque in commune tractandum commune negotium. Quid sancti Anachoretæ Imperatorum & Principum literis & gra-*

tia honorati: Antonii amicitiam coluit Constantinus, & literas honorifice scriptas ad eum misit. Athanasius in ipsius vita. Sozomenus libro 1. capite 13. Theodosius expeditionem instruens adversus Maximum tyrannum, Joannem Abbatem Lycopolitam de eventu belli consuluit, & victoriæ prænuncium ab eo accepit. Augustinus de Civitate Dei libro 5. capite 26. Rufinus libro 2. capite 32. Palladius Historiæ Lausiacæ capite 43. Cassianus collatione 24. capite ultimo. Et in hoc centuplum accipiunt Monachi, qui e servili genere vel obscuris natalibus, ultra votum ad majora perveniunt. Idem eodem loco: *Nonne obsecro etiam in hoc centuplum gratiam evidentissime, qui fideliter Christo deserviant, consequuntur, dum pro nomine ejus a summis Principibus honorantur: ac licet ipsi humanam gloriam non requirant, venerabiles tamen, etiam in persecutionum angustiis, iudicibus cunctis ac potestatibus sunt: quorum vilitas etiam mediocribus forsitan deſpicabilis eſſe potuiſſet, vel pro obſcuritate natalium, vel pro conditione ſervili, ſi in ſeculari converſatione manſiſſent.* Monachos ſingulari obſervatione & cultu proſequebantur Episcopopi. Episcopi ſuum monaſterium habuere, & Monachos contubernales, ſocios & teſtes converſationis. De ſe ipſo teſtatur Athanaſius Apolog. 1. de fuga ſua: *οἱ οὖν ἡμῖν ἐπεί ὄντες μοναχοί, καὶ πῶς τῷ κληρικῶν ἀνελόντες εἰλκυσαν ἡμᾶς. Monachi mei; & nonnulli ex Clericis inter abeundum me ſecum abſtraxerunt.* Quanti Monachos fecerit Auguſtinus, ex eo intelliges, quod librum de gratia & libero arbitrio ſcripſit ad Valentinum & cum illo Monachos. Ut veris Monachis ſuis honor tribuatur decernit Synodus Chalcedonenſis canon. 4. *οἱ ἀληθῶς καὶ εἰλικρινᾶς τῷ μοναχῷ μεπόντες βίον, πῶς παρηγουμένως ἀξιοῦνται τιμῆς. Qui vere & ſincere monaſticam vitam degunt, convenienti honore aſſiciantur.* Can. Quidam 18. quaſtione 2. Monachos ut Deum & angelos colbat Thomas Cantuarienſis Episcopus, ut legitur ipſius vitæ cap. 16. Religioſos viros tanta reverentia excipiebat, ut credi poſſet ſe in eis divinam præſentiam aut angelos venerari. Honoris cauſa plebs benediſtioneſ poſcens decidebat ad genua Monachorum. Hieronymus in vita Hilarionis: *Gregatim ei cum uxoribus & liberis obviam proceſſere, ſubmittentes colla, & voce* Syria

*Syra Barach, id est, Benedic, inclamantes. Rufinus de vit. Patrum libro 2. capite 120. Ingressusque cellulam, tam se quam infantem projecit in terram, ut est moris postulantium benedictionem. In hoc cultus genere propensior fuit plebs Anglicana in Clericos & Monachos. Beda libro 3. capite 26. Tota enim tunc fuit sollicitudo doctoribus illis Deo serviendi, non saeculo; tota cura cordis excolendi, non ventris: unde & in magna erat veneratione tempore illo religionis habitus, ita ut ubicumque Clericus aliquis, aut Monachus adveniret, gaudenter ab omnibus tanquam Dei famulus exciperetur; etiam si in itinere peregrinus inveniretur, accurrebant, & flexa cervice vel manu signari, vel ore illius se benedici gaudebant. Eodem spiritu coibant agmina peregrinantium ad lustranda monasteria Aegypti & Orientis. Joannes Chrysostomus in primam ad Timoth. Homil. 14. *οἱ δυναμικοὶ ἡμεῖς ἐν ταῖς ἀρχαῖς, περιεργάζου καὶ ἀγίοις ἀνδράς, τοὺς ὄντας ἀγίους, τοὺς ἐν ταῖς ἐρημίαις κατηνύκτους, τοὺς οὐ δυναμικούς ἐπιματεῖν, τοὺς προσανέχοντας τὰς θείας βλάβεις μετὰ ἡδὺν ἡδὺν διδοὺς αὐτοῖς.* Studiofior ad orationis opus accurre sollicitè, & sanctos viros inquire, qui re vera sancti sunt, qui in solitudinibus sedent, qui mendicare non valent, qui Deo semper ac jugiter vacant. In longinquam abi peregrinationem, per te ipsum eroga.*

CAPUT IX.


Reverentia Monachorum inter se. Ordo Monachorum spectatur a die Professionis. Ordinum regularium gradus.

QUAE reverentia Monachi coluntur ab aliis tum laicis, tum Clericis, eadem ipsi vti debent inter se. Ideo fratres invicem se appellant, quod est nomen necessitudinis & caritatis. Joannes Chrysostomus in epistola ad Hebræos Homil. 25. *ἐάν γάρ τις ἀδελφὸς ὀνομαζομένη ἢ, εἴτι, ἀδελφὸν ἐπαίδια λεγὼν πάντα τὸν πρὸν ἀπλᾶς, οὐ τὸν μετέπειτα.* Si enim quis frater, inquit, nominatur inter nos, fratrem in hoc loco omnem fidelem simpliciter intellige, non Monachum sanctum. Can.

C c c

Ad mensam 11. quaestione 3. Ac inter fratres, ne puro, id est, nudo & simplici nomine, Petrus, Joannes, quis appellatur: sed Priores Juniores fratres appellentur, Juniores Priores suos Nonnos, quod est nomen dignitatis, statuit regula beati Patris Benedicti capite 63. *In ipsa autem appellatione nominum nulli liceat alium puro nomine appellare: sed Priores Juniores suos fratres nominent, Juniores autem Priores suos Nonnos vocent, quod intelligitur paterna reverentia.* Appellationis ratio habetur inter Monachos ad tuendam reverentiam inter eos, quæ mutuis continetur obsequiis. Minoris est majorem appellare nomine meriti, id est, dignitatis: contra majoris est minorem appellare nomine proprio, ut recte observat Servius in illum locum 1. *Æneidos: Tuus, o regina, quid optes. Inferioris personæ reverentia est, majorem meritis appellare, non nomine: contra majoris est juniorem nomine tantum vocare.* Sic Dido sororem Annæ nomine compellat, illo loco 4. *Æneid. Anna soror, quæ me suspensam insomnia terrent?* Reverentiæ etiam tuendæ gratia inter Monachos spectatur ordo Professionis, propter quam primus, secundus & tertius designantur. Theodoritus de vit. Patrum capite 3. *ὡς δὲ ἐγνωσαν τὸν ἑταυρόμενον· πρῶτος δὲ ὡς τῆς μόνης, ἀλλ' οὐ δευτέρου.* Ubi ergo cognoverunt quem querebat: erat autem is tertius monasterii, non primus. Ordinem conversionis, id est, Professionis, inter fratres suos tam in choro, Capitulo, quam aliis locis, servari voluit regula Benedicti d. capite 63. *Ordines suos in monasterio ita conservent, ut conversionis tempus & vitæ meritum discernit, utque Abbas constituerit. Ergo secundum ordines quos constituerit, vel quos habuerint ipsi fratres, sic accedant ad pacem, ad communionem, ad psalmum imponendum, in choro standum. Et in omnibus omnino locis atas non discernatur in ordine, nec præjudicet, &c.* Clerici sæculares ordine præcedunt omnes regulares, quia Ecclesia fundata est in ordine sæculari. *Can. Alia causa. can. Sic vive. can. Si clericatus* 16. quaestione 1. Barbof. de Paroch. part. 1. capite 9. num. 12. Ex constitutione Pii IV. Canonici regulares præcedunt Monachos Benedictinos, hos sequuntur alii omnes Monachi, juxta ætatem Ordinis. Inter Mendicantes primas tenent Fratres Prædicatores, secundas Fratres Mino-

res, tertias Eremitæ sancti Augustini, quartas Carmelitæ. Guido Papa quæstione 511. num. 5. Et hoc ordine censentur Fratres Mendicantes in cap. vnic. §. *Sane, de religiof. domibus* in 6. Et Monachi districtioris regulæ gradu potiores sunt Monachis laxioris regulæ. Cap. *Quod Dei timorem*. extra *De statu Monachor.* Joannes Andreas ad cap. *Sane, de regular.* Felin. ad Rubr. *De major. & obediens.* Not. ad cap. *Quorumdam, de elect.* in 6. Si quæ de præcedentia oriuntur controversiæ inter ecclesiasticas personas, tam seculares quam regulares, in processionibus & aliis, Episcopi est eas summam & de plano componere. Concilium Tridentinum sessione 25. *De regular.* capite 13. Capella Tolos. quæstione 489. Chopin. de S. Polit. libro 2. tit. 6. num. 16. & 2. monastic. tit. 3. numero 23.



C A P U T X.

Monachi gaudent privilegiis Clericorum. Monachi exempti a jurisdictione Episcopi, a decimis laborum suorum. Excusantur a tutelis & curationibus: immunes a vectigalibus.

MONACHI ex quo in Clerum asciti sunt, facile obmerita religionis a Sede Apostolica donati sunt omnibus privilegiis Clericorum. 1. Quia Monachi pariter atque Clerici malignitate sæculi passim exposti erant injuriis & insidiis laicorum, & impune vim patiebantur ab eis. Innocentius II. in Synodo Lateranensi, qua Petrus Leo schismaticus damnatus est, vt consuleretur securitati Clericorum & Monachorum, maxime inter turbas schismatis, legem dedit, vt si quis in Clericum vel Monachum violentas manus injecerit, anathemate teneatur; nec ab alio quam Summo Pontifice, vel ejus mandato absolvatur. Can. *Si quis suadente* 17. questione 4. Hujus Synodi decreta laudat Ortho Frisingens. libro 7. capite 23. Idem sancitum in Synodo Londinensi anno Christi 1142. Matthæus Paris. *In Synodo Lon-*

dinensi sancitum est ibi & generaliter constitutum, ne aliquis qui Ecclesiam cœmeteriumque violaverit, vel in Clerico, aut viro religioso manus injecerit violentus, ab alio quam ipso Papa possit absolvi. 11. Monachis remissum est jusjurandum, propter religionem Professionis quæ habet vim jurisjurandi. Puta ex Constitutione Henrici II. quæ extat libro 2. Leg. Longobard. tit. *De Advoc. & Constitutione Honorii II.* Monachi perinde ac Clerici non tenentur jurare de calumnia, imo nec debent. Cap. 1. extra *De juram. calumn.* & soluti sunt ab omni juramento. Cap. *Esfi.* extra *De jurejur.* Hoc jurē Abbas Cassinensis professionem fidei Innocentio II. Romano Pontifici præstare abnuebat, hoc colore, quod Monachis neque per Evangelium, neque per regulam beati Benedicti fas esset jurare. Leo Ostiensis Chronic. Cassinens. libro 4. capp. 97. 109. & 110. Et Abbates Episcopis non negabant quidem promissionem obedientiæ, sed absque sacramento: quare discordiæ sopiendæ causa, quæ erat circa id inter Episcopum & Abbatem quendam, Fulbertus epistola 41. suavit Episcopo ut reciperet promissionem obedientiæ sine jurejurando: *Ignitur si Abbas sancti Benedicti de vestro contemptu culpam suam recognoverit, & illam deinceps subjectionem promiserit, quæ vobis canonice debetur, hortor & suadeo ut recipiatis. Sacramenta vero & cetera quæ ad mundanam legem pertinent, propter amorem regis Domini missa faciatis, ut religionem magis quam secularem ambitionem vos sectari cognoscat.* 111. Ut consuleretur quieti Monachorum, & tuitioni disciplinæ regularis, quæ non fert extraneum cognitorem, hoc eis concessum est, ut liberi & soluti essent a jurisdictione Episcopi in his quæ spectant ad regulam, salva Episcopo sua jurisdictione in his quæ sunt extra regulam. Can. *Hoc tantum.* can. *Abbates* 18. quæstione 2. Cap. *Monachi.* extra *De sentent. excommunic.* Concilium Tridentinum sessione 23. *De regular.* capite 14. & Constitut. Aurel. art. 11. 1 v. A Sede Apostolica Monachis concessum est, ut possint sepelire eos qui apud se eligunt sepulturam, salva Parocho quarta funeris. Cap. *In nostra.* extra *De sepultura.* Clement. *Dudum* eodem titulo. Concilium Tridentinum sessione 25. *De regul.* cap. 13. v. Ex privilegiis Sedis Apostolicæ, ut consuleretur egestati

Monachorum, eis omnibus fere indultum est, ut non solverent decimas de laboribus suis, id est, de prædiis, quæ propriis manibus, aut suo sumptu excolerent. Primus Gregorius VII. Monachos absolvit ab onere præstandi decimas laborum suorum, cujus privilegium refertur ab Alexandro III. in Concilio Lateranensi part. 13. capite 9. & post eum Paschalis II. in can. *Decimas* 16. quæst. 1. Privilegio modum imposuit Adrianus IV. illud restringens ad decimas novarium, de quibus olim decimæ non solvebantur. Cap. *Commissum. de decim.* Joannes Saresber. Policratic. libro 7. capite 21. *Inde est quod cum ad iniquum compendium avaritiæ privilegia trahi conspiceret beatus Adrianus, volens ea omnino revocare, licentiam eorum hac moderatione compefcuit, ut quæ de laboribus usurpant, circa novalia duntaxat interpretetur.* Idemque Pontifex solis Cisterciensibus, Templariis & Hospitalariis indulgit decimas laborum suorum, id est, prædiorum, quæ propriis manibus vel sumptibus excolunt: cæteris vero remisit tantum decimas prædiorum, quæ propriis manibus vel sumptibus colerent. Quæ omnia confirmavit Alexander III. cap. *Ex parte. de decim.* cap. *Cum ordinem. de rescript.* Imo ne hujusmodi privilegio Ecclesiæ ultra modum gravarentur, Innocentius III. in Concilio generali Lateranensi, secutus statutum Capituli Cisterciensis, vetuit ne privilegium de non solvendis decimis, Cisterciensibus & aliis regularibus concessum, locum haberet in terris alienis, & in posterum acquirendis, etiam si eas propriis manibus & sumptibus excolerent. Cap. *Nuper. extra De decim.* In antequæsitis privilegium Cisterciensium, & aliorum regularium de non præstandis decimis laborum confirmavit Alexander IV. capite 2. §. *Statuimus. de decim.* in 6. Hujusmodi tamen exemptiones valde moleste tulerunt censores ejusce sæculi. Petrus Blesensis epistola 82. ex persona Richardi Archiepiscopi Cantuariensis, ad Monachos Cistercienses: *Vota & linguæ omnium in vestra sanctitatis præconium laxarentur, nisi raperetis quod alienum est, nisi Monachus & Clericus decimas auferretis. Et quæ est hæc injuriosa immunitas, ut exempti sitis a decimarum solutione, quibus obnoxia terræ erant, antequam vestra essent, & quæ soluta sunt hæctenus non perso-*

narum obtentu, sed territorii ratione. Si in vestram possessionem terra devoluta sunt, quare in hoc periclitatur alienum jus? Nam ad vos terra juxta communem aequitatem cum suo onere transierunt, &c. Et Saresberienſis loco modo laudato: Primo quidem dum religio paupertate gaudebat, & in aliorum necessitates aut usus effundebat viscera inopiae suae, indulta sunt privilegia professionibus, quae necessitate cessante, & frigefcente caritate, potius avaritia, quam religionis instrumenta creduntur, &c. VI. Monachi vna cum Clericis excusantur a tutelis & curis. L. Generaliter. C. De Episc. & Cleric. Imo Monachi, ne volentes quidem, possunt esse tutores vel curatores. Authent. Presbyteros. C. eodem tit. VII. In generali interdicto ex privilegio Sedis Apostolicae regularibus licet voce remissa, foribus clausis, non pulsatis campanis, horas canonicas recitare, & sacra celebrare. Cap. Quod in te. extra De poenitent. & remiss. cap. Alma mater. de sentent. excommunicat. in 6. Clement. I. eodem tit. VIII. Ex privilegiis Sedis Apostolicae regulares habent jus praedicandi suis in Ecclesiis, & audiendi confessiones saecularium. Clement. Dudum. de sepultur. de quo plenius alio loco dicemus. IX. Professus in religione approbata, licet defectu natalibus, admittuntur ad Ordines & beneficia regularia alia a praelaturis. Cap. I. extra De filiis Presbyter. Can. Presbyterorum. can. Nisi 56. distinct. quia professio purgat vitium natalium. Novell. Justinian. 5. de Monach. ut & solvit jugum servitutis. Authent. Verum. C. De Episcop. & Cleric. X. Monachi & Canonici regulares possunt esse Vicarii Episcoporum, quia sunt habiles ad ministeria ecclesiastica. Glossar. in can. De praesentium 16. quaestione 1. & in can. Si quis 58. distinct. Ioannes Andreas in capite ultimo De Cleric. agrot. vel debilit. Non sine licentia superioris sui. d. Can. Si quis. Concilium Tridentinum sessione 25. De regular. capite 4. Rebuff. in Prax. tit. De Vicar. Episcop. numero 30. & 31. Et Monachi ex quo in Clerum admissi sunt, sunt secundarii & adjuva Ecclesiae. Augustinus in Psalm. 132. Sicut unguentum in capite quod descendit in barbam, barbam Aaron, quod descendit in oram vestimenti ejus. Ergo illud primum unguentum descendit in Apostolos, descendit in illos qui primos impetus saeculi sustinuerunt. Sed si

nequaquam a barba descendisset unguentum, modo monasteria non haberemus: sed quia descendit & in oram vestimenti, secuta est Ecclesia de veste Domini, peperit monasteria; nam vestis sacerdotulus Ecclesiam significat. Sane religiosi mendicantes arcentur a vicariatu Episcoporum. Clement. 1. De regular. Rebuff. d. tit. De vicar. num. 32. De his tractant Guido Papa questione 563. Marcus questione 1285. part. 1. Flamin. Paris. De resignat. benefic. libro 9. questione 4. num. 5. Sbrozz. De offic. vicar. libro 1. quest. 37. 38. & 40. Nec modo privilegiis Pontificum, verum etiam Imperatorum cohonestati sunt Monachi. Constitutionibus Imperatorum hi erant immunes a vestigalibus. Basiliius epistola 304. ad Censitorem: οἱμα γὰρ πᾶσι ἡδὴ τύπον κεκρατῆσθαι ὧδε τῇ τιμότητι σου τῶ μεταζόστων ἕνεκεν, ὡς μηδὲν ἡμᾶς δεῖσθαι ἰσχυροῦσαν χάριν ἐπ' αὐτοῖς αἰτεῖν, ἀλλ' ἔξαρχεῖν αὐτοῖς εἰ τῆς κοινῆς μὴ πάντων ὁπολωσθαι φιλοθερπίας. Et infra: ἐπισέλω τῇ πλείᾳ σωσίᾳ σου τοὺς πάλαι μὲν ὑπερτατάξαμθους πρὸ βίῳ, επικρύσαντας δ' ἑαυτῶν τὸ σῶμα ὡς μὴτε ὑπὸ χειρῶν, μὴτε ὑπὸ τῆς σωματικῆς ὑπηρεσίας δύνανθαι τι περὶ τῶν τοῖς δημοσίοις χρήσιμον, ἀρξίμην τῶ σωτηλείᾳ. Apud tuam dignitatem etiamnum reor constitutionem obtinere in gratiam Monachorum edictam, ut non sit mihi opus privatam ius gratiam mea causa indulgentiam postulare, sed sufficere ipsis ut fruantur, & contenti sint communi & in omnes diffusa benignitate. Ad tuam prudentiam literas hasce mitto supplicaturas: velis jubeas immunes esse contributione omni, eos qui mundo quidem olim renunciarunt; corpus vero suum mortificaverunt, ut ne possint aliquid vel de re sua familiari, vel de ministeriis & laboribus corporalibus, publicis adjicere vestigalibus, aut in fiscum inferre.



CAPUT XI.

*An monasteria exempta sint a lege diœcesana. Explicatur
canone 3. Concilii Ilerdensis.*

JURE communi monasteria subiecta sunt Episcopo in his quæ sunt legis jurisdictionis : an autem soluta sint in his quæ sunt legis diœcesanæ , ex parte tantum vel in totum , non satis convenit inter interpretes Juris canonici. Ut hæc facilius explanentur , sciendum est quod jurisdictio Episcopalis tria potissimum complectitur : ea quæ sunt ordinis , quæ jurisdictionis , & quæ legis diœcesanæ. Ordinis sunt ordinatio Clericorum , seu collatio ordinum , consecratio basilicarum , consecratio chrisimatis , benedictio sacrarum Virginum , consignatio seu confirmatio baptizatorum. Can. *Perlectis vers. ad Episcopum* 25. distinct. Jurisdictionis sunt canonica obedientia , subiectio & reverentia , institutio & destitutio sive degradatio Clericorum , correctio & reformatio , ac censura ecclesiasticæ , & jurisdictio causarum omnium quæ ad forum Ecclesiasticum pertinent. Cap. *Conquerente. cap. Dilectum. de offic. ordinar.* Quod ad ea quæ sunt legis diœcesanæ , lex diœcesana sumitur duobus modis , latius vel strictius. Latius sumpta continet univcrsum jus Episcopi , & jurisdictionem Episcopalem : quo sensu accipienda est in cap. *Auditis. de præscrip. cap. Quod super his. de majorit. & obedient. cap. Veniens. de VS. in 6. cap. Cum in magistrum. de elect.* ubi jus diœcesanum pro lege diœcesana. Et ita Matthæus Parisiensis in Henrico I. ad ann. 1109. *Episcopo Lincolnensi subtrahito, huic novo Pontifici lege diœcesana subjiçitur Comitatus.* Ea strictius sumpta continet eam partem jurisdictionis Episcopalis , quæ segregatur a lege jurisdictionis : & tunc legis diœcesanæ sunt Synodus , id est , jus cogendi Synodum , synodicum & cathedraicum , quarta decimarum & mortuorum , visitatio annua , & visitationis nomine procuratio , & moderatum auxilium quod caritati-
vum

vum subsidium vocant : quæ omnia colliguntur ex d. cap. *Conquerente*, & d. cap. *Dilectus*. cap. *Ad abolendam* in fine. *De hæretic*. cap. *Veniens*. de *V. S.* in 6. Sane jure communi monasteria subijciuntur Episcopo lege jurisdictionis, nisi probentur exempta. d. Cap. *Conquerente*. d. cap. *Dilectus*. cap. *Cum venerabilis*. de *religios. domibus*. can. *De persona* 11. quæstione 1. Can. *Omnes basilicæ* 16. quæstione 7. Can. *Abbatess*. can. *Monasteria* 18. quæstione 2. Hoc jure coercitio Monachorum spectat ad Episcopum in his quæ sunt extra regulam. d. can. *Abbatess*, & can. *Hoc tantum*, eadem causa & quæstione. Capitul. libro 6. capite 137. Vel Abbates post benedictionem præstant professionem & obedientiam Episcopo, salvo ordine. Cap. *Sane*. de *excess. Pralar*. cap. *Ne Dei Ecclesiam*. de *simon*. de quo Fulbertus epistola 41. Sed an monasteria in totum vel ex parte tantum exempta sint a lege diocesana, liquido non convenit. Sentientes monasteria omnino libera & soluta esse a lege diocesana, nituntur can. *Si ex laicis* 10. quæstione 1. delumpto ex can. 3. Concilii Ilerdensis: *Si ex laicis quispiam a se factam basilicam consecrari desiderat, nequaquaquam eam sub monasterii specie, ubi congregatio non colligitur, a diocesana lege audeant segregare*. In eandem sententiam adducitur can. *Cum eo pro utilitate* 16. quæstione 1. *Ea vero quæ in jure monasterii de facultatibus offeruntur, in nullo diocesana lege ab Episcopis continguntur*. Sed nequaquam ea est sententia horum canonum qui jungendi sunt tanquam partes ejusdem canonis, ut monasteria omnino absolvantur a lege diocesana. Sed in quibusdam nempe, ut solvantur a processione publica, & populari conventu, ut consuleretur quieti Monachorum. Quod confirmatum est a Gregorio I. libro 4. epistola 87. Can. *Luminoso* 18. quæstione 2. Et ne occasione legis diocesanae & potestatis Episcopalis quicquam in suos usus converterent Episcopi, de oblationibus quæ a fidelibus offerrentur Monachis, quod jure singulari constitutum est, ut per hoc consuleretur inopiæ Monachorum. Idemque placuit Gregorio I. libro 2. epistola 58. ad Fortunatum Episcopum Neapolitanum: *Itaut in eodem monasterio neque fraternitas tua, neque Presbyteri, præter diligentiam disciplinæ aliquid molestiarum infe-*

xant, aut si quid pro diversorum devotione commoditatis accesserit, sive aurum, sive argentum, sive pradium, sive vestimentum, omnibus modis constructio prefata possideat, cum ancillis Dei in eodem loco defervientibus debeat proficere quicquid offerri ibidem contigerit. Et revera si integrum canonem repetamus, tantum abest ut in omnibus Monachi lege diocesana soluti intelligantur: quin etiam in ceteris lex diocesana defenditur, ex eo quod in priori parte comprobantur canones Concilii Agathensis, & Concilii Aurelianensis. De Monachis vero id observari placuit, quod Synodus Agathensis & Aurelianensis noscitur decrevisse. Quo intelliguntur can. 27. 28. & 38. Agathens. & can. 11. Aurelianensis I. ex quibus constat Monachos Episcopis omnino fuisse subiectos. Et quod magis probat, monasteria non omnino soluta esse a lege diocesana, negari non potest, Abbates tanquam lege diocesana subditos, teneri venire ad Synodum, ut habetur in cap. *Quod super his. de major. & obed.* Quod jam olim vsu probavit Gallicana Ecclesia. Concilium Aurelianense I. can. 11. ex can. Abbates 18. questione 2. Concilium Turonense can. 2. in can. Episcopus 18. distinct. & Concilium Altiissiodor. can. 7. Ut medio Maio omnes Presbyteri ad Synodum in civitatem veniant, & Kalendis Novembris omnes Abbates ad Concilium convenient. Ad dedicationem basilicæ in honorem sancti Benigni Martyris Divionensis, a Gregorio Episcopo Lingonensi vocati Abbates diocesis. Gregorius Turonensis de Miraculis libro 1. capite 51. Sed sanctum sepulcrum nescio qua causa faciente foris evenit, quod ille convocavit ad hoc obsequium Abbates atque alios religiosos viros. Ad translationem reliquiarum beati Desiderati Presbyteri, ab Agricola Arvernensi Episcopo acciti Abbates diocesis. Idem de gloria Confessorum capite 86. Post hæc adificato ex xenodochio leproforum Sacerdos suburbano in ejus basilicam collectis Abbatibus & omni Clero beatum corpus transtulit. Eodem jure monasteria sunt subiecta visitationi Episcopi, & eo nomine debetur procuratio. Cap. Cum ex officii. extra De prescript. cap. Sopita. de censib. Gregorius libro 7. epistola 18. cap. Visitandi 18. questione 2. Alias monasteria sunt libera ab onere cathedralici. Concilium Toletanum VII. can. 4. Can. Inter cetera 10. quæ-

itione 3. Et hoc est quod voluit Gregorius I. in can. *Quam sit necessarium* 18. quæstione 2. *Ut nullis canonicis juribus deserviant.* De oblationibus tamen quæ sunt monasteriis, pars debetur Episcopo, eulogie vel xenii nomine, duobus casibus: primo, si id actum sit in dedicatione Ecclesiæ; altero, si id consuetudine præscripta obtinuerit. Can. *Eleutherius*, can. ultim. 18. quæstione 2. Synodus Carthaginensis canone 83, apud Balsamonem.



CAPUT XII.

Origo & causa exemptionum, earum vis & effectus. Romanus Pontifex ordinarius exemptorum. Exemptionum clades. Exemptionibus modus impositus.

JURE communi monasteria omnia erant subiecta Episcopo, Synodi Chalcedonensis can. 4. Can. *Quidam* 18. quæstione 2. Etiam in Gallia, vbi maxime valebat potestas Episcoporum. Synodus Aurelianensis I. can. 11. *Abbatess pro humilitate religionis in Episcoporum potestate consistant.* Can. *Abbatess* eadem causa & quæstione. Ante Gregorium I. vix auditum nomen libertatis & exemptionis Monachorum. Quod enim in Concilio Arelatenfi III. Lerinense monasterium solum est a jurisdictione Episcopi, limitatum fuit quoad administrationem temporalium, salva Episcopo cura discipline monasticæ & rerum spiritualium. Primus Pontifex Gregorius I. propensior in Monachos ob memoriam commilitii, fuerat enim Monachus, ut consuleretur quieti Monachorum, ex quo tuti essent ab injuriis & molestiis quas patiebantur ab Episcopis, quamplura monasteria exempta jurisdictione Episcoporum, ut monasterium Ariminense, monasterium sancti Cassiani Massiliæ, monasterium Classe, monasterium Ravennatis diocesis, monasterium Augustodunense. Testis ipse Gregorius libro 1. epist. 41. & 43. Can. *Luminoso* 18. quæstione 2. Idem libro 6. epistola 12. libro 7. epistola 18. Can. *Quam sit necessarium* eadem causa & quæst.

D d d ij

Idem libro 11. epistola 10. Can. *Hinc est* 16. quæstione 1. Cassinense monasterium, caput Ordinis beati Benedicti, exemptione donavit Zacharias Pontifex. Leo Ostiensis Chronjc. Cassinens. libro 1. capite 4. *Ab hoc etiam Papa sanctissimo prædictus Abbas (Petronax) privilegium primus accepit, ut hoc monasterium cum cellis omnibus ad se pertinentibus ubicumque terrarum constructu, ob honorem ac reverentiam sanctissimi Patris Benedicti, ab omnium Episcoporum ditione sit liberum, ita ut nullius juri subiaceat, nisi tantum Romani Pontificis.* Monasterium Fuldense in Germania a Bonifacio Episcopo Moguntino constructum ad ejusdem preces a jurisdictione ordinarii exemit idem Pontifex. Testem ipsum habemus epistola 14. ad eundem. Monasterium majus Turonense exemit Victor III. Hujus monasterii exemptionem Pontificiam tuetur Ivo Carnotensis epistola 108. *Manifeste scitis non aliunde exarsisse istam malivolentiam, nisi inde quod interdicens Sedis Apostolicæ decreto, non potest Turonensis Archiepiscopus in majori monasterio publicas missas celebrare, erga Monachos imperiose agere, bona monasterii prout libuerit usurpare.* Eodem fere jure in Oriente Patriarcha Constantinopolitanus per *συνετηριον*, id est, *crucis fixationem*, in universo suo tractu extruebat monasteria libera & soluta a jurisdictione Episcopi loci, & immediate ad se pertinentia, quæ inde dicebantur Patriarchica: de quibus Balsamo juris Orientalis libro 2. novel. 8. & in can. 7. Synod. Constantinopolit. sub Photio. In Occidente monasteriorum exemptio non ita reservata erat Summo Pontifici: quin etiam ipsi Episcopi sui juris esse præsumerent, eximere monasteria a sua jurisdictione in sua quisque diocæsi; vel etiam Reges ipsi de Episcoporum assensu, ut patet ex formulis Marculfi libro 1. capite 1. ubi memoria celebrantur exemptiones monasteriorum Lirinensis, Agaunensis, Luxoviensis, in hunc modum factæ. Sic Clodoveus II. monasterium sancti Dionysii absolvit a jurisdictione Episcopi Parisiensis de consensu Landericus ipsius urbis Episcopi, idque in Synodo apud Clipiacum. Aimoinus libro 4. capite 41. & cœnobium sancti Basoli a propria jurisdictione exemit Nivardus Rhemenfis Archiepiscopus. Flodoardus libro 2. capite 7. & Corbiensem mona-

sterium a Bertefrido Ambianensi Episcopo solutum a propria jurisdictione, postulantibus Clothario III. Rege & Batilde conjugē, extat præcept. tom. 1. Conciliorum Galliarum apud Sirmundum. Exemptionem Corbiensis & Dionysiani cœnobiorum confirmavit Alexander II. epistol. 13. & 15. Frequentior exemptionum causa fuit vis & oppressio Episcoporum. Gregorius VII. libro 2. epistola 69. ad Cunibertum Taurinensem Episcopum: *An ignoras quod sancti Patres plerumque & religiosa monasteria de subjectione Episcoporum, & Episcopatus de parochia metropolitana sedes propter infestationem præfidentium diviserunt, & perpetua libertate donantes, Apostolicæ Sedi, velut principalia capiti suo membra, adherere sanxerunt.* Quandoque tamen exemptioni locum dedit voluntas & devotio fundatorum. Bernardus de considerat. ad Eugenium libro 3. *Nonnulla tamen monasteria sita in diversis Episcopatibus, quæ specialius pertinuerint ab ipsa sui fundacione ad Sedem Apostolicam, pro voluntate fundatorum, quis nesciat? Sed aliud est quod largitur devotio, aliud quod militatur ambitio impatiens servitutis.* Sic Willelmus Pius, Dux Aquitanie, & Comes Arvernorum, cœnobium Cluniacense in pago Matisconensi a se fundatum lege fundacionis subiecit Romano Pontifici, sub censu annuo decem & duorum aureorum, ut patet ex ipsis tabulis fundacionis, quas edidit Andreas Quercetanus in Bibliotheca Cluniacensi, quibus congruit Ordericus Vitalis Historie libro 12. Et ante monasterium Fuldense a Zacharia exemptum, precibus ipsius fundatoris, id est, Bonifacii Moguntini Episcopi, ut modo dictum est. Jus exemptionis est, quod exemptum liberat a potestate & jurisdictione ordinarii, & eum transfert ad immediatam & ordinariam jurisdictionem Romani Pontificis. Et per exemptionem Summus Pontifex fit ordinarius exemptorum. Can. *Nulla* 93. dist. ne exempti sint acephali, & sicut locustæ sine rege. Can. *Quidam* 24. qu. 3. can. *Abbatibus* 18. quæst. 2. Gloss. in cap. *Auctoritate, de privilegiis* in 6. Atque ita Cisterciensibus insultantibus Cluniacensibus, quasi proprium Episcopum habere detrectarent, recte respondit, Cluniacenses suum habere Episcopum Romanum Pontificem, ad quem immediate pertinerent ex lege fundacionis. Locus est elegans libro 1. epi-

stola 28. ad Bernardum Abbatem Clarevallensem : *Hunc unum solum*, inquit, & maximum nos habere Episcopum gloriamur, huic soli specialiter obedimus : ab hoc solo, si causa, quod absit, exigeret, interdici, suspendi, atque excommunicari possemus. Hoc ipsius sanctæ. Sedus irrefragabilis ianxit auctoritas, nec unius tantum, sed multorum decreta inde apud nostram matricem Ecclesiam conservantur : hoc ipsi ita condiderunt, non ut hanc, de qua loquimur, Cluniacensem Ecclesiam alteri Episcopo prius eam possidenti auferrent ; sed a fundatoribus qui eam in proprio alodio construxerant, rogati in propriam retinuerunt, atque soli Romano Pontifici eam in æternum subiacere decernentes, pluribus hoc privilegium confirmaverunt. Idem Goffridus Abbas Vindocinensis, & ipse exemptus, libro 2. epistola 27. *Acephali non sumus*, quia Christum Salvatorem caput habemus, & post ipsum Romanum Pontificem. Inde locus exemptus dicitur esse de diocesi, non in diocesi, quia quoad jurisdictionem Episcopalem perinde habetur ac si existeret extra diocesim. Geminianus in cap. *Cum Episcopus. de offic. ordinar.* in 6. Fridericus Senensis consil. 16. Exemptionis beneficio velut vinculo exemptus ita tenetur Summo Pontifici, ut non possit renunciare beneficio sine licentia Summi Pontificis, id est, nisi in manibus ejus. Cap. *Dilecti. de renunciat.* cap. *Si Abbatem. de elect.* in 6. nec possit renunciare exemptioni per se sine licentia Summi Pontificis. Cap. *Cum venerabilis. de consuetud.* nec compromittere de libertate monasterii sine licentia ipsius Pontificis. Cap. *Cum tempore. de arbitr.* Alia jura exemptionis sunt, quod Episcopus diocesanus non potest visitare monasteria, nec cathedram ibi collocare, vel missas publicas celebrare, ne popularis conventus prabeatur occasio. d. Can. *Luminoso.* Et hoc fuit jus monasterii majoris Turonensis. Ivo Carnotensis epistola 108. & Carrozensis. Innocentius III. reg. 13. epistola 18. Et exempti ordinationes Clericorum, consecrationes altarium a quocumque Episcopo petere possunt. Cap. *Constitutus. de religiof. domibus.* Licet exemptiones sint privilegia & beneficia Ecclesiæ Romanæ, quæ inferioribus Ecclesiis privilegia concedere potest. Can. *Privilegia* 1. & 2. & per totum 25. questione 2. tamen quasi factas in necem & damnum Episcoporum, valde infectati

Sunt religiosissimi Patres. Bernardus Abbas Clarevallensis utcumque Sedi Apostolicæ devotissimus, de consideratione ad Eugenium libro 3. *Subtrahantur Abbates Episcopis, Episcopi Archiepiscopis, Archiepiscopi Patriarchis sive Primatibus. Bona ne species hæc? Mirum, si excusari queat, vel opus. Sic facitendo probatis vos habere plenitudinem potestatis, sed iustitia forte non ita: facitis hoc, quia potestis; sed utrum & debeatis, quaestio est. Honorum, ac dignitatum gradus & ordines quibusque suos servare positi estis, non intüdere. Et infra: Nolo autem præcendas mihi fructum emancipationis ipsius: nullus est enim, nisi quod inde Episcopi insolentiores, Monachi etiam dissolutiores sunt; quid quod & pauperiores? Inspice diligentius talium ubique libertorum & facultates & vitas, si non pudenda admodum & tennitas in his, & in illis secularitas invenitur. Idemque epistola 42. ad Henricum Senonensem Archiepiscopum: Miror quosdam in nostro ordine monasteriorum Abbates hanc humilitatis regulam odiosa contentione infringere, & sub humili, quod pejus est, habitu & consueva tam superbe sapere, ut cum ne unum quidem verbulum de suis imperis subditos prætergredi patiantur, ipsi propriis obedire contemnant Episcopis, spoliant Ecclesias ut emancipentur, redimunt se ne obediant. Idem Richardus Cantuariensis Archiepiscopus epistola ad Alexandrum III. apud Petrum Blesensem epistola 68. accusat Abbatem Malmesburiensem, quod omisso Saresberienfi Episcopo diocæsano benedictionem expetierit a Wellensi Episcopo, & infert eum dixisse: Viles sunt Abbates & miseri, qui potestatem Episcoporum prorsus non exterminant, cum pro annua auri uncia plenam a Sede Romana possint assequi libertatem. Et infra: Quid est eximere ab Episcoporum jurisdictione Abbates, nisi contumaciam ac rebellionem præcipere, & armare filios in parentes? Videant, quæso, ista, & judicent, qui judicant orbem terræ, ne inde emanare videantur injuriæ, unde jura sumuntur. Et rursus: Scimus equidem quod ob quietem monasteriorum, & Episcoporum tyrannidem, hæc exemptiones plerumque Romani Pontifices indusserunt; verumtamen in contrarium res versa est, monasteria enim quæ hoc beneficium damnatissima libertatis, sive Apostolica auctoritate, sive, quod frequentius est, bullis adulterinis adepta sunt, plus inquietudinis, plus inobedientia, plus inopia incurrerunt, &c. Etiam Episcopi pos-*

sunt eximere Ecclesias a sua iurisdictione, non in totum, nisi accedente consensu Summi Pontificis. Cap. *Constitutus. de religiof. domibus.* cap. *Cum venerabilis. de censibus.* Et hoc distat exemptio Ecclesiæ quæ fit ab Episcopo, ab ea quæ fit a Summo Pontifice, quod Pontifex potest eximere Ecclesias in totum a iurisdictione ordinarii, propter plenitudinem potestatis. Hoc commune est inter hanc & illam, quod in exemptione Ecclesiarum uterque potest, sicut consuevit, sibi reservare annum censum seu pensionem in signum subjectionis. d. Cap. *Constitutus.* d. cap. *Cum venerabilis.* Ut Albanensis Episcopus in exemptione Ecclesiarum, quæ erant unitæ monasterio Cryptæ Ferratæ, sibi reservavit annuam pensionem octo denariorum: quod probat. Innocentius III. in d. cap. *Constitutus.* Sic monasterium Cluniacense & Vindocinense singula præstant annum censum duodecim solidorum, ex tabulis fundationis ipsius monasterii Cluniacensis, & Gofrido Vindocinensi libro 1. epistola 9. & 13. Monasterium Vezeliacense libram argenti quotannis. Innocentius III. libro 1. epistola 150. Pleraque monasteria vnciam auri. Petrus Blesensis epistola 68. Monasterium sancti Michaelis in Germania, marmotimum, hoc est, denarium aureum. Albertus Argentinensis in Chronic. Et ideo per exemptiones Ecclesias depauperari, tum propter præstationem annui census, cum propter sumptum qui fiebat pro adipiscenda exemptione, aiunt Bernardus & Petrus Blesensis. Exemptionibus primum modus impositus est in Concilio Constantiensi anno Christi 1416. & sopito schismate quamplures exemptiones quas Clemens Antipapa, ut fautores vndique sibi conciliaret, indulserat, a Martino V. rescissæ sunt. Tum in Concilio Tridentino exemptiones fere evacuatae, plerisque casibus concessa iusta potestate Episcopis in exemptos, tanquam Apostolicæ Sedis delegatis, ut in casu visitationis monasteriorum, in quibus non viget disciplina regularis, & quæ non parent Capitulo generali sess. 25. *De regular.* quod comprobatum est Constit. Blesens. art. 27. in collatione Ordinum, sess. 23. *De reform.* cap. 10. & in casu tuendæ vel restituendæ clausuræ Monialium, sess. 25. *De regular.* cap. 5. de quo ante cautum est in cap. vnic. in fin. *De statu regular.* in 6. & aliis casibus qui satis noti sunt omnibus.



CAPUT



CAPUT XIII.

*Monasteria sunt in mundeburde regio. Horum cause.
pertinent ad curiam Principis.*

MONASTERIORUM dignitatis accedit & illud argumentum, quod monasteria in Gallia sunt in mundeburde regio, id est, sub tuitione & defensione regia, perinde ac Ecclesiæ Episcopales, ut patet ex formulis Marculfi, libro 1. capite 24. cui congruit Synodus Confluentina: Volumus ut Ecclesiæ, & Casa Dei, & Episcopi, & Dei homines Clerici, & Monachi, & Nonnæ, talem mundeburdem & honorem habeant, sicut tempore antecessorum nostrorum habuerunt. Ecclesiæ & monasteria sunt sub mundeburde regio, tum quod Ecclesia est in Republica Optato libro 3. tum quod pleræque Ecclesiæ & monasteria Regem fundatorem vel benefactorem agnoscunt: vel quia ab initio privati fundatores, ut tuta essent a prædis & injuriis laicorum, ea passim advocatiæ & tutelæ Principum commendarunt. Synodus Meldenensis can. 41. Providendum est regia majestati, ut monasteria quæ ab hominibus Deum timentibus in sua proprietate constructa, prædecessores illius causa defensionis & mundeburdi susceperunt, ut libera libertate remota spe hereditaria de illorum propinquitate ibidem religio observaretur, & nunc in alodium sunt data, qualiter vota fidelium inconvulsa permaneant. Et Synodus Ticinensis can. 16. Suggestendum est beatissimis Imperatoribus, quia hi qui monasteria & xenodochia sub defensione sacri Palatii posuerunt, ideo fecisse probantur, quod a nullo melius quam a summis potestatibus protegenda crediderunt. Sic Wifredus Comes Bituricensis, & Oda ejus conjux, fundatores monasterii Stradensis, Pipini Regis tutelæ id credidere. Auctor vitæ sancti Genulfi libro 2. capite 8. Quibus, inquit, ut se tempus obtulit opportunum, continuo de rebus eidem loco delegandis testamentum faciunt, Domnique Pipini Regis adeuntes presentiam vota suggerunt, & locum sibi rebus decretis per testa-

E c c

mentum, ejus potestati committunt, ut ipsius auctoritate atque Francorum deinceps Regum providentia tueretur. Sic eidem Pipino Regi monasterium sancti Galli apud Helvetios, tuitionis gratia tradidit Waltramus Comes. Ratpertus Monachus de casibus monasterii sancti Galli cap. 1. Postea vero tempore precedente, atque statu monasterii in melius proficiente, prefatus Waltramus eundem Abbatem Othmarum Pipino Regi presentavit, ipsique Regi monasterium, quod adhuc hereditario jure in sua tenebat potestate, cum ipse pariter Abbate contradidit: ea videlicet causa, ut ipse Abbas ejusque successores idem monasterium regia auctoritate retinentes, nullius deinde violentia premerentur; sed tantummodo Regum jussionibus obedirent. Nonnumquam etiam ipse Ecclesie & monasteria ultro tutelae regiae sese dederunt, ut Carolo Magno Laurishamense monasterium. Chronic. Laurishamense ad ann. Christi 776. Gundelandus igitur Abbas in juris sui quieti possessione, tum dictante justitia, tum regia auctoritate confirmatus, Laurishamense monasterium cum omnibus illuc pertinentibus in manus & mundeburdeni gloriosi Regis Caroli tradidit, quatenus privilegii insigniretur regalibus. Imo & ipsum monasterium sancti Galli Ludovici Pii tuitionem primum expetiit, si fides Sangallensi de gestis Caroli Magni libro 1. Quod adeo verum est, ut cum fidelis ejus Abba noster Hart, nunc autem noster inclusus, ei retulerit, quod reicula sancti Galli, non ex regalibus donariis, sed ex privatorum traditionibus collecta, nullum privilegium aliorum monasteriorum, vel communes cunctorum populorum leges haberet, & ideo neminem sui defensorem, vel advocatum reperire potuissent, ipse cunctis adversariis nostris opponens advocatum se villitatis nostrae coram cunctis principibus suis profiteri non erubuerit. Regiae advocatiae praeipuum jus fuit, quod Ecclesiarum & monasteriorum, quae illa potirentur, causae nullo medio deferrentur ad curiam Principis, ut observatur ex praedicta formula Marculfi, & ex Synodo Ticinensi: quo jure causam de rebus monasterii Laurishamensis adversus Heimericum Comitem, ad audientiam Caroli Magni deductam refert Chronic. Laurishamense: Heimericus Comes filius Cancronis, mortuis patre & avia, cernens praefatum locum ex parvo & modico ad tantam rerum & fame proventum eminentiam, nitebatur cum sibi proprietatis ri-

tulo vendicare: cuius rei actione ad palatium delata, & allegatione utriusque partis audita, juxta legem Francorum diffinitum est, Gundelandum Abbatem jure possidere quod sibi fuerat a fratre sine contradictione collatum, nec Heimericum posse repetere, quod pater ejus & mater probantur sospites in scriptis tradidisse.



CAPUT XIV.

*Abbates Patres & Magistri. Abbatum jura Episcopalia.
Abbatum varia privilegia.*

UT Monachorum dignitas comparatione majorum magis magisque elucescat, Abbatum qui eis præsent, quænam sit dignitas & potestas, scire opportunum est. Antequam Monachi admissi essent in Clerum, Abbates & Monachi etiam plebi Clericorum primas dabant. In Synodo Romana sub Sylvestro habita can. 7. Abbas censetur post omnes Ordines Ecclesiasticos, & post ipsum Ostiarium, cujus est infimus gradus, & post Abbatem Monachus. Can. A Subdiacono 93. dist. Ex quo vero Monachi in Clerum assumpti sunt, adunatis Sacerdotii & sanctitatis meritis, ad dignitatis Episcopalis apicem fere pervenerunt. Antea Præfetti Monachorum Abbates quidem, id est, Patres & Magistri inter Monachos dicebantur. Abbas est nomen dignitatis, idem sonat quod Pater. Hieronym. libro 2. in epist. ad Galat. capite 4. Abba Pater, Abba Hebraicum est, id ipsum significans quod & Pater, & hanc consuetudinem in pluribus locis scriptura conservat, ut Hebraicum verbum cum interpretatione sua ponat. Cum autem Abba Pater Hebræo Syroque sermone dicatur, & Dominus noster in Evangelio præcipiat nullum Patrem vocandum, nisi Deum: nescio qua licentia in monasteriis vel vocemus hoc nomine alios, vel vocari nos acquiescamus. Idem Augustin. 3. de consensu Evangelist. 4. & de verb. Apostol. sermon. 13. Jo. Chrysostom. in epist. ad Roman. Homil. 14. appellationem Magistri signat. Hieronym. in vit. Hilarion. Eodem ferme tempore Hadrianus discipulus ejus de Palestina supervenit, Ecc ij

ubi Hadrianus infelix volens Palaſtinam reverti, & priſtinam ſub nomine Magiſtri quærens gloriam, multas ei fecit injurias, ſuper hoc quia alter locus referendi non eſt. Hoc tantum dixerim in terrore eorum, qui Magiſtros deſpiciunt, quod poſt aliquantulum temporis computruerit morbo regio. Abbates dicebantur Patres & Magiſtri, quia Monachi eis ſubditi erant, tamquam liberi patri, & diſcipuli magiſtro. Sed hujusmodi dignitas claudebatur ambitu monaſterii, & latebat inter Monachos. Sed poſtquam Cléro aggregati ſunt, poſt Epiſcopos primarii facile evaſere. Auguſtin. libr. de ſalutar. documentis cap. 62. Expeſtatur enim dies judicii, aderit ille æquiſſimus judex, qui nullius potentis perſonam accipiet, cujus palatium auro argentoque nullus Epiſcopus, nec Abbas, nec Comes corrumpere poterit. Exinde Abbates numerantur inter Prælatos & Ordinarios. Cap. Ne pro defectu. de elect. Cap. Quanto. de offic. ordinari. cap. ult. cod. tit. in 6. Et Monachi honorem & obſequium Abbati poſt Deum deferre tenentur. Auſtor ſermon. ad fratres in erem. ſerm. 1. Illum qui vobis præeſt, poſt Deum omnes ſicut decet Dei ſervulos honorate. Hinc honoris cauſa Monachorum inclinationes & proſtrationes ad pedes Abbatum. Pallad. in Lauſiac. cap. 42. Ἐπεὶ αὐτὸς εἰς τὰς πόδας λέγει αὐτῇ, εὐλόγησόν με, ἀμμή. πηδῶσα ἡ καὶ αὐτὴ εἰς τὰς πόδας αὐτοῦ ἵλκων, οὐ μ' εὐλόγησεν, κτελεί με. Et cadens ad pedes ejus, dicit ei, Benedic Ammā; cadens autem ad pedes ejus ipſa quoque dicebat, Tu mihi benedic, Domine mi. Damascen. orat. 1. de imaginib. βαλὼν κατὰ τοιαύτῳ τῷ Ἰωάννῃ. Joanni venerandus ad pedes ſe abjiciens. Dorotheus doſtrin. 4. ἔβαλον αὐτῷ κατὰ τοιαύτῳ, ἵνα λάβω ὡς δέξασιν παρ' αὐτοῦ, καὶ ἀναχέωσται. Inclinato corpore illi reverentiam exhibebam, ut data venia, & accepta benedictione diſcederem. Cæſarius de Miracul. lib. 4. cap. 10. Ad Gloria Patri inclinamus, necnon & Abbati, aliisque in multis locis, in quibus ordo hoc præcipit. Ante Concordatum in electione Abbatis, vel Prioris Conventualis, qui ſuper ſe Abbatem non habet, ſervabatur forma cap. Quia propter, ut in electione Epiſcopi. Hodie ſublata electione, nominatio pertinet ad Regem, collatio ad Summum Pontificem. Ex Concordat. §. De monaſteriis. de regia ad Prælatur. nominat. Ab eo tempore Abbatia & Prioratus Conventuales ſunt de be-

nunciis quæ dicuntur consistorialia, quia super illis providet Papa in consistorio ad regiam nominationem, & bullæ super his expediuntur in Cancellaria sub plumbo. Abbates in quibusdam habent jura Episcopalia, vt Tonsuram & alios minores Ordines suis, id est, professis Regularibus sui monasterii, non aliis, conferre possint, modo sint benedicti & Presbyteri. Synod. Nicæn. II. can. 14. Can. Quoniam 69. dist. Cap. Cum contingat. de atar. qualis. & ordin. præfic. Can. Statuimus. de suppl. neglig. Prælat. Cap. Abbates. de privileg. in 6. Conc. Trident. sess. 23. De reformat. cap. 10. Conc. Pictaviens. ann. Chr. 1109. *Ut nullus præter Episcopum coronas benedicere præsumat, exceptis Abbatibus qui illis tantummodo coronas faciant, quos in Regula beati Benedicti militaturos susceperint.* Gregor. Tur. de vit. Patr. cap. 6. apud Surium tom. 4. *Tunc Abbas ista nunciis referentibus puerum Clericum fecit.* Minores Ordines ab Abbatibus posse conferri insinuat Alexander III. in cap. Requisivit. de ordinat. ab Episcopo qui renunciavit Episcopatu, dum modi Ordines a non Episcopo quandoque conferri ait, hæc dubie referens se ad Abbates qui habent jus minores Ordines conferendi. Abbates etiam possunt plebem solemniter benedicere in Ecclesiis pleno jure sibi subiectis, post Missarum & Matutinarum solemniam, non aliis in locis, nec in itinere, in transitu, nisi ex privilegio speciali, d. cap. Abbates. Et Conc. Trident. d. cap. 10. sess. 23. Casarius de miracul. lib. 3. cap. 35. *Et chororum more Abbatis circumiens, Monachis benedixit.* Inter Abbates fuere quidam dignitate & potestate præstantiores, vt Abbas Cassinensis, Abbas Cluniacensis, Abbas Vindocinensis, Abbas S. Columbani in Britannia, Fuldenensis in Germania. Ex privilegio Victoris II. Abbas Cassinensis habet *regiæ dæi* & primam vocem in omni Conventu Ordinis inter omnes Abbates. Leo Ostiensis Chronic. Cassinens. libro 2. cap. 97. *In omni præterea Episcoporum Principumque conventu, superiorem Abbatibus omnibus sedem, & in consiliis eorum atque judiciis, priorem nihilominus sui hominibus. Ordinis sententiam illi pariter & ejus successoribus omnibus Apostolica auctoritate firmavit.* Et idem dictus est Abbas Abbatum, reprehensio Abbate Cluniacensi, qui idem nominis usurpabat. Leo Ostiensis lib.

4. cap. 62. *Quo etiam tempore dñus Pontius Cluniacensis Abbas ad Synodum veniens Abbatem Abbatum se jactaret, rogatus a Joanne Cancellario, an Cluniacenses a Casinensibus, aut Casinenses a Cluniacensibus Regulam sumpssissent; respondit, non modo Cluniacenses, verum omnes in Romano orbe Monachos, Regulam Patris Benedicti a Casinensi accepisse cœnobio. Ergo, inquit Cancellarius, si a Casinensi monasterio tanquam a vivo fonte monastica religionis norma manavit, jure a Romanis Pontificibus Casinensi Abbati hæc prærogativa concessa est, ut ipse solus qui tanti Legiferi Vicarius est, Abbas Abbatum appelletur. Quo ex loco intelligimus etiam Abbatem Cassinensem esse Vicarium natum Sedis Apostolicæ. Abbas Fuldensis tanta dignitate præcellit, ut in Comitibus Imperii Imperatori ad dextram assideat. Willelm. Malmesbur. de gest. Reg. Anglor. lib. 2. cap. 12. Fuldense cœnobium est in Saxonia sancti Galli corpore insigne, & prædiis ditatum permagnificis. Ejus loci Abbas sexaginta millia bellatorum Imperatori præbet in hostem, habetque ex antiquo privilegium, ut in præcellentibus festivitatibus ad dextram ejus consideat. Idem Continuator Bedæ libro 2. cap. 22. Abbas S. Columbani in Anglia, quod monasterium constructum a B. Columbano Hyberno Apostolo Anglorum, in insula cui Hydesti nomen, ex donatione Pictorum præest universæ provinciæ Pictorum, ipsis etiam Episcopis. Beda lib. 3. cap. 4. Habere autem solet ipsa insula rectorem semper Abbatem Presbyterum, cujus juri & omnis provincia, ac ipsi etiam Episcopi ordine inuistato debeant esse subiecti, juxta exemplum primi doctoris illius, qui non Episcopus, sed Presbyter extitit & Monachus. Abbas Cluniacensis est Cardinalis natus Ecclesiæ Romanæ, ex privilegio Callixti II. qui cum apud Cluniacum ageret, hoc privilegii impertiit Pontio Abbati, & ejus successoribus, ut essent Cardinales nati, & hoc titulo cum per annuli traditionem investivit: de quo Petrus Cluniacensis lib. 6. epist. 46. Senatui Romanorum Episcoporum, vel Cardinalium non tantum adjungebar, sed & quandoque adjungi cogebar, &c. Abbas quoque Vindocinensis est Cardinalis natus. B. Priscæ Ecclesiam in titulum Cardinalem Abbati Vindocinensi cum dignitate Cardinali concessit Alexander II. confirmavit Gregorius VII. Verum factione Guiberti pseudo-*

Pontificis adeptam a Paschali II. repetiit Goffridus Abbas Vindocinensis, & prius ejusdem investituram recepit ab Urbano II. de quo ipse Goffrid. lib. i. epist. 10. & 26. In Episcopalibus Synodis & Conciliis Abbates primum locum obtinent post Episcopos. Cap. *Ex ore sedentis. de privilegiis.* Sed Abbati Fuldensi hoc jus præcipuum est, quod in conventu Episcoporum assidet Episcopo Moguntino. Lambert. Schafnaburgens. de reb. gest. Germanor. ad ann. 1063. *Consuetudo erat in regno per multos retro majores observata, ut semper in conventu Episcoporum Abbas Fuldensis Archiepiscopo Moguntino proximus assideret.* Idem in supplement. Helmod. lib. 3. cap. 9.



CAPUT XV.

Abbatum insignia Episcopalia: his modus adhibitus a Clemente IV. Abbatum sigillum authenticum.

NONNULLI etiam Abbates ex privilegio Sedis Apostolicæ habent insignia Episcopalia, baculum seu virgam, mitram, annulum, sandalia, dalmaticam, seu tunicam, chirothecas. Quod minus probarunt sanctissimi Patres, quos inter Bernardus epist. 42. ad Henricum Senonensem Archiepiscopum. Verum aperte indicant quidam horum quid cogitent, dum multo labore ac pretio apostolicis adeptis privilegium, per ipsa sibi vendicunt insignia Pontificalia, videntes & ipsi more Pontificum, mitra, annulo, atque sandaliis. Sane si attenditur verum dignitas, hanc Monachi abhorret professio: si ministerium, solis liquet congruere Pontificibus. Goffrid. Abbas Vindocinens. lib. 2. epist. 26. Certe non plus in concessione ornamentorum sacerdotalium, ab Apostolica Sede Abbatibus indulgetur, quam illi qui sine vitæ meritis & Ordinibus sacris, Episcopus eligitur. Et Petrus Blesensis epist. 90. ad Guillelmum Abbatem: *Retulit mihi quidam nuntius vester, qualiter Dominus Papa vos mitra proprii capitis & aliis ornamentis Episcopalibus insignivit. De benedictione gaudeo, sed insignia Episcopalis eminentiæ in Abbate*

nec approbo, nec accepto: mitra enim & annulus, atque sandalia in alio quam in Episcopo, quadam superba elatio est, & prae-sumptuosa ostentatio libertatis. Talium usus est in Ecclesiis dedicandis, in consecrandis virginibus, in Ordinibus celebrandis. Quare igitur huius ritus, aut potius abutitur, qui tamen talibus prohibetur? Virga usi sunt veteres Abbates, disciplinae & correctionis, non dignitatis demonstrandae causa. Virga percussit Benedictus Fratrem ante tempus e choro abeuntem. Gregor. Dialog. 2. cap. 4. Annuli usus recentior in Abbatibus: usu annuli interdictum aliis quam Episcopis, in Concilio Generali Lateranensi sub Innocent. III. cap. pen. extra de vit. & honestat. Cleric. Ex privilegio tamen Pontificalibus ornamentis usi sunt Abbates, ut Abbas Lobiensis, de quo auctor vitæ D. Gosuini lib. 1. cap. 23. ubi ait hunc in Abbatem Lobiensem expetitum. Rectorem loci minus quidem Episcopo, sed esse plus Abbate, cujus in Missarum solemnibus ornaret annulus manum, sandalia pedes, corpus tunica universum. Richerio Abbati Cassinensi, & successoribus sandaliorum, dalmaticæ & chirothecarum usum in diebus solemnibus concessit Leo IX. quod Friderico Abbati confirmatum est a Victore II. Leo Ostiens. lib. 2. cap. 82. & 97. Cum vero graves querelas excitarent Episcopi, quod participio ornamentorum Abbates pene pares fierent Episcopis, & inde nasceretur confusio dignitatum, Clemens IV. hunc modum adhibuit, ut in Conciliis & Synodis Abbates exempti mitris auriphrygiatis, sed absque gemmis, laminisque aureis vel argenteis uterentur: non exempti, simplicibus & albis ac planis; in aliis vero utrisque mitris liceret uti, quas Sedis Apostolicæ indulta permiserint, cap. Ut Apostolica. de privileg. in 6. Præter ornamenta Episcopalia Abbates & Priores Conventuales habent sigillum authenticum propria imagine & nomine insculptum. Synodus Londinensis habita anno Christi 1237. Præside Othone Diacono Cardinali, Legato Sedis Apostolicæ in Anglia, apud Mattheum Paris. Quoniam tabellionum usus in regno Anglia non habetur, propter quod magis ad sigilla autentica credi est necesse, ut eorum copia facilius habeatur, statuimus ut sigillum habeant non solum Archiepiscopi & Episcopi, sed etiam eorum Officiales: item Abbates, Priores, Decani, Archi-

Archidiaconi, & eorum Officiales, Decani rurales, necnon Ecclesiarum Cathedralium Capitula, & cætera quæque Collegia & Conventus cum suis rectoribus, aut divisim, juxta eorum consuetudinem, vel statutum, pro varietate quoque cujuslibet prædictorum habeat unusquisque sigillum, nomen, puta, dignitatis, officii, collegii, & etiam illorum proprium nomen, qui dignitatis vel officii perpetui gaudent honore, insculptum notis & characteribus manifestis. Hinc Anselmus ex Abbate Becceusi jam electus Cantuariensis Archiepiscopus, nondum consecratus, lib. 3. epist. 10. Sigillum, inquit, hæc epistola non habet, quia Abbas jam non sum, & Archiepiscopus nondum sum, nec me delectat pingi quod non sum. Hujusmodi sigillum authenticum dicitur, propter auctoritatem qua pollet, quia plenam fidem facit absque tabellione & testibus. Cap. 2. cap. Inter electos, cap. Quod super his, de fid. instrument. cap. 2. De offic. ordinar. in 6.



CAPUT XVI.

Quando Abbates vocati ad Concilia generalia.

EX quo Monachi in Clerum admissi sunt, Abbates primum post Episcopos gradum etiam in Conciliis Ecclesiasticis facile obrinuerunt. Primum Abbates ab Episcopis vocati ad Synodum Episcopalem. Concil. Turonens. can. 2. Can. Episcopus 18. dist. Concil. Autissiodor. can. 71. necnon ad alios conventus sacros, ut in *regula* Ecclesiarum, translationes reliquiarum, ab Episcopis adhibiti sunt Abbates: de quo Gregor. Turonens. de miracul. Sanctorum lib. 1. cap. 51. 56. Idem de glor. Confess. cap. 86. Gregor. VII. lib. 5. epist. 23. Inde in ordinatione Abbas jurat se venturum ad Synodum in ordine Romano. Synodo Cameracensi interfuit Gosuinus Abbas Aquiescensis, & in ea solemnem orationem habuit, mandante Liectardo Cameracensi Episcopo. Ejus vit. lib. 2. cap. 22. Residente Synodo Cameraci, verbum Domini commisit erogandum Gosuino. Ad generalia Concilia serius vocati sunt Abbates. In Ephesino pri-

Fff

mum Eutyches Abbas fortiter disputavit adversus Nesto-
 rium, & Dalmatius Archimandrita Synodi epistolas publi-
 ce recitavit. In Synodo Chalcedonenſi Eutychetis Abbatis
 damnationi poſt Episcopos ſubſcribere plures quam duo
 & viginti Archimandrita, ſed non prius quam invitati eſ-
 ſent ab Episcopis vt ſubſcriberent. In actione prima ejuſ-
 dem Synodi Abbas Martinus requiſitus a Constantino quo-
 dam, vt ipſe ſubſcriberet actis Concilii Ephreſini II. reſpon-
 dit, *μη ἐν ἐμῷ τὸ ὑπογράφειν, ἐπισκόπων δὲ μόνων.* Non eſt
meum ſubſcribere, ſed Episcoporum tantum eſt. Ad Syno-
 dum VI. univverſalem Constantinus Pogonatus petiit ab
 Agathone Papa mitti de quatuor monaſteriis Byſtantinis,
 ab vnoquoque monaſterio Monachos quatuor, vt patet ex
 epistoſa Imperatoris qua præfixa eſt actis Synodi. Tum in
 conſeſſus ordine Abbates poſt Episcopos locantur. Synodo
 VII. qua eſt Nicæna II. interfuere quamplurimi Abbates
 & Monachi. Et cum ſacrarum imaginum cultus omnium
 Episcoporum ſententia & ſubſcriptione firmatus eſſet, ſan-
 cta Synodus dixit: *Æquum eſt, vt & venerabiles Monachi*
pronuncient. Et venerabiles Monachi dixerunt: Si ordo ita
 exigit, pronunciabitur a nobis vt mandatis, vt legitur actio-
 ne ſecunda huius Synodi. Ab eo tempore Abbates ad Con-
 cilia generalia cœpere vna cum Episcopis ſententiam dice-
 re, & eiſdem ſubſcribere. Synodum ex Episcopis & He-
 gumenis, id eſt, Præſectis Monachorum, adverſus Theo-
 dorum Hegumenum ſtudii, qui a communione Tharaſii
 Patriarchæ CP. diſceſſerant, congregavit Nicephorus Im-
 perator: de quo Paulus Diaconus lib. 24. Hiſtor. miſcell.
Tunc Nicephorus Imperator occasione percepta, cum Episcopos
& Hegumenos congregaſſet, Synodum adverſus illos celebrari
præcepit, per quam a monaſterio & urbe deſecti exilio ſunt
deſtinati. A Gregorio VII. ad Synodum Romanam invi-
 tati Abbates. Teſtis ipſe Gregor. lib. 1. epistoſ. 43. Conſilio
 Piſis celebrato ab Innocentio II. adverſus Leonem Anti-
 papam interfuere Petrus Abbas Cluniacenſis, & alii nobi-
 liores Abbates Gallia, qui in reditu capti, & omnibus ſpo-
 liati ab his qui erant partium Leonis: de quo Petrus ipſe
 Cluniacenſis lib. 1. epistoſ. 27. Eidem Conſilio interfuit Ber-

LIBER SEPTIMUS. 411

ardus Abbas Clarevallensis, vt fertur ejus vit. lib. 2. cap. 2. *Affuit per omnia in consiliis, & judiciis, & definitionibus omnibus sanctus Abbas.* Concilium generale Lateranense celebraturus Innocentius III. Abbates convocavit ex vniverſo orbe, cujus rei testem locupletem ipsum habemus. Cap. *Nuper Abbates, extr. de decim.* Concilio Tridentino post Episcopos adſedere & ſubſcribere Abbates.

CAPUT XVII.

Officiales temporales, ſtipatus Abbatum.

UTRIUSQUE dignitatis, ſpiritualis & temporalis, inſignibus claruere Abbates: in ſpiritualibus poſt Episcopos primi, in temporalibus poſt Duces & Comites. Etiam majores Officiales, puta Bajulos ſeu Senefcallos, Pincernas, Dapiſeros in obſequio habuere. Camerarium, Mareſcallum, Pincernam, & alia id genus miniſteria jam olim oſtentavit Abbas S. Dionyſii. Bajulum ſuum itineris comitem & martyrii teſtem apud locum Regulæ, ſecus Garumnæ, habuit Abbo Abbas Floriacenſis. Aymoin. Floriacenſis ejus vit. capite 17. *Talibus impuſſus allegationibus, impendente jam ultimo vocationis ſuæ die, ſecundo iter arripuit, hos ex Monachis itineris comites aſſumens ſupra nominatum Remigium, meque qui hæc ſcribo Aymoinum, cum Guillelmo ſuæ venerantiæ, juxta Abbatum morem, tum bajulo.* Abbati Prumiænſi vni e nobilioribus Germaniæ, adfuit ſuus Pincerna & Dapiſer, pro ut ea ætate moris erat. Cæſarius de Miracul. lib. 5. cap. 2. *Miles quidam Henricus nomine de caſtro Falkinſtein oriundus, Pincerna fuit Cæſarii Monachi noſtri, tunc Abbatis Prumiæ.* Et idem capite 30. ejusdem libri: *Duo juvenes ſeculares nondum milites, ex quibus vnus Abbas erat Dapiſer Prumiæ.* Quæ fuerit Abbatum pompa in numero veſtionum, id eſt, equorum & ſtipatorum, pudet dicere. Bernard. & ipſe Abbas in Apologia ad Willelmum Abbatem: *Quod enim ſpecimen humilitatis eſt cum tanta pompa & equitatu in-*

Fff ij

cedere, tantis hominum crinitorum stipari obsequiis, quatinus duobus Episcopis unius Abbatis multitudo sufficiat, mentior si non vidi Abbatem sexaginta equos, & eo amplius, in suo ducere comitatu. De stallo, id est, gradu depositus Prior Cluniacensis, quod sexaginta equis stipatus procederet, & ad ternos redactus. Robertus Montensis in Supplement. Sigeberti ad ann. 1180. Walterius Cluniacensis Abbas, Priorem de stallo deposuit, qui solebat ducere in comitatu suo quadraginta equos, & iussit ut esset contentus tribus equitibus.





ASCETICON

SIVE

ORIGINUM

REI MONASTICÆ

LIBER OCTAVUS.



CAPUT I.

*Utilitas Monachorum. Monachi everfores paganifmi,
defensores fidei Catholica.*



NE Monachorum & Abbatum dignitas infano populi studio magis quam eorum meritis parta videatur, ac ne otiosum & ignavum hominum genus immerenter coli, & de publico ali credamus: quæ semper fuerit utilitas Monachorum, hoc libro enarrare par erit. Quam vtilis Ecclesiæ futuri essent Monachi, satis a cunabulis testatum fecere, cum grassante persecutione, martyrio & fuso sanguine fidem christianam illustrarunt, ut scribit Eusebius libro 8. capite 20. lidem.

Fff iij

que admiratione vitæ, & opinione sanctitatis, miraculis & verbo prædicationis, ethnica superstitionis reliquias sustulere in Ægypto & aliis partibus. Augustinus de verbis Domini sermone 50. *Illic autem in Ægypto quomodo pastor est iste, qui norunt, agnoscunt; qui non norunt, requirant, quam magnum illic gregem colligat, quantam numerositatem sanctorum atque sanctarum habeat contemnendum penitus mundum. Grex ille tantum crevit, ut etiam inde superstitiones expulerit.* Maximini persecutione in Ægypto deflagrante in Episcopos & Monachos Antonius martyribus Alexandriam ductis, id est, Monachis ex eremo raptis, præsto fuit martyrii desiderio flagrans. Athanasius in ejus vita: *μὴ ἅδτα κατέλαβεν τὴν ἐκκλησίαν ὁ κτῆ Μαξιμιανὸν τὸ τυνηκὸντα γινόμενος διωγμός. Ἐ τὸν ἀρίων μαρτύρων ἀρμήρων εἰς Ἀλεξανδρείαν, ἠκολούθησε ἑ αὐτὸς, ἀφ' εἰς τὸ μονασίεον.* Post hæc persecutio illa quæ Maximinum auctorem habebat, Ecclesiam invasit: sanctos itaque martyres Alexandriam ductos relicto monasterio & ipse comitabatur. Necnon Ariana persecutione in Ægypto surgente, idem Episcoporum & fratrum hortatu, ex eremo properavit Alexandriam, & Arianos fortiter impugnavit. Athanasius in ejusdem vita: *ἔτις ὁδοκλήτης ὡς τὰ πρὸς ἐπισκόπων καὶ πρὸς ἀδελφῶν πάντων κατῆλθεν διὰ τὸ ὄρεσι, καὶ εἰσελθὼν εἰς τὴν Ἀλεξανδρείαν, τοὺς Ἀρειανοὺς ἀπεκλήρυνε.* Deinde vocatus ab Episcopis & fratribus omnibus de monte descendit, ingressusque Alexandriam Arianos exterminavit. Post mortem Athanasii a Lucio pseudo-Episcopo Alexandrino, secta Ariano, gravem persecutionem, cruciatus, exilia passi sunt Ægyptii Monachi, qua par erat constantia, & Nicenam fidem vnanimis defenderunt, & miraculis sancierunt. Socrates libro 4. capite 17. Theodorus libro 4. capite 20. Sozomenus libro 6. capite 19. Rufinus 10. Historiæ capite 2. Nicephorus libro 9. capite 4. Cassianus collatione 18. capite 7. Clericis Constantinopolitanis in causa Nestorii inter se tumultuantibus, Episcopos & Monachos litis componendæ causa se quamprimum ad eos missurum scripsit. Cyrillus Alexandrinus epistola 8. *καὶ ἐπὶ λαϊκῶν καὶ ἀδελφῶν ἀγαθῶν καὶ φρονίμων, ἐπισκόποις τε καὶ μοναχοῖς δὲ ἀποστολὰς πρὸς τὸν χαρῶν. Eligens enim viros pios ac prudentes, tum Episcopos, cum Monachos quoque, quos etiam primo quoque tem-*

pore ad vos mittam. Dalmatius Archimandrita cum per octo
 & quadraginta annos latuisset, multoties interpellatus, vt
 in publicum procederet ad fundendas preces pro sedando
 terræ motu, recusavit: processit tamen aliquando, celesti
 voce admonitus, vt audiret lectionem, & promulgationem
 epistolæ synodicæ Concilii Ephesini, cui & primus ipse sub-
 scripsit. Zelum Ægyptiorum Monachorum in rejicienda Ne-
 storiana hæresi laudat & Cyrillus Alexandrinus epistola ad
 Monachos Constantinopolitanos. Fidem Concilii Chalce-
 donensis animose propugnarunt Monachi Palæstinæ, & hac
 de causa a communione Petri Chnaphei Episcopi Antioche-
 ni sese segregarunt, eundemque valde infensum habuere.
 Quare Petrus in epistola ad Acacium Constantinopolitanum
 Episcopum nifus est Monachos suspectos reddere de studio
 novarum rerum. Evagrius libro 3. capite 17. *οὐκ ἀγνοεῖται,
 καὶ οὐδὲ λήθητι τιτὼ ὑμῶν θεοφιλείας, τῷ παρ' ἡμῶν λαῶν ὁ ζήλος,
 καὶ ἐλαφεία, καὶ τῷ νιωτρίζειν ἐσθλόντων μοναζόντων.* *Tua enim*
pictati minime obscuram, aut ignotam esse arbitror populi qui
apud nos est, emulationem, Monachorumque levitatem novis rebus
studentium. Idem Nicephorus Callist. libro 16. capite 33.
 Tempore Iconoclastici furoris Theodosius & Sabas Archi-
 mandrita secum duxere Hierosolymam multitudinem Mo-
 nachorum circiter decem millium, quos cum major basi-
 lica vna cum populo non caperet, in basilica sancti Stapha-
 ni convenere, in qua Helias Patriarcha vna cum iisdem
 Theodosio & Saba vna voce Nestorium, Eutychem, & alios
 qui Concilium Chalcedonense non recipere, anathematiz-
 avit. Ex vita sancti Sabæ, quæ extat Synodi VII. act. 1. Pari
 consilio cum Basiliscus damnasset Concilium Chalcedonen-
 se, ab Acacio Episcopo Constantinopolitano accitus Daniel
 Stylita, cum Monachis ei restitit, & fidem Concilii mira-
 culo comprobavit. Nicephorus Callist. libro 16. capite 6.





CAPUT II.

Monachorum preces publicæ. Eorum consilio vsi Imperatores. Monachi defensores & adjuutores Episcoporum.

MONACHI mundo crucifixi, id est, Christi exemplo crucem, labores, jejunia, vigiliæ, vestis asperitatem, & deformem cultum patiuntur, vt passionibus suis aliena peccata redimant, & homines Deo concilient. Joannes Chrysostomus Homil. 31. ad Antiochenos: πάντα καὶ μοναχοὶ πάντες ἐκκενέτωσαν, καὶ οἱ ἄς τῶν ὁρῶν κατελκρότες κορυφαί, & οἱ ἄλθ' πάντων ἐκκενέτωσαντες ἑαυτοὺς περὶ κόσμῳ, ἵνα καὶ δύναμιν τιμῇ ἑαυτῶν, τοὺς τῶν ἐκκλησιῶν φορεσιῶτας συλκροῦσιν, ἀλείψωσιν διχαῖς, ὁμολοίᾳ, ἀγάπῃ. Hæc omnes audiant & Monachi, qui montium occuparunt cacumina, quique modis omnibus seipfos mundo crucifixerunt, qui pro viribus Ecclesiarum Praefectos adjuvent, horumque curas leniant, precibus, concordia, caritate. Homines sibi laborant, Monachi omnia communia habent, nihil proprium. Eorum agones, id est, preces publicæ sunt: ii jugiter orant pro vniverso mundo, licet mundo nullo vinculo teneantur. Idem Chrysostomus in Joannem Homil. 77. π οὐδ' οἱ μοναχοί, φησι, καὶ ἄς κορυφαί τῶν ὁρίων κατελκρότες, καὶ αὐτοὶ πάλιν ἰσθ' ἀπάτης ὄχρονται τῆς οἰκουμένης: ὅτι μᾶλλον φιλίας ὅς τι περὶ μέλειον. Quid Monachi montium cacumina habitantes, & ipsi rursum pro universo mundo orant? quod maximæ est dilectionis argumentum. Idem in Acta Apostolorum Homil. 33. in fin. ἀκούσον τοὺς ἐν ταῖς ἱερῆαῖς ὄντας· μαζὰν γὰρ ἡ πόλις τῶν ἀγίων διλογία, ἥς ἐπιτυγχάνειν ἀπουδαζόμεν, ἵνα ἄλθ' τῶν διγῶν τούτων βοηθοῦμεν, τῆς πόλεως τῇ αὐτοῦ ἐνδωκευῶτος Θεοῦ φιλαδελφίας δοξαζέσμεν. Audi eos qui in solitudinibus sunt: magna enim ab illis est benedictio, quam assequi studeamus, vt illorum precibus adiuti, misericordia Dei fruamur. Monachorum vota salus mundi: his bella, pestes & alia irati Numinis tela avertuntur. Romam jam a multis annis inter hostilia Longobardorum arma, sacrarum virginum

num

num precibus, quæ in vrbe ad tria millia vsque, tum in vrbe erant, salvam & incolumem perstare credidit Gregorius, vt prædicat ipse libro 6. epistola 23. Indiſt. 15. Denique virtus Monachorum est tutela & præsidium orbis terrarum. Horum virtus tegit malitiam hominum. Chrysostomus in Genesim Homil. 42. πολλοὶ καὶ ἐν μέσταις ταῖς πόλεσι λαλῶντες εἰς διωγμοὺς δυσωπεῖν τὸν Θεόν, καὶ ἐν ὅροις καὶ ἀπηλαιοῖς ἔπρεσι, καὶ ἡ τῶν ἐλπίων τοῦτον ἀρετὴ τῶν τῶν πολλῶν κακίαν διακρύπτει διώσται. Multi etiam in mediis civitatibus ignorari, possunt placare Deum, & alii in montibus & speluncis, aliorumque virtus multorum tegere valet malitiam. Consilio & precibus Monachorum in rebus gerendis vsi sunt Imperatores & Principes. Joannem Lycopolitam de bello & pace fixpius consuluit, ejusque precibus sese commendavit Theodosius Magnus. De quo Cassianus collatione 24. capite ultimo: *Quod evidenti in Abbate Joanne, qui in illa eremo quæ Lyco oppido adjacet, commoratur, possumus approbare, qui perobscuris majoribus natus, ita pro Christi nomine universo pene humano generi admirabilis factus est, ut eum ipsi quoque rerum præsentium Domini, qui mundi hujus atque imperii gubernacula retinentes, etiam potentibus cunctis regibusque terrori sunt, velut dominum venerarentur, & oracula ejus de tam longinquis regionibus expetentes, imperii sui apicem, & statum salutis, bellorumque proventus, illius orationibus meritisque committerent.* Idem refert idem 4. institut. capite 23. & Rufinus de vit. Patrum libro 1. capite 1. Quid Episcopi persecutionem patientes, a Monachis præsentem opem experti sunt. A Valente pulso Meletio Antiocheno Episcopo in publicum profiliit Aphraates Monachus, vt laboranti Ecclesiæ subveniret: & Imperatori objectanti probum relietæ solitudinis, factum tuitus est exemplo puellæ prodeuntis in publicum & conclavi ad incendium adium paternarum restinguendum. Quo responso tractus Imperator siluit. Theodorus libro 4. capite 24. & idem de vit. Patrum capite 8. Nec Monachi solum voce & precibus, sed & opera Ecclesiæ mirum in modum profuere. Sarracenorum Episcopus lectus est Moses Monachus, vt eos in fide christiana institueret. Socrates libro 4. capite 29. Theodorus libro 4. capite 21. Augusti-

num, Mellitum & alios clariores Monachos in Angliam misit Gregorius Magnus, ad gentis conversionem. A Simpliciano & ejus sociis Monachis ad fidem perductus Augustinus. Quoties discordiæ ortæ sunt inter Episcopos & laicos, Monachi pacis arbitri fuere. Hoc officio functus est Bernardus Abbas Clarevallensis inter Remensem Episcopum & cives suos. Vita Bernardi libro 1. capite 13. *Contigit aliquando dissentientibus Archiepiscopo & populo Remensi, ad conciliandos eos adesse virum Dei.* Eodem quoque medio facta est pax inter Ludovicum Juniorem Regem, & Theobaldum Comitem Campaniæ. Robertus Montensis anno 1144. *Mediante Abbate Clarevallis simulas quæ inter Regem Ludovicum & Comitem Theobaldum incanduerat, sopitur.* Monachis vsi sunt Romani Pontifices in rebus publicis gerendis. Cyriacus Abbas monasterii beati Gregorii responsalis seu nuncius in Hispaniam missus a Gregorio I. Testis ipse libro 7. epistola 23. Indictione 15. Pro rebus Ecclesiarum Orientis Romam proficiscentes Paulinus Antiochenus, & Epiphanius Salaminæ Cypri Episcopi, Hieronymum vnum e Monachis Bethleemiticis sibi ascivere comitem itineris, & rerum gerendarum socium. Testatur ipse Hieronymus epistola ad Principiam in Epithaphio Marcellæ: *Denique cum & me Romam cum sanctis Pontificibus Paulino & Epiphanio ecclesiastica traxisset necessitas, quorum alter Antiochenam Syriæ, alter Salaminam Cypri vexit Ecclesiam.*





CAPUT III.

*Monachi intercessores pro reis, & pro plebe. Intercession-
es Ecclesiastica.*

A Monachis varia in Ecclesiam & plebem redundaruna solatia & auxilia. Alii agrorum curationi & visitationi dabant operam : alii pro reis apud judices, vel pro oppressis apud potentes, intercessionem adhibere solebant. Joannes Cassianus collatione 14. capite 4. *Quidam eligentes agrotantium curam, alii intercessionem quæ pro miseris atque oppressis impenditur, exequentes, aut doctrinæ instantes, aut elemosinam pauperibus largientes, inter magnos ac summos viros pro effectu suo ac pietate viguerunt.* Et idem collat. 1. capite 20. ubi ait demonem sæpius prætextu pietatis Monachis illudere, vel cum intercessionibus ac visitationibus piis persuaderi impendere, quibus nos a spiritualibus monasterii claustris & secreto amicæ quietis excutiat. Theodosio valde indignante in Antiochenos, ob dejectam humi statuam Placillæ conjugis, & per urbem recte collo injecto tractam, & Præfectis missis ad coercendos seditiosos: Monachi qui in jugis montium circa urbem habitabant, e sedibus suis descendentes accessere ad urbem, pro reis apud Præfectos intercessere, nec prius recessere quam venia impetrata. de quo fuisse Joannes Chrysostomus orat. 17. & 18. ad populum Antiochenum, cui lucem affert Theodorus libro 5. capite 19. Nicephorus Callist. libro 12. capite 44. Intercedentium pro vindictis & miseris Monachorum ea fiducia fuit, ut si non audirentur, sæpius damnatos, cum ad supplicium ducerentur, e manibus judicum & licitorum eximerent: & in casu Antiochenorum Monachos ad hoc paratos fuisse, insinuat ipse Chrysostomus prædicta orat. 17. καὶ γὰρ ἀνέμψοντες εἰς τὸ θυρεὸν τῆς δικαστηρίου κατήμειροι, καὶ ἀπαγαγαὶ πολλοῦ τῶν ἐλαπίσσει τῶν δυνάμεων παριστάμενοι. Etenim ante Prætorii januas toros dies agebant sedentes, abducendos de carnificum manibus eripere parati.

G g ij

Ideo Constitutione Arcadii & Honorii vetitum, ne Clericis vel Monachis, etiam his quos Synoditas vel Cœnobitas vocant, damnatos & addictos supplicio per vim & usurpationem eripere liceat. L. *Addictos*. C. Theod. *De pœnit*. L. *Addictos*. C. eodem *De appellat*. L. *Addictos*. C. Justinian. *De Episc. audient*. Pari etiam pietatis officio Episcopi & Clerici pro victis apud iudices intercedere solebant: etiam pro Donatistis, ne in eos sæviretur vsque ad sanguinem, intercessit Augustinus, ut testatur ipse epistola 127. ad Donatum Proconsulem Africæ: *Quæsumus igitur, ut cum Ecclesiæ causas audis, quamlibet nefariis injuriis appetitam vel afflictam esse cognoveris, potestatem occidendi te habere obliviscaris, & petitionem nostram non obliviscaris*. Pro eisdem intercessit idem apud Marcellinum Tribunum epistola 158. *Pœna sane illorum, quamvis de tantis sceleribus confessorum, rogo te, ut præter supplicium mortis sit, & propter conscientiam nostram, & propter catholicam mansuetudinem commendandam*. Et rursus idem epistola 159. ad eundem: *Noli perdere paternam diligentiam, quam in ipsa inquisitione servasti, quando tantorum scelerum confessionem non extendente equuleo, non sulcantibus ungulis, non vrentibus flammis, sed virgarum verberibus eruisti: qui modus coercionis, & a magistris artium liberalium, & ab ipsis parentibus, & sæpe etiam in iudiciis solet ab Episcopis adhiberi*. Unde desumpti sunt can. *Circumcelliones*. & can. *Pœna* 23. quæst. 5. Intercessionum Clericorum frequentem usum signat idem Augustinus in Joannem Homil. 25. *Alius negotium habet, quærit intercessionem Clericorum: alius premitur a potentiore, fugit ad Ecclesiam*. Has intercessionem pro miseris studio habuit Epiphanius Ticinensis Episcopus, de quo Ennodius in ejus vita: *Intercessionum tantam sibi proposuit curam, ut ipsam se miseris inferre crederet molestiam, quam per negligentiam a quibuscumque permisisset inferri*.



CAPUT IV.

Monachi possunt curam animarum exercere, ex dispensatione Apostolica. Habent jus prædicandi, & penitentias ministrandi, de licentia ordinarii.

EX quo Monachi in Clerum admissi sunt, ex dispensatione pariter admissi sunt ad Ecclesiastica ministeria, & ad regimen parochialium Ecclesiarum in subsidium Clericorum. Can. Doctos. can. Si Monachus. can. Moderamine, & sequent. 16. questione 1. Et quidem olim Episcopus poterat dispensare cum Monachis, ut promoverentur ad Ecclesiam parochialem, ob necessitatem vel utilitatem Ecclesie. Hodie vero ex Concilio Lateranensi Monachi non admittuntur ad parochialem Ecclesiam, nisi ex dispensatione Summi Pontificis. Cap. 2. De statu Monach. Excipe Canonicos regulares, quibus Ecclesias parochiales sui Ordinis licet obtinere, quia inserviunt regulæ laxiori. Cap. Quod Dei timorem eodem tit. Ivo Carnotensis epistola 69. ad Galterum Stirpensem Præpositum: *Quantum intellexi ex licris ex vestra parte mihi nuper oblatis, graviter fert vestra fraternitas, quod Lemovicensis Episcopus in Synodo agens, interdixit omnibus regularibus Clericis & regimen parochiarum, & confessiones penitentium. Hoc vero interim ad inquisita respondeo, quia Clerici regulares ab hoc officio nec penitus sunt removendi, nec indiscrete admovendi: nam si penitus remonentur, Canonico Ordini indigna fit injuria, cui tanto securius est credenda correctio vitæ alienæ, quanto majorem diligentiam adhibuit vitæ suæ corrigendæ; si vero indiscrete regularibus Clericis hoc onus imponitur, in quibusdam Ecclesiastica disciplina frangitur, & ipsi fratres, qui in claustris tanquam in castris, contra tentationes fortiter stabant, & vincebant, cum soli ad pugnam produnt, in tentationibus facile superantur. Et idem epistola 213. His rationibus & auctoritatibus freti, constanter asserimus, non esse audiendos, qui Clericos regulariter viventes a regimine animarum judicant repellendos,*

G g g iij

quia sæculo renunciaverunt; sed ideo potius ad hoc assumendos, quia voluptates & pompas sæculi contempserunt. Hodie ex Concilio Tridentino sessione 14. *De reformat.* capite 11. Regulares etiam, si sint Canonici regulares, sunt incapaces beneficiorum sæcularium, etiam curatorum: sed hoc non servatur in Gallia in Canonicis regularibus, quibus beneficia, etiam curata, sui Ordinis obtinere fas est, permisso sui Abbatis. Selva de beneficio part. 3. capite 70. Chopin. 1. Monastic. tit. 3. numero 24. Brodeus in litt. B. numero 12. Presbyteri regulares habent jus prædicandi, & sæcularium confessiones audiendi, non sine licentia ordinarii. Can. *Interdicimus.* can. *Iuxta.* can. *Adjicimus.* qui desumptus est ex epist. Leonis 62. & 63. can. 16. quæstione 1. Concilium Tridentinum sessione 24. *De reformat.* capite 4. & 15. Balsamo in can. 6. Synodi Carthagenensis. Monachis non licet prædicare verbum absque auctoritate Episcopi, quia Monachi non docentis, sed lugentis, id est, pœnitentis, est officium. Hieronymus ad Riparium Presbyterum: *Monachus non docentis, sed plangentis habet officium.* Can. *Monachus* 16. quæstione 1. Unde Bernardus in Cantic. serm. 64. *Et scimus Monachi officium esse, non docere, sed lugere. Ex his nempe claret & certum est, quod publice prædicare nec Monacho convenit, nec Novitio expedit, nec non misso licet.* Monachi officium esse lugentis, id est, pœnitentis, probat & Chrysostomus in primam ad Timoth. Homil. 14. ὁντως οἰκία τῆς θοῦς τὰ μοναστήρια. Vere domus luctus monasteria sunt. Presbyteri regulares habent jus pœnitentes audiendi & absolvendi, ex privilegio Apostoli, id est, Summi Pontificis. de quo carmen vernaculum, quod vocant *Rosæ*, ex persona Monachi:

*Et peulx confesser & absoudre,
Ce ne me peult nul Prelat touldre,
Fors l'Apostole seulement,
Qui fit cét establissement.*

Sed hoc intelligendum est, petita prius licentia ordinarii, cujus est noscere an regularis sit idoneus ad officium pœnitentias dandi.



CAPUT V.

Schola in monasteriis. Schola exteriores, interiores.

LICET Monachi officium esset lugentis, non docentis: tamen ob necessitatem & utilitatem Ecclesiæ ac reipublicæ, cum litterarum regnum fere esset penes Monachos, primum in monasteriis Orientis institutæ sunt scholæ, etiam pro institutione puerorum sæcularium, quas non probat Basilii Regular. brevior. cap. 292. suspecto sibi contubernio sæcularium cum Monachis, ob contagium morum sæcularium. In Occidente assurgente Benedictino Ordine, in ejus monasteriis claruere scholæ, tum sacrarum, cum sæcularium litterarum. De Cassinensi monasterio testatur Leo Ostiensis Chronic. Cassinens. lib. 3. cap. 21. *Ego ipse memini, cum adhuc in schola monasterii degerem.* De monasteriis Angliæ, Galliæ & Germaniæ Trithem. Abbas in Chronic. Hirsaugiens. ad ann. 890. *Erat autem his temporibus in monasteriis nostri Ordinis, (alterius in Europa, Germaniæ & Galliæ nulla fuerunt) hæc consuetudo celeberrima, ut scholæ Monachorum in singulis pene cœnobii haberentur, quibus non sæculares homines, sed Monachi moribus & eruditione præficerentur ornatiissimi, qui non solum in divinis scripturis docti essent, verum etiam in mathematica, astronomia, arithmetica, geometria, musica, rhetorica, poesi, & in cæteris omnibus sæcularis literaturæ scientiis eruditissimi haberentur.* Hæc autem consuetudo sanctissima primum in Angliā cœpit, ubi venerabilis ille Monachus & Presbyter Beda Monachorum institutor factus, multos post se doctissimos reliquit discipulos. In monasterio S. Galli apud Helvetios fuere scholæ interiores, quæ erant in gratiam juniorum Monachorum, intra metas claustrī: exteriores seu canonicæ, quæ additæ erant pueris sæcularibus, & positæ erant juxta monasterium. Ekkeard. Junior de cassib. monast. S. Galli cap. 1. apud Goldastum. *Traduntur post tempus Marcello scholæ claustrī, cum Notkero, postea cognomine Balbulo, & cæteris monachici habitus pueris: exteriores autem,*

id est, canonica, Isoni cum Salomone & ejus comparibus. Et idem cap. 6. ejusdem lib. Erant disciplina loci ut semper & tunc, non modo in clauistro, sed & in scholis exterius. Sed quia usu observatum disciplinam monasticam labefactari consuetudine secularium, quæ in scholis contrahebatur: in monasteriis tantum oblatis, id est, his qui religionis causa oblati essent monasterio a parentibus, voluit Capitulare Aquigranense ann. Christ. 817. editum pro reformatione Ordinis Benedictini; can. 45. ut schola in monasteriis non habeatur, nisi eorum qui oblati sunt. Unde desumptum Capitulare Ludovici Pii addit. 1. cart. 45. iisdem verbis repetitum. In scholis tamen Ecclesiarum & monasteriorum non admittebantur nepotes vel consanguinei Clericorum vel Monachorum, nisi prius impetrata licentia Episcopi. Theodulfus Aurelianensis Episcopus ad Presbyter. suos cap. 19. Si quis a Presbyteris voluit nepotem suum aut aliquem consanguineum ad scholam mittere in Ecclesia sanctæ Crucis, aut in monasterio sancti Aniani, aut sancti Benedicti, aut sancti Lisdardi, aut in cæteris de ius cœnobiis, quæ nobis ad regendum concessa sunt, ei licentiam id faciendi concedimus. Diu in monasteriis Galliæ claruere scholæ in omni genere litterarum, ut in majori monasterio S. Martini Turonensis, magistro Alcuino viro Anglo. Testatur ipse epist. ad Carolum Magnum: Ego Flaccus vestrum secundum exhortationem & bonam voluntatem vestram aliis per testam S. Martini sanctarum mella scripturarum ministrare satago, alios veterem disciplinarum mero inebriare studeo, alios grammaticæ subtilitatis enutrire pomis incipiam, quosdam stellarum ordinem, ceu picto cujuslibet magnæ domus culmine illuminare gestio. In clauistro S. Genovefæ Parisiis floruit schola publica, frequens scholaribus, docente Petro Abelardo. Vit. D. Gosuini lib. 1. capite 4. Tunc temporis magister Petrus Abailardus, multis sibi scholaribus aggregatis in clauistro S. Genovefæ, schola publica utebatur. In Aquicinctensi monasterio claruit schola magistro Gosuino. Ejusdem vit. lib. 1. cap. 6. Habebat contiguam Ecclesiæ mansiōem, unde ad legendum scholaribus suis pergens, per transversum chori transitum faciebat. Ex Conc. Viennensi in singulis monasteriis, quibus suppetunt facultates, idoneus magister eligendus est, qui eos in primitivis scientiis intrucat

fruat diligenter: Clem. *Ne in agro. §. pen. de stat. Monach.* Imo & si domi idoneus magister non sit, Abbas tenetur Monachis præstare sumptum in studia. Cap. *Ex parte. cap. Olim. de accusat.* Quod si idoneæ ad hoc non sint facultates monasterii, parentes vel alii tenentur eis præstare pensionem annuam, studiorum causa, ex bonis quæ eorum professione ad eos pervenerunt. Chopin. 1. Monastic. tit. 3. num. 12. Carond. 1. respons. 67. Cistercienses, ne Fratribus Prædicatoribus & Minoribus studiorum laude impares viderentur, ex privilegio Pontificis mansiones sibi pararunt Parisiis & aliis locis, ubi scholæ, id est, studia universalis viguerunt, ut, facilius eis pateret copia studendi in Theologia, Decretis & Legibus. Matthæus Paris. ad ann. 1249. Temporibus etiam sub eisdem Cisterciensibus Monachi, ne amplius forent contemptui Fratribus Prædicatoribus & Minoribus, & secularibus litteratis, præcipue Legistis & Decretis, novum impetrarunt privilegium: & ad hoc nobiles sibi Parisiis & alibi, ubi scholæ viguerunt, paraverunt mansiones, ut scholas exercendo, in Theologia, Decretis & Legibus studerent liberior, ne viderentur aliis inferiores. In Cassinensi monasterio jam ab ætate Petri Damiani desierunt esse scholæ puerorum secularium, de quo gaudet ipse Damianus Opuscul. 36. cap. 16. *Inter ceteros autem virtutum flores, quos in illo agro pleno, cui benedixit Dominus, reperi, fateor, hoc mihi non mediocriter placuit, quod ibi scholas puerorum, qui sæpe rigorem sanctitatis enervant, non inveni, &c.*

CAPUT VI.

Baptizandi vel ordinandi instituti in monasteriis.

NEC modo litterarum sacrarum & secularium gymnasia fuere monasteria, sed etiam rectæ fidei & disciplinæ Ecclesiasticæ. Monasteriis traditos observo pueros paganos, instituendos Christiana in fide. Cum de promovenda conversione Anglorum visis adolescentibus Anglis qui venales in foro prostabant, eorum formæ elegantia motus, consilium cepisset Gregorius M. Candido Presby-

Hhh

tero defensori Patrimonii Ecclesiæ Romanæ in Gallia, in mandatis dedit, ut e reditu sacri patrimonii pueros Anglos qui erant captivi, coemeret, eosque in monasteriis Galliæ instruendos in fide collocaret. Testem ipsum habemus lib. 5. epist. 14. Indiçt. 14. Et ambientes Clericatum, priusquam ordinarentur, disciplinæ clericalis addiscendæ gratia per multos annos initiabantur in monasteriis. Hac disciplina vñ sunt Patres Orientis. Ideo parentes ne liberos disciplinæ causa traditos monasterio immaturius revocent, hortatur Jo. Chrysostom. adversus vituper. vit. monastic. lib. 3. cap. 16. μή τοίνυν μηδὲ ἑκείνους ποτὶ ὥρας ἀπαγαγόντες κατὰ τὴν ἐρημίαν διατελεῖν τὴν ἡμέραν, ἀλλ' ἐὰν ποτε αὐτοὶ ἐμπαρῶνται τὰ μαθηματικά, καὶ ῥηθωδυνῶν τὰ φύσις, καὶ δόξα, καὶ εὐκοσμίη τῆς ζωῆς αὐτοὺς ἐν μοναστείᾳ εἶναι, καὶ δορυδωμένα, καὶ ἀλύτῳ. Ergo ne nos quidem intempestive liberos nostros ab deserti commoratione revocemus: verum studii celestis disciplinam in eis solidari permittamus, alisque radicibus arbuta firmari: & siue decem annis, siue etiam viginti, nutriendi illi sint in monasterio, non perturbemur, non mœrore ullo afficiamur. Minores Clericos in Ecclesiis & monasteriis probari, antequam majores ad ordines ascendant, voluit Conc. Nicæn. ex Arabico can. 5. Hoc ingenio Photius, vt Ignatii Patriarchæ CP. sedem occupare laicus posset, ne inordinate promotus videretur, primo Monachus, deinde Clericus ordinatus est per gradus. Eandem disciplinam in ordinandis coluere Patres Occidui, in primis Gallicani. Gregor. Turon. Hist. lib. 5. cap. 14. Post hæc Meroveethus cum a patre in custodia retineretur, conspuratus est, mutataque veste, qua Clericis uti mos est, Presbyter ordinatur, & ad monasterium Cœnomannicum, quod vocatur Anisola, dirigitur, vt ibi sacerdotali erudiretur regula. Idem lib. 7. cap. 1. de B. Salvio ex Abbate Albigenfi Episcopo: Relicta seculari militia monasterium expetivit, in quo monasterio diu sub regula a Patribus instituta versatus est. Lupus Ferrariens. Abbas epist. 115. Vt ergo particeps efficiatur doctrinæ memoratus puer, cui iuste consultis silentium, & litteras sui habet Episcopi, perducatur ad nos. Ejusdem disciplinæ argumentum est, quod ex Constitutione Urbani II. filii Presbyterorum non admittuntur ad sacros ordines, nisi prius in cœnobiis aut cano-

niis probati fuerint. Can. *Presbyterorum*. Can. *Nisi* 56. dist. Clero devoti claustrali disciplina instituebantur in monasterio, vel apud Episcopum. Abbas Urspergens. in Lothario Saxone: *Chunradus in Clericum ordinatus, cum sub puerilibus annis domi litterarum studiis informaretur, tempore maturo Coloniensi Archiepiscopo, altiori studio & disciplina claustrali educandus committitur.*



CAPUT VII.


*Monachi defensores Romanorum Pontificum
in schismate.*

INTER proprias Monachiorum laudes, vna e potioribus. hæc est, quod Ecclesiæ Romanæ semper devoti & obsequentiores fuere. Unde tot privilegia ob fidem & obsequium meruere a Gregorio I. & aliis Romanis Pontificibus, & quasi in sinu Romanæ Ecclesiæ in hunc diem versantur. Necnon iidem vnanimi studio Ecclesiæ Romanæ assidui vindices & defensores fuere, adversus ejus hostes & persecutores. Innocentio II. electo in schismate cum Petro Leonis, Monachi omnes ejus partes amplexi sunt, Cluniacenses maxime, & tutelæ causa in Galliam venienti maximo cum affectu ei obvii occurrerunt, domi cum reverenter & liberaliter exceperunt, ex quo magna ei accessit auctoritas: & horum exemplo Reges & Episcopi in ejus obsequium certatim coierunt. Orderic. Vitalis. lib. 13. ad ann. 1134. Porro Cluniacenses ut ejus adventum cognoverunt, sexaginta equos seu mulos cum omni apparatu congruo Papæ & Cardinalibus Clericis destinaverunt, & vsque ad suam basilicam favorabiliter conduxerunt. Tunc ibidem undecim diebus Papam cum suis detinuerunt, Ecclesiamque novam in honore sancti Petri Apostolorum Principis, ab eodem cum ingenti tripudio populi que frequentia dedicasseerunt. Inde magnam auctoritatem apud Occiduos promeruit, quod a Cluniacensibus Petro prapositus fuerit. Gregorius itaque a Cluniacis, quorum auctoritas inter nostrates. Monachos maxime.

Hhh ij

præcellit, amicabiliter ut pater patrum susceptus, pontificali stemmate in Galliis enstuit, & deinceps ab Occiduis Principibus & Episcopis susceptus in brevi magnas vires impetravit, &c. In ejusdem partes vno voto cum Cluniacensibus convenere Cistercienses & alii omnes Monachi Galliarum: quo argumento electionem Innocentii maxime tuetur Bernard. Abbas Clarevallens. epist. 126. ad Episcopos Aquitanix. Itaque Camaldulenses, Vallumbrosiani, Cartusienſes, Cluniacenses, & qui de Majori-monasterio sunt, mei quoque Cistercienses, Cistembleses, Cadumenses, Tironenses & Saviniacenses: universas denique & unanimitas fructum, tam Clericorum, quam Monachorum, regularis vitæ, probataque conversationis, sequentes Episcopos, tamquam greges pastores suos, Innocentio firmiter adherent. Alexandro III. pariter electo in schismate cum Victore, Cistercienses Alexandri partes totis viribus propugnarunt adversus ejus amulum, & Fridericum ejus defenſorem: qua de causa ita Imperatorem infensum habuere, ut de eorum exitu in universis Imperii partibus altum & meditatam corde consilium cepisset, quod ejus morte evanuit. Helmsoldus Hist. Slavor. lib. 1. cap. 91. Insuper Cisterciensis Ordo eidem universus acceſſerat, in quo sunt Archiepiscopi & Episcopi quamplures amplius quam septingenti, & Monachorum inestimabilis numerus. Hi singulis annis celebrant Concilium apud Cistercium, & decernunt ea quæ utilia sunt. Horum invincibilis sententia vel maximas vires addidit Alexandro: quamobrem iratus Cæsar proposuit edictum, ut omnes Monachi Cisterciensis Ordinis, qui consistebant in regno suo, aut Victori subscriberent, aut regno pellerentur. Idem Albert. Krantzius. Metropol. lib. 6. cap. ult. Singulari odio insectabatur Fridericus Ordinem Cisterciensium, Alexandro præcipue inhaerentem: unde subversis ejus Ordinis monasteriis, ex Monachis tot fuere satellites, & item ex Monialibus non pauciora scorta. Inde ob merita in schismate, ab Alexandro III. privilegium super decimis laborum obtinuerunt Cistercienses. Cap. Ex parte. extr. De decim. cap. Cum ordinem. de Rescript. Per eadem tempora quamplura furrexerunt monasteria, quæ fuere totidem castra Dei, in quibus excubabant Christi milites & tytones, id est, Monachi, quorum jugibus precibus defenditur Ecclesia ab insidiis an-

tiqui hostis, id est, diaboli. Guillel. Neubrigens. rer. Anglicar. libro 1. capite 15. *Quid autem sentiendum est de his & aliis locis religiosis, qui in diebus Regis Stephani copiosius ex-
trui & florere cœperunt, nisi quod castra Dei sunt hæc, in qui-
bus contra spiritualia nequitia Regis Christi excubant milites, &
exercentur tyrones, &c.*



CAPUT VIII.

*Pia instituta monastica suscepta ab Ecclesia. Monachi
viles Reipublica.*

MONACHIS accepta refert vniversa Ecclesia quam-
plura sacra instituta, quæ ab his assumpta ob vtili-
tatem propria fecit. Commemorationem omnium fidelium
defunctorum postridie festi sollemnis omnium Sanctorum ce-
lebrandam in suo monasterio & aliis Ordinis instituit B.
Odilo Abbas Cluniacensis, felici exemplo & propagine,
vniversis Ecclesiis statim eundem ritum secutis. Sigebert. ad
ann. 998. *Hoc per illum Abbas Odilo comperto, constituit per
omnia monasteria sibi subiecta, ut sicut primo die Novembris so-
lemnitas omnium Sanctorum agitur, ita sequenti die memoria
omnium in Christo quiescentium celebretur: qui ritus ad multas
Ecclesias transiens, fidelium defunctorum memoriam solennizari
fecit. Idem Petrus Damianus in vit. Odilonis: Tunc venera-
bilis Pater Odilo per omnia monasteria sua constituit generale
decretum, ut sicut die primo mensis Novembris, iuxta vniversalis
Ecclesie regulam, omnium Sanctorum solemnitas agitur, ita sequen-
ti die in psalmis & eleemosynis, & præcipue missarum sollemniis,
omnium in Christo quiescentium memoria celebretur. Idem Glaber.
lib. 5. cap. 1. Quia Cassinense monasterium crebro fulmine
petebatur, consilio Petri Damiani ad avertenda fulmina insti-
tutum jejuniū in pane & aqua, & disciplina, sexta quaque
feria, & triduanum jejuniū in capite Quadragesimæ. Leo
Ostiens. Chronic. Cassinens. lib. 3. capite 21. Porro Dominus
Petrus Damianus ad monasterium veniens, cum verbo pariter*

H h h iij

Exemplo ad Dei servitium quoscunque posset ferventer accenderet, tandem permissione Domni Abbatis, ab omni Congregatione obtinuit; voluntaria oblatione, in remissionem peccatorum omnium, ut sexta feria per totum annum pane & aqua contenti, disciplinam singuli facta confessione perciperent, insuper & triduanum jejunium in capite Quadragesimæ per annos singulos agerent. In rebus prophanis etiam Reip. utiles Monachi esse variis probantur argumentis. Tempore Justiniani duo Monachi ex India Bylantium reversi, rationem conficiendi serici, & alendi vermiculos e mori foliis, quorum fortus est sericum, Romanis tradidere, ut tolleretur quod ante cum Persis celebre erat commercium serici. De quo Procop. de bell. Gothic. lib. 4. cap. 17. Zonar. in Justiniano. Anno Chr. 1028. Guido Aretinus Monachus, musicus, clauit in Italia, & invenit rationem qua in hunc diem utimur. Sigebert. de illustr. script. cap. 145. & idem in Chronic. ad ann. 1028. In Gallia regnante Ludovico juniore, eoque expeditionis transmarinæ causa e regni finibus migrante, regni procurator electus est Sugerius Abbas sancti Dionysii, non privilegio monasterii sui, ut credidit Ottho. Frisingens de gest. Frideric. libr. 1. capite 55. Sigerius Abbas sancti Dionysii, regni negotia ob absentiam Regis in Occidentali Francia, juxta illius cœnobii prærogativam, administrabat, sed ob merita personæ, & singularem in rebus gerendis peritiam.



CAPUT IX.

Monachi scriptis illustrant Ecclesiam. Historiæ scriptores.

NE c modo verbo & opere Ecclesiæ profuere Monachi, verum etiam Ecclesiam scriptis illustrarunt & defenderunt. Inter Monachos Ægyptios Pachomius regulam angelo dictante in area tabula conscripsit, & Tabernaculis Monachis a se institutis tradidit, quam Latinam

- Fecit Hieronym. de quo Pallad. Lausiac. capite 38. Sozom. libr. 3. capite 13. Nicephor. libr. 9. capite 14. Gennad. de illustr. Eccles. scriptor. cap. 7. Inter Monachos Orientis coriphæus Basilii, & ex Monacho Cæsariensis Episcopus, præter regulas fusiores & breviores, & alia ascetica quæ tradidit, scripsit & alia elegantia opera, quæ possunt revera dici partus ante actæ vitæ monasticæ, quæ fuit altior meditatio omnium quæ gessit & scripsit post Episcopatum. Quid Hieronymus Presbyter & Monachus, quot & quanta Ecclesiæ profutura scripsit in secessu Bethleemico, tum in sacram Scripturam, tum adversus Rufinum, Jovinianum, & alios nequiores hæreticos suæ ætatis: eo magis laudandus, quod ex parte hæc scripsit mandato Episcoporum, quibus ita necessaria visa est ejus opera ad religionis cultum, ut sumptum ei ministrarent in notarios & librarios, quibus utebatur. Testis ipse Hieronymus in Præfat. ad Proverbia Salomonis ad Chromatium & Heliodorum Episcopos. *Commentarios in Osee, Amos & Zachariam, Malachiam quoque poscitis: scripsissem si licuisset prævaletudine: mittitis solatia sumptuum: notarios nostros & librarios sustentatis, ut vobis potissimum nostrum desudet ingenium.* Evagrius Monachus Macarii discipulus scripsit Græce elegantem librum de vitis Patrum, quem Gennadius Latine reddidit: metro scripsit & duos libros; vnum ad Cænobitas & Synoditas de vita communi, alterum ad fœdas virgines: de quo Gennad. de illustr. Eccles. scriptor. *Composuit & Cænobitis & Synoditis doctrinam aptam vitæ communis.* Idem Socrat. libr. 4. capite 13. *ἢ ἐν τοῖς κοινόβιαις, ἢ ἐν συνωδιαις μοναζούει.* Unus ad Monachos qui in cænobiis & conventibus ætatem degunt. Uterque conjunxit Cænobitas & Synoditas. Monachi in commune viventes promiscue dicuntur Cænobitæ & Synoditæ ob communis vitæ rationem: itaque quos lex *Addictos. C. De Episcopali audient.* vocat Synoditas, eadem in Codice Theodosiano habet Cænobitas, ut recte observavit Cujac. in Nov. 3. *De Monachis.* Joannes Cassianus Monachus & discipulo Joannis Chrysostomi, & in Scythi monasterio, quod est in Syria, diu versatus, quo deceptus forte natione Scy-

tham, quod incredibile est, Gennadius credidit; scripsit libros duodecim de institutis cœnobiorum, quos dicavit Castori Aptensi Episcopo, cujus precibus scripti sunt, veliquet ex epistolis vtriusque, quæ præfixæ sunt operi: collationes Patrum Ægyptiorum & Orientalium, apud quos versatus erat, viginti quatuor, quarum duas priores inscripsit Leontio & Helladio Episcopis. Quæ omnia scripsit in secessu apud Massyliam, ubi eum condidisse duo monasteria, vnum virorum, alterum mulierum, refert idem Gennad. de illustr. scriptor. capite 61. Fulgentius ex Monacho Ruspensis Episcopus, varia & vtilia scripsit: de quibus Gennad. de illustr. script. capite 14. E monasterio Lerynensi, quod situm est in insula maris Mediterranei, quæ objacet oræ Narbonensi, prodire insignes sanctitate & scriptis, Eucherius ex Monacho Lugdunensis Episcopus, qui scripsit librum de laudibus eremi: Vincentius auctor Commonitorii adversus hæreticos: Hilarius ex Monacho Arelatensis Episcopus, qui scripsit vitam sancti Honorati decessoris sui, & olim Abbatis Lerynensis: Faustus ex Monacho postea Rhegiensis Episcopus, qui scripsit & libellum adversus Arianos, & alia: de quibus omnibus Gennad. de illustr. scriptor. capite 63. 64. 69. 85. Sidonius in Eucharistico ad Faustum Reicensem. Eugipius Abbas Lucullanus prope Neapolim scripsit vitam sancti Severini Noricorum Apostoli, cujus corpus quiescit Neapoli: scripsit & regulam Monachis monasterii sancti Severini, quod est Neapoli, quam eisdem moriens quasi testamentario jure reliquit. Isidor. de scriptor. Eccles. cap. 13. & idem de viris illustr. capite 26. Paulus Diacon. de gest. Langobard. libr. 1. capite 19. Cassiodorus ex Cancellario Theodorici Gothorum Regis Monachus, Abbas & fundator monasterii Vivariensis, scripsit commentarium in Psalmos: scripsit & libros duos divinarum lectionum, & alia plura quæ extant. Paulus Diaconus eod. libr. cap. 2. Sigebert. de scriptor. Ecclesiast. cap. 40. Benedictus Abbas Cassinensis, Occidui orbis Monachorum Patriarcha, scripsit regulam, quam amplexi omnes fere Monachi Occidentales, quam magnopere commendat Gregorius

gorius Dialogor. 2. capite 36. *Inter tot miracula quibus in mundo claruit, doctrinæ quoque verbo non mediocriter fulsit: nam scripsit Monachorum regulam, discretionis præcipuam, sermone luculentam.* Tempore Justiniani Romæ Dionysius Abbas Paschalem Cyclum composuit. Paulus Diaconus de gest. Langobard. libr. 1. cap. 25. Gregorius ex Monacho & Abbate Romanus Pontifex multa scripsit, quæ per censuit Sigebert. de scriptor. Ecclesiast. cap. 41. Isidor. de scriptor. Ecclesiast. cap. 27. Leander ex Monacho Hispalensis Episcopus, Gregorio carus, varia scripsit, de quibus Isidor. cap. 28. Beda Monachus & Presbyter Anglus consenuit in monasterio Apostolorum Petri & Pauli, quod est ad Wirimudam & Ingirvuth: Historiam Anglicam & alia quamplurima in omni genere artium scripsit, innumeros docuit. Tanta fuit ejus fama, ut a Sergio Papa Romani evocatus sit, scriptis litteris ad Ceolfridum ejus Abbatem, ut eo vteretur in enodandis variis questionibus fidei, ut liquet ex epistola quam edidit integram Continuator Bedæ libr. 1. cap. 6. Trithem. de scriptor. Ecclesiast. capite 155. Alcuinus, vnus e discipulis Bedæ, magister Caroli Magni, & Abbas sancti Martini Turonensis, multa scripsit, de quibus Honorius de scriptor. Ecclesiast. cap. 33. & Sigebert. cap. 82. Rabanus Maurus ex Abbate Fuldensi, Moguntinus Episcopus, varia scripsit. Honor. de scriptor. Ecclesiast. cap. 33. Sigebert. cap. 90. Smaragdus Abbas scripsit insignem commentarium in regulam Benedicti. Honor. cap. 33. Benedictus Abbas Ananiensis scripsit Concordiam regularum. Sigebert. de script. Ecclesiast. cap. 62. Hincmarus ex Monacho sancti Dionysii Parisiensis Remensis Episcopus, multa scripsit pro libertate Ecclesiæ tuenda. Sigebert. de script. Ecclesiast. cap. 100. Adelmus Monachus scripsit librum de laudibus virginitatis. Sigebert. cap. 66. Paulus Monachus Cassinensis scripsit Historiam Longobard. scripsit & carmine vitam Benedicti. Sigebert. de scriptor. Ecclesiast. cap. 80. Paulus ipse de gest. Longobard. lib. 1. cap. 26. Usuardus Monachus exemplo Bedæ edidit Martyrologium. Sigebert. de script. Ecclesiast. cap. 85. Adrevaldus Monachus Floriacensis scripsit libros duos de mira-

culis sancti Benedicti, a tempore quo corpus ejus e cœno-
bio Cassinensi translatum est ad Floriacense in Gallia. Si-
gebert. de script. Ecclesiast. cap. 101. Aimonius Monachus
Floriacensis scripsit Historiam Francorum : persecutus est
historiam miraculorum Benedicti, ab Adrevaldo cœptam.
Sigebert. cap. 102. Ericus Monachus Altisiodorensis me-
tro scripsit vitam sancti Germani Altisiodorensis Episcopi.
Sigebert. cap. 105. Regino Abbas Prumiensis scripsit Chro-
nicon. Sigebert. cap. 112. Witichindus Monachus Corbien-
sis Saxonie scripsit Historiam Saxonum vsque ad mor-
tem Otthonis I. Sigebert. cap. 130. Flodoardus Monachus
Remensis scripsit gesta Episcoporum Remensium. Sigebert.
cap. 132. Herigerus Abbas Lobienſis scripsit gesta Pontifi-
cum Leodiensium. Sigebert. capite 138. Hermannus Mona-
chus cognomento Contractus, quod paralyſi membris so-
lutus eſſet, scripsit Chronicon. Honor. de scriptor. Eccle-
siast. cap. 33. Lambertus Schafnaburgensis Monachus Hirſ-
feldensis, scripsit Annales. Marianus Scotus Monachus Mo-
guntinus, scripsit Chronicon. Sigebert. cap. 160. Sigeber-
tus Gemblacensis Monachus scripsit Chronicon, quod per-
secutus est Robertus Abbas de Monte sancti Michaelis.
Testis ipse Sigebert. cap. 172. Inter Græcos Lanfrancus ex
Abbate Cadomensi Cantuariensis Archiepiſcopus, scripsit
contra Berengarium hæreticum, & alia, de quo Hono-
rius de script. Ecclef. cap. 33. Sigebertus eodem cap. 156.
Hunc fuiſſe patria Atalum, ortu Papiensem, ſecularium
litterarum & juris civilis peritiſſimum, reſert Orderic. Vi-
tal. libro 4. ad ann. 1069. *Hic ex nobili parentela ortus, Pa-
piæ urbis Italiæ civibus : ab annis infantiæ in ſcholis liberalium
artium ſtudiuit, & ſecularium legum peritiæ ad patriæ ſue
morem intentione laica ſervidus edidiſcit, &c.* Anſelmus Lan-
franci diſcipulus, ex Abbate Beccenſi Cantuarienſis Epiſco-
pus, multa ſingularia ſcripsit. Honor. de ſcript. Ecclef. cap.
33. Sigebertus cap. 169. Rupertus Tuitienſis Abbas in Ger-
mania univerſam pene Scripturam expoſuit. Honor. d. cap.
33. Gratianus Monachus Bononiensis Decretum compilavit
ex ſententiis Patrum, epiſtolis & decretis Romanorum Pon-
tificum, canonibus Conciliorum, legibus & conſtitutioni-

bus Cæsarum nonnullis locis intertextis : de quo Henric. Gandav. de scriptor. Ecclesiast. capp. 4. 9. & Abbas Urspergens. Matthæus Westmonast. ad ann. 1151. Hugutio vetus Glossator ad Can. *Post appellationem* 2. quæst. 6. Eodem tempore Bernardus Monachus Cisterciensis, Abbas & fundator monasterii Clarevallensis, & Petrus Venerabilis Abbas Cluniacensis, vita & scriptis claruere. De quibus Henric. Gandav. cap. 9: & 29. Hugo & Richardus Clerici regulares sancti Victoris Parisiensis multa scripsere. Gandav. cap. 25. 26. Ex Ordine Prædicatorum prodire nobilissimi scriptores : Hugo, qui primus illius Ordinis docuit Theologiam : Vincentius Belvacensis, auctor Speculi historialis : Albertus Colonienfis, & Thomas de Aquino, qui magistrum audivit Albertum : Raimundus de Pennaforti, qui jussu Gregorii IX. Decretales collegit. Ex Ordine Minorum Bonaventura, Joannes Scotus, & alii. Gandav. capite 40. 42. 43. 47. 48. 51. Conradus a Liechtenaw, Abbas Urspergensis, scripsit Chronicon. Matthæus Paris. Monachus sancti Albani, Matthæus Westmonasteriensis dictus Florilegus : vterque scripsit Anglicam Historiam. Willhelmus de Nangis Monachus sancti Dionysii, scripsit vitam B. Ludovici & Philippi III. cognomine Audacis. Joannes Trithemius Abbas Spanheimensis, scripsit Chronicon Hirsaugiense & Spanheimense, & alia multa. Paulus Langius Monachus Bozawienfis, discipulus Trithemii, scripsit Chronicon Citizense. Denique hæc sunt laudes propriæ Monachorum, quod sacram Scripturam illustrarunt, Historiam sacram & prophānam ab injuria & barbarie temporum vindicarunt, vitas Sanctorum, & tot Episcoporum tradidere : quorum memoriam acceptam fere debemus stylo & diligentie & affectui Monachorum.



• *fuvi, & hoc exemplo amicos vobis undecumque acquirere festinate, hospitalitatis bonum sectando.* Singula monasteria habebant suum xenodochium, quo excipiebantur hospites & peregrini. Palladius Historiæ Lausiacæ capite 6. de monasterio Nitriensi in Ægypto: *οεσοικετα δὲ τῇ ἐκκλησίᾳ ξενοδοχίον, εἰς ὃ τὸν ἀπελθόντα ξέρον διέξιοῦνται πάντα τὸν χρόνον, καὶ ἐπὶ διαίτῃ, ἢ περιτρίαν μέλαιαν διλῆσιν, μέλεις οὐδ' αὐθαίρετος ἀναχρησιν διλῆσιν.* Prope Ecclesiam autem positum est xenodochium, in quo venientem hospitem toto tempore accipiunt, etiam si biennium aut triennium voluerit manere, donec velit sua sponte recedere. Advenientibus hospitibus occurrebatur cum honore & reverentia, ac si Christus in carne susciperetur. Cassianus collatione 2. capite 26. *Nam & mensuram cibi causa continentiae ac puritatis, cum omni scrupulo custodire debemus; & humanitatem atque adorationem advenientibus fratribus caritatis obsequio similiter exhibere.* Inde regula Benedicti capite 53. *Omnes supervenientes hospites tanquam Christus suscipiantur, quia ipse dicturus est: Hospes fui, & suscepistis me.* Advenientes hospites recipiebantur oratione pramissa, quasi tessera fraternitatis. Rufinus de vit. Patrum libro 1. capite 1. in Joanne Lycopolita: *Et rogatus est a nobis, ut orationem simul & benedictionem daret.* hic enim mos est apud Ægyptum, ut ubi advenierint fratres, statim per orationem sibi invicem confunderentur. Et infra: *Propterea enim & forma huiusmodi inter Monachos observatur, ut si quis ad eos veniat, sive vir ille, seu mulier sit, sive senex, sive juvenis, sive ignotus, sive notus, ante omnia ut oratio fiat, & nomen Domini invocetur, quia si fuerit aliqua transformatio demonis, continuo oratione facta diffugiet.* Idem eodem libro capite 2. de Hor Abbate: *Cumque salutans nos orasset, more sibi solito pedes hospitum propriis manibus lavat, & docere nos ex Scripturis, quæ ad edificationem vite ac fidei pertinent, capit.* Cassianus collatione 18. capite 11. *Cum enim quidam ad eum summam sui abjectionem habitu ac verbis præferens venisset, cumque senex secundum morem ut orationem colligeret hortaretur.* Idem Palladius in Historiæ Lausiacæ cap. 43. in eodem Joanne Lycopolita: *καὶ ἡξεοδὸν αὐτὸν εἰδὼς διχλὺ πάλισται, ὡς τὸν ἱερὸν ἡμῶν. τὴν γὰρ εἶδος τῆς πατρῴας ἐστὶ πᾶσι τοῖς ἐν Αἰγύπτῳ.* Rogabamus autem eum, ut statim pro nobis per-

ageret orationem : est enim hic mos Patribus qui sunt in Ægypto. Susceptio hospitum caute fiebat præmissa oratione, ne illusio fieret a dæmone, forte specie hospitis advenientis. Et hoc est quod ait regula Benedicti d. capite 33. *Ut ergo nunciatus fuerit hospes, occurratur ei a Priore, vel a fratribus, cum omni officio caritatis, & primitus orent pariter, & sic sibi socientur in pace, quod pacis osculum, non prius offeratur, nisi oratione præmissa, propter illusiones diabolicas.* Hospites sic suscepti præmissa oratione deducebantur in cœnaculum, quod erat destinatum susceptioni hospitum, quod erat seorsim a septis monasterii, haud procul a vestibulo monasterii. Cassianus de institutione Cœnobitarum libro 4. capite 7. *Sed deputatur seniori, qui seorsum haud longe a vestibulo monasterii commanens, habet curam peregrinorum & advenientium deputatam, eisque omnem diligentiam susceptionis & humanitatis impendit.* Capitulare Aquisgranens. anno Christi 817. can. 27. *Ut Abbas vel quispiam fratrum ad portam monasterii cum hospitibus non reficiantur.* Cellam hospitum vocat regula Benedicti loco modo laudato: *Item & cellam hospitum habeat assignatam frater, cujus animam timor Dei possideat.* Domum hospitum vita D. Bernardi libro 1. capite 13. *Quibus adhuc in domo hospitum demorantibus, dum novellas plantationes caelestibus rigaret obsequiis, supervenit Portarius Monachus.* In singulis Ecclesiis & monasteriis, adibus hospitum & peregrinorum præpositus erat vnus e senioribus, ut nos docuit Cassianus loco proxime laudato, & regula Benedicti, qui magister hospitum dictus est. Cæsarius de Miraculis libro 7. capite 39. *Quia non solum verbis & aspectu, imo etiam odore famæ ejus multi edificabantur, magister hospitum creatus, vulgo Hospitalarium vocant.* Inde e Pelusiensis monasterii vestibulo hospites verberibus ab eo, cui hospitum cura demandata erat, quieritur Isidorus Pelusiota libro 1. epistola 150. Ecclesiæ etiam suum habuere xenodochium, & Præfectum xenodochii, quem Græci Ξενοδοχόν. Palladius Historiæ Lausiacæ cap. 1. *Ἰσίδωρος πρεσβύτερος ὄντων Ξενοδοχῶν τῆς Ἀλεξανδρινῆς ἐκκλησίας.* Isidoro Presbytero & Hospitalario Alexandrinæ Ecclesiæ. Susceptorum hospitum ante refectionem pedes lavabantur, ex more Ægyptiorum Patrum. Cassianus collatione 18. capite 11. *Cum vero*

etiam ad ablutionem pedum multo minus præbuisse assensum, cum Abbas Serapion refectioe transacta, collationis consuetudine provocante, monere eum benigne ac leniter coepit. Rufinus de vit. Patrum libro 1. capite 21. Tunc deinde susceptos nos adducunt primo cum psalmis ad Ecclesiam, lavant pedes, ac singuli quidem linteis, quibus utebantur, abstergunt, quasi via labore levantes. Augustinus in Joannem tractatu 18. in illa verba: Si ergo ego lavi pedes vestros. Didicimus, fratres, humilitatem ab Excelsis: faciamus invicem humiles, quod humiliter fecit Excelsus. Magna est commendatio humilitatis, & faciunt sibi hoc invicem fratres, etiam opere ipso visibili, cum se invicem hospitio recipiunt; est enim apud plerumque consuetudo hujus humilitatis usque ad factum, quo cernatur expressa, &c. Et Joannes Chrysostomus in Matthæum Homil. 73. ἀλλὰ πάντες τῷ Ἀγαθοῦ ἐξείνουν τοὺς πόδας τοῖς ἄλλοις. Sed omnes ministri sunt, & ubi unoquoque peregrinorum pedes lavantur. Inde regula Benedicti d. capite 53. Aquam in manibus Abbas hospitibus det, pedes autem hospitibus omnibus tam Abbas quam cuncta Congregatio lavet. Cluniacensibus objectabant Cistercienses, quod regula minus servaretur apud eos in ablutione manuum & pedum præscripta in susceptione hospitum. Sed de hoc recte se excusat Petrus Cluniacensis libro 1. epistola 28. propter frequentiam hospitum. Tanta recte, inquit, est advenantium fere semper frequentia, ut si omnibus inclinare, vel ante omnes prosterni oporteat, si omnibus manus & pedes ablucere expediat, cum eis ab ortu solis ad occasum fratres omnes esse necessarium sit, & tam in metanæis, quam in ablutione manuum & pedum, totam diem expendere, Patres Ægyptii auctores fuere pii moris, lavandi pedes hospitum, sed consecrantei veteris moris Christianorum, quem indicat Tertullianus libro 2. ad uxorem: Nam vero alicui fratrum ad osculum convenire? aquam sanctorum pedibus offerre? Susceptionem hospitum sequebatur lotio pedum, & post eam statim refectio, ut actutum dimitterentur. Cassianus de institutione Cœnobitarum libro 5. capite 24. Cum de Syriæ partibus seniorum scita discere cupientes, Ægypti provinciam petissemus, ibique tanta cordis alacritate nos suscipi miraremur, ut nulla prorsus, sicut fueramus in Palæstinæ monasteriis instituti, usque ad præstitutam jejunii horam refectiois re-

gala servaretur, sed absque legitimis quartæ sextæque feriis quocumque pergebamus, quotidiana statio solveretur. Idem cap. 26. ejusdem libri: Itaque ut norunt in adventu fratrum indifferenter solvere quotidiana jejunia, ita discedentibus eis refectiorem ob illos indulgentiam continentia majore compensant. Idem collatione 2. capite 25. Nam nonnumquam hora nona, soluta jam statione jejunii; supervenientibus fratribus, necesse est eorum obtentu, aut adjici aliquid ad statutam solitamque mensuram, aut certe humanitatem, quam jubemur omnibus exhibere, penitus abdicari. Nec modo in gratiam supervenientum hospitum solvebatur jejunium; sed etiam in refectiorem hospitum pulmentum, id est, cibus coctus, addebatur. Cassianus collatione 2. capite 21. Si vultis experiri vim statuti hujus, modum istum jugiter retinete, nullum extrinsecus coctionis pulmentum die Dominico vel Sab-
bati, neque sub aliqua advenientium fratrum occasione sumentes. Idem collatione 8. capite 1. Consummatis quæ diei solemnitas exigebat, & Ecclesiæ congregatione dimissa, reversi ad cellam senis refecti primum lautissime sumus: nam pro munera quæ superjecta olei gutta, quotidianæ refectiioni solebat apponi, modicum liquaminis miscuit, & olei quiddam solito propensius superfudit, &c. Idem collatione 15. capite 10. Dum advenientibus viris sanctis pulmentum lenticulæ, quod illi atheram nominant, præpararet, manus ejus in clibano, ut assolet, flamma supervolitante combusta est. Idem collatione 19. capite 6. Ad hoc generale cunctorum pondus, id est, communem parandi victus sollicitudinem revertamur, quæ eo usque mensuram non dico illius antiquæ districtiõnis excussit, sed ne hac quidem nostri temporis remissione capere esse contenta, in qua uno olei sextario, itidemque lenticulæ modio advenientium usibus preparato, totius annuæ refectiõnis explebantur officia. In adventu beati Thomæ Archiepiscopi Cantuariensis Angliæ finibus exulantis, in monasterium sancti Bertini apud Aretios, poscente quopiam ut liceret fratribus pinguibus, id est, carne vesci, quod forte carne carerent, subito fratribus ad piscatum descendentibus flumen, piscis exiliit de aqua. Alanus vit. beati Thomæ libro 2. capite 5. In eundo vero ait quidam: Domine, fatigatus es ex itinere, & venturi sumus hodie ad eximie humanitatis viros, qui plurimum congratulabuntur tibi in Domino, quia illasus evasisti:
fac

fac igitur caritatem eis, ut pro adventu tuo comedant hodie pinguiam. Quarta, inquit Archiepiscopus, seria, & opus nos hodie a calibus abstinere. Et subintulit alter: Domine, forsitan, non abundant piscibus, & oportebit nos eis condescendere. Domini est, inquit Archiepiscopus, id providere. Inter loquendum igitur, ad nuncum Dei exiliens de aqua grandis piscis, quem Bremam vocant, projecit se cum impetu in gremium viri Dei. Abeuntes hospites, quæ suscepti erant comitate, dimittebantur, & a nonnullis fratribus deducebantur: quare inter graviora cenobiorum incommoda, frequentiam & concursum hospitem, eorum susceptionis & deductionis officium refert Cassianus collatione 19. capite 6. Ut illa prætermittam, quibus attonita anima, ac spiritalibus theoriis semper intenta, specialius ingravatur, concursus scilicet fratrum, susceptionis quoque ac deductionis officia. Hospitalitatis studium valde commendatur in monasteriis: sed hospitalitati modus imponendus est pro viribus monasterii, ne hospitalitatis nimio sumptu monasteria depauperentur. Gregorius libro 2. Indictione 11. epistola 3. ad Eusebium Abbatem: De hospitalitate, inquit, esto sollicitus, quantum potes, pauperibus largire, ita tamen ut serves quod Florianus restitui debeat, id est, deducto prius ære alieno. Monasteria etiam suum habuere prochorothrium juxta vestibulum monasterii, in quo advenientes pauperes suscipiebantur. Eleemosynæ modum non minui, imo si liceat augeri, præcipit Anselmus Abbas Beccensis, postea Cantuariensis Archiepiscopus, libro 3. epistola 26. Constitutionem nostram & vestram de eleemosyna pauperum, nullo modo minui permittatis, sed potius si poteritis intelligere, qualiter eam rationabiliter augere possitis, auge. Ideo in singulis monasteriis eleemosynis pauperum distribuendis præpositus erat vnus e Monachis, qui dictus est Eleemosynarius. Idem libro 3. epistola 97. Ordinate itaque vos, Domine Prior, de eleemosyna, non per servientes, qui plus querunt quæ sua sunt, quam quæ Dei sunt, sed per Monachum Eleemosynarium. Ecclesiis etiam maioribus fuit suum prochorothrium. Inde pauperes in Ecclesiæ porticu locat Joannes Moschus Limonar. capite 185. ὡς δὲ εἰσέλθον αὐτὸν εἰς τὸν πρόθυρον τῆς ἐκκλησίας, ἰδὼν αὐτὸν τοὺς πτωχοὺς. Cum ergo induxisset illum in Ecclesiæ porticum, ostendit ei pauperes.





CAPUT XI.

*Societas cum fratribus. Societas inter monasteria
& Ecclesias.*

QUAM utiles & omnium votis desiderabiles essent Monachi, satis constabit & hoc argumento, quod Reges, Principes, Optimates, Pontifices, Episcopi se eorum precibus commendarent, & societatem suffragiorum & precum, quam vocant fraternitatem, ab his expeterent. Beatum Maurum beati Benedicti Patris Vicarium in Gallia, Abbatem & fundatorem Glannasfolii monasterii, adiit Theobertus Rex Francorum, & ab eo petiit ut in societatem fratrum reciperetur. Faustus in vita beati Mauri apud Suringium Januar. 14. Tunc Rex beatum Maurum petiit, ut fratres eum in suam recipere dignarentur societatem, & nomen ejus inter sua nomina scribere. Hoc exemplo Cluniacenses in fratres & beneficiorum participes sibi alcivere Reges Francorum, Anglorum, Hispanorum, Hungarorum, etiam Reges Romanorum, & Imperatores ipsos. Petrus Cluniacensis lib. 2. epistola 39. Prioratus de Caritate subditus monasterio Cluniacensi, sicut predecessores nostri, ac nos ipsi, Reges Francorum, Reges Anglorum, Reges Hispanorum, Reges Germanorum, ipsos Imperatores Romanorum, ac vicinos vobis Reges Ungarorum, confratres ac comparticipes omnium beneficiorum Cluniacensis congregationis fecimus, &c. Adelæ Comitissæ Carnotensis participium precum fratrum sancti Joannis in valle offert Ivo Carnotensis epistola 92. ad eam scripta: Pro hoc enim a fratribus prædictæ Ecclesiæ habebitis munus orationum, & a nobis fidele servitium. Ludovicum Juniorem Regem Francorum in Cisterciensium fraternitatem cooptavit Stephanus Abbas Cisterciensis. Testis Bernardus epistola 45. ex persona Stephani Abbatis: Caterum vos quoniam consilio eisdem nostris pro nobis orationibus, quas, si recolitis, olim tam humiliter requisistis, modo tam acriter repugnatis? A Cisterciensibus jure fraterni-

tatis quoque dōnatus Episcopus Parisiensis, vt insinuat Abbas Cisterciensis eadem epistola, qua intercedit apud Regem pro Episcopo Parisiensi: *Alioquin si non meremur exaudiri, sed contemnimur, ex hoc jam noveritis, paruitatem nostram, in quibus valuerit, non posse deesse Ecclesie Dei, & ministro ejus venerabili, videlicet Patri & amico nostro Episcopo Parisiensi, qui nostram adversus vos humilitatem interpellans, nostras pro se ad Dominum Papam jure fraternitatis literas requisivit. A Cassinensibus jus fraternitatis impetravit Pandulfus Marforius Episcopus. Leo Ostiensis libro 2. capite 99. Sicque societate ac benedictione fratrum percepta reversus, ex eo tempore familiarissimus monasterii fuit. Anno 1244. Capitulum Cisterciensium interfuit & beatus Ludovicus Rex Francorum, vna cum matre Blancha, & ab eis suffragium precum expetiit. Matthæus Parisiensis: Imminente vero sancti Michaelis festiuitate, convenientibus, vt moris est, de diversis regionibus Abbatibus Ordinis Cisterciensis ad suum Capitulum generale, venit illuc devotissime Dominus Rex Francorum, precum suffragia ab omnibus ipsis Monachis congregatis petiturus. Anno Domini 1049. Concilio Remensi præfuit Leo IX. Pontifex, & soluto Concilio, processit in Capitulum fratrum sancti Remigii, & societatem precum ab his petiit & accepit, vt legitur in gestis ipsius Concilii. Laicis in societatem fratrum adiectis dabantur literæ fraternitatis, & eo nomine præstabatur annua pensio monasterio, quæ fraternitas dicitur, quod nomine fraternitatis penderetur: & mittebantur nonnulli e fratribus ad exactitandas hujusmodi fraternitates, seu collectas. Cap. *Ut privilegia.* extra *De privileg.* & fratrum nomina describebantur in martyrologio, id est, tabulario monasterii, simul cum nominibus Professorum, & pro his anniversarium celebrari solebat. Tabulæ Guidonis de Noers in monasterii Reomaensis Historia, in Hugone III. Abbate: *Audito autem ejus obitu, & comperto, nomen ejus in regula cum nominibus fratrum scribetur, & sicut de Professis ipsius Ecclesie fieri solet, de eodem profectur, & ulterius pro ejus anima & antecessorum suorum, missa pro fidelibus Dei in perpetuum celebrabitur, & ejusdem & patris sui anniversarium non pratermittetur.* Hoc genus fraternitatis semel*

data instaurari quoque moris fuit. Ordericus Vital. libro 5. ad ann. 1074. *Tunc Hugo fraternitatem Monachorum, quam olim in infantia acceperat, renovavit.* Eodem jure fraternitatis inter se vñ sunt Monachi, vt suffragiis precum invicem juvarentur, & qui vniverſo orbi proderant, ii ſibi invicem non deſſent. Fulgentius ex Monacho Ruſpenſis Epiſcopus, ante Epiſcopatum conſtructo monaſterio, impoſuit Felicem Abbatem alterius monaſterii, cui ſuffeſſus eſt vnus e fratribus, Vitalis nomine: ea lege vt perpetuum ſœdus eſſet inter illa monaſteria, vt vtriuſque Profeſſi converſionis ordinem inter ſe ſervarent, & invicem non vt hoſpites, ſed vt fratres ſuſciperentur. Auctoꝝ ejus vitæ apud Su- rium 14. Januat. *Tali vero caritati lege monaſteria utraque præcipiebat vniri, vt quaſi non fuiſſent locis diſiſa, ſic eſſent unanimitate conjuncta: ſi quos autem novos Monachos vel in iſto, vel in illo monaſterio Chriſtus acquireret, tempus inter ſe converſionis ordinemque ſervarent; & ſi quandoque ad ſe vi- dendos, jubentibus duntaxat Prioribus, venirent, non vt hoſpites, ſed quaſi vnius Congregationis homines ſuſciperentur.* Non diſpar fuit ſocietas ſpiritualium inter Caſſinenſe & Clu- niacenſe cœnobîa. Leo Oſtienſis Chronic. Caſſinenſ. li- bro 3. capite 50. *His temporibus Hugo venerabilis, Cluniacen- ſis Abbas, vir vitæ ac ſumæ celebris, ad Patris Benediſti li- mina devotus advenit, quem venerabilis Deſyderius, vt tantum decebat virum, magno cum honore ſuſcipiens, & ſocietatem Clu- niacenſium fratrum noſtræ Congregationi conjungens inito ſæde- re, & noſtræ apud illos, & illorum apud nos Congregationis memoriam perpetuò habendam ſingulares illi viri decreverunt.* Multis quoque monaſteriis & ſæcularibus Eccleſiis, Epi- ſcopis, Principibus & optimatibus viris fraternitas fuit cum monaſterio Hirſaugienſi, quod eſt in Germania. Tri- themius Abbas in Chronic. Hirſaugienſ. ad annum 1191. *Multi quoque rectores una cum ſubditis ſibi commiſſis, confraternitatem cum ipſo & Monachis Hirſaugienſibus perpetuam, pactis ſuffragiorum interpoſitis, laudabilem contraxerunt, diver- ſis diverſa poſt mortem ſubſidia orationum dantes & recipien- tes.* Canonici quoque ſæcularium Eccleſiarum, ſimul & Cathe- dralium, in diverſis provinciis conſtituti, Principes quoque, no-

biles, Pontificesque & potentes multi in sæculo, audita conversatione sanctissima Willhelmi Abbatis, & Monachorum Hirsangiensium, eorum se orationibus devotissime commendantes, orabant instantius in eorum suscipi confraternitatem, &c. Inter monasterium sancti Galli apud Helvetios, & Augiense in Germania, & inter alia monasteria Germaniæ, frequentiores fuere fraternitates: de quibus Goldast. Antiquit. Alemann. tom. 2. pag. 180. Inter Remensem & Treverensem Ecclesiam fuit quoque societas, & eo nomine se excusavit Hincmarus Remensis Episcopus, quod Synodum convocasset de Episcopis utriusque provinciæ, apud Aimojnium libro 5. capite 21. Ne alicui forte videatur, inquit, incongrue ac præsumptuose me ac provinciæ nostræ venerabiles Coepiscopos facere, quoniam de altera provinciæ ordinationi, & causis huius provinciæ nos immiscebimus: sciat nos contra canones sacros non agere, quoniam Remensis & Trevirensis Ecclesiæ in hac regione Belgica, cum sibi commissis Ecclesiis, sorores & com-provinciales habentur, sicut auctoritas ecclesiastica, & antiquissima demonstrat consuetudo: ac per hoc unanimi consensu & synodalia judicia, & quæ a sanctis Patribus custodita sunt, debent concorditer custodire, hac privilegii conditione servata, ut qui prior de Remensi & Trevirensi Episcopo fuerit ordinatus, prior etiam habeatur. Hinc in testamento Remigii Remensis Episcopi apud Flodoardum Remensis Historia libro 1. capite 18. Remensis Ecclesiæ dicitur soror Trevirensis Ecclesiæ, propter fraternitatem quæ erat inter eas. Et deinde Ecclesiæ Remensis, adjuncta sibi sorore, Ecclesiæ scilicet Trevirensi, iterum conveniat.





CAPUT XII.

*Monasteria loca pœnitentiæ. Detrusio in monasterium
pœnæ causa. Episcopi & Presbyteri depositi traditi
monasterio solatii causa.*

AD hoc etiam profunt monasteria, quod sint loca pœnitentiæ, & vivorum quasi purgatoria, peccatorum ergastula. Hieronym. ad Damasum: *Et quia pro meis facinoribus ad eam solitudinem commigravi, quæ Syriam juncto Barbaria sine disternat.* Idem ad Augustin. *Ego in parvo tuguriolo cum Monachis, id est, compeccatoribus meis, de magnis stare non audeo.* Augustin. de vera & falsa pœnitentia capite 15. *In omnibus dolens, aut sæculum delinquit, aut saltem illa, &c.* Bernard. epist. 49. *Degentes in monasteriis, ad quæ nos nostra peccata compulerunt.* Ideo Clerici depositi, pœnæ causa detrusi solebant in monasterium. Conc. Tolet. IV. can. 44. *Clerici qui in quacunque seditione arma volentes sumpserint, aut sumpserunt, reperti, amisso ordinis sui gradu in monasterium pœnitentiæ tradantur.* Can. Clerici 23. quest. 8. Conc. Agathens. can. 50. *Si Episcopus, Presbyter aut Diaconus capitale crimen commiserit, aut charitatem falsaverit, aut falsum testimonium dixerit, ab officii honore depositus, in monasterium detrudatur, & ibi quamdiu vixerit, laicam tantummodo communionem accipiat.* Can. Si Episcopus 50. dist. Conc. Aurelian. III. can. 7. *Si quis Clericus adulterasse, aut confessus, aut convictus fuerit, depositus ab officio, communionem concessa, in monasterio toto vitæ suæ tempore detrudatur.* Can. Si quis Clericus 81. dist. Conc. Tarraconens. anno Domini 516. can. 1. *Si quis hac a nobis statuta contempserit, si Clericus est, loci sui dignitate privetur: si vero religiosus, vel Monachus, in cella monasterii reclusus, pœnitentiæ lamentis incumbat, ubi singulari afflictione panis & aqua victum ex Abbatis ordinatione percipiat.* Conc. Cabillonens. II. can. 40. *Unde statuimus ut gradu amisso, agenda pœnitentiæ gratia, in monasterium aut in canoniam regularem mittantur.*

Quem canonem ex Concil. Moguntino perperam laudat Gratian. in can. *Dictum est* 81. dist. Hac pœna damnatus Riculfo Presbyter in Concilio Turonensi. Gregor. Turon. libr. 5. cap. 49. *Cum consilio comprovincialium eum in monasterium removeri præcipio.* Hoc genus pœnitentiæ a Romanis Pontificibus indici moris fuit. Gelasius ad Rufinum Episcopum : *Hoc tamen sollicitudinis tuæ sit , ut locum ei pœnitentiæ constituas , & in aliquo eum monasterio retrudas , laica tantummodo sibi communionem concessa.* Can. ult. 55. dist. Sic Episcopus non residens a Gregorio I. reclusus in monasterium , libr. 5. epist. 23. Can. *Pervenit* 7. quæst. 1. Et Contumeliosus Regensis Episcopus, ob adulterium submotus Episcopatu, a Joanne II. P. relegatus in monasterium. Ex ipsius epist. ad Cæsarium Arelatensem tom. 1. Conc. Gallix. *Sed te ordinante in monasterio dirigatur , ut ibi delictorum memor , in pœnitentiâ lacrymas effundere non omitat.* Et Stephanus II. consultus de Presbytero, qui non rite baptizavit , depositum ab ordine, sub districtâ pœnitentiâ mittendum in monasterium ; respondit, Responsorum can. 13. 14. tom. 2. Conc. Gallix. Hac pœna in hæreticos resipiscences vsi Syricius & Anastasius. Anastas. in Syricio : *Ut si quis conversus de Manichæis rediret ad Ecclesiam , nullatenus communicaretur , nisi tantum relegatione monasterii diebus vitæ suæ teneretur obnoxius.* Idem in Anastasio : *Multos Cataphrygas in urbe invenit , quos exilio in monasteriis relegavit.* Anno Domini 1121. Gregorius cognomine Burdinus, pseudo-Pontifex, a Sutrinis Callisto II. traditus, in Canense monasterium detrusus est. Orderic. Vital. libr. 11. ad ann. 1120. Sigon. libr. 2. Histor. Bononiens. Clericos conscios nefariæ cædis Thomæ Cantuariensis Episcopi depositos , in districto claustro Monachorum vel Canoniorum Regularium, si fieri posset, recludi iussit Alexander III. vindex sceleris acerrimus. Cap. *Sicut dignum*, in fin. extr. *De homicid.* Clericos sodomix vitio fedatos, pœnitentiæ causâ in monasterium detrudendos censuit idem Pontifex. Cap. *Clerici*. extr. *De excess. Prælat.* Ait Pontifex, si fieri posset, quia Monachi ea ætate ægre ferebant Clericos criminosos in monasteria tamquam in insulam relegari, vixque damnatos in monasterium admittebant. Ex quo ob repu-

gnantiam Monachorum hæc pœna in vſu eſſe deſiit. Hanc vſu deſuetam agnoſcit Platina in Chriſtophoro : *In monaſteria tamquam in inſulas Clerici male de Eccleſia Dei meriti cum relegabantur.* Clerici lapſi pœnæ cauſa cum rebus ſuis in monaſterium relegabantur, ne locis quibus dati erant, oneroſi eſſent. Gregor. libr. 1. epiſt. 42. Can. *De lapſis* 16. quæſt. 6. Aliquando etiam Episcopos vel Clericos depoſiti, ſolatii & alimonix cauſa monaſterio tradebantur. Hac de cauſa Theugaudus Trevirenſis Epiſcopus olim cum Gunterio Colonienſi Epiſcopo a Nicolao I. depoſitus, ab Adriano II. in monaſterio B. Andreæ in vrbe a Gregorio I. conſtructo manſionem accepit. Jo. Diaconus vit. Gregorii libr. 4. cap. 94. *Alio quoque tempore Theugaudus quondam Trevirenſis Epiſcopus, qui cum Guntario Agripina Colonia Epiſcopo, a reverenda memoria Nicolao fuerat ſacerdotali privatus officio, liberalitate Adriani Pontificis in eodem monaſterio manſionem ſuſcepit.* Etiam Reges hac pœna vſi ſunt in Epiſcopos & Clericos ob crimen perduellionis, vt Guntranus Rex Francorum in Salonium Ebreduenſem, & Sagittarium Vapinænſem Epiſcopos. Gregor. Turon. libr. 5. capite 21. *His auditis Rex commotus valde, tam equos, quam pueros, vel quæcumque habere potuerant, abſtulit, ipſosque in monaſterio a ſe longiori acceſſu dimotis, in quibus pœnitentiam agerent includi præcepit, &c.* Meroveus Chilperici filius, ob inceſtum connubium Brunichildis, a patre tonſurati juſſus, poſteaſque Preſbyter ordinatus, relegatus in monaſterium, diſciplinæ obtentu. Gregor. Turon. libr. 5. cap. 14. *Poſt hæc Meroveus cum a patre in cuſtodia retineretur, tonſuratus eſt, mutataque veſte, qua Clericis uti mos eſt, Preſbyter ordinatur, & ad monaſterium Cenomannicum, quod vocatur Anſola, dirigitur, ut ibi ſacerdotali erudiretur regula.*



CAPUT XIII.

Mulieres reclusæ in monasterium pœnitentiæ causa.

μετανοια.

NON modo viris, sed & mulieribus monasteria sunt loca pœnitentiæ, & ad restituendos muliebres mores aptissima, sublata peccandi potestate. A Justiniano sublatum lupanar, & institutum monasterium mulierum pœnitentium, quod vocavit *μετανοια*. Procop. de ædific. Justinian. libr. 1. capite 9. διὸ ἡ μετανοια τὸ τοῦ θύ τῆς γυναικῶν τὸ διατηρητικὸν ὀνομασθεὶς τὰς ἐργὰς ἐπονομαζέουσι. Cui rei consentaneo nomine Pœnitentia dicitur, hoc mulierum domicilium. Ab eodem in monasterium damnatæ mulieres adulteræ. Nov. 134. capite 10. Auth. *Sed hodie*. C. *Ad leg. jul. de adulter*. In Gallia meretriculæ Parisienses verbo prædicationis a Volcone Presbytero, ad meliorem frugem demutatæ, aliæ tonsæ capillo, in monasterium pœnitentium reclusæ, aliæ collata dote a civibus & scholaribus Parisiensibus nuprum clocatæ. Auctor Appendic. Otthonis Frisingens. cap. 47. *Meretricum autem sectam, quæ infami commercio vitam suam probrose prostituerant, omnimodis in ea regione deposuit, eosque verbo prædicationis conversas, plures truncatis crinibus habitu religionis induit professione perpetuæ castitatis: alias autem quæ continere non præsumebant, casum ex fragilitate timentes, data eis in dotem non modica pecunia, legitimo connubio reformavit, ad quod efficiendum Parisienses scholares ducentas quinquaginta libras erogaverunt argenti, Burgenfes quoque mille & amplius.* Paulo post B. Ludovicus mulieribus pœnitentibus Lutetiæ monasterium posuit, quod Filiarum Dei dictum est. Wilhelmus Nangius de gest. ejus: *Præterea miserandarum mulierum, quæ propter victus penuriam erant publice expositæ ad lupanar, vel ad exponendum paratæ, quæ tantum panem & aquam ab ipso petebant, ut sic a peccato caverent, in domo Filiarum Dei Parisiis magnam multitudinem congregavit, ac eisdem pro su-*

stentatione annuatim quatuor centum libras Parisiis assignavit. Hoc monasterium a Ludovico XII. dote auctum & ampliatum, refert Guaguinus. In Hispania etiam fuere monasteria feminarum pœnitentium, de quibus meminit Conc. Tolet. IV. can. 55. in fin. *Ac pœnitentibus feminis quæ sanctimonialem habitum induerunt.* Harum institutum probavit Concil. Trident. sess. 25. *De Regular.* cap. 18.



C A P U T XIV.

Militia munus Regi præstatur ab Abbatibus.

LICET lacrymæ sint arma & munimenta Clericorum & Monachorum, & eorum precibus salva sint regna & imperialia: tamen rebus afflictis Abbates & Monachi militare etiam obsequium Regibus non denegarunt; & quidem ne per se militent vetitum, sed per vassallos, id est, milites qui ab eis feuda tenebant, facile id permissum. Synod. Sueffionens. habita anno Chr. 744. *Abbates legitimi hostem non faciant, nisi tantum homines eorum transmittant.* Ne Abbates hostem faciant, id est, per se pergant in expeditionem, vetatur: sed hoc vnum conceditur, ut militare servitium præstent per suos homines, id est, per vassallos seu clientes suos. Sic hominibus suis bello & sumptu fatigatis per biennium, vacationem a bello deposcit Lupus Abbas Ferrar. epist. 25. ad Ludovicum Abbat. *Homines nostri toto hoc fere biennio, aut nobiscum, aut soli generalis expeditionis difficultatibus fatigati, censu rei familiaris in hujusmodi servitio effuso, onere paupertatis gravantur. Subveniat itaque illis vestra insignis clementia, &c.* Et idem propter inhabilitatem se excusat a militia epist. 78. ad Pardulum Laudunensem. Episc. *Quæso ut nunc & quotiescumque possibilitatem Dominus largitus fuerit, tutum vestra intercessione reddere curetis: ego, ut nostis, hostem ferire ac vitare non didici, nec vero cætera pedestris ac equestris militia officia exequi.* Per vicarium expeditione functus est Abbas S. Galli. Rappert. de casib. monast. S. Gal-

li cap. 9. Harmotus vero præcipiente Grimaldo omnes labores & itinera, sive ad curtem, sive in expeditionem, & ad omnes alias necessitates, vice illius strenue complectitur. Idem fuit munus Episcoporum etiam militarem operam cum suis Principi præstare. Hinc querela adversus Episcopos Gallie, quod vocati ad Synodum Romanam defuissent, obtentu expeditionis Normannicæ. Nicolaus I. epist. 27. ad Ludovic. & Carolum Reges; *Reprehensibile valde constat esse, quod subintulisti dicendo, majorem partem omnium Episcoporum die noctuque cum aliis fidelibus tuis contra piratas maritimos invigilare, ob idque Episcopi impediuntur venire, cum militum Christi sit, Christo servire; militum vero sæculi, sæculo.* Can. *Reprehensibile* 23. quæst. 8. Episcopos Gallos & Germanos ad bellum armatos procedere cum audiret Petrus Damiani, rem execratus, epistolam scripsit ad Firminum Episcopum, quæ est 9. lib. 4. in prælio Bovinensi captus memoratur Philippus Belvacensis Episcopus: hunc clava, non gladio vsum, ne sanguinem funderet, refert Guill. Brito, Philippid. lib. 11.

*Sic plerosque alios clava sternebat eadem,
Militibus super hoc titulum palmamque resignans,
Accusaretur operam ne forte Sacerdos
Gessisse illicitam, cui numquam talibus inter
Esse licet, ne cade manus oculosque prophænet.*





ASCETICON

SIVE

ORIGINUM

REI MONASTICÆ

LIBER NONUS.



CAPUT I

Cellæ, monasteria. Horum variæ appellationes, τανωβία, Φεσνιτήρια, mandra, ἡσυχαστήρια, ἀσκητήρια. Ταυτὰ quid distent a monasteriis. μοναί, casæ Dei. Monasterium vox communis habitaculis Monachorum, & Canoniorum regularium.



ONACHI dum singuli in cremo habitarunt, eorum mansiones dictæ sunt cellæ vel cellulæ. Hieronymus ad Rusticum: *Quamdiu in patria tua es, habeto cellulam pro paradiso.* Rufinus de vit. Patrum libro 1. capite 22. *Alius est locus in deserto interiori, quem locum pro multitudine dispersarum in cremo*

cellularum, *Cellia* nominaverunt; unde nomen a cellis servorum. Olim enim cellæ dictæ mansiunculae servorum; foris singulis servis erant cellæ, vno conclavi contentæ, ne fugæ locus esset. Severus de tranquillitate capite 8. Cui jam dudum divitiæ esse debuerant, duo vicarii, cella laxior. Columell. de re rustic. libro 1. capite 6. Optime solutis servis, cella meridiem æquinoctialem spectantes. Et hoc apertius docuit Joannes Chrysostomus in primam ad Timoth. Homil. 16. ἔχει ἕκαστος τῶν οἰκιστῶν οἴκημα τὸ νομοδοτημένον, καὶ οὐκ ἐπαρβαίνει τῆς τῶ πλησίων, οὐδὲ λυμαίνεται τῇ ἐπιθυμίᾳ τῶ πλείονος. Habet quilibet servus constitutum habitaculum, nec proximi intrat domicilium, neque majoris substantiæ appetitu corrumpitur. Ex quo vero Monachi in eremo, vel extra eremum coiere in congregationes & collegia, sub potestate vnius Abbatis vel Præpositi, eorum habitacula dicta sunt monasteria, a solitudine, quæ nomen dedit & Monachis. Hieronymus adversus Rufinum libro 3. Inde contendi Ægyptum, lustravi monasteria Nitriæ. Idem de Scriptor. Eccles. capite 11. Et habitacula eorum dicens monasteria. Severus Sulpitius Dialog. 1. de virtutibus Monach. Orient. Haud longe ab eremo contigua Nilo multa sunt monasteria: habitant uno loco plerumque centeni, quibus summum jus est sub Abbatis imperio vivere. Eadem cœnobita vulgo dicta sunt, a societate communis vitæ. Justinianus Novell. 5. capite 3. ὁσους εἰς πλῆθος ἢ ἀσχετοὺς ἔσιν, ἐν τοῖς καλουμένοις κοινοβίοις ἐν βουλόμηναι. Aliis quibuscumque inter plebem conversatio est, in iis quæ vocantur cœnobita, id est, communi vita esse volumus. Palladius Historiæ Lausiæ capite εἰσαλθε εἰς κοινέσιον πλείονων ἀδελφῶν. Ingredere cœnobium, ubi sunt plures fratres. Theophylactus in Marcum capite 4. εἰ μὴ εἰσι παρθένος ἑ ἐρημικοί. ἄλλοι μὲν δὲ, ἑ ἐν κοινίῳ. Hi vero sunt virgines & solitarii: alii qui in cœnobiis & congregationibus vivunt. Cassianus collatione 18. capite 5. Unde consequens fuit, ut ex communione consortii cœnobita, cellæque ac diversoria eorum cœnobita vocarentur. Eisdem alia varia pro dignitate fuere nomina. Passim enim θεωρησιῶν dicta a cura & sollicitudine rerum divinarum. Evagrius libro 1. capite 13. de Symeone Stylite: ἐν μὲν τῷ κοινῷ θεωρησιῶν, ἐν δὲ αἰδίᾳ κατηνῆσθαι ἐν ἐρείᾳ. Nam in monasterio, in quo primum divinas vivendi præceptiones didicit,

annos vixit novem. Nicephorus Callist. libro 17. capite 4. *συνὸν γὰρ Ζωσιμῶ καὶ τὸ φερωντισίλειον ὁμιλεῖ.* Et cum Zozima in phronisterio erat. Fuit & aliud genus monasterii, cui nomen *μάνδρα*, id est, ovile: forte quod Monachi ibi essent sub cura pistoris, velut oves. Evagrius loco proxime laudato de Symeone Stylite: *ἐν δὲ τῇ καλουμένῃ μάνδρᾳ ἔπαια καὶ πσσαρεύοντα.* In mandra autem, sic enim vocatur, quadraginta septem. Theodorus Anagnost. eclog. 1. *Δανιὴλ ὁ θαυμασιότατος ἐν τῆς Σημαῶτος μάνδρᾳ ἐλθὼν, τὰς σύλας ἐπέβη, καὶ ἐν τῇ ἀνὰ πύλῳ.* Vel forte quod mandra hujusmodi esset locus maceria circumseptus, sicut ovile. Dorotheus doctrina 23. *μάνδρα λέγεται τόπος περικυκλωμένος ἵνα συνάγῃ ὁ ποιμὴν τὰ πρόβατα.* Mandra dicitur locus circumseptus: huc congregat pastor oves. Forte & erat locus sub dio sine tecto, sicut ovile. Eadem *ἰουχασία* dicta ab otio, quiete, silentio: inde *ἰουχασαί*, Novell. Justin. 5. *ἀσκησία* ab exercitatione perpetua orationis vel laboris manuum: inde *ἀσκηταί* passim. Fuit & aliud genus monasteriorum, quibus a Græcis inditum nomen *λαβεα*, *laura*. Evagrius libro 1. capite 21. *ὥστε καὶ διατὴν δόμεισθαι φερωντισία, καὶ τὰς καλουμένας λαύεας.* Nam sancta edificavit monasteria, & loca illa quæ lauras vocant. Novell. Nicephori Phocæ apud Balsamonem. Synodus Constantino-politana I. & II. can. 1. *καλλιὰ καὶ τὰς καλουμένας λάβεας ἐν ἐρήμοις.* Joannes Climac. scala 4. *καὶ αἰποτάων τὸν τῆς λαύεας ἡγούμενον.* Et petens a laura Præfecto. Paulus Diaconus libro 24. Similiter & laura eremi opinatissima sancti Caritonis, & sancti Sabæ, & reliqua monasteria, & Ecclesiæ desertæ factæ sunt. Inde laurarum coloni *λαυρίται* dicti. Joannes Moschus Limonar. capite 4. *ὅτι καὶ τὸ διωχθῆναι τοὺς νέους λαυρίτας, ἐκ τῆς νέας λαύεας.* Post fugati sunt juniores Monachi ex nova laura. Ita interpretatur Suidas: *λαύεα ἡ τὴν κατοικίαν τῶν μοναχῶν.* Laura angusta Monachorum domus. Laura hoc distabant a monasteriis, quod monasteria erant constructa continentibus ædificiis; laura erant cellulæ Monachorum sejunctæ & sparæ per eremum, sub vno Superiore positæ. Aliâ significatione *λαβεα* Græci vicos vocitabant. Suidas: *λαβεα διυρίστος συνωρίς, ἀμφοδὸς ῥύμη δὲ ἧς οἱ λαοὶ ῥέουσι.* Publica angusta via, bivium, vicus, per quem populi fluminis. Arnobius adver-

sus Gent. libro 3. *Possumus, si videtur, summatim aliquid & de laribus dicere, quos arbitratur vulgus vicorum atque itinerum deos esse, ex eo quod Græci vicos cognominant laurus.* *σαινίων* *ἄλδρα* Atheneo libro 12. erat Angiportus, in quo habitabant mulieres cibariorum magistra. Aliis laura erant latrina, fimeta. Aristophanes in Pace: *τίς τιν κομῆτας, καὶ τὰς ἀγούρας, latrinas & fimeta.* Et ibi Scholiast. Monasteria etiam simpliciter dicta *μοναί*. Gregorius Nazianzenus Carmine 15. *μὲν δὲ μοι σὺν ἁγίᾳ τῇς εὐτυχίας.* Monasterium est quæ soli salutis studet cohors. Inde *μονασαί*. Idem Nazianzenus eodem Carmine: *ἔστ' μοναχὸς, ὃς οὐδ' ἔν' ἐρώει.* Quid Monachus est, qui vivit & legi & Deo? Idemque oratione 21. *μονασαί καὶ ἁγιάδες.* Monachi, & cenobita, & *μονάζοντες*. Cassianus collatione 18. capite 5. Monachi sive Monachones singulæ ac solitaria vitæ districtione nominati sunt. Monasteria etiam Græci vocant *ἰσχυρίσπας*, claustra, quæ est pars monasterii. Synodus VI. in Trullo capite 41. ex parte totum scilicet significantes. Latinis casæ Dei appellatione intelliguntur monasteria. Joachim Vadian. de monaster. German. libro 2. apud Goldast. tom. 3. rerum Alemannicarum: *Ut ab hac die ipsa casa Dei, vel congregatio quæ ibidem adest, vel deseruiunt ipsam, rem superius nominatam habeant, teneant & possideant.* Monasterium est nomen commune Monachis & Canonicis regularibus. Concilium Arelatense VI. can. 8. *Non amplius suscipiantur in monasterio Monachorum aut Clericorum, seu etiam puellarum, quam quot se regere de bonis Ecclesiæ, absque penuria possint.* Cap. 1. extra De institut. Capitul. addit. 3. capite 76. *Ut Canonici Clerici qui in civitatibus vel in monasteriis degunt.* Synodus Sueslionensis act. 1. capite 1. quam Jacobus Sirmondus edidit inter Capitula Caroli Calvi: *Ut missi nostri per civitates & singula monasteria tam Canonicorum, quam Monachorum, sive Sanctimonialium, &c.* Idem signat cap. Intelleximus. de ætate, qualitate & ordin. præfic. Hinc Ecclesiæ Episcopales, quæ erant penes Canonicos regulares, dici placuit monasteria Episcopalia. Marianus Scotus in Chronic. ad ann. 1081. *Moguntia civitas ex parte majore, & monasterium Episcopale, aliæque tria monasteria igne consumpta sunt.* Vel monasteria principalia. Sic vocat Dodechinus in Appendice Mariani ad

annum 1137. *Monasterium principale in Moguntia cum aliqua parte civitatis combustum est.*



C A P U T . I I .

*Monasteria non debent construi sine auctoritate Episcopi :
etiam desideratur auctoritas pontificia & regia.*

MONASTERIA primum in cremo assurgere cœperunt nullis legibus, sola pietate & studio fundatorum, sine Episcoporum arbitrio. Ubi vero Monachi ex cremo migrarunt, & passim in civitatibus & vicis constructa sunt monasteria, quia plerumque Monachi propria præsumptione excitabant monasteria, vnde sæpius oriebatur scandalum & confusio : huic rei modus impositus est, ne monasteria vsquam construerentur sine consensu & auctoritate Episcopi. Synodus Chalcedonensis can. 4. ἐδόξε μὴδὲν μὴ κη-
δαμὸν οἰκοδομεῖν, καὶ δὲ σωκεῖν μοναστήριον, ἢ δικηέριον οἶκον.
ὡς δὲ γνώμῃ τῇ τῆς πόλεως ἐπισκόπου. Placuit neminem vsquam edificare, nec construere monasterium, aut oratorii domum, sine conscientia ipsius civitatis Episcopi. Can. *Quidam* 18. quæstione 2. Ne quis monasterium ædificet, priusquam Episcopus cræcem fixerit, statuit Synodus Carthaginensis can. 86. Synodus Constantinopolitana I. & II. canone 1. Nicæna II. can. 17. Novell. Justinian. 67. capite 1. & Novell. 131. cap. 7. Eadem fuit sententia Synodi Agathensis canon. 27. & 58. Can. *De Monachis*. can. *Cellulas* 18. quæstione 2. Et quia primis sæculis plerumque idem erat fundator & primus Abbas monasterii, & Abbas antequam discipulus, ut ait Cassianus de institutione Cœnobiolorum libro 2. capite 3. simul statutum est, ne monasterium ædificaretur, nec liceret fundatori se ipsum ἡγουμένον, vel pro se alium constituere, præter sententiam Episcopi, d. canone 1. Synodi Constantinopolitanæ I. & II. Hodie in erectione Ecclesiæ conventualis vel monasterii, præter consensum Episcopi desideratur auctoritas Romani Pontificis. Cap. vn. in fin. *De religiof. domibus* in 6. cap.

cap. vnic. *De excess. Pralat.* eodem, & ex decreto Congregationis Cardinalium ad Concilium Tridentinum sessione 25. *De regular.* capite 3. Et quia nova collegia coire non possunt sine auctoritate Principis, L. *Collegia.* ff. *de collegiis.* Guido Papa quaestione 106. legibus Francicis, ne Ecclesie vel monasteria edificarentur absque auctoritate Principis, vetitum fuit. Formul. Marculf. libro 2. capite 1. Monasterium condidit beatus Walericus consensu Ambianensis Antistitis, & Clotharii Regis. In vita sancti Walerici apud Surium 1. Aprilis: Porro Clotharius Rex ex consensu Ambianensis Antistitis, ita ut petierant (Walericus & Waldolenus) locum eis secretum largitus est, remotiori ab hominum consuetudine, vita & monastico instituto bene opportunum, quem antiquitus Lenconnaum dicere consueverant. Duo monasteria, Stabulense & Malmundarium, in proprio solo construxit, & adjacentibus prædiis dotatum, beato Remacho ad instituendam ibi congregationem Monachorum, sub firma adstipulatione, & regii sigilli impressione contradidit, ut refert Stephanus Leodiensis in vita sancti Modoaldi Trevirensis apud Surium 12. Maii. Monasterium Casæ-Dei in Arvernens fundavit Robertus, ejusdem primus Abbas, assensu & consilio Renconis Arvernensis Episcopi, Henrici I. Francorum Regis, & Leonis IX. Romani Pontificis. In vita ejusdem Roberti apud Surium 24. Aprilis: *Habita super hoc cum fratribus suis deliberatione, assensu etiam & consilio Arvernensis Episcopi bonæ memoria Renconis, cepit monasterium edificare cum summa omnium gratulatione, juxta loculum in quo prius habitaverat, & prospere consummavit.* Eo tempore Francus imperabat Henricus, Sedem Apostolicam Leo IX. tenebat. Papam igitur supradictus Episcopus adiit, vir sanctus Regem Francorum: utrique super novi loci stabilitate auctoritatis robur, & congrua privilegia petitori, &c.





CAPUT III.

Ne monasteria construantur sine dote idonea. Doti Ecclesiarum & monasteriorum consultum.

IN Ægypto & Oriente monasteriorum non alia fere dos fuit, quam census pauperum, id est, industria & labor manuum Monachorum, quo se ipsos sustentabant, necnon supervenientibus hospitibus & pauperibus sufficiebant. Labente vero sæculo Monachis a labore manuum cessantibus, ne monasteria egestate deficerent, utraque lege, civili & canonica, sancitum est, ne quis ædificaret monasterium sine consensu Episcopi, & dote idonea: id est, priusquam qui ædificaturus est monasterium, dotem congruam constituerit ad luminaria & facta testā, & alimoniam Monachorum. Novell. 67. & Synodi Constantinopolitanæ I. & II. can. 1. Can. *Nemo. de consecrat.* distinct. 1. can. *Placuit* 1. quæst. 2. Cap. *Sicut. de consecrat. Eccles. vel altār.* Imo ut dos tuta esset a vi & manu fundatoris vel heredum, sancitum est ne monasterium prius ædificaretur, quam donatio fundatoris referretur *ἐν τοῖς βιβλίοις*, id est, in libello seu chartula, & deponeretur, perpetuæ memoriæ causa, *ἐν τοῖς ἐκκλησιαστικαῖς ἀρχείοις*, in Episcopaliibus archivis. d. can. 1. Synodi Constantinopolitanæ: Item eodem consilio statutum est, ne dos semel data & tradita esset in potestate fundatoris; sed ejus ordinatio & administratio esset penes Episcopum. Concilium Toletanum IV. can. 32. Can. *Noverint* 10. quæst. 1. Et hæc fuit lex communis Ecclesiis, ne consecrentur priusquam Episcopus dotem Ecclesiæ, & obsequium ipsius, id est, professionem subjectionis, per donationem, id est, traditionem chartulæ, confirmatum accipiat Episcopus. d. can. *Placuit.* Ac ne dos Ecclesiæ vel monasterii ab ipso Episcopo minuat, Episcopus vetatur aliquid a monasterio exigere, oblationis vel eulogiæ nomine, præter conditiones quæ impositæ sunt in die dedicationis. Can. *Eleutherius* & sequent. 18. quæstione 2. Gregorius libro 12. epistola 20.

CAPUT IV.

Jura patroni seu fundatoris monasterii.

QUAMVIS dos Ecclesiæ vel monasterii semel data & tradita non esset in potestate fundatoris, ei tamen non detuere sua jura, a lege vel consuetudine, vel ex pacto initio foundationis debita. Primum, fundatoribus monasteriorum debetur suffragium precum a Monachis. Monasterium construxit Colmannus Episcopus Scotus in Hibernia, in loco cui nomen Mageo, & partem soli emit a domino, ea lege, inquit Beda libro 4. Historiæ Anglicanæ capite 4. *ut pro ipso etiam qui eis locum commodaret, consistentes ibi Monachi Domino preces offerrent.* Nec modo pro fundatoribus, verum etiam pro benefactoribus monasteriorum missæ & orationes fiunt, veluti pro Monachis Professis. Ordericus Vital. lib. 3. ad ann. Domini 1063. de Wilhelmo de Ros Abbate Fiscanensi: *Nomen ejus pro multis beneficiis, quæ Uticensibus contulit, in rotulo generali scriptum est, & pro ipso missas & orationes & elemosinas, sicut pro Monacho Professo, prorsus ægi statutum est.* Patronus quidem non habet jus eligendi Abbatis vel Præpositi in conventuali vel collegiata Ecclesia. Cap. *Sacrofancta.* cap. *Massana.* extra *De elect.* Nec electioni Prælati faciendæ, sed jam factæ, patroni desideratur assensus, nisi aliter de sua jurisdictione obtineat, id est, ex lege foundationis, vel consuetudine, vel privilegio aut prærogativa dignitatis. Cap. *Nobis.* extra *De jure patronat.* Sic in monasterio Augustodunensi quod a Brunichilde Regina, & Syagrio Episcopo exædificatum est, jus eligendi Abbatis datum Regi simul cum Monachis, ex privilegio Gregorii I. libro 11. epistola 10. Can. *Hinc est etiam* 16. questione 1. Fundatori quoque Ecclesiæ vel monasterii honor processus, id est, solemnibus occurus debetur. d. cap. *Nobis.* Et ita Theobaldus Comes Campaniæ & Carnutum, Monachis sancti Petri Carnotensis indixit, ut sibi proxime adfuturo occurrerent cum

doritus Cyrensis Episcopus, & in Ephesina Synodo per injuriam Episcopatu depositus, Anatolium Patricium rogavit per epist. quæ est 119. ut eo intercessore apud Augustum ei saltem liceret habitare in suo monasterio, *οὐκ ἔσται γὰρ μὲ καλὸς οὗτος τὸ ἡμέτερον μοναστήριον.* Suum monasterium habuisse Dominum Arameensem Episcopum insinuat ipse Theodoritus. epist. 87. ad ipsum: *ἰδὲ ξάμην ἢ ὑδμίαν, καὶ τοὶ ὠδὲ ζωομένων παύχες· τοὺς ἡμεῖς τῷ πρὸς τοὺς ἐσέτατον μοναχόν τῆς ὑμῶν μονῆς, καὶ τῷ Θεοσεβέστῳ Ἡλίῳ προσεβύτην.* Ego vero nullas litteras prorsus accepi, tametsi nuper ad nos venerint religiosissimi Monachi monasterii vestri, & religiosissimus Heliæ Presbyter. Suum monasterium statim posuit Augustinus Episcopus ordinatus, in domo Aurelii Episcopi. Testis ipse sermon. 49. de divers. Vult habere in ista domo Episcopi mecum monasterium Clericorum. Ex quo Pseudo-Augustinus serm. 21. ad fratres in eremo: *Ad hanc vineam vos elegi, ad hanc Dei hereditatem vos convocavi, licet favoratus a sancto Episcopo Valerio, qui de bonis Episcopatus, ut monasterium in eremo edificarem, mihi multa donavit, &c.* Romanum ipsum Pontificem alios in ministerio cubiculi, quam Clericos vel Monachos electos habere non licuit. Gregor. libro 4. epist. 44. ex Synodo Romana: *De qua re presenti decreto constituo, ut quidam ex Clericis, vel etiam ex Monachis electi, ministerio cubiculi Pontificalis obsequantur, ut is qui in loco regiminis est, tales habeat testes, qui vitam ejus in secreta conversatione videant, qui ex visione sedula exemplum profectus sumant.* Can. Cum Pastoris 2. quæst. 7. *Quantus fuerit zelus Episcoporum in construendis & ordinandis monasteriis, satis prædicant antiquiora & insigniora monasteria orbis Christiani, quæ ipsos patronos & fundatores colunt. Idem satis prædicant leges, quibus nimio Episcoporum zelo pro fundatione monasteriorum non parcentium rebus Ecclesiæ, modus imponendus fuit. Hinc Synodus Constantinopolit. I. & II. can. 2. districte cavit, non licere Episcopo monasterium ædificare, ὅτι καταλύσει τὸ ἐπισκοπικὸν ἱεὺς, in eversionem proprii Episcopatus.* Ne pro fundatione monasterii ultra quinquagesimam rerum Ecclesiæ partem impendatur ab Episcopo, vetuit Synod. Tolet. IX. can. 5. *Quisquis itaque Episcoporum in*

parochia sua monasterium construere forte voluerit, & hoc ex rebus Ecclesiæ, cui præsidet, ditare decreverit, non amplius ibidem quam quinquagesimam partem dare debet, ut hac temperamenti equitate servata, & cui tribuit, competens subsidium conferat, & cui tollit, damna gravia non infligat. Can. Bonæ rei 12. quæstione 2. Inter tot Pontifices & Episcopos, quos hic per censere fas non est, vnus mihi celebrandus est Gregorius I. qui ex proprio patrimonio septem monasteria construxit, & singula prædiis & possessionibus luculentis dotavit, vnum Romæ, sex in Sicilia, teste Joanne Diacono ejus vit. libr. 1. cap. 5. & 6. Inter laicos quot & quantorum Regum, & maxime nostrorum, æterna laus erit, qui infinita prope modum monasteria construxerunt, dotarunt, quæ etiam sua sepultura & cinerum deposito illustrari voluerint. Nec hac laude carent etiam privati, qui in fundatione monasteriorum regiones revera animos ostenderunt, quos cedris Libani comparat Augustinus in Psalm. 103. concione 3. explanans illud: Cedri Libani quas plantavit, illic passeret nidificabunt. Cedri Libani, inquit, mobiles & divites excelsi hujus sæculi, quoniam cum timore audiunt: Beatus qui intelligit super egenum & pauperem; attendunt res suas, villas suas, & omnes superfluas copias, quibus videntur excelsi, & præbent illas servis Dei: dant agros, dant hortos, ædificant Ecclesias, monasteria, colligunt passeret, ut in cedris Libani nidificent. Nec inter mulieres tacenda hoc loco Paula, quæ vna erit pro multis, quæ e rebus suis quatuor monasteria ædificavit & sustentavit, vnum virorum, quatuor sacrarum virginum, teste Hieronymo ad Eustochium de ipsius obitu.





CAPUT VI.

Situs monasteriorum in montibus & insulis qualis eligendus, ex regulis Joannis Chrysostomi & Benedicti.

Insana adificia Monachis prohibentur.

IN extruendis monasteriis maxime habita est situs ratio a Patribus. Primum, quæ fuere in Ægypto & Syria monasteria, posita sunt in cremo, in locis squalidis & incultis, ut aslucta asperitate cæli & soli, & vestis & victus asperitas tolerabilior fieret. Inde ubi Basilii & alii Episcopi ex cremo Monachos evocarunt, ne mutatione mitioris cæli emolescerent, monasteria posita sunt extra vrbes & oppida in montibus. Athanas. in vit. Antonii: *ὡὺ οὐδ' ἐν τοῖς ὄρεσι τὰ μοναστήρια ὡς σκηταὶ πεπλησμενῆαι θεῶν χάριν ψαλλόντων.* Monasteria ergo in montibus tanquam tabernacula fuerunt divinis choris plena psallentium. Joannes Chrysostomus in Joannem Homil. 77. *τί οὐδ' οἱ μοναχοὶ φησι, καὶ τὰς κορυφὰς τῶν ὄρων κατελιπόντες.* Quid Monachi montium cacumina habitantes? Idem ad Antiochen. orat. 6. *ἀναβῆθι πρὸς τὰς κορυφὰς τῶν ὄρων, καὶ κατὰ μεθεὶ τὴν ἐκεῖ μοναχού.* Ad montium vertices ascende, considera illic morantes Monachos. Idem ad Antiochen. orat. 17. & advers. vituper vit. monastic. libro 2. In Atho monte duo & viginti sunt monasteria Græcorum Monachorum Ordinis D. Basilii, qui Turcarum Despotæ ex vinetis & olivetis pensitant sex millia obolorum Turcicorum. Mons hic a Christianis dicitur *ἄγιος ὄρος*, Mons sanctus, a Rutemis *Sunata hora*. Inde crescente multitudine Monachorum, monasteria pene implevere insulas. Ambros. Hexamer. libro 3. capite 5. *Quid enumerem insulas, quas velut monilia plerumque prætexit, in quibus ii, qui se abdicant intemperantia secularis illecebris, fido continentie proposito, eligunt mundum latere, & vitæ hujus declinare dubiis anfractibus?* Hieronymus ad Julianum: *Extruis monasteria, & multus a te per insulas Dalmatiae sanctorum numerus sustentatur.* Augustinus contra Faustum

libr. 3. cap. 8. *In insulam relegatus est, quod sua sponte quotidie servi Dei faciunt, se a turbulento strepitu populorum remove-re cupientes.* Cassian. in præfat. collat. 18. *Ea namque collationes istæ summorum Patrum disputatione contextæ sunt, & ita in omnibus temperatæ, ut utrique professioni, quæ non solum Occiduas regiones, verum etiam insulas maximis fratrum catervis fecistis florere, convenient.* In Capraria & Gorgonia, & aliis insulis quæ sunt in ora maris Italici, fuere celeberrima monasteria, de quibus Rutilius Numat. itiner. lib. 1.

Processu pelagi jam se Capraria tollit,

Squalet lucifugus insula plena viris.

Ipsi se Monachos Graio cognomine dicunt,

Quod soli nullo vivere teste volunt.

De his Augustin. epist. 81. Auctor. vit. S. Aigulfi Abbatis Lerynensis apud Surium 2. Sept. In eisdem Monachos ante 18. annum recipi vetat Gregorius I. ob asperitatem cælli, lib. 1. epist. 58. Can. *Quia autem* 20. quest. 1. E Caprariæ insulæ monasterio fratres aliquot comites expeditionis secum deduxit Macezil, Legatus Theodosii, in Gildonem Comitum Africæ perduellem, quorum precibus incruentam vi-toriam reportavit. Paulus Diac. lib. 13. In insula Lerynensi, quæ objacet oræ Narbonensi, celeberrimum fuit cœnobium; fundatore beato Honorato, de quo Sidon. in Eucharistico ad Faustum :

— *Quantos illa insula plana*

Miserit in calum montes.

De eodem Hilar. Arelat. serm. de vit. & mort. S. Honorati, Gregor. lib. 9. epist. 8. Indiæ. 4. Nec procul ab eo abfuerunt insularum Stoechadum monasteria, a Minervio, Jovini-ano, Leontio, & Theodoro instituta, ut tradit Cassian. in præfat. collat. 18. De utrisque Ennodius in vita Epiphani- Tolosa, inquit, *regrediens singula sanctarum habitationum loca visitavit, medianas insulas Stoechades, Lerum, ipsamque nutricem summorum montium planam Lirinum.* Aspera montium & insularum electa sunt a Monachis, ut homines mundo de-mortui, omne vitæ solatium viderentur rejicere, & vnum Deum in votis habere. Eodem fere consilio, quo Plato lo-cum pestilentem elegit, ut ibi doceret, quo discipuli nihil amarent

amarent præter sapientiam, ut ait Hieronym. advers. Jovinian. lib. 2. Fragilitati humanæ tamen consulens Chrysost. monasteria in locis salubribus collocari suadet lib. 6. de Sacerdor. cap. 6. ὁ μὲν γὰρ μεταχὸς καὶ τῆς σωματικῆς διαπόσειας ἀποστρέφεται, καὶ τόπων πρὸς τὴν διαγωγὴν ἐπιτηδεύων, ἵνα μὴ πλεονάζαν ἀποκινηθῇ, καὶ τῆς ἀνθρώπων ὥσιν ὁμιλίας, καὶ τῶν δόξων ἱερμίας ἐχέσιν ἡσυχίας, ἐν ᾗ καὶ τὸ ἀείψου μὴ ἀμείψου κράσις τῶν ὧγων. Sic & hic Monachus eo amplius bona indiget corporis habitudine, & convenientia item rerum locorumque ad vitam illam commodorum, ut ii loci neque ita multum ab hominum conspectu remoti solitudinis, tamen otium quietemque habeant, neque iidem optima anni atque aeris temperie careant. Item monasteria construenda sunt in loco idoneo, & omnibus necessariis instructo, puta aqua, molendino, horto, pistirino, & aliis, ne fratribus sit necessitas vagandi. Regul. Benedic. cap. 66. *Monasterium autem si possit fieri, ita debet constitui, ut omnia necessaria, id est, aqua, molendinum, hortus, pistirinum, vel artes diversa intra monasterium exerceantur, ut non sit necessitas Monachis vagandi foris, quia omnino non expedit animabus eorum.* Ædificia autem monasteriorum debent esse humilia, & colonorum humilitati convenientia. Theonem Monachum, ut Elizæi tenuitatem ac frugalitatem, nihil ultra cœnaculum ac lucernam requirens, imitetur, nec magnis substructionibus velut alter Pharaon intabescat, ipsique Monachos addicens & conficiens, veram operationem evertat, hortatur Isidor. Pelus. libr. 1. cap. 498. Insanas substructiones monasteriorum vehementer arguit Petrus Cluniacensis libr. 1. epist. 28. *Post de cura pauperum ad culmina transfertur ædificiorum, Ecclesias ædificat, urbes manibus ambit, flumina pontibus obnubit, & se solum destruens universa construit.* Fratrum Prædicatorum & Minorum infana ædificia censorio stylo deprædicat Petrus de Vincis libr. 1. epist. 57. *Ipsi vero Prædicatores & Minores, imo nostri Prelati potius & majores, qui a domiciliis & tuguriis susceperunt domos regias, & palatia subnixa aliis columnis, & officinis distincta variis exergunt, quarum impensa deberent in usus pauperum erogari.*





CAPUT VII.


*Officina & partes monasteriorum, Oratorium, Clausurum,
Capitulum.*

EXPLORATO veterum monasteriorum situ, quam esset structura, quam partes & officina eorumdem, hoc loco investigare opportunum erit, & perspicenda disciplina monastica aptissimum. Certa fuit forma & typus monasteriorum, & ad proprium vivendi genus composita: habentibus omnia communia fuere officinae communes, ut oratorium, refectorium, dormitorium, valetudinarium, seu infirmaria, & alia, de quibus singulis dicendum est. Certam formam aedificiorum non continet Regula Benedicti Patris: certa forma tamen eum usum inde constat, quod a quodam fidei viro rogatus, ut in ejus praedio juxta Terracinam urbem monasterium construeret, missis discipulis suis, euntibus spondit dicens: Ite, & die illo ego venio, & ostendo vobis, in quo loco oratorium, in quo refectorium fratrum, in quo susceptionem hospitem, vel quaeque sunt necessaria, aedificare debeatis. Nocte vero qua promissus illucescebat dies, servo Dei, quem illic Patrem constituerat, atque ejus Praeposito, vir Domini in somnis apparuit, & loca singula, ubi quid aedificare debuissent, subtiliter designavit. Gregor. Dialog. lib. 2. cap. 22. Et ubi de reformando Ordine Canonicorum Regularium & Monachorum cogitatum est, primum de restituendis officinis monasteriorum, sine quibus vita communis transigi non potest, consultatum est. Conc. Moguntin. can. 20. Aquisgranens. can. 117. Quia monasteria construuntur, ut fratres ibi congregati Deum colant precibus & vigiliis, praecipua & primaria cujusque monasterii pars est oratorium. Monachi Ecclesiam non habuere, sed oratorium, *Ὁρτοριον*. Pallad. Histor. Lausiac. capite 20. ubi Pachomius Abbas, inquit, Deo revelante agnovit Macarium apud se diu latentem, & ἐξεί-

καὶ αὐτὸν ἔξω, & εἰσαγαγὼν αὐτὸν, εἰς τὸ δουτρίον οἶκον, ἐνθα ἀπέ-
 λειπε αὐτὸν τὸ δουτρίον. Et cum foras educit, deducens in do-
 mum oratorii, ubi est ara. Cassian. de instit. Cœnobitar. lib.
 3. cap. 7. Is vero qui in tertia, sexta, vel nona, priusquam psal-
 mus cœptus finiatur, ad orationem non occurrerit, ulterius ora-
 torium introire non audet. Rufin. de vit. Patr. libr. 1. capite 5.
 Exceptis monasteriis, in quibus per singula orationum domus sunt.
 Augustin. epist. 109. ad Sanctimoniales quasdam: In oratorio
 nemo aliquid agat nisi ad quod est factum, unde & nomen accep-
 pit orationibus instare horis & temporibus constitutis. Sic vocat
 Reg. Benedict. cap. 52. Oratorium hoc sit quod dicitur, nec ibi
 quicquam aliud geratur, aut condatur. Can. Oratorium 42.
 distinct. præter officia sacra in oratorio fiebat Professio reli-
 giosorum. Eadem regul. cap. 58. Suscipiendus autem in oratorio
 coram omnibus promittat de stabilitate sua. In oratorio silentium
 servatur. Dicta regul. cap. 52. Cap. Cum ad monasterium. de
 stat. Monach. Etiam foris revertentes fratres ad oratorium
 accedere solebant, orandi causa. Gregor. libr. 9. Indiæ. 4.
 epist. 38. Qui mox ut ad monasterium sunt reversi, atque ad
 oratorii limen venerunt, &c. Oratorio proximum erat clau-
 strum: hic est locus quatuor partibus seu lateribus mem-
 brisve divisus, quibus continentur variae officinæ Monacho-
 rum. Petrus Blefens. sermon. 25. Inde est, inquit, quod in
 claustris conventuum quatuor loca cum propriis deputantur officiis.
 In latere claustrum Occidentale est scholaris subiectio: in eo quod
 contingit Ecclesiam, lectio moralis: in ipsa Ecclesia lectio spiri-
 tualis: ad Orientem in Capitulo correctio materialis. In parte
 Orientali erat cella scholarium, id est, Novitorium. Cellam No-
 vitiorum vocat Regula Benedicti cap. 58. Postea autem sic
 in cella Novitiorum, ubi meditetur & manducet & dormiat. Et
 infra: Si adhuc steterit, tunc ducatur in supradictam cellam No-
 vitiorum. Apud Ægyptios cella Novitiorum per annum pro-
 bationis erat haud procul a vestibulo monasterii, juxta cel-
 lam peregrinorum & hospitem. Cassian. de instit. Cœnobit-
 ar. libr. 4. cap. 7. Cum igitur quis susceptus, & hac perseve-
 rantia quam diximus comprobatus, ac depositis propriis vestimen-
 tis, habitu monasteriali fuerit accinctus, non statim congregatio-
 ni fratrum commisceri permittitur, sed deputatur seniori, qui seor-

sim haurit longe a vestibulo monasterii commanens habet curam peregrinorum & advenientium deputatam. In latere claustrum quod Ecclesiam contingit, erat cella, in qua fratres sancti sacris officiis, lectioni sacrorum librorum dabant operam. Epitome Ludovic. Imper. in Regulam Benedicti: *Certum iterum horis lectioni pleniter vacent, & si fieri potest, in uno claustro sedeant.* Syn. Meld. can. 53. *Atque in claustris horis congruis degant, & sub custodia canonica lectionibus & ceteris divinæ institutionis insistant officiis.* Concordia S. Dunstani cap. 5. *Tertia vero peracta, & missa subsequente celebrata, uti regula præcipit, sedentes in claustro vacent lectioni.* In Orientali parte claustrum erat Capitulum: id nomen loco, ubi disciplina & correctio fratrum fiebat. Inde haud dubito, quod priusquam in conventu fratrum tractaretur de emendatione morum & disciplina, legebatur Regula Benedicti Patris. Capitular. Aquilgran. can. 69. & seq. aut certe capitulum regulæ. In monasterio S. Galli apud Helvetios, propter frigiditatem calis Capitulum habebatur in pyræali seu stuba conventuali, ut jam observatum est ex Ekkeardo de casib. monast. S. Galli cap. 3. & 16. Pyræ est stuba, hypocaustum. Anonymus scriptor vitæ sancti Otthonis Babenbergensis Episcopi lib. 2. capite 14. apud Canisium tom. 2. antiq. 1. & stuba vel pyræale vocant, Galli estuve. Claustrum est locus proprius Monachorum. Conc. Moguntin. can. 9. *Et ut simul manducent & dormiant, & in suo claustro maneant.* Idem in Clericis Regularibus Eugenius II. & Leo IV. in can. *Neccessaria* 12. qu. 1. *Neccessaria etenim res exigit, ut juxta Ecclesiam claustra constituentur, in quibus Clerici disciplinis Ecclesiasticis vacent.* Ita propria sedes Monachorum erat claustrum, ut extraneis sive laicis, sive Clericis, non liceret ingredi claustrum sine cuculla, & duce vno e fratribus. Ekkeard. de casib. monast. S. Galli cap. 1. *Locum autem nostrum sibi præ omnibus habitum subinde adiit, (Salomon Capellanus Ludovici Pii) claustrumque ille, quia potens erat, absque duce, & quod magnæ confusionis tunc erat, cum lineis vestibus diatim introiit.* Et infra: *Pellicem, ait ille, tuum, si volueris, tibi optime repretabor: nam duas cucullas ab Abbate habeo, quarum unam tibi ut claustrum decentius nobiscum in ea introcas, in-*

duendam trado. Et infra : Sed nos in fraternitatem interdum & laicos recepimus , quibus tamen in laico habitu nequaquam , inquit , in clauſtro abutimur. Et infra : Abſtinuit tandem abſque aliquo Patrum , ut moris eſt , præduce clauſtrum introire : nimis tamen inſolens ſemper erat , & eſt præter conſuetudinem monachiſti noſtri habitus , quemquam introire intima noſtra , maxime noctibus. Inde ſeueriorum querela , ſecreta monaſteriorum patere laicis , etiam mulieribus. Ordericus Vitalis lib. 12. ad ann. 1120. Dormitorium & crontochium , & reliqua Cænobitarum abdita , quæ hæcenus laicos latuerunt , nunc viris & mulieribus , non ſolum honeſtis , ſed etiam ſcurris ac meretricibus patuerunt. Clauſtrum locatur juxta Eccleſiam : ad hoc enim maxime poſitum , ut procedentibus de Eccleſia ſolemni proceſſio fieret per clauſtrum ex more ſolemni , cujus elegans veſtigium extat apud Petrum Damiani opuſc. 14. Clauſtrum quoque juxta Eccleſiam conſtrui hac intentione cenſuimus , ut ſi quem adhuc inclita monaſterialis ordinis conſuetudo delectat , habeat ubi in præcipuis feſtiuitatibus ſolemniter ex more procedat. Denique clauſtrum ita eſt pars notabilis monaſterii , ut plerumque accipiat pro ipſo monaſterio. Synod. VI. in Trull. can. 41. ἐν τῇ ἐκκλησίᾳ , in monaſterio. In clauſtro ſilentium certis horis ſervatur. d. cap. Cum ad monaſterium.



CAPUT VIII.

Alia officina monaſteriorum : Refectorium , Dormitorium , Cellarium , Coquina , Veſtiarium. Cellerarii , Camerarii officium.

PRŌPTER communem vitam Monachorum inſtitutæ ſunt variæ officinæ communes , aliæ majores , aliæ minores. Majores ſunt , reſectorium & dormitorium. Monachis omnia communia habentibus vnum eſt reſectorium & dormitorium. Conc. Moguntin. can. 9. *Eſt ut ſimul manducent & dormiant.* Aquileſiſenſ. ann. Chr. 816. can. 117. *Sint etiam interius dormitoria , reſectoria , cellaria , & cæteræ*

habitationes usus fratrum in una societate viventium necessariae. Idem can. 123. *Ut omnes in dormitorio, nisi quem infirmitas aut senectus id facere prohibuerit, dormiant. In refectorio quotidie vna reficiantur, nisi forte quem necessitas abesse compulerit: & hoc non sine licentia magistri fiat.* Turon. III. can. 23. *Ut in claustris habitantes simul omnes in uno dormitorio dormiant, simulque in uno refectorio reficiantur, quo facilius possint ad horas canonicas celebrandas occurrere, &c..* Meldenf. can. 53. *Ut canonici in civitate, vel monasteriis, sicut constitutum est, in dormitorio dormiant, & in refectorio comedant.* Eugenius II. in can. *Necessaria* 12. questione 2. *Omnibus unum sit refectorium, ac dormitorium, seu cetera officina ad usus Clericorum necessariae.* Refectorium est locus, in quo fratres in commune reficiebantur. Tricorium quibusdam, a forma aedificii, quod tribus exedris seu sinibus esset distinctum. Ordericus Vitalis libr. 3. ad ann. 1066. *Matildis vero Regina pretiosam insulam dedit & cappam ad Dei servitium, & centum libras Rodomensium ad agendum tricorium.* Apertius idem lib. 6. *Tunc Mathildis Regina orationis gratia Uticum venit, seque cum filia sua Constantia precibus fratrum commendavit, eisque datis sumptibus lapideum tricorium, ubi una reficerent, construi precepit.* Dormitorium est locus ubi fratres simul cubabant. Regul. Benedi&. capite 22. *Si potest fieri, omnes in uno loco dormiant.* Et ideo dormitorium conclave dicitur, quia vna clavi claudebatur. Conc. Tolet. IV. can. 23. *Omnes in uno conclavi arrii commaneant.* Can. *Omnis aetas* 12. questione 1. Non vnum tamen erat dormitorium: seniorum peculiare erat dormitorium, & hoc est, si quid conjectura assequi valeo, quod crontochium appellat Ordericus loco proxime laudato. *Dormitorium & crontochium, quasi gerontochium, id est, dormitorium seniorum.* Unum & commune est dormitorium omnibus: singuli cubabant in lectulis ordine dispositis in eodem conclavi, nec licebat singulis aut binis habere cellas, in quibus cubarent: sed locus quietis erat schola communis. Conc. Turon. II. can. 15. *Nec liceat Monachis cellulas habere communes, ubi aut bini maneant, aut singulares reponi possint. Sed schola labore communi construatur, ubi om-*

*nes jaceant, aut Abbate, aut Prapósito gubernante. Quanta esset cura pudoris tuendi, & malæ suspicionis vitandæ, intelliges ex his duobus, quod fratres omnes simul cubabant in vno conclavi singulis lectulis, vna cum Abbate & Prapósito. Thomas Cantipratensis libro 1. capite 10. de vita Gentæ Abbatissæ Vallis-Floridæ: *Lectus ei in dormitorio communis, refectorium in conventu.* Et quod per noctem candelæ vel lucerna jugis ardebat in dormitorio. Regula Benedicti capite 22. Erat & aliud dormitorium fratrum extraneorum juxta oratorium. Capitulare Aquisgranens. can. 58. *Ut dormitorium juxta oratorium constitutur, ubi supervenientes Monachi dormiant.* Quod optima ratione institutum, ne fratres Monachis extraneis supervenientibus commiscerentur. Cellarium est cella communis, in qua custodiæ causa reponuntur victualia & necessaria in sumptum fratrum. Concilium Aquisgranense loco modo laudato: *Dormitoria, refectoria, cellaria, Græcis, Βασίλειον.* Basilii sermon. de institutione Monachorum: *Βασίλειον δὲ τῶν τῶν ἑκὶ μὲν. Apotheca vero omnibus sit una.* Cellarium est cella, ubi reponuntur esculenta & potulenta. Donat. in Adelphis: *Cella & cellarium a reponendis celandisque rebus esculentis & potulentis dicitur.* Quid distet cellarium a penu, Servius in primum Æneid. *Inter penum & cellarium hoc interest, quod cellarium est paucorum dierum, penus vero temporis longi.* Alias cellaria sunt tabernæ, in quibus pretiosæ merces reponuntur. Hieronymus in cap. 27. Ezechiel. *Et prætoria sive cellaria, in quibus merces pretiosissimæ reponuntur.* Inde Cellerarius est qui præpositus est cellario, & necessaria ministrat fratribus: cujus officium & dotes depingit regula Benedicti capite 31. Concil. Aquisgranens. canone 140. Vita Bernardi libro 1. capite 6. *Cum vero ante instantem hiemem Gerardus frater ejus, Cellerarius domus, apud eum durius quereveretur, ad necessaria domus & fratrum multa decessit.* Eiusdem est custodire pecunias monasterii. Cæsarius de Miraculis libro 2. capite 35. *Usurarius quidam cuidam Ordinis nostri Cellerario quandam pecuniæ suæ summam commisit reservandam, quam ille signatam in loco tuto juxta pecuniam monasterii reposituit.* Idem libro 4. capite 71. *Abbati rem per ordinem retu-**

lit, qui misso Cellarario pecuniam ibidem recepit. Idem erat munus Cellariorum apud veteres. Columella libro 11. capite 1. Ut cibus & potio sine fraude a Cellariis præbeatur. Idem libro 12. capite 3. Promis quoque & Cellariis aliquid attendentibus, aut mercentibus intervenire. Cellarius eligendus erat vnus e fratribus, non ex laicis. Thomas Cantipratensis libro 1. capite 16. Nullum de his qui religiosi non erant, ministrare in aliquo officio obedientia, ut est cellarium, vel rerum procuratio permittebat. Et quia in Cellarario requiritur peritia, cum sine causa deponi vetat Capitulare Aquisgranens. can. 56. Ut Præpositus, Decanus, Cellarius, de eorum ministerio, nisi causa utilitatis aut necessitatis, non removeantur. Cellarii officium erat ministrare necessaria fratribus: inde ne obmurmuretur Cellarita a fratribus, si quidquam e petitis neget, monet Dorotheus doctrin. ἀπα ἡτήσα τὸν κελλάριτον πρεσβύτερον, ὃ ἐκὼν ἰδὼνί μοι, ὃ ἐξόχιστος κατ' αὐτὸν. An si quid petii a Cellarita, & ipse mihi negavit, murmuravi adversus ipsum. Cellario contermina est coquina: id nomen loco, vbi cibus in esum fratrum coquitur. Coquinam per vices & hebdomadas exercebant fratres: vnde cuius erant vices, Hebdomadarius dicebatur. Regula Benedicti capite 35. Fratres sic sibi invicem serviant, ut nullus excusetur a coquina officio. Regino 2. Chronic. ad annum 746. de Carlomanno Monacho Cassinensi incognito. Accidit autem, ut juxta quod mos est, ad coquina officium Hebdomadarius deputaretur. Bernardus in vita Malachia: Ipse in ordine vicis sua coquina ministerio inserviebat, ipse fratribus, cum recumberent, ministrabat. Cæsarius de Miraculis libro 1. capite 35. Cum esset tempore quodam Hebdomadarius coquina, & Sabbato secundum consuetudinem lavaret pedes Monachorum. Apud Ægyptios cellarii nec coquina cura non erat hebdomadaria, sed perpetuum munus vnus e fratribus. Cassianus de institutione Cœnobarum libro 4. capite 22. Caterum apud Ægyptios, quibus maxima cura est operis, non est hebdomadarum mutua vicissitudo, ne sub occasione huius officii omnes ab operis canone impediuntur: sed uni probatissimo fratrum cellarii vel coquina cura committitur, qui perpetuo, donec vires ejus, vel etas admittit, jugiter opus istud exerceat. Cellario etiam adjungitur vestia-

vestiarius : is est locus, in quo deponuntur vestes in usus Monachorum. Regula Benedicti cap. 58. *illa autem vestimenta quibus exutus est, reponantur in vestiario conservanda.* Augustinus epistola 109. ad Monachas quasdam : *Et sicut pascimini ex uno cellario, sic induamini ex uno vestiario.* Auditor sermonis ad fratres in eremo sermone 22. *Centum & quinquaginta vestimenta cum calciamentis vobis delectis fratribus deportari praecepi, ut tempore frigoris quantum necesse fuerit, unusquisque recipiat, reponentes ea, & custodientes in communi vestiario cum omni diligentia & caritate.* Apud Aegyptios vicaria, id est, nova pro veteribus, vel nitida & munda pro sordidis, fratribus ministrabat Præpositus cuiusque Decaniæ. Cassianus de institutione Cœnobitarum libro 4. capite 10. *Nec laneis indumentis utuntur, sed lineis tantum, & ne ipsis quidem duplicibus, quibus vicaria Præpositus unusquisque suæ Decaniæ subministrat, cum illa quibus vestiti sunt, sorduisse conspexerit.* Apud nostros vestem & alia necessaria ministrat vnus e fratribus, qui dicitur Cameraarius. Ekkcardus de casibus monasterii sancti Galli capite 5. apud Goldastum : *Ego quidem, quia corium meum ad calceos Cameraarius hoc anno non dedit, nusquam fugiam.* Innocentius III. epistolar. libro 1. epistola 46. *Camerarius siquidem omnia debet recipere, & etiam ei convenit resignari quicquid ad manus devenerit aliorum : ipse vero quod cuique opus erit, juxta facultates domus provide dispensabit ; mancias & alia quæ fuerint necessario danda, intus & foris cum consilio Archipresbyteri sine murmure tribuet : quo absente recipiet hospites, & iis hilariter ministrabit.*



vacent ab imbecillis, identidem aperire, & immunditiis liberare, & cum res exigerit, bene ordinata & ornata, & salubria languentibus præbentur. Quintilianus de orator. Nec unum de populo Canuti, aut Aride, Furnio & Toratio, quique alios in eodem valetudinario, hæc ossa & hanc maciem probant. Seneca de ira libro 1. capite 16. Si intrassem valetudinarium exercitatus & sciens, aut domum divitis, non idem imperassem omnibus per diversa ægrotantibus. Quia silentium in claustro, refectorio & dormitorio servatur, erat locus ubi locutio admittebatur cum extraneis & hospitibus: auditorium vocabant. Ekkeardus loco modo laudato: Abbas autem post laudes egressus in auditorio eum salutat. Alii locutorium. Thomas Cantipratensis. libro 2. capite 53. Observans ergo die quadam fenestram locutorii, summo mane quendam leviter pulsantem audivit. Olim & in ædibus privatorum erat locus, in quo cum extraneis confabulatio seu colloquium fiebat. Hieronymus in epistolam ad Ephesios capite 2. ἀλλοτρίον, id est, collocutorium. Erant & aliæ officinæ communes, lavatorium & scriptorium. Ekkeardus de casibus monasterii sancti Galli capite 10. Veniunt in pyrale, & in eo lavatorium, necnon & proximum pyrali scriptorium. Pyrali seu stubæ conjungitur lavatorium: vsus enim balnei infirmis permittebatur. Regula Benedicti capite 36. Balnearum vsus infirmis quoties expedit, offeratur. Capitulare Aquisgranens. canone 7. Ut balnearum vsus in arbitrio Prioris consistat. Scriptorium erat locus, in quo juniores fratres dabant operam conscribendis libris, ex quo pervenit magna copia librorum in cœnobiis Monachorum, necnon honesta ratio curandæ pecuniæ in sumptum Monachorum. Quia in monasteriis erat maximus cultus hospitalitatis, erat & propria mansio, in qua recipiebantur & exhibebantur supervenientes hospites, ne fratrum secessus turbaretur. Cellam hospitem vocat regula Benedicti capite 58. Et sit in cella hospitem paucis diebus. Apud Ægyptios hic locus erat seorsim ab habitaculis fratrum, haud procul a vestibulo monasterii. Cassianus de institutione Cœnobarum libro 4. capite 7. Sed deputatur seniori, qui seorsim haud longe a vestibulo monasterii commanens, habet curam peregrinorum & advenientium deputatam. Et qui præpositus erat cellæ hospi-

rum, dicebatur Magister hospitum vel Hospitalarius. Cæsarius de Miraculis libro 7. capite 39. *Quia non solum verbis & aspectu, imo etiam odore famæ ejus, multi edificabantur, Magister hospitum creatus est.* Hospitalarii electio pertinebat ad Abbatem de consilio seniorum. Dorotheus doctrina 11. *ἔτι ῥηλὴν ἐν τοῖς καὶνοβίοις, ἐποίησέν με ὁ Ἀββᾶς ξενοδοχὸν καὶ γυμνασιὸν γαργύρων.* Cum essem in cœnobio, fecit me Abbas xenodochum de consilio seniorum. In cœnobiis erat & locus seu custodia, in qua delinquentes emendationis causa recludebantur: pulsatorium vocant. Conc. Vernens. quod ann. 755. habitum est, can. 6. *Et sitales femina velata ad præsens ibidem congregatæ interveniuntur, quæ regulariter vivere non velint, nec ad hoc dignæ sint, ut cum illis aliis habitent, Episcopus vel Abbatissa prævideant locum aptum, ubi separatim cum custodia in pulsatorio habitare debeant.* Cellam vocat Synod. Turon. II. can. 20. *Retrudentur in cellam, ibique mense integro panem cum aqua manducant.* Cellarium Anastasius in vita Stephani IV. in fin. *Sergius vero in monasterium Clivi Scauri deportatus, & postmodum in cellarium Lateranense deductus, illicque usque ad transitum prænominati Pontificis exiit.* In monasteriis etiam fuere insignes bibliothecæ, studio Monachorum, religionem & literas æquo fere studio amplectentium. Vivariense monasterium construxit, & librorum copia adornavit Cassiodorus, de quibus suum judicium reliquit libro divinarum institutionum. Triplicem bibliothecam habuit monasterium Viennense, quam Claudianum fratrem Mammerti Episcopi Viennensis, tum Monachum, totam hausisse refert Sidonius libro 4. epistola 11.

Hoc dat cespitem membra Claudianus.

Triplex Bibliotheca quo magistro

Romana, Attica, Christiana fuit,

Quam totam Monachus vivente in ævo

Secreta bibit institutione.

Suam bibliothecam habuit monasterium S. Martini Turon. quam ab Alcuino Abbate collectam credimus. Armarium S. Martini vocat Lupus Ferrariensis epist. 16. *Impendio supplicamus, ut Commentarios Boetii in Topica Ciceronis, quos in chartario codice, sive, ut emendatius alii dicendum videtur, chartinario, Amalricus in armario sancti Martini habet obrentos ab eo,*

per hunc, quem ob hoc direximus, nuncium dirigatis. Suum armarium, id est, bibliothecam, habuit & cœnobium sancti Galli apud Helvetios: de quo Ekkeardus Junior de casibus monasterii sancti Galli capite 10. *Itur in armarium, sed & in augustum sancti Galli thesaurarium.* Sic vocabant ea ætate bibliothecas Ecclesiarum vel monasteriorum. Nec barbara fuit vox: armarium enim etiam veteribus est locus, in quo libri reponuntur. L. 3. §. *Præterea. ff. De supellectil. legat. L. Librorum. §. Sed si bibliothecam. de legat. 3.* Sava-ro in Sidon. libro 2. epistola 9. Lipsius de bibliothecis capite 9. Bibliothecam Ecclesiæ Romanæ armarium vocat Anastasius in Gregorio III. *Hic in Ecclesia prædicti Principis Apostolorum omnes codices domus sue proprios, qui in circulo anni leguntur, ad matutinos in armarii opere ordinavit.* In monasteriis fuere bibliothecæ exemplo insigniorum Ecclesiarum. Bibliothecæ Hierosolymitanæ Ecclesiæ, per Alexandrum Episcopum collectæ, meminit Eusebius libro 6. capite 14. Cæsariensis bibliothecæ meminit Hieronymus in epistolam ad Titum capit. 3. *Inde & nobis curæ fuit omnes veteris legis libros, quos vir doctus Adamantius in exempla digesserat, de Cæsariensi bibliotheca descriptos, ex ipsis authenticis emendare.* Ecclesiarum bibliothecas celebrat idem epistola ad Pammachium adversus Jovinianum: *Ecclesiarum bibliothecis fructu, &c.*



CAPUT X.

Officiales monasteriorum, Cellerarius, Camerarius, Hospitalarius, Infirmarius, Oeconomus seu Procurator monasterii, Hebdomadarius.

ALII sunt Prælati cœnobiæ, alii Officiales. Prælatorum appellatione continentur Abbates, Præpositi, id est, Priores, Decani, qui præsunt cuicunque Decaniæ: de quibus primo libro satis fuisse diximus. Officiales sunt Cel-

O o o iij

lerarius, Camerarius, Hospitalarius, Infirmarius, & alii, de quibus modo diximus. *Qui* singulis officinis monasterii præponuntur, Officiales dicuntur. De his Bernardus in Cantica sermone 47. *Nec solus dico vitandas cogitationes Vanas, & otiosas: vitanda sunt & illæ, illa dumtaxat hora, & illo loco, quas officiales fratres pro communi necessitate, quasi necessario frequenter admittere compelluntur.* Præter præfatos non sunt omittendi alii hoc loco, inter quos est OEconomus seu Procurator, Apocrisiarius, seu Responsalis monasterii, qui curat res & negotia monasterii. *L. Qui in monasteriis: C. De Episcopis & Clericis.* Novell. Justinian. 133. capite 5. Ideo ut exemplo Episcopi quisque Abbas suum habeat OEconomum, statuit Synodus Nicæna II. can. 11. Res enim monasterii a laicis administrari, nefas visum est, ut recte ait Balsamo hic. Ita res omnes & actiones monasterii sunt in potestate OEconomi, ut initio litis Monachi non jurent per se de calumnia, sed per OEconomum & Procuratorem monasterii. Cap. 1. *De jurament. calumnia.* Et in Appendice Concilii Lateranensis part. 23. capite 4. *Eis præcipimus ut in suo monasterio, sicut Imperiales Constitutiones consentiunt, OEconomum statuunt, qui pro eis petere & excipere, atque juramentum de calumnia, cum necesse fuerit, valeat exhibere.* Apud Orientales OEconomus monasterii erat vnus e senioribus, qui votis fratrum eligebatur: ejus erat oblationes & stipendia fidelium suscipere. Cassianus collatione 21. capite 1. *Venit ad Abbatem Joannem, qui tunc temporis merito sanctitatis electus Diaconia præsidebat: non enim ad hunc gradum quilibet propria voluntate aut ambitione provehitur, sed is quem cunctorum seniorum cætus, ætatis prerogativa, & fidei atque virtutum testimonio, excellentiorem omnibus sublimioremque censuerit: ad hunc, inquam, beatum Joannem, cum pia devotionis studio prædictus tum juvenis advenisset, deferens religiosa munera, inter ceteros possessores, qui certatim decimas vel primitias frugum suarum memorato seni de suis substantiis offerebant, &c.* Et idem capite sequenti: *Delector quidem, officii carissimi, pia vestrorum munerum largitate, & devotionem faciens oblationis, cujus dispensatio mihi credita est, grater amplexor, quia fideliter primitias vestras & decimas indigen-*

rum usus profuturas, velut sacrificium Domino bonæ suavitatis offertis. Oblationes scilicet & stipēs fidelium referebantur in Diaconiam, id est, in ararium & arcam monasterii, ut impenderentur in usus fratrum, vel peregrinorum & pauperum. Idem collatione 18. capite 7. Tempore siquidem Lucii, qui Ariana perfidia Episcopus fuit, sub Valentis imperio, cum Diaconiam nostris fratribus deferremus, his videlicet qui de Ægypto ac Thebaide fuerant, ob Catholica fidei perseverantiam, metallis Ponti atque Armenia relegati. Eiusdem OEconomus erat res monasterii curare, & Hebdomadariū coquinæ curare, an suo officio diligenter fungeretur. Idem de institutione Cœnobarum libro 4. capite 20. In septimana cuiusdam fratris, cum præteriens OEconomus tria lenticulæ grana vidisset jacere in terra, quæ Hebdomadario festinanti, dum ea preparat coctioni, inter manus cum aqua, quæ diluebantur, elapsa sunt, confestim super hoc Abbatem consuluit, &c. Apud OEconomum servandæ deponerentur vestes Novitiorum. Idem de institutione Cœnobarum libro 4. capite 6. Illa vero quæ deposuit vestimenta, æconomio consignata, tamdiu reservantur, donec profectus & conversationis ejus, ac tolerantia virtutem diversis tentationibus ac probationibus evidenter agnoscat. In Oriente per singulas hebdomadas vicissim fratres ad necessaria ministeria cœnobii constituebantur. Idem libro 4. capite 19. Per cunctam namque Mesopotamiam, Palestinam & Cappadociam, ac totum Orientem, singulis hebdomadibus vicissim fratres ad hæc officia sibi reddenda succedunt, ita ut secundum cœnobii multitudinem, ministrorum quoque numerus deputetur. Inde officium Hebdomadarii apud Basilium in constitutione monasticæ. Apud Ægyptios non erant Hebdomadarii: sed cellarii vel coquinæ cura committebatur uni fratri in perpetuum, donec ætas vel vices ferrent, ne alternantibus vicibus fratres ab opere prohiberentur. Idem capite 22. ejusdem libri: Ceterum apud Ægyptios, quibus maxima cura est operis, non est hebdomadarum mutua vicissitudo, ne sibi occasione huius officii omnes ab operis canone impediuntur: sed uni probatissimo fratri cellarii vel coquinæ cura committitur, qui perpetuo, donec vires ejus vel ætas admittit, jugiter opus istud exerceat.

In Oriente, ut eo redeam, Oeconomus monasterii eligebatur suffragiis fratrum. Post Joannem & Eliam, Theonam ad Diaconat ministerium communi suffragio fratrum electum tradit idem Cassianus collatione 21. capp. 8. 9. & 10. In Occidente Procurator monasterii ab Abbate ordinabatur. Gregorius libro 2. Indictione 11. epistola 3. ad Eusebium Abbatem: *Non frequenter foras egrediaris, in causis istis Procuratorem institue, & tu ad lectionem atque orationem vaca.* In monasteriis inter officia, licet ultimus ordine, utilitate & necessitate post Abbatem seu Præpositum primus ponitur Ostiarius, qui observat fores monasterii, ne quis e fratribus exeat sine licentia Abbatis. Regula Benedicti capite 66. Novell. 133. capite 1. Apud antiquos non vnum, sed duos fuisse Janitores monasterii cujusque, signat Rufinus de vit. Patrum libro 2. capite 34. *Cumque nuntiassent ei de adventu sororis ejus, misit continuo duos Monachos, qui observabant ad januam monasterii.* In monasteriis omnimodi generis artifices esse e fratribus, voluit regula Benedicti cap. 66. ne sit occasio vagandi, & ne necesse sit laicis uti. Inde in monasterio Floriacensi fuit Præfectus cæmentariorum. Aimoinus Floriacensis de Miraculis sancti Benedicti libro 3. capite 26. *Unus ex fratribus, cognomento Gillebertus, qui cæmentariis fuerat præfectus.*





CAPUT XI.

Cella seu Prioratus. Obedientia ad tempus dari solita ad nutum Abbatis. Præstant censum majori monasterio. μισθον. Cella extra monasterium synagoga diaboli.

EXCRESCENTE in dies multitudine Monachorum, cum cœnobium vnum tot non caperet, cœperunt ædificari cellæ, id est, minora monasteria, quasi colonix in prædiis & villis, quæ subjacebant majori monasterio. Capitulare Aquilgranens. can. 45. *Ut Abbatibus liceat habere cellas, in quibus aut Monachi sint, aut Canonici: & Abbas provideat, ne minus de Monacho ibi habitare permittat, quam sex.* Cellulas aut congregatiunculas Monachorum vocat Synodus Agathensis can. 58. Can. Cellulas 18. quæstione 2. Sic Cellam sancti Judoci monasterio Ferrariensi paruisse tradit Lupus Abbas Ferrariensis epistola 11. ad Lotharium: *Cellam sancti Judoci, quam Magnus Carolus quondam Alcuino ad elemosynam exhibendam peregrinis commiserat, beata memoria pater vester nobis ea ratione concessit, sicut edictum illius attestatur, ut quod elemosyna superesset, in nostrum usum cederet.* Quamplures fuere cellæ Cassinensis monasterii per varias provincias Italiæ. Leo Ostiensis Chronic. Cassinensis libro 4. capite 102. *Omnes dehinc cella monasterii per Apuliam, Campaniam, Picenum, Samnium, Lucaniam atque Calabriam capta, atque a nostro jure subiectæ sunt.* Obedientias vocabant, quod subessent majori monasterio. Fulbertus epistola 2. *Ambo Præpositi simulantes causa communis commodi, ad Obedientias suas se velle exire, ac ne aliorum pergerent sibi interdicante Decano monasterii.* Goffridus Vindocinensis libro 4. epistola 7. *Ad Obedientiam vestram de Pinu, quam obviam habuimus, hospitandi gratia divertere dignum duximus.* Prioratum de Pinu intelligit, ut mox ostendit his verbis: *Quo intratis, Prior abest.* Eisdem ab Abbate majoris monasterii præficiabantur Præpositi seu Prio-

P p p

res. Leo Ostiensis Chronic. Cassinens. libro 3. capite 13. *Sed cum amoto Abbate Præpositus ibi juxta cellarum nostrarum morem constitutus esset. Idem libro 4. capite 86. Ejus donationis & mutui gratia, Leo cum filio omnes cellas cænobiis istius, & omnia quæ intra ditionis suæ terminos possidet, beato Benedicto dimisit liberas, ut ibidem ordinandi Præpositos, omniaque faciendi liberam habeat Abbas Cassinensis facultatem. Imo Præpositi cellarum ita parebant Abbati, ut alii cuiquam fide & sacramento se obstringere non liceret, incio & invito Abbate. Anselmus libro 3. epistola 90. ad Ernulfum Priorem: Si quis exegerit ab aliquo Monacho Ecclesie vestra sacramentum, aut fidei alligationem, aut pactum aliquod, quod contra ordinem sit, propter tenendam aliquam potestatem, quam dicimus obedientiam, considerate, &c. Adeoque hujusmodi Obedientiæ ab Abbate dabantur ad tempus, & ad nûtum Abbatis poterant revocari. Innocentius III. in cap. Cum ad monasterium. de statu Monachor. Nec alicui committatur aliqua Obedientia perpetuo possidenda, tanquam in sua sibi vita locetur: sed eum oportuerit amoveri, sine contradictione qualibet revocetur. Idem in capp. 5. & 6. De confirmat. util. Clement. vnic. De supplend. negligent. Prælat. Hinc Ivo Carnotensis epistola 163. ad Goffridum Abbatem Vindocinensem: De Monacho illo quem juramento constrinxisti, ne ultra illam administraret Obedientiam, quam aliquandiu sibi usurpaverat per inobedientiam, consilium meum est, ut ulterius eam non habeat, &c. Goffridus ipse libro 5. epistola decima octava: Rogastis itaque ut Rainaldum Quartaldum in Obedientiam, de qua eum amovimus, remitteremus. Soli Romano Pontifici licebat Monacho Prioratum seu cellam concedere in perpetuum, id est, quoad viveret. Cap. Cum inter. de elect. Innocentius & Joannes Andreas in cap. Nisi essent. de præbend. Sed novissimis sæculis in Gallia hujusmodi cellæ & Prioratus desiere in titulos perpetuos: vix enim fuit ut a suis cellis removerentur, saltem non sine gravi causa. Rebuff. de pacific. possess. num. 329. & sequent. Cellæ præstabant annonam & copiam frumenti & vini majori monasterio, unde nomen cellæ, quæ apud Latinos pro apotheca sumitur, in qua reponuntur esculenta & poculenta in usum quotidianum inde promenda: ideoque sine sub-*

sidio cellæ sancti Judoci monasterium Ferrariense fratribus non sufficere scribit Lupus Ferrariensis epistola 43. Hujus juris memoria in signum obsequii & subjectionis Prioratus Cluniacensis & Cisterciensis Ordinis præstabant annum censum suo quisque Principi Ordinis. Chopin. de S. Polik. libro 2. tit. 8. Idem monastic. libro 2. tit. 1. numero 6. & 9. Sic cella de Wimundham præstabat annuam marcam argenti Abbati sancti Albani. Matthæus Parisiensis in Roberto XVIII. Abbate: *Tu enim in Ecclesia de Wimundham nullum omnino habes dominium, nisi quod in signum subjectionis & ordinis debet tibi successoribusque tuis Prior loci reddere annuam marcam.* Inde Obedientias Præsterias vocant, quod ex his præstarentur annonæ & alimenta Cœnobitis. Innocentius III. libro 2. epistola 227. *Obedientiam quæ Præsteria nuncupatur, obtinuit sibi dari.* Et infra: *Cum de proventibus illius Præsteriæ illis, qui assidue in Ecclesia serviunt, consueverint necessaria ministrari.* In monasterio de Waltham in Anglia, singuli Prioratus ascripti in proprios usus monasterii, puta vnus ad cellarium, alius ad vestiarium, alius ad sacrificiæ sumptum. Innocentius III. libro 2. epistola 111. Ne Obedientiæ & Prioratus laicis sub quocumque censu concedantur, sed per Monachos regantur, cavit Innocentius III. libro 1. epistola 136. Idem registro 14. epistola 129. Nec modo monasteria, verum & aliæ Ecclesiæ habuere Obedientias & Prioratus, vt Lugdunensis Ecclesia. Gregorius VII. libro 5. epistola 36. *Ut quicumque ex Canonicis Lugdunensis Ecclesiæ Obedientias, vel cetera beneficia ecclesiastica, per simoniam adepti fuerant, dimittant.* Apud Græcos quoque majoribus monasteriis fuere Obedientiæ & cellæ, quæ *μετόχια* dicebantur. Manuel Patriarcha in solutionibus quarundam quæstionum apud Leunclaviū: *ὑποδύναι εἰς μετόχον τῆ ἐν τῷ Σίματι τῆς Σεβασίας πατριαρχικῆς μονῆς.* Et infra: *ὁ γὰρ ἐκδιδωκὼς τὸ τοῖς μοναχοῖς εἰς μετόχον, τὸ πνευματικὸν μὴ τὸ διαποτικόν. Ὁ δὲ δύναι ἡδύναται.* Subjecisse in metochium Patriarchali monasterio, quod est in themate seu provincia Seruiorum. Nam qui illud Monachis in metochium largitus est, pecuniarium solum dominium tribuere potuit. Germanus Patriarcha apud eundem sentent. synod. libro 3. *καὶ ἐν ὁμοκαύσεια τυχὼν τυγχάνουσι τῆς μονῆς, ἢ μετόχια.*

Et infra : *οὐκ ἐν τῇ μετοχίᾳ, ἀλλ' ἐν τῇ παραλαυρίᾳ.*
Sive etiam paralauria forte sint, aut metochia. Præterea etiam
oratoriorum, metochiorum, paralauriorum. Hujusmodi cellas
extra monasterium non probavit Bernardus epistola 252. ad
Abbatem Alensem: Synagogas sathane, id est, cellulas extra
canonibium, in quibus tres vel quatuor fratres sine ordine, sine di-
sciplina habitare solent, destruis, &c. De cellarum origine &
usu Brower. Antiq. Fuldens. capite 7.





ASCETICON

SIVE

ORIGINUM

REI MONASTICÆ

LIBER DECIMUS.



CAPUT I.

Stripes fidelium in Monachos, quas Diaconiam vocabant. Monasteria accipiunt annonas e fisco. Possessione prædiorum interdictum Monachis. Portiones fratrum ἀδελφάτα. Præbendæ fratrum. Præbendæ Monachis concessæ in Ecclesiis secularibus.



PRIMITIS sæculis Ægypti & Orientis Monachi suo sumptu sese exhibebant, nimirum labore manuum, & industria sua, viventes in commune, omnibus in commune collatis, ita vt inter eos nihil proprium audiretur. Sub Valentis imperio Ægyptii Monachi a Lucio pseudo-Episopo Ale-

Ppp iij

xandrino & Ariano diram persecutionem passi, & ad metallâ Ponti & Armeniæ damnati, annonam e stipibus fidelium collectam accepere a fratribus, quam Diaconiam dicebant. Cassianus collatione 18. capite 7. *Temporibus siquidem Lucii, qui Ariana perfidia Episcopus fuit, sub Valentis imperio, cum Diaconiam nostris fratribus deferremus, his videlicet qui de Aegypto ac Thebaide fuerant ob catholicæ fidei perseverantiam metallis Ponti atque Armenia relegati.* Occidui Monachi laboris manuum pertæsi, vel potius orationem & psalmodiam, & sacrorum librorum lectionem vitæ proposito congruentiores arbitrati, omisso labore manuum, orationi, & diurnis nocturnisque officiis, & lectioni totos sese dedere, in commune vescentes & orantes. Ex his multi annonas e fisco accepere. Lupicino Abbati petenti necessaria pro sustentatione fratrum, cum Chilpericus Rex Burgundiæ agros & vineas dari iussisset, oblati rejectis, annonam annuam rogavit: cui annuens Rex, e fisco quotannis ei dari præcepit trecentos modios tritici, tot amphoras vini, & centum aureos annuos pro vestiario. Gregorius Turonensis de vit. Patrum capite 8. apud Surium. *Temporibus Gregorii I. in vrbe Romæ tria fuere millia sacrarum virginum, quæ sumptu Pontificio alebantur. Testis ipse Gregorius libro 6. epistola 22. De medietate vero ancillis Dei, quas vos Græca lingua Monastrias dicitis, lectisternia emere disposui. Nam juxta notitiam, qua dispensantur, tria millia reperiuntur, & quidem de sancti Petri Apostolorum Principis rebus octoginta annuas libras accipiunt. Sed ad tantam multitudinem ista quid sunt, maxime in hac urbe, ubi omnia gravi pretio emuntur? Manuel Comnenus cum intelligeret Monachos rerum temporalium cura a Dei cultu avocari, nulla eis prædia assignavit, sed e fisco tantum pensitari iussit quantum ad victum & cultum opus esset. Nicetas in ejus vita libro 7. Labente religione, & Monachis prædiis & latifundiis auctis, ubi a communione rerum discessum, & quisque suum dicere & habere cœpit, portiones singulis fratribus assignatæ sunt, quas Græci vocabant *ἰσλαβάται*, portiones fraternas, vt sublata communione rerum, ejus imago remaneret in nomine portionum quæ eis obtingebant. Balsam. in canone 37. Synodi VI.*

in Trullo, ex Novell. Alexii Comneni, qua cavetur Monachos electos Episcopos in Orientis Ecclesiis, quibus propter barbaricam hostilitatem potiri non licebat, retinere ea quæ sibi suppetebant in monasteriis, quæ dicuntur ἀδελφάτα, καὶ τῶν ἀπλοῦς λαορμόριον ἀδελφάται. Et idem in canone 19. Synodi VII. de non suscipiendis sæcularibus, vel Monachis alterius monasterii, ne gravetur monasterium τὸν τῶν ἀδελφάτων. In Occidente Monachis pari lapsu attributæ sunt Præbendæ, veluti Clericis sæcularibus. Cap. ultim. §. *Præcimus. de statu Monachor.* Chronic. Laurishamens. Cum mansuculis, & ceteris necessariis hortis, & pratis, cumque duabus servilibus Præbendis, & una monachica sibi met ipsi præbenda. Baldricus. Noviomensis libro 3. capite 31. *Ad præbendam fratrum Ecclesiam in Villa majoris.* Monachis etiam ex privilegio Episcoporum vel ipsorum Romanorum Pontificum tributæ Præbendæ in Ecclesiis sæcularibus in usum ipsorum, ut monasterio sancti Remigii Remensis. Tributæ Præbendæ seu Canonice Ecclesiæ de Marsna in diocesi Leodiensi. Petrus ex Abbate Cellensi Abbas sancti Remigii, libro 8. epistola 15. ad Albertum Cancellarium: *Hoc anno Dominus Papa vestro interventu privilegium suum Ecclesiæ nostræ indulsit, in quo specialiter expressit Canonias seu Præbendas de Marsna, & quas in usus proprios a multis retro temporibus retinemus, tenendas in perpetuum confirmavit: quæ etenim quondam fuerunt Canoniorum Præbendæ, a longissimis retro temporibus donatione Episcoporum Leodiensium, & confirmatione Papæ Innocentii in proprietatem transierunt & possessionem monasterii nostri, &c.* Monasterio Scototum apud Herbipolim plenam, id est, integram & perpetuam Præbendam in Ecclesia Herbipolensi tradidit & concessit Embricho Herbipolensis Episcopus, consensu totius Cleri, auctore Trithemio in Chronic. Hirsau-giensi ad annum 1130. Monachis Cluniacensibus concessæ quoque Præbendæ in variis Ecclesiis Galliæ, ut Trecensi, Carnotensi, Aurelianensi. Petrus Cluniacensis libro 1. epistola 2. *Dominus Trecensis Episcopus paratus est, ut dicit, dare nobis in Ecclesia sua unam Præbendam, sicut Carnoti vel Aurelianis antiquitus datæ sunt, ut reditu illius multa, quam non ignoratis, Cluniacensium fratrum indigentia relevetur. Quem*

locum illustrat Quercetanus; & Chopin. 2. monastic. capite 1. numero 6.



CAPUT II.

Distinctio beneficiorum secularium & regularium. Status beneficiorum præscribitur quadraginta annis. Regularia regularibus, secularia secularibus. Beneficia regularia ad tempus. Monachi possunt eligi in Episcopos.

ALIA sunt beneficia secularia, alia regularia. Secularia sunt, quæ Clericis secularibus addicta sunt, qualia censentur omnia, nisi aliud probetur, quia Ecclesia fundata est in ordine seculari. Regularia sunt, quæ ex fundatione, vel statuto, vel consuetudine præscripta ad minus possessione quadraginta annorum consulta sunt regi per regulares: status enim beneficiorum præscribitur possessione quadraginta annorum. Cap. *Cum de beneficio. de præbend.* in 6. Clement. *Quia regulares. de supplend. neglig. Prælat.* Glossar. in Pragmat. de collat. §. *Et idem ordo. verb. Regularibus.* Rebuff. in Concord. §. *Volumus. verb. Regularia. de collat.* Idem de nominat. quæstione 15. numero 26. & in Prax. tit. *Regular. beneficia multiplicia*, numero 1. Ut beneficium regulari intelligatur, sufficit ut sit fundatum in monasterio, cum secularis ibi consistere non possit. Cap. ultim. §. *Præcipimus. de statu Monachor.* Status beneficiorum mutatur præscriptione quadraginta annorum: verum ad hoc non sufficit, ut beneficium quadraginta annis possideatur per regularem, nisi possideatur cum titulo, ut regularis beneficii. Lappus Abbas in d. cap. *Cum de beneficio.* Felin. in cap. *In nostra. de rescript.* Nec sufficit, ut tanto tempore per commendatarium possideatur tanquam regulare; sed requiritur, ut possideatur a vero titulari, ut tale. Rebuff. in Concordat. §. *Volumus. de collat. verb. Tertio requiritur.* Hoc distant beneficia secularia a regularibus, quod secularia beneficia secularibus,

ribus, regularia regularibus tantum conferri possunt. d. cap. *Cum de beneficio*. d. Clem. *Quia regulares*. Conc. Trident. sess. 14. *De reform.* capite 10. sess. 25. *De Regular.* capite 21. Eodem jure regulares regularia, secularia secularia expetere debent, in vim graduum & nominationum. §. *Volumus. de collat.* in Concordi Pragmat. tit. *De collat.* §. *Illi vero*. Selva de benefic. 3. part. quaestione 58. Rebuff. de nominat. quaestione 9. num. 51. Hoc interest, quod secularis repletus non intelligitur, nisi in vim gradus obtinuerit beneficium annui redditus quadringentarum librarum: regularis repletus intelligitur, quaecumque, id est, etiam modicum, beneficium obtinuerit in vim gradus, ex constitutione regia anni Christi 1606. quae derogavit Concordato in §. *Volumus. de collat.* quo in graduales vitium repletionis non contrahitur, nisi in vim gradus adepti sint beneficium ducentorum florenorum auti annui redditus: Secularia secularibus, regularia regularibus conferri debent, nisi in defectum Clericorum secularium: tunc secularia regularibus conferri possunt, & e converso regularia secularibus. Cap. *Inter quatuor.* §. *Sed si regulares. de Religios. domib.* cap. *Abbate* in fin. *De VS.* cap. *Relatum. ne Cleric. vel Monachi*. Rebuff. in Prax. *De dispens. cum Regular.* numero 40. part. 3. Idem in Concord. *De collat.* §. *Volumus*, verb. *conformitatem*, & *de nominat.* quaestione 5. Quam in rem adducitur L. *Ut gradatim.* §. *Quoties. de muner. & honor.* Olim Monachi & Religiosi poterant promoveri ad Ecclesias parochiales & beneficia secularia, ex dispensatione ordinarii, ob penuriam Clericorum. Can. *Doctos. can. Si Monachus.* & dd. seqq. can. *In Parochia.* can. *Cum pro utilitate* 16. quaestione 1. Sed hoc vetitum fuit Conc. Lateranensi. Cap. *Monachi. de stat. Monach.* Ab hac regula excepti Canonici regulares, quibus ex privilegio Ordinis integrum fuit regere Ecclesias parochiales, quia regulae inserviunt laxiori. Cap. *Quod Dei timorem. de stat. Monach.* Quod cautius intelligendum est de Ecclesiis parochialibus annexis monasterio, in quo professi sunt, vel aliis monasteriis ejusdem Ordinis: ad alias enim Ecclesias parochiales non admittuntur, & hoc jure utimur. Selva de benefic. part. 3. quaest.

70. Brodaxus in Loetium in litt. B. num. 12. Sane Monachi sine dispensatione possunt eligi in Episcopos propter excellentiam dignitatis Episcopalis. Can. *De Monachis* 16. quæst. 1. can. *Statutum* 18. quæstione 1. cap. *Quorundam*. cap. *Si religiosus*. cap. *Nullus*. de *Elect.* in 6. Clem. 1. eodem tit. Beneficia secularia sui natura sunt perpetua, & dantur in titulum. Regularia sunt amovibilia ad nutum Abbatis, non dantur in titulum; sunt nudæ administrationes. Cap. *Cum ad monasterium*. §. *Tales*. de *stat. Monach.* cap. *Ad nostram*. cap. *Porrecta*. de *confirm. util.* capite 1. in fin. De *privileg.* in 6. Clem. *Quia regulares*. §. *Premissa*. de *supplend. neglig.* *Prelat.* Gloss. in *Pragmatic.* tit. *De collat.* §. *Et idem ordo*, verbo, *perpetuis*. Tamen in Gallia beneficia regularia desiere in perpetua, ex consuetudine præscripta, & a Prioratibus vix amoveantur sine causa, alias appellatur tamquam ab abusu ad Curiam. Rebuff. de *pacific. possess.* num. 329. & seqq. Nec omittendum, quod beneficia regularia quidem cadunt sub gradus & nominationes, prælaturæ regulares non item. Gloss. in *Pragmatic.* tit. *De collat.* §. *Et idem ordo*, verbo *Regularibus*.



C A P U T III.

Collatio portionum & beneficiorum regularium pertinet ad Abbatem. In his fit devolutio.

COLLATIO beneficiorum jure communi pertinet ad Episcopum. Can. *Omnes basilica*. can. *Nullus* 16. qu. 7. cap. *Cum olim de caus. possess. & propriet.* cap. *Cum ex injuncto*. in fin. De *heretic.* vel ad alium inferiorem, ex privilegio vel consuetudine præscripta, puta ad Capitulum. Cap. *Cum Wlterana*. de *Elect.* vel ad Canonicum hebdomadarium. cap. *Mandatum*. de *præbend.* in 6. Collatio portionum monachalium & beneficiorum regularium pertinet ad Abbatem. Cap. *ult.* De *Regular.* in 6. Clem. *Quia Regulares*. de *supplend. neglig.* *Prelat.* Gonzal. in reg. 8. Cancell. gloss. 7. Beneficia

regularia ab ordinario conferri non possunt, nisi expresse Professis. Cap. *Officii*. cap. *Cum in magistrum*. de *Electiōe*. cap. *Nullus* eodem tit. in 6. Clem. *Ne in agro*. §. *Sane Prioratus*. de *stat. Monach.* Solus Summus Pontifex potest conferre beneficia regularia profiteri volentibus, ea lege vt habitum illius Ordinis suscipere, & protectionem emittere teneantur. Conc. Trid. sess. 14. *De reform.* cap. 10. Beneficia regularia non possunt conferri Monachis alterius monasterii, & alterius Ordinis, quia idem non potest habere locum in diversis monasteriis, quorum vnum ab alio non dependeat : & hoc nisi ex dispensatione Summi Pontificis. Cap. *Cum singula*. §. *Prohibemus*. de *præbend.* in 6. Clem. 1. *De Elect.* Rebuff. in. *Prax.* *De dispensat. cum regular.* num. 1. part. 2. Joan. Papon. in Syntagm. Arrest. tit. *de capacité*, Arr. 7. Regularis non potest obtinere duo beneficia regularia : nam quodlibet ei est incompatible cum primo. d. cap. *Cum singula*. §. *Prohibemus*. d. Clem. *Quia regulares*. §. *Præmissa*. Nec regulari solet concedi dispensatio, vt possit duo beneficia sui Ordinis retinere in titulum, secus in seculari : sed cum regulari dispensatur, vt vnum habeat in titulum, alterum in commendam. Ratio est, quia si regularis haberet duo beneficia in titulum in diversis monasteriis, esset sub diversa obedientia, & diversis pareret, quod esset absurdum. Rebuff. d. tit. *De dispensat. cum regular.* num. 8. & 9. Mendicantes etiam ex dispensatione transeuntes ad non mendicantium Ordinem, Prioratus, administrationes, officia ibi consequi non possunt, ne detur occasio transeundi per ambitionem. Clem. *Ut professores*. de *regularib.* In beneficiis regularibus locum habet devolutio iuxta Lateranense Concilium : id est, si Abbas vel alius Prælatus regularis beneficia vacantia non conferat intra tempus Lateranensis Concilii, collatio devolvitur ad Superiorem. d. Clem. *Quia regulares*.



C A P U T I V.

Beneficia regularia alia sunt majora, ut Abbatia, Prioratus conventualis & claustralis : alia minora, ut Prioratus extra claustrum, seu Obedientia.

BENEFICIA regularia, alia sunt majora seu duplicia, alia minora seu simplicia. Majora seu duplicia sunt 1. Abbatia regularis, quæ est dignitas electiva : Abbatis enim electio pertinet ad Monachos vel Canonicos regulares. Can. *Congregatio* 16. quæst. 7. cap. *Cum dilectus. de consuetud.* cap. *Ne pro defectu. de Elect.* Et in electione Abbatum servatur forma cap. *Quia propter* eodem tit. 11. Prioratus conventualis : est enim dignitas electiva pariter atque Abbatia, & Prioris conventualis electio pertinet ad Capitulum. Cap. *Nisi essent. de præbend.* cap. *Monachi. de stat. Monach.* Clem. *Ne in agro. §. Cæterum* eodem tit. Clem. *Exsi principalis. de rescript.* Prior conventualis est Præpositus monasterii sui, super se Abbatem non habet. Cap. *Cum in Ecclesiis. de majorit. & obedient.* Hodie in vtrisque, id est, monasteriis, quæ per Abbatem reguntur, & Prioratibus conventualibus, sublata electione nominatio pertinet ad Regem, & collatio ad Summum Pontificem. §. *Monasteriis.* Rubr. *de reg. ad Prælat. nominat.* in Concordat. 111. Prioratus claustralis : Prior claustralis post Abbatem Monachis præest in claustro & monasterio. Cap. *Cum ad monasterium. §. Prior autem. de stat. Monach.* Clem. *Ne in agro. §. Abbate* eodem tit. Minora vel simplicia beneficia regularia, sunt quæ conferuntur ab Abbate vel alio Prælato regulari, ut Prioratus simplices, qui sunt extra monasterium, & pendent a monasterio, unde dicuntur Obedientiæ. d. cap. *Cum ad monasterium. §. Tales.* d. cap. *Monachi.* & qui his præponuntur, Obedientiarii. Matth. Paris. ad ann. 1244. *Depositus tamen & alii cum eo, quos idem Prior semere instituerat, Obedientiarii & ministri saculares.* Idem ad

ann. 1254. Omnes quoque Obedientarios Ecclesiæ sancti Albani, etiam Eleemosynarios convocans, fecit taxare bona sua districte & fideliter. Prioratus & administrationes. Cap. Ad nostram. cap. Porrecta. de confirmat. xii. Clem. Ne in agro. §. Sane. de stat. Monach. quia sunt nudæ administrationes, quæ conceduntur ad tempus, non in perpetuum, ad nutum Abbatis amovibiles. De his Rebuff. in Prax. part. 2. tit. Regularia beneficia multiplicia.



CAPUT V.

Inter beneficia regularia censentur Præceptoræ seu Commende Ordinis sancti Joannis Hierosolymitani: hæ sunt ad vitam. Harum collatio pertinet ad Magistrum Ordinis. In his non fit devolutio.

BENEFICIIS regularibus accensentur & Præceptoræ seu Militiæ Ordinis sancti Joannis Hierosolymitani, quas vulgus Commendas vocitat, quia milites Hierosolymitani gaudent omnibus privilegiis regularium. Tria vota solemnia, obedientiæ, continentiæ, & paupertatis, emittunt: habent Priorem, & Fratres dicuntur, sicut alii regulares. Cap. Uxoratus. de Convers. conjugat. cap. Tuarum. de privileg. cap. Canonica. de sentent. excommunicat. Præceptoræ licet sint nudæ & simplices administrationes, tamen conceduntur ad vitam, nec adimuntur sine causa, & Præceptores pro titularibus habentur, & eo jure possunt agere & defendere in jure & judicio pro rebus suis: & licet sint extorres & peregrini, & alias incapaces beneficiorum, Præceptoras hujusmodi obtinere non prohibentur, quia favor religionis & militiæ purgat vitium peregrinitatis. Cap. Cum deputati. de judic. Collatio hujusmodi Præceptoriarum pertinet omnino ad Magistrum Ordinis: unde, ni fallor, dictæ sunt Præceptoræ, quia obtinentur ex præcepto, id est, mandato Ma-

gistri Ordinis. Nec Summus Pontifex vel Legatus Sedis Apostolicæ potest his manum injicere, nec in his locum habet devolutio, quæ in aliis beneficiis regularibus. Clem. *Quia regulares. de suppl. negligentia Prælat.* Nec judicium possessorium potest moveri pro his coram iudicibus ordinariis, sed res disceptatur apud Magistrum Ordinis. Chopin. *De S. Polit.* lib. 3. tit. 3. num. 11. & hujusmodi Præceptorix non possunt yniri beneficiis Ecclesiasticis. Joan. Gallus quæst. 249. Molin. in reg. *De infirm.* num. 221. Rebuff. de pacific. possess. numero 91. Item Præceptorix ejusdem Ordinis non sunt affectæ graduatis vel nominatis. Rebuff. de nominat. quæstione 15. num. 6. Chopin. monastic. libro 1. capite 1. num. 8.



CAPUT VI.

*Peculium Monachorum acquiritur monasterio vel Abbati;
Vitium peculiaritatis, jus spolii.*

PRIORATUS & alia beneficia regularia sunt nudæ administrationes, & Monachi si quid parsimonia ex his quæsierint, habent tantum administrationem & usum, & quicquid acquirunt, id acquirunt monasterio. Can. *Statutum* 18. quæst. 1. Nec enim Monachis licet quidquam habere in peculio, id est, in proprio. Can. *Non dicatis* 12. qu. 7. Regul. Bened. cap. 55. & cap. *Monachi.* cap. *Super quodam. de statu Monach.* Et vitium peculiaritatis in Monachis valde detestatur Gregor. I. lib. 10. epist. 22. *Fratri & Coepiscopo nostro omnino dicere stude, ut peculiaritatem a quatuor aut quinque monasterii Monachis studiosissime compescat, quia si illic peculiaritas a Monachis habetur, nec concordia, nec caritas in congregatione eadem poterit permanere.* Idem lib. 1. epist. 40. *Sed & quod non licere notum est, peculiaritati eorum singulos studere.* Et si Monachi in ultimo vitæ spiritu deprehensi fue-

rint cum peculio, sepeliuntur in sterquilinio extra monasterium, nec oblatio pro eis fit. Cap. *Monachi*. cap. *Cum ad monasterium*. de *stat. Monach.* Et hac disciplina in Monachos vsum Gregorium, testis ipse Dialogor. 4. cap. 55. & Joan. Diacon. ejus vit. lib. 4. cap. 76. Monachi dum spirant & vivunt, habent vsum & administrationem rerum, sed in morte amittunt omnem dispositionem, & eis aptatur quod dicitur de libertis qui aureis annulis donati sunt a Principe: *Vivunt quasi ingenui, moriuntur ut liberti*. L. 3. De bon. libert. L. ult. C. eodem tit. Monachus quidquid est in peculio acquirit monasterio. d. can. *Statutum*. vel Abbati, ex consuetudine, vel statuto, vel privilegio. Cap. *Præsenti*. de offic. *Ordinar.* in 6. Sic Abbatem sancti Antonii Viennensis habere jus spoli in Præceptorii Ordinis, auctor est Marcus decif. 1069. part. 1. Spolium jus succedendi in peculio Monachi, quod competit monasterio seu Capitulo vel Abbati, voce desumpta a spolio quod proprie significat vestem quæ detrahitur. Tertull. de resurrect. carn. capite 7. *Ita quod hodie spoliū efficitur, si detrahatur, hoc fuit indumentum*. Et idem cap. 12. ejusdem libri: *Quippe etiam terra de celo disciplina est arbores vestire, post spolia*. Eadem analogia spolia mortuorum dixit Cyprian. ad Demetrianum. *Fugientes morientium funera, & appetentes spolia mortuorum, & spolia latronum*. Tryphoninus in L. *Bona fides*. ff. *Deposit.* exempli loco latro, *spolia quæ mihi abstulit, posuit apud Seiam*. Cum vero Capitulum vel Abbas succedit in spolio defuncti, quia jure suo succedit, & spoliū occupat jure peculii, non tenetur creditoribus defuncti ultra vires peculii. Marcus qu. 96. part. 1. *Redoan. De spoliis quæst.* 9.






CAPUT VII.

*Prædia Monachorum grangia. Ecclesie parochiales
& decimæ tributæ Monachis. Hærum regimen penes
Vicarium perpetuum. Redemptio altarium.*

NON vna fuit dos monasteriorum : alia enim variis a fundatoribus dotata sunt prædiis, Cistercienses grangias vocabant, in quibus oratoria constructa sunt in vsum Monachorum. Cap. ult. *De censib.* Hinc frequens mentio grangiarum apud scriptores ejus ævi. Jacob. a Vitriac. Hist. Occident. lib. 2. cap. 14. *Fratres eorum in grangiis & mansionibus suis extra Abbatiam vinum non bibunt.* Cæsarius de Miracul. lib. 3. capite 25. *Eadem nocte cum Abbas in quadam sua grangia dormiret.* Et idem lib. 4. capite 62. *Præpositus ad unam grangiarum suarum venit, in qua pullum equinum pulcrum satis vidit.* Inde manarunt cellæ & Prioratus, de quibus superius diximus. Præter prædia & possessiones, beneficio Episcoporum, necnon laicorum militum, Monachis attributæ sunt decimæ, & vna cum his Ecclesiæ parochiales : de quo cum Cistercienses Cluniacensibus obstreperent, hæc de re apologiam scripsit Petrus Cluniacens. lib. 1. epist. 28. ad Bernardum Abbatem Clarevallensem. *Deinde subjungitis interrogando, quæ ratio vel auctoritas possessiones Ecclesiarum parochialium, primitiarum & decimarum nobis contulerit, cum hæc non ad Monachos, sed ad Clericos canonica sanctione pertineant. Nos vero sicut in supradictis, sic & in istis Catholicæ Ecclesiæ auctoritatem præstendimus, atque ipsius sanctionibus nos parochiales Ecclesias, & idcirco ipsarum primitias & decimas legitime possidere confirmamus, &c.* Sed quia Monachi Ecclesias parochiales per se, vel per conductitios Presbyteros regebant, in Concilio Claromontensi, præside Urbano II. vetitum est, ne parochiales Ecclesias regerent per se, vel per conductitios Presbyteros, sed per Vicarios perpetuos, quos designarent instituendos per Episcopum. Can. *Sane* 16. qu. 2.

can.

can. *Capellanos* 13. quæst. 2. cap. 1. De capel. *Monachor.*
De quo Ivo Carnot. epist. 69. ad Gualterum Præpositum
Stirpensem. *Quantum intellexi ex litteris ex vestra parte mihi
nuper oblatis, graviter fere vestra fraternitas, quod Lemovicensis
Episcopus in Synodo agens, interdixit omnibus regularibus Cleri-
cis & regimen Parochiarum, & confessionem penitentium.*
Aliquando tamen ab Episcopis, Monachis permissum regi-
men parochialium Ecclesiarum. Trithemius Abbas in Chro-
nic. Spanheimens. ad ann. 1130. ex Tabulis Adelberti Ar-
chiepiscopi Moguntini. *Parochianus. quoque Presbyter a fra-
tribus & eorum Patre de eorum collegio constituatur, ut omni
remota inquietudine secura libertate perseveret in Dei laudibus.*
A regimen Parochiarum per se vel conductitios Presbyte-
ros ægre abstinuere Monachi. De Monachis sancti Bertini
testatur Stephanus Tornacens. epist. 200. *Ecclesiam habent
apud Coclech, in qua per annuos & conductitios mercenariosque
Sacerdotes sæpe & per se ipsos, quod sacris canonibus inhibendum
est, parochialia ministrant.* Hoc vnum interdictum est, ne
a laicis decimæ & Ecclesiæ darentur monasteriis sine con-
sensu Episcoporum. Can. *Congregato.* can. *Decimas* 16. quæst.
7. cap. In *Lateranensi.* de præbend. Monachi ad hoc consen-
sum Episcoporum redemerunt, in singulis mutationibus
Presbyterorum concessio pretio redemptionis altarium no-
mine, quod vetuit Urbanus II. in Concilio Claromon-
tensi, salvo censu annuo qui Episcopo præstari solebat.
Can. *Quæstum* 1. quæstione 3. De quo Joannes Saresber.
Polycratic. lib. 7. capite 17. Goffrid. Vindoc. libro 3. epist.
12. Gregor. VII. libro 4. epist. 7. Ivo Carnot. epist. 12.



CAPUT VIII.

*Monachi dotati latifundiis. His interdictum Monachis,
Constitutione Manuelis Comneni.*

PRÆTER prædia & decimas, Monachi ex donationi-
bus Principum, & aliorum fidelium, etiam feuda, ho-
mines & colonos, & ditiones omnimoda jurisdictione præ-

Rrr

ditas accipere : ex quo ita intumescere , ut non amplius Monachi , id est , lugentes & pœnitentes , sed Dynastæ & reguli viderentur. Cistercienses Benedicti Regulæ sequaces & vindices , abjectis his omnibus , loca squalida & inculta elegere , quæ per fratres laicos , quibus Conversi nomen erat , excolebant , ex statuto seu regula Stephani Abbatis Cisterciensis , quæ dicta est Regula Caritatis. Sigebert. ad ann. 1107. Stephanus Abbas Cisterciensis regulam composuit , quam voluit nominari Chartam Caritatis. Et infra : Tuncque definirunt se suscepturos quoque terras ab habitatione hominum remotas , & vineas & prata & silvas , aquisque ad faciendos molendinos , ad proprios tamen usus & ad piscationem , & equos pecoraque diversa necessitati hominum utilia ad exercendas agriculturas instituissent : decreverunt ut prædicti Conversi domos illas regerent , non Monachi , quia habitatio Monachorum secundum regulam debet esse in claustris ipsorum. Sub initio Cistercienses Cluniacensibus obmurmurabant , quod castra & latifundia possiderent : de quo sese & suos tuetur Petrus Cluniacens. libro 1. epist. 28. Monachi cuncta fidelium oblata , sive in mobilibus , sive in immobilibus , suscipiunt , atque orationibus juniorum , & ceterorum bonorum instantiam benefactoribus recompensant. Et infra : Si castrum aliquod Monachis detur , jam castrum esse desinit , & esse oratorium incipit , &c. Sed ut mores hominum in lubrico sunt , nec diu sibi constant , & disciplina re recenti incalescit , & brevi refrigerat , Cistercienses ipsi non longe post a proposito defecere , & pari lapsu cum Cluniacensibus feudis & ditionibus aucti : de quo eis acerbius succensuit Alexander III. in cap. Reolentes. de stat. Monach. Dolentes dicimus , quod etsi non ab omnibus , neque in omnibus , a plerisque tamen & in pluribus , ab illa sancta institutione dicitur declinatum , in tantum ut aliqui ex vobis patria institutionis obliti , contra Ordinis vestri regulam , villas , Ecclesias & altaria possident , fidelitates , & hominia benigne suscipiunt , iustitias & tributarias tenent , &c. Eodem vitio Monachos notat Petrus Blesensis scriptor ejusdem ætatis , epist. 102. Delectabile quippe est in Monacho , & sub quocumque coloris habitu , honore , aut titulo potestatis habeat feuda , servos & ancillas , homa-

gia & fidelitates atque ligantias, ut hominibus angarias & parangarias extorqueat, onera publicæ functionis imponat. In Oriente Manuel Comnenus cum intelligeret Monachos cura agrorum a Dei cultu avocari, eis prædia & possessiones ademit, & eis e fisco præstari iussit quantum ad victum & cultum opus esset: & sanctionem Nicenori Phocæ olim abolitam de non augendis monasteriorum fundiis, quasi postliminio revocavit, auctore Niceta in ejus vit. libro 7.



CAPUT IX.

In monasteriis Præbendæ adscriptæ etiam fidelibus laicis egentibus, vel Episcopis sedibus suis pulsis, fundatoribus vel beneficiis, quæ Græcis ἀδελφότητες. In Gallia juris regii est militem veteranum imponere singulis monasteriis, quem vocant Oblatum.

PRÆTER Præbendas fratrum olim in majoribus monasteriis etiam statuta fuere Præbendæ in solatium fidelium laicorum egentium, qui inde Præbendarii dicti, ut distinguerentur a Monachis. Bernard. in sermon. in obitum Humberti Monachi, dicebat se monasterii hujus Præbendarium esse, & nullius tamquam utilitatis hominem. Suasque Præbendarias habuere etiam monasteria virginum. Engelhardus Abbas in vit. S. Mechtildis apud Canisium tom. 5. antiquar. lect. Filia cujusdam carnalis erat demonum habens, cui locum pater impetraverat in monasterio Præbendaria, non sororis; sed a sororibus sequestratum, & hoc prece, non pretio factum. In monasteriis quoque fundatoribus vel benefactoribus Præbendas impensas Precariæ nomine, observo ex Chronic. Laurishamensi, ubi Adelberonem Augustensem Episcopum, traditis monasterio rebus suis, vicissim per Precariam suscepisse vnam monachicam Præbendam, id est, vnam sibi, qualem habebant fratres, & duas ser-

viles in sustentationem duorum Cervulorum, qui in ejus obsequio essent, dum esset in monasterio. Apud Græcos. etiam in Patriarchicis monasteriis Patriarchæ CP. licebat fidelibus laicis casu in egestatem lapsis, vel Episcopis in barbarica sedibus suis pullis, *ἀλλοτρίαις*, fraternitates seu portiones fraternas erogare: quod probatum Novell. Alexii Comneni, quæ extat apud Balsomon. in can. 19. Synodi Nicænæ I I. & libro 2. Juris Græco-Rom. pag. 142. In Gallia in monasteriis Regiæ, Ducalis vel Comitatus fundationis, Reges nostri jam olim vtuntur jure imponendi militem veteranum in alimentarium. Eodem jure potiri Reges Anglorum. Eodem abusum Eduardum I I I. in gratiam veterum Palatinorum, refert Matthæus Westmonaster. ad annum 1305. Hoc onere tenentur etiam Prioratus conventuales electivi, modo redditus non sit minor mille, vel ducentarum & mille librarum, ne si forte sint minores, nimium graventur. Prioratus vero collativi vacant ab onere, etiam si pendeant e monasterio Regiæ, Ducalis vel Comitatus fundationis. Nec onus monasteriis remittitur ob secularisationem, quia mutatio status, quæ non fit absque consensu Regis, intelligitur fieri cum sua causa & onere. L. *Legatum sub conditione. ff. De adimend. legat.* & salvo jure regio, quia Princeps vel Pontifex non concedit privilegium contra se ipsum. L. *7. ubi nemus. C. De ss. Eccles. Cap. Suborta extra De re judic. cap. Dilectus. de capell. Monach. cap. Cum instantia. de censib.* Prioratus Cluniacensis Ordinis, Celestini & Cartusiani ab hoc onere soluti. Hac de re passim Chopin. 2. monastic. tit. 1. numero 6. Idem S. Polit. libro 3. tit. 2. Pasquier libro 3. disquisit. capite 30. Loetius in litt. O. num. 7. & ibi Brodeus, Canut. libro 1. capite 8. & nos ipsi libro 1. de Ducibus & Comit. capite 12.

F I N I S.



Typis Viduz EDMUNDI MARTINI, via Jacobæ, sub Sale aureo.

